



*Acta eruditorum*















90-3-44

~~66-2 A = H. 12~~

5-1ED REV. 1



Incluido en el índice de libros  
decretados por decretos de  
1292 y 13-VIII-1791



# ACTA ERUDITORUM, ANNO MDCC XXV

publicata.

*Cum S. Cæsareæ Majestatis & Regis Pol.  
atque Electoris Saxoniae Privilegiis.*

---

LIPSIÆ,

Prostant apud JOHAN. GROSSII Hærcdes,  
JOH. FRID. GLEDITSCHII B. FIL.

ET

THOMAM FRITSCHIUM.

---

Typis BERNHARDI CHRISTOPH. BREITKOPFII.  
A. MDCC XXV.



1871

1871

1871



No. I.  
**A C T A**  
**ERUDITORUM,**

*publicata Lipsiæ*  
*Calendis Januarii Anno MDCCXXV.*

**GERARDI NOODT, NOVIOMAGI, JURIS**  
*Consulti & Antecessoris, Opera omnia, ab ipso recognita, au-*  
*cta, emendata multis in locis, atque in duos Tomos*  
*distributa.*

Lugd. Batav. apud Johannem van der Linden, 1724, fol.

• Alfab. 14.

**P**rodierunt tandem in lucem avidis bonorum omnium vo-  
tis diu expectata Jurisconsulti summi Opera omnia. Offert  
nobis Tomus primus opuscula, quibus olim jurispruden-  
tiam illustravit & quæ jam A. 1713, 4 junctim typis edita  
fuere. Horum numero in nostra editione nihil augmenti accessit,  
præter *amicam Responſionem ad difficultates a Viro Amplissimo*  
*Corn. van Bynckershoek Julio Paulo motas.* Tomus secundus ex-  
hibet Commentarium in Pandectarum libros XXVII, cujus pars  
prior, in Digestorum libros IV priores, A. 1716, 4 prodiit. Ha-  
buimus rationem limitissimarum harum Autoris lucubrationum,  
suo quarumvis loco & ordine, & inde diligentia nostræ sola super-  
est Commentarii pars ultima, in secundam, tertiam & quartam  
Pandectarum periodum. Antequam vero recensendæ ei manum  
admoveamus, Lectorem moneamus, necesse est, intercidisse fere  
egregiam spem nostram, qua per vegetam auctoris senectam in in-  
tegra Digesta Commentarios ejus expectabamus. Jam enim ea, qui-  
bus antea oblectabatur, studia fatigant Virum, haud procul ab octo-  
gesimo ætatis anno constitutum. Igitur memor legis naturæ, non  
amplius meditari EDICTUM PRÆTORIS, sed in cogitatione  
vitæ melioris mentem animumque omnem defigere decrevit, ratus,

*Sat patriæ Priamoque datum.*

A

Redi-



Redimus ad Commentarium. Non deserit Autor viam, qua semel laudabiliter incedere cœperat. Repetit jus civile a prima sua origine, sollicitus, quid Decemviro-  
rum primo prudentia in legibus XII Tabb. sanciverit, quid dein jus honorarium immutaverit, quid jurisprudentia antiqua & media adjecerit, quid denique Imperatorum majestas & decernendo & rescribendo innovaverit. Videas & mirere in conferendis fragmentis diligentiam singularem, in componendis sagacitatem eximiam, in emendandis & restituendis locis luxatis curiosam Viri felicitatem. Proclive nobis esset, hic exhibere emendationum potissimum exempla, sed quotusquisque est eruditorum, qui tot egregiis experimentis edoctus, non optima quævis speret de Autoris ingenio, & inde emendationes in ipso opere integras evolvere, quam hic truncatas legere malit? Accedit, quod hoc studiorum genus, tanquam difficile, triste & spinosum, fugiunt & horrent quidam, imprimis nostris, qui hinc alia commendatione ad lectionem utilissimi operis excitandi sunt. Cum vero, teste *Plinio* in *præf. H. N.* maxima pars studiorum amœnitates quærat, age, ponamus operam, ut Autoris exemplo elucescat, quantum lucis & amœnitatis arti severæ e lectione veterum Philosophorum, Historicorum & Poetarum accedere possit. Sed cum imprimis nobis cavendum fit, ne earum multitudine legentibus fastidium procreemus, paucas quidem, at eas selectas Autoris observationes delibare constituimus.

T. II p. 156

Quærit ad titulum de *inofficioso testamento*, cur illud a Gajo in l. 12 §. 1 D. d. *bon. poss. contr. tabb.* jure factum esse dicatur, cum sit impium atque inhumanum? Respondet vero, id ideo fieri, quia hujusmodi ultima voluntas conveniat verbis legis XII Tabb. *ut legasset, ita jus esto*, nec mirum videri debere, addit, dedisse hanc legem patri exheredandi potestatem, cum eadem ei & occidendi dederit. Credidisse scilicet, differente *Cicerone* pro *Roscio Amerino* C. 19, Decemviros, *patrem sane mentis non venturum ad exheredandum filium, nisi magnis illius peccatis incensum, ut naturam ipsam vinceret, ut amorem eum penitus insitum ejiceret ex animo, ut denique patrem se oblivisceretur.* Id ipsum significare *Senecam* d. *Clem. I.* 14, cum sic scribit: *Num quid aliquis sanus filium ad primam offensam exheredat? nisi magnæ & multæ injuriæ patientiam ejus*



*ejus exicerint. Nisi plures est, quod timet, quam quod damnat, non accedit ad decretorium stilum: multa ante tentat, quibus dubiam indolem & pejore loco jam positam revocet; simul deplorata est, jam ultima experitur. Voluisse igitur legem, patris, quod de eo bene speraret, esse arbitrium exheredandi filii.*

Observat ad eundem titulum, Papinianum in l. 13 cod. af-p. 161. firmare, olim dubitatum fuisse, an pater contra filii testamentum haberet querelam inofficiosi? scilicet in causa fuisse, quod, sive ordinem naturæ, sive spem parentum spectemus, non sit in votis, ut parentes liberis, sed ut liberi parentibus sint superstites. Apte in hanc rem Penelopen apud Ovidium scribere Epist. I Heroid.

*Di, precor, hoc jubeant, ut euntibus ordine fatis*

*Ille meos oculos comprimat, ille tuos.*

Esse deinde in corpore inscriptionum Gruteri p. 716 N. 7 inscriptionem sequentem huc pertinentem: VLPiA. PAVLiNA. MATER. INFELICISSiMA. CONTRA. VOTVM. PIETATIS. POSVIT. Loqui eodem modo Quintilianum Decl. 6: *Ille est filius noster, cuius spes ipsas amavimus, quem apud omnia templa & surdos votis deos superstitem precati sumus, a quo sepeliri optavimus.* Porro hoc votum parentum indicare aliam inscriptionem veterum apud Gruterum p. 669 Inscr. 4, quæ ita habet: ANTONIVS. SEVERVS. AQVILA. HIC. JACET. SINE. ANiMA. MISERABILI. FATO. QVI. VIXIT. ANNOS. Bissenos. ET. SEX. MENSES. CVI. VOTA. ERANT. VT. PARENTIBVS. ISTA. PARARET. SED. MORS. IMMATVRA. FECIT. VT. PARENTES. FACERENT. FILIO. CONTRA. ORDINEM. Senecam vero plane liberorum votum, suos parentes sibi superstites sperantium, contra bonos mores esse, arbitrari. Non est ignotum, inquit Seneca *Consolat ad Martiam c. 1, qualem te in personam tui patris gesseris, quem non minus quam liberos tuos dilexisti: excepto eo, quod non optabas superstitem, nec scio an & optaveris.* PERMITTIT enim sibi quædam ET CONTRA BONUM MOREM magna pietas.

Ad titulum, de his, qui effuderint vel dejecerint, apponit primo Edicti verba, quibus Prætor judicium in duplum dat, contra

eum, qui ibi habitaverit, unde in eum locum, quo vulgo iter fit, dejectum vel effusum quid fuerit. Affirmat vero Auctor noster, Edictum hoc ea propter inprimis necessarium fuisse, quod plebs Romana magna ex parte habitaret in cœnaculis, id est, in superioribus ædium locis, & quia ex his cœnaculis plurima in viam publicam dejicerentur & effunderentur, vix potuisse sine periculo, qua vulgo iter erat, transiri. Id loqui & observare Juvenalem 1 Sat. III v. 268.

*Quod spatium tectis sublimibus, unde cerebrum  
Testa ferit, quoties rimosa & curta fenestris  
Vasa cadunt, quantum percusso pondere signent  
Et ledant silicem, possis ignavus haberi,  
Et subiti casus improvidus, ad cœnam si  
Intestatus eas, adeo tot fata, quot illa  
Nocte patent vigiles te prætereunte fenestra.  
Ergo optes votumque seras miserabile tecum,  
Ut sint contentæ patulas desundere pelves.*

p. 259

Ad caput de aleatoribus, cum de Edicti Prætorii capite primo sermo est, quo Prætor iudicium negat contra eum, apud quem alea lusus esse dicetur, si quis eum verberaverit, damnumve ei dederit, observat Auctor, hanc Prætoris severitatem notabilem quidem, at tamen non inauditam esse jure civili. Nam & alibi fieri, ut aliqui tam viles putentur, ut oporteat eos esse infra omnem legum curam. Exemplum esse in l. 29 C. ad legem Juliam de adulteriis. Esse & aliud apud Valerium Maximum L. 7 c. 7, ubi loquens de decreto Q. Metelli Prætoris urbani, qui lenoni denegaverit bonorum possessionem secundum Juventii tabulas: *Vir, inquit, nobilissimus & gravissimus fori ac lupanaris separandam conditionem existimavit: nec aut factum illius comprobare voluit, qui fortunas suas in stabulum contaminatum projecerat, aut huic tanquam integro civi jura reddere, qui se ab omni honesto vitæ genere abruperat.* Eodem modo loqui Quintilianum Declam. 385: *Quamquam, ut fecerim damnum, merito tibi delata talio est; propter quem damna omnes faciunt. Leno est publicum malum.*

8 2.

Pergimus ad caput Pandectarum de jurejurando. Repetite ejus definitionem Auctor ex Cicerone lib. 3 d. Offic. qui illud affirmatio-

nem



## MENSIS JANUARI A. MDCCXXV.

*nem religiosam esse ait.* Subjicit Autor, religionem a Nonio dici *Deorum culturam ac metum.* Inde jusjurandum esse affirmationem religiosam, quæ fit cum metu Divini Numinis. Fieri enim jusjurandum semper cum execratione sui, Deo, qui omnia scit & omnia valet, adhibito perjurii teste & vindice. Esse inde apud Ovidium L. VII Metam. v. 46:

*Et dabit ante fidem: cogamque in fœdera testes  
Esse Deos.*

Et apud eundem Lib. III v. 457 d. arte am.

*Parcite, Cecropides, juranti credere Theseo;  
Quos faciet testes, fecit & ante Deos.*

In titulo de conditione ob turpem vel injustam causam ait Ulpianus L. 4 § 3: *Quod meretrici datur, repeti non potest, ut Labeo & Marcellus scribunt. Sed nova ratione, non ea, quod utriusque turpitudoverfatur, sed solius dantis. Illam enim turpiter facere, quod sit meretrix, non turpiter accipere, cum sit meretrix.* Huic illustrandæ monet Autor, sermonem esse Ulpiano de meretricibus, artem meretriciam veteri more professis apud ædiles. Hanc artem profiteri turpe habitum fuisse: adeo ut in eas, quasi indignas omni legum cura, deinde impune admitteretur stuprum & adulterium. Fuisse hujus generis meretricem, de qua Tacitus Lib. II annal. c. 85: *Vestilia, Pratoria familia genita, licentiam stupri apud ædiles vulgaverat, more inter veteres recepto, qui satis pœnarum adversum impudicas in ipsa professione flagitii credebant.* Dicere igitur Ulpianum, mulieres turpiter facere, quod sint meretrices, at non turpiter accipere, cum sint meretrices: ducto argumento a decoro artis professionisque, quale hoc lenæ apud Plautum *Asinar.* I, 3:

*Quid me accusas, si facio officium meum?*

*Nam neque usquam fœctum, neque pictum, neque scriptum in  
poëmatibus.*

*Ubi lena bene agat cum quiquam amante, quæ frugi esse vult.*

Quæ ultima sunt verba S<sup>C</sup>ti Macedoniani: ut scirent, qui pessimo exemplo fœnerarent, nullius posse filii jam bonum nomen expectata patris morte fieri, ea sic explicat Autor. Sufficere Senatui, a fœneratore peccari exemplo, etsi non peccetur consilio. Hisce porro verbis, *expectata patris morte*, rem odiosam ac nefariam a Senatu

significari. Convenire nempe filii boni & pii officio *Juvenalis* dictum *Sat. IV, v. 43*:

*Funus promittere patris*

*Nec volo, nec possum.*

De impio contra *Ovidium* Lib I *Metam.* scribere:

*Ante diem patrios inquiri in annos.*

Alterum igitur optare vitam patris, alterum expectare ejus mortem. Demeam apud *Terentium* *Adelph. 5, 4 20* hanc in rem sic loqui: *Illum ut vivat optant, meam autem mortem expectant scilicet.* Eodem alludere *Quintilianum* Lib. IX *Instit. Orat. c. 3*: Cum *Proculejus* quereretur de filio, quod is mortem suam expectaret, & ille dixisset se vero non expectare, imo, inquit, rogo expectes, contraria scilicet verbi significatione: & *Livium* verbis sequentibus *LXXVIII c. 27*: *In castris en meis, quantum me opinio sefellit, fama mortis mea non accepta solum sed etiam expectata est.*

p. 428,

In l. 56 *Locati conducti* *Paulus* sic scribit: Cum domini horreorum insularumque, diu non apparentibus nec ejus temporis pensiones exsolventibus conductoribus (petunt ut sibi liceat) aperire & ea quæ ibi sunt describere, a publicis personis, quorum interest, audiendi sunt, tempus autem in hujusmodi re biennii debet observari. Notat ad hæc verba inter cetera Autor, diu hic a *Paulo* exponi per biennium, cujus etiam mentio sit in l. 54 §. 1 D. h. t. Et in hoc *Martialis* Lib. XII *Epigr. 32*:

*O Juliarum dedecus Calendarum!*

*Vidi, Vacerra, sarcinas tuas, vidi:*

*Quas non retentas pensione pro bima*

*Portabat uxor rufa.*

456. Explicat Autor ad caput *Pandectarum* de *Ædilitio edicto* inter cetera sequentem edicti versum: Si mancipium adversus ea venisset, sive adversus quod dictum promissumve, cum veniret, fuisset, judicium dabo; & monet cum *Ulpiano*, venditorem quædam promississe etsi non præstaret: veluti ea, quæ ad nudam laudem servi pertinent. Sic solere venditores: exemplum in mangone, apud *Horatium* lib. II *Ep. 2*:

*Hic &*

*Candidus & talos a vertice pulcher ad imos.*

De



De hujusmodi venditione esse illud *Ciceronis* Lib. 3 d. *Offic.* *Qui* *proscribunt villam bonam, ut illi afferunt, beneque edificatam, non* *existimantur fefellisse, etiamsi illa nec bona, nec edificata ratione.* Eundemque addere rationem: ubi enim *judicium emtoris est, ibi* *fraus venditoris qua potest esse?* Ex eodem genere esse illud *Lucilii* apud *Gellium* Lib. III N. H. c. 14:

*Quidni? & scruta quidem ut vendat scrutarius, laudat*  
*Præfractam strigilem, soleam improbus dimidiatam.*

Sub titulo de probationibus & presumptionibus sollicitus de defini- p. 474.  
tione, qua probatio fides legitima dicitur, quam *judici de re contro-*  
*versa facit is, qui dicit, rem controversam rei liquidæ opponit eo-*  
*que adducit sequentia* *Quintiliani* verba Lib. V *Instit. Orat.* c. 12:  
*In rebus apertis argumentari tam sit stultum quam in clarissimum*  
*solem mortale lumen inferre.* Notat dein, quod res est, rem contro-  
versam imprimis eam significari, de qua lis est. Pertinere huc se-  
quentia *Martialis* Lib. VI *Epigr.* 19:

*Non de vi, neque de cade, nec veneno*  
*Sed lis est mihi de tribus capellis*  
*Vicini, queror has abesse furto,*  
*Hoc judex sibi postulet probari.*

Venimus nunc ad titulum de ritu nuptiarum, qui harum *animæ* 485:  
nitatum plenissimus est. Inquiret primo, quid inter nuptias & ma-  
trimonium intersit, & dein nuptiarum definitionem aggreditur,  
quæ in §. 1 *Instit. de patr. potest.* sic habet: *Nuptia sive matrimo-*  
*nium sunt viri & mulieris conjunctio, individuum vitæ consuetudi-*  
*nem continens.* Observat Autor, nemini apud Romanos fas fuisse,  
binas simul uxores habere, conjunctionem vero, cujus in definitio-  
ne mentio, duplicem fuisse, aut enim fuisse solennem & legitimam  
juris civilis, aut juris gentium simpliciter. De priori loqui *Juvena-*  
*lem* Sat. X v. 333, cum sic inquit:

*Dudum sedet illa parato*  
*Flammeolo, Tyriusque palam genialis in hortis*  
*Sternitur; & decies ritu centena dabuntur*  
*Antiquo; veniet cum signatoribus auspex.*  
*Hæc tu secreta & paucis commissa putabas.*  
*Non nisi legitime vult nubere.*

Porro

Porro dici nuptias individuam vitæ consuetudinem, non quod nō sit Imperator eas divortio unquam solvi ex post-facto: sed quod velit, hoc voto fieri, ne aliter quam morte interrumpantur. Ne deesset exemplum, apposuit hoc Tibulli Lib. III eleg. 3:

*Sed tecum ut longæ sociarem gaudia vitæ,  
Inque tuo caderet nostra senectæ sinu;  
Tunc cum præmensa defunctus temporalis lucis  
Nudus Letheæ cogerer ire via.*

Similiter meretricem, vitæ suæ rationem comparantem ei, quæ est fœminæ honeste viventis, apud Terentium *Heauton.* 2, 4 sic loqui:

*Vobis cum uno semel ubi ætatem agere decretum est viro,  
Cujus mos maxime est consimilis vestrum, hi se ad vos applicant.*

*Hoc beneficio utrique ab utrisque vero devincimini,  
Ut nunquam ulli amoris vestro incidere possit calamitas.*

Quæ Autor annotat de nuptiis incestis, quæ cognatione impediuntur personarum contrahentium, itidem digna sunt, quæ hic referantur. Ait Paulus in l. ult. D. h. t. Incestum juris gentium admitti ab eo, qui ex gradu ascendentium vel descendantium uxorem ducit. Verisimile vero Autori videtur, Juris consultos veteres existimasse, parentum ac liberorum nuptias fieri adversus pudorem naturalem; ideoque his incestum jure gentium admitti. Addit, causam, cur huc decurrerint, nullam afferri, nec, si sinceri simus judices, tam facilem esse demonstratu, quam passim creditur. Adduci plerumque confusionem nominum & jurium cognationis, qua idem, qui est pater, fiat filiæ suæ maritus, & liberorum suorum non modo pater, sed etiam frater & avus: similiter, quæ est filia, fiat uxor patris & liberorum suorum mater, soror quoque & avia. Non esse inficiandum, illam causam improbandæ hujusmodi conjunctionis commendari utilitate tuendæ in familia reverentiæ, ideoque aptam videri ferendæ in Republica legi civili: sed ad probandam juris naturalis providentiam sine præjudicio nihil efficere: nisi quis possit sibi persuadere, illa nominum & jurium confusione, in quam sponte consentiant parentes & liberi, tolli societatem humanæ conjunctionis, ad quam unice respiciat jus naturæ & gentium. Sed ei, qui sic censeat, rem reclamare manifeste, tum

## MENSIS JANUARIi A. MDCCXXV.

tum exemplum Persarum, id est, gentis, si quæ alia, egregie cultæ & moratæ: in qua usitatas hujusmodi nuptias fuisse inter alios memoret *Minucius Felix*, *Servius* ad *Virgilium* & *Hieronymus*, cujus locum sequentem adducit ex lib. II advers. Jovinian. *Persæ, Medi, Indi & Æthiopes, regna non modica & Romano regno paria, cum matribus & aviis, cum filiabus & neptibus copulantur.* Et paulo post: *Pervides igitur, quod non solum in esu sed & in sepulturis & in conubiis & in omni conversatione unaquæque gens suo ritu & proprietatibus victitet, & hoc eam naturæ legem putare quod didicit.* Præter hoc observandum esse, quod vel *Plato* illas nuptias optime quidem, sed non alio, quam civitatis instituto improbari arbitretur, eo nomine reprehensus ab *Aristotele*. Idem de *Chrysippo* ex secta *Stoicorum* tradere *Plutarchum*, ibidemque addere, illum argumentum sumxisse a ceteris animalibus, ab illa conjunctione non abstinentibus. Monet sub finem hujus articuli Autor, omnia in utramque partem disputata a Philosophis, quos consuluisse possunt veteres Jurisconsulti, repræsentasse *Ovidium* in causa *Myrrhæ* Lib. X *Metam.*

Transit dein ad lineam transversam, in qua similem, sed non tantam observationem esse, ait *Justinianus*, duplici, ut Autori videtur, ratione. Una est, ut amicitia illa providentia inter homines latius diffundatur, quod in republica fieri interest civilis societatis. Altera ratio est, quod inter propinquos more Romano erat jus osculi, quod facile stupris & adulteriis occasionem dedisset, si potuissent inter eos sperari nuptiæ. Pertinere huc verba *Biblidis* apud *Ovidium* Lib. IX *Metamorph.*

*Dulcia fraterno sub nomine furta tegemus.*

*Est mihi libertas tecum secreta loquendi*

*Et damus amplexus & jungimus oscula coram,*

*Quantum est quod desit?*

Sed diutius fere, quam par erat, huic titulo inhæsimus. Trans. p. 521. eamus a nuptiis ad divortia. Fingunt interpretes Juris Canonici duplex divortium, unum, quod separet conjugum consuetudinem, id est, ut ajunt, thorum & mensam sub perpetua spe conciliationis. Alterum abrumpit matrimonii vinculum. Notat Autor, hanc distinctionem veteribus esse incognitam, qui matrimonium

B

indivi-





individua vitæ consuetudine æssiment. Addit, hoc adeo verum esse, ut lege Papia Poppæa conjuges facto divortio non modo non jubeantur abstinere a secundis nuptiis, verum e contrario cogantur alias contrahere. Esse in jure iterati post divortium matrimonii exemplum in l. 64 D. d. *don. in vir. & uxor.* Etiam apud *Juvenalem* Sat. 6 v. 146 esse:

- - - *Exi ocyus, & propera: sicco venit altera naso.*

Similiter *Apulejum* Lib. V *Metamorph.* in fabula de divortio Cupidinis & *Psyche* scribere: *Tu quidem ob istud tam dirum facinus confestim thoro meo divorte, tibi que res tuas habeto, ego vero sororem tuam & nomen quo tu censeris ajebat, jam mihi confarreatis nuptiis conjugabo, & statim Zephyro precipit, ultra terminos me domus ejus afflaret.* Accedere huic *Senecam* L. III de *benef.* c. 16, cum numquid, ait, jam ulla repudio erubescit, postquam illustres quedam ac nobiles fœmina non Consulum numero, sed maritorum annos suos computant, & exeunt matrimonii causa, nubuntur repudii, & quæ sequuntur. Sunt hujusmodi innumera alia per totum opus dispersa, sed temperamus nobis iis colligendis, ne legentium otio abuti videamur.

## HISTOIRE DU CONCILE DE PISE.

hoc est,

**JACOBI LENFANTII HISTORIA CONCILII Pisani, rerumque post id gestarum usque ad Concilium Constantiense. Additæ sunt imagines æri incisæ.**

**Tomi II.**

Amstelodami, apud Petrum Humbertum, 1724, 4.

Alph. 4 pl. 7 Tabb. zn. 16.

**E**N, Lector, bibliothecam ecclesiasticam novo eoque prorsus eximio Opere auctam! Cujus enim *Historiam Constantiensis Concilii*, A. 1714 editam, debitisque eodem anno p. 279 a nobis ornata laudibus, mirifico favore excepit orbis literatus, ejus nunc lætissimi videmus *Historiam Concilii Pisani*, non illius, quod A. 1511 habitum fuit, sed superioris, quod in annum 1509 incidit. Statuerat quidem Max. reverendus Autor Basileensis *historiam Concilii*,  
quan:

quanta posset, diligentia describere. At cum videret, arcte connexum esse cum Concilio Constantiensi Pisanum illud Concilium, hujus historiam prius persequi in animum induxit, & hac occasione summa fide enarrare, quæcunque in Ecclesia gesta sunt inde ab A. 1378 usque ad A. 1414, quo anno Concilium Constantiæ fuit habitum. Nec vero solum Pisanum confectum describit Autor, sed titulo *Historia Concilii Pisani* liberaliter complectitur tum præparationes ad illud Concilium, tum effectus ejus. Eo autem magis se commoveri passus est ad contexendam hanc historiam, quod nemo Pisani illius Concilii historiam accurate copioseque antea descripserat. Cum autem historici, Concilium aliquod rite ac diligenter separato volumine descripturi, sit, non solum bona fide & ἀνευ παύσης scribere, verum etiam omnia, quæ gesta fuerunt, satis luculenter exponere; Cl. Autor alienum ab hoc loco judicavit brevitatis studium, adeoque omnia investigavit doctus; oculo lustravit monumenta, ex quibus aliquid peti posse sciebat ad cognoscendam hujus Concilii historiam, ac in ipsa Præfatione omnes recenset hunc in finem a se consultos libros, cum recentiorum, tum antiquiorum, de singulis addens judicium suum ex ipsorum diligenti consideratione collectum. Eodem consilio in hac Historia sæpe integra exhibet documenta, nec dubitamus, eruditis probatum iri hujus facti apologiam, quam in Præfatione p. 52 legere licet. Quamquam illud nobis in mentem venit vereri, ne multi, dum authentica monumenta Gallicum in sermonem translata hic conspicient, ægrius ferant, Autorem tam doctæ historiæ patrio sermone, quam Latino, uti maluisse.

Divisum est hoc opus duos in Tomos, quorum prior tres libros complectitur. Ac primo quidem libro Autor historiam describit magni illius schismatis, quo duos Ecclesia habuit Pontifices, & satis longo temporis tractu in duas sectas divisa mansit. Copiosissime autem & accuratissime omnem istius schismatis historiam describit, singulari etiam studio notans, ubi historici, maxime σύγγραφοντες, dissentiant, & utrius narratio sit fide dignior, ostendens. Hoc modo statim initio omnium historicorum narrationes de Urbani VI electione exhibet, earum discrimina commonstrat, ac denique, quid verissimum haberi debeat, exponit. Quam nihil ad hanc historiam illustrandam faciens omittat Autor, vel ex eo discimus, quod *Nicolai de*

*Clemangis* libri *de corrupto Ecclesiæ statu* potiora argumenta §. 59 p. 66 sqq. lectoribus suis repræsentat, ratus scilicet, hujusmodi libros utilissimos esse ad cognoscendam veram Ecclesiæ illius temporis faciem. Quod respiciens, etiam *Lib. III* §. 78 exhibenda censuit, quæ libro Gerloniano *de auferibilitate Papæ* continentur.

*Libro secundo* reliqua hujus schismatis enarrat, fortunam Paparum Benedicti XIII, Bonifacii IX, Innocentii VII & Gregorii XII, item Gallorum labores ad tollendum hoc schisma susceptos, nec non Concilia hanc ob causam a Gallis habita. Describens §. 61 sqq. Concilium in Gallia A. 1406 habitum, quo nullum in hac gente numerosius & magnificentius unquam habuim fuisse ferunt, exhibet in compendium redactas Orationes in eo habitas a Petro ad Boves, Joanne Parvo, Simone Cramaldio, Guilhelmo Fillastrio, Petro Alliacensi, (qui verba faciens super dictum aliquod Pauli Apostoli inusitata civilitate eum appellabat *Monsieur Saint Paul*,) Petro Regis, Petro Plaulio, Theologis ea ætate spectatissimis. Finit hunc librum secundum Declarationem Galliarum Regis A. 1408 facta, qua Gallia se profitetur *neutralitati* addictam, & utrumque Papam rejicit tanquam illegitimum.

*Libro tertio* ipsius Concilii Pisani historia exhibetur, & singulæ ejus Sessiones recensentur, adjuncta historia creati in illo Concilio Papæ Alexandri V. Nec omittitur duorum Conciliabulorum historia, quorum alterum hoc tempore a Benedicto XIII Perpiniani, alterum a Gregorio XII in Foro Julii fuit habitum. Cum vero Alexander V inter alia Pisis ediderit Programma, quo Ordinibus mendicantibus indulget facultatem quosvis audiendi peccata sua pie confitentes, eosque a peccatis absolvendi, eaque res non solum ante illud tempus, sed etiam postea controversiæ fuerit subjecta; libuit Auctori nostro totam ejus rei historiam exhibere §. 79 sqq. Legere etiam hic licet §. 109 p. 328 epitaphium hujus Papæ tumulo inscriptum, quod ideo huc transferemus, quod non exhiberi illud integrum observavimus. En illud: *Summus Pastorum Alexander Quintus, & omnis scripturæ lumen, sanctissimus Ordo Minorum quem dedit, & proprio nomine Petrus, migravit anno Domini MCCCCX.* Præterquam quod comma inter *sanctissimus* & *Ordo* interjectum ejecimus, etiam facile agnovimus tres versus hexametros,



## MENSIS JANUARIi A. MDCCXXV.

tros, indeque concludimus, ab Editore unam vocem fuisse omissam, ac tertium versum sic fluere oportere: *Quem dedit, & proprio vocitatus nomine Petrus.* Vox igitur ista (*vocitatus*) vel similis utique est omissa.

Librum inter tertium & quartum p. 330-349 doctissimus Auctor exhibet communicatas secum ex illustri bibliotheca Uffenbachiana quatuor libellos manu exaratos, nec antea unquam publicatos. Actres quidem in compendium duntaxat redactos exhibet, unum vero, qui tertium locum tenet, totum exhibet, sed Gallice redditum e Latino sermone. Exstat igitur hic (1) *Roberti de Franzola*, Doctoris Juris & Advocati Moguntini, Apologia Concilii Pisani, A. 1408 in Comitibus Francofortanis recitata, audiente Ruperto, Rege Romanorum; (2) Responsio Concilii Pisani ad Rupertum, Regem Romanorum, istud Concilium non probantem; (3) Epistola circularis Imperatoris Ruperti ad Episcopos Germaniæ, qua significat, se, non obstante Congregatione Pisana, adhærere Gregorio XII, tanquam vero Papæ, & Alexandrum V habere pro Antipapa; (4) Joannis Nassovii, Archiepiscopi Moguntini, Epistola circularis ad omnes Germaniæ antistites, qua docet, se & Concilium Pisani approbare & novo Papæ obedientiam præstare. Hinc sequitur Catalogus assessorum Concilii Pisani. Fuerunt nimirum Cardinales XXV, Patriarchæ IV, Archiepiscopi (qui partim præsentés fuerunt, partim legatos miserunt) XXIII, Protonotarii II, Episcopi (quorum quidam per legatos suos adfuerunt) CLI, Abbates CCLVII.

Hactenus prior Tomus. *Tomus secundus* quinque posteriores libros continet, quibus ea describuntur, quæ inde ab exitu Concilii Pisani gesta sunt in Ecclesia usque ad initium Concilii Constantiensis. Agitur itaque hic de electione, pessimis moribus, & actis Papæ Joannis XXIII: describuntur labores Imp. Sigismundi, quos impendit ad convocandum Concilium Constantiense: docetur, quos fecerit progressus Joannis Husi doctrina in Bohemia. Maxime totus liber octavus exhibet historiam Husi & Hussitarum, quantum quidem ejus ad hoc ævum pertinet: ac simul summa librorum hoc tempore ab Husso editorum fideliter repræsentatur lectoribus. Cum vero arcta sit inter statum civilem & ecclesiasticum

## ACTA ERUDITORUM

connexio, fieri non potuit, quin multa simul illustrarentur ab Autore capita historię civilis. Sic *lib. V §. 23 sqq.* descriptam offendimus historiam belli a Polonis hoc ipso tempore gessi cum equitibus Ordinis Teutonici.

Multa vero etiam reperiet lector in hoc opere, quę a titulo ejus non exspectaverat. En potiora! *Lib. II §. 21* agitur de secta *Alborum*, qui in Italia orti sunt regnante Romę Bonifacio IX, & cum inepta superstitione sanctisque imposturis pessimos mores conjunxerant. *Ibidem §. 103* contra *Bzovium*, *Raynaldum*, & *Spondanum* ostenditur, *Theodoricum de Niem*, scriptorem magni illius schismatis, esse fidelem historicum & incorruptum, adeoque fide dignissimum. *Lib. III §. 103* disputatur de origine aureę rosę, quam Papa quotannis mittere solet ad aliquem e suis assedis Principem. *Lib. IV §. 31* docet Autor, a Christianis toto illo ævo, quod *medium* vulgo vocamus, crudeliter vexatos fuisse Judęos: id quod tamen minus Christiane factum esse existimat. *Lib. V §. 8* de *Petro Alliacensi* agit, ejusque Epitaphium exhibet: §. XI *sqq.* historiam expeditionum cruciatarum, quas vocant, compendiose describit. *Lib. VI §. 25* de *Vincentio Ferrerio* disserit, qui innumeros prope Judęos in Christianorum castra traduxisse, itemque plurima miracula patrasse fertur; & §. 26 *sqq.* de converso illo Judęo, *Hieronymo de S. Fide*, cujus liber contra Judęos fuse recensetur, ejusdemque solennes cum Judęis habitę disputationes copiose describuntur. *Lib. VII §. 28 sqq.* agitur de condemnatione doctrinarum *Joannis Parvi*, facta Lutetię a Theologis Regis jussu congregatis.

## A SYSTEM OF THE MATHEMATICKS,

hoc est,

SYSTEMA MATHESEOS, AUTORE JACOBO  
HODGSON, Lectore Matheseos in Schola Mathematica Regia  
Orphanotrophii ad S. Salvatorem & Soc. Reg. Sodali.

Volumina II.

Londini, sumtibus Thomę Pagii, Wilhelmi & Fischeri

Mount, 1723, 4.

Alph. 7 pl. 19 $\frac{1}{2}$ . Tabb. æn. 14.

cum figuris bene multis ligno incis.

Cl.

CL. Autor studium Matheseos pro muneris sui ratione promovere intendit, quatenus ad navigationem utile. Edidit ante aliquot annos Tractatum de navigatione sub titulo: *Theoria navigationis demonstrata*, quo meruit, ut Lector Matheseos in Schola Mathematica Regia eligeretur ad docendam Astronomiam & Navigationem. In hoc igitur Syllemate non continentur, nisi quæ usum in navigatione præstant, sive immediatum, sive mediatum. Etsi autem ars navigandi inter disciplinas practicas referatur & ob praxin addiscatur; non contemnendo tamen consilio omnem praxin theoriz superstruit Cl. Autor. Dolendum enim, quod vulgo theoriam negligant, qui praxi e Mathesi derivatz operam navant, non sine artium Mathematicarum detrimento. Dividitur totum opus in partes quinque, quarum tres priores Volumini primo, duæ posteriores secundo cedunt. Parte igitur prima comparent *Euclidis* elementa sex priora, omnis scientiæ Mathematicæ fundamentum. Non tamen sequitur Cl. Autor ordinem propositionum *Euclidis*, cum suo in demonstrando ingenio utatur atque hinc praxes immisceat ad institutum facientes, quæ ex theorematibus *Euclideanis* fluunt. Succedit parte secunda *Trigonometria plana*, recentiorum inventis plurimum illustrata. Applicat Cl. Autor series infinitas *Newtoni* aliorumque, quibus sinus tangentes atque secantes, cum naturales tum artificiales, ipsisque respondentes arcus, tum etiam Logarithmi numerorum naturalium exprimuntur ad Tabularum constructionem, operam imprimis dans, ut applicatio captui tyronum respondeat. Notat hac occasione data, *Abrahamum Sharpium* numeros *Ludolphinos* pro circulo ad loca 72, *Joannem vero Machinum*, Astronomiz in Collegio *Greshamensi* Professore & Societatis Regiæ Secretarium, ad loca centum extendisse, ita ut posita diametro 1.00000 &c. peripheria sit 3. 14159. 26535. 89793. 23846. 26433. 83279. 50288. 41971. 69399. 37510. 58209. 74944. 59230. 78164. 05286. 20899. 86280. 34825. 34211. 70679 †. Parte tertia Tractatus de navigatione continetur, seu arte navem per mare ab uno loco ad alterum via brevissima & tempore brevissimo deducendi. Orditur Cl. Autor ab introductione præliminari de variis navigandi modis, ubi problemata solvuntur, demonstrantur, exemplis illustrantur, adjectis Tabulis necessariis. Applicat dein



dein doctrinam trigonometricam cum de triangulis planis, tum de obliquis ad navigationem planam, tam in cursu simplici quam composito, & alia problemata ad navigationem utilia solvit, veluti, de directione cursus navis pro diversitate venti, de currentibus, quibus motus navis vel acceleratur vel retardatur. Describit mapas nauticas eorumque usum; solvit problemata varia de navigatione parallela, quæ fit sub dato quodam parallelo, & hanc doctrinam applicat ad navigationem, quæ fit media (quod dicitur) latitudine; demonstrat errores mapparum planarum, & fundamenta mapparum *Mercatoris*, una cum methodis *Wrighti* atque *Oughtredi* illos errores emendandi; describit navigationem *Mercatoris* omniaque problemata huc spectantia solvit; declarat constructionem & usum mapparum *Mercatoris*, & navigatione circulari absoluta ostendit, quomodo problemata nautica sine Tabulis Logarithmorum sinuum, tangentium, secantium & partium meridionalium, aut alio quocunque numero artificiali ope serierum infinitarum solvantur. His larga manu adduntur problemata & doctrinæ per omnem navigationem amplissimi usus, de inveniendâ altitudine poli seu latitudine loci dati, non neglecta refractione, cujus lex præcipua per methodum de maximis & minimis demonstratur; de determinanda locorum longitudine per eclipses lunares, solares, satellitum Jovis, appulsus Lunæ ad fixas, immersiones & emersiones planetarum, horologia oscillatoria; de variatione acus magneticæ; de methodis determinandi longitudinem itineris confecti; de æquatione temporis; de theoria Solis & constructione ac usu tabularum Solarium; de projectionibus Sphæræ orthographicis & stereographicis, quæ ad solutiones problematum primi mobilis juxta systema *Copernicanum* applicantur, de usu globi cœlestis atque terrestris; de fundamentis Chronologicis & natura atque constructione logarithmorum. Ex observationibus *Flamstedii* deduxit refractionem horizontalem 33 minutorum & in distantia 10 graduum a Zenith 9 secundorum. Ex observationibus ejusdem *Flamstedii* atque *Cassini* differentiam Meridianorum observatorii Regii Parisini & observatorii Regii *Grenovicensis* efficit 2 grad. 2 min. 30 sec. Ex aliis determinat differentiam Meridianorum *Grenovicensis* & *Ulyssipponis* 10 grad. 22 min. 30 sec. differentiam Meri-

Meridianorum *Grenovicensis* & *Romani* 13 gr. 03 min. differentiam Meridianorum *Grenovicensis* & *Dantiscani* 18 gr. 41 min. 15 sec. In theoria Solis utitur hypothesi elliptica *Kepleri* & juxta eam construxit novas Tabulas Solares ex observationibus *Flamstedianis* ad Meridianum *Grenovicensem*. Epocham pro anno corrente 1701 figit in 9 S.  $20^{\circ} 43' 50''$ ; motum medium in anno communi constituit 11 S.  $29^{\circ} 45' 40''$ , diurnum  $59', 8''$ , horarium  $2' 28''$ ; æquationem maximam orbis  $1, 56', 20''$ , in primo anomalie gradu  $1', 59''$ . Tabulam declinationum Eclipticæ ad bina minuta singulorum graduum computavit, supposita declinatione maxima  $23^{\circ} 29'$ , nec non Tabulam ascensionum rectarum Eclipticæ. Locus *Aphelii* Telluris juxta *Flamstedii* observationes A. 1701 in momento æquinoctii fuit 3 S.  $7^{\circ} 44' 42''$ , motus ejus seu Apogæi solaris annuus  $1, 3'$ : eccentricitas 1692 partium, quorum radius excentrici 100000. Hæc quidem continentur systematis volumine primo. Volumine secundo comparet totius operis pars quarta & quinta. Solvuntur hic problemata primi mobilis, cum per projectiones stereographicas, tum per Trigonometriam sphericam. Usus est Autor luminibus, quibus ipsi affulsit *Flamstedii* Doctrina Sphærica. Tractationem orditur a projectione stereographica sphæræ, demonstrans theoremata de projectione circulorum tam maximorum, quam minimorum, & de arcibus projectorum metiendis. Hinc deducit solutiones problematum de circulorum projectione & projectionis ope construendis triangulis sphericis constructisque dimetiendis, sive latera spectes, sive angulos. Traditis adeo iis, quæ ad solutiones problematum primi mobilis per projectiones circulorum necessaria sunt, ad Trigonometriam sphericam progreditur. Præmissis principiis theoremata demonstrat, quibus nituntur solutiones triangulorum sphericorum, cum rectangulorum, tum obliquangulorum, atque inde problemata consueta Trigonometriæ Sphæricæ solvuntur, additis una eorundem solutionibus stereographicis. Tandem parte quinta sive ultima solutiones tam stereographicæ, quam trigonometricæ, ad problemata primi mobilis applicantur. Imprimis etiam rationem habet problematum de parallaxi, aliorumque, quorum in eclipsibus Solaribus computandis est opus. Sed quomodo illorum ope initium, medium & finis eclipsium deter-

minetur, ex *Flamstedii* Doctrina Sphærica petendum esse, monet. Nostrium imprimis est recensere ea, quæ Cl. Autor de Operibus *Flamstedii* post fata relictis annotat. Tribus ea comprehenduntur voluminibus. *Volumine primo* continentur observationes *Guilielmi Gascoignii*, quem inventorem micrometri & dioptrarum telescopicarum autorem laudat Noster, ab anno 1638 usque ad 1643 celebratæ & ex litteris ad *Crabtrium* excerptæ, una cum ipsius *Crabtrii* observationibus eodem tempore habitis. Continentur porro eodem volumine Observationes diametrorum Solis & Lunæ apparentium, configurationes & elongationes Satellitum Jovis ab eodem, minutæ distantie fixarum cum appulsibus Lunæ & Planetarum ad eosdem, observatæ ope telescopii micrometro instructi *Derbæ* ab anno 1670 usque ad 1675 a *Flamstedio*, una cum distantis fixarum a se invicem & Planetarum ab iisdem, eclipsibus Solaribus, Lunaribus & Satellitum Jovis, maculis Solaribus, Cometis & refractionibus ope Sextantis, cujus radius septem pedum, & Quadrantis mobilis atque telescopii micrometro instructi, ab A. 1673 usque ad A. 1689 captis in observatorio regio. Has observationes propria manu in ordinem digessit magnus ille Astronomus & loca *Lunæ*, *Saturni*, *Jovis*, *Martis*, *Veneris* & *Mercurii* ex observationibus deducta adjecit; una cum Tabulis necessariis. *Secundo volumine* comparent observationes distantiarum fixarum, Solis, Lunæ & ceterorum Planetarum a vertice in Meridiano, captæ ope arcus muralis, cujus radius 7 pedum, limbus 140 graduum, una cum tempore transitus ipsorum per meridianum & observationibus diametrorum Solis & Lunæ, eclipsium Solis, Lunæ & Satellitum Jovis, variationum acus magneticæ, ab A. 1689 usque ad finem A. 1719. Comparent porro Tabulæ, quibus computatio locorum fixarum & planetarum ex observationibus facilitatur. Adduntur 2000 fere loca Lunæ in Oppositionibus, Quadraturis & Limitibus &c. una cum locis *Saturni*, *Jovis*, *Martis*, *Veneris* & *Mercurii*, ex observationibus illis deductis. Tandem *Volumine tertio* exhibetur Catalogus ascensionum rectarum, distantiarum a Polo, Longitudinum, Latitudinum & Magnitudinum 3500 circiter fixarum, una cum variationibus ascensionum rectarum & distantiarum polarium iaterea factis, dum Longitudo uno gradu varia-



variatur, ut ascensiones & distantiae a polo ad duo retro & porro secula satis exacte determinari possint. Extant etiam in hoc Volumine Tabulae amplae, in quibus ex data ascensione recta & distantia a Polo fixarum & Planetarum reperitur Longitudo & Latitudo. Praefigitur Praefatio prelixissima, continens relationem de observationibus astronomicis antea factis, una cum descriptione instrumentorum, quorum ope peractae sunt, nec non Relatio de observationibus & instrumentis propriis, textus Graecus Catalogi *Ptolemaei* 1026 fixarum, cum versione nova Latina atque locis *Ulug. Beighianis* correctis. Sunt ibi catalogi quidam *Arabum*, *Tychonis de Brabe* 780 fixarum, *Landgravii Hassiae* 386, *Hevelii* 1534, *Halleji* siderum 300 australium reductorum ad ascensiones rectas, distantias a polo, Longitudinem, Latitudinem, quae ipsis debentur ex *Flamstediono* Catalogo, in quo stellarum loca computata sunt ad A. 1726, una cum variationibus ascensionum rectarum & distantiarum a polo. Exhibentur in appaere Constellationum visibilium in nostro hemisphaerio, constructae nova quadam methodo, in quibus figurae veteres instaurantur & stellae ex Catalogo proprio inferuntur, una cum duobus amplissimis Planisphaeriis constellationum borealium & australium. Sunt porro in eodem volumine Tabulae Astronomicae ex propriis observationibus deductae ad invenienda loca Luminarium & Planetarum, Volumen Actorum, Volumen lectionum Astronomicarum in Collegio *Greshamensi* recitatarum, cum diversis aliis Tractatibus, Volumen denique epistolarum a celeberrimis Mathematicis ad *Flamstedium* scriptarum, quos inter eminent *Cassinus* senior, *Hevelius*, *Blanchinius*, *Jonas Moor*, *Christophorus Wren*, *Wallisius*, *Molyneux*, *Gregorius*, *Caswellus*, *Raemerus*, *Oldenburgius*, *Collinsius*, *Townlejus*, *Isaacus Newtonus*, *Hallejus* & *Sharpus*. Subjungit tandem Noster suo operi in usum nauticum & astronomicum Catalogum praecipuarum fixarum ad A. 1726, in quo ascensiones rectae, declinationes, Longitudines & Latitudines una cum magnitudinibus ex observationibus *Flamstedii* deductae comparent; Tabulam Latitudinum & Longitudinum portuum, promontiorum, insularum & urbium celebrium per universum orbem ex recentissimis observationibus deductam; Tabulam denique Logarithmorum ab 1 ad 10000 & Tabulam Sinuum, Tangentium & Secantium.

ACTA ERUDITORUM  
RACCOLTA D' AUTORI CHE TRATTANO  
del Moto dell' Acque.

h. e.

SYLLOGE SCRIPTORUM DE MOTU  
aquarum.

*Tomi III.*

Florentiæ, e typogr. M. Ducis, ap. Tartini & Franchi, 1723, 4 maj.  
Alph. 9 pl. 10 Fig. Tabb. 44, cum plurimis textui insertis.

**Q**Uicquid præclari circa Theoriam aquarum fluentium adinventum est, imprimis industria Italorum, illud in præstantissima hac Collectione velut in Thesauro quodam congestum habemus. Ad operis commendationem accedit, quod non tantum Inventæ mere Geometricæ, & quorum alias mentio facta est, sed etiam commentariolos, judicia & responsa, statum aquarum Bononiensium & Ferrariensium diversis temporibus, & remedia vel proposita vel adhibita, concernentia, comprehendat: quo nomine indigenis necessarium, exteris omnibus, qui vel in Theoriis ulterius promovendis, vel in operibus ejusmodi Hydragogicis dirigendis & construendis occupantur, propter ingentem numerum experimentorum, perutile dici debet. Nobis in præsentî suffecerit indicasse nomina tractuum & autorum eo ordine, quo in quolibet Tomo disponuntur. Tomo I continentur 1 *Archimedes* de iis, quæ insistant humidis; 2 *Antonii Francisci Albizii* de Paludibus & solo Pisano; 3 *Galilei* discursus de iis, quæ aquæ innatant vel in ipsa moventur; 4 *Ejusdem* epistola de Bisentio Flumine; 5 *P. Benedictus Castellus* de mensura aquarum Fluentium; tum & ejusdem alia, nempe 6 Epistola ad Galileum Galilei; 7 Demonstrationes Geometricæ de mensura aquarum Fluentium; 8 Liber secundus de mensura aquarum Fluentium, 9 Considerationes circa Lacunam Venetam; 10 Considerationum pars secunda; 11 modus examinandi turbidas, quæ intrant in Lacunam Venetam & in ea deponuntur; 12 discursus de Lacuna Veneta; 13 Epistola ad Jo. Basadonnam, & 14 Epistola ad P. Bonav. Cavalerium; tum 15 Epistola *Cavalerii* ad Castellum; 16 Epistola alia *Castelli* ad Basadonnam; 17 Epistola  
*Hora-*

*Horatii Barbison* ad Castellum; 18 alia *Castelli* ad Basadonnam; 19 *Ejusdem* epistola ad P. Franc. Josephum; 20 *Castelli* responso ad epistolam Bartolotti; 21 *Ej.* considerationes super Paludum Pontinarum exsiccatione; 22 *Ej.* considerationes super Paludum Bononiensium, Ferrariensium & Romandiolsium exsiccatione; 23 *Octavii Corfini* relatio de aquis Bononiensibus & Ferrariensibus; 24 *Castelli* Epistola ad Dn. Cesarini; 25 *Famiani Michelini* de fluminum directione Tractatus; 26 *Jo. Alph. Borelli* discursus super Lacuna Veneta; 27 *P. Urbani Davisi* epistola ad Sereniss. Ducem Venet. 28 Relatio *J. A. Borelli* de Stagno Pisano; 29 *Ejusd.* Supplementum ad prop. 2 L. II Bened. Castelli; 30 *Ejusd.* Fragmentum Relationis &c. 31 *Ejusd.* aliud simile; 32 *Geminiani Montanari* Mare Adriaticum ejusque currentes examinati; 33 *Vincentii Viviani* Modus impediendi Fluviorum oppletiones & riparum corrosiones, cum applicatione ad Arnum Fl. 34 *Ejusd.* relatio de præservandis civitate & territorio Pisano ab inundatione; 35 *Jo. Dominici Cassini* Distributio aquarum Bononiensium & Ferrariensium; 36 *Ejusd.* considerationes de damnis Reni ad Card. Borromæum; 37, *Ejusdem* responsa tria data in eodem negotio. Tomus II complectitur 1 *Guilielmini* de mensura aquarum fluentium & de natura fluviorum; 2 *Guid. Grandi* de motu aquarum Tractatum Geometricum; 3 *Ejusd.* examen responsi Rondelliani. Tomo III inseruntur 1 Judicia & responsa varia *Eustachii Manfredi* & aliorum in negotio aquarum Bononiensium & Ferrariensium; 2 Tractatus *Picardi* de Libellatione; 3 *Thomasi Narducci*, Patricii Lucensis, de motu aquarum per canales diversos. Præmittitur operi Præfatio satis prolixa, cujus Autor anonymus promittit introductionem facilem in Operis lectionem, duobus absolvendani: primo, ait, se acturum de iis, quæ aquis naturaliter accidunt, secundo de iis, quæ arte inventa & perfecta fuere. Quibus præmissis fidem habens merito expectaverit compendium historię naturalis fontium, fluviorum & marium, nec non Historiam inventionum hydraulicarum & hydragogicarum eo ordine, quo sibi successerunt: sed non sine admiratione deprehendet in lectionis progressu haud aliud promi, quam Locos communes de utilitate aquarum & illud Pindari αἴσιον μὲν ὕδαρ; Declamationes contra



Ingeniarios & Practicos; Locos communes de operibus Hydragigicis veterum: paucissima denique vaga & generalia de mutatione naturali fluviorum & marium. Sub finem subjungit quædam de auctoribus diversis, quorum scripta huic collectioni inserta sunt, sed ejusmodi iterum, ut magis rationem habuisse videatur locorum communium, & quæ dici possent, quam quæ dici deberent. Huc spectat Sphæra Archimedis, Speculum, & reliqua in vulgus nota. Satiùs fecisset, si notasset, qua occasione quilibet Auctor sua scripserit; quoque tempore impressæ fuerint singulæ minores illæ dissertationes, & quo loco; quantumve quisque Theoriam motus aquarum promoverit; qua ratione utilem introductionem suppeditasset Lectoribus, quorum plerique verbosam ejus eloquentiam parum curabunt.

**FREDERICI RUYSCHII, MED. DOCT. ANATOMES & BOTANICES PROFESSORIS, ACADEMIÆ CÆSARÆ CURIOSORUM COLLEGE, nec non REGIÆ ANGLICANÆ SOCIETATIS MEMBRI, CURÆ POSTERIORES, seu THESAURUS ANATOMICUS omnium præcedentium Maximus.**

Amstelodami, apud Ianssonio-Waesbergios, 1724, 4.

Plag. 5, cum fig. æn. tabulis 3.

**E**xhibet Clarissimus Ruyschius in hoc Thesauro Curas posteriores, seu laborum omnium per tot annorum spatium exantlatorum & ad res Physicas ac Anatomicas illustrandas detectorum, epilogum, ultra ducenta & viginti objecta continentem, & Magnæ Russiæ Imperatori, Petro Alexiowitzio, dicatam. Quæcunque scilicet olim in *Observationibus Anatomico-Chirurgicis*, in *Thesauris & Adversariis Anatomicis*, a se detecta & inventa vel illustrata seorsim indicaverat, hic non solum repetit, sed & objecta ipsa nitide conservata curiosorum oculis conspicienda affert. Præ reliquis autem veram ramorum venæ portæ, hepar potissimum perreptantium, constitutionem, eorumque & venæ cavæ diversitatem, vasa sanguinea per mesenterium disseminata, lienis texturam, papillas cataneas, pro glandulis vulgo habitas, corticem cerebri vascu-

lo-



losum, cryptas Boerhnaavianas in intestinis, corpus reticulare Malpighii sub cute situm, scetus humanos, eorumque sceleta, in tumulis, ex ligno Indico pretioso confectis, recubantia, miro modo spectantium oculos delectari, deprædicat. Inter Anatomica reperiuntur quoque varia Botanica, e. g. quæ analogiam quandam cum visceribus humanis possident, fructus puta, pyra, pruna, poma Armeniaca, &c. quæ in sceleta redacta curiose asservantur. Ad sunt etiam varix pyxides, quæ herbas floresque rariores, papiliones & alia insecta, ex utraque India potissimum allata, continent. Quæ pyxides instar Herbarii vivi sunt, in quibus vegetabilia naturalem formam conservant, coloremque per multos annos illibatam retinent.

ROBERTI WELSTED DE ÆTATE VER-  
gente Liber, ad Rev. admodum HUGONEM,  
Episcopum Bristoliensem.

Londini, apud Gul. & Jo. Innys, 1724, 8.

Plag. 8  $\frac{1}{2}$ .

**Q**UO plura, quove majora ab ætate provectis in publicam rem commoda redundant, eo dignius meditatione argumentum elegisse sibi videtur Clar. Autor, dum, quid ætati vergenti conducere, quidve eidem nocere soleat, duodecim capitibus solerter exponit. Primo capite in generales naturæ, quas in omnibus vivis corporibus advertere licet, leges inquirit; naturæ ordinem, quæ in plantis vitam adumbrat, pleniorẽ ejus imaginem in animalibus exprimit, & denique in hominem assurgere videtur, imitaturus. Nimirum plantis æque ac animalibus commune est, ut ad maturitatem sibi propriam perveniant, ac deinde deficiente sensu vigore in quoddam quasi senium declinent; nec illud minus commune est, quod quæ arte ad maturitatem præpropere evehuntur, eo citius marcescant, quæ tarde vero crescunt, eo magis diuturnæ ac stabiles evadant. Quivis paulo attentior eadem cum hominibus ratione agi facile advertet, ita enim, ut ex multis, quæ fusius ab Autore adducuntur, unum saltem commemoremus, a primæ potissimum ætatis dis-

dispositione atque cultura sequentium ætatum vigor & longævitas pendere omnino videtur. Hac generali consideratione præmissa propius ad propositum accedit, quidve Lectori in tractatione sperandum sit, in compendio exhibet. Accurate de ætate vergente æturo ejus ante omnia terminos constituere necesse erat, de quibus tamen nihil certi definiri posse, ipse Cap. II fatetur, cum natura non annorum numerum, sed variam diversorum mortalium indolem respiciat, ita ut non eodem ætatis anno singuli senes habendi videantur, cum potius in omni ætate quædam quasi senectæ conspiciatur, ubi in ipsa hominis natura causa sit, cur diutius spiritum trahere non detur. Ex solis igitur naturæ viribus earumque defectu hujus, de qua agit, vitæ periodi initium judicandum esse monet. Hinc ætate provectos hortatur, ne in semet ipsos iniqui existant atque injurii, si ex annorum numero de vigore suo viribusque judicium ferre velint; qui multis tamen familiaris esse soleat error, ut dum pauciores ex coætaneis superstites ac viribus integris esse vident, ipsi quoque spem abjiciant, ac quæ salutaria esse poterant, remedia negligant, & langueant tandem ægri vana decepti opinione magis, quam cum adversa valetudine colluctantes, quo ipso in mortem citius declinant, vel ad vitam impofterum miseratione dignissimam damnantur. Ubi vero sufficientia vergentis ætatis deprehenduntur indicia, tunc omnino consilia, huic ætati accommodata & naturæ imbecillitati succurrentia, adhibenda sunt, quæ partim integram adhuc conservent, partim amissam restituant sanitatem. Illa duplicia apud Nostrum occurrunt, quorum alia ex prudentiæ foro, alia ex Medicorum scholis desumpta sunt. Inter ea hoc potissimum peculiare atque notatu dignum visum est, quando senibus, natura sua juniorum ut plurimum consortium abhorrentibus, persuadere allaborat, nihil eorum imbecillitati magis posse mederi, quam vigentium ac spirituum copia abundantium juvenum consuetudinem, ut horum societate denno vitalis eorum flamma accendatur, alaturque ad extremam usque senectutem: idque singulari ita a natura consilio constitutum arbitratur, ut a consueta illos morositate avocaret, dum salvos esse non vult, nisi amicitiam juniorum colant atque in societatem secum cooptent. Medica, quæ tradit, consilia fere omnia ex Hippocrate desumpta sunt, quem solum suo pro-

proposito sufficere arbitratur, cum reliquorum hac de re scripta non nisi commentaria ejus esse videantur. Primo quidem si nimia sanitatis speciem vultu senes præbeant, periculolum esse monet, eoque potius sanitatis modo contentos esse iubet, qui imbecillæ eorum naturæ magis sit conveniens, nec tamen impetuose nimis aliquid detrahendum esse putat, cum ab utroque extremo tum inani tum repleto corpore periculum iis impendeat, & facile, dum hoc fugiunt, in illud incidunt. Deinde, quibus tutissimi vivere queant anni temporibus, exponit, eosque æstate & autumnii prima parte optime valere, multis partim testimoniis ex Hippocrate & Celso, tum rationibus asserit: varias autem & repentinas tempestatis mutationes, quocunque incidunt tempore, maxima iisdem damna minari ostendit. Qua occasione, dum varia ex Hippocrate & Celso loca adducit, Celsum nonnihil carpere videtur: quando enim Hipp. Aph. l. 3 aph. 44 ait: *in tempestatibus si eadem die nunc quidem caliditas, nunc autem frigiditas adsit, autumnales morbos expectare oportet*: ita Celsus L 2 c. 1 interpretatur: *nam fere meridiana temporibus calor, nocturnis atque matutinis, simulque etiam vespertinis frigus est. Corpus ergo & æstate & subinde meridiana caloribus relaxatum subito frigore excipitur; sed ut autumno id maxime fit, sic, quodocunque evenit, noxium est.* Quæ omnino verbis Hippocratis maxime conveniens esse videtur interpretatio. Autor contra his verbis ad 8 Aph. l. 3 Celsum respexisse, & ita mentem Hippocratis minus recte affecutum esse, nescio qua motus ratione, arguit: cum tamen in illo Aph. de indole potius morborum autumnalium, quam de origine eorum, de qua Celsus l. c. agit, differi videatur. Cum ipsa vero senectus morbus sit, nec alii profecto, qui hanc premant ætatem, deerunt morbi; quare ad horum quoque considerationem ultimis capitibus se accingit, & generatim quidem vel in sero vel in pituita vitium latere demonstrat: eos tamen ubi in pituita morbi fomes residet, non tam male, quam ubi in sero peccante constituitur, audire, nec adeo facile in chronicos, senibus maxime timendos, degenerare arbitratur. Ceterum plurimos, qui hanc ætatem affligunt, morbos, optime arthritide superveniente sublevari opinatur: hinc eo potissimum Medicos in tollendis ejusmodi morbis respicere jubet, ut quod in visceribus



hæret, val alia quacunque ratione æconomiam partium nobiliorum turbare potest, in articulos rejiciant; hoc enim tanquam remedio graviorum uti naturam, & senes, his interdum recurrentibus contentos, reliquorum immunes persistere malorum. Ex professo igitur Cap. 8 ad 12 usque de eodem agens, generationem materiæ peccantis in visceribus, indeque in articulamenta translationem persequitur: lapidosam istam congeriem, quæ tumoribus & excrementis haud raro in articulis sese prodit, cum unctuosus iste liquor, qui lubricandis ossium commissuris inservit, advehi ratus, signum inde adducit, quo ex sede ejus mali de natuta & duratione illius judicare possimus, siquidem pro propior adhuc est visceribus materia per morbum articularium ejicienda, eo tenaciorem esse exinde conjicitur, eoque majus ad tollendam temporis spatium requiritur; quæ de causa ischias & gonagra magis semper, quam vel podagra vel chiragra metnendæ esse videntur: nec inconsulte Medicus agat, qui dolorem a prioribus ad remotiora transferre loca studebit, in pedibus vero extremis manibusque hærentem non uuo impetu repellat, sed paulatim potius attenuare, minuere & sic tandem penitus excernere allaborabit. Demum etiam ultimo capite nonnulla de iis, qui ad extremam ætatem pervenere, monenda esse censet. Ea vero quæ de ætate vergente generatim dicta sunt, in hac extrema ævi parte fortius urgenda sunt: nulla senibus subita diætæ & vivendi generis mutatio (etiam si nonnihil commodi exinde sperandum sit) admittenda; omne id quod olim noctuisse experti sunt, studiose vitandum; summa in animi commotionibus moderatio adhibenda, cum omnes nocere soleant, solo forsan gaudio excepto, quod cum senes ad tristitiam natura magis sint propensi, nimium in iis facile excitari nequit. Ea itidem omnia studiose conquirenda sunt, quæ spiritus roborando & sentiendi vim conservando profunt, quo respectu maxime quæ nervoso generi a Medicis dicata sunt, commendari merentur, ut & illa quæ mentem præteritorum recordatione & benefactorum conscientia recreare queunt. Ceterum libellus hic tum sermonis elegantia tum rerum optimarum apparatu facile Lectoris studium provocat.

*MAGNI CRUSII, S. R. M. DAN. LEGAT.  
in Gallia Pastoris, Singularia Plessiaca, sive memorabilia de  
vita*



*vita & meritis, fatis, controversiis & morte Philippi Mornæi de Plessis, maximam partem ex ipsis Mornæi scriptis, præcipue vero eius Memoriis atque Epistolis studiose collecta, in classes temporum ac rerum redacta, cum plurimis historiæ Gallie monumentis fide dignissimis collata, & variis observationibus illustrata. Præmissa est præfatio D. HENRICI MUHLII Theol. in Eccles. ac Academia Holsat. primarii.*

Hamburgi, apud Christ. Kistnerum, 1724, 8 maj.

Plag. 21.

**Q**Uæ ex indefessa sedulaque Epistolarum æque ac Memoriarum Mornæi lectione, præter cætera notatu digna, partim illorum temporum historiam, Ecclesiæque Reformatæ fata, partim Mornæi ipsius vitam resque gestas apprime illustrantia, Clariss. Autor observaverat, ea operæ pretium putavit cum orbe erudito communicare, eo quidem ordine ac methodo, ut præcipua historiæ momenta ipsis Mornæi verbis confirmet, textui statim adjectis. Inter alia singularia Cl. Autorem ex Memoriis Mornæi Tom. I p. 44 comprobasse videmus. Philippi Melanchthonis anno 1579 Monachii a Pontificiis factam post funera combustionem. Quæ cum illis hominibus, justissimo Dei judicio, feralis ac luctuosa imprimis extiterit: Bælius in Dictionario suo aliique, imprimis Pontificii, enixe id operam dedere, ut rem inter fabulas rejiciant. Verum Noster eam ex variis circumstantiis firmat, nec insolitam hanc esse inter Pontificios leonibus mortuis insultandi consuetudinem, exemplis Lutheri, Henrici Stephani, Pauli Sarpii atque aliorum ostendit. Interim in eo a Romualdo, scriptore Gallico, dissentit, quod non ipsum corpus Melanchthonis effossum, sed effigies ejus fuerit cremata. Nefandum scelus Iohannis Castelli, Henrico IV Gallie Regi mortem intentantis, sed in ipso conatu capti, supplicioque digno affecti, describens, contra Greserum aliosque Jesuitas, factum sedulo negantes, ex Mornæo docet atque evincit, perditissimum hominem ad perpetrandum hoc facinus a Jesuitis fuisse adductum. Rex enim ipse ad Plessium scribit, confessum esse nebulonem, per aliquot sepe annos in Collegio Jesuitarum fuisse alium atque educatum, ne-

p. 108.

116.

129.

138.

105.

que dubium videri posse, quin illi sceleris autores suaforesque ei ex-  
 titerint. Elegans Mornæi scriptum, quo Vir ille doctus de conjugiiis  
 inter diversæ religionis Principes instituendis consultus a Comite  
 Hanoviensi, sententiam suam ingenue aperit, integrum insertum  
 est. De Isaaco Casaubono existimat, Pontificiorum quidem castra  
 aperte eum non secutum fuisse, attamen sibi in religione sua minus  
 constitisse, neque ea, quæ tum Almeloveenius in vita ipsius, tum  
 alii pro Casaubono afferant, eiusmodi esse, ut omnem plane dubita-  
 tionem de religionis ipsius inconstantia tollant, unde facile intelli-  
 gi possit, quid præsidii sibi Mornæus in colloquio illo cum Cardina-  
 le Perronio Fontisbellaquei religionis causa instituto, atque ab Au-  
 tore Clar. pag. 116 seqq. exposito, a Casaubono & Canajo, tam  
 dubiæ religionis hominibus, promittere potuerit: qui quidem ab  
 ingenua probitate Thuani & Pithœi, Pontificiorum licet, meliora  
 sperabat. Hinc iniquæ conditiones, quibus Mornæus ad colloqui-  
 um supra dictum admissus est, ex historia edicti Nannetensis, quæ  
 Eliam Benedictum autorem habet, summæque fidei ac autorita-  
 tis scriptum merito existimatur, ac paulo post variæ artes, quibus in  
 colloquio isto incautum Mornæum deludere tentavit Perronius, at-  
 tinguntur: inter quas & illa est, quod Patrum editiones interpola-  
 tas atque ita depravatas in colloquium secum adduxisset, ut integra  
 folia immutata preloque denuo subiecta, genuinis editionibus im-  
 mixta, vel tituli editionum Basileensium ac Genevensium edi-  
 tionibus Pontificiis in locis impressis subdole fuerint præfixi. Con-  
 tra Grammondum quoque & alios disputat, affirmantes, infelicem  
 colloquii modo memorati exitum ansam Harrico IV dedisse Refor-  
 matorum sacra deferendi, quem iam anno 1593 ad Pontificios ac-  
 cessisse docet. Ceterum non adeo magnum discrimen Mornæus  
 inter Calvinianos ac Lutheranos esse statuit, præsertim in articulo  
 de sacra Cœna, in quo pro fraternitate ineunda sufficere posse ait,  
 quod utrique verum corpus & sanguinem Salvatoris nostri in  
 sacra Cœna dispensari fidelibus credant, licet de modo non conve-  
 niant. Sunt, qui propter has aliaque loquendi rationes Mornæum  
 transubstantiationis vel consubstantiationis errore infectum puta-  
 vere: sed vel unica vox *fidelibus* a suspitione hac Mornæum liberat.  
 De Paulo Sarpio varia non ubivis obvia observat, simulque nuntiat,  
 litte-

litteratissimum Virum, Frider. Adolph. Reinbothium, in eo esse, ut prope diem singulari scripto omnia, quæ ad historiam Sarpîi, seu Petr. Suavis, pertinent, accurate exponat. De Mornæo quoque notat, eum multo ante infausam Henrici IV cædem præfagiisse, unde & consilia ejus *Prophecia Andegavensis* nomine venerint; præterea Autores hujus cædis Jesuitas credi Mornæo, probat, mendacique arguit Boterejum, in vita Henrici IV Jesuitas omni culpa vacuos pronuntiantem. Ipsum vero Mornæum contra Martinum Iac. Owmannum, qui eum Hebrææ linguæ ignorantie accusavit, defendit. Varia quoque ex Memoriis Mornæanis singulalia, quibus status Ecclesiæ Græcæ illustrari potest, adducit, simulque disquisitionem ejus de Patriarcha Constantinopolitano, num rite œcumenicus vocari possit, adjungit. In qua re explicanda eo majorem fidem meretur Mornæus, quod ipse in Memoriis Tom. IV p. 473 scribit, sese quondam litterarium quoddam commercium religionis causa cum Patriarcha Cyrillo & aliis habuisse. Tandem Cl. Autor accuratam omnium Mornæi scriptorum recensionem suppeditat, ita quidem, ut, quo tempore unumquodque ab eo confectum sit, primo explicet, deinde omnes editiones versionesque exponat.

p. 168.

169.

250.

252.

256.

**VITA GEORGII SABINI, CONSIGNATA**  
*a PETRO ALBINO. THEOD. CRUSIUS denuo edidit*  
*& luculento Commentario auxit.*

Lignicii, sumtibus hæredum Rorlachianorum, 1724, 8.

Pl. 14.

**G** Georgii Sabini, Poetæ laureati, Comitæ Palatini, Consiliarii Marchionum Brandenburgensium, & Professoris eloquentiæ in Acad. Francofordiana, Vitam ex ipsius potissimum scriptis collectam A. 1588 Wittebergæ ediderat Petrus Albinus. Hanc cum singulari perscriptam esse diligentia videret Cl. Crusius, rem gratam se facturum existimavit litteratis, si & edendam denuo curaret & annotationibus illustraret luculentis. Nos, non soliti antiquos recensere libros, ex Notis Crusianis, historiam literariam multa luce perfundentibus, nonnulla sumus delibaturi. P. 36 sqq. de Arnolde Bureno, Rostochiensis Academiæ magno lumine, differit, & lectoribus suis

D 3

fuis

suis plura monumenta ejus historiam illustrantia indicat: quem quidem morem in toto hoc libro servat Cl. Crusius. P. 54 sqq. de Simone Lemnio, poeta maledico, cognitu digniora licet legere; p. 89 sq. de Lazaro Bonamico. P. 136 ostendit, Sabinum fuisse primum eundemque perpetuum Rectorem Academiæ Regiomontanz. P. 211 sqq. exhibet elogia plurium, dicata Sabini laudibus. Denique quotquot sive literarum studiis sive aliis ornamentis clari viri ab Albino commemorantur, eorum uberiores notitiam lectoribus exponit Cl. Editor.

### DE VITA ET SCRIPTIS ELIÆ EHINGERI

*Commentatio, qua haud pauca Hist. Litterariam, præsertim Augustanam, illustrantia adducuntur. Accedunt ex Schedis ejus nondum editis quedam; cura*

IACOBI BRUCKERI.

Aug. Vindel. apud Dav. Raym. Mertz & L. Mayer, 1714, 8.  
Pl. 15.

**A**utor Cl. in præfatione causas susceptæ tractationis hujus exponens, Augustam Vindelicorum, vel ob virorum eruditorum copiam, vere augustam vocari posse pronuntiat, numerosumque eorum Catalogum inserit, qui quondam orbi erudito innotuerunt, & adhuc in pretio haberi solent a multis. Fatetur postea, vulgatas quidem esse a Jo. Chr. Wendlere dissertationes duas, de meritis Reip. August. in rem litterariam, nec non ab Adamo, Wittenio, Frehero, Spizelio, aliisque, quorundam saltem biographias conscriptas esse; verum imperfecta admodum fuisse hæc omnia, optandumque fuisse, ut Cl. Spizelius, intermissos Ant. Reiseri conatus continuaturus, eruditorum Augustanorum historiam edere potuisset. In opere ipso, ejusque cap. I profapiam El. Ebingeri a Jo. Ebingero derivat, qui A. 1488 natus, & a parentibus in monasterium detrusus, oriente postea Evangelii luce, & Luthero forte Augustam Vind. ad Card. Cajetanum concedente, monasticam vitam reliquit, veritatemque Evangelicam, pro suggestu etiam, mascule defendit. Parentem vero habuit noster cognominem Eliam Ebingerum, V. D. M. apud Oettingenses & postea apud Augustanos, bene meritum. Na-



tus est in Cœnobio Oettingensi, *Christgarten* dicto, A. 1573 d. 7 Sept. In Wittebergensem Academiam missus, usus est institutione *Polyc. Lyseri*, *Æg. Hunnii*, *Huberi*, *Gesneri*, cet. Inclaruerat jam sex disputationibus, intra triennium habitis, quum supremos in Philosophia honores consecutus alios doceret, interque discipulos suos præcipuos *Frid. Hortlederum* quoque numeraret. Tubingam postea delatus, præter expectationem muneri ecclesiastico admotus, & a V. C. *Hafenrebero* sacris initiatus est. Mox a perill. Barone *Dav. Enenckelio* Albertobergam in Austr. inf. ad ecclesiasticis aulici munus obeundum vocatus est, quo etiam ab A. 1597 per sexennium functus est. Inde a *Jo. Wilb. L. B. de Zelcking* *Kerfmarckium* in Austr. super. evocatus, oriente mox persecutione evangelicorum, A. 1605 cum uxore & liberis exulare coactus est. In patriam ita redux, musis privatis se totum dicavit, donec A. 1611 ad Pastoris & Superintendentis munus subeundum iuvitaretur, cui tamen vocationi aliam prætulit. Tanto nimirum amore complectebatur juventutem, a Senatu Rotenburgico, simul cum Rectoris officio, A. 1605 sibi concreditam, ut neque Sultzburgum, neque Unam evocatus, pareret. Suscepit tandem in patria Rectoris, Professoris & Bibliothecarii provinciam, quam, a Senatu Augustano sibi demandatam, A. 1617 d. 26 Maji solemni oratione auspiciatus est. Hic, campum literarium nactus amplissimum, industriae suae specimina varia, cum confecto Bibliothecæ Catalogo, tum habitis Dissertationibus & Orationibus non paucis, editisque tandem variis aliorum eruditorum monumentis doctissimis, subinde prodidit. Notatu dignum quoque est commercium epistolicum, ab *Ehingero* nostro cum *Matth. Radero*, *Jo. Brutschero* & *Jer. Drexeio*, S. J. Theologis, institutum, & postea juris publici factum. A. 1629 duriora rursus expertus est fata, ob editam fidei confessionem, Imperatoris decreto exauctoratus. In Saxoniam itaque se conferens, A. 1630 in Ludo litterario provinciali, cui a Porta nomen est, mandato Electoris, Rectoris officium adeptus est, donec mutata iterum rerum Augustanarum facie, & libertate religionis per Success restituta, inter alios *Ehingerus* etiam ad Rectoris & Bibliothecarii pristina munera postliminio quasi revocaretur. Nondum tamen constans fuit vel *Ehingero* vel reip. August. felicitas, liqui-

liquidem nova fatorum intra triennium conversione & januz Gymnasii clausæ sunt, & noster urbe iterum excedere coactus est. Excepit autem exulem, vacantemque Rectoris scholastici locum demandavit eidem Ratisbona, ubi, post tot varios fortunæ lusus, appropinquante sensim senectute, & podagræ morbo indices iuvalente, placida tandem quiete frui cœpit. Attamen tempus, quod senii causa publicis negotiis liberaverat, otio minime consumsit, verum partim scriptis suis expoliendis, partim carminibus conscribendis, utilissime consecravit, donec A. 1653 d. 28 Novembris octogenario major, vita excederet. Quæ de matrimonio ejus, liberisque, quorum quinque masculos, duas femellas numeravit, dici possunt, consulto omittimus.

Capite secundo de Scriptis Ehingeri nostri agens Autor, observat, non semper quidem numero scriptorum respondere eorundem præstantiam; eam tamen esse asseverat opusculorum Ehingerianorum rationem, ut non copiosa tantum, verum & insignis pretii esse deprehendantur. Tantus autem est tractatum, dissertationum & orationum, librorum denique ab eo editorum apparatus, ut numerus eorum ad septuagesimum usque excrecat. Sunt præterea incerta, inedita & posthuma, non pauciora sane, licet ea, quæ minoris momenti videri possent, studio prætermisisse se, fidem faciat Noster, totam tractationem suam elogio quodam Ehingeri, ex V. C. Spizelio excerpto, concludens. Appendicis loco additi sunt tres tractatus, minoris molis, e MStis schedis Autoris nunc demum publicati; (I) Origines labilis, sive de nœvis Origenis; (II) Papa Mulier, sive de Ioanne VIII P. M. (III) Tr. an corpus Dion. Areopagitæ apud Ratisbonenses, an vero potius apud Parisienses quiescat? Tandem coronidis loco apparet Epistola V. C. God. Thomasi, M. D. apud Noricos cel. qua nonnulla ad vindicandam filiarum Ehingeri nostri famam suppeditantur. Quæ omnia Autorem nostrum additamentis notisque amplissimis lectuque dignissimis ornasse & illustrasse, quivis, ipsum hoc scriptum evolvens, nobiscum fatebitur.

*VITA JOHANNIS GERHARDI, QUAM E FIDIS monumentis, magna ex parte nondum antea editis, atque ex in-*

*instructissima Sereniss. Ducis Gothani bibliotheca benignissime secum communicatis luculenter copioseque exposuit & ad illustrandam Historiam Ecclesiast. ejus, qua ille vixit, ætatis digessit ERDMANN RUDOLPH FISCHER, Ecclesiæ Coburg. Diaconus. Accedunt tres & quadraginta cum B. Gerhardi tum ad eundem Epistolæ.*

Lipsiæ, apud Jo. Christoph. Cœrnerum, 1723, 8.

Alph. 1 pl. 14.

CUM insignia Jo. Gerhardi in cœtum puriori Christi doctrinæ addictum merita sint, operæ pretium fecit Reverendus *Fischerus*, quod post Jo. Majorem, Io. Himmelium, Just. Feurbornium, Sal. Glasium, Jo. Mich. Dilherrum, Mich. Schneiderum, Theoph. Spizelium, Anton. Reiserum, Henning. Wittenum, P. Freherum, Jo. Casp. Zeumerum, & Jo. Christoph. Wendlerum, qui omnes in Jo. Gerhardi meritis recensendis exornandisve elaborarunt, Theologi hujus vere magni vitam & fata luculentius paulo exposuit, historiæ simul sacram & litterariam ejus ætatis passim illustrans. Lucem autem adspexit Jo. Gerhardus Quedlinburgi d. XVII Oct. A. 1582, eo ipso videlicet anno & mense, quo insignem illam Fa-  
 4.  
 5.  
 6.  
 7.  
 florum mutationem Gregorius XIII Pontifex Rom. introduxit, id quod ipse B. Gerhardus tanquam singulare quid ad annum suum natalem adnotavit. Patrem nactus fuit Bartholomæum, ærarii senatorii præfectum, matrem vero Margaretam Berndesiam, quæ voce publica matronalium virtutum exemplar audire meruit. Inclusus adhuc utero materno mirabile providentiæ divinæ in se sensit experimentum. Accidit enim, (utimur verbis Autoris) ut Pater Gerhardi iratior servo currum frugibus onustum exonerare ante pertinaciter neganti, quam bibendum accepisset, magni ponderis fustem in eum conjiceret. Servus vero bibax, celeri corporis flexu hunc ictum declinans, effecit, ut heræ gravidæ e regione stantis faciem atque uterum graviter admodum iste fustis feriret, adeo ut omnes aut embryonis jacturam, aut certe ejusmodi ictus istius indicium in corpore sobolis præfagirent, quod deformitatem notabilem ipsi  
 E esset

- esset allaturum. Sed neutrum, providente fœtui divino numine, evenit, & mater filiolum integrum & illæsum est enixa. Adolevit juvenis in Quedlinburgensi primum, post Halberstadenſi ſchola, & utrobique Poeseos imprimis, Græcæ & Latinæ, dedit ſpecimina. Neque vero tum variæ calamitatis expers fuit, quippe cui modo cum morbis corporis animique, quibus etiam adductus ſe Theologico ſtudio voto ſolenni conſecraverat, modo cum contagioſa peſtilentia lue conſiſtendum fuerat, quam ſumto, per errorem quidem, duplici antidoto A. 1598 feliciter ſuperavit. Anno proxime inſequentē contulit ſe Vitembergam, ubi quidem notiæ rerum ſacrarum fundamentum jeciſſe, non in minima felicitatis ſuæ parte poſtea poſuit. Verum anno 1601 conſilio propinqui ſui, Andreæ Rauchbari, aliorumque Cognatorum, ad addiſcendam artem Medicam ſe applicuit, præſtantiores in ea doctores audiit, diſputationes Medicas conſcripſit, atque hac ratione eam artis ſalutaris notiā acquiſivit, ut non ſolum Hemſendorffium delatus Medicinam facere inchoaret, verum etiam, cum Superintendens Heldburgenſis munere ſungeretur, ægrotantibus nonnunquam in viciniā medicamenta præſcriberet. Anno 1602, exacto in Academia Vitembergenſi triennio, evocatus a Rauchbaro ad ſuſcipiendam liberorum inſtitutionem Hemſendorffium fuit; inde vero, mortuo eodem ipſo anno hospite ſuo, filii ejus natu majoris moribus præfectus, cum eo Jenam A. 1603 abiit, quo delatus, conſilio mutato & voti olim facti memor, Theologiæ ſtrenuam operam navavit, & Jo. Arndii imprimis conſiliis adjutus, in hoc ſtudiorum genere tam feliciter verſatus eſt, ut mature admodum alios docere valuerit, in quibus Salomon Glaſſius Joanni noſtro retulit acceptum, quicquid in his litteris, præcipue in egregio Philologiæ ſacræ opere, tentavit. A. 1603 laurea Philoſophica ornatus, & paullo poſt difficillimo vexatus fuit morbo, adeo, ut crederet, decretoriam ſibi inſtare horam, quam ob rem teſtamentum, quod heic inſertum legitur, vel potius teſtimonium ſanctiſſimæ ſuæ fidei & pietatis formula ſolenni conſecit; ſed poſtquam adhibita venæ ſectione cum valetudine in gratiam rediit, A. 1604 Marburgum ſe contulit, atque ibi Jo. Winckelmanni & Balth. Menzeri, cui etiam in itinere per primarias quasdam Germaniæ urbes comes fuit, in Theologia aſſiduus fuit auditor



tor. Relicto vero deinde ob turbas intestinas, ibi ob sacra reformata a Principe introducenda excitatas, Marburgo, cum Rectoris scholæ patriæ, neque minus Halberstadiensis Pastoris, itemque in Academia Giessensi Professoris provinciam detrectasset, Jenam redux factus, scholas Theologicas ibidem instituit. A. 1605, sexto demum anno vitæ academicæ elapso, primum verba ex ambone sacro ad populum fecit, neque inde ante oblatam Ephori & Pastoris Heldburgensis spartam sæpius quam quater concionatus fuit. Hac autem inde ab A. 1606 defunctus, A. 1615, satis quidem diu reluctatus, Coburgum ad Pastoris & Superintendentis Generalis munus evectus fuit, quod non alia tamen conditione suscepit, quam ut, si ad Professionem Academicam vocaretur, abire munere sibi liceret, quod evenit, cum mox Jenam vocaretur, id tandem consecutus, quod tot precibus totque votis quotidie optaverat, videlicet ut in Academia vivere & mori ipsi liceret, cui se natum esse & ipse agnoscebat & alii Theologi cordatissimi judicabant. Hic docuit gnaviter & nunquam fractis aut defatigatis animi corporisve viribus: fasces academicos magna dexteritate auspiciatissimoque rerum omnium ista ferali & bellica tempestate successu quater gessit: Academiam deprecatione sua apud Principes validissima duobus feudis, Rhemda & Apolda, locupletavit; mala varia & pericula ab eadem avertit. Non minori industria collapsam fere quibusdam in locis disciplinam ecclesiasticam restauravit: id quod in Episcopatu Coburgensi & Heldburgensi egregie præstiterat, quando Generalem, quam ajunt, Visitationem Principis jussu moderatus est, atque Ordinationem Eccles. Coburgensis conscripsit, luci publicæ doinde expositam. Doctrinam puriorem contra veritatis hostes mascule defendit; consilia & responsa Theologica concinnavit; Ministros ecclesiæ utiles constituit, aliisque Ecclesiæ mire profuit. Inprimis vero commemorandæ sunt tot legationes ab ipso Ecclesiis causa susceptæ, tot itinera, quorum molestias devoravit, tot conventus Theologorum, Jenensis, Lipsiensis, alique, quibus omnibus interfuit. De acerrimo ejus judicio scripta, in quibus controversias Theologicas pertractavit, & frequentissimæ consultationes, ad quas fuit adhibitus, satis loquuntur. Et qui materiarum multitudinem, varietatem & celeritatem, quas illas conscripsit, cogitaverit, facile adsentiet Dilherro, scribenti;

p. 78.

101.

105.

119.

omnisciam fere nostro fuisse memoriam, totumque memoriz dolum eum exhaustisse. Præterea noverat res tractandas pulcherrimis orationis luminibus exornare, historiasque sacras & profanorum scriptorum sententias ad argumenta dicendi accommodare, ex quo lucidissime magna & præclara ejus ingenii vis patet, quod etiam ad condenda carmina erat aptissimum. Theologiam catechetica non solum Scholæ suæ Pietatis ex parte inseruit, sed etiam in peculiari libello, qui explicationem catechismi continet, dilucide selectis Scripturæ S. dictis proposuit. Quam solidam Theologiæ theticæ habuerit scientiam, cum Aphorismi ejus, tum imprimis Loci Theologici declarant, in quibus veram & Dei verbo consonam ubique doctrinam, missis omnibus Scholasticorum spinis & tricis, nervose, accurate, copiose & tam perspicue proponit, ut stipitem esse oporteat, qui mentem ejus assequi non possit. Theologiam Polemicam adversus omnis generis adversarios, Pontificios, Calvinianos, Photinianos, & Fanaticos, non contradicendi libidine, nec ulla verborum asperitate, sed veritatis divinæ amore, sobrie modestèque tractavit. Quid in Theologia exegetica valuerit, accurati, quos in Sacri Codicis libros conscripsit, Commentarii loquuntur, & si dicendum, quod res est, Gerharδο imprimis debemus, quod Theologia exegetica in artis formam redigi cœperit. Etsi enim Hermeneuticam sacram Glassius primus omnium copiosissime præcepit, in Philologia sacra tamen tradenda nihil unquam tentasset, nisi stimulos veluti ei admovisset Gerhardus. Hic enim non solum peculiarem tractatum de legitima Scripturæ S. interpretatione ediderat, verum etiam optaverat, ut esset, qui Grammaticam & Rhetoricam sacram plenius tractandam sumeret, & Glassium, cum coram, tum per litteras ad laborem hunc in se suscipiendum erat adhortatus. Theologiæ homileticæ cum operam daret Gerhardus, methodo se usum esse profitetur catechetica, & mystica, non illa famosa, sed quæ supposito sensu litterali Scripturas sobrie convenienterque accommodat. Illam enim ad captum plebis, hanc *πρὸς ὁικονομίαν* accommodatissimam esse, recte judicabat. Theologiam Moralem, atque Paracleticam, aliquot pariter libris tradidit, eo quidem solidius, quod ipse pietatis non fucatæ cultor gravissimis sæpe tentationibus ad investigandas firmas in sacris Litteris consolatio-

tio-

tiones, quibus se erigeret, excitatus fuisset. Qui Theologiæ Casualis & Consistorialis, quam probe perspectam habuit, specimina expetunt, Responſa ejus Theologica, Locos etiam Theologicos paſſim, & ordinationem Eccleſiaſticam Coburgensem legant, & conventus cogitent, in quibus præcipue fere ſemper Gerhardi partes in decidendis rebus eccleſiaſticis fuerunt. Quantum in Theologia Patriſtica fuerit verſatus, libri ejus, pleni teſtimoniorum ex veteris eccleſiæ doctõribus depromptorum, oſtendunt. Unde ſimul intelligitur, eum in Hiſtoria Eccleſiaſtica minime hoſpitem fuiſſe. Certe ratio addiſcendæ Hiſtoriæ Eccleſiaſticæ, quam in Methodo ſtudiî Theologiçi præſcripſit, & imprimis ejus Confefſio Catholica ubertim id demonſtrant. Theologiæ Scholaſticæ ea notiſſima erat imbutus, quæ doctõri, cum Pontificiis feliciter depugnaturõ, ſufficit. Neque minori linguarum præcipuarum & Theologo neceſſariarum cognitione imbutus fuit. Hebraica ita calluit, ut, antequam Heldburgum Jena diſcederet, dignus ab Aula Vinarienſi haberetur, cui munus ordinariũ docendi linguam ſacram in Academia Jenenſi demandari poſſet. Attigat quoque Chaldaicam & Syriacam, uti ex Commentationibus ejus Bibliicis, & ſigillatim quidem ex Harmonia Evangelica & Commentario in utramque Petri Epistolam apparet: quamvis non diſſimulandum, in illa non parum eum in inquirendis etymis Syriacis Sal. Glaſſii, in hoc Mich. Schneideri opera fuiſſe adjuſtum. Utrum Rabbinicam linguam intellexerit, non liquet. Litteris Græcis multos ejus ætatis Theologos antecelluiſſe Gerhardum, ex iis, quæ ſupra commemoravimus, obſcurum eſſe nequit. Nec vulgarem ſibi linguæ Latinæ ſcientiam ex optimorum autorum lectione comparaverat. Puriori certe ac magis perſpicuo ſtylo libri ejus ſcripti ſunt, quam multorum aliorum Theologorum, quæ cauſa eſt, cur vix imitabilem ſtyli facilitatem modo citatus Schneiderus Gerhardo adſcribat. Quod ad virtutes ejus, laudantur hic prolixè ejus pietas, beneficentia, concordia & manſuetudo, ſobrietas & ἀντὶφροσύνη, gratitudo, humilitas & integritas vitæ, humanitas & feſtività, obſectationum odium, patientia & in calamitate conſtantia, quibus utique opus habuit, cum varias ſubinde calamitates experiretur. Quæ aliis præcepit, ipſe inculpatiffimo vitæ genere, pietate ſoci omnis experte, alios juvandi omnibuſque bene faciendi ardore

ardore, temperantia, moderate de se sentiendi studio, humanitate, infracto in adversis rebus animi robore, exemplo suo continuo expressit. Nunquam enim ipsi virtutem suam periclitandi tentandique defuit occasio, præcipue cum more omnium, qui Deum sincero studio colunt, multas injurias sustinuerit, multa suorum funera efferri viderit, morborum difficultate semel iterumque, invidia quoque & calumnia laboraverit. Bello Germanico tricennali & Cælareani & Suecici milites eum per insidias capere aliquoties tentarunt, &, cum ipsi nocere non potuerint, in bona ejus variis modis debacchati sunt, ita ut crebris horum hostium depopulationibus atque incendiis quinquies mille aureorum jacturam fecerit. Neque vero adversitatibus his fractus est, sed intrepido animo omnia pertulit, certus de Dei hominumque in se favore, quo factum, ut e frequentibus amplissimisque Principum, aliorumque, quorum gratia florebat, donationibus, satis divitiarum collegerit. Ceterum mirum minime videbitur, tantum Virum viginti quatuor vicibus ad sacra vel Academica munia obeunda, nunc in superiorem aut inferiorem Saxoniam, nunc in Borussia, Holsatiam, Sueciam, imo & Bohemiam atque Austriam, propositis largis præmiis, fuisse invitatum. Rem familiarem Gerhardi quod spectat, tori sociam sibi elegerat Barbaram Neumeieriam, post Jo. Majoris privignam, quacum d. 19 Sept. A. 1608, præsentibus Serenissimorum Principum, Jo. Casimiri & Jo. Ernesti, Illustrissimæ item Principis Vinariensis, & Reverendissimæ Abbatissæ Quedlinburgensis legatis, nuptias celebravit. Qua vero, tertio anno post, præmaturo fato ipsi erepta, ad secunda vota cum Maria Mattenbergia ineunda transiit, nuptiis in arce Heldbûrgensi A. 1614 Kal. Martiis celebratis. Præcipuum quendam splendorem Serenissimi Principis, Jo. Casimiri, & legatorum, quos Elector Saxoniz, Vinariensis item, & Isenacenses Duces miserunt, præsentia nuptiali huic solennitati conciliavit. Et Serenissimus quidem Jo. Casimirus integrum quadriduum nuptiis interfuit, ferina, vino & necessariis omnibus lautissime eas instruxit, atque deducendo sponsum in templum latus ejus sinistram clausit, Electoris legato dextrum relinquens. Sustulit ex hac conjuge, divite admodum & liberis & opibus, decem liberos, quorum IV vivus extulit, sex reliquos impuberes post fata

re.

p. 260.



reliquit, in quibus Jo. Ernestus, Theologus Giessensis, Ioannes, qui Hebraice quidem apprime doctus, ad juris tamen studium animum appulit, anno ætatis XXIII denatus; Jo. Fridericus, Eisenbergensium Antistes; Jo. Andreas, Ducum Saxoniorum Confiliarius & Comes Pal. Cæs. quorum, uti etiam totius stirpis Gerhardinæ, historiam Cl. Autor hic contexuit. Ceterum uti ab omni pertinacia fuit imprimis alienus, ita non dubitavit, sententiam, quam antea defenderet, re accuratius pensitata, retractare, cujus rei Noster producit tria exempla, in doctrina de intercessione Spiritus S. quam primum & effectivam & formalem esse affirmaverat, postea effectivam tantum judicavit; de regeneratione, quam phrasi Scripturæ esse generationem Christi in nobis, idque parturitionis Paulinæ voce Gal. IV, 29 evinci posse, quondam crediderat; 3 in doctrina de sui abnegatione, quando vocem Taulerianam, *Gelassenheit*, ex libris suis Scholæ Pietatis ea de causa submovit, quia blandiri videretur somniis Fanaticorum, Weigelianorum & Rosencrucianorum. Licet vero cautissime & sentire & loqui studuerit Gerhardus, iniquas tamen censuras & narrationes God. Arnoldi evitare non potuit, contra quas fama ejus hic mascule vindicatur & restituitur. Multo rectius justiusve quam plurimi de Gerardo & sentiunt & prædicant, quorum ex Pontificiorum, Reformationum & Lutherianorum cœtibus honorifica de eo judicia hic adducuntur. Antequam porro Autor libros a Gerardo conscriptos ordine & numero agmine recensere eorumque historiam filo prolixiore texere instituit, quæ hic repetere institutum nostrum non patitur, commemorat, quod Gerhardus bibliothecam multis iisque rarissimis libris habuerit instructissimam. Quam quidem omnibus pate-re voluit, ea tamen lege, ut libri mutuo dati post hebdomadis spatium bona fide reportarentur, id quod ex schedula intelligitur, quam typis exscriptam singulorum librorum ad Bibliothecam Gerhardinam pertinentium fronti affixam videmus, hac quidem formula conceptam :

D. O. M. C. S.  
Pro eruditionis cultorum  
commodo augendo  
Bibliotheca Gerhardina

ad

*adjectum me**L. B. O.**scito.**Ultra septimana spatium**e dicta bibliotheca**ne me tecum**retineto.**Quisquis me furto abstuleris,**ne Deum iratum sentias,**caveto.*

Hæres bibliothecæ paternæ, Jo. Ern. filius, plurimis eam ac sumtuosis libris locupletavit, post cujus suprema funera in bibliothecam Gothanam Fridericus I Sax. Dux A. 1675 eam intulit. Restat, ut de Gerhardi nostri discessu ex hac vita ad beatiores sedes paucissima commemorentur. Satur enim ille vitæ, honorum, omnisque felicitatis, quæ in hoc sæculo expectari potest, febri ardente vitæ suæ finem fecit d. XVII Aug. A. 1637 æt. 54 mens. 8, postquam diem supremum VI mensibus ante, quam obiret, præfagivisset. Quam lamentabilem ecclesiæ & omnibus bonis & cordatis viris mortem non Jenensis tantum Academia luxit, verum in doloris etiam societatem ultro, præter Vitebergensem, Marburgensis venit, in qua Gerardo Justus Feurbornius, quem quidem inter & Gerhardum sic ante aliquot annos convenerat, ut, ubi alter eorum vita defunctus esset, alter superstes ei parentaret, ei hoc pietatis officium persolvit. Hæc est summa eorum, quæ in elegantissimo hoc de B. Jo. Gerhardi vita commentario potissimum ex insertis partim suis locis, partim sub finem libelli subnexus epistolis Jo. Gerhardi ad alios & aliorum ad illum exaratis, Cl. Autor exposuit, quibus porro excutiendis supersedemus.

## NOVA LITTERARIA.

**T**Ransmiserunt nobis nuper Rev. Patres S. J. Antverpienses schedulam impressam, qua novi Operis mox prodituri conspectus exhibetur, rogantes, ut Actis nostris inferatur: en itaque illum:

*A viginti & amplius annis, pauculi Sacerdotes Ultrajeclini, falso se dicentes Capitulum & Canonicos Ecclesiæ Metropolitanae Ul-*

*Ultrajectinae, a centum quadraginta quatuor annis proprio Episcopo destituta, spirituales Jurisdictionem Ecclesiasticam, quantumvis saepe prohibiti, usurparunt per Missiones Hollandicas; & in hujus pravaricationis defensionem advocarunt nonnullos Viros doctos & Juris Ecclesiastici peritos, falsis utique Ultrajectinorum suggestionibus deceptos. Sed, quod caput est, Summo Romano Pontifici & S. Sedi Apostolica jam olim injurii ac rebelles effecti, a tribus praecipue mensibus evulgarunt Libellos varios, etiam hisce in partibus distractos, in quibus falsis confictisque titulis, & narracionibus Reipublica Litterariae conantur imponere: nihil minus persuadere volentes, quam injustitiam & iniquitatem totius rationis, quam ab hujus saeculi initio eadem S. Sedes Apostolica tenuit circa rerum sacrarum & spiritualium in dictis Missionibus administrationem. Cum itaque prelo paretur Opus, in quo Ultrajectenorum errores, lapsus, falsa ratiocinia, usurpationes & imposturae referuntur & confutantur, atque S. Sedis Apostolicae justitia aequitasque liquido demonstrantur; rem nec inutilem nec importunam se facturum arbitratus est Auctor, si interim emitteret Operis sui specimen, ut ex illo, veluti totius rei controversae imagine, statueret secum omnis Litterarum & Veritatis amator, alios etiam praeter Ultrajectenses audiendos esse, tum de accusata S. Sedis Apostolicae ratione, tum de ipsorummet Ultrajectenorum causa: atque ut interim illi, quibus aut animus deest, aut otium inquirendi in veritate, aut qui vagis tantummodo rumoribus Summo Pontifici & S. Sedi detrabi vident, suspenderent tantisper judicium, quod illi extorquent; ne leviter & audita nondum utraque parte pronuntient inter Romanum Pontificem Sanctamque Sedem Apostolicam, & hos infimi Ordinis Sacerdotes. Titulus Operis est sequens:*

*Historia Ecclesiae Ultrajectinae a tempore mutatae Religionis in Foederato Belgio; in qua ostenditur, ordinaria Sedis Archiepiscopalis & Capituli Jura intercidisse. Accedunt varia Monumenta huc spectantia, cum Dissertationibus, in quibus elucidantur occurrentes difficultates Facti & Juris.*

*Hæc Editio paratur contra Assertionem Juris Ecclesiae Metropolitanae Ultrajectinae Romano-Catholicae Joannis Christiani Erckelii, anni 1703; Bataviam Sacram Hugonis Francisci van Heussen, anni 1714; Opus posthumum Quesnelli, sub hoc titulo: Justification du Droit des Chapitres de l'Eglise Catholique des Provinces Unies dans le Gouvernement de cette Eglise, avec une Addition sur l'injustice de la deposition de son Mr. l'Archevêque de Sebaſte. Ouvrage posthume du R. P. Pasquier Quesnel, 1720; & contra Scriptum anonymum: Memoire pour l'Eglise & Clergé d'Utrecht . . . . . à Amsterdam, chez Nicolas Potgieter, 1722,*

aliosque Libellos plurimos Latino, Gallico & Belgico idiomate in hanc rem editos.

Autor porro orditur narrationem suam ab Ereptione novorum Episcopatum in Belgio, factam anno 1559 & Sedis Ultrajectensis in Archiepiscopalem 1560. Exponit hujus leges & statuta, quibus omnibus retro temporibus standum esset; inaugurationem Frederici Schenckii e Baronibus de Tautenburch, primi & unici Archiepiscopi, 1561, ejus deinde gesta; celebratam Synodum; institutos Canonicos Graduatos, non completo tamen eorum numero; denique mortem 1580. Explicat statum Ecclesie Ultrajectinae, Sedis Archiepiscopalis, & Capituli post mortem Schenckii. Refert, Philippum II ad vacantem Sedem nominasse primum Hermannum Comitem Rennebergium, postea Johannem Bruhesium; neutrum confirmatum, aut consecratum. Ostendit, Sedem Archiepiscopalem destructam per superinductam Religionem praetense Reformatam & A catholicorum Dominationem. Docet Capituli interitum, per admixtos primo Catholicis Canonicis A catholicos; dein Catholicorum exclusionem 1622, ac tandem Capituli (ut loquimur) secularizationem. Narrat, Catholicos Canonicos dispersos, & neglectam ab iis curam Religionis & Ecclesiae; Adversarios ipsos fateri: *celeberrimum illud olim Capitulum non potuisse non interire*; Pastores etiam confuso ordine sacra administrantes; Dioecesim sine Episcopo, sine Vicario Capitulari. Probat, Nuntium Coloniensem derelictae Ecclesiae providisse de Vicario in Spiritualibus generali in Persona Sasboldi Vosineri 1580. Hunc nonquam fuisse Canonicum Ultrajectinum; hunc a Gregorio XIII Vicarium creatum Apostolicum 1583, nulla interveniente Cleri electione: atque ab Archiduce Alberto Belgii Principe ad Cathedram Ultrajectinam nominatum 1602. Prosequitur Sasboldum Romam euntem cum litteris clausis Archiducis ad Clementem VIII; consecratum ibidem, non Ultrajectensem, sed Philippensem Archiepiscopum *in partibus*. Commemorat ejus in patriam reditum; exilium; patrimonium fisco addictum; gesta ejus reliqua; mortem 1614. Docet, hoc tempore vix superfuisse Ecclesiam Ultrajecti. Majores nostros non nisi *Catholicorum reliquias* agnovisse. Non vacasse Sedem Archiepiscopalem Ultrajectinam, utpote everfam; neque dignitatem Vicarii Capituli Ultrajectini, destructi scilicet & exauctorati. Adducit Philippum Rovenium, Vicarium Apostolicum secundum, a Paulo V constitutum 1614, nulla pariter interveniente Cleri electione; consecratum eodem peregrino titulo Archiepiscopi Philippensis 1620; dissidium ejus cum Patribus Societatis JESU, ob quod proficiscitur Romam 1622. Nullam Romae factam instantiam, ut ad Archiepiscopatum Ultrajectensem promoveretur; nullam omnino faciendam (ipso testante Rovenio) nisi de consensu Regis aut Infantis Isabellae. Cleri Catholici conatus, ut Rovenius a Rege nominaretur ad Archiepiscopatum Ultrajectinum 1626, sed irritum effectum. Alia praeterea ejus gesta loquitur, & erectum ab illo, pro meliore Missionis regimine, *Vicariatum quendam* 1533. Hunc compositum ex Sacerdotibus Hollandis, praetermissis antiquis



quis Canonicis Ultrajectensibus, quorum aliqui adhuc existerant in vivis. Ejus deinde exilium 1640, mortem 1651. Hinc gradum facit ad Jacobi La Torrii Missionem ab Urbano VIII acceptam, ut Coadjutor esset Rovenii 1640. Cui successit tertius ordine Vicarius Apostolicus 1651, consecratus titulo Ecclesie Ephesine, *in partibus*. Adducit confirmationem ejusdem Vicariatus a La Torrio factam 1658, reliqua ejus gesta, & mortem 1661. Narrat, Zachariam de Mez, in seculis Ultrajectensibus Sacerdotibus, datum La Torrio Coadjutorem ab Alexandro VII 1656; hujus quoque gesta exponit, & habita cum Ultrajectensibus dissidia. Probatum tamen ab illo Vicariatum, 1659, mortem 1661, in vivis adhuc existente La Torrio. Narrat Cleri Ultrajectini vota precesque pro Joanne Neercasselio, ut a Summo Pontifice constitueretur Vicarius Apostolicus, 1661. Docet, has preces non fuisse exauditas. Baldinum Catzium, quartum Vicarium Apostolicum (in seculis rursus Ultrajectensibus) ab eodem Pontifice creatum, eique datum Joannem Neercasselium in Coadjutorem 1662. Utrumque consecratum titulo peregrino: hunc Castorientis, illum Philippensis Ecclesiarum *in partibus*. Divisam inter illos Missionem, quod Neercasselius detrectaret subesse Catzio. Catzii obitum 1663. Neercasselium illo anno Vicarium Apostolicum quintum. Ejus gesta varia fusius enarrat. Concessam primo licentiam a S. Sede, ut Neercasselius Missionis Hollandicæ regnum totum haberet. Secundo, restrictam, circa Sacerdotes ordinandos, potestatem. Tertio, rejectam ejus instantiam, ut in Vicariatu haberet omnem potestatem, qua gaudent Episcopi in suis Diocesis. Loquitur Statum Missionis a Catzio Neercasselioque exhibitum S. Sedis, 1662, expensum Romæ 1663; injunctum Neercasselio, ut explicaret, quomodo Vicariatus Ultrajectinus efformaretur, unde sumpsisset exordium & progressus, & ex cujus auctoritate Sacerdotes illi in Missionis administratione adhiberentur. Exhibet trepidationem Neercasselii, magnosque timores. Profert ejus Declarationem ad S. Congregationem, qua respondet: *Collegium sive Vicariatum erectum a Rovenio. Confirmatum & ampliatum a La Torrio. Constare octo Sacerdotibus. Esse Vicario a consiliis in Diocesi Ultrajectina. In reliquis Episcopatibus nihil habere Collegium hoc. Illos Sacerdotes adeo habiles & obsequiosos eidem existere, ut aliquibus eorum uteretur in Darentriensi & Middelburgensi Diocesis. Optare se, ut eidem Collegio Robur Confirmationis Apostolicæ adderetur. Se non confirmaturum, nisi S. Congregatio permittat.* Ostendit Autor, Sacram Congregationem, hoc responso habito, mandasse, ut Instrumentum Erectionis mitteretur Romam. Nullum fuisse & examinatum, non tamen approbatum Vicariatum. Neercasselium non stetit verbo, sine licentia S. Congregationis confirmasse Vicariatum. Selectis tamen illum verbis, Consiliariorum expressisse cœtum, non Canonicorum Collegium. Autor jubet notari, ex mente Neercasselii, nullum hic esse Capitulum, nullos Canonicos. Tum prosequitur gesta Neercasselii. Iter in urbem 1670 & signatum ibidem, cum juramento, Formularium Alexandri VII. Ejus Epistolam Pastoralem pro observantia Decreti Innocentii XI contra 65 Propositiones, 1679. Nihilominus a Neercasse-

Casselio invitatos & receptos in Missionem Hollandicam, famosos profugos Gallos, Arnaldum, Du Vaucel, Gerberonium, Quesnellum, quasi *Angelos Dei*; verius quasi totidem vulpes ad suffodiendam Missionum Hollandicarum vineam 1680-1685. Institutos ab illo Pro-Vicarios Petrum Codde, & Josephum Causebant, qui etiam post ejus mortem, ex accepta a S. Sede potestate, Missionis regimen tenerent, donec eidem de Vicario Apostolico provideretur. Obitum Nceercassellii 1686. Explicat rejectam Romæ Ultrajectensium propositionem de Hugone Heussenio in Vicarium Apostolicum præficiendo. Profert Petrum Coddæum a S. Sede constitutum Vicarium Apostolicum ordine sextum 1688. Consecratum titulo Archiepiscopi Sebasteni *in partibus* 1689. Initium Ministerii ejus prudens, & ex debito. Querelas contra Coddæum, ejusque Missionarios, super doctrina Janseniana, rigoribus exoticis, aliisque, 1690. Exhibet illum timentem sibi de ignominiosa abdicatione; sed Internuntii moderatione defungentem periculo; periculose ægrotantem 1691; in defensionem Cleri accusati dictantem testimonium; convalescentem ex morbo; novas offensionis causas præbentem 1692, examinatas Romæ 1694; Missionarios suos non cohibentem ab administratione Sacramentorum, Matrimonii, Baptismi & Extremæ Unctionis, & Cæremoniarum funeralium, in lingua vernacula, 1695; intimam cum Quesnello, Gerberonio &c. amicitiam colentem 1696; Bajanorum, Jansenianorumque librorum impressionem distractionemque permittentem 1697. Tum enarrat exortos inde motus in Missionem Hollandicam, novas & tertias Romam querelas delatas a pluribus de Clero Seculari & Regulari Sacerdotibus; a Catholicorum Principum Legatis; ab Archiepiscopo Ancyranos; a Ministris Apostolicis. In hanc emissum: *Breve Memoriale extractum ex prolixiore, de statu ac progressu Jansenismi in Hollandia*; impugnatum ab his, propugnatum ab illis; accusatum, per ipsum Coddæum, apud S. Sedem 1698, cum adjuncta pro se, *Brevis Memorialis Refutatione*. Denique omnia discussa in Congregatione habita 25 Septembris 1699, cum exiit Decretum, quo Coddæus evocabatur in Urbem, & Theodorus de Cock designabatur interim Pro-Vicarius. Ad hæc refert Coddæum, Romanum iter averfantem, metuentem; variis quæsitis coloribus declinantem; Internuntii instantias, Coddæi defensiones; illius minas, hujus terrores; Quesnellum denique persuadentem; & odiosam de Formulario quæstionem, veram utique timoris causam, fortunæ committentem & temporis. Narrat discessum Coddæi; constitutos ab illo Pro-Vicarios quatuor, qui interim Missionis regi-  
mini intenderent; adventum ejus in Urbem 1700. Post decem nondum dierum mansionem, exceptum ad pedes Clementis X, tanta cum benevolentia, ut inde Belgium universum ad acclamationes permoverint Ultrajectenses. Adnotat, semestri spatio Coddæum quater se suamque causam Pontifici exposuisse; quinque habitas Cardinalium Congregationes; coram tribus Eminentissimis Deputatis auditum quinquies 1701. Adeo ut de maturato examine, de frequenti deliberatione, & de instituti judicii æquitate, immerito quæsti sint Ultrajectenses. Adducit Coddæum concinuantem *Respon-*  
*siones*

*iones & Declarationem* suas; declinantem Formularii Alexandrini subscriptionem. Explicat ultimam Congregationem habitam 7 Maii 1702, præfente ac præfidente Clemente XI, & latum inibi Decretum, quo Petrus Coddæus, Archiepiscopus Sebaftenus, ab omni exercitio & administratione Vicariatus Apostolici suspenditur, & in ejus locum deputatur Theodorus de Cock, Pro-Vicarius Apostolicus. Probat, Decretum illud Coddæo traditum fuisse in Urbe die 22 Julii 1702, causamque suspensionis nec illi, nec sociis fuisse ignoratam. Exponit turbas in Hollandia excitatas contra Neo-Pro-Vicarium; spreta S. Sedis Mandata; seditiosas Ultrajectensium voces; exhortationes Internuntii inutiles; quæritos inobedientiæ prætextus; adinventæ tunc primum prætenfa Capitula, quibus inauditis & invitis Cockius non posset Missionibus præfici; datas ab Ultrajectensibus ad Clementem XI litteras officiosas, eodem tempore, quo palam Pontifici resistebant, ejusque Delegato. Profert Edictum Ordinum Hollandiæ, quo Cockius interdicatur muneris sui administratione; vesanam quorundam de Edicto lætitiæ; Catholicorum mærorem. Narrat vocatum Pro-Vicarium ad Ordinum Cœtum; factumque eidem rigorosum mandatum, ut adesse curaret Coddæum ex Urbe; pericula rei Catholicæ tota Missionem ventura, nisi remeandi in patriam licentia fieret, 1703. Adducit S. Sedis Declarationem de gravibus causis, maturoque consilio, ex quibus deputandus fuerat Cockius Pro-Vicarius; Exhortationes ejusdem S. Sedis ad obedientiam. Explicat Pro-Vicariorum a Coddæo Romam eunte institutorum anxietates, dubitationesque circa Jurisdictionis Spiritualis exercitium. Consultum de super Quesnellum; & hunc respondentem, quod in illo rerum statu (id est, stante Coddæi suspensione, & cognita delegatione Cockii) Pro-Vicarii Heussenius, Catzius, & reliqui, possent non tantum, sed & deberent Jurisdictionem arripere Ecclesiasticam. Hanc sententiam transisse in summæ Auctoritatis Decisionem. Defuisse tamen *Titulum* Potestatis novæ & insolitæ. Consultum de super Juris utriusque Doctorem. Hunc inter Catholicorum in Hollandia reliquas titulum non invenisse, sed confinxisse anno 1703, scilicet *JURA Capitulorum Cathedralium*. His fortiter instituisse Ultrajectenses, & secundum ea perrexisse generose. Narrat a Pro-Vicariis usurpatam per omnia Jurisdictionem Ecclesiasticam; omnes actus a S. Sede rescissos; declaratos irritos & nullos; Pro-Vicariis interdictam administrationem; hos semper perrexisse. Affert Clementis XI Breve de 3 Aprilis 1703 ad universos Catholicos in partibus Hollandiæ & Provinciis conterminis constitutos. In quo Pontifex docet: Coddæum justis gravibusque de causis suspensum; Cockium ei subrogatum; nulli in Missionem Presbytero, sive Pro-Vicariatus, Archipresbyteratus, aut prætenforum Capitulorum Assessoratus titulo, Jurisdictionem competere Ecclesiasticam, sub pœna Excommunicationis majoris ipso facto incurrendæ. Probatum dat, has Litteras Apostolicas ab Ultrajectensibus explosas, ut *infame Breve*, ut *obreptitum*, ut *seditiosum*. Narrat reditum Coddæi in patriam; Cockii excessum ex Hollandia; nova Monita S. Sedis ad Coddæum directæ; hujus conatus varios, ut muneri resisteretur, sed inutiles; novas rursus Declarationes S. Sedis, de non ex-

rente ~~res~~ *præ*tensa Capitula Jurisdictione ulla Ecclesiastica. Refert, contra hæc Declarationes aliaque mandata S. Sedis magnam exiisse copiam Scriptionum, Coddæum quoque edidisse *Epistolam ad Catholicos Incolas Fæderati Belgii*; damnatos Romæ Libellos suos, *Declarationem & Responsiones*; ipsum vero a Missionum regimine, a quo suspensus fuerat, penitus remotum, 1704. De restauranda in Missionibus tranquillitate varie multumque sudatum; nonnullos Sacerdotes seculares S. Sedi devotos in exilium missos; *Secundam* a Coddæo *Epistolam* evulgatam; datum Coddæo consilium, ut sprete suspensione ac privatione, regimen Ecclesiarum Hollandicarum usurparet audacter; rejectum a Coddæo consilium; de novo Vicario in Cockii sese absentantis locum substituendo actum; exhortationes S. Sedis; Eminentissimi Bussii, tunc Internuntii, iter in Hollandiam; colloquium cum Coddæo; cum Ultrajectensibus, 1705. Exponit Gerardum Potcamp a S. Sede constitutum Vicarium Apostolicum Missionis Hollandicæ ordine septimum; Coddæum huic provisioni acquievissse, sed difficulter; nunquam agnovissse, legitime se & jure Vicariatu Apostolico privatum; Potcampium constituisse Pro-Vicarios contra datam Cardinali Bussio fidem; post integri vix mentis præfecturam obiissse 1705. Narrat novas in Hollandia turbas; Pro-Vicarios Coddæi & Potcampii Ecclesiasticum regimen rursus usurpantes; novam desuper S. Sedis prohibitionem, 1706. Hanc ab Ultrajectensibus spretam; Pro-Vicarios se dicentes electos Cleri Vicarios, & Pontificiam Delegationem nullam; apertum Schisma; plurimos Libellos damnatos 1707. Adamum Daemen per Cardinalem Bussium, tunc Nuntium Colonensem, institutum per Missiones Hollandicas Vicarium Apostolicum octavum. Consecratum titulo Ecclesiæ Adrianopolitanæ *in partibus*; impeditum statim a Muneris sui administratione; Jesuitas Hollandia pulsos 1708; occupatas ab Ultrajectensibus varias stationes; datam Sacerdotibus affecis suis Jurisdictionem nulliter; Jubilæum a Clemente XI indictum, Fæderati Belgii Catholicis submissum; exclusos a Jubilæo Refractarios; Litteras Apostolicas, Bullas, Brevia, aliaque Decreta Romana proscripta Edicto Ordinum 1708. Ab Ultrajectensibus laudatum Edictum; ab illis scriptum, *Bullas ad seditionem emissas esse*. Edictum a Cardinali Bussio, vitandos esse Ultrajectenses, & spiritualia subsidia quærenda esse a Sacerdotibus in Communionem S. Sedis existentibus; Mandatum, ut Adamum Daemen in Vicarium Apostolicum reciperent. Adversus hæc emissas esse famosas *Protestationes* 1709. Hic commemorat novum Vicarium ab Ultrajectensibus rejectum; ab Harlemissibus commendatum Ordinibus Hollandiæ, sed frustra. Narrat obitum Coddæi 1710, denegata eidem solita fidelium suffragia, tanquam notorie inobedienti & Refractario, 1711. Magnas in Missionem anxietates & pericula in administranda re Ecclesiastica; publicatam a Cardinali Bussio, tunc Nuntio, *Instructionem pro Catholicis & præsertim Confessariis, in Fæderato Belgio degentibus, circa validitatem Sacramentorum*; magnam hinc secessionem factam ab Ultrajectensibus; hos erubescens exiguum adhærentium numerum, de pace cogitasse; Deputatos ab Ultrajectensibus Coloniam missos ad Nuntium, sed re infecta rediissse, cum edixissent: *se credere non posse*



*posse illa, quæ Ecclesia præscripsit in puncto Doctrinæ.* Refert Censuras & Excommunicationes in privatos latis; illas contemptui habitas, impugnatas, rejectas; hinc aperto Marte pugnatum contra S. Sedem; ab Ultrajectensibus decretum, solícite conservandas, quæ ipsis reliquæ erant, Stationes; ob penuriam Sacerdotum, dari cœptas Dimissoriales Litteras ad suscipiendos Sacerdos Ordines, 1716. Quesnellum procurasse Episcopos, qui junioribus Ecclesiasticis ordinationes Sacerdotales impenderent, 1718. Ex hoc successu nullum amplius modum servatum; citatos ad Tribunal Colonienſe varios Stationum occupatores; querelas Consulibus Gaudanis delatas; Mandatum Joanni Bylevelt, ut evocationes impediret; ipsi Byleveltio datam a Nuncio Delegationem, ut intrusos conveniret, 1717. Oblatum ab Ultrajectensibus Libellum supplicem Ordinibus Hollandiæ, gravissime contumeliosum in S. Sedem, ejusque Ministros. Joannem Byleveltium a Clemente XI Vicarium Apostolicum constitutum, per Missiones Hollandicas ordine nonum, 1717. Exulare jussu 1718. Heussenium a prætenſo Capitulo Ultrajectino electum Vicarium; usurpationes Ultrajectinorum varias; mortem Heussenii & Quesnelli 1719. Appellationem Ultrajectinorum a Constitutione Unigenitus 1719, publicatam 1720. Usurpationes Steenovii, prætenſi Vicarii Capitularis, 1721. *Memoriale* patrio sermone conscriptum, & Ordinibus Hollandiæ oblatum, pro consequendo Episcopo, 1722. Docet, datos fuisse a suspensione Sebasteni quatuor Vicarios Apostolicos Missioni Hollandiæ; inter hos consecratum unum; consecrandos fuisse plures, si per Ultrajectenses licuisset; adeo ut immerito querantur, negatos sibi Episcopos. Pseudo Electionem Steenovii in Episcopum 1723, aliq; ausa inaudita.

His ita per varios Articulos distinctis & explicatis, subjicit Autor plurima MONUMENTA, eaque omnia, vel authentica, vel partium consensione recepta, ut dictorum suorum fides constare possit omni Lectori, illi inspicere atque examinare volenti. Quibus etiam addidit Opusculum Theologicum, quo Instrumentum Appellationis Ultrajectensium refutatur.

Tandem variz succedunt DISSERTATIONES, in quibus examinat, quicquid occurrit, aut objicitur circa Factum vel Jus. In illis ostendit, antiquum Jus Electionis Episcopi Trajectensis periisse omne; non superesse liberam electionem, ex antiquo jure; non secundariam, ex pactione cum Carolo V anni 1528, neque subsistere novum statutum in Ereptione novorum Episcopatum conditum 1559. Evincit etiam, non esse postliminio locum; & Ultrajectenses non exstitisse, amissi juris, priores Dominos. Demonstrat, Sasboldum Vosnerum & Philippum Rovenium non fuisse Ultrajectenses Archiepiscopos, sed meros summi Pontificis & S. Sedis per Fœderatum Belgium Delegatos, uti reliquos Vicarios Apostolicos omnes; Sedem Episcopalem, ab inducta prætenſa Reformatione, & redacta Civitate sub potestatem Ordinum, nec mansisse erectam, nec etiam nunc subsistere; ubi occurritur Ultrajectinorum argumentis Ecclesiam Ultrajectinam habendam esse velut collapsam, omni jure & jurisdictione exutam, & ad conditionem nudæ, nec ideo tamen despicendæ, Missionis redactam; Capitulum Ultrajectinum, ejusque jura conservata non esse, imo conservari non potuisse; nullos unquam,

quam, præ temporis iniquitate, a morte Schenckii Vicarios fuisse Capitulares, id est, a Capitulo electos. Nihil juvare, quod priores duo Vicarii Apostolici varias Prælaturas, Canonicatus aliaque Beneficia Auctoritate Apostolica contulissent, tam in Metropolitana, quam in aliis Ecclesiis Civitatis & Diocesis Ultrajectinæ; Sasboldum Vosmerum, aliosque Vicarios Apostolicos non fuisse veri nominis *Ordinarios*; Vicariatum a Philippo Rovenio erectum, & a Jacobo La Torrio confirmatum, non esse, nec esse posse veri nominis Capitulum Cathedrale; antiquum Capitulum in dicto Collegio non subsistere, nec subsistere jure aut ratione posse; dictum Vicariatum nec vere, nec convenienter Capitulum repræsentare, & consequenter nec debere, nec posse Ecclesiæ Batavæ curam habere, vel ulla omnino Munia exercere, quæ Capitulis Cathedralibus Sede vacante incumbunt. Et in his fuisse refutat Responsum quinque Doctorum Juris in Universitate Lovaniensi, qui ad *Casus-positionem*, ab Ultrajectensibus formatam, anno 1717 pronunciarunt in rem ipsorum. Deinde examinat Autor, an pro authenticis habenda sint Diplomata Rovenii & La Torrii circa Vicariatum Ultrajectinum, prout illa obtruduntur ab adversariis. Ostendit postea, quod Collegium a Rovenio erectum, sive Vicariatus ille, post obitum Vicariorum Apostolicorum, nunquam habuerit aut exercuerit Jurisdictionem Episcopalem, quasi Sede vacante, ut falso prætenditur. Evidentius dat & illud, quod omnes omnino Vicarii Apostolici a S. Sede pro arbitrio constituti sint, & quod penes dictum Collegium seu Vicariatum nunquam fuerit, aut esse possit Jus eligendi Vicarium, multo minus Episcopum, ut etiam prætenditur invita ratione, & repugnante jure; & quod in diversorum Vicariorum Apostolicorum institutione, ex parte Ultrajectensium intervenerit nihil aliud, præter vota precesque licita & permissa omnibus, quorum interest. Examinat postea Autor, an moderni Sacerdotes Ultrajectini habendi sint velut Schismatici, si in defensione prætenforum jurium imaginarii Capituli persistant. Excussit etiam ultimos conatus, omni jure schismaticos, in eligendo sibi Pseudo-Episcopo Steenovio; ubi de jure S. Sedis circa Episcoporum Confirmationes & Consecrationes. Refellit etiam Ultrajectinorum Sacerdotum cavillationes, quibus præjudicatas opiniones suas indocte plebi instillarunt, nec non stultam invidiam, quam etiam per patrii sermonis Libellos, de Romani Pontificis potestate ac Jurisdictione, ex Quesnelli opusculo posthumo, creare conati sunt. Objectiones denique omnes, ex auctoritate Venerandæ Antiquitatis petitas, diluit & conticescere facit.

Libellis vero nuper admodum editis, & *Causæ Ecclesiæ Ultrajectinæ* atque *Epistolis* ad diversos hoc anno exaratis, divulgatisque, operam dabit, ut nihil conquerantur neglectum.

Imprimatur. Datum Bruxellis die

16 Septembris 1724.

*De Mandato Eminentissimi & Reverendissimi Domini  
Cardinalis Archiepiscopi Mechliniensis.*

B. DE RUDDERE Secret.

††† ) o ( †††

# ACTA ERUDITORUM,

*publicata Lipsiæ*

*Calendis Februarii Anno MDCCXXV.*

---

BISHOP BURNET'S HISTORY OF  
his own Time.

hoc est,

GILBERTI BURNETI, EPISCOPI SALIS-  
buriensis, *Historia sui temporis.*

*Volumen I.*

Londini, apud Thomam Ward, 1724, fol.

Alph. 9 pl. 7.

**S**olum Cel. Burneti nomen egregia quævis de hoc Opere polliceri videbatur, quod penitus inspectum spem conceptam longe superat. Tanta enim fide, solertia & candore omnia hic collegit acutissimus Autor, ut Lectorem ad intima aulæ Britannicæ consilia rimanda admittat. Etenim Burneti Parens, Vir sincerus, & Regiis quidem partibus addictissimus, nævorum tamen aulæ probe gnarus, filii educationem ipse in se suscipiens, id præcipue operam dederat, ut puero omnem rerum, quæ præsertim in turbis intestinis gestæ sunt, seriem panderet. Hinc Noster negotiis publicis paulatim admotus, & summis Proceribus carus, multorumque secretorum particeps factus, id egit eximio hoc opere, ut res suo tempore gestas, procul omni partium studio, consignaret, imprimisque mores ingeniumque maximorum in Republica Virorum diligentissime adumbraret. Nobis notabiliora inde, per indicem quasi, commemorasse sufficiet, ne in tanta rerum scitu dignissimarum copia fines nobis præstitutos transiliisse videamur. In limine Operis sistitur succincta Relatio rerum Britannicarum, a turbarum intestinalium sub Cromwello origine usque

- L. I. p. 8.  
 10. que ad restaurationem Caroli II. Jacobus I, vix Angliæ Regnum adeptus, Catholicis clam ferebatur addictus, cujus rei famam odium in Presbyteros, favor erga Episcopos nimio zelo ardentis, ac præmatura mors Henrici, Principis regii, Catholicis infesti, &  
 11. veneno, ut creditur, extincti, plurimum adauxit; licet Jacobus revera, ut insidias Jesuitarum evitaret, Catholicos saltem tolerasse censendus sit. Palatinos inter hæc Reformatis se addixisse ideo,  
 14. refert, quod Lutheranos Domui Saxonice nimis cernerent deditos. Accusat inde Jacobi prodigalitatem, eumque toxico sublatum,  
 16. minime dubitat. Carolus I, nimia simulatione, favore in Puritanos, & Hispanica severitate suis adeo invisus, ut beneficia ipsa eos,  
 19. in quos collata erant, parum devincirent, odium Scotorum mox incurrit, dum terras, Ecclesiis quondam dicatas, & decimas sibi vindicare, ac novam liturgiam introducere anniteretur, opibus licet ac milite destitutus. Inde turbulenti homines inter Anglos Scotosque, literis baculo excavato inclusis, rem eo deduxerunt, ut Scoti apparatu ferme ridiculo instructi in bellum prorumperent.  
 28 sq. Quod Carolus Senatui Regni in Comitibus congregato facultatem Sessiones pro lubitu continuandi concederet, cædi injustæ Strassfordi non satis obfisteret, & Hiberni immani crudelitate multa  
 31. Protestantium millia trucidarent, Noster Reginæ consiliis tribuit. Origo vocis *Whiggs* a Scotis derivatur. Aurigæ enim equos incitantes clamitant: *Whiggam*: hinc omnes ex Scotia adventantes, *Whiggamors*, sive contracto vocabulo, *Whiggs*, nuncupabantur. In bellis postea civilibus, nuntiata clade Hamiltonii, quum Clerus plebem ad arma capiendam concitaret, ista hominum colluvies *Whiggs* appellata, ac mox omnes aulae adversi hoc nomine designati, unde factum, ut vox illa Anglis quoque, maxime  
 46. A. 1681, innotesceret. Iretono potius, quam Cromwellio, parricidium Regis hujus adscribitur. Res Anglorum, ad Rupellam haud prospere gestæ, Buckinghamiæ litteris Reginæ Galliarum deluso, imputantur. Libellum, qui *Ἐκὼν βασιλική* inscribitur, non a Carolo I, quod vulgo creditur, sed a Gaudeno exaratum, dubia tamen fide, Noster refert. Cladem prope Dunbarum haud parum promovit ardor Scotorum intempestivus: quandoquidem haud dubie fame Cromwellio fuisset pereundum, si pugnam paulo  
 70. diutius



diutius detrectare Scoti voluissent. Cromwellum, ne Regiam dignitatem amplecteretur, a cognatis maxime fuisse deterritum; eundem arcana summorum Principum, Judæorum imprimis opera, fuisse rimatum; veritumque, ne Galli, exercitu ex Hugonottis collecto, Carolum II, classe in Angliam trajecturum, juvarent, fœdus cum Gallis iniisse, docet; præterea ipsius de fide Protestantium propaganda consilia, effectu tamen destituta, aperit; & fœdos Enthusiastarum, ob mortem Cromwelli improvisam, sermones enarrat; Monkium denique, observat, cum animos plurimorum in Regem inclinatos animadvertisset, Carolum II callide in solium avitum restituisse, nullis quidem ipsi conditionibus propositis, quod Regno postmodum pæne fuit exitio. Præcipua Scotorum privilegia & diplomata in Turrim Londinensem transportari curaverat Cromwellus, quæ, Caroli II mandato, navi imposita, ut Edinburgum denuo deveherentur, dum artibus Clarendonii, nonnulla majoris momenti inde depromere cupientis, usq; in adultam hyemem navis detinetur, coorta tempestate, cuncta perierunt. Suasu Middletonii & Sharpii, Episcopi in Scotiam introducti, summo Regni detrimento. De *obedientia passiva* quæsitus Colvilius prudentissime dixit: *Utinam Reges eorumque Ministri suos imperio regerent, quasi civilia bella semper timentes; cives autem, arma contra Principem induere, nefas putarent.* Clarendonium, Jurisprudentiæ operam navantem, Parens, quem forte inviserat, serio monuit: *ne Leges aliquando pro lubitu Imperantium interpretaretur, sed patriæ libertatem Legibus tutaretur;* quibus verbis vix prolatis, apoplexia correptus obiit. Fata tam inopinata adeo percelluisse Clarendonii animum feruntur, ut acerrimus exinde libertatis patriæ vindex extiterit. Monkius matrimonium cum Principe Lusitaniæ primus Regi suasit, a Judæo, qui gentis illius negotia in Anglia tractabat, ea de re admonitus, & quamvis Hispani illam sterilem futuram prædicerent, causæ ita suæ servientes, vicit tamen Monkii consilium, & solennia benedictionis sacerdotalis more Pontificio celebrata sunt ab Aubiniaco, præsentem tantum Eboracensem Archiepiscopo. Sæpius deinde consilia de matrimonio dissolvendo ob Reginæ sterilitatem agitata; imo proditionis in Regem insimulata Regina. Caroli hujus, ejusq; fratris, Ducis Eboracensis, indolem argue

p. 70.

71.

73.

77.

82.

89.

L. II p. 170.

131 sq.

157.

159.

166. 167.

174.

262.

435.

- p. 169. 172. gute expressit Buckinghamius, *Regem*, dicens, *cuncta cernere posse, si vellet; Ducem cuncta cernere velle, si posset.* Dunquerca, Montkio autore, Schombergio incassum repugnante, Gallis est vendita.
222. 229. Quomodo Belgæ A. 1665 insidias, Anglorum ac Danorum classi Indicæ ac Smirneni structas, evaserint; ut porro pugna navali A. 1666 classis Anglica, globulis Belgarum concatenatis (*Stetten - Ruggeln*, quorum inventor perhibetur Thalassiarcha Belgarum *de Wit*) ferme destructa, tempestivo tamen Principis Ruperti adventu fuerit servata; Clarendonii porro fata adversa, quæ maxime ob amores Regis in fœminam generosam, Stewardam, delusos, est expertus; Caroli II item cum Auriaco colloquium, quo verbis haud ambiguus, Romanensium sacris semet addictum est professus;
248. 273. Eboracensis vero uxorem minime Catholicis accessisse, sed scriptum eo nomine, propria ipsius manu exaratum, a moribunda fuisse extortum, fusius exponitur. Hinc quinq; Protestantium Persecutiones, quas numerat Autor, 1) sub Carolo V Imperatore, 2) sub Maria Angliæ Regina, 3) sub Philippo II, cum classe Invincibili Angliam petente, 4) sub Imperio Ferdinandi II, 5) sub Ludovico
309. 310 sq. 655. XIV, rerum sacrarum non admodum gnaro, contra Batavos A. 1672, & cives suos A. 1685, quæ postea velut pestis ad alias quoque gentes, (Jacobo in Anglia rerum potito, Electoratu Palatino ad possessorem Catholicum translato, & Sabauda Valdenses divexante) serpere cœpit, immixtis ubique præcipuis rerum momentis, alibi haud obviis, solertissime describuntur. Rex Galliarum, rebus felicissime gestis A. 1672, subito Lutetiam remeavit, vel amoris furtivi ardore, vel ambitiosa voluptate adulatorum, vel denique suspicione insidiarum, pulvere pyrio Ultrajecti defosso, sibi structarum, permotus. Ossorius, Comitum Ormondi filius, A. 1672 constituerat, portum Batavorum, *Helvoetschluyt*, repentino impetu in Anglorum redigere potestatem, cui consilio saluberrimo Buckinghamii obstitit invidia. Batavi autem, re postea comperta, & perpenso discrimine, extructis munimentis portum ab incursionibus tutum reddiderunt. Lockharti, Legati Anglorum ad Gallos, nobilem audaciam, in tutandis Juribus Regis gentisque suæ, insigni elogio mactat Autor; Colemanum vero, qui Gallos pecunia emungere consueverat, detestatur. Odii Regis Galliarum inventerati
- L. III. p. 389. 395.

terati in Condæum hæc causa redditur, quod is Regi, gravissimo morbo decumbenti, ac Delphinum curæ ipsius commendanti, injuriam sibi quondam factam, exprobrasset; quam rem adeo Rex ægre tulit, ut ex illo tempore nullam omiserit Condæi opprimendi occasionem. In prælio ad Audomaropolim A. 1677 Galli superiores discesserunt, quod Arausionensis equitem recentem in pugnam produxisset, & maritimæ Batavorum copię primum impetum vix sustinerent. Quanta prudentia Danbius in conciliando Auriaci cum Eboracensis filia matrimonio fuerit versatus, Gallis ad rei novitatem stupentibus, legi apud Nostrum meretur. Inde insidiæ, partim a Catholicis An. 1678, partim a Protestantibus An. 1683, in caput Caroli II Regis, prout vulgo ferebatur, struclæ, & ficta crimina ab utraque parte innocuis imputata, summo candore enarrantur. Singulare est, quod Carolus II, vaticinico velut spiritu afflatus, præsentem Auriaco, prædixisse fertur: *Eboracensem, solio olim admotum, ob turbulenta consilia, vix integris 4 annis regnaturum*, id quod eventus comprobavit. Cum Tingitanum castellum destruere Carolus II constituisset, magnumque auri pondus Lusitani obtulissent, si locus ipsis traderetur; Rex, illos haud idoneos existimans ad depellendos barbarorum insultus, quorum vires inde in Mari Mediterraneo metuebat, in proposito persistit. Eundem periisse venenato Tabaci pulvere per nares hausto, jussu quidem Eboracensis, cujus exilium tunc meditabatur, atque morti vicinum clam Sacramenta Pontificiorum admisisse, publicam tamen fidei confessionem haud edidisse, Notter demonstrat. Hujus deinde indolem describens, Tiberii statuam Romæ a se visam, refert, quæ Regis imaginem accurate exprimere visa fuerit. Felicissima hinc Regiminis sub Jacobo II auspiciâ; vanos Monmouthii ausus, incensorum Argyllo; redditus immensos Regi, nec petenti, a Senatu Regni attributos; inauditam Jeffrisii crudelitatem; lites circa Juramentum, quo Ecclesiæ Anglicanæ addictos semet Angli profitebantur, & hinc enatam aliquot Episcoporum captivitatem; porro Jus circa Leges dispensandi, a Rege usurpatum; controversias circa Collegium Magdalens Oxoniense; Processus contra Autorem aliosque injuste decretos, graphice describit; imprimis vero Principis Walliæ nativitatem, sive veram,

p. 404.

406.

408.

424. 475. sq.  
536. 569. sq.

575.

593.

607.

613.

L. IV. p. 617.  
629. 640.

638.

648.

652. 664.

668.

736. sq.

699.

726.

- P. 748. 785. 689. five fictam, secundum minutissimas circumstantias ita exponit, ut nec amori, nec alio quicquam dedisse videatur. Guilielmum IH, tardio laboris, venationi nimis deditum, & unico vitio, quod mire celabat (clandestinis nempe amoribus cum Hamiltonia) additum, Batavis apprime carum, Anglis vero ob languorem & tarditatem ingenii haud adeo fuisse acceptum, non dissimulat. Ut Tyrconellus, jam deditioi proximus, denuo Hiberniam contra Guilielmum tueri auderet, Hamiltonii fraude effectum, putat, qui, ab ipso Guilielmo ablegatus, cum in Hiberniam appulisset, Jacobi partes summo studio amplexus, Tyrconellum ad extrema tentanda permoverit. Sed hic vela contrahimus, illud saltem momentes, Opus hoc elegantissimum, (cujus posteriorem Tomum ne diutius, quod quidam verentur, Orbi Erudito invideant possessores, publico nomine obtestamur) a Matthesonio Hamburgi Germanica lingua donatum, forma quadripartita nuper in publicum prodiisse; quæ tamen versio, nimis, ut videtur, maturata, emendatione & omissorum restitutione pluribus in locis (vide p. 23, 29, 30, 38, 55, 130, 163, 480, 173, 428 &c.) indigere nobis visa fuit.

## SECOND VOYAGE LITERAIRE.

hoc est,

**ALTERUM ITINERARIUM LITERARIUM**  
*duorum Monachorum Benedictinorum Congregationis S. Mauri.*

Parisiis, apud Montalant, 1724, 4.

Alph. 2 pl. 7.

**P**Riorem hujus *Itinerarii Literarii* Partem cum A. 1718 p. 488 exhibuerimus, nunc alteram, eadem, qua superior, methodo gaudentem, cupide adjicimus. Describuntur hic, quæ par illud doctorum Monachorum observavit in itinere, Lutetia A. 1718 d. 30 Maii suscepto, in Brabantiam & Westphaliam, itemque tractum Rhenanum. Hinc potiora, quæ literariam illustrent historiam, decerpemus. *Pag. 5* memorantur in Abbatia S. Faronis Meldensis reperta Opera MSS. Nicolai Lyræ, in quorum secundi voluminis fine Lyra, adscripto anno 1330, profitetur, se Commentarios scri-



scripsisse, primo *super libros, qui sunt de canone*, deinde *super illos qui non sunt de canone*, incipiendo a libro *Tobia*, & terminando in libro, qui dicitur *secundus Esdra*, ut sic per hanc distinctionem librorum & ordinationem appareat simplicibus, qui libri sint canonici, & qui non, & qui maioris autoritatis, & qui minoris. P. 9 exhibetur repertum in Abbatia Longopontana Epitaphium Petri Cantoris, Parisiensis Doctoris celeberrimi, A. 1180 d. 14 Kal. Junii extincti. P. 35 conspiciere licet formam hostiæ eucharisticæ, qualis in Gallia fuit sæculo duodecimo, & p. 36 sq. formam vetustorum sceptrorum Regum Galliæ. P. 46 recitatur Epitaphium Almanni, (vulgo Altmannum vocant scriptores,) Monachi atque Philosophi, Lauduni superstes. P. 74, 79, 196. 223 & 267 docemur, quibus in bibliothecis lateant Acta Concilii Basileensis. P. 93 Epitaphium Hugonis de S. Victore sic profluit: *Anno ab incarnatione Domini 1141 obiit Dominus Hugo Canonicus S. Victoris 3 Idus Februarii, qui ex Iprensi territorio ortus, a puero exulavit, cætera*. P. 105 exstat figura vetus *Fratrum flagellantium*. P. 145 sq. legimus leges hominibus a rabido cane adinorsis jam olim præscriptas, quæ, licet superstitionis videantur, tamen a Medicis fuerunt approbatæ, eosque, qui iis usi sunt, sanarunt. P. 155 repræsentatur figura veteris *casula* five *cuculla*. P. 187 memoratur, in duobus MSS. annotari tempus mortis Ruperti Tuitiensis, sed diverse. In altero quippe mortuus fuisse scribitur A. 1127, in altero A. 1135 IV Nonas Martii. Vid. & p. 263. P. 189 sq. describuntur duo vetera altaria portatilia, una cum ipsorum inscriptionibus. P. 223 e MS. codice Trithemii recitatur de inventione artis typographicæ locus notatu dignissimus. P. 248 sq. de Irmenfula Saxonica disseritur. Et sicut superiori Parte (Vid. in his Actis A. 1718 p. 488) sæpius Monachi nostri meminere codicum MSS. notissimi opusculi *de imitatione Christi*, eo fine, ut ex legibus sectæ suæ, eorum sententiæ patrocinentur, qui ejus verum autorem Thomam a Kempis esse negant; ita & hac in Parte Itinerarii eodem consilio memorantur hic illic reperti MSS. illius operis codices, e. g. p. 251, 257, 260, 265 sq. P. 254 sqq. monasterium Westphaliæ, *Corbeja*, copiose describitur. P. 278 commemoratur codex MS. librorum viginti Hieronymi in Prophetam Jeremiam. Sed nostri Monachi tan-

dem

dem observarunt, esse hoc opus falso inscriptum, & autorem habere Rabanum Maurum. Etiam haud raro laudantur pervetusti codices & pretiosi Bibliorum: quos igitur eminentissimus iudicatur p. 289 ille, qui asservatur in urbe Trevirorum. P. 297 sq. memoratur MS. codex Evangeliorum, quem plane inestimabilem vocant Monachi nostri, & huc delatum ex Anglia putant a S. Wilbrodo. P. 305 finitur literarium hoc Itinerarium, eique, ne volumini desit iusta magnitudo, subjiciuntur tres libelli, nunc primum typis descripti publicamque in lucem editi. Scilicet p. 307 sqq. exhibetur Episcopi Bajocassini, Nicolai de Bose, A. 1381 missi, ad faciendam inter Galliae & Angliae Reges pacem, Itinerarium, quo non solum historia ejus rei ordine narratur & copiose, sed etiam scripta Principum exhibentur singula. Deinde p. 361 sqq. prodit Balthasaris Spingeri *Relatio* (quæ quidem non est magni momenti) *de maxima sua marina peregrinatione ex partibus Hollandiae in Ulixbonam Portugalliae, ac deinde per Oceanum australem versus polum antarcticum in Indiam & ejus Insulas A. 1507 suscepta*. Tandem p. 379 sqq. legitur Anonymi *descriptio apparatus bellici Regis Franciae Caroli, intrantis civitates Italiae, Florentiam ac deinde Romam, pro recuperando regno Siciliae, hoc est, Neapolitano*. Hic jucundissime licet legere conditiones pacis, quam in ipsa urbe Roma A. 1495 cum Papa Alexandro VI fecit Rex Carolus.

IDEA DELLA STORIA DELL' ITALIA LETTERATA, esposta coll' ordine cronologico dal suo principio fino al ultimo secolo &c.

hoc est,

IDEA HISTORIAE LITERARIAE ITALIAE, ordine chronologico a suis primordiis usque ad seculum XVII exposita: accessit historia particularis scientiarum artiumque nobiliorum, inventorum, Scriptorum maxime celebrium, & librorum ab iis editorum, monumentorum item nonnullorum historiae civilis & Ecclesiasticae; Religionum, Academicarum, & denique controversiarum variis temporibus exortarum;

MENSIS FEBRUARII A. MDCCXXV. 57

*rum; cum defensione contra censuras iniquiores exterorum quorundam; Autore D. HYACINTHO GIMMA, Doctore Legum & Advocato extraordinario Neapolitano, Promotore generali Scientiæ Societatis Roscianensis Incuriosorum.*

*Tomi II.*

Neapoli, e typographia Felicis Mosca, 1723, 4.

Alph. 4 plag. 19.

**U**T primus est Clariss. Mich. Lilienthalius, qui edito scripto, *de historia litteraria certæ cujusdam gentis scribenda*, consilium dedit, historiam Rei litterariæ eo modo contexendi, ut gentis cujusvis eruditæ historia separatim pertractaretur: ita hujus Historiæ Litterariæ, quam præsentem intueris, Clar. Autor primus omnium in exequendo laudabili illo & utilissimo consilio fuit. Et meruit is quidem jam aliis scriptis elegantioribus doctorum hominum plausum, præcipue *Elogiis Academicorum*, quæ duobus tomis 1704 edidit, doctisque Comenentariis de hominibus pariter & animalibus fabulosis, 1714 vulgatis. Quod ad Ideam hanc attinet Historiæ Litterariæ Italiæ, in ea quidem scientiarum Italiæ natales ac incrementa tam docte atque accurate exposuit, ut in omnibus æque illum dicas excellere, nisi forte Theologica exceperis, in quibus explicandis non adeo solerter versatus videtur. Historiam vero civilem atque Ecclesiasticam cum litteraria tam apte conjunxit, ut illæ huic sæpe lucem fœnerari videantur. Vitas clarissimorum Virorum Italiæ, tam veterum, quam recentiorum, ita expositas hic videas, ut nec scitu necessaria desideres, nec supervacanea fastidias. Inventa præterea, tum recentiora, tum antiqua, una cum eorum autoribus, exacte recensentur. Bibliothecæ, diaria litteraria aliaque Italiæ ornamenta quasi oculis exposita cernuntur. Academiæ & Societatis, eruditæ æque ac religiosæ, omnes, earumque fundatores, fideliter exhibentur. Atque, ut multa alia quibus se scriptum hoc comendat, prætermittamus, utique non parvum illi pretium conciliat, quod testes ubique in margine fide digni, &, apud nos certe, raro obvii producantur. Id in eo minus

H

pro-

- probandum videtur, quod, comuni fere Pontificiorum scriptorum morbo, in Ecclesia Romana divinis laudibus maclanda, reliquis omnibus ecclesiis damnandis paulo nimis laborare, & nimio patriæ amore abreptus, ea inventa, quæ nullo jure Italici competunt, omni arte illis vindicare, verisque inventoribus abjudicare, haud vereatur. His generatim de libro monitis, breviter strictumque ea, quæ in eo pertractata occurrunt, cum longioribus esse non liceat, persequemur. Epistolam dedicatorem ad Illustriss. Comitem *Cleliam Grillo-Borromeam*, quæ inter doctissimas hodie Italiæ feminas principatum sustinet, cujusque laudes Clariss. Auct. Tom. I p. 486 sigillatim persequitur, sequitur Epistola *D. Casparis Campanilii*, docti Itali, Nostrique familiaris, ad Lectorem, qua omnia illa, quæ ad commendandum hunc librum spectare videntur, commemorat. Hanc excipit Cl. Autoris Introductio in ipsum opus: qua sibi constitutum ait, non perfectam quandam historiam dare, sed brevem duntaxat delineationem, eo imprimis fine, ut patriam suam contra censuras exterorum, torporis ruditisque notam illi impingentium, tueatur. Cap. I agit de origine scientiarum a creato mundo; C. II de superioritate Italiæ tum quoad fidem, tum quoad Imperium, ubi articulo I disserit de divisione partium Italiæ. C. III agit de incertitudine antiquæ historiæ, librisque Pseudo-Berosi & Annii. C. IV in eo est, ut demonstret, Janum esse Noachum, qui in Italiam colonias deduxerit, scientiasque in ea plantaverit. C. V de antiquis Hetruscis, eorumque scientiis, dominioque in Italia conjecturas suas prodit. C. VI Imperium & sapientiam veterum Græcorum explicat. C. VII de Academia Italica a Pythagora instituta; C. VIII de Imperio & scientiis Romanorum post devictam Græciam agit. C. IX primum post natum Christum seculum; C. X secundum; C. XI tertium; C. XII quartum perlustrat. C. XVI ordines S. Benedicti enumerat. Sequentibus Capitibus usque ad XIX Seculum VII, VIII, & IX exhibet. Cap. XX agit de antiquis scholis scientiarum Italiæ, & contra Vallemontium disputat, affirmantem, Academiam Pariensem omnium reliquarum matrem fuisse. C. XXI De origine fabularum Romanensium; C. XXII de origine, itemque usu, variis generibus, & scholis Poeseos vernaculæ disserit. C. XXIV Seculum
- p. 11.  
15.  
20.  
26.  
47.  
52.  
64.  
82.  
100. 102.  
107. 123.  
153.  
169.
- unde:



undecimum ingressus, exponit, quomodo successu temporis per p. 224.  
 sacros Pontificum legatos Evangelium remotissimis populis an-  
 nuntiatum, scientiæque humanæ ad alias nationes ab Italis propa-  
 gata sint. C. XXV de Musica ab Italis exculta; C. XXVII de ortu 232.  
 & progressu Jurisprudentiæ Romanæ; C. XXVIII de Jurispru- 243.  
 dentia Canonica agit. C. XXIX porro ad Seculum decimum terti-  
 um accedit. C. XXX Doctores Ecclesiæ Gregorium M. Augu- 280.  
 stinum &c. producit, simulque Ordines Monasticos eorumque  
 congregationes describit. C. XXXI de Theologia Italicorum con- 319.  
 servata & restaurata commentatur. Ubi imprimis in id incumbit,  
 ut dudum ab Ecclesia nostra explosis Areopagitæ scriptis auctori-  
 tatem conciliet. Gravissimum vero ejus argumentum præjudicio  
 auctoritatis innititur; unde, quid de reliquis sentiendum, æstima-  
 ri facile potest. Nostratibus, silentium primorum Ecclesiæ Do-  
 ctorum urgentibus, fatis frigide reponit, a nemine Patrum fuisse 348. 349.  
 allegatos ejus libros propterea, quod ad refutandos istorum tem-  
 porum hæreticos nihil præsidii contulerint. Ceterum fatetur, ne- 351.  
 gari non posse, in Actis Sanctorum ac Martyrologiis infinita fal-  
 ta & contradictoria deprehendi. Immerito inde Lutherum no- 352.  
 strum accusat, quod non omnem tantum Philosophiam, tanquam  
 noxiam pestiferamque, condemnaverit, sed etiam reliquas omnes  
 scientias, quæ in contemplatione versantur, e medio tollendas ju-  
 dicaverit. Quem enim, vel leviter in historia Lutheranismi  
 versatum, fugit, ab hoc crimine Lutherum nostrum fuisse adeo ali-  
 enum, ut potius bonas litteras in Germaniam primus fere intro-  
 duxerit? De S. Thoma vero tradit Cl. Autor, tantam ei sapien-  
 tiæ laudem tribuisse Pontificem Innocentium VI, ut in Oratione, in  
 ejus memoriam habita, ipsum Salomonem Regem sapientia ante-  
 cessisse, publice affirmaverit. C. XXXII de pictura, sculptura &  
 Architectura agit, neque has artes dubitat asserere in Italia pri-  
 mum inventas & excultas esse. C. XXXIII Seculum XIV confide-  
 rat, atque inter alia ostendit, Boccacium non Seculo XIII sed XIV 390.  
 floruisse. Denique C. XXXIV de fatis linguæ eloquentiæque  
 Græcæ ac Latinæ, ab Italis restitutæ, disserit. Tomo II Clar. Autor  
 pari studio scientiarum fata, incrementa ac decrementa per sin-  
 gula secula perducit, ita ut in unoquoque seculo primum civilis  
 H 2 histo-

- historiarum potiora momenta prælibanda det, deinde diviniore ecclesie statum, hæreses nempe achæreticos, eosque, qui errores imprimis oppugnarunt feliciterque debellarunt, aliaque eo pertinentia exponat. Cap. igitur XXXV (nam continuatur hoc Tomo Capitulum numerus) Seculum decimum quintum considerans, de typographiæ origine & incrementis, maxime in Italia; de inventa re pyrotechnica; ut & de novi orbis per Christophorum Columbum & Americum Vesputium Florentinum detectione; de litteris hoc seculo per illustrissimam Familiam Mediceam mirum quantum promotis; & de Hieronymi Savanarolæ, Ferrariensis, doctrina, scriptis, morte violenta & ejus causa agit. Motam quoque hoc seculo litem de nomine Christi adorando examinat, cui quidem controversiæ Bernhardinum, Parochum Florentinum, qui Christi nomen aureis literis in tabula quadam depictum auditoribus suis adorandum exhibuit, occasionem dedisse scribit: simulque originem trium literarum J. H. S. quibus Jesuitarum insignia ornata sunt, indicat. Controversiam quoque alteram circa sanguinem Jesu Christi enatam persequitur: simulque hac occasione docet, variis etiamnum locis Italiæ sanguinem Christi pretiosissimum asservari. Differit & de festo immaculatæ conceptionis Mariæ Virginis, & inter alia Natalem Alexandrum, cujus multa scripta a Papa Innocentio X damnata esse, ait, graviter increpat, quod negare conetur, Duns Scotum Oxonio Parisios venisse, ut defenderet immaculatam Mariæ conceptionem, publica quoque in procerum confessu verba pro ea fecisse; tum eos fere omnes, qui in hunc usque diem B. Virginis immaculatam conceptionem tuentur, enumerat, simul commemorans, tum quum Colonienfis Academia constituta est, votum publice fuisse nuncupatum pro illa pugnandi, nec hodie ad gradum honoris quenquam illic admitti, qui ab hac sententia alienus sit. C. XXXVI omnes Italiæ Academias eruditasque Societates, tum a quibus institutæ sint, quique præter ceteros scientiarum laude florentes in iis fuerint conspicui, indicat, docetque, quare Societatum plerarumque membra fictum sibi nomen adsciverint, quam nominum immutationem olim Callimachus, Pomponio, Platinæ, Campano magnum apud Pontificem Paulum II, clandestinam conjurationem suspicatum.
- odi-



odium conflasse tradit. C. XXXVII ordine Alphabetico Civitates Italiae, in quibus hae Societates incluserunt, enumerat. C. XXXVIII Academias Experimentales Philosophiae naturalis, non in Italia modo, sed in Europa universa florentes, contemplatur. C. XXXIX de variis agit Philosophorum sectis, ex Italorum scholis derivatis, ubi in principio statim in aprico esse putat, praecipuas Philosophiae sectas, Platoniam, Aristotelicam, Atomisticam, Cartesianam, Maignanisticam, & corpusculares omnes, ex Italia prodisse: in sequentibus de cujusque recentium sectarum origine & incrementis ample & erudite disputat. C. LX de Geographica Italorum scientia, monstrat simul, tum Gallos, tum Lusitanos, tum Hispanos novi Orbis inventionem falso sibi arrogare. C. XLI Pyxidem nauticam unice Amalphitano Italo vindicari debere arbitrat, & disputat contra Gallos, inventi hujus laudem sibi vindicantes, nihilque eis patrocinari ait vocis Italicae *Calamita*, quae magnetem significat, etymologiam, utpote quae Latinae Graecaeque sit originis. C. XLII ad Seculum XVI progreditur, ubi Lutheranos inter haereticos hujus seculi principe loco reponit, & multa spargit in Lutherum & Calvinum scominata, quae ejus in piam matrem Ecclesiam zelo condonanda videntur. C. XLIII microscopiorum, specillorum, telescopiorum &c. inventionem Italici vindicat. C. XLIV de arte emblematica, & heraldica; C. XLV de ortu ac progressu scientiarum Mathematicarum, speciatim Astronomiae, varia scitu digna tradit. C. XLVII transit ad seculum XVII, & sigillatim C. XLVIII Medicinae, speciatim Anatomiae, historiam in Italia persequitur; ubi inventionem circulationis sanguinis Paulo Sarpio attribuit. C. XLIX quae praesenti Seculo Italia in litterarum commodum produxerit, enarrat, dumq; obiter de studiis hominum Ecclesiasticorum sententiam suam aperit, acriter satis contra Cl. Fleury ejusque de methodo studiorum librum disputat. Hic Diaria quoque litteraria generatim recenset, interque ea primo fere loco Acta nostra ob accuratam in recensendis libris diligentiam, & optimorum librorum, qui in illis exhibentur, apparatus commendat. De Bibliothecis porro Italicis, deque recentissimis Italorum inventis, utpote arte fullonia, phosphoro, sacharum purgandi arte, aliisque agit. De Oratoria etiam Italorum Virisque eloquentiae laude

p. 472.

476.

487.

517.

539.

541.

549.

552.

608.

612.

647.

672.

696.

753.

769.

744.

776.

787.

- p. 719. insignibus, de historia Italorum universali, de historiis urbium,  
 768. imprimis patriæ suæ, civitatis Bariensis, itemque de partibus philo-  
 819. logiæ, utpote Lexicis, Etymologiis, Orthographia &c. com-  
 828. mentatur. De typographiis Italorum agens, memorat, se prelo pa-  
 831. ratum habere librum, cujus titulus : *Nova Encyclopædia, sive no-  
 837. vus doctrinarum orbis, in quo scientiæ omnes, tam divinæ quam hu-  
 mana, nec non & artes, tum liberales tum mechanicæ, Tomis VI per-  
 tractantur*. Tandem opus ita concludit, ut minime se affirmet in  
 animo habuisse exteras nationes carpendi, deque illorum meritis  
 quicquam detrahendi, cum potius omnes exteras nationes æquo  
 487. pretio æstimet. Neque possumus hoc loco tacere propensum  
 Cl. Autoris judicium, quod de Germanis tulit, quoque suam  
 iis eruditionis gloriam minime abjudicandam, ait. Nescimus ta-  
 men, quid sibi velit Cl. Autor, quum nostris hominibus ingeniū  
 quidem & eruditionis excellentiam, at multo labore partam, attri-  
 buit, quasi vero Itali, vel quicumque alii, sine ullo labore atque in-  
 dustria eruditionis laudem consequi valeant.

**JUSTI FONTANINI, FORO JULIENSIS, DE**  
*Antiquitatibus Hortæ, Coloniae Etruscorum, Libri tres, cum*  
*figuris æri incisis & gemina Appendice monumentorum ex*  
*Codd. potissimum Vaticanis : in quibus eminet genui-*  
*num Decretum S. Gelasii I Pont. Max.*

Romæ, apud Pagliarinos, Bibliopolas, 1723, 4.

Alph. 3 pl. 12.

**N**Ecdum satis de Horta sua meritum se credidit Celeberrimus  
 Fontaninus, postquam de urbis hujus Antiquitatibus *Libros II*,  
 in Actis nostris An. 1709 mense Januario recensitos, annis abhinc  
 septendecim publici juris fecit. Cum enim elegantissimam com-  
 mentationem non solum Thesauro Historiarum Italiæ insertam  
 vidisset, verum & orbi literato admodum gratam acceptamque  
 fuisse, passim ex Virorum doctissimorum scriptis intellexisset, no-  
 vam ejus editionem, secundis quidem curis & *Libro tertio* auctam,  
 suscepit. Novus hic liber constat capitibus duobus, quorum prius  
 ad Hortanas Antiquitates spectat, eaque potissimum, quæ Noster,  
 Hortam itinere facto, ipse oculis usurpavit, iterum velut oculis  
 legen-



Handwritten text, likely bleed-through from the reverse side of the page. The text is arranged in several lines and is mostly illegible due to fading and the quality of the scan.



E. Andre John.  
sculp. Lips.

legentium subjiçit. Ac primum quidem præcipua describuntur  
 templa, quibus hodierna civitas maxime superbit; initio factò ab  
*Ecclesia Cathedrali*. Ejus primum Antistitem S. Cassianum (cujus  
*Acta lib. II c. 6 & in App. I p. 335 seqq. e MSS.* primum edita cernun-  
 tur,) sub Joviano Imp. sedisse. Præter *B. Virginem Deiparam*  
*Hortanorum patronos coli SS. Quirinum, Dionysium, Apollonium,*  
*Aurelianium, Marcum & Timotheum, Martyres; SS. Dorothæam*  
*& Faustinam, Virgines Martyres,* eorumque exuvias in Ecclesia  
 Episcopali esse: præcipuum tamen Patroni urbis honorem quot-  
 annis haberi *S. Aegidio Abbati*, olimque haberi solitum *S. Lauren-*  
*tio*, cujus antiquissima *paræcia* prope civitatem extet. Pergit ad  
*Ecclesiam* in honorem *S. Antonii Abbatis* dicatam, pariterque cor-  
 pora Sanctorum ibi adservata enumerat. In æde *B. Mariæ Lau-*  
*retanæ*, memorat, vixisse olim inter Virgines ordinis S. Augusti-  
 ni, *Annam Mariam Gryphoniam*, sed cui anno æt. 18 repente in  
 mare transformari (an potius pro mare primum adgnosci?)  
 contigerit; egressum inde novum hominem, assumpto Francisci  
 Gryphonii nomine, literis operam dedisse, posteaque Presbytera-  
 tus ordine suscepto inter Canonicos Ecclesiæ Hortanæ cooptari  
 meruisse, seque cum ipso collocutum, Noster testatur. De Ecclesia  
 ordinis *S. Francisci*, qui *Conventualium* audit, & de *S. Bernardini*  
*minorum observantium* extra civitatem æde, reliquias Sanctorum  
 in his superflites annotat; ac demum *Parthenonem Ordinis S. Pe-*  
*tri Damiani*, qui sub titulo *S. Gregorii* quondam in urbe steterit,  
 paucis attingit, ad vetustiora properans. Nimirum in substru-  
 ctionibus turris campanariæ & Ecclesiæ Episcopalis ante aliquot  
 annos varia antiquitatis monumenta sunt reperta, in quibus emi-  
 nuerunt sarcophagi duo, anaglyphis Bacchanalium symbolis faber-  
 rime exornati, qui nunc in villa Nuptiana Hortæ conspiciuntur.  
 Hos ad archetypa æri incisos exhibet Noster doctèque illustrat,  
 tum quoque spem facit, ab Insigni Antiquario *Monsfaunio*, in  
*Supplemento Antiquitatis illustratæ*, mox prodituro, ulteriorem il-  
 lustrationem iri suppeditatum. Nos utrumque sarcophagum **TAB. I.**  
 I subiciendum duximus. Alter vindemiale aliquod festum ex-  
 primere Nostro videtur, ob eistam mysticam tigridesque Baccho  
 sacras, quæ medio loco præter quatuor anni temporum Genios,  
 lebores.



TAB. I.  
Fig. 2.

lepores, capreas, corvum & cantharum, præterque adolescentul-  
los utrinque ludentes, facula & hastis, item pedo & utre armatos,  
una cum cantharo in extrema parte posito, visuntur. Quæ vero in  
frontibus apparent, hinc sceminæ, illinc maris, boves agen-  
tium, figuræ, quas hic exprimere supervacaneum duximus,  
Lunam & Endymionem referre judicat. Sed elegantiora sar-  
cophagi alterius symbola partim nuptias Bacchi cum Ariadna  
celebrandas, partim Orgia repræsentare conjicit. Videas itaque  
miseram ab infido Theseo in littore Naxi insulæ desertam & sub  
scopulo jacentem Ariadnam, quam solaturus cum Faunorum co-  
mitatu accedit Bacchus, pampinis coronatus pueroque Ampelo  
innixus. Videas præterea Cupidinem senemque alatas, & hunc  
Æolum putes, in auxilium desertæ precibus accitum. Adj. sis *Ca-  
tulli Epithalamium Thetidis & Pelei*, imprimis v. 50 ff. iterumque  
v. 251 ff. & sculptorem descriptiones, quas Poeta facit, æmulatum  
credas. Quos ad lavam Ariadnæ cernis, Sileni, vel Fauni, quo-  
rum unus manu gestat personam, similem earum, quæ in Bacchi  
sacris stragem Penthei significarunt, porro senex sacerdos tympa-  
num præferens, & qui sceminam pannis involutam mysteriis Bac-  
chicis initiare videtur, cista mystica, e qua serpens egreditur, bac-  
chantium larvæ & tigris, Orgia satis manifeste indicant. Frontes  
hujus sarcophagi utrinque Gryphis ornatae sunt. Sub finem capi-  
tis Inscriptio seorsim effossa: D. M. M. AVRELI. HILARIA-  
NI. AUGG. LIB. H. O. (i. e. hic ossa quiescunt,) paucis expli-  
catur. Quemadmodum vero Libro II Fontaninus noster civem  
inclytam, *Probam Falconiam*, Hortæ veteris ornamentum singula-  
re, produxerat: ita nunc Hortæ novæ splendorem ab eminentissi-  
mo ejus quondam cive, *Cardinali Presbytero Ferdinando Nuptis*,  
conciliare studet, cujus elogio totum Caput II constat. Id cum ele-  
gantissimum sit, dignaque memoratu permulta contineat, potissi-  
ma juvat exin decerpere. Natus est *Nuptius* decimo die mensis  
Septembris anno 1645, patre Jacobo, cive Hortano probò ac hone-  
sto. Eo mature defuncto, novennis a matre, nomine Samaritana,  
Romam adductus ac Præceptorum in Collegio Societ. Jesu insti-  
tutioni commendatus est. Ibi dum literis operam dat, imprimis  
in Bibliotheca Angelica, quæ ab Angelo Roccha fundata tunc ad  
cæno-



cœnobium S. Augustini patebat, latere scriptoribusque antiquis pervolvendis totos dies insumere consuevit. Hinc factum, ut propter admirabilem memoriæ facultatem in extrema senectute sæpe integra satisque longa veterum Autorum loca promte expediteque recitaverit. Cujus rei exemplum insigne affert Noster: Clementem XI Pont. Max. aliquando, ex Archiatri consilio, vetustissimum agri Latini stipulas mense Augusto comburendi morem publico Edicto vetare, ob intolerabilem calorem urbi inde imminentem, decrevisse; tum forte Nuptium, qui de rebus suum munus spectantibus accesserit, de vulgando mox Edicto ex Pontificis ore accepisse, sed statim recitato Virgilii loco, quo ignes stipulis Romani agri immisos, eorumque effectus salutare Poeta *Libr. I Georg.* celebrat, Pontificem a proposito revocasse. Utriusque juris decurso stadio, Nuptius ab Innocentio XI P. M. A. 1686 primum Commissarius Cameræ Apostolicæ allectus, mox & Basilicæ S. Petri Canonatu & quæstura Collegii Canonorum auctus est, in quo eum officio Innocentii successor Alexander VIII permanere voluit. Quo vita functo, purpuratorum Senatus Nuptium ærarii Pontificii tribunum sede vacante suffecit, in qua dignitate ab Innocentio XII confirmatus, sed quadriennio post sacræ Congregationis Cardinalium interpretum Concilii Tridentini scriniorum magister atque universalis Inquisitionis Consiliarius renuntiatus est. Quo in munere constitutus, ut causæ, Patrum judicio proponendæ, summatim in gratiam Juris Canonici studiosorum excuterentur, primus effecit. Alio quadriennio exacto, conventui Inquisitionis Assessor datus, inde a Clemente XI A. 1701 inter XII viros Cameræ Apostolicæ scriptus, rei frumentariæ præfecturam accepit, in qua ut posteritati etiam consuleret, novi horreorum ædificii ad Diocletiani Thermas exstruendi autor fuit, tum & erudita civilisque ac æconomicæ prudentiæ plena dissertatione edita, Pontifici modum proposuit, quo Romanus ager ob aeris inclementiam quodammodo infamis desertusque facile coli posset. Postea congregationi, aquarum in terris S. Petri exundantium curam gerenti, a secretis esse jussus, itemque in Signatura gratiæ, in ærarii & subsidiorum confessibus suffragium indeptus, mox congregationis, rebus Episcoporum & Regularium præpositæ, scrinii

scrinii Magister, dein Archiepiscopus Nicænus, interque Antistites Solio Pontificio assistentes lectus, demum in sacro Pœnitentiæ Apostol. tribunali corrector declaratus est. Ita per tot hæc aulæ Romanæ summa interque se maxime distantia munera circumductus, A. 1715 die 16 Decembris in Purpuratorum Senatum jure quodam suo cooptatus fuit. Cumque Ecclesiæ Urbevetanæ simul esset præfectus, ad regendum Episcopatum sese anno insequenti contulit, instante jam fato, cui fractus pridem tantis tamque diuturnis laboribus die 30 Nov. 1717 annos natus 72 mens. 2 dies 20 Urbevetanæ concessit, tumultusque est in sacello B. Mariæ, S. Britii nuncupato, in Episcopali Ecclesia, cui vivus omnem, qua usus erat, suppellectilem sacram donaverat. Monumentum Innocentius Nuptius, Cardinalis ex fratre nepos, statuit, Noster inscriptione elegantissima decoravit, quam ipsam una cum effigie in ære delineata calamoque descripta subjicit, tum vero animi, virtutum, totiusque vitæ imaginem longe expressiorem addit. Nobis ex ea tanquam singularia adnotasse sufficit, Nuptium, infinitis distractum occupationibus, nullum sibi extra Urbem solatium unquam quæsisisse, nunquam animi remittendi causa rusticatum esse: deinde, cur tanto Viro tam sero ad amplissimam dignitatem ascendere contigerit, unam hanc a Pontifice sæpius prolatam esse causam, *quod Nuptii, singularis Viri, opera in plurimis egeret, in quibus, eo ad ulteriorem gradum evecto, amplius uti non posset.*

Appendix, quæ noviter accessit, primo loco sistit *Julii Roscii, Hortini*, Lib. II cap. 7 atque alibi passim a Nostro celebrati, *Narrationem de instaurando Ponte Augusti*, de quo videndus harum Antiquit. Lib. II c. 2. Eam e MS. Vaticano exhibendam duxit Fontaninus, quod Umbriæ & Tusciæ suburbicariæ vias priscas habitumque antiquum egregie persequi videretur, quamvis ipsa commentatio exitu optato exciderit, quippe cum pontis ad Hortam Tiberi imponendi spe concinnata esset, pons iste ad Occiculos stratus est, nomenque Felicis, a conditore Xysto V, olim Felice, accepit. Sequuntur ejusdem *Roscii Epigrammata in laudem Xysti V*, porro *S. Cassiani, Episcopi Hortensis, Acta brevia e MSto Codice membraneo de vitis Sanctorum*: item, *Alexandri IV Pontif. Epistola ad virgines sacras ordinis S. Damiani civitatis Hortanae* A. 1255 data. Denique

que supra jam laudata *Cardin. Nuptii* dissertatio, de cultura agri *Romani commode suscipienda*, Italico sermone conscripta, adnectitur.

**HISTORIA MEDIANI, IN MONTE VOSA-**  
**go, Monasterii ordinis Sancti Benedicti ex congregatio-**  
**ne Sanctorum, Vitoni & Hidulfi.**

Argentorati, apud Joh. Reinold. Dulsecker, 1724, 4 maj.

Alph. 1 pl. 12 Tabb. æn. 4.

**E**Gregie profecto tum de re antiquaria, imprimis monastica, tum de monasterio ipso, cui jam a longo temporum intervallo Abbas eximia cum laude præest, tum denique de sanctissimo Viro, Mediani monasterii fundatore conditoreque, Hidulfo, promeruisse dicendus est Maxime Rev. *Humbertus Belhommius*, quod in hac Monasterii Medianensis historia partim colligenda, partim eruditissime illustranda, industriam suam voluerit extare. Hunc enim Belholmium, Abbatem Mediani jam emeritum, ideoque in muneri gerendi sublevationem Dominum *Humbertum Barrois* socium adiutoremque nactum, historiæ hujus Autorem esse, pagina statim tertia indicat. Neque vero hoc nomine tantum Medianense monasterium istud, in Lotharingiæ Ducatu situm, inque Vosagi montis jugo exstructum, Belhommio nostro debet; sed & eo beneficio illi est obstrictum, quod vetustate jam collapsum & ruinam fere minatum illi, quem nunc habet, nitore splendorique restituit. Quem quidem non parum auget præstantissima bibliotheca, ejusdem studio collecta, quam non tantum selectis libris constantem, sed & nulli facile in Lotharingia cedentem, laudat. Quod ad præsentem historiam attinet, quatuor in partes illam divisit, quarum prima continet S. Hidulfi vitam triplicem ex antiquis codicibus depromptam, cum promisso commentario junctisque notis. Et has quidem vitas se olim quidem Sociis Bollandianis in Acta Sanctorum inferendam dedisse, idque studiose ab illis præstitum, Autor monet, operæ tamen pretium se putasse, recognitas auctasque emittere, cum & illud opus paucorum in manibus versetur, & princeps ac præcipua illa Medianen-



- sis historiæ pars sit. Altera pars continet libellum de successoribus S. Hidulfi in Vosago usque ad initia sæculi XI, notis illustratum. Tertia comprehendit excerptam ex Johanne a Bayonio subsequentium Mediani monasterii Abbatum continuationem, cum intermissa rerum Lotharingicarum historia ab anno MX usque ad annum MCCXX, in quo desinit, adhuc ineditus, Autor. Quarta denique pars exhibet posteriorum ejusdem monasterii Abbatum feriem, e domesticis aliisque nonnullis monumentis & chartis depromptam, usque ad annum MCCXX. Toti huic operi præmittit doctam quandam dissertationem de Sancti Hidulphi triplici biographia, deque illius nomine, genere, patria, ætate, Archiepiscopatu, Monasterio, & cultu. In patriam S. Hidulfi inquirens, num fuerit scilicet Noricus an Nervius, Noricum extitisse, opinatur.
- P. 7. 9. Quantum vero ad ætatem Hidulfi attinet, maximam in ea determinanda difficultatem exstare fatetur, quum non de annis quibusdam paucis, sed de integro propemodum sæculo scriptores inter lis sit: aliis ad septimum, ad octavum aliis gesta ejusdem referentibus. In hoc sententiarum divortio, trivioque constitutus eam eligendam duxit, quæ septimum ei sæculum attribuit. Hancque suam sententiam quinque argumentis confirmat. In quibus facile primum ac præcipuum, quod omnium consensu & magna semper inter B. Hidulfum Sanctumque Deodatum in Vosago commorantes amicitia intercesserit, & septimo Deodatum sæculo vixisse, constet. Neve quis hic sibi, epistola S. Lutgeri ad Rixfridum nixus, jure contradicat, in qua epistola legitur, Stephanum Papam, canonizationem nescio cujus Sanctuli Hidulfo commisisse, pro supposititia eam reputat epistolam, & contentam in ea canonizationem merum esse figmentum, credit, id quod Mabillonius alique solide satis demonstrarunt. De Otilia virgine, de qua Acta Sanctorum & alii Pontificiorum libri mirabilia complura narrant, varia curiosum ejusmodi rerum lectorem detinentia inspergit: ejusque baptismum attingens, Cointium, Annalium Franciæ Eccl. Autorem, rejicit, opinantem, baptizatam fuisse Otiliam cis Rhenum in Alsatia intra fines Diocesis Argentinensis. Repudiat quoque opinionem ejus, quæ Anonymi cujusdam auctoritate ductus, asseruit, non Hidulfo, sed B. Erardo baptismum suum Otiliam debere: dilutis-  
que



que ejus argumentis, quibus probatum hoc ivit, minime sancti hujus operis honore privandum esse Hidulfum, urget. Reliqua, quæ in hoc libro Autor persequitur, vel ad instituta, antiquitates, jura & hodiernam formam hujus monasterii, ejus imaginem sub finem operis adjunxit, vel ad Abbatum, qui illi præfuere, & monachorum vitam moresque spectant, lectu nec inutilia, nec injucunda.

PRÆLECTIONES PHARMACEVTICÆ: OR, A  
Course of Lectures in Pharmacy Chymical and Galenical.

hoc est,

**CURSUS LECTIONUM PHARMACEVTICA-**  
*rum, tam Chymicarum, quam Galenicarum; Autore D. JO-*  
*HANNE QUINCY, editus a P. SHAW, M. D.*

Londini, apud E. Bell, J. Senex, W. Taylor, W. & J. Inny  
& J. Osborn, 1723, 4.

Alph. I pl. 6.

**E**didit ante hos tres annos Clarissimus *Quincy* consilio & auctoritate Collegii Regii Medicorum Londinensis Dispensatorium in Actis Anni 1722 Mens. Martio pag. 121 commendatum, in quo multorum annorum fructum, observationes & experimenta, quæ fecit, candide cum L. B. communicavit. In præsentī vero Tractatu mysterium Artis Pharmaceuticæ pandit, & nefandas fraudes abususque, qui hinc inde observantur, detegit, cujus imprimendi curam in se suscepit D. Shaw, qui in præfatione demonstrat, cognitionem rerum pharmaceuticarum necessario requiri ad Praxin Medicam feliciter exercendam & Artem evehendam. Ubi sub Pharmacix nomine non solum comprehendit operationes manuales, quas pharmacepolæ in suis officinis tractant, sed plenariam qualitatum cognitionem, quæ Simplicia continent, & in quibus ab aliis medicamentis pro præparationis diversitate differunt, ut scilicet Medicus hisce subsidiis adjutus appropriata remedia causæ morborum, materiæ morbificæ, omnibusque circumstantiis opponere queat. Prælectiones ipsæ Pharmaceuticæ Clariss. Quincy sunt XVIII, in quarum I, facta materiæ medicæ re-

specu suæ texturæ vel virtutis in medicamenta alterantia & evacuantia, illorumque in odorata & inodorata divisione, de odoratis agitur, quæ iterum in dulcia, acriora & fœtida subdividuntur. In II inodorata examinantur, & in emollientia, agglutinantia, adstringentia & absorbentia distribuuntur; sub evacuantium nomine complectitur Autor non solum emetica & purgantia, sed & diuretica & sudorifera, siquidem eadem medicamenta modo vomitum excitant, modo per sedes operantur, modo urinam, modo sudores movent, prout sub præparatione plus minus dividuntur & subtilisunt. Suntque vel salina, vel resinosa, vel de utroque principio participant. Inter salina in Lect. III mannam, sal commune, sal Glauberi, sal catharticum amarum, nitrum, vitriolum, tartarum, & sal gemmæ; inter resinosa & mixta in IV jalappam, gummi guttæ, scammonium, aloem, colocynthidem, agaricum, & helleborum nigrum sub examen vocat. In V ad talia pergit medicamenta, quæ pro præparationis diversitate aliam atque aliam fortiuntur efficaciam, inter quæ mercurium primum sistit, qui per divisionem & fixationem suorum globulorum varia suppeditat remedia; hinc in VI de antimonio, & cum quo ei quoad modum præparationis & efficaciam convenit, de ferro agit, deque illo notat, principia ejus sive salina, sive sulphurea, sive utraque, usque adeo inter se invicem esse mixta, ut antimonium crudum, etiamsi in copia propinetur, nullum edat sensibilem effectum, per præparationem vero illa a se invicem separata ad diversos usus disponantur. Postquam in Lect. VII sal ammoniacum & succinum analysi subjecit, & quæ ex eis præparantur, descripsit, in VIII tria principia, in quæ Simplicia arte Spagyrica resolvuntur, spiritum puta, oleum & sal, explicat, atque in IX regulas generales, circa collectionem & conservationem florum, seminum, radicum, corticum & gummiarum observandas, suppeditat, eorumque signa bonitatis & succedanea inculcat. Inde ad compositionem medicamentorum in genere in X se confert, docetque, quomodo ea mediante insigniores effectus iis sint comparandi, quales a singulis seorsim non erant expectandi; ubi sequentes cautelas observandas injungit: scilicet 1) ut singula ingredientia ad eundem colliment finem, 2) ne nimia fiat simplicium

um farrago; 3) ut singula apta sint, quæ talem, qualem intendimus, constituent formam; & 4) ut omnes compositiones visui, odoratui & gustui, quantum possibile, sint gratae; sicque in specie in Lect. XI de destillatis, in XII de Tincturis, Elyxiis, Vinis medicatis, Acetis, Decoctis & Infusis, in XIII de formis medicamentorum, quas saccharum vel mel ingreditur, ut Conservis, Syrupis, Conditis, Confectionibus, Oxymelite, & Lohoch; in XIV de Pulveribus, Speciebus, Trochiscis & Pilulis; in XV & XVI de Electuariis tam officinalibus quam extemporaneis, Bolis, Linctibus, Emulsionibus, Julepis & Potionibus; in XVII & XVIII de medicamentis topicis, Oleis, Unguentis, Linimentis, Emplastris, Ceratis, Embrocationibus, Lotionibus, Gargarismatibus, & Collyriis agit. Atque in his omnibus Lectionibus ita se gerit Noster, ut Simplicium analysin tradat & quam ingredi possint, quamve respiciant formam, quomodo præparanda, quæ ex officinarum catalogis expungenda, quæve retinenda sint, qualem virtutem vel simplicia, vel composita possideant, fideliter inculcet. Speciminis loco de Lectione I paulo fufius locuturi sumus, ut L. B. de præstantia hujus operis eo melius judicare queat.

Simplicia odorata sunt vel dulcia, quæ suaveolentia & pleraque aromatica sub se complectuntur, ut caryophylli aromatici, cinnamomum, lavendula, rosinarinus; vel acriora manifesta volatilitate prædita, ut piper, sinapi, raphanus, arum, cochlearia; vel foetida, ingrata spirantia odorem, ut valeriana, asa foetida, galbanum, & pleraque gummata, quorum singula respectu suæ texturæ manifestarumque qualitatuum peculiari indigent enchiresi. Dulcia enim ob suam fragrantiam & volatilitatem spirituosos liquoribus auscultant, & destillationi subjacent, decoctionem vero non ferunt, nec in Syrupi, vel aliam formam, quæ aperto igne peragitur, converti possunt. Sub destillatione autem curandum, ut ingredientium quantitas talem servet proportionem cum liquore abstrahendo, ut hic clarus & transparentes maneat; cum enim præcipua horum simplicium vis in oleo consistat æthereo, alembicum simul transcendente, aucta ingredientium quantitas nebulosum & lacteum reddet liquorem; & quo magis rectificatum est menstruum, eo plus olei capiet absque opacitatis metu, quam vero no-

tam

tam non subterfugiet, si phlegmaticum extiterit. Ad compositas igitur aquas gustui gratas & cordiales destillandas species seliguntur, non solum fragrantēs, sed & aridæ & friabiles, ex floribus, corticibus & radicibus, quæ enim ex seminibus, aromatis & gummatibus recipiuntur; ob nimiam, qua abundant, olei copiam obscuritatem largiuntur aquis. Hinc commodius ex simplicibus volatilibus magis, quam oleosis particulis foetis destillantur aquæ, eo etiam ex capite commendandæ, quod Julepis vel Potionibus mixtæ minorem stomacho creent aversionem. Si lacteum colorem contraxerint aquæ, nitori suo restitui possunt vel per admissionem aluminis aut similis rei, vel per filtrum. Quanquam autem primo modo asperæ & ponderosæ aluminis partes oleosas coagulent & præcipitent, aquarum tamen simul virtutem insigniter alterant; posteriorem vero laborem propter tædium lubenter effugiunt pharmacopolæ. Ex dulcium classe sunt quædam, ut balsamus Tolutanus, Styrax, Benzoe, quæ cum constant volatilibus partibus, crasso oleo vel sulphuri non involutis, mediante calore lento per destillationem siccam volatiles magis & fragrantēs suas concedunt partes sub nomine Florum, qui vim medicamentosam in se continent, & usui extemporaneo commode inserviunt. Camphora peculiare quid obtinet, dum nec cum aliis facile misceri, nec odorem suum penetrantem occultare potest; optime igitur cum vitello ovi solvitur, & appropriatis vehiculis offertur. Acriora simplicia pungentes suas particulas maximam quidem partem per destillationem suppeditant, specifica tamen sua virtute, e. g. salina & diuretica, exuuntur, nisi vehiculi loco aliis efficacioribus medicamentis inservire debeant tales aquæ. Rectius itaque in fervidam aquam clausis vasis infunduntur, imprimis quæ stimulo nitroso pollent, ut folia & radices petroselini, folia pyrethri, semina lithospermi, millepedes & similia. Ex foetidis plantis destillatæ aquæ pro vehiculo pariter adhiberi possunt, quo plus tamen specierum receperunt, & quo lacteum magis habent colorem, eo pluribus de virtutibus medicamentosis participant, siquidem transparens & gratus color in hujus generis aquis adeo anxie non expetitur. Destillatio interim omnium medicamentorum volatilium bene lutatis vasorum juncturis institui debet, ne particulæ



culæ maxime efficaces exhalent & pereant. Præter destillationem medicamenta odorata Tincturis atque Infusis virtutes suas concedere norunt. Quæ enim cordialia dicuntur, menstruo spirituofo vel vinoso extrahuntur, & resinosa cum rectificato spiritu in pellucidam transeunt Essentiam, hoc nihilo minus incommodi, secum gerunt, quod tales Tincturæ, si cum vehiculo aquoso combinentur, lacteam reddant mixturam, aut, si diutius invicem conserventur, magna ipsarum pars vel fundum petat, vel instar nubis eleve tur, pro specifica gravitatis ratione, quæ est inter Tincturæ & Vehiculum. Quæ vero sunt salinæ prolapix simplicia, mistionem cum aquosis sine alteratione bene ferunt. Circa menstrua in Tincturis his extrahendis enchireses pariter quædam sunt attendenda, mediantibus quibus textura ingredientium melius dissolvitur & extractio promovetur. Sic in extrahendis lignis vel corticibus durioribus aut guminatibus tenacioribus v.g. helleboro, myrrha, &c. sal tartari adhibetur, quod firmiorem partium cohesionem recludat, cujus ministerio non indigent, quæ laxiori gaudent compage, ut castoreum, crocus, hiera; imo absurdum esset, papaveris vel rosarum Tincturis extrahendis illud addere, utpote quod colorem earum rubicundum in viridem, visui ingratum, sit immutaturum. Sunt vero etiam ex hac classe, quæ in Tincturas non commode abeunt, quoniam vel parum aut nihil virtutum suarum communicant nisi rectificatissimo menstruo, quod tamen Medici intentioni reluctatur, ut mastiche, & olibanum; vel propter fœtorem & nauseam assumi ab ægris neutiquam possunt, ut opoponax & galbanum. Infusioni potissimum apta sunt talia Simplicia, quorum virtutes menstruo spirituofo non plenarie subjacent, sed in salina potius quam sulphurea substantia consistunt; ita tamen, ut, ubi stimulus est addendus, spiritusve restaurandi, menstruum spirituosum, ubi vero evacuatio per habitum vel vasa urinaria indicatur, acris aqueus affundatur liquor; quemadmodum in apoplexia & comatosi affectibus radix serpentariæ Virginianæ, Zedoariæ, Valerianæ sylvestris, semina nasturtii, sinapi & piper in vehiculo spirituofo, in continuis vero & ardentibus febribus, ubi humores depauperati & ventriculus inflammatus est, in aquoso menstruo, paululum acidulato, infunduntur. Decoctio

K

nullum

nullum invenit locum, siquidem vis medicamentosa exhalat; cui vero volupe fuerit, decoctum lignorum parare, satius est, durioris substantiæ radices, cortices, ligna, in aqua calcis dilutiore aliquandiu infundere & dein cum reliquis speciebus igni apponere, quam seorsim per coctionem emollire, ita tamen, ut vasa bene cooperta servantur, donec decoctum fuerit refrigeratum. Sic enim hoc nullam partium jacturam patitur, & stomacho gratum, aptumque redditur, quod cum lacte misceri & sorberi queat, qui assumendi modus Medici intentioni velificatur. In Pulverem conteri hujus classis simplicia non possunt, nisi quæ siccæ friabilisque sunt texturæ; quanquam enim humidiora, oleosa, guminosa & balsamica post exsiccationem tritulari possint, perdunt tamen per eandem omnem virtutem. Licet etiam recentia cum aliis in extemporaneis præscriptionibus miscere, & in Electuarii formam redigere. Pulveres quoque medicamentorum aromaticorum volatilium diu sine jactura virium in officinis asservari haud possunt, ut pulvis cinamonii, species diambriæ & dianthos, nisi ad Electuarius, Trochiscorum vel Pilularum formam reducantur. Secus se res habet cum floribus croci, & radicibus contrayeriæ & serpentariæ, quæ ob texturam magis fixam diutius vires suas conservant. Electuariis commodius includuntur, modo mel, conservæ & Syrupi, quibus excipiuntur, debitam habeant consistentiam, nec fermentationi sint obnoxia. Trochisci pariter & Pilulæ commodæ harum specierum formæ sunt, modo excipientis quantitas non sit tanta, quæ ægris nauseam pariat, id quod de siccis, cordialibus & sudoriferis ægre, citius de gummatis est expectandum. Hinc recte in officinis asservantur Trochisci hysserici, & de myrrha, ac Pilulæ gummosæ, cordiales vero & sudoriferæ exulant. Fœtida vero rite sub Pilularum larva absconduntur, quales sunt e bacis lauri, & Confectio Archigenis. Emulsionem etiam seu humores lactei parantur ex balsamicis, terebinthinatis & gummosis, cum vitello ovorum subactis, modo fœtida non fuerint.

**OPSERVATIO LUNARIS ECLIPSIS HABITA ULIS-**

*sipone in Palatio Regio die 1 Novembris 1724 a PP. JOHANNES*

**BAPTISTA CARBONE, & DOMINICO CA-**

**PASSO Sec. Jesu.**

**Obse-**

**O**bservavimus hæc Eclipsin Telescopiis, altero quidem Pedum Parisinorum 8, sed clarissimo, altero 10, sed minus claro: utroque tamen lunares maculæ perfectissime discernebantur. Ad temporis dimensionem usi sumus Horologio oscillatorio, vulgo *Pendula*, satis exacto, pluribus ante diebus in ipso observationis loco firmato, & quotidiano examine per meridianam lineam, ibidem a nobis jaundiu inventam, & pluries examinatam, ad medium Solis motum quam proxime reducto. Nocte vero ipsius Eclipsis ter illud ad trutinam revocavimus, ut ejus a vero tempore discordiam deprehenderemus. Primo in transitu *Fomabantis* per Meridianum, Hor. 8 M. 17 Sec. 18. Secundo in transitu *Rigel* seu *Pedis Lucidi Orionis* Hor. 2 M. 35 Sec. 21. Tertio in transitu *Sirii* Hor. 4 M. 4 Sec. 40. (Ascensiones rectæ deductæ sunt ex Tabulis Hærianis.) Invenimus autem Horologium tardius incedere secundis tantum 7, quæ jam addita sunt momento Observationis mox apponendæ.

A Solis occasu usque ad mediam noctem nubes ac pluvix cælum nobis identidem adimebant. Ventus tamen sub horam illud nobis satis clarum restituit, eoque usi sumus ad horam prope tertiam.

*Temp. Ver.*

Hor	'	"	
1	38	0	Penumbra incipit esse sensibilis.
1	41	0	fit spissior.
1	43	29	fit spississima.
1	47	45	Umbra incipit.
1	49	25	Discus Lunæ apparet deficiens.
2	0	16	Umbra pertingit ad <i>Aristarchum</i> .
2	0	39	pertingit ad <i>Platonem</i> .
2	1	10	<i>Aristarchus</i> totus in Umbra.
2	6	22	<i>Architas</i>
2	8	7	<i>Aristoteles</i>
2	0	29	<i>Pitheas</i>
2	11	28	<i>Galileus</i>
2	13	22	Umbra ad litus Orientale <i>Maris Serenitatis</i> .
2	15	34	<i>Endymion</i> inuergitur totus.

Temp. Ver.			
Hor.	'	"	
2	18	2	<i>Copernicus</i> incipit immergi.
2	20	7	totus in Umbra.
2	21	5	<i>Possidonius</i> incipit.
2	22	8	totus latet.
2	27	49	<i>Ricciolus</i> incipit.
2	31	56	Umbra pervenit ad <i>Grimaldum</i> .
2	34	37	Ad Litus Boreale <i>Maris Crisum</i> .
2	37	17	<i>Proclus</i> immergitur.
2	40	0	<i>Nubes</i> supervenit, quæ Lunam omnino tegit, diu- que videtur duratura.
3	25	0	<i>Nubes</i> discedit. Jam autem ex Umbra emerferunt <i>Grimaldus</i> <i>Ricciolus</i> <i>Keplerus</i> <i>Galileus</i> .
3	29	2	<i>Aristarchus</i> emergit.
3	30	30	<i>Copernicus</i> incipit emergere.
3	31	34	totus extra Umbram.
3	39	18	<i>Pitheas</i> emergit.
3	47	46	<i>Timocharis</i> .
3	54	57	<i>Archimedes</i> .
3	57	18	<i>Plato</i> incipit emergere.
3	58	59	emergit totaliter.
4	2	0	<i>Nubecula</i> iterum Lunæ aspectum nobis adimit.
4	6	0	Jam Luna restituitur.
4	8	15	<i>Aristotelis</i> totalis emerfio. <i>Nubeculis</i> identidem Lunam occupantibus reli- quarum macularum emerfiones exacte observa- ri nequeunt.
4	20	36	Finis Eclipsis, tardius fortasse visus ob tenuem vaporem interpositum.
4	26	0	Definit Penumbra spissior.
4	28	0	Definit Penumbra sensibilis.

Peculi-



Peculiari profecto cura, ac ea qua fieri potuit diligentia Eclipsin hanc observare conati sumus; non modo ut nostri muneris partes pro modulo nostro impleremus, quippe Mathesi, ac præcipue Astronomicis observationibus hic addicti, verum etiam, ut Serenissimi Regis ingenio plenius, ut par erat, indulgeremus. Valde enim ipse in hujusmodi observationibus delectatur, ad easque perfecte instituendas, copiosam nobis Instrumentorum suppellectilem, munificentia vere Regia, suppeditavit. Neque vero aut iisdem observationibus interesse; aut Observatorem se nobis identidem adungere dedignatur; illud unice semper sollicitus, ne, vel minimum, a rectitudine aberretur. Hoc igitur acti stimulo nec diligentia pepercimus, nec labori, quo tanti Principis ingenio hæc nostra observatio responderet. Accessit & alia qua dudum tenebamur cura, novis, ac clarioribus confirmandi argumentis hujusce Urbis Longitudinem, vel certe ejusdem cum præcipuis Europæ Meridianis differentiam; itemque explorandi, an aliorum Tabulæ Astronomicæ, ad hunc Meridianum reductæ per inventas hætenus differentias, perfecte cælo congruerent? Ex quo enim Ulyssiponem pervenimus, ubi jam alterum egimus annum, nulla contigerat Lunæ Eclipsis supra nostrum Horizontem conspicua. Duæ vero Solares, altera die 8 Decembris anni 1722, altera 22 Maji labentis anni, oppositis undique nubibus, observari nullatenus potuere. Jam autem repetitis hoc biennio observationibus tum Immerfusionum, tum Emerfusionum intimi Jovis Satellitis, proxime deprehenderamus, saltem quoad minuta prima, differentiam inter hujusce Urbis, seu verius hujusce Regii Palatii, ac Regii Parisiensis Observatorii Meridianos: minuta nempe horaria 48. (Mox ubi receperimus observationes habitas in eodem Observatorio, deprehendere poterimus & secunda, quæ hic diligenter notavimus.) Hac igitur usi differentia præsentem Eclipsin supputavimus ex Tabulis Hirianis. Tum autem mihi, tum P. Dominico Capasso eadem quantitas, idemque pene temporis momentum pro Initio, Medio, ac Fine Eclipsios prodiit: mihi nempe Init. Hor. 1 m. 48 sec. 4, Medium, Hor. 3 m. 3 sec. 59, Finis, Hor. 4 m. 19 sec. 54; illi vero, Init. Hor. 1 m. 48 sec. 0, Med. Hor. 3 m. 3 sec. 58, Fin. Hor. 4 m. 19 sec. 56. Quantitas utrique

Digit. 6 min. 53. Sufficiens proinde argumentum erat, quod recte Tabulis uterque usus esset; atque illud unice expectandum, ut cœlum pariter supputationibus responderet. Quanquam ex nonnullis Ephemeridibus aliter futurum deducebatur. At revera quam proxime respondit (neglectis scilicet tantum secundis) ut ex ipsa patet observatione.

Fateor tamen, nec me multum fidere hujusmodi observationibus Lunarium Eclipsium, quod attinet ad secunda definienda. Adeo enim male terminata apparet terrestris Umbra, ut ejus, ac spissioris Penumbræ confinia illico discernere difficile admodum videatur. Hinc non abs re fore putaverim, nonnullas hic subtexere observationes Immersionum, atque Emerfusionum intimi Jovis Satellitis, ex iis, quæ præsertim hoc anno habuimus; nam multas præteriti anni in promptu non habeo. Duas tantum memini, & alibi etiam adnotata invenio, quibus scilicet usus est Cl. V. & Illustriss. Dns Franc. Blanchinus, ad determinandam differentiam inter Meridianos Ulyssiponensem ac Urbinensem. Has igitur tantum ex præterito anno subnectam.

Observationes Immersionum, ac Emerfusionum Intimi Jovis Satellitis, habitæ Ulyssipone in Palatio Regio, & in Collegio Divi Antonii Soc. JESU.

*Regium Palatium, ac Collegium sunt in eodem omnino Meridiano. Omnes observationes habitæ sunt Telescopio palmor. rom. 30 Josephi Campani.*

1723.			H. ' "		
<i>Emerfiones.</i>			Die 30		
H.	'	"	<i>Emerfiones.</i>		
Die 23 Julii	7	47	0	Die 2 Sept.	9 36 57
Die 7 Septembr.	8	21	48	Die 9	11 34 26
1724.			Die 25		
<i>Immerfiones.</i>			Die 4 Octob.		
Die 8 Jun. mane	2	3	28	Die 18	10 21 20
Die 15	3	56	27	Die 3 Novemb.	8 42 30

JOH. ADOLPHI CRONII, J. V. D. TRACTATUS de Jure Aſſecurationum.

Rostochii

Rostochii & Parchimi, apud Georg. Ludov. Fritsch, 1725, 8.

Alph. I.

**N**on desertam ab aliis provinciam occupavit consultissimus Auctor, Syndicus Civitatis Rostochiensis, hanc de jure Affecurationum commentationem aggressus. Pacti enim affecurationis inter mercatores consuetudo ac frequentia pridem hoc argumentum ab utilitate sua Jctis ad calamos in eo exercendos commendavit. Jam olim *selecti Tractatus Juris varii, in materia Affecurationis & cautionis, diversorum*, Venetiis 1571, Colon. 1569, postea Francof. 1586 prodire. Nec ignoti sunt *Benevent. Straccha*, & *Petr. Santerna*, integri *de affecurationibus*, itemque *Alph. Villagut de usuris circa contractus mutui, affecurationis, &c. tractatus*. Inter plures eminent *Reinoldi Kuirike diatribe de affecuratione, juri marit. Hanseatico inserta*, *Henr. Cocceji, Barth. Leonb. Schwendendörfferi, Wolsf. Textoris, Matth. Mayeri, de affecurationibus*, & *Jo. Werlhofii de instrumento Affecurationis, vulgo Polizza*, dissertationes, nec non *Rutgeri Rulandi, circa negotium affecurationis questionis difficillima decisio singularis*, scripta Germanice & Hamburgi 1630 edita. Quemadmodum & scriptores *de Jure Mercaturæ*, ut *Jo. Marquardus & Francisc. Stipmannus*, nec non *Schottelius, de singularibus quibusdam Germaniæ juribus*, ex instituto jus affecurationum, maxime secundum usum hodiernum & consuetudines Germaniæ, justo loco illustrarunt. Nemo tamen proinde actum agere Nostrium existimet. Non enim solum, quæ ab istis carptim dicta fuerunt, heic videas congesta, sed & luculento ordine disposita, ita, ut plenam absolutamque, sed brevem simul & concinnam de isthac juris parte commentationem libellus mole exiguus præstet. Verum id imprimis laudem meretur, quod fori Mercatorii usum Noster præ oculis habuerit, casusque permultos diligenti disquisitioni subjectos ubique insperferit. Sunt e jure communi translata, sunt e singularibus juris mercatorii & maritimi plerarumque regionum & locorum ordinationibus studiose collecta, sunt e probatissimis Jctis quoque adducta, quæ ad probandum, disputandum, decidendum in hoc argumento facere poterant. Præmissis quibusdam *de necessitate ac utilitate mercaturæ, ejusque speciebus juxta ac periculo, præsertim maritima, indeque inven-*

*inventa affecuratiōe*, methodo JCtis familiari ipsa tractatio adornatur. Cap. I Noster *Affecuratiōis Originem, Etymologiam, Homonymiam, & Synonymiam* investigat. Ubi de antiquitate hujus negotii dissensiones JCtorum in medio relinquit, idque solum determinat, frequentiam pariter ac nomen affecuratiōis seculo demum XV inter Italos cœpisse, postea ad Hispanos, ab his ad Belgas, ac dehinc ad Germanos, Hamburgenses sc. & maritimas Hanseaticasque civitates ceteras migrasse. Inter Synonyma, præcipue vocabula apud varias Europæ gentes usitata notat, cum Affecuratio Lusitanis *Aposta*, Hispanis *Seguridado*, & *Seguros de Mercadores*, Italis *Sicurezza*, *Afficuranza*, Anglis *Quietnesse*, Gallis *Affurance*, Belgis *Verskering*, Germanis *Versicherung* dici consueverit. Cap. II *definitionem & divisiones* producit, electa ex diversis aliorum definitionibus illa: quod sit *conventio de periculo mercium alio transvehendarum suscipiendo*; quæ est *Benev. Straccæ*. Deinde affecuratiōem dispescit in maritimam & terrestrem, in affecuratiōnem rerum; navis sc. merciumve, & hominum, in generalem & particularem, in scriptam & non scriptam, activam & passivam, puram & conditionalem, gratuitam & non gratuitam. Cap. III *Causam Effic. & Impulsivam* lustrat. Cap. IV *Subiectum*, puta affecuratorem & affecuratum, eorumque personas intermedias, factores, institores, ministros, Notarios, proxenetas; quo loco disquiritur, quænam personæ secundum varia jura & statuta ab affecuratiōe contrahenda vel prohibeantur, vel impediuntur. Cap. V *Affecuratiōis Objectum* expenditur, quale sunt omnia, quæ mercium numero veniunt & in mercaturam cadunt, quæ sigillatim considerantur, & ex vario jure, statutis, ordinationibus, & consuetudine regionum, vel mercatorum res ab affecuratiōe remotæ sollicitè enumerantur, subiectis enucleatisque variis, ad meliorem declarationem, quæstionibus. Cap. VI *Formam affecuratiōis exacte* describit, quæ in susceptione periculi rerum alterius, & periculi quidem in itinere, sine affecurati culpa, contingentis, tum quoque in confectiōe Instrumenti affecuratorii, *Pollici. s. Polizza*, consistit. Exhibetur ejus formula quædam plenior & accuratior, cujus deinde requisita a capite ad calcem explanantur, & quæstiones utilissimæ super iisdem obviæ disceptantur. C. VII *Finem affecuratiō-*



MENSIS FEBRUARII A. M. DCCXXV. 8r

*rationis* constituit proxime in securitate & indemnitate assecurati, tum & in amotione decoctionis & fallimentorum, in conservatio-  
ne demum mercaturæ, necessario exercendæ. Cap. VIII *Effectus* ex-  
penduntur, obligationes ex conventionē, assecurati & assecurato-  
ris adversus se invicem, diversæ, tum ex obligatione veniens  
actio, quæ varias ex vario contrahendi modo formas induit, datur-  
que assecuratori & heredibus adversus assecuratum & heredes, ad  
solutionem præmii promissi, ad ejus quod interest, doli, culpæ  
ve levis præstationem; assecurato ejusque heredibus adversus as-  
securatorem ejusque heredes, ad solutionem æstimationis merci-  
um, existente casu sinistro, ut & mora commissa, ad usuras centesi-  
mas, quandoque ad præstandam cautionem, item aliquando ad  
restitutionem præmii. Cap. IX explicantur *Contraria*, i. e. modi,  
quibus finitur, vel rescinditur, vel non tenet assecurationis obliga-  
tio. Afferuntur dolus, metus, error, simulatio, obscuritas instru-  
menti, læsio enormis, temporis lapsus, quippe in Belgio præscri-  
bitur actioni assecurati sesquianno, quod si vero ultra Europam  
& Barbariam accidit, triennio, si terra vel fluminibus iter factum,  
anno, & quidem a tempore existentis periculi, aut ubi de damno  
per jactum dato agatur, a tempore expositarum mercium. Cap. X  
ad assecurationis *Affinia* referuntur Bodmeria, fœnus nauticum,  
conventiones aleam continentes, Hispanorum in auctionibus usi-  
tata licitatoris assecuratio, & species quædam assecurationis in so-  
cietate mercatorum irregulari obveniens. *Appendicis* loco Re-  
sponsum Jctorum Vitembergensium super Instrumento quodam  
assecutorio datum, duæque Instrumentorum Cognitionis, s.  
*Connossement*, & locatæ conductæ navis, vulgo, *Certe - Partey* for-  
mulæ subnectuntur.

Des Heil. Röm. Reichs vollständige Staats-Rechts-  
Lehre, anderer und dritter Theil u.

hoc est,

JACOBI CAROLI SPENERI PLENIOR DO-  
ctrina Juris Publici Imperii Romano-Germanici.  
Tomus II & III.

L

Tran-

Francof. & Lipſiæ, impenſis Georgii Marci Knochii, 1724, 4.

Alph. 1 plag. 18.

### *Tomus III.*

Ibidem, eodem anno. Alph. 2 plag. 11.

**E**Quidem videbitur multis Conſultiſſimus Autor doctrinæ ſuæ Juris publici Libro II, quem duobus his voluminibus abſolvit, omnino ſuperſedere potuiſſe, dum in eo ſpeciali tractatione ſingulorum jurium, quibus in Imperio noſtro ſtatus publicus continetur, origines inveſtigat. Poterat enim, communi cum aliis ſcriptoribus methodo, in ſingulis partibus originum, quæ in jure publico prætermitti nequeunt, indagationem ſuſcipere. Sed ipſe hujus conſilii cauſas habere ſibi viſus eſt ſat graves. Nam id ſedulo cavendum exiſtimavit, ne ſtatus antiquus Imperii cum hodierno ſubinde commiſceretur, qualem ex iſta tractandi conſueta ratione confuſionem facile intercedere, obſervavit. Deinde operæ pretium fore exiſtimavit, ſi verum ac præcipuum hiſtoriæ Imperii Rom. German. uſum hac induſtria, ceu luculentiori quodam ſpecimine, ſiſteret. Imprimis vero origines illas inter principia Juris publici referendas eſſe, probe animadvertit, ſeque ea propter feliciter ac inoffenſo pede in libris ſequentibus progreſſurum, credidit, ubi ad pleniorẽ originum expoſitionem a ſe factam provocareliceret. Quæ itaque Celeberrimus Titius olim, ſimili fere methodo, de origine atque habitu antiquo Imperii Romano Germanici, ac de originibus Statuum Imperii ſecularium, in Specimine Juris Publ. lib. I præmiſit; item, quæ Ill. Coccejus de Gentis Germanica & Imperii Rom. Germ. deque Electorum ac Statuum Imperii reliquorum, ut & de circulo Imperii originibus in Juris publ. Prudentia diſſeruit; ea Noſtro partim minus ſufficientia, partim ordine minus congruo diſpoſita, partim, quod ad Coccejana attinet, lubricis quibusdam atque incertis principiis ſuperſtructa, viſa ſunt. Quamobrem tum ulterius progrediendum, tum ſolidius ac diſtinctius in originum expoſitione verſandum duxit, eamque in rem Origines Imperii Romano-German. in genere Capite I, Dignitatis Imperatoria, ſupremi in Imperio regiminis, electionis atque coronationis, juriumque Imperatoris Cap. II, Vicariatuum Imperii Cap.

Cap. III, *Collegii Electoralis, &que competentium Archiepiscoporum & jurium* Cap. IV, *Statuum Imperii Ecclesiasticorum & Secularium* Cap. V & Cap. VI, haecenus Tomo II, evoluit. Pergit deinde Tomo III ad *Origines Membrorum Imperii tam immediatorum, quam mediatorum & subditorum*, Cap. VII, *Unionis Statuum ac Membrorum, tum generalis, tum specialis, ex instituto circularum*, Cap. VIII, porro, *unionis specialis & nexu feudali Statuum Imperii* Cap. IX, & *ex Jurisdictione Imperii universali* Cap. X, *juris coimperandi in comitiis* Cap. XI, *defensionis Imperii communis* Cap. XII, *superioritatis territorialis singulorum Statuum Imperii* Cap. XIII, *juris sacrorum, tum a singulis statibus Imperii exercendi, tum a Papa occupati*, Cap. XIV. Denique Cap. XV *forma hodierna, defectus & ratio Status presentis Imperii nostri* ab incunabulis suis repetuntur. In his omnibus non diffitemur, Nostrum, eclectici more, saniores aliorum doctrinas subinde secutum esse, sed iisdem permultum lucis, majoremque fidem, perpetua Historiae Imperii ac documentorum veterum comparatione, plus etiam certitudinis argumentis solidioribus, atque conjecturis felicibus passum, plurimum denique perspicuitatis attulisse, servata ubique distinctione inter ipsius Reip. Germanicae & Jurium Imperii publicorum, statum antiquum & ceteriorem, interque origines singulorum jurium remotiores & propiores. Quae sane operam huic libro impensam praecipue commendare debent.

**AMOENITATES LITTERARIAE, QUIBUS  
variae Observationes, Scripta item quaedam anecdota &  
rariora Opuscula exhibentur.**

Frankofurti & Lipsiae, apud Dan. Bartholomaei, 1725, 8.

Plag. 21.

**J**ucundissimas has amoenitates debemus V. C. Jo. Georgio Schelbornio, Memmingensi, qui jam dudum de re litteraria bene mereri cepit. Partem tantummodo primam hac vice exhibuit, quam plures aliae aliquando sequentur. In quibus si eodem delectu usus est Cl. Autor, quod quidem praecleara ejus industria cum laudabili judicii acuminis conjuncta sperare jubet; nullum est dubium,

quin omne litterarum genus per hanc amœnitates incrementa sit capturum. Lectoribus certe omnibus (modo non sint ex famelico grege τῶν ἀμύμων, ἀναφροδίων καὶ ἀπροσδυνύσων, quibus nihil pulchrum, nihil amœnum, nisi quod pani, quæ vox eorum, lucrando est) vel ipsa raritas rerum propolitarum non potest non esse gratissima. Ita in præsentī collectione primo loco conspicitur *Descriptio libri rarissimi, sub ipsis typographiæ inventa initiis ex-  
ausi*, quales etiam in præstantissimis multis bibliothecis frustra quæsieris. Liber averso folio incipit, averso desinit; prima autem & ultima pagina glutine tegmini vel involucro affixa est. Continet compendiosam rationem potissima quatuor Evangeliorum argumenta memoriæ mandandi: hinc cuilibet textus folio e regione posita pagina sistit figuras tabulis ligneis incisas, quæ, numero ubique capitum adnotato, textui respondent. In folio minori impressus triginta absolvitur paginis, haud opisthographis: ad deformitatem autem vitandam duæ semper paginæ puræ conglutinatae sunt. Litteræ tabulis insculptæ sunt: ut vel ex hoc appareat, in antiquissimorum codicum classem librum referendum esse, cum haud mobilibus nec sejunctis typis impressus sit. Character Gothicus est, majusculus, ater, crassus & informis. Litterarum figura atramento sæpe deformata, & venter earum, vacuus alias & albus, obductus & repletus, ut scilicet inde agnoscas artis typographiæ infantiam. Nec desunt crebra scripturæ compendia. Ad lacunas quasdam paginarum explendas nunc ductus longius extenduntur, nunc asterisci, aut animalculorum quorundam figuræ adjiciuntur. Ad seriem chartarum designandam circa ultimi versus extremitatem signaturæ, ut vocant, apponuntur, ita ut prima pagina *a*, secunda *b* & sic porro ostendant. Plura ipsæ *Amenitates* narrabunt; cum & illa, quæ nos inde protulimus, jam satis evincant, ad venerandæ vetustatis monumenta typographica jure suo istum librum Mnemonicum referendum esse. Sequitur erudita *de vita, moribus & scriptis Marsilii Ficini* Commentatio, a Cl. Schelhornio ex ipsis potissimum Marsilii scriptis collecta. Ea & propterea eruditis accepta erit, quod Vita Ficini, a Dominico Mellino, ut memorat Alexander Natalis, descripta, rarissime obvia est. Constat §§. 30, & a pag. 19 procedit usque ad pag. 118.

Tanta



Tanta autem cum cura, tantaque circumspectione conscripta est, quantam in re tali a viro prudenti exigere queas. Hinc Commentationi subjungitur statim *Apologia* Cl. Schelhornii *pro Marfilio Ficino, Magiæ postulato*. Vere autem doctissimus Autor ostendit, omnem hanc suspensionem in Ficinum ex libris ejus *de Vita*, maxime omnium ex tertio, *de vita cælitus comparanda* derivatam esse, sese autem nihil magiæ diabolicæ, multum autem superstitionis anilis in Marfilio deprehendere. Et sane, cum Ficinus non Philosophus modo Platonice, ut vulgo accipiunt, sed etiam peritus, ut erant tempora, Mathematicus fuerit: adhuc propter infirmissimam corporis valetudinem strictam diætam observaret, omniaque ad sanitatem, etiam minutissima, examinaret; necesse erat, ut primo a vulgo multum dissentiret, dein singularia multa sectaretur, postremo Magus declararetur. In quo nobis similia cum Apulejo Platónico, cujus simillimus erat, fata tulisse videtur. Quarto loco leguntur *Leonardi Lauredani, Venetiarum Ducis, litteræ ad reip. Memmingensis proceres*. Datæ sunt die XVI Julii, Indictione XII, anno MDVIII, & comprehendunt querelam Ducis Venetiarum de bello, quod illis Maximilianus I inferebat, quod vulgo *bellum Cameracense* dicitur, quod Cameraci inter Imperatorem, Julium II Pontif. Ferdinandum Catholicum & Ludovicum XII Galliarum Regem fœdus contra Venetos initum est. Multa de amore & veneratione Cæsaris & Imperii Romano-Germanici disserit, & Ludovici XII artes aliorumque malevolorum depingit, sed tali Latinitate, quæ sit putida passim & ridicula. Excipit Jo. Christophori Wagenfeilii, JCI quondam & Philologi Altorfini famigeratissimi, *Dissertatio adhuc inedita de Joanna Papissa*: & mox adduntur pag. 195 *Argumenta potiora, quæ a viris eruditis contra historiam de Joanna Papissa afferri solent*, quorum tamen autorem nescit Cl. Autor, et si bene noverit, seculo superiori in Academia Altorfina conscripta esse. Septimo loco *de secunda Novi Testamenti editione, per Erasmum curata*, disserit Cl. Schelhornius. Intelligit illam, quæ ex officina Frobeniana Mense Martio A. MDXIX prodiit, quam non modo cum cura recensuit, sed & multa, quæ ad historiam hujus editionis pertinent, in medium protulit. Jungitur Octavo lepidissima illa & gravissima Epistola de Magi-

*stris nostris Lovaniensibus, quot & quales sint, quibus debemus* ~~magistral~~ *magistral* ~~illam~~ *illam* ~~damnationem~~ *damnationem* ~~Lutherianam,~~ *Lutherianam,* quæ olim A. 1520 typis impressa est. Nono apparet *observatio de Epistolis Caroli Ludovici Electoris Palatini & Degenfeldia Baronissa amatoris,* quas Cl. Schelhornius pro fictitiis habet, eo quod, paucis leviter mutatis, desumptæ sunt ex *Æneæ Sylvii libello,* qui inscribitur, *Euryali & Lucretia amores.* Huic proxima sunt *Julii Cas. Scaligeri Epistolæ duo,* quæ inter Epistolas Scaligeri, Hanovix A. 1612 junctim editas, frustra quærentur; edita tamen jam A. 1619 Lugduni Batavorum cura ac diligentia Joachimi Morfi; quam editionem doctissimus Autor plane expressit. Undecimo loco habentur septem Epistolæ ineditæ, una per Casparem Bruschium, reliquæ per Wolfgangum Rychardum conscriptæ: quibus multa ad statum Reformationis Ecclesiæ Ulmenfis pertinentia traduntur. Et dignum notatu, Rychardum illum epistolis suis ita plerumque subscribere: *Vale ex Ulma, tertio Calend. Mart. Anno ab adventu spiritus Helia quinto, item ab ortu, manifestatione spiritus Helia,* numerantem ab initio Reformationis. Ultima inter has amœnitates, sed & ipsa est amœna, *Descriptio vetustæ editionis Lactantii,* quæ A. MCCCCLXXI Venetiis prodiit. Ex optimo codice eam expressam esse, variis exemplis ostendit Cl. Autor; simul aliquot conjecturas V. C. C. A. Heumannii ex eadem confirmat. De eruditissimis Annotationibus, quas passim huic opusculo adjectas reperies, singulatim dicere locus non permittit. Nos, qui non sine voluptate inter has amœnitates versati sumus, doctissimo Schelhornio operam suam bene positam gratulamur: optantes, ut quam primum plures partes nobiscum communicet, ac ut possit, faciles rariorum opusculorum possessores inveniat.

**DESAXONUM ORIGINE CONJECTURÆ**  
*verosimillimæ; Autore M. CHRISTIANO HENRICO*  
**WEISSIO, Lycei Chemnitensis Conrectore.**

Chemnitii, apud Conradum Stæsselum, 1724, 8.

Plag. 5.

**S**i quæ gens est, cujus de origine eruditi variis sententiis inter se  
dis-

diffident, mireque fluctuant, ea profecto est Saxonica. Deficientibus enim certis ac luculentis de Saxonum populo monumentis, tot ferme de ortu initiisque ejus sunt sententiæ, quot unquam in origine ejus gentis evolvenda fuere occupati. In his tamen omnibus opinionibus Clariss. Autori nostro adeo nulla arrisit, ut reliquis examinatis rejectisque, novam aliquam eamque veri similiorem indagandam putaverit. Eo vero ab it Clariss. viri conjectura in hisce pagellis, non incommode scriptis, proposita: non unum aut singularem populum fuisse Saxones, ut hodie ex. gr. sunt Prussi Polonive, sed potius concursum complexumque multarum gentium, ad maris Balthici oram imprimis habitantium, quæ aliæ post alias coiverint, inque unum tandem corpus concreverint. Proinde quoque Saxonum nomen non tam sanguinis ac nationis, quam certi vitæ generis, quod illi omnes, qui confluxere, populi tenuerunt, extitisse putat. Patriam eorum, unde in alias demum provincias excursions fecerunt, Jutiam, in borealem & meridionalem olim divisam fuisse, opinatur. Plurium autem gentium congressui ortum debere Saxones, inde probare studet, quod a piratica, quam exercuere, Saxones primum innotuerint: plures vero ad Mare Balthicum populi maritimo huic latrocinio fuerint dediti. Nullam enim probabilem rationem exquiri posse, cur veterum scriptorum nemo Saxonici nominis faciat mentionem, antequam latrocinia ipsorum percrebuerint. Gravissimum huic rei argumentum præbere autumat vocem *Saxe*, quæ prisca Germanica lingua raptorem, prædonem, spoliatores, piratam notaverit, qualem prima Saxonum turba sese gessit. Eoque minus de hac vocis significatione dubitandi locum relinqui, quod in hodierna Anglica, e veteri Saxonica prognata, lingua *Sack* rapere, prædas agere, exspoliare significet. Neque abire ab hac notione veterem illam Germanicam locutionem, in Agricolarum proverbiiis Germanicis occurrentem, *eine Stadt Sackmann machen*, i. e. urbem militibus diripiendam concedere. Denique huc accedere, quod *facere* ferreo Latinitatis seculo idem fuit, quod capere & diripere. Tandem quoque varia veterum testimonia pro sententia sua allegat: imprimis Ammiani Marcellini illud, quo Saxones diffusam & ferocientem variarum gentium plebem nominat. Quemadmodum  
autem

autem Clariss. Autor noster a diripiendo Saxonum vocem unice arcessit, ita & vicinos finitimosque eis populos, bellandi hoc genus in laude ponentes, Saxonum, id est, prædonum nomen, sibi tribuisse censet. Refutat quoque Vir Clariss. eorum opinionem, qui Saxonum nomen a *Saks*, quo nomine certum genus cultrorum, quibus Saxones olim usi sunt, designabatur, derivant. Saxones quippe multo ante hoc nomine fuisse appellatos suspicatur, quam cultris eorum inditum hoc nomen sit. In fine schediasmatis hujus Clar. Autor duas objectiones, quæ sibi fieri possint, diluit. Altera nititur testimonio Bedæ, in Historia sua narrantis, Anglos in Jutia Vitarum inter & Saxonum provincias sedisse. Altera illa est, quod credibile non sit, Britannos Saxones, si ex latronibus piratisque collecti fuissent, in subsidium auxiliumque contra hostes vocaturos fuisse. Solutis his objectionibus, rariores quosdam libros, de origine Saxonum compositos, enumerat: in his *Roberti Sheringhami* librum de Anglorum gentis origine, qui anno 1670 Cantabrigiæ in 8 prodiit, & *Job. Andr. Angelini Bontempii* libellum qui Perusiæ 1697 editus in 12 sub titulo: *Historia dell' origine de Sassoni*. Imprimisque se dolere, Cl. Autor ait, sese hos libros nancisci non potuisse, ex quibus forsitan certiora cognoscere licuisset. Et sane negari nequit, multa in Sheringhami opusculo inveniri, quæ alibi frustra quæras. Minime tamen eundem cum Nostro facere, vel iste locus, quem *ὁς ἐν παρόδῳ* ex pag. 54 huc transferemus, declarat. Errant, inquit, imprimis, qui Cimbricos ita nuncupatos esse arbitrantur, quia prædones fuerint & per mare piraticam exercuerint: quia, quicquid sit de Cimbrorum prædationibus & rapinis, quas omnes olim gentes, quantum poterant, agitarunt, Germanica vox Cimber, non furi sed robusto militi & ad pugnam parato quadrat. Quo pertinent & illa, quæ de Saxonum origine pag. 207 pronuntiat. *Mihi*, inquit, eorum sententia maxime probatur, qui a *saxis*, i. e. incurvis & ferratis ensibus, falcium & cultrorum æmulis, Saxonibus nomen deferunt. Quod ad Bontempii librum attinet, non multam utique utilitatis Clar. Autori afferre potuisset: is enim quæ de Saxonum origine habet, & admodum pauca & sterilia sunt, & minime probata, siquidem parum apte Saxonum nomen a Germanici verbi *sitzen* imperfecto *fass* deducit. Neque jam



tam id agit ut Saxonicae gentis originem explicet, quam ut Reges, qui ab antiquissimis temporibus illi prae fuerunt, praecipuaque eorum facta ex Saxone, Cranzio, Albino aliisque scriptoribus collecta ordine enarret.

CARPENTARIANA, OU REMARQUES D' HISTOIRE, de Morale, de Critique, d' Erudition, & de Bons Mots de M. CHARPENTIER, de l' Academie Françoise.

hoc est,

CARPENTARIANA, SIVE OBSERVATIONES Historicae, Morales, & Criticae, nec non sales eruditi FRANC. CARPENTARII, Academici Gallici.

Parisiis, apud Nicol. le Breton Fil. 1724, 12.

Alph. I.

**D**UO jam effluxerunt lustra, ex quo MSCtorum Carpentarii, quem A. 1702 diem obiisse supremum in Actis nostris A. 1718 p. 343 annotavimus, edendorum curam in Bocheronium devolutam, spemque factam esse accepimus, fore, ut ex illis Carpentariana primum prodirent, sive varia annotata, argute dicta, & carmina, vel ab ipso Carpentario, vel ab aliis composita, & in Museo ipsius reperta. Hæc ipsa nunc demum prodeunt, & quod in præfatione monetur, per incuriam typographi in singulis paginis totius operis minus recte *Carpenteriana* dicuntur, in Catalogum scriptorum in *ana* desinentium, a doctissimo Lilienthalio in selectis literariis p. 153 concinnatum, omnino referenda, quippe de quibus idem, quod de reliquis scriptis in *ana*, ferri potest iudicium, videlicet, variis, quæ facile & sine reipublicæ literariæ detrimento ignorari possunt, immixta esse nonnulla lectu scituque dignissima. Nostrum est, ut ea, quæ nobis commemoratu præ reliquis digna videntur, cum erudito & curioso lectore communicemus.

Ad historiam civilem ea potissimum spectant, quæ p. 141 & p. 316 sqq. leguntur. Priore loco narratur, tres Francisci I filios, Franciscum, Henricum & Carolum, ab Helvetiis, ad lustricam

M

nece-

necessitudinem exoratis, dictos fuisse Sadrach, Mesach & Abed-nego: posteriore vero, qua de causa, & quo supplicii genere Christina Sueciz Regina, quam androgynam fuisse nonnulli crediderint, Marchionem Monaldeschi, natione Italum, summum stabuli sui præfectum, Fonte Bellaqueo interfici iusserit.

Historia autem literaria plurimis in locis egregie illustratur, quandoquidem Carpentarius cum Costario iussu Mazarini catalogum eruditorum Gallorum confecit, quoad maximam partem huic operi insertum. Et merito laudanda est in eo, quæ in hac gente rarior est, sinceritas, quod eruditos, nulla sectæ vel Ecclesiæ, cui addicti fuerunt, ratione habita, dignis elogiis sit prosecutus. Ut singularia quædam, ad rem literariam spectantia excerpamus, non prætermittendum ducimus, quod p. 1 de Turcarum scriptoribus historicis commemoratur, latere scilicet quam plurimos in Bibliotheca Regia, quorum, si Leunclavii annales, non ita magni faciendos, exceperis, nullus in linguam aliquam Europæam sit translatus: summa etiam a Turcis laude celebrari historiam quandam Regum, versibus Persicis conscriptam a *Ferdous*, rustico quidem, sed ad Poesin nato, cuius carminis disticha singula Rex Persarum numo aureo compensasse dicitur. P. 4 asseritur, Balsacium ipsum, & non Ogerium, autorem esse Apologiæ, in qua se ipsum plus justo extulerit: p. 18, Franc. Eudesium, in pago de *Mezerai* natum, & propterea Mezerzum dictum, primum operis sui historici tomum minus bene, alterum non ita male, tertium vero peregre conscripsisse, atque in hoc ultimo perficiendo commentariis *Puteani* usum esse: & quanquam opus hoc infinitis scateat erroribus, omnium tamen eorum, in quibus historia Francica descripta sit, esse præstantissimum: porro, Mezerzum hunc fuisse Secretarium Academiæ, parvum corpore, & infelici vultu (*un petit homme de mauvaise mine*): p. 20, Morinum, a Maresio proditum, duobus tantum suffragiis esse damnatum; & primum quidem fuisse adjunctum rei pecuniariæ (*Commis des Finances*), postea vero uni alterive a manibus fuisse, & serviisse calamo, in literarum figuris scite formandis versatissimum. P. 25 Claudium Quilletum, cuius Callipædia satis nota est, per aliquod tempus artem excoluisse Medicam, atque hoc titulo Romæ inter-

viisse

viisse Mareſchallo d'Eſtrées, cui legato a ſecertis eum fuiſſe, perperam tradit Bælius. P. 29 Autorem libri, Italico ſermone ſcripti, & in Gallicum translati, cui titulus : *Explorator Turcicus*, in quo hiſtoria Turcica ſuperioris ſæculi deſcribitur, eſſe Joannem Paulum Maranam, Mediolanenſem, teſtatur : id quod ipſius autoris chirographo firmat, quod Carpentarius dari ſibi poſtulavit, cum jūſſu Cancellarii librum hunc legiſſet, & loca quædam omitti oportere judicaſſet. P. 43, Menagium verſioni epigrammatum Martialis Marollianæ inſcribi curaſſe : *Epigrammes contre Martial*. P. 53, Nicolaum Francum, Poetam Italum haud incelebrem, e patibulo ſuſpenſum eſſe jūſſu Pii V, non tam ideo, quod in Paulum IV aculeos emiſiſſet, quam quod Pāpa odio ipſius flagraverit virulento, (*qui par une baine particuliere lui chercha querelle aſſez mal à propos.*) P. 76, Johannem Launojum ſua ætatē, poſt Arnoldum, omnium Gallorum doctiſſimum fuiſſe Theologum, hiſtoriæ eccleſiaſticæ, recentioris imprimis, peritiſſimum, & pro candore ſuo veritates nonnullas, placitis Romano-Catholicorum adverſas, libere profeſſum eſſe ; plurimos quoque Sanctos de throno ſuo deſeciſſe, a Feramo ſequentibus collaudatum verſibus :

*Tu quoque, Launoi, veri indagator & index,  
Addita qui ſaſtis numina falſa doces.*

Eundem inter alia opuscula quamplurima, Pariſiis obſidione cinctis, libellum edidiſſe de delectu ciborum in jejuniis, in eoque commonſtraſſe, carnem non tollere jejunium. P. 80, librum Helotii, cui titulus : *L'Ecole des filles*, in Belgio impreſſum, Pariſiis publice combuſtum, & Autorem, qui fuga ſibi conſuluerat, in eſſigie eſſe ſuſpenſum. P. 82, Peſiſſonium, in linguis, Græca, Latina, Italica & Hiſpanica erudiſſimum, qui præter alia hiſtoriam Academicæ Francicæ, & Gallicam paraphraſin Libri I Inſtitut. edidit, admodum deformem fuiſſe ; mulierculis tamen ſeſe pergratum, amatumque reddere potuiſſe, ut in illum quadraverint verſus Ovidii :

*Non formoſus erat : ſed erat ſacundus Ulyſſes  
Et tamen æquoreas uſſit amore Deas.*

P. 127, Capellanium a nonnullis Academicis dictum fuiſſe *le Chevalier*

*lier de l'ordre de l'Araignée*, i. e. equitem ordinis telæ araneorum, ob forditiem, p. 277 & 471 quoque notatam: cui Carpentarius sequens epigramma, manu incognita scriptum, offerri curavit, quod p. 455 legitur, & in quo ejus avaritiam & carmen *de la Pucelle* acriter perstrinxit:

*Ille Tigellinus, tota notissimus urbe,  
 Fraudibus insignis versibus atque malis;  
 Frigidus Heroum cantor, quem Regia torvo  
 Nascentem adspexit lumine Calliope:  
 Dona Ducum, & famam qui captans arte sagaci,  
 Nomen & ingentes accumulavit opes:  
 Non potuit semper Nemesin vitare potentem,  
 Ultioresque Deos sensit adesse sibi.  
 Nunc exors fama, nunc pondus inutile terra,  
 Ediscit sannas ludibriumque pati.  
 Et male quæsito dum sordidus incubat auro,  
 Et numerat nummos, Pontice; vivit inops.  
 Causa malorum in promptu est, illaudabile Carmen,  
 Atque malo peior carmine avaritia.*

P. 169 Racanus, ex illustri familia *de Beüil* natus, primus Gallorum Poeta Lyricus fuisse dicitur, ad linguam vero Latinam discendam adeo ineptus, ut ne suum *Confiteor* quidem ediscere potuerit. P. 175 Calvino, cujus verum nomen fuit *Cauvin*, A. 1564 (non 1594 uti per errorem typographi positum est) demortuo, cum undecim morbis conflictandum fuisse, relatum legimus, altero semper alterum excipiente, eaque de causa adeo morosum fuisse, ut nonnulli dixisse perhibeantur: se cum Beza, viro disertissimo, in inferno esse malle, quam cum Calvino in paradiso. P. 215 Colletet, bonus quidem, sed non adeo dives Poeta, tres suas ancillas, unam post alteram, uxores duxisse, & cum a Cardinale Richelio pro sex versibus aliquando sexcentas accepisset libras, sequens scripsisse dicitur epigramma:

*Armand, qui pour six vers m' as donné six cens livres,  
 Que ne puis-je à ce prix te vendre tous mes livres.*



P. 284 lepidam habetur historia, ex qua ea illustrari possunt, quæ in Actorum nostrorum Supplem. Tom. V p. 541 recensuimus. Cornelius senior carmen composuerat inscriptum: *l'Occasion perdue & recouvrée*. Hoc cum innotuisset, Cancellarius Seguierius Cornelium ad se accersit, & propter scandalum hoc carmine publice datum, quippe quo hominis dissoluti notam sibi ipsemet inuississet, graviter reprehensum, statim die secum peccata coram Confessionario expiare iussit. Cum itaque Cornelius, dicto audiens, coram P. Paulino, se versus impudicos scripsisse, confiteretur, ab hoc illi per modum pœnitentiæ impositum est, ut primum librum de imitatione Christi Gallico, eoque ligato sermone exponeret. Primo autem libro hoc ab omnibus magno cum plausu recepto & multoties recuso, Cornelius alterum quoque librum iussu ac precibus Reginæ transtulit; nec non tertium, cum iniqua valetudine aliquando esset tentatus. P. 303 Varillasium legimus viginti annos stylo eleganter formando impendisse, omnemque gnaviter navasse operam, ut duritiem sermonis, quæ in scholis contrahi solet, evitaret. P. 340 commemoratur, Scuderium, cum sorore sua in diversorio consultantem, quo mortis genere Princeps, quem nempe in fabula sua Romanensi, quam *Cyrus* inscripsit, sibi finxerat, e medio tollendus esset, a mercatoribus in proximo conclavi cubantibus proditum, captumque Lutetias esse deductum. P. 398 festivum exhibetur epitaphium, quod Scarroni posuit *Moisant de Brieux*, Consiliarius supremi tribunalis Metensis:

*Voir les ris tout en pleurs, est une étrange chose,  
Et qui surprend d'abord:  
Mais qui ne surprend plus, quand on en sait la cause.  
Helas! leur Pere est mort.*

Commeleti dum pag. 472 Carpentarius meminit, Astronomi pauperis & egeni, in Bibliotheca Regia sex Tomos in fol. se vidisse refert de infelicitate literatorum, eorundemque numerum facile augeri posse, arbitratur: ubi etiam caput, quod de eodem argumento ipsemet in libro de excellentia linguæ Gallicæ composuit, Huetio perplacuisse confirmat. Sed ne ea, quæ ad ipsum Carpentarium pertinent, prætermittamus, ex variis epigram-

matibus, in quibus Græcorum anthologiam passim imitatus est illud tantum describere juvat, quod rogatu pictoris, qui faciem ipsius accurate expressebat, de semet ipso fecit, quodque pag. 287 legitur:

*Le Rang, ou je suis parvenu,  
N' est pas d'un fort grand revenu;  
Un Doyen de l' Academie  
Fait peu craindre son Tribunal :  
Pour être estimé dans la vie  
Il faut pouvoir faire du mal.*

Sic etiam certiores nos esse jubet p. 159, versionem epigrammatis Græci, quod in Menagianis Conrartio tribuitur, Græcarum & Latinarum literarum experti, cum annexa epistola, a se esse compositam : p. 369, se multum operæ contulisse in itinerarium Nicolai du Loir, Parisiis An. 1654 impressum, & primum Tomum equitis Chardini, ac utrique præfixam dedicationem elaborasse : se maximam partem præfationis in Catullum a Cappello editum, itemque præfationem & epistolam Dictionario Academiæ Gallicæ præmissam, & dedicationem Athenarum Guilleti confecisse : p. 401, se anno ætatis XXII vitam Socratis edidisse, & totum transtulisse Xenophontem, cujus Cyropædiam non fabulosam, sed veram Historiam esse, contendit, P. 418, se etiam Autorem esse testatur libelli, cui titulus : *le Voyage du Valon tranquille*, & in illo quamplurimas personas, quin & suam quoque ipsius sub Amaxitis nomine, graphice depinxisse : p. 460, se quoque scripturum fuisse librum de pictura loquente, seu de quæstione, utrum picturis, res gestas repræsentantibus, subjicienda sit inscriptio, nec ne : p. 487, sibi denique ab Academia injunctum fuisse silentium, ne contra Fureterium ulterius scriberet, ad cujus invectivas in dialogo quodam jam acerbè satis responderat, quemque cum aranea comparaverat, proprio pendente filo. In antiquis scriptoribus sæpius desiderat judicium, notatque, quod naturam non intueantur nec sequantur ; ex. gr. p. 143, quando Horatius *nitorem* dicit *urere*, cum oculis offundere caliginem, dicere debuisset : p. 7, quando Ovidius moribundum

dam *digitis morientibus fila lyra retentasse* canit. &c. P. 59 Senecam dicit plus gratiæ conciliare aliorum scriptis, in quibus citatur, quam suis ipsius, eo quod stylus ipsius vinculis sit destitutus.

Ex reliquis observationibus annotare quoque liceat sequentes ad rem Theologicam maxime spectantes. P. 5 Bignonium, cujus stupendam memoriā p. 238 prædicat, dicenti, Romam esse sedem fidei, respondisse ait; hoc quidem verum esse, sed fidem illam similem esse hominibus, qui nunquam reperiantur domi. P. 210, religionem Romano-Catholicam multiplicando populo valde esse contrariam, hincque in solo Electoratu Saxonico majorem hominum inveniri copiam, quam in omnibus Imperatoris provinciis Germanicis. Pag. ead. literas MCCCCLX, qui annum indicant 1460, prædictionem continere papatus Leonis X, quem eo ipso anno Papam creatum esse dicit, & in hanc sententiam posse explicari: *Multi Cæci Cardinales Creaverunt Cæcum Leonem X.* Sed Papam Leonem X A. 1513, non 1460, electum esse, extra omnem dubitationem positum est; & literas illas ab Hutteno ita expositas esse, ex codice quodam manuscripto refert Cl. Burckhardus in eruditissimo de Ulrici Hutteni vita commentario, P. III p. 48. Hinc veram hujus expositionis originem facile nos divinare posse nobis videtur, videlicet Huttenum Romæ fuisse A. 1513, quo Leo X electus, & portam forte prætereuntem, An. 1460 procul dubio reparatam, ideoque numeris hunc annum indicantibus insignitam, literas hæc ita ex ingenio suo de Leone X ejusque electione esse interpretatum. Porro p. 352 refert, Legatum quendam, Constantinopoli venientem, Romæ Pontificem in oratione sua non solum Abelis, Noachi, Melchisedeci & Aaronis nominibus compellasse, sed etiam sequenti titulo, quem longe eminentissimum duxerit, usum esse: *Il Sultano della Chiesa Catholica, è il Gran Turco delli Christiani.* P. 245 S. Martinum perhibet Patronum dici stultorum, & pro ipsa sumi stultitia, eo quod prima syllaba *Mat*, Italice *matto*, stultum significet. P. 340, Eliam, in cælum sublatum, parabolice indicare, pietatem evolasse in cælum; pallium vero relictum esse Monachis, ut personas honestorum hominum agentes, alios deciperent: qua occasione etiam observamus, Monachos sæpius (ut p.

18, 28, 147, 280, 308) deridendos propinari; & primo quidem loco sequens habetur epigramma Carpentarii:

*Frere Roch de son froc bridé  
Exorcissoit un possédé;  
Le diable à l'instant part du gîte,  
Redoutant moins en frere Roch  
La puissance de l'caubenite,  
Que la puanteur de son froc.*

Pag. 240 Autor observat, ex quo doctrina Lutheri prædicata sit, Romano-Catholicos in inscriptionibus quoque sepulcralibus testatum fecisse, credere se purgatorium, a Lutheranis negatum. P. 325 Laurentii Raggi ridet simplicitatem, qui Episcopus primum factus Catanæ in Sicilia, postea ob insignem stoliditatem ab Urbano VIII purpura donatus, & Auditor cameræ Apostolicæ fuit. Hic, cum aliquando contra causam, cui favebat, Codex testari diceretur, iratus præcepit, ut Codex, testaturus, se præsentem sisteret in judicio; acceptoque responso, inveniri illum posse in domo patroni hujus causæ, lictores misit, ut illum adducerent; qui Codicem sibi traditum attulerunt, librum illum damnatum esse opinantes. Quo facto Cardinalis hic fabula totius Romæ exstitit. Ex observationibus denique moralibus, passim inspersis, unicam duntaxat ex p. 293 sq. annotabimus, dignam sane, quæ diligentius perpendatur: velle scilicet nos quidem amari, sed facere ea, quæ nos non possint non exosos reddere: tyrannorum nos imitari mores, & velle suspici ut Evergetas: pro fratribus haberi velle ab iis, quos hostili animo prosequamur; unum amorem & benignitatem facile parere amicos.

#### NOVA LITERARIA.

Thesaurus Italix & Siciliæ *Grævio-Burmamianus* propediem integer prostabit, multo quidem pluribus, quam initio constitutum fuerat, Voluminibus; siquidem præter scripta in primo Operis Conspectu memorata, accessere insuper Libri octoginta duo, plerique vel rariores, vel hætenus inediti.



# ACTA ERUDITORUM,

*publicata Lipsiæ*

*Calendis Martii Anno MDCCXXV.*

*Q. CURTII RUFII DE REBUS GESTIS ALEXANDRI M. Libri superstites, cum omnibus Supplementis, variantibus Lectionibus ac Notis perpetuis FR. MODII, V. ACIDALII, T. POPMÆ, J. FREINSHEMII, J. SCHEFFERI, C. CELLARII, N. HEINSII, selectis & excerptis PH. RUBENII, F. RUTGERSII, C. BARTHII, J. LOCCENII, M. RADERI, CL. SALMASII, J. FR. GRONOVII, M. TELLIERII, G. A. HEUMANNI, itemque J. PERIZONII Vindiciis & aliorum observationibus auctioribusque Indicibus. Curavit & digessit HENRICUS SNACKENBURG.*

Delphis & Lugd. B. ap. A. Bemann, & Sam. Luchtmans, 1724, 4 maj.

Alph. 6 plag. 2 Tabb. æn. 17.

**Q**uid novi nova hæc Curtii editio apportet, index libri satis declarat. Blancardi certe, Schrevelii, & Pitisci rationes deseruisse Cl. Snackenburgium, primo patet intuitu: ac tot celeberrima nomina, quorum adnotationes promittuntur, magnifica omnia & exquisita sperare jubent. Nihilominus illi, qui usu didicerunt, quam sæpe quidam homines Salmasiorum & Gronoviorum hedera abutantur, hæsitabunt paullisper, cum libri molem, & tot virorum doctorum opera inter sese conferent. Non vero, quibus cum illo genere hominum depugnare non vacat, simpliciter pronuntiamus, Curtium hunc multa habere, quibus antea impressos omnes vincat. Et quamvis provide in fronte scriptum sit: *curavit & digessit H.*

N

Snacken-

Snackenburg; quippe quo nil nisi curam & laborem in digerendis aliorum observationibus Vir doctus sibi vindicat; multa tamen insuper *ὀκώδεν* ab eodem allata esse testamur, quæ vero, ut ipse profitetur, per festinationem adscripta sunt. Nostrium est, singulatim quædam adferre: cum ut legentium cupiditati satisfaciamus, tum ut iudicii cuique materiam suppeditemus. Externus nitor libri & prima faciei elegantia ad morem hodiernum atque ad modum, quo eruditi imprimis Batavi, dum variorum notas emittunt, aliquam gloriam adepti sunt, curatissime exacta sunt, ita, ut ne nummos quidem aliasque imagines, nec expeditionis Alexandri designationem desideres. Jam *varia lectiones*, quas olim non sine tædio in Freinshemianis editionibus ad calcem reiectas quærere necesse erat, separatæ quidem ab adnotationibus, singulis tamen paginis subiectæ nunc visuntur: ea forma, qua interpretationes subjiçuntur ab illis, qui olim in usum Delphini veteres scriptores evomebant. Illæ tamen multum etiam auctæ sunt. Nam & ex præstantissimo, quantum conjectura assequitur, codice Florentino, ab N. Heinsio excerptæ lectiones discrepantes, & aliæ a Cl. Editore ex uno Leidensi & duobus Vossianis codd. descriptæ nunc immixtæ sunt, quæ sane haud parvum apud peritos libro pretium conciliabunt. Accedunt nunc primum editæ conjecturæ & notulæ Illustris N. Heinsii, quas oræ codicis sui, prout in mentem venerant, adscripserat: non elaboratæ illæ quidem & ab Autore ad editionem paratæ; acceptissimæ nihilo secius omnibus, qui norunt eximium illud ingenium, quique ab aliorum tumultuariis cogitationibus ad inquirendum & maturiora proferendum excitari amant. Aliquot vero ex his non sunt brevissimæ; maturas potius diceres, nisi omnia ad notam Heinsii eruditionem exigere velis, qualis illa est ad Lib. VI Cap. XI n. 3. Porro & Brunonis, & Freinshemii atque Cællarii Supplementa integra suis quæque locis inserta sunt: neque minus, quæ Freinshemius de ætate, nomine, editionibus Curtii, & aliis hujuscemodi disseruit, commentariis præmittuntur, quæ hic illic auxit Snackenburgius. Sed ne omnia Freinshemianæ editioni respondere putes, omissa sunt loca, ut vocant, parallela margini ab illo adscripta, & summaria in superiore parte paginarum denotata:

tata: quod institutum, olim admatum, hodie obsolevit. Indices eosdem, qui in editione A. 1670 expressi sunt, non exhiberi, nemo gravabitur: cum ii, quos dedit Cl. Editor in Curtium, in Adnotationes & autorum illustratorum usui sint magis accommodati. Sequitur, ut de ipsis Adnotationibus pauca dicamus. Quæ primo loco indicantur Modii, Acidalii, Freinsheimii & reliquorum integræ partim, partim selectæ tantum aut contractæ leguntur. Neque illud dissimulavit Cl. Editor, qui consulto consilio solemne illud: *cum integris adnotationibus*, in fronte non appingit, & in Præfatione abunde demonstrat, quod fuerit rationibus suis alienum, Freinsheimii nominatim integrum Commentarium addere. Idque etiam exemplis cognoscere licet. Nam ubicunque Freinsheimii adnotatio fuit laxior, ibi aut plane ommissa est, ut illa ad Lib. IV Cap. XV n. 28, aut, abscissa aliqua parte, contracta, quod ex notis ad ejusdem Libri Cap. XIV n. 24, Cap. XV n. 24, Cap. XVI n. 26 & aliis infinitis est videre. Ex Cellarianis observationibus illæ tantummodo ommissæ sunt, quæ totidem verbis apud Raderum, Freinsheimium, aut alios legebantur: ne scilicet eadem crumbe bis apponeretur. Quo consilio si, qui variorum notas ediderunt, semper usi essent, non ipsi profecto adscripsissent, quod ab aliis jam præceptum erat. Aliter tamen statuendum, si ex duplici citatione aliquod emolumentum speratur. Nam & ipse Snackenburgius ad Libr. III Cap. II n. 2 Rubenii Electa citat, quæ jam citaverat Raderus: nisi quod hic Prælectiones vocaverat, & periculum erat, ne quis diversum librum intelligeret. Quo etiam referres, quod hæc editio eandem fere Heumannii notam bis propinaverit: nempe ad Lib. IV Cap. XI n. 21 & ad Lib. XI Cap. X n. 7. De his, quorum selectas & excerptas notas suppeditat, multa dicenda forent. Id cuius constat, esse in eis, qui numquam data opera totum Curtium illustraverint, sed saltem, dum aliis auctoribus emaculandis aut illustrandis incumbunt, unum alterumque ex illo locum attigerint. Quorum nominibus jure suo adjungi potuissent Burmannus, Davisius, Drackenborchius, Duckerus; si, quod aliis æquum videtur, editoribus etiam opportunum aut commodum esset. Satisfecit Cl. Editor officio suo, dum horum etiam nomina sedulo adnotavit, illisque,

quorum erant, observationes reddidit; & quidem non sine laude, quod docebit nota ad Libr. III Cap. II n. 7, item ad Libr. VII Cap. XI n. 16, ubi ita Snackenburgius: „Meliorum codicum auctoritate morem gerens Cl. P. Burmannus hic *enis is* legit, ad Val. Flacc. L. II v. 462. Quod ne mireris hic annotatum, antequam limatissimæ ejus in optimum Poetam curæ lucem publicam adspicerent; his deliciis frui, dum apparantur reliqua, pro sua, quæ nobis utitur, liberali humanitate, nobis largitur poeticæ vultus columnen. Hæc ille. At dum undique conquirat, quæ Curtio suo prodesse, humani aliquid passus videtur, ubi ad Libr. IV Cap. VIII n. 6 Cl. Drackenborchio tribuit emendationem quandam Curtii, quam tamen Vir ille doctissimus ad Silii Libr. XIII v. 766 Dan. Heinsio adscripsit; ejusque esse, & Lugdunensis & Cantabrigiensis Crepundiorum Heinsianorum editio docebit. Insertæ sunt etiam suo quæque loco Vindiciæ Curtii a cavillationibus Clerici, olim a Cl. Perizonio conscriptæ. Verum cum is multas accusationes non attigerit, aut, ut inanes, præterierit; negotium sibi datum esse existimavit Cl. Snackenburg, ut iis etiam reponeret, quæ essent veritati consentanea. Ex multis hujusmodi observationibus unicam nominamus ad Libr. VIII Cap. X n. 8 prolatam, ubi bene & multis rem Curtii egit. Alibi paucis defungitur, uti ad Libr. III Cap. V n. 11; ad Libr. IV Cap. XVI n. 10, & alibi: quandoquidem inter criticæ artis peritos jam dudum constare noverat, quam non idoneus judex de Curtio fuerit Clericus. Restat, ut de emendationibus Cl. Heumannii, quæ nunc primum cum Curtio prodeunt, pauca moneamus. Desumptæ sunt maximam partem ex libello, cui *Parerga Critica* nomen fecit Heumannus: sed vix ullam suam conjecturam impune tulit. Modeste tamen, quod laudamus, refutatur a Cl. Snackenburgio, atque ita, ut plerumque lectores in hujus partes pertrahantur, qui operosiores conatus & alia quædam illius ferre non possunt. Miramur tamen, Editori nostro adeo ignota fuisse, quæ alibi Cl. Heumannus in Curtium meditatus est. Nimirum jam Anno 1719 communicavit cum eruditis *Specimen artis Criticæ, novæ editioni Q. Curtii Ruffi præmissum*, quod legitur in horum Actorum Supplement. Tom. VII Sect. II pag. 54 sqq. quo viginti amplius loca

Curtii



Curtii emendavit, & aut Modii aliorumque conjecturas confirmavit, aut quæ Heinſio & Snackenburgo in mentem venerunt, prævidit. Modio accedit Libr. III Cap. VI n. 11 legens: *oro quæſque, omiſſo metu* cet. item Libr. IV Cap. XIV n. 10. Freinſhemium & Acidaliū tuetur Libr. V Cap. III n. 14; ac Libr. X Cap. VIII, n. 9; ut & Modium & Freinſh. ad Libr. VIII Cap. VIII n. 19. Heinſii conjecturam Libr. X Cap. IX n. 31 præcepit: ne de illis locis dicamus, quibus proxime ad ejusdem illuſtris Viri divinationes accedit. Denique cum Snackenburgo nervoſior ſenſus videatur, ſi Libr. V Cap. In. 7 legeris: *jam Suſa, jam cetera ornamenta regni, cauſſam belli victorem occupaturum*; ſciat, hanc etiam elegantiam ab Heumanno occupatam eſſe: etſi tam contra hanc, quam aliquot alias emendationes eruditus adoleſcens jam olim publice quædam admonuerit. Verum ſi hæc diligentiam Cl. Editoris effugerunt, feſtinationi ejus ut hoc, quidquid eſt, condonemus, æquum eſſe putamus. Hactenus ea potiſſimum enumeravimus, quæ variis Virorum doctorum curis Curtius debet: non tamen nihil prorſus Snackenburgius in medium protulit; quin potius de ejus etiam meritis dicendi copiam habemus. Nam præter illa, quæ ſupra illi tribuimus, & præterquam quod ipſum contextum aliquot locis emendatiorem reddidit (ut quando *Pbilotan, Euphraten*, aliosque Accuſativos ad eandem formam excudi curavit; quando Libr. III Cap. V n. 8 *abrumpi* ex MSS. pro vulgato *abripī* reſcripſit, quando ſeptem voces, incuria aliorum omiſſas, Libr. VII Cap. In. 26 reſtituit) igitur præterea etiam adnotationes ſuas ſubjecit, de quibus ſtatim dicemus, ſi prius unum hoc profeſſi erimus, ſumma cautione uſum eſſe in emendando contextu; quod vel ſolo hoc exemplo, ex Libr. IV Cap. I n. 3 deſumto, ubi pro vulgato *præripere*, & Modius & quatuor codd. manu exarati *præcipere* habent, verum & genuinum Curtio vocabulum, tanta auctoritate adductus, reponere non eſt auſus. Adnotationum duo maxime ſunt genera: breves aliæ & adſtriçtæ; aliæ laxiores. Illarum tria exempla adnotabimus. Ad Libr. III Cap. II n. 5 ita notat: *Bipennis manifeſtum eſt id dici, quod ex utraque parte ſit acutum. Nonius.* [Nonium jam citaverat Pitiſcus.] Ad Libr. III Cap. VI n. 10 hæc habet: *Amiculo*] *Vesti-*

tum *feminarum commune cum viris*; videſis *Ferrarium de re veſtiaria* L. III Cap. XIX. [Pitiſcus ad Libr. III Cap. III n. 10.] Ad VIII Cap. VI n. 4 ſcripſit: *Actos ab agafonibus*] *Agafones, equos agentes. Feſtus Pompejus* [eumdem & plures citat idem] Pitiſcus] Hæ ſunt tres notæ integræ. Longiorum notarum itidem duo genera facere poſſemus, & ad primum referre, quæ pag. 54, 56, 130, 137, 147, 204, 208, 265, 276, 583, 803, aliisque habentur; ſed ne tardioſimus, alterius tantum modo generis quædam exempla ſubjiciemus. Libr. III Cap. VI ineunte, non male conjicit, pro *Erat inter nobiles medicos*, ex Palatino primo, omiſſa poſtrema voce, legendum eſſe: *Erat inter nobiles*, uſumque vocabuli *nobilis* firmat. Sic Libr. IV Cap. I n. 22 verba, uti ſcribuntur in Voſſiano primo, *abluæ corpus illuvie terrenisque ſordibus ſqualidum*, docte illuſtrat. Plura talia pag. 174, 175, 176, item 668, 669, 720, 721 reperias. De verbo *contribuere* proba eſt obſervatio ad Libr. V Cap. III n. 16: & elegantiore uſum vocabuli *voces*, & particulæ *intra* adſtruit ad Libr. VII Cap. I n. 25. Tellierius peſſime Libr. VII Cap. XI n. 12 ſcripſerat: *eademque ſervabitur proportio*, cum in MSS. aliisque impreſſis omnibus eſſet *portio*. Hanc vocem revocavit, idemque, quod ille voluit, ſignificare docet. Libr. VIII Cap. II n. 6 recte tuetur ex MSS. *ſtato*, pro vulgari *ſtatuto*: nec contemnenda ſunt, quæ ad ej. libri Cap. IV n. 2 de *priftino die* obſervavit, & quæ ad Libr. IX Cap. IV n. 25 de abſoluto poſitu particulæ *an*, ubi *incertum eſt* omittitur; & ad ej. Libri Cap. VIII n. 20 de *ſtrenua morte*, quæ *ſubita* vocanda erat, diſſeruit. Ex quibus omnibus de opera Cl. Snakenburgii juſtum ferri poterit judicium. Subjungimus unam noſtram conjecturam de loco Curtii, quem & Sebiſius & Heinfius tentarunt; alii vero tanquam bene ſanum tranſierunt. Is eſt Libr. X Cap. V n. 15, 16: atque leviffima tranſpoſitione integritati ſuæ ita reſtituendus eſt: *Babylonii alius e muris, alius culmine ſui quiſque tecti proſpectabant. nec quiſquam lumina audebat accendere, quaſi certiora viſuri; & quia oculorum ceſſabat uſus, fremitus vocesque auribus captabant.* Certiora videlicet ex tenebris, quam ex luce videntur; ſed ubi oculorum uſus ceſſat, aures adhibemus. Notio verbi *audebat* paullo exquisitior, & elegans compoſitio particulæ *nec* atque *&*, tum ſcribarum incuria omne verborum decus ſuſtulerant. DAVI.

DAVIDIS MILLII DISSERTATIONES SE-  
lectæ, varia S. Literarum & Antiquitatis Orientalis ca-  
pita exponentes & illustrantes.

Trajecti ad Rhenum, apud Jac. Brædelet, 1724, 8.

Alph. 1 pl. 9.

**D**ecem hic exhibentur Dissertationes, obscuriora aliquot Sa-  
cri codicis loca illustrantes egregie. Ac *prima* quidem con-  
tra Drusium, Lightfootum, & Relandum ostenditur, per *fluvium*  
*Ægypti*, qui *Genes. XV, 18* & *Josue XIII, 3* terminus possessionum  
Israelitarum una cum Euphrate constituitur, omnino significari  
*Nilum*, simulque rationes laudatorum triumvirorum diluuntur  
ac refutantur. Cumque in Germania doctus quidam Vir per *Eu-*  
*phratem* istis locis memoratum intelligendum censeat fluvium  
*Eleutherum*, hujus quoque sententiam Cl. Autor satis lucide re-  
fellit. *Diff. II* vulgaris sententia de vitulo aureo *Exodi XXXII*, qua  
credunt, vitulum illum ab Israelitis formatum fuisse ad similitu-  
dinem *Apidis*, sacri Ægyptiorum bovis, impugnatur hoc argu-  
mento, quod non sit verisimile, Israelitas illud idolum coluisse,  
a cujus cultu ipsi in Ægypto abhorruerint, quodque viderint Mo-  
sis miraculis quasi prostratum esse a Numine potentiore. Statuit  
itaque, vitulum illum aureum fuisse figuram *Typhonis*, Ægyptio-  
rum *Cacodæmonis*. Nam, inquit, manifestum est, Israelitas vi-  
tuli simulacro cum Deum exhibere voluisse, qui maximis calamita-  
tibus Ægyptum affecerat, atque proinde infestissimum Ægyptiis Nu-  
men. Talis vero erat Typhon, terribilis ille Deorum atque inco-  
larum Ægypti inimicus: unde & Israelitæ non sine ratione sibi colla-  
gisse videbantur, Deum, qui tot erga se singularis gratia, & in Ægy-  
ptios vehementis ira argumenta ediderat, eundem cum Typhone  
fuisse. Confirmat hanc suam sententiam consensu Philonis, & hoc  
argumento, quod Ægyptii Typhoni tribuerint omnes calamita-  
tes sibi immisas, itemque, quod Typhonis imago fuerit bos ru-  
fus, adeoque aurei coloris. Hoc etiam ex fonte derivat fabulam  
de *ὄνοταγείᾳ* Judæorum, docens, Typhonem, ab Israelitis in  
deserto adoratum, ab Ægyptiis vocitatum fuisse *asnum*.

*Differt. III* agit de nomine singulari, quo Rabbini afficiunt  
altare

altare templi Hierosolymitani, id appellantes *mediatorem*. Ostendit ipsis Rabbinorum verbis, quo sensu ii putent altare vere dici mediatorem inter Deum & homines. Illas Rabbinorum interpretationes etsi non putat abhorrere a vero, id tamen ab iis peccari indicat, quod non typicum, sed verum mediatorem in eo altari sibi invenisse videantur.

*Diff. VI de Gad & Meni, Jesa. LXV, 11*, disputatur. Huetius per *Gad* intelligebat Lunam, per *Meni* Solem. Vice versa Vitringa *Gad* Solis esse nomen existimabat, *Meni* Lunæ. Noster Autor per *Gad & Meni* non duos Deos, sed unum Numen designari statuit, nempe *Lunam*. Cum enim Israelitæ dicantur mensam exstruxisse τῷ *Meni*, atque ethnicorum consuetudo fuerit, singulis Diis mensam cibis refertam simulque poculo onustam apponere, hinc liquere putat, unum idemque Numen a Jesaia describi. Id quo minus dubitetur, ostendit, aliis quoque locis sacri codicis in diversis conunatibus eandem rem describi duobus nominibus. Ipsum nomen *Gad* Arabicum esse docet, & significare *benignitatem*, cujus nomine magna in laude apud veteres Lunam fuisse, manifestum facit. Eandem Deam *Atergatin* vocari contendit, atque hoc nomen significare *Deam Assyria*: quam esse Lunam, satis jam demonstratum esse ait ab aliis. Ceterum cum Venus veteribus eadem credita fuerit cum Luna, facile Cl. Autor concedit, nomine *Gad* etiam Venerem hoc loco intelligi. Nam & Venerem & Lunam olim creditam fuisse causam fecunditatis & generationis. Imo cum Luna dominari crederetur in sublunaria, & felicitatis mater haberetur, ideoque nomine *Fortune* signaretur, Cl. Autor putat, etiam Fortunam signari nomine *Gad*. Atque hinc locum illum δουρόντων *Genes. XXX, 11* explicat, ubi Lea præ gaudio exclamat וַיֵּאָרָא hoc est, *Feliciter*. Veniens hinc Cl. Autor ad alterum nomen *Meni*, ex linguarum consensu ostendit, eo significari *Lunam*, gaudens, multos doctissimos Viros jam ea esse in sententia. Denique ostendit, Lunæ cultum in oriente olim fuisse frequentissimum.

*Diff. V de idolo 𐤀𐤍𐤁 Jesaia LXVI, 17* disseritur. Plerique id nominis exponunt per *unum*. Alii, qui senserunt, esse illud certi idoli nomen, innui crediderant *Adadum*, idolum Phœnicium.

At



At Noster, de *Hecate*, inferorum regina, sermonem hic esse, contendit, idque probat primo ex ipso nomine, cujus & natales docte investigat, deinde ex cultu huic idolo exhibito: qua occasione verba Jesaiæ explicat & ex antiquitate luculenter illustrat.

*Dissert. VI* duo veteris Testamenti idola considerantur, *Baalzebub* & *Miphezeth*. Cl. Autor vulgarem opinionem, qua *Baalzebub* fuisse creditur Deus muscarum averruncus, rejicit, eo-que nomine *Plutonium* describi statuit, qui præses inferorum ac princeps dæmonum a priscis fuit habitus, itemque *Dominus mortis*, per sacrificia imploratus, ut vitam hominibus prorogaret. Atque hoc nomine eum adoratum fuisse Cl. Autor credit a Rege Achazo 2 *Reg. I*. Adducit etiam rationes aliquot, cur Deus ille dictus fuerit *Baalzebub*, inter alia docens, dæmones a Rabbiniis vocari solere וְבִיבִים. Hinc de *Miphezeth* agit, per eam intelligens *Hecaten*, inferorum Reginam, *Plutonis* conjugem, derivans ejus nomen a פֶּלֶץ, tremuit, terruit.

*Dissert. VII* Cl. Autor, quodnam divinandi genus מַחְזָקִים in sacro codice vocetur, disquirat. Vulgo putant, *ventriloquos* sive ἐγγαστριμύθους intelligi. At hujus sententiæ fundamenta Noster ostendit esse minus firma. Ac *Juræus* omiſſa hac sententia novam excogitavit, statuens, per מַחְזָקִים intelligi *vas aqua plenum*, in quo imagines defunctorum conspectæ fuerint edita simul exili voce. Sed & hanc opinionem argumentis inniti imbecillibus, Cl. Autor docet, hæcenus tamen verum vidisse *Juræum* largitur, quod ad necromantiam retulit hoc divinationis genus. Putat igitur Noster, per מַחְזָקִים Manes fuisse evocatos, ut responsa darent consulentibus: idque probat primo inspectione locorum sacrorum de illa divinatione agentium, tum ex consensu aliquot Rabbiorum, denique ex vocis מַחְזָקִים significatione Arabica. Ceterum per מַחְזָקִים capi jubet ipsos νεκρομαχτες, qui Manes eliciebant elicitosque consulebant: quorum superstitiosas opiniones ac ritus exponit pluribus.

*Dissert. VIII* Magorum Orientis nomina in sacro codice obvia, חֲרָטִים, חֲכָרִים, & כַּמְרִים, exponuntur. Ac primos quidem, LXX Interpretes ac nonnullos Rabbinos secutus duces, Cl. Autor interpretatur *rerum latentium interpretes*. Per secundi or-

dinis Magos eos capit, qui constringere efficaciter & ligare posse credebantur, adeoque nocendi facultate privare, vel dæmones vel serpentes aliaque venenata animalia certis carminibus magicis. Per tertium genus intelligit *incensores* thuris, qui simul ex thuris suffitu divinabant.

*Diff. IX* legem *Deut. XXII, 5* contemplatur de commutatione vestium utriusque sexus prohibita. Hic primo Cl. Autor aliorum de hac lege sententias recenset atque examinat, deinde suam exponit & confirmat. Scilicet multi & Rabbiorum & Christianorum ita istam legem interpretantur, ut mulieribus armorum usus interdictus sit. Alii putant, hac lege vetari idololatriam Zabæorum, qua mulieres Martem indutæ armis virilibus, viri Venerem vestibus muliebribus amicti, colebant. Utramque sententiam Cl. Autor refellit, ostenditque, singula legis illius verba erudite explicans, prohiberi hac lege promiscuum vestium utriusque sexus usum. Ad rationem hujus legis quod attinet, Cl. Autor ideo promiscuum vestium usum a Deo credit prohibitum esse, (1) ne ordo naturæ confundatur, sed distinctio servetur mares inter & feminas, (2) ne eo modo præbeatur occasio libidini, (3) ne Israelitæ ea se idololatria contaminarent, qua inter ethnicos viri muliebri, mulieres virili veste indutæ sacra faciebant. Qua occasione Cl. Autor etiam de illa ethnicorum sententia disserit, qua Diis ii suis, e. g. Veneri, tribuebant sexum utrumque.

*Dissert. X*, quæ longior ceteris a p. 301 usque ad p. 447 procedit, de *Mohammedismo ante Mohammedem* inscripta est. Ostendit enim hic Cl. Autor, Mohammedem, hominem minus doctum, neque adeo ad novam effingendam religionem idoneum, ethnicorum, Judæorum atque Christianorum compilasse scrinia veluti graculum quendam Æsopieum. Et ex Arabum quidem, inter quos natus & educatus erat, institutis, præter unius Dei cultum ac mortuorum resurrectionem, quas doctrinas præstantissimi Arabum jam dudum profitebantur, retinuit morem templum Meccanum frequentandi, faciem inter precandum ad Cabam convertendi, Meccam quotannis iter faciendi, ritum item lapillos in valle Mina conjiciendi. Imo Cl. Autor, Mohammedem etiam circumcisionis ritum, varias item lotiones & jejunia, abstinentiam



tiam a carne suilla, cultum diei Veneris, accepisse ab Arabibus, contendit, docens, vetustas illas fuisse Arabum ethnicorum religiones. Cumque illo tempore etiam Christiana religio radices egisset in Arabia, Nestorianorum maxime secta, factum hinc esse ostendit Cl. Autor, ut Mohammed non solum plurima e Novo Testamento infereret Alcorano suo, verum etiam e Tatianorum hæresi mutuam sumeret abstinentiam a vino. De Judæis Autor initio manifestum facit, ingentem eorum multitudinem tum temporis in Arabia vixisse, ipsumque Mohammedem Judæi cujusdam, cui nomen Abdalla Ebn Salam, opera usum fuisse ad novam suam exornandam religionem. Hinc singulatim recenset doctrinas, fabulas, ac ritus, quas e Judæorum fontibus hausit Mohammed, Rabbiorum loca cum Alcorano aliorumque Mohammedanorum libris diligentissime conferens. Nimis longum foret hæc omnia persequi. Sufficiat igitur indicasse, ex hac dissertatione luculenter apparere, Cl. Autorem cum in Rabbiorum, tum in Mohammedanorum scriptis esse versatissimum.

## HISTOIRE DE L'ACADEMIE ROYALE

des Sciences. A. 1721.

hoc est,

**HISTORIA ACADEMIÆ REGIÆ SCIEN-**  
*tiarum A. 1721, cum Commentariis Mathematicis*  
*& Physicis ejusdem anni.*

Parisii, ex typographia Regia, 1723, 4.

Alph. 2 plag. 9 Tabb. æn. 17.

**I**N *Physica generali* inter petrefacta in Gallia reperta duo prorsus singularia producit in medium de *Jussieu*, granum scilicet arboris tristis, quæ nonnisi in insulis Canariis atque Indiis orientalibus efflorescit, in Itinerariis decantata, & maxillam piscis *Sittensis*. Probat *Fontenellius*, quod *Leibnitium* sensisse constat, historiam globi nostri terraquei deperditam aliquando ex istiusmodi fossilibus restitutum iri. D. 27 Febr. anni 1723 ab hora tertia pomeridiana usque ad quartam *Moraldus* quatuor parhelia

O 2

obser-

observavit & phænomenon observationibus *Lycoſthenis*, *Hevelii* atque *Zabnii* conforme deprehendit. Ceterum probat *Hugenianum* de eodem ſyſtema. De *Mairan* ſuſpicatur, unum tantum eſſe parheliarum phænomenon; diverſitatem vero inde oriri, quod ex defectu materiæ refractivæ ſubinde tantum partes videntur. Idem *Maraldus* auroram borealem observavit aliquoties anno 1720 menſibus Februario, Martio, Novembri atque Decembri, & d. 17 Febr. anni 1721. Hoc phænomenon apparere arbitrat, ſi plures anni ſicci ſe mutuo conſequantur, inductione observationum conſiſus. De *Reaumur* in geneſin ſilicis inquit, quo ad excitandum ignem utimur. Cum ſilices inter lapides communes & in ſilicibus chryſtallos reperit, eandem omnium lapidum, quos in tria iſta genera partitur, originem eſſe cenſet; diverſitatem nonniſi ex accidente oriri. Diſtinctam *Succi lapidifici* notionem exhibet, quem conſiſtere ſtatuit in ſabulo quodam ſubtiliſſimo aquæ permixto. Si particulæ hæ exiguæ ſucceſſive deponantur, oriri chryſtallos. Sabulum iſtiusmodi poſſe formari ſolo aquæ in lapides irruentis attritu. Quodſi ſuccus lapidificus ſabulum atque arenam irretit, lapides naſcuntur communes; ſi vero lapides communes ſpongioſi ſuccum lapidificum attrahant, ſilices oriuntur. De *Mairan* perficit meditationes ſuas de cauſa generali frigoris hiberni & caloris æſtivi, quas in Commentariis anni 1719 propoſuit, dum accuratius determinare docet quantitatem luminis ab atmophæra intercepti pro diverſa Solis altitudine. Idem deſcribit varios ſilices, & repetitis ope hodometri observationibus didicit, paſſus in aſcenſu eſſe longiores, in deſcenſu breviores, cujus rei rationem ex ſitu crurum in aſcenſu & deſcenſu diverſo reddere conatur. D. 1 Junii ſeu ipſo die Pentecoſtes Sol inſtar Lunæ abſque radiis viſus Pariſiis & in locis vicinis, aere licet ſereno. De *Mairan* observavit, colorem cœli fuiſſe obſcurum, qualis nocte ſerena observatur. Quidam mane Solem viderant obſcuratum, ita ut eclipsin pati ipsis videretur. Obſcuritas ejus diei ſimilis ipſi apparuit cum ea, quam d. 12 Maji A. 1706 in eclipsi Solis totali notavit. *Caffinus* idem phænomenon in Picardia eodem tempore vidit, & de *Louville* autor eſt, quod etiam viſum fuerit Arvernīs & Mediolani. Proſtat de hoc phænomeno.



nomeno dissertatio non inelegans physico-historica Cl. *Thümmigii*. In Insula *S. Michaelis*, quæ est Acorum una, cum terræ motus perciperetur, ad 28 circiter milliarium Gallicorum distantiam inter eam & *Terceram* apparuit torrens ignis, qui duobus novis scopulis ortum dedit. *Maraldus* quantitatem aquæ pluvialis A. 1720 reperit 17 digitorum & 2 linearum, & mense Septembri atq; d. 2 Jan. 1721 declinationem acus magneticæ 13 graduum versus occasum. *De Reaumur* de consiliis meditatur lignorum proventum augmentandi, cum etiam in Gallia metuant damna ex defectu.

In *Anatomicis* tunicam internam intestinorum tenuium examinat *Helvetius* una cum nervosa & carnosa. Internam negat esse villosam; affirmat esse papillosam. Villos nonnullis visos esse papillas dissectas. In tunica carnosa præter fibras circulares deprehendit etiam longitudinales, sed valde tenues: quæ ratio, cur vulgo non fuerint animadversæ. Circulares quæ dicuntur, integram perimetrum non absolvunt, nec in se redeunt ad spiram accedentes. Membranam nervosam non ex fibris nervosis, sed tendineis esse contextam, oblique se mutuo interfecantibus. *Winslow* sistit puerum ex imaginatione matris absque oculis natum. Idem observationes aliquot circa mechanismum musculorum oculi, de iride & porositate tunicæ corneæ communicat.

In *Chymicis* alcali salis Armoniaci volatilius esse docet *Lemery* phlegmate sive aqua, immo spiritu vini. Salia autem volatilia alcali cum acido unita volatilitatis minorem gradum acquirere, ita ut volatilitati aquæ æqualis fiat, nec ipsa vi caloris nisi cum hoc elevari possint. Quod si vero ab acido liberentur, eadem ante phlegma in forma sicca elevari. *Godofredus* junior salia plantarum essentialia sub examen revocat. Miram hic occurrere notat naturæ varietatem, cum sal essentielle non in integra planta, sed nunc in radice, nunc in cortice, nunc in floribus, nunc in fructibus reperiatur, immo ne in his quidem partibus integris, verum in aliis minoribus. Imprimis autem notatu dignum est, quod oleum essentielle, unde odor corporis pendet, perinde ac pinguedo in animalibus, vesiculis seu cellulis conclusum contineatur. Ut una operatione citra rectificationes iteratas sæpius idem obtineas, mixtum in spiritu vini menstruo minimum spatio macerari & deinde in balneo

Mariz destillari jubet. Reperit etiam, quæ hac methodo præparantur, per annos complures minime alterari.

In *Botanicis* nova genera plantarum cum floribus compositis condit *Vaillant*, & aliud *Isnardus*, quod *Monosperma-Alba* ab ipso appellatur.

In *Geometricis* problema Geometriæ practicæ seu stereometricum de investiganda capacitate navis solvere tentant *Varignonius* atque *de Mairan*. Cum figura navis geometrica non sit, ut soliditatem determinare posset *Varignonius*, navem ejus figuræ concipit, ut singulæ sectiones, sive horizontales, sive verticales, sint ellipses. *De Mairan* sub incudem revocat regulas usitatas & eam ceteris præfert, qua partis ab onere imposito submersæ duæ superficies horizontales in unam summam colligi jubentur, hujus dimidio ulterius per altitudinem partis immerse multiplicato. Neque enim nisi partis immerse ab onere imposito soliditas quæri solet. Consideratur autem ea in praxi communi instar pyramidis truncatæ, non attenda curvedine laterali, & ea æqualis sumitur prismati ejusdem altitudinis, cujus basis est medium arithmeticum inter bases pyramidis truncatæ : quod in rigore Geometrico non esse verum, notissimum est. Tandem tamen largitur, has aliasque difficultates non esse tanti momenti, ut praxis illa admodum commoda ideo sit rejicienda. Cum *Bougvierus* methodum *Varignonianam* & alteram a *Mairanio* probatam ad praxin transferret, illam  $\frac{7}{8}$  hanc nonnisi  $\frac{1}{8}$  a vero aberrare deprehendit.

In *Astronomicis* Venerem a Luna d. 31 Dec. A. 1720 eclipsatam observarunt *Cassinus* atque *Maraldus*. Eclipsis erat centralis & Lunæ ætas nonnisi duorum dierum. Venus emergens arcui lucido in medio insidebat, ut vulgus portentum judicaret. Contigit immerio h. 3 18' 17" & emerio h. 4 33' 52". Nullum sese prodidit atmospheræ indicium. Cum eclipsis interdiu esset observanda, telescopium in Venerem directum ope machinæ parallacticæ a *Cassino* seniori ad observationes stellarum diurnas inventæ, quæ cum a *Cassino* juniore atque *Maraldo* fuerit perfecta, hic accurate describitur. Idem *Cassinus* theoriam parentis de motu librationis Lunæ uberius confirmat, quod is oriatur ex combinatione motus revolutionis circa Tellurem & motus vertiginis  
circa



circa proprium axem, qui intervallo 27 dierum & 5 horarum absolvatur, eodem scilicet tempore, quo Luna ad nodos restituitur. De *Louville* mutabilitatem eclipticæ, quam in his Actis operose adstruxit, novis observationibus confirmat. Nimirum cum eam A. 1716 deprehendisset  $23^{\circ} 28' 24''$ , in Solstitio æstivo anni 1721 eam 3 scrupulis secundis imminutam invenit. Ex ipsius enim hypothese intervallo unius seculi non nisi unico minuto mutatur. Quanta cum circumspectione ac scrupulositate altitudines meridianas observavit, ut ne in scrupulis secundis a veritate aberraret, cum cura exponit. *Cassinus* d. 24 Jul. A. 1721 præsentē Rege observavit eclipsin Solis, sed tempestate minus favente. Hor. 7 min. 22 eclipsis erat digiti dimidii; sed min. 32 integri. *Delisle* senior jussu Regis composuit mappam Geographicam de expeditione Cyri, ut ipsi usui esset in lectione *Xenophontis*, ubi ea describitur. Multas reperit difficultates in contextu *Xenophontis*, quas enucleat. Inter eas notatu dignum est, quod stadia *Xenophontis* fere dimidia modernorum deprehenderit: reperit enim gradum cœlestem fere 1100 stadiorum *Xenophontis*, cum moderna 600 eidem sufficiant. Idem annotationes exhibet in mappam geographicam maris *Caspii*, quam Russorum Monarcha ad Academiam Scientiarum misit.

In *Mechanicis*, mensuram virium vivarum *Leibnitianam* impugnat de *Louville*, quod *Wolffius* eandem in cursu Mathematico adoptaverit, ne ipsius autoritate vires novas acquirat. Notum vero est, eandem quoque adoptasse *Joannem Bernoullium*, *Hermannum* & *Polenum*, ac nuperime in eadem castra transiisse quoque *Gravesandium*, cum antea sententiæ communi subscripsisset. Neque vero *Bernoullius*, *Wolffius*, ceterique ex præjudicio autoritatis mensuram *Leibnitianam* receperunt. Etenim *Bernoullius* propriam invenit demonstrationem, quam in Elementis Mechanicæ exhibuit *Wolffius*: integram de virium æstimatione dissertationem conscripsit *Hermannus* & mensuram *Leibnitianam* ab objectionibus liberavit. *Polenus* per experimenta in veritatem theorematum *Leibnitiani* inquisivit & *Wolffius* demonstrationem invenit in motu æquabili, antequam ederet Elementa Matheseos universæ, quam jam A. 1710 cum *Leibnitio*, illustri Comite de *Herberstein*, *Hafio*, Professore nunc Wittebergensi, aliisque communi-

cavit,

cavit, sed quoniam eam ex genuinis *Dynamicae* principiis deduxerat, postea Elementis suis inferere noluit, quod *Leibnitio* non commodum videretur, aliquam principiorum *Dynamicae* partem ante in publicum proferri, quam ipsi ad *Dynamicam* condendam animum appellere liceret. Et sane ex *Dynamica* principiis facillime respondetur ad argumentum, quo *de Louville* impugnavit theorema *Leibnitianum*. Reducit enim ascensum gravium, juxta notissimum *Gallilei* theorema, ad motum æquabilem, & in motu æquabili sumit, vires esse ut spatia eodem tempore percurfa. Enimvero per principia *Dynamica* assumptum negatur. Licet enim vires sint in ascensu gravium ut altitudines, ad quas gravia ascendant; in motu tamen æquabili sunt ut celeritates ad spatia applicata, corpore existente eodem. Alia enim est ratio virium, quæ ab effectu absorbentur; alia virium purarum, ubi vires ab effectu non absorbentur, sed eadem persistunt. In priori casu demonstrationem dederunt *Leibnitius* atque *Bernoullius*; in posteriori eandem repererat *Wolffius*, qui impetus seu facta ex massa in celeritatem ad spatia eodem tempore descripta applicaverat, propterea quod effectus puri sunt in ratione composita massarum & spatiorum, actiones autem in ratione composita effectuum & velocitatum. *Saulmon* in formulas generales motus corporum elasticorum inquirat & inter alia postliminio revocat theorema *Cartesianum* de eadem motus quantitate in universo conservata. Arbitratur enim, motum, qui in conflictu perditur quoad apparentiam, recipi a materia subtili elasticitatis causa & in ea conservari. Tractat etiam de theoria centri gravitatis communis duorum corporum in se mutuo impingentium. *De Reaumur* medelam describit, quam rheda attulit, ut per vias ordinariis angustiores & in orbitis admodum profundis absque difficultate vehi posset.

Mortuus est hoc anno *Marcus Renatus de Voyer de Paulmy d'Argenson*, natus *Venetis*, d. 4 Novembr. A. 1652, patre *Renato de Voyer de Paulmy* Comite *d'Argenson*, qui Legati munere fungebatur. Patrono usus Comite *de Pontchartrain*, rationum adversarum Censore generali, ad dignitatem Magistri libellorum supplicum evehctus & elapso triennio summa Reip. in urbe *Parisiorum* administratio A. 1697 curæ ipsius demandata. Muneri tam arduo



arduo maxima cum laude præfuit & præclaras animi dotes abunde prodidit. Cum A. 1709 & 1710 annonæ caritas existeret, plebs injusta ira adversus ipsum exarsit, etsi omni modo calamitati huic medelam afferre studeret. Accidit itaque quodam die, ut in domo obsideretur, quam flammis feralibus tradere decreverat multitudo: at *Argensolius* imperterritus, foribus apertis plebem male sanam allocutus, turbas feliciter sedavit. Meruit hoc facto, ut ad dignitatem Consilarii Status admitteretur. In incendiis semper primus adfuit &, quid fieri debeat, præcepit. Etsi publica urbis cura ipsi plurimum negotii faceretur, hoc tamen non obstante Rex aliis quoque negotiis majoris momenti eum quam sæpissime adhibuit. Quoniam ab ipsius imperio pendebant artifices & opifices, Academia, scientiarum, artium & opificiorum descriptionem molita, A. 1716 eum in numerum Sociorum honorariorum recepit. Mox regni Administrator eum negotiis maximi momenti admovit & tandem initio anni 1718 sigillorum custodem constituit & ærario regio summa cum potestate præfecit. Cum quædam ipsius consilia de ære alieno status diminuendo non probarentur & alia iisdem præferrentur, initio An. 1720 ærarium dimisit & mense Junio ejusdem anni consultum duxit, ut etiam Sigilla ex custodia sua redderet, quamvis gratia Principis minime exciderit. Obiit d. 8 Maji A. 1721, duos relinquens filios, alterum successorem in administranda re publica urbis, alterum vero Consiliarium Status & Præfectum *Malbodensem*, atque filiam unicam, nuptam *Colandio*, Mareschallo campi & commendatori Ordinis S. *Ludovici*.

**DANIELIS BERNOULLII, BASILEENSIS,  
JOH. Filii, Exercitationes quedam Mathematicæ.**

Venetiis, apud Dominicum Lovisam, 1724, 4.

Plag. 12 Tab. æn. 1.

**E**Xercitationes hæc enatæ sunt occasione controversiæ, quæ Cl. Autori cum *Joanne Rizzetto* circa problema aliquod ad calculum probabilitatum de ludis pertinens, & cum Comite illustri *Jacobo Riccato* circa vim, qua aqua ex vase per foramen ejicitur, intercessit. Controversia intra privatos parietes agitata publici facta est

P

juris

juris, ut obtrectionibus *Rizzettianis* & *Riccatianis* obex poneretur. Ut sterilitati occurreretur, variae hinc inde meditationes Mathematicae interseruntur. Controversia prior concernit casum simplicissimum ludi *Pbaraon*, in quo calculando hallucinatos fuisse *Monmortium* in libro suo & *Joannem Bernoulli* in epistola eidem opposita, contendit *Rizzettus*. Ansam inde arripit Noster ad jiciendi dissertationem de ludo *Pbaraon*, ubi vitatis ambagibus *Monmortianis* sortem æconomi brevissimo calculo generaliter determinat & tabellam lucrorum æconomi in hoc ludo *Monmortiana* concinniore & exactiorem condit. Occasione vero ejusdem controversiae methodum tradit generalem inveniendae summæ omnium serierum numerorum integrorum, differentias primas, secundas, tertias &c. constantes habentium, diversam ab ea, quæ legitur in Actis A. 1720 p. 27, & ubi generalius, quam par erat, enuntiatur, series omnes, modo certam progressionis legem servant, ad formulam aliquam generalem reduci posse. Universalitatem asserti instantia infringit Noster. Sit enim series 1. 3. 4. 7. 11. 18, 29 &c. in qua quilibet terminus duorum præcedentium summa. Se demonstratum habere affirmat, quod ea nunquam ad terminum generalem reduci queat. Quod controversiam alteram attinet, notari quidem meretur, Virum summum *Newtonum* in priori editione Principiorum vim, qua aqua per foramen ex vase ejicitur, fecisse æqualem pressioni cylindri aquei foramini ad perpendicularum insistentis; in posteriori autem cum *Hugenio* duplici pressioni istius cylindri æqualem statuisse. *Michelottus* in libro de separatione fluidorum priorem *Newtoni* sententiam stabilivit, at posteriorem defendit *Riccatus*, invito *Bernoullio*, qui cum *Michelotto* facit. Multa afferuntur, quibus hoc argumentum oppido illustratur.

Subjicit appendicis loco explanationem notationum suarum, quæ extant in Actis Supplement. Tom. VIII Sect. II, una eum solutione problematis *Riccatiani* ibidem p. 73 propositi, quam proxime integram in Supplementis exhibitori sumus. Subjungit secundæ appendicis loco problema aliquod Geometricum una cum controversiola ejusdem occasione orta. Problema Cl. Autori propositum ab amico tale est : *invenire methodum deter-*  
*minan-*

*minandi infinita & omnia spatia seu lunulas inter duos arcus circulares se invicem secantes contentas quadrabiles. Ex ejus solutione porro deducit solutionem problematis alterius de lunulis circularibus a Cl. Goldbachio propositi.*

**RAYMUNDI DUELLII, VENDIBONENSIS,**  
*Regul. S. Augustin. Canon. & Bibliothec. Sand - Hyppoly-*  
*tensis, Excerptorum Genealogico - Historicorum Libri*  
*duo. Accedunt Appendices II.*

Lipsiæ, apud Petr. Conr. Monath, 1725, f.

Alph. 4 pl. 23 cum figg. æri incis.

**Q**Uæ in primo *Miscellaneorum Tomo* expectari a nobis vole-  
rat, excerpta e diplomatibus Sand - Hippolytenfibus, ad Hi-  
storiam medii ævi, remque Genealogicam imprimis facientia, ea  
nuper accurata nitidaque editione prodire jussit Plur. Rev. Duell-  
lius. Quamvis autem non unius incommodi evitandi causa, tum  
& alios, integra diplomata prodere dubitantes, ad simile institu-  
tum adducendi animo, hanc excerptendi methodum elegerit, se-  
dulo tamen id operam dedit, ne quicquam memoria dignum, ac  
minime omnium consuetas juris formulas, in chartis antiquis oc-  
currentes, prætermitteret. Cumque eam serio præ se ferat in-  
tentionem, ut ad sequendum alii hoc labore alliciantur, non so-  
lum in præfatione consilia cautionesque suggerit, quomodo in  
judicanda chartarum ætate, edendisque diplomatibus docte ac  
prudenter versandum sit, verum & specimina quædam scriptura-  
rum veterum a seculo VI ad Secul. XV usitatarum, partim a *Ma-*  
*billonio* mutuata, partim e codicibus chartisque suis collecta,  
quatuor tabulis exhibet, itemque in ipso opere passim initia Di-  
plomatum vetustiorum, notabili caractere exscripta, profert. Li-  
bro I dedit excerpta e tribus chartulariis Canonice regularis Sand,  
Hippolytensis, tresque idcirco ejus voluit esse partes. Chartula-  
rium primum, quod libri hujus Pars I refert, duobus membraneis  
voluminibus constat, olim separatis, quorum prius chartas LXVIII  
complexum, Sec. XIV exeunte scriptum, alterum XXI chartas  
continens, Sec. XIII senescente exaratum judicat, præterquam

- quod in postica parte ultimæ paginæ manu Sec. XV literæ Georgii Episcopi Pataviensis & Gerungi Præpositi Sand-Hippolytensis adjectæ noscantur. In parte hac I antiquissimum esse diploma *Henrici IV Imp.* A. 1058 datum, recentissimas vero Magistri Alberti & Joannis Præpositi Sand-Hyppolyt. chartas annum 1370 præferentes, observavimus. Alterum chartularium, ad quod excerptorum Pars II spectat, membraneum, Sec. XIV a Joanne Præfule, qui circa A. 1370 Ecclesiæ colleg. præesse cœperit, conscriptum, ex rubricis chartæ 28 & 33 probat. Extant hac parte chartæ CXXII in quibus vetustate eminet *Ottocari R. Bohem.* diploma de A. 1270, iterum vero chartæ quædam, nimirum a N. CX subsequentes, Sec. XV & N. CXV seculo demum XVI accesserunt. Tertium Chartularium, in partem III redactum, ex authenticis transcriptum manu Sec. XVI nondum adulti, docet. Hujus voluminis chartæ CLXXV, quarum nulla annum 1540 ætate sua attingit, nisi quas exiguo numero subsequa manus adjunxit, quemadmodum a chartis post A. 1500 conceptis Noster in hoc opere omnino abstinuit, præter eas, quæ antiquiores confirmare viderentur. Est inde ceteris omnibus ætate prior charta Ottonis Comitis de Eberstein, A. 1248 signata, interq; illas manu priore descriptas, novissima charta Wolfgangi Præpositi Sand-Andreani, quæ annum 1520 exprimit. Sequitur *Necrologium Sand Hippolytense* Sec. XIV inchoatum, variis posthac scripturis ad finem Seculo XVI perductum, idque non integrum, sed ejus potius excerpta, subnexis XXX *chartis confederationum*, opera adm. Rev. *Ildephonsi Hiersehi*, Canon. reg. Sand-Hippolyt. Nostro voti laborisque socii, producuntur. Qui jam succedit Liber II excerptorum, primo loco sistit 500 figilla & bullas, Imperatorum, Pontificum, Ducum, Nobilium, Episcoporum, Canonicorum, Universitatum, quæ e diplomatibus Sand-Hippolytensis propendent. Ea accurate in æs incisa tabulis 41 secundum annorum seriem a Seculi XII anno 76 incipiendo, usque ad A. 1497 disponuntur. Equidem Germanicarum Antiquitatum amatoribus ea res non potest non grata acceptaque esse, cum jam præclara quondam *Celeb. Heineccii* opera insignem sigillorum veterum usum in Antiquitatibus non minus, quam in re Diplomatica, Heraldica, Genealogica, & in ipsa Historia, demonstratum dederit.



derit. Alteram libri II partem conficiunt diplomata CCXCIX, quæ in chartulariis desiderantur, ab A. 1160 usque ad A. 1500 prodita, initio facto a Bullis Ruperti & Wolfgeri Episcoporum Patavien-  
 tium, ob formam literarum, in lineis initialibus repræsentatam, conspicuis. Lustrabimus nunc Appendices, quæ ipsi operi magnitudine sua parum cedunt. Prior *Joannis Hollandi & Jacobi Patricii Rhythmos Sec. XV de familiis Bojaria, quæ ludis Equestribus interfuere*, conscriptos producit e Bibliothecæ Sand-  
 Andreanæ codice Sec. XVI exarato, icutaque familiarum gentilitia e lateribus versuum depicta referente, quæ in tabulis 5 junctim exhibentur. *Jo. Hollandus* Eckenfeldensis Bavarus, Præco, Imp. Sigismundi aulam secutus, rhythmos suos post ludos equestres Schaphusæ A. 1392 celebratos in honorem Nobilium Bojorum, monitu Casp. Schlickii Cancellarii Imperat. composuit. Eos primum, in *Stemmatographia Bojorica*, Hundius edidit, tribus exemplaribus usus. Sed ab Hundii editione Duellianum exemplum, (olim a *Lazio* Biblioth. Cæs. Præfecto communicatum,) in per-  
 inaltis discrepat, ut in margine studiose ista annotari cernimus. *Jac. Patricius*, Reichertshufanus, e Nobili Bojorum familia oriundus, epistolam suam, quam vocat, *den Ehren-Brief*, A. 1462 ad Mathildem Ludovici Palatini filiam, Ludovici Würtemb. primum, deinde Alberti VI Archi-Ducis Austriæ, conjugem, elaboravit. Etsi vero in elogio ejus iconi subscripto audiat: *Ein Poet Deutsch nit unlieblich*, hiulco tamen tristisque adeo scribendi genere, verbisque horridis, insolentibus, & in rhythmos coactis utitur, ut instar omnium rudis istius seculi infeliciū scriptorum esse queat, eoque unice, quod in familiis describendis planior sit, in lucem proferri meruerit. Appendix II *Syntagma Antiquitatum & Sigillorum incerti temporis, aut alienorum*, a Nostro inseribitur. Non contemnenda varii ævi monumenta in hac, sed citra temporum ordinem, figuris in ære delineatis conspicienda præbentur, observationibus partim illustrata, partim aliorum examini relictæ. Nos extantiora recensebimus. Primo depingitur litera initialis Antiphonarii membranei, sub finem Sec. XV exarati, in qua Præpositi Sand-Hippolyt. quatuor ad genua Servatoris pro-  
 voluti comparent, ipsi, ut & Servator, & Canonici 50 in eodem

libro depicti, mitellis rubris operti, adjectæque sunt imagini literæ LI, quibus existimat *liberos* Præpositos indicari, ut in sigillis Herzogenburgensis Monasterii simile quid animadvertit. Post monumentum sepulcræle vetus, præcipue tutelares Sand - Hippolytenses, S.S. Augustinum & Hippolytum exprimens, sigilla sex conspiciuntur, in quibus eminent sigillum Liberæ civitatis minus, & sig. *Leyserianum*, qua occasione hujus antiquæ Gentis Stemmatographia inseritur, duabus aliis, nempe *Lasbergiana*, & *Geyeriana*, nunc *Comitum de Geyersperg*, comitantibus. Sub N. 9 lapis vetustus est, prope Hippolytopolin effossus, in quo conspicuas columbas ad amici lapidem ponentis affectum, delphines vero ad statum liberti refert, inscriptionemque ita legit: *Marco NAMMIO Marci LIBerto SVRIONI ANNorum L. VLPius SPERATVS AMICO FECit*. N. 10, Majoris formæ numisma *Malatestam Novellum* repræsentat, opus pictoris *Pisani* numismatum instauratoris. Sigilla iterum inserta tria excipit N. 13 monumentum vetus Rom. peculiari dissertatione a *Cl. Schvartzio* aliquot abhinc annis illustratum, quod feminæ infantem uberibus admoventis imaginem ostentat, inscriptione addita: *T. CLAVDIVS. SVRVS, ET ULPIA. RESTITVTA. V. S. ET. CL. JVLÆ. FIL. ANN. XX. H. S. EEC.* N. 14-22 alia monumenta sine inscriptionibus fiuntur e parietibus Ecclesiæ parochialis Pechlariensis, diversas figuras exhibentia, quæ tamen nec omnia Romana credimus, & imprimis lapidem N. 19 sepulcrælem duorum Ecclesiasticorum agnoscimus. N. 23 Icuncula muliebris ex alabastro confecta, nūnioque inducta, Nostro Parcarum una videtur, propter coli & fusi indicia, sed obscura satis. N. 24, 25, 26, Fundatores Ecclesiæ *Tirnstainensis*, cujus chartam foundationis *Miscell. T. I p. 156* evulgaverat, e pictura vetusta delineantur. N. 27, 28 extant insignia *Tirnstainiorum* & alia quatuor, ad familiam *Comitum de Riettenburg* spectantia. N. 29 lapis votivus Hippolytopoli etiamnum visendus, cum inscriptione: *D. NEPTUNO. AQUARUM. POTENTI. ob. INDUCTUM. EI. (e) TRAGISA. FLVMen. MVRis. EIVS. A. V. P. L. L. M.* Noster explicat: *Accola votum posuerunt libentissimo merito*. N. 34 Epitaphium *Christophori Nimptschii* & 35 *Conradi Nimptschii* Equitis Rhodii, deque illustrissima hac gente tum alia quædam



dam tum præcipue excerpta e Regio Feudorum tabulario Principatus Suidnicensis & Jauriensis suppeditantur. In remotioris antiquitatis reliquiis ut desinat, N. 36 ff. vascula fictilia tria in agro prope Hippolytopolin effossa, & numulum *Claudii Cas.* in urnula repertum docte describit, subjicitque numum *Augusti* æreum cum trifulco Jovis fulmine, & nota restitutionis, item numos *Consulares duos* argenteos, quorum alter *Roma & A. Spurilii*, alter, *Victoriatas, L. Pisonis*, forte illius *Frugi Consulis*, nomina ostendant. Sequitur post numum *Anastassi* aureum, alius *Macedoniæ primæ, Dianæ* effigiem gerens, in cujus averfa facie clava Herculis cernitur, cum inscriptione: ΜΑΚΕΔΟΝΩΝ ΠΡΩΤΗΣ, quæna eam corona ambit, subjecto fulmine. De quo numo elegantissimo erudita *dissertatio Romani P. Dom. Cælestini l'Oresce, Benedictini & Reg. Sicil. Historiographi*, inseritur. Denique geminæ duæ & numismata totidem aurea, unum *Romani & Constantii Imp.* alterum *Otonis Archiep. Trevirensis*, ob oculos ponuntur. Corollarii loco accedunt Epitaphia quædam Ecclesiæ B. M. in Wüntzendorff, inter quæ lapis, quo *Elisabethæ, Conjugis Jo. Fridrici D. Sax.* intestina obteguntur, item Epitaphia in Ecclesia Lofstorfensi & in Ecclesia Capellen prope Hippolytopolin, ac in fine inscriptio Romana, quam viridarium Arcis Transmurensis, vulgo *Traisenmaur*, servat: IMP. CAESARI. DIVI. HADRIANI. FILI. DIVI. TRAIANI. PARTHICI. NEPOTI. DIVI. NERVÆ. PRONEPOTI. T. AELIO. HADRIANO. ANTONINO. AUG. PIO. PONTIFICI. MAXIMO. TRIBVNICIAE. POTESTATIS. COS. III. P. P. ALA I. AVGVSTA. THRA-CVM. OPTIMO. PRINCIPI. Nemo nobis vitio vertat, quod in recensendis Appendicibus longiores fuerimus, quippe ex iis Doctissimi Duellii singularis industria constare potest. Sed ne ipsis excerptorum libris eam parcius impensam quis credat, commendandæ sunt notæ & observationes perutiles doctæque chartis ubique fere subjectæ, quæ vel iis lucem asserant, vel usum earum edoceant, & historiam medii ævi haud raro illustrent, testes assidua variæque lectionis. Ita statim p. 4 ad *Diploma Rudolphi Habsp.* refellitur opinio de singulari ac proprio hujus consilio abstinendi a titulo Imperatoris, quia Romæ coronatus non esset: dein-

P. 312.

340 f.

deinde observatio *de Advocatis Monasticis* inter regalia Imp. usque ad *Ottonis IV* tempora relatis, subnectitur. P. 24, in originem formulæ: *Apostolica sedis gratia*, Episcopis usitata, inquiritur. P. 51 annotatur, nobiles anno æt. vicesimo primo demum propriis sigillis uti consuevisse. P. 220 monetur, in chartis Sec. XIV exeuntis & Sec. XV incipientis frequentiores fusioresque cautionum formulas occurrere. P. 222 titulum: *Erber*, docetur, competiisse *Authentico*, seu *homini synodali*. Quæ speciminis quidem loco sufficiant: sed nec id sine præcipua commendatione indicandum est, excerpta hæc permultum adjumenti ad illustrandum Jus German. afferre, cum, quod initio laudavimus, solennes juris formulas & cautiones contractuum, aliorumque negotiorum, Noster diligentissime enotaverit. Optamus ceterum, ut egregia ista Nostri opera plures ad excutienda scrinia claustraque, in quibus antehac monumenta vetusta delituerunt, excitati, ejus in excerpto industriam sequantur, & eliminatis vulgaribus, quæque præter majorem voluminum molem nihil præstare queant, exquisitiora, & quæ usum in Historia Germaniæ spondent, in publicum proferant.

THE SURVEY OF CORNWALL &c. BY RICHARD CAREW, of Antonie. &c,

hoc est,

RICHARDI CARÆI CONSPECTUS CORNWALLIÆ, & Epistola de præstantia Linguae Anglicæ, nunc primum edita. Accessit ejusdem Vita, Autore H.C.

Londini, apud Sam. Schapman & reliqu. 1723, 4.

Alph. 2.

CUM Conspectus hic *Richardi Caræi, de Antonie*, Scriptoris, qui Cornwalliam illustravit, hætenus fere unici & accuratissimi, jam tum A. 1602 Londini prodierit, eoque caro hætenus pretio venerit, operæ pretium putarunt Angli, ut opus utilissimum recuderent. Ne tamen solus compareret, præmisit vitam Autoris, qui in titulo primo sub H. C. in altero sub *Hugo C. forte* ex



ex ipsa Caræorum familia, latere voluit, & accessit sub finem Epistola nunc primum e schedis Caræi edita. Nos Conspectu ipso, cui nihil accessit, & Vita, quæ tota fere ex Ant. Woodi Athenis Oxon. nuper auctius reculis, transcripta est, prætermisissis, ex Epistola pauca decerpemus. Probat in illa Autor, linguam Anglicam significantem, facilem, copiosam & suavem esse. Quoad primum præstantiam ostendit linguæ Anglicæ præ Græca & Latina in literis, vocibus & phrasibus: plures enim habere Anglos literas quam Græcos, ut C; plures & quam Latinos, ut K & Y, & plures quam utrosque, ut W. In vocabulis monosyllaba Anglo-Saxonica commendat, & virilem sonum in Interjectionibus, ut levis doloris *Ab!* & majoris *Ob!* commiserationis *Alas!* complorationis *Alacke!* detestationis *Phy!* attentionis *Haa*, evocandi *Whowpe*, sistendi *Waholowve*, quæ mire rebus apta putat. Composita, quibus aliæ linguæ subveniunt, ipsam naturam rei exprimere; nomina propria majoribus ob singularia, quæ patrarunt, facta, imposita fuisse; raro autem a corporis defectu, quod solenne Romanis, quibus ita Nasorum, Labeonum, Frontonum, Dentonum nomina nata. In phrasibus proverbiorum præstantiam extollit, ut cetera taceamus. Quoad alterum, facilitatem inde probat, quod voces in declinationibus & conjugationibus parum vel non inflectantur, & monosyllaba facilius memoriæ mandentur. Quod vero Anglos ad alias linguas pronuntiandas aptiores putat aliis gentibus, in eo valde veremur, ne fallatur Autor. Quod tertio copiam attinet, eam haud difficulter ex eo probat, quod liberum semper Anglis fuerit, tum ab his, qui sedes illic fixerunt, Saxonibus, Danis, Normannis, tum a transmarinis, cum quibus bella gessere, ut Hispanis, vel apud quos iter fecere, ut Italis, vocabula mutuari, quibus accedunt tot in Anglia dialecti, ipsis etiam vocabulis diversæ. Ita e. gr. *τὸ Ἀπ- page!* viginti vicibus & amplius variari posse ostendit. Denique & suavitatem e mixtura illa ipsa, qua Brittonum monosyllaba cum polysyllabis aliarum gentium apte permisceantur, probat, atque ita mollitiei Italicorum vocabulorum robur, additis consonantibus, abruptis Gallorum verbis sonum plenum conciliari, Germanorum consonantes ingratas vocalibus emolliiri &c. existimat. Utque probet, veteres Græcos & Romanos pares in Anglia habuisse,

Q

Pla-

Platoni *Thomam Smith*, Ionibus *Thomam Morum*, Ciceroni *Aeschamum*, Varroni *Chaucerum*, Demostheni *Jo. Checcum*, Virgilio *Comitem de Surry*, Catullo *Shakepearium & Barlovium*, Ovidio *Danielem*, Lucano *Spencerum*, Martiali *Jo. Davisum*, omnes præstantissimos illius ævi scriptores Anglos, opponit; *Philippum* vero *Sidneyum*, cum quo vix vindecenni Caræus anno ætatis decimo quarto publice Oxonii magno plausu & ex tempore, quod ajunt, disputasse in vita præmissa traditur, miraculum sui ævi in prosa pariter & versa oratione vernacula appellat.

## HISTOIRE DU CHRISTIANISME DES INDES.

id est,

### HISTORIA CHRISTIANISMI INDORUM;

*Autore M. V. LA CROZE, Bibliothecario  
& Antiquario Regis Prussæ.*

Hagæ Comit. ap. fratres Vaillant & N. Prevost, 1724, 8.

Alph. 1 pl. 17 cum fig. & mappa Geogr.

**R**ELigionis Christianæ, apud Indos Orientales quoque per XII Sæcula hætenus conservatæ, & indies magis magisque succrescentis, historiam dum Autor celeberrimus composuit, non sine ratione credidit, quod in præfatione indicat, in novo & eruditis etiam incognito se versari argumento, quum Antonii de Govea historia expeditionis Alexii de Menezes Lusitanice scripta, quanquam non in Hispanicam solum, sed & in Gallicam linguam translata sit, perpaucis in his regionibus innotuerit, & versio Gallica Monachi Belgæ, cui nomen fuit Joh. Bapt. de Glen, ecclesiæ Romano-Catholicæ præjudiciis sit repleta, immo Abbas Renaudotus in collectione liturgiarum nonnunquam a veritate aberraverit, hoc nomine passim in hoc opusculo notatus. Ecclesiæ quidem Malabaricæ historiam Londini A. 1694 ex Commentariis Antonii de Govea Lusitanicis Anglico sermone edidit Michael Geddesius, Cancellarius ecclesiæ Salesburiensis, qui etiam acta synodi Diamperensis integra in Anglicam linguam transtulit, & brevibus quidem, ast doctissimis annotationibus illustravit. Sed, ut taceamus, scriptum hoc Anglicanum vix uni vel alteri in his terris visum

visum esse, atque adeo nomen Christianorum, uti vocantur, S. Thomæ heic ignotum mansisse, silentio non præterendum est, Geddesii historiam, teste Autore nostro, cui copia illius demum facta, opere suo jam sub prælo sudante, cum expeditione Alexii de Menezes Archiepiscopi Goensis, A. 1599 finita, desinere. E contrario Autor noster historiam, ab ovo, quod ajunt, inceptam, ad initium usque præsentis sæculi persequitur, & ex actis commemoratæ synodi in hoc opere, quod Gallico idiomate edere consultum ipsi visum fuit, tantum potiora capita recenset, eadem in alio quodam opere Latino melius exhiberi ratus, in quo plurimarum ecclesiarum orientalium fidelem exactamque historiam se contexturum promisit. Interim ex præsentī historia evidenter cognosci potest, ecclesiam Indorum, quæ per XII sæcula cum Romana, Constantinopolitana, Alexandrina & Antiochena nihil habuit commercii, dogmata Protestantium, ab ecclesiis adductis vel omnia vel ex parte rejecta, maximam partem credere & fovere, primatum Pontificis Romani omni nisu repudiare, transubstantiationem pernegare, & sacramentum eucharistiæ tantum figuram corporis Christi esse, asserere, confirmationem extremamque unctionem & matrimonium e numero sacramentorum eximere, cultum denique imaginum pro idololatria habere, & purgatorium pro fabula; hinc etiam Antonius de Govea hæreticos recentiores, per quos Protestantes intelligit, errores suos ab Indis accepisse, sibi persuasum habuit, quo nihil insulsius dici scribique potuit. In præfatione etiam refert ex Coddesio Autor eruditissimus, Alexium de Menezes, ex India reducem, factum esse Archiepiscopum Bragensē, Proregem Lusitaniæ per biennium sub Philippo III, & Præsidem senatus supremi, res Lusitanicas Madriti, ubi mortuus est, dirigentis; inque Sanctorum numerum fuisse referendum, nisi rediisset in Hispaniam, ubi gloriam, quam absens jactata infidelium in India conversione sibi conciliaverat, præsentia minuit. Sic etiam Franciscum Barretum, Lojolitam Lusitanum, A. 1645 Romæ sermone Italico relationem edidisse de statu Christianismi in Malabaria; sed præter Catalogum Prælatorum seu Episcoporum Christianorum S. Thomæ ad Franciscum Garciam usque nihil commemoratu dignum in ea haberi, nos certiores facit.



Tandem malorum, quæ nos premunt, maximum esse dicit Indifferentissimum, & de nova conqueritur hæresi, reliquis, quæ hætenus disturbarunt ecclesiam, periculosiore, quæ monumenta veterum cum sacratum profana supprimat, maximo cum zelo prudenterque reprimenda & coercenda.

Ipsa historia in septem Libros divisa est, ex quibus primo, secundo, tertio & ultimo, ne nimis arida videretur historica relatio, elegantissimas lectuque dignissimas præmisit observationes. In *primo* statim Libro prolixa habetur Nestorianismi historia, dignissima sane, quæ attentius perlegatur, & sine partium studio ponderetur, ut eo melius constet, quinam sint Nestoriani dicendi; quomodo disciplina ecclesiastica post conversionem Constantini M. sit corrupta; quibus in causis Nestorius excusari queat, Cyrillus e contrario accusari: & inter alia Cosinam, Indicopleusten dictum, Nestorianum fuisse probatur, ex cujus testimonio, religionem Christianam apud Indos jam sexto sæculo stabilitam fuisse, luculenter apparet: tumque in Christianorum Indorum, Nestorianis addictorum, qui ab Apostolo Thoma principia religionis se accepisse credunt, & propterea Christiani S. Thomæ dicuntur, veram originem inquiritur, & status ecclesiæ describitur, qualis fuerit ante adventum Lusitanorum, una cum rebus gestis primorum Missionariorum, & ipsius Alexii de Menezes, usque ad iter hujus præsulis ad Christianorum regiones & ecclesias visitandas institutum. In Libro *secundo*, enarratis prius moribus & consuetudinibus Christianorum Indorum, ipsa Alexii de Menezes expeditio enarratur, & pluribus ostenditur, eum & vi & astutia usum esse, ad veteres Christianos, jugum Pontificis Romani respuentes, fedi Romanæ subjiciendos, atque dogmata Pontificiorum, ipsis antehac inaudita, & obtrudenda & stabilienda: quem in finem etiam omnes Christianorum libros, qui in ipsius & Jesuitarum manus inciderunt, vel corruptos, vel combustos esse, plus simplici vice eum detestatione refertur. In Libro *tertio*, præmissa iterum eleganti dissertatione de opinionibus & ritibus ecclesiasticis Indorum Christianorum, historia synodi Diamperæ A. 1599 coactæ, & quid in quavis sessione actum sit, recensetur; qua de re satis dictum putamus, si prudentem lectorem monuerimus, decreta hujus synodi  
ab



ab ipso Alexio de Menezes & Francisco Roz S. J. qui postea primus Episcopus latinus Christianorum S. Thomæ a Clemente VIII constitutus est, in Cranganor, priusquam Diamperam proficiscentur, compositâ, & Christianos S. Thomæ minis blanditiisque adactos esse, ut prælectis decretis auscultarent, iisdemque externa professione suffragarentur. In Libro *quarto* ea referuntur, quæ synodum Diamperensem secuta sunt, ad abitum usque Alexii ex India: & in Libro *quinto*, quæ postea facta sunt, usque dum Batavi, expulsis Lusitanis, totam illam regionem sub suam redegerunt potestatem, qui ad comoda & commercia sua omnes sensus nervosque intendentes, Jesuitis, quibus Christiani S. Thomæ se rursus opposuerant, omnis generis honorem, nullam vero Christianorum rationem habuerunt. In Libro *sexto* gentium, quas inter Christiani vivunt, idololatria exponitur, quæ ab Ægyptiorum & Persarum placitis originem traxit: & denique in libro *septimo*, impedimenta felicioris successus religionis Christianæ apud Indos in medium proferuntur, videlicet, quod Indi doctrina Christiana non satis instructi, nec ad ipsius Scripturæ S. lectionem perducti fuerint: quod ministri ecclesiæ non ex ipsis Indis electi: quod conversi ex paganismo & suis & Lusitanis exosi suspectique: quod denique spiritus violentiæ & persecutionis religionem & nationem Lusitanorum Indis detestabilem reddiderit. Ea omnia sublatum iri sperat Autor noster nova missione Danica, cujus institutum & progressum usque ad obitum Ziegenbalgii & Grundleri, missionariorum Regis Daniæ ad colligendam ex Indis in Tranquebar ecclesiam, ex ipsorum relationibus strictim percenset, nulla, quod miramur, relationis Bövingii mentione injecta, in qua epistolis Collegarum suorum recte intelligendis & dijudicandis faculam accendit.

**DESCRIZIONE DEL CELEBRE ARCO, ERET-**  
to in Benevento à Marco Ulpio Trajano XIV Imperadore  
dal Senato e Popolo di Roma &c.

i. e.

**DESCRIPTIO CELEBRIS ARCUS TRIUM-**  
phalis, M. Ulpio Trajano Imp. XIV Beneventi a Sena-  
tu

tu Populoque Romano anno Christi CXII erecti, cum compendio antiquæ recentisque ejus urbis historiæ, factorum item illustrium Trajani Cæsaris; Autore

JOHANNE DE NICASTRO.

Beneventi, typis Archiepiscopalibus, 1723, 4.

Plag. 16.

**E**Xigua quidem molis est hic liber, Sereniss. Principi *Michaeli Friderico de Comitibus de Althann* dedicatus, sed qui exquisita arte atque industria antiquissimum illud fereque maximum Romani luxus monumentum Divo Trajano Cæsari quondam constructum depingit, simulque Beneventum oppidum, tanto urbis miraculo superbiens, famaue in primis celebre, describit. Illustri Autor, Patritius Beneventanus & Sipontinus, Legum Doctor, & Archidiaconus Ecclesiæ Metropolitanæ, aliis jam scriptis editis nomen sibi peperit, in quibus unum inscribitur *Pinacotheca Beneventana*, continetque virorum qui doctrina ac virtutibus suis imprimis Beneventanam urbem decorarunt, vitas luculenter expositas; alterum Italico idiomate conscriptum sub titulo prodit; *Gladius Salomonis*. In limine præsentis scripti Beneventani Arcus effigies ea qua nunc conspicitur, forma ante oculos ponitur, cum inscriptione:

IMPERATORI. CÆSARI. DIVI. NERVÆ. FILIO  
NERVÆ. TRAJANO. OPTIMO. AUGUST.  
GERMANICO. DACICO. PONTIF. MAX. TRIB.  
BUN.

POTEST. XVIII. IMP. VII. COS. VI. P.P.  
FORTISSIMO. PRINCIPI. SENATUS P.Q.R.

p. 73.

In hac inscriptione multi verba illa *NERVÆ F. Nerva Fratri* legenda putant. Contrarium autem docet Cl. Autor, abruptas in inscriptione voces ita explens: *Imperatori Cæsari Divi Nervæ Filio, Nervæ Trajano, Optimo Augusto, Germanico, Dacico, Pontifici Maximo, Tribunis Potestatis Decimum Octavum, Imperatori Septimum, Consuli Sextum, Patriæ Patri, Fortissimo Principi, Senatus Populusque Romanus*. Ceterum Cl. Autor nobilissimum argumen-

mentum quinque capitibus absolvit. Cap. primo antiquam Beneventanæ urbis historiam exponit. Fuit olim Beneventum metropolis bellicosi Italiæ populi, qui Samnites vocatur; in coloniam postea Romanorum conversa. Fuit & Principum Longobardorum quondam sedes. Natales ejus origineinque, quam nonnulli Diomedæ Ætolæ Regi, alii idque minus recte, ex Autoris sententia, Æneæ Sylvio deberi censent, in annum 432 ante Romam conditam, ante Christum natum 1184, Chronologi rejiciunt: qua occasione Cl. Autor doctissimi Fratris sui *Jornandis de Nicastro* Historiam Beneventi IV Tomis divisam, nondum editam, sed jam dudum ab erudito orbe sollicitè expetitam, citat. Cap. II recentiorē Beneventi historiam æque doctè persequitur, in quo quidem *Thomasii Mariæ Alfani*, Ordinis Prædicatorum inque S. Theologiae Lectoris, mentionem injiciens, in animo illum habere ait, ad exemplum Emin. Cardinalis *de Aguirre*, Conciliorum in Hispania habitorum celeberrimi Collectoris, ea quæ in regno Neapolitano convocata sunt, Concilia collecta edere notisque suis illustrare. Inter cetera urbis memorabilia refertur a Nostro Beneventana Nux, circa quam certo tempore sagæ a longe disitis locis noctu convenire & convivia celebrare dicuntur. Etsi vero neget Cl. Autor, vel olim id factum esse, vel hodiernum fieri; cum Theologis tamen & Jctis Italiæ, Hispaniæ Germaniæque quam plurimis, rem extra dubium positam satisque probatam existimat, vere nonnunquam sagas, hirco vel aliis animalibus, vel arundini infidentes, de loco ad locum transferri. Palmarium, quo hoc confirmatum ivit, argumentum est, quia, quod bonis angelis *δὲ καλὸν* est, idem & malis denegari nequeat, cumque Augustini atque Gregorii auctoritatem opponant nonnulli, ostendit, secum potius facere istos Ecclesiæ Doctores, neque ex genuinis ipsorum scriptis opinionem hanc posse demonstrari, & cum in Canone *Episcopi* 26, ii, qui hujusmodi næniis anicularum fidem præbent, excommunicari videantur, non inveniri respondet hunc Canonem in Græcis Latinisque Concilii Ancyranæ exemplaribus, aut, si inveniat, non fuisse tamen universale illud Concilium sed provinciale, hoc est, particulare tantum. Cap. III pergit in enarranda recentiori Beneventani oppidi historia. Ubi inter alia eos refutat qui

p. 34.



P. 40.

60.

qui aerem Beneventanum minus salubrem esse putant, falseque Trajanum Boccalinum, hujus quondam urbis incolam, perstringit, quod in animadversionibus suis in Tacitum cives suos omnibus scelerum generibus deditissimos vocare non erubescat, quam memorem esse calumniam, ex odio atque invidia profectam, affirmat. Sequitur Cap. IV, in quo patria, præclaraque facinora Marci Ulp. Trajani XIV Imperatoris exponuntur. Sunt nonnulli scriptores historiarum minus periti, qui Imperatorem Trajanum Tuderti in Italia natum, memoriarum produnt. Sed egregie illi falluntur, quum urbs Turditana in Bætica Provincia illi natalis exstiterit. Germanici ac Dacici cognomentum inde tulit, quod ingenti Germanos Dacosque prælio victos ad internecionem usque delevit. Præter ceteros honores, a Populo Senatuque Romano illi decretos, posita ipsi fuit statua in Trajano foro ad Quirinalis collis, qui Viminali adjacet, radices sito, foro omnium celeberrimo, in quo & aliis summis in toga sagoque Viris statuarum olim ponebantur. Non debet autem hæc Trajani statua cum Antoniniana, ut sæpe fit, confundi. Victori a Parthis redeunti Parthici & Arabici titulus fuit a Romanis assignatus. Errant vero, Cl. Autore observante, doctissimi Diarii Italici scriptores, qui Beneventanum arcum Trajano fuisse tum erectum ajunt, quum victoriam a Parthis reportasset. Aperte namque inscriptio arcui adjuncta contradicit, in qua Trajano non Parthici sed Dacici ac Germanici cognomen datur, unde conficitur, post victoriam in Dacos Germanosque hunc illi honorem fuisse habitum. Ceterum cum Trajani animam post aliquot sæcula Gregorii Magni precibus ex inferno fuisse redemptam, plurimi Pontificiorum stolidè assirment, Damasceni & revelationum S. Brigittæ, spuriorum scriptorum, auctoritate fulti, falsissimum hoc esse, Cl. Autor judicat, quia probabile non sit, tantum Ecclesiæ Doctorem pro Cæsare adeo impuro & in vitia effuso ad Deum preces fudisse: non dubium enim esse, quin S. Gregorius, qui A. 604 adeoque quinto post Trajanum sæculo vixit, qualem se in Christianos gesserit, habuerit exploratum; ut plurima, quæ inde consequuntur, absurda & fundamenti fidei repugnantia silentio prætereamus. Capite tandem V usque ad finem Triumphalis arcus Trajani, dictus *Porta Aurca*, quæ moles



moles omnia reliqua monumenta Romanorum longe superat, ample enarratur, simulque inscriptio supra memorata quoad omnia verba erudite explicatur.

STATO DELLA S. CHIESA PAPALE LATERANENSE nell Anno 1723.

h. e.

STATUS ECCLESIAE PAPALIS LATERANENSIS Anno MDCCXXIII.

Romæ, in typographia S. Michaelis a Ripa grande, 1723, 4.

Alph. 1 plag. 3 fig. æn. 6.

CUM jam pridem optarint Eruditi, ut Templi Romani Lateranensis toto orbe celebrati monumenta, inscriptiones, ornatusque splendidissimus, a Panvinio, Mellinio, Severanio, Rasponio, Ciampino, aliisque Viris celeberrimis, in describendo hocce templo occupatis, prætermissa, accuratius exponerentur, opportune nunc prodit liber hic, Illustriss. Principi ac Cardinali *Benedicto Pamphilio*, Ecclesiæ Lateranensis Episcopo, inscriptus. Continet ille duo opuscula, quæ etsi non uno tempore neque ab iisdem autoribus confecta sint, ambo tamen isto consilio sunt scripta, ut rarissima quæque, in Lateranensi Templo hodie conspicienda, Lectoribus exhibeant. Prior tractatus Abbatem *Alexandrum Baldeschium*, posterior vero *Jobannem Mariam Crescimbenium*, Præfulem Ecclesiæ S. Mariæ in Cosmedin sacræ, variis jam præclaris ingenii fructibus inclutum, Autorem agnoscit. In ipso statim frontispicio insigne Pontificis, clavibus triplicique corona conspicuum, videtur, appositis his verbis: *Sacro sancta Lateranensis Ecclesia, omnium Urbis & orbis Ecclesiarum mater & caput*. Prius opusculum, a Baldeschii ingenio profectum, primariam Templi navem, ut vocant, describit. Inter alia monumenta positum hic vides Pontifici Martino V sepulchrum ex ære conflatum, cum inscriptione:

MARTINUS PAPA V.

SEDIT ANN. XIII. MENS. III. DIES XII.

R

OBIT

OBIIT A. MCCCCXXI. DIE XX. FEBRUARII  
TEMPORUM SUORUM FELICITAS.

Non procul ab eo sepulchro aliud quoddam conspicitur, Hanni-  
bali Albano erectum. In superiori portæ primariæ parte hæc le-  
gitur inscriptio:

INNOCENTIUS X.

PONT. MAX.

LATERANENSEM BASILICAM  
CONSTANTINI MAGNI IMPERATORIS  
RELIGIONE AC MUNIFICENTIA EXTRU-  
CTAM

SUMMORUMQUE PONTIFICUM PIETATE  
SAEPIUS INSTAURATAM

VETUSTATE IAM FATISCENTEM  
NOVA MOLITIONE AD VETEREM  
EX PARTE ADHUC STANTEM CONFOR-  
MATA

ORNATU SPLENDIDIORE RESTITUIT  
ANNO JUBILAEI VI.

PONT. VI.

Eodem hoc tempore in honorem Innocentii cusa moneta est, cujus figuram pag. 9 Clar. Autor expressit, uno in latere imaginem nomenque Pontificis, altero Basilicam exhibens, adscriptis his verbis DECOR DOMUS DOMINI. Frontispicio navis hæc inscripta: SUPER FUNDAMENTUM APOSTOLORUM ET PROPHETARUM. Quibus verbis ornata & moneta, quam Clemens XI pictoribus olim duodecim, quorum præclara in pingendis tabulis Basilicæ ornandæ destinatis fuerat opera, donavit. Tacemus imagines & ornamenta alia, quæ Pontificis hujus munificentia huic Templo illata sunt: neque operæ esse pretium ducimus, carmen, alioquin elegantissimum, in Clementis honorem a celebri Poeta quodam compositum, Brevesque ac Epistolas, a Clemente XI ædificationis Templi occasione scriptas, fusius commemorare. Sed potius ad posterius Clariss. Crescimbenii opusculum conversi, rariora ex eo deli-

delibabimus. Capite I varias templi appellationes, quibus nunc Constantinianum, nunc aureum, nunc Johannis Baptistæ, nunc Salvatoris dicitur, recenset, tantam ei dignitatem atque præcellentiam assignans, ut cum alias semper olim, tum hodie quoque primatus ac magisterium in reliquas omnes Ecclesias illi tribuatur. Cunque Regius in ea thronus positus sit, vel ideo dignam esse judicat, quæ Dei Regia dicatur. Primum porro hoc esse templum putat, quod Imperator Constantinus, sacro baptismatis fonte ablutus, extruxerit; &, quanquam sæpe a fundamentis disjectum ac restauratum, eadem tamen ad hunc usque diem materia eademque forma constare, qua Constantinus olim Imperator eam donaverit, minime dubitat. Versus Leoninos:

*Dogmate Papali datur ac simul Imperiali,  
Quod sim cunctarum mater caput Ecclesiarum.  
Hinc Salvatoris cælestia regna Datoris  
Nomine sanxerunt, cum cuncta peracta fuerunt;  
Sic sumus ex toto conversi supplice voto  
Nostra quod hæc Ædes tibi Christe sit incluta sedes.*

qui in limine porticus reperiuntur, quosque nonnulli, eo quo hanc Ecclesiam Silvester consecravit, tempore confectos fuisse conjiciunt, Noster censet a recentiori quodam Poeta profectos esse. In Porticu alio ad latus conspicuo extat inscriptio statutz, Henrici IV Galliz Regis memoriz possitz:

RAULO V. PONTIFICE MAX. SEDENTE  
ENRICO IV. FRANCORUM ET NAVARRO-  
RUM

REGI CHRISTIANISSIMO  
PIETATE ALTERI CLODOVEO  
VARIETATE PRAELIORUM CAROLO MAGNO  
AMPLIFICANDAE STUDIO RELIGIONIS  
SANCTO LUDOVICO GENERIS PROPAGA-  
TORI

STATUAM HANC AENEAM  
SACRO SANCTAE LATERANENSIS BASILICAE  
CAPITULUM ET CANONICI

ACTA ERUDITORUM  
 GRATI ANIMI MONUMENTUM  
 COLLOCANDAM CURARUNT  
 CAROLO DE NEUVILLE D.D'HALENCOURT  
 REGIO ORATORE ANNO MDCVIII.

Missis inscriptionibus Pauli Millinii, Julii Aquavivæ, Dominici  
 Maximi, Cæsaris Rasponii, Antonii Cardinalis Portugall. Sylvestri  
 II, Ant. Sanctorii, Hier. Casanatæ aliorumque; unam Alexandri  
 III hic addere non dubitamus:

ALEXANDRO III. PONT. MAX.  
 NOBILI BANDINELLA GENTE SENIS NATO  
 QUI DIFFICILLIMIS TEMPORIBUS EXIMIA

PIETATE SUMMA PRUDENTIA  
 AC DOCTRINA ECCLESIE PRÆFUIT ANNIS  
 XXII

INVICTA FORTITUDINE ATQUE CON-  
 STANTIA

APOSTOLICÆ SEDIS JURA  
 AUCTORITATEM DIGNITATEMQUE RE-  
 TINUIT

ET POST IMMENSOS LABORES  
 AC SOLLICITUDINES PACE PARTA  
 OECUMENICUM LATERANENSE CONCI-  
 LIUM

CELEBRVIT

SANCTISSIMAS DE ELIGENDO  
 SUMMO PONTIFICE

DEQUE VI ET AMBITU COERCENDO LE-  
 GES TULIT

THOMAM CANTUARIENSEM ANTISTITEM  
 BERNHARDUM CLARAE VALLIS ABBATEM  
 QUOS VIVENTES AMICISSIMOS HABUIT

ODOARDUM ANGLIAE

CANUTUM DANIAE REGES SANCTORUM  
 NUMERO ADSCRIPSIT

PLU.



MENSIS MARTII A.M.DCCXXV.

133

PLURIMISQUE ALIIS MAXIMIS REBUS  
GESTIS  
VITAE DEMUM ET GLORIAE CURSUM CON-  
FECIT

ANNO SAL. MCLXXXI. KAL. SEPT.  
ALEXANDER VII. PONT. MAX.  
NOMINIS ET MUNERIS  
IN ECCLESIA SUCCESSOR  
PONTIFICI TANTO  
CIVI SUO PIOS CINERES VENERATUS PO-  
SUIT.

De altari Pontificis Cap. VII agens Autor, notat, quod inter tot incendia, totque ruinas, Basilicam evertentes, divina providentia saluum ac intactum semper perstiterit. Nimirum idem illud altare ligneum superesse urget, in quo Princeps Apostolorum Petrus ejusque successores ad Sylvestrum usque rem sacram peregere: nec cuiquam, nisi Pontifici, ad illud accedere permissum. Habet hæc ara antiquissimas rarissimasque reliquias: in his Petri Paulique Apostolorum crania: quæ quidam S. Laurentii ecclesiæ, *sancta sanctorum* dictæ, plerique vero Basilicæ Lateranensi illata fuisse a Sylvestro, affirmant, quamvis certum interim Noster putet, sancta Apostolorum capita ab Urbano V in oratorio S. Laurentii A. 1367 inventa inque Basilicam Pontificiam translata esse, id quod publico instrumento, quod exhibet, demonstrat. Non potuit hoc tam Illustriss. Isabellam Galliarum Regis sororem adducere, ut hæc Apostolorum capita genuina esse crederet: quin potius suum, quod a Græcis dono acceperat, Pauli caput verum ac germanum putavit. Colligitur id manifesto ex epistola Clementis IV, quam ad eam dedit, quam, cum nusquam alibi legatur, tuis B. L. oculis subijcimus:

p. 98.

"Dilectæ Filiae in Christo, Nobili Mulieri, Isabellæ, charis-  
simi in Christo Filii nostri, illustris Regis Francorum, Germanarum."  
Sciās, Filia, Apostolorum capita Romæ indubitanter haberi,  
quæ fel. rec. Gregorius Papa IX, Prædecessor noster, de Sanctis  
Sanctorum suis manibus extrahens, Romano Populo patenter ex-

112.

R 3

hibuit,

hibuit, & in locum suum restituit, cum debita reverentia, presentibus & scientibus universis. Quod si forsitan Caput B. Pauli Apostoli apud te esse putas, depone conscientiam, ne fallaris, ne ponas scandalum Matri tuæ Romanæ Ecclesiæ, quæ deceptionem hujusmodi non posset æquanimiter tolerare. Si vero Græci aliquo tempore se illud habere dixerint, ne mireris: nam odio Latinos habentes facile tibi formaverunt mendacium, qui de fide mentiri catholica, quod est majus, minime dubitarunt. Bene igitur facies, si quid habes, dilecto Filio nostro, Simoni Tituli S. Cæcilie Presbytero Cardinali, Apostolicæ sedis Legato, nomine nostro reddideris, nobis perinde mittendum: ne, si ad alias manus devenit, possit inde cum erroris periculo scandalum suscitari. Datum Viterbii XIV Kal. Maj. Anno IV.,

Ceterum in eodem templo Petro & Paulo Apostolis statua dimidiæ ex argento purissimo conflata, gemmisque innumeris distincta, ab Urbano V Pont. posita, in quibus, dubium, quo casu, Paulus dextram, sinistram Petrus occupat, appenso etiam Pauli pectori nummo argenteo, cum inscriptione:

*Cedit Apostolicus Princeps tibi Paule, vocaris  
Nam dextra natus, vas, tuba clasa Deo.*

Sed de his Cl. Autor prolixius egit in Historia S. Mariæ in Cosmedin & S. Johannis ad Portam Latinam. Exponuntur inde indulgentiæ, quas Pontifex iis, qui Basilicam Lateranensem frequentant, iustoque tempore istas reliquias venerantur, indulget. Sed progredimur ad porticum Leoninam, a Leone I sic appellatam. In qua primo occurrit Fulvii Ursini sepulchrum elegantissima, sed prolixiori, quam ut hic repeti possit, inscriptione. Sepultus hic quoque Paulus V Pontifex M. cujus monumento hæc sunt addita:

PAULO V PONTIFICI MAXIMO  
ECCLESIASTICAE LIBERTATIS VINDICI  
VIRTUTIS REMUNERATORI  
OB REDEMPTUM A SPOLIORUM ONERE  
CLERUM ROMANUM  
GRATI ANIMI MONUMENTUM

LATE-

MENSIS MARTII A. MDCCXXV  
LATERANENSIS SACRO SANCTAE  
BASILICAE  
CANONICI POSUERE.

135

Nec negligenda in eadem Porticu Laurentii Vellæ Inscriptio sepulchralis:

LAURENTIO VALLAE HARUM AEDIIUM  
SACRARUM CANONICO  
ALPHONSI REGIS  
ET PONTIFICIS MAXIMI SECRETARIO  
APOSTOLICOQUE SCRIPTORI  
QUI SUA AETATE OMNES  
ELOQUENTIA SUPERAVIT  
CATARINA MATER FILIO  
PIENTISSIMO POSUIT  
VIXIT ANNOS L.  
OBIIT ANNO DCCCCLXV.  
AUGUSTI CALENDIS.

Cap. XII & XIII Clar. Autor primum & secundum imaginum ordinem, quæ in ea Ecclesiæ parte, quæ *Tribuna* Italis vocatur, reperiuntur, explicat: earumque figuras tabula quadam adjecta depingit. Spectabatur olim in hac templi regione Pontificis Cathedra sex gradibus innixa, quorum uni insidebant Leo, Draco, & Basiliscus, quo quidem alludebatur ad vaticinium illud Propheticum: *super aspidem & basiliscum ambulabis & conculcabis leonem & draconem*: infra vero scripti erant hi versus:

*Hæc est Papalis sedes & Pontificalis,  
Presidet & Christi de jure Vicarius isti,  
Et quia jure datur, sedes Romana vocatur,  
Nec debet vere nisi solus Papa sedere,  
Et quia sublimis, alii subduntur in imis.*

Denique Cap. XIV tertium picturarum ordinem enumerat; simulque omni studio id agit, ut supra memoratam Salvatoris imaginem non artificis manu elaboratam esse, sed subito per miraculum populo congregato apparuisse, demonstret. Quamvis scriptores,

ptores, ad quos provocat, vel anonymi, vel inventu sint rarissimi. Pancirolus vero in libro, quem *Tesori nascosti* h. e. thesauri absconditi vocat, in longe alia, quam ceteri dicunt, Ecclesiæ parte imaginem conspectam, ait. Cap. XV probere conatur, eandem imaginem esse, quæ hodie picta cernitur, cum ea, quæ olim apparuit. Cap. XVI de veneratione imaginis disserit, ejus æquitatem inde in ceteris probans, quod Regina Sueciæ, Christina, summo illam cultu affecerit.

**JO. ZACHARIÆ HILLIGERI, CHEMNIC.**  
*Ord. Phil. in Ac. Witteb. Ass. Institutiones Logicæ Eclecticæ, ex veterum & recentiorum Scriptorum monumentis studiose collectæ & brevibus Thesis ac perspicuis Ecthesis instructæ, in usum lectionum Academicarum, cum gemino Indice.*

Wittebergæ, apud Ge. Marc. Knochium, 1725, 8.

Plag. 17½.

**CL.** libri hujus Autor, qui in Academia Wittebergensi Philosophiam per septennium docuit, initio quidem cum Cl. Ridigeri tum Celeb. Buddei vestigiis instituisse se profitetur; ast successu temporis observans, hunc præsertim, *variis præjudicatis, novis & non satis limatis opinionibus sæpenumero teneri, quæ facile in juvenum animis insidere possunt*; ipse animum ad novum Logicæ Eclecticæ systema scribendum applicuit. Præmisit operi *Prothoriam generalem* de Philosophia generatim agentem, in qua definire Philosophiam ipsi placuit per *habitum, Intellectum cognitione veri, Voluntatem actione boni, atq; totum hominem utilissimis in vita artibus, ductu rectæ rationis, informantem atque perficientem, in singularem ejus felicitatem*. Post definitionis hujus explicationem, in Ecthesi subjunctam, sequitur divisio Philosophiæ nova, in *Instrumentalem & Directivam*: ad *Instrumentalem* pertinere asserit (1) Grammaticam, (2) Mathesin abstractam, (3) Logicam exotericam, (4) Historiam compendiarium, (5) Ethicam præliminarem, (6) Rhetoricam Progymnasiatricam atq; (7) Ontologiam. *Directiva* ab



Autore, more antiquioribus familiari, in Theoreticam, Practicam & Effectivam dispescitur, in quarum speciebus enumerandis multa occurrunt singularia, nobis brevitati studentibus non attingenda. In *Protheoria Speciali*, præter succinctam Logicæ historiam, inde a Zenone Eleate ad sua usque tempora deductam, ejus exhibet definitionem, docens, Logicam esse *doctrinam Luminis naturæ, quæ intellectus operationes speciatim tradit, earundem vitiis medetur, virtutes vicissim amplificat, atque adeo cogitationes convenienter formare, ab aliis formatas solide eruere, & proprias nervose cum aliis communicare ostendit.* Sequitur Logicæ ipsius Pars I, Autori *Rationalis* dicta, ut secundæ, quæ *Sermonalis* audit, contradistinguat. Medicorum methodus cum se probaverit ipsi, Capite I Sectionis primæ *Physiologiam* sive naturam intellectus in genere tradit, receptam de tribus mentis operationibus doctrinam proponit, & sequi. Cap. II, III & IV uberius explicat, ubi variatum in Peripateticorum tum recentiorum Logicorum scriptis obvia, satis prolixè partim adducta videas, partim etiam ex mente Autoris refutata. Doctrinam syllogisticam non probat tantum, sed quatuor etiam figuras ejus admittit, licet exempla nulla regulis suis interponere consultum duxerit. Cap. V de intellectus puri actibus agit, ac tres numerat, *Judicium, Ingenium & Memoriam*; impuri totidem addit, *imaginationem* nimirum, *phantasiam* & *memoriam sensualem*; in quibus explicandis Malebranchii fere sententiam secutus est. Sect. II *Nosologiam* Logicam proponit, & Cap. I de intellectus humani vitiis in genere agit, quæ cum a protoplastorum lapsu derivet, per rationem non nisi a posteriori cognosci ea posse, docet. Addit tamen & alias vitiorum intellectus causas, nempe constitutionem corporis, educationem, imitationem & conversationem cum aliis. Capita II, III & IV in exponendis singularum mentis operationum vitiis occupantur, quarum primæ Ignorantiam, mentis angustiam, Obscuritatem Confusionem & Errorem, secundæ Præjudicia, Dubitationem, & Fictionem, tertiæ tandem Sophismata, cum quoad materiam tum quoad formam talia, tribuit. Sequuntur Caput V vitia intellectus in actibus specialibus, puri nempe æque ac impuri, e. g. *Enthusiasmus* & *Fanaticismus*, quorum multæ species recensentur. Se-

ctione III *Hygienem* tractat Autor noster, ubi Cap. I de intellectus virtutibus in genere agit, & contra eos disputat, qui veram eruditionem sine pietate esse non posse, contendunt. In sequentibus Capitibus speciatim virtutes trium mentis operationum aggreditur; primæ claram, distinctam & adæquatam rerum cognitionem; secundæ judiciorum veritatem & cognitionis evidentiam; tertiæ convenientiam Syllogismorum in materia & forma &c. tribuens. Intellectus puri virtutem Cap. V facit abstractionem; Imaginationis convenientiam idearum cum objectis adæquatam, & quæ sunt reliqua. Sectio IV *Therapeveticam* proponit Logicam, ubi Capite I, emendationem non a voluntate, sed ab intellectu incipiendam esse, inculcat. Cap. II, III & IV ea, quæ cœpit, methodo singulis mentis operationibus sua præscribit remedia, actus speciales etiam ut a vitiis sibi familiaribus liberari possint, Cap. V docet, & sic Parti I Logicæ suæ finem facit.

Pars secunda *Sermonalis* Autori dicta, dimidio brevior est priori, agitque Sect. I de *Interpretatione*, cujus Cap. I naturam & indolem, Cap. II vitia, Cap. III virtutes & Cap. IV remedia exponit. Sectio II circa *disputandi artificium* versatur, & methodo semel recepta Cap. I de Disputationis natura & indole, Cap. II de disputantium vitiis, Cap. III de eorundem virtutibus, Cap. IV de Disputantium remediis, regulas non contemnendas & tironibus necessarias tradit. Laudanda est in Autore, quæ ubique in eo observatur, sentiendi libertas, qua in nullius magistri verba jurant, quicquid rectum, quicquid verum sibi videtur, defendit, & secus sentientes modeste refellit. Unde Logica hæc eclectica Academicis Lectionibus & ab aliis fundamenti loco substerni poterit, dummodo eadem, quam Autor secutus est, philosophandi libertate in eadem explicanda versari voluerint.

## MEMOIRES CHRONOLOGIQUES ET Dogmatiques &c.

i. e.

COMMENTARIII CHRONOLOGICI ET DO-  
gmatici ad inserviendum Historiæ Ecclesiasticæ ab An. 1600  
usque

usque ad A. 1716, una cum Observationibus & Disquisitionibus criticis.

*Volumina IV.*

A. MDCCXXIII, 12 maj.

Alph. 6 pl. 13.

**U**T de præfenti opere, cujus & Autor nobis, & locus impressionis ignoratur, quantum satis est, constare possit, principio summum monendum est, Commentarios hos nequaquam ad laudatissimum Tillemontii exemplum compositos, sed undique ex recenti rerum ecclesiasticarum memoria conflatos, & ita fere instructos esse, ut, memoratis ad singulos annos potioribus factis, plus propemodum subinde disputationi & affectui, quam fidei historiarum datum videatur. Liceat nobis illud quoque adjicere, quod ex prima operis lectione perspeximus, Autorem nempe, qui nimis in præfatione laudibus extollitur, & Gallum esse, atque in Galliarum regno degere, & ecclesiæ Romano-Catholicæ, in eaque Lojolitarum Ordini addictissimum esse. Quæ quidem Lectorem nostrum non nescire, haud parum refert. Sed agendum, perlustremus singula volumina, & quædam saltem inde afferamus. Pleraque enim omnia jam satis nota sunt. *Tomus I* ab A. 1600 usque ad 1626 procedit. Autor noster ad A. 1604 copiose nec sine propensissimi animi significatione de Edicto, quo hoc tempore Socii Jesu in Galliam restituti sunt, exponit, neque diffiteri potest, id vel maxime invito supremo Senatu regio factum esse, cum & Præses illius Harlaeus, & Advocatus generalis Servinus Societati isti plane adversarentur. A. 1605 obitum memorat Clementis VIII, & Leonis XI, cujus utriusque P. R. prioris maxime, laudes decantat. Quid Paulus V cum Venetis de Immunitate ecclesiastica, & cum Jacobo I M. Brit. Rege de Catholicis juramento non obstringendis egerit, prolixè enarrat: neque ipse tamen omnia isto in Pontifice probare videtur. Subjungit postea amplissimam historiam certaminis inter Dominicanos & Jesuitas de prædeterminatione & præmotione physica agitati, itemque Congregationum de Auxiliis, sed ita, ut aperte ordini saveat suo,

p. 18-30.

39 ff.

46-59

71-102.

- 104 sq. dissentientes invidia variisque suspicionibus oneret. Jus illud regium in Galliis, quod *Regale* vocant, describit, & fatetur, antiquissimum quidem illud esse, sed olim non perinde ac nunc amplificatum. De Thuano, ejusque Historia, ab officio Inquisitionis Romanæ damnata, agit, & quamvis autorem, ejusque mores, stylum ac eruditionem sic satis laudet, indignissime tamen fert, Thuanum Calvinistis amicum & tantum non Indifferentistam fuisse. Censuram Sorbonæ in Mornæi Mysterium iniquitatis (quem Autor noster *librum miserabilem* vocat) commemorat, eaque occasione ipsum Mornæum naso adunco excipit. Ad A. 1612 docet, quomodo in concilio provinciali Edmundi Richerii liber de potestate ecclesiastica & politica condemnatus fuerit, neq; ipsi Richerio parcat, de cujus morte, quæ Morisotus in Epistolis refert, refellit. Scripserat ille nimirum, Richerium, a P. Josepho S. J. ad prandium invitatum, cum comparuisset, a quatuor sicariis, pugionibus pectori ejus admotis, coactum fuisse retractationi, quam literis consignatam ipsi offerebant, subscribere, eumque ingenti terrore perculsum biduo post A. 1633 exspirasse. At Noster, Richerium anno integro & sex mensibus post factam retractationem & quidem jam A. 1631 d. 29 Novemb. decessisse, asserit.
242. A. 1617 effunditur Autor in historiam controversiæ de immaculata Conceptione B. M. V. & placet ei sententia, quæ placet ecclesiæ, ejusque parti potiori, riderque simul Quesnellium, & qui cum eo faciunt. Ad A. 1618 de auspicio Synodi Dordracenæ commentatur, jactatque, quantum inde commodi & præsidii pro ecclesia Romana ejusque auctoritate colligi possit. Mitimus plura alia.
- 14 sq. *Tomus II* ab A. 1627 usque ad 1665 pertingit. Sub initium statim occasione decreti cujusdam Carentonensis contra Lutheranos æque ac Calvinianos more suo disputat. De celeberrimo Mathematico, Galilæo, ejusque altera condemnatione Romæ facta differit, sed ita, ut mitiorem fere in partem inclinet. P. Scheinerum autem Galilæi delatorem fuisse, negat. Ad A. 1638 pluribus verbis de Abbate de S. Cyrano, & fatis ejus exponit, & ex rariore libro ejus: *Question Royale &c.* excerpta quædam inserit. Ad A. 1642 incipit Autor Jansenianas controversias enarrare, quarum
- 31 sq.
- 87-122.
- 149.



rum plenus inde omnis fere liber est. Imaginem quoque exhibet Innocentii X P. R. & de abjuratone Lutheraniſini exponit, a Chriſtina, Sueciæ Regina, facta, quam glorioſam vocat converſionem: neque tamen audet affirmare, Chriſtinam cum hac religionis mutatione mores quoque emendaſſe vitamque. Paſcalii Litteras Provinciales ita recenſet, ut, quod facile ſuſpiceris, abjectiſſime de iis pronuntiet, qua occasione Probabilium quoque defendit & emollit.

*Tomus III* complectitur hiſtoriam ab A. 1666 uſque ad 1694. Ad A. 1666 adducit Autor decretum Alexandri VII de attritione, ſimulque de hac ipſa doctrina diſputat. De eodem, quem diximus, Pontifice ſuſius agit, ejusque ingenium moresque deſcribit. Suppreſſionem Novi Teſtamenti Montibus editi copioſe commemorat, nec ſine affectu, qualem ab hujusmodi ſcriptore exſpectes. Docet, quomodo de libro Kempiani de Imitatione Jeſu Chriſti variis ſcriptis diſceptatum fuerit, ipſo quidem Autore rem fere in medio relincente, & de dubia MSS. fide conquerente. Commentationem illam: *Avis ſalutaires de la B. V. Marie a ſes devots indiscrets &c.* memorat, & more ſuo librum vocat miſerabilem. Quesnellianas controverſias primo quidem ob novam Opp. Leonis M. editionem, deinde ob Meditationes in N. T. acerbiffime excitatas referre incipit, ſed non ſine fuco. Michaellem de Molinos deſcribit, ejusque hiſtoriam breviter perſequitur. Innocentii XI P. R. imaginem exhibet. Decretum memorat Alexandri VIII contra errorem de peccato philoſophico, quem ipſum tamen haud parum mitigare conatur. Reliqua maximam partem ad Janſenium pertinent, & Arnaldum, niſi quod & de Dupinii Bibliotheca nova ſcriptorum Eccleſiaſticorum nonnulla commonet, & incertum, qua fide, teſtatur, Dupinium non ipſum verum Bibliothecæ illius autorem eſſe, ſed nomen tantum ſuum operi alieno commodaviſſe.

*Tomus* denique *IV* res in Eccleſia geſtas exhibet ab A. 1695 uſque ad finem A. 1715. Hunc enim annum, quo Ludovicus XIV exceſſit, operis ſui terminum ſtatuit. De Guyonia hic iterum, illiusque Teſtamento, agit. In Baillæum invehitur, eumque plane contemnit. De Actis Sanctorum, ab Inquiſitione Hiſpanica da-

- p. 106. minatis, & quid eam in rem disputatum sit, exponit. Noallium  
 118. 142. notat, qui Quesnellii N. T. probarat. Fenelonii, ob editum de Re-  
 143. gulis Sanctorum librum, fata commemorat. De Missione Indica  
 sic disputat, ut Socios suos ubique defendat. Consultationis Theo-  
 logi Helmstadiensis, A. 1707 in favorem ecclesiae Romano-Ca-  
 tholicae promulgatae meminit, quam perperam putat a non-  
 nullis, ipsoque Picteto, in dubium vocari, cum res ipsa negari  
 148. non possit. De Constitutione *Unigenitus*, ab Episcopis Gallicanis  
 Parisiis recepta, agit, ac reliqua quoque, quae de Constitutione  
 & Bulla Clementis XI in Gallias acta sunt, subinde porro, sed more  
 suo, explicat. Tandem in elogio Ludovici XIV desinit, quem  
 cum Constantino M. comparare haud veretur. Ceterum mone-  
 mus, Autorem passim P. Baelium fugillare, de quo non dubitat affir-  
 mare, cum reditum in Gallias ad professionem religionis R. Ca-  
 tholicae certis propositis conditionibus molitum esse, sed tulisse  
 repulsam. Eundem neque Protestantem, neque Christianum  
 omnino fuisse, existimat.

T. III.

p. 377.

## NOVA LITTERARIA.

**I**N Anglia nuper studium Artis Heraldicae ingens incrementum  
 Icepit. Prodiit enim anno superiori *Johannis Guillim* opus He-  
 raldicum, sexta editione, triplo quidem prioribus auctiore, &  
 innumeris fere insignibus aliisque figuris & iconibus, imprimis  
 Principum virorum, elegantissimis adornata, qua quid contineat-  
 ur, vel titulus satis prolixus docebit. Est vero hic: *A Display of*  
*Heraldry, by JOHN GUILLIM, Pursuivant at Arms. The sixth*  
*Edition, improved with large Additions of many hundred Coats*  
*of Arms, under their respective Bearings, with good Authorities*  
*from the Ashmolean Library, by Sir George Mackenzie &c. with his*  
*Traet of Precedency, containing all his Rules, Observations, Ar-*  
*guments, and chief Instances. To which is added a Treatise of Ho-*  
*nour military and civil, according to the Laws and Customs of*  
*England, by Capt. John Logan, illustrated with the Arms, Crests,*  
*Supporters and Motto's of the Royal Family, and Nobility: the Arms*  
*of the Sees of the English Bishops, and several of the Gentry, toge-*  
 ther

ther with the proper Habits of the different Degrees of the Nobility of England and the Emblems of the chief Orders of Knighthood in Europe, all fairly engraven on Copper Plates. Also an exact List of the Baronets, from their first Creation to this present Time, and most of their Arms blazoned: with an Account of the Customs, Government and Privileges of the City of London, the other Cities of England, and Shire-Towns of each County and their Arms. Likewise a Supplement of scarce Tracts relating to the Office of Arms, taken from authentic Copies: and a Dictionary explaining the several Terms used by Herald, in English, Latin and French. London 1724, f. Hoc opus dum Angli parent, prodiit in Scotia: A System of Heraldry Speculative and Practical: with the true Art of Blazon, according to the most approved Herald in Europe; illustrated with suitable Examples of Armorial Figures, and Achievements of the most considerable Surnames and Families in Scotland &c. together with historice and genealogical Memorials relative thereto. By ALEXANDER NISBET, Gent. Edinburgh. 1722, f. In hunc censum venire etiam poterit, vel eo nomine quod præmissa habet subscriptorum insignia 75, æri accurate incisa, opus elegantissimum, duobus Tomis absolvendum, quorum primus hoc titulo nuper prodiit: Westmonasterium, or the History and Antiquities of the Abbey - Church of S. Peters Westminster, containing an Account of its antient and modern Building, Endowments, Chappels, Altars, Reliquies, Customs, Priviledges, Forms of Governement &c. with the Copies of ancient Saxon Charters &c. and other Writings relating to it; together with a particular History of the Lives of the Abbats, collected from ancient MSS. of that Convent and Historians, and the Lives of the Deans of this Time; and also a Survey of the Church and Cloysters, taken in the Year 1723, with the Monuments there, which, with several Prospects of the Church, and other remarkable Things, are curiously engraven by the best Hands. In 2 Vol. By Mr. JOHN DART. To which is added Westminster Abbey, a Poem, by the same Author. Vol. I. London, fol. Opus est plane regium, figuris nitidissimis, si primum hunc tantum Tomum species, LXXIV illustratum, quæ non modo  
Anti-

Antiquariis, Historicis, Haraldicis, verum & Architectis & Pictoribus insignem usum præbere valeant. Qua occasione non possumus prætermittere, Cl. *Johannem le Neve* jam tum An. 1718 edere cœpisse librum non inelegantem, sub titulo: *Monumenta Anglicana, being Inscriptions on the Monuments of several eminent Persons, deduced into a Series of Time, by way of Annals*, cujus quinque hæcenus Volumina, si Supplementa computes, Virorum illustrium inde ab An. 1600 ad 1718 passim in Anglia demortuorum Inscriptiones sepulcrales complexa, in forma octava prodierunt, e quibus non modo Historia civilis, sed & Literaria Anglorum ingens capere incrementum poterit. Nes incommode ceteris hic jungere possumus librum nitidissimum variisque antiquitatis monumentis, sigillis, insignibus, tabulis genealogicis conspicuum, qui sub titulo: *Registrum Honoris de Richmond, exhibens terrarum & villarum, quæ quondam fuerunt Edwini Comitis infra Richmundshire Descriptionem: ex libro Domesday in Thesauria Domini Regis: nec non varias Extentas, Feoda Comitis, Feoda Militum, Relevia, Fines & Wardas, Inquisitiones, Compotas, Clamea, chartasque ad Richmondia Comitatum spectantes; omnia juxta exemplar antiquum in Bibliotheca Cottoniana asservatum exarata. Adjiciuntur in Appendice Chartæ aliæ, Observationes plurimæ, Genealogia & Indices ad opus illustrandum necessarii. Londini A. 1722 fol.* seu potius superiori demum anno editum, in quo id, quod ad impressionem attinet, singulare, quod ea, quæ ex Codice illo Cottoniano depromta sunt, pariter hic, ut ibi, minio ubique distinguuntur & exornantur.

Mediolani prodire Celeb. *Muratorii* Scriptorum rerum Italicarum Tomis V & VI, quos proximo M. Aprili excipiet Septimus. Ibidem prelo paratum est censuramque expectat opus pereruditum, cui titulus erit: *Lælii Palmæ, Jcti, Commentarii de Imperii Romani & Regni Italici cum Germania conjunctione, ex Historiarum monumentis deducti, & antiquis tabulis, partim nunquam antea, partim nunc accuratius editis, illustrati.* Fol.





# ACTA ERUDITORUM,

*publicata Lipsia*

*Calendis Aprilis Anno MDCCXXV.*

EDMUNDI MARTENE ET URSINI DURANDI, Presbyterorum & Monachorum Benedictinorum Congregatione S. Mauri, veterum Scriptorum & Monumentorum historicorum, dogmaticorum, moralium amplissima Collectio.

*Tomus I, II & III.*

Parisiis, apud Montalant, 1724, fol.

Alph. 29.

**N**on adeo effœta est res literaria, ut non adhuc egregia multa commodo eruditorum e tenebris in lucem proferri possint. Testantur id imprimis hoc exemplo Viri eruditissimi, *Edmundus Martene & Ursinus Durandus*, qui post editam, cujus in Act. A. 1718 p. 481 rationem habuimus, Anecdotorum Collectionem hanc novam Collectionem novem Tomis adornare satagunt. Congesserunt eam in itinere suo literario, quod suasu Illustrissimi Domini de Dagueffau, Franciæ Cancellarii, quod Andreæ Chesnii collectionem non rariorem tantum esse, verum & maxima sui parte augeri aptiorque ordine disponi posse observassent, adornandæ iterum historiæ Franciæ causa suscepserunt. Igitur non Belgium tantum & Ardennam, verum etiam, quæ his propiores sunt, Germaniæ partes perlustrarunt, & ex cartariis, Prumiensi, Trevirensi S. Maximini, Epternacensi S. Wilbrordi, Valciodurenfi, Stabulensi & aliis, quicquid ad rerum olim memorabiliter gestarum conservandam memoriam pertineret, descripserunt. Reversis in Galliam, cum nova appareret rerum facies, neque de historiæ Franciæ editione amplius cogitandum

T

esset,

esset, mutato consilio minora saltem monumenta colligere, & reipublicæ literariæ consignare, visum est operæ pretium.

Distribuerunt collectionem suam in quatuor classes, quarum prima tota est diplomatica & epistolaris, secunda historica, tertia & quarta moralis & dogmatica. Prima classis, quæ jam tum lucem adspexit, tres Tomos habet. Tomus primus miscellanea diplomatum & epistolarum virorum illustrium supra mille & trecenta complectitur. Videas in iis innumera manifesta, quæ antea tam in historia politica quam ecclesiastica spissis tegebantur tenebris. Ut ab historia Franciæ, imprimis politica, rem ordiamur, multa ex his supplementa accedere possunt Commentario Mabillonii de antiquis regum Francorum palatiis, quem libro IV de re diplomatica edidit, qui propter summam Viri accuratorem in iis quæ occupaverat, eruditorum omnium calculum meruit. Simili ratione emendari & augeri ex his egregie possunt, quæ Mabillonius de Regum Franciæ Notariis scripta reliquit; quod utrumque exemplis comprobatum daremus, nisi in his sufficere viderentur generalia materiarum *παρατάξεις*. Dabimus potius id historiæ patriæ nostræ, ut in ea Priapum illum Deorum omnium falacissimum a Slavis cultum, ex his literis doceamus. Narrant rem Adelgorius Archiepiscopus Magdeburgensis & ceteri in synodo Saxonica A. 1110 cum eo congregati Episcopi in literis, quas ad Episcopos Saxoniam, Franciam, Lotharingiam dederunt, p. 625, & quibus Concilium, pro tuenda religione & ad reprimendos infideles Slavos, qui facta irruptione in terras Albim fluvium adjacentes Christianos inauditis cruciatibus afficiebant, coactum profitentur. *Phanatici autem illorum quotiens comessionibus vacare libet, feriis indictis, capita inquirunt vult noster Pripegala. Hujusmodi fieri oportet sacrificia. Pripegala, ut ajunt, Priapus est, & Beelphegor impudicus. Tunc decollatis ante prophanationis suæ aras Christianis & horrendis vocibus ululantes, agamus, inquirunt, dies latitiæ, victus est Christus, vicit Pripegala victoriosissimus.* Ceterum negandum non est, imprimis ætati Regum Franciæ tertiæ stirpis insignia ornamenta accedere posse e diplomatibus, & epistolis hic editis. Unum enim Philippi Augusti, quo usi sunt Nostri, Cartarium ea fere exhibet, quæ annis amplius cen-

centum gesta sunt in regno Franciæ bella, pacis tractatus, integras fere provincias armis aut fœderibus comparatas, fœdera ipsa, matrimonia, testamenta, aliaque multa, quæ omisere scriptores, vel levissime tractavere. Ut ab observationibus politicis ad ecclesiasticas transeamus, multorum hic Conciliorum memoria superest, quorum aut nulla, aut parum accurata, neque satis integra historia in vulgatis omnibus Conciliorum editionibus occurrit. Sic A. 888 celebrata fuit Moguntinæ Synodus tempore Arnulphi Imperatoris, cujus quidem canones protulere doctissimi Editores, at de numero & nomine Episcoporum illam celebrantium altum apud eos silentium. Verum ex diplomate Frederici Colonienſis Archiepiscopi pro Corbejæ novæ monasterio p. 661 discimus, Præfules tantum novendecim cum vicelimo Wiliberto, Archiepiscopo Colonienſi, huic Concilio interfuisse, quorum omnia nomina profert solenne decretum, quo sua Corbejenſi & Herivordenſi Monasteriis privilegia aſſeruntur. Adſunt deinde nonnulla, quæ juvando ſtudio Juris Canonici & hiſtoriæ Pontificum utilia eſſe poſſunt. Huc pertinent Nicolai I Papæ epiſtola ad Episcopos Germaniæ, p. 149, de parricidis & fratricidis pœnitentibus, & de conſanguinitatis gradibus matrimonium dirimentibus, & Urbani II epiſtola ad Salzburgenſem aliosque de electione ſua, quæ A. 1088 III Id. Martii contigit, & quæ eo magis notabilis eſt, quod de creatione Urbani, quæ per ſchiſma ſine requiſitione conſenſus Imperatoris Henrici IV facta eſt, multa continet, quæ aut leguntur nuſquam, aut plane aliter referuntur, quare magno ſe earum videndarum deſiderio ferri olim profeſſus eſt Baronius. Porro hiſtoriæ etiam Episcoporum multum lucis ex monumentorum horum collatione accedere poteſt, cum haud pauci in medium proferantur antea ignoti, aliorum vero patria, natalis & res geſtæ detegantur: quod exemplis eccleſiarum, Trevirenſis, Metenſis, Moguntinæ, Paderbornenſis, Argentinæ, Halberſtadenſis, Colonienſis, Leodiſenſis & aliarum oſtendere, ſi vacaret, proclive eſſet. Denique hiſtoria etiam monaſteriorum & Sanctorum, imprimis S. Bernardi, & S. Nicolai, notarii ejus, mire inde illuſtrantur. Exhibentur inter hæc quædam, quæ ab aliis haud genuina aut mutilata edita erant, ſincera & integra, quo pertinet te-

tum S. Irminæ, p. 9, quod Christophorus Browerus deflexis in prioriorem latinitatem verbis ediderat. Injiciunt Collectores ejus occasione mentionem in præfatione p. 72 epistolæ Episcoporum in Concilio Papiensi congregatorum de electione Victoris Antipapæ, a Goldasto editæ, sed truncatæ maxima ex parte, inprimis vero eo in loco, ubi *Romana ecclesia mater & caput omnium ecclesiarum* dicitur, quæ Collectores Goldastum partis studio omisisse censent, forte immerito, cum in exemplar mutilum incidisse potuerit. Proinde illiberale & ab indole studii literarii, quod mores emollire deberet, alienum est, quod fidem Goldasti ac Protestantium accusant. Quid enim dicetis, o boni, de Abbate illo vestro monasterii Farsensis, quem in Chronico a Mabillonio edito, Musei Italici T. I parte posteriore p. 58, legimus, diploma protulisse, pro causa sua asserenda, quod statim falsitatis convictum sit. Quam foret incivile, si quis vos imitari, & hoc argumento uti ad concitandam omnibus religiosis invidiam vellet.

In Tomo II comparent *primo* vetera monimenta Imperialis Monasterii Stabulensis in Arduenna. Hujus primi Abbates, quod dignum notatu, fuerunt simul Episcopi, & utroque nomine maclantur in antiquissimis hujus collectionis epistolis. Possis ex his monumentis multum augere Abbatum Stabulensium catalogum, quem olim Mabillonius texuit: narratur enim in iis, quicquid in Stabulensi monasterio contigit memorabile annis sexcentis, quo pertinent primordia ejus, progressus & excidia, Abbatum mores & conditiones variæ, frequentes regularis disciplinæ defectiones, ejus reparationes, singulæ denique rerum mutationes. *Secundo* Wibaldi, Abbatis Stabulensis & Corbejensis, Epistolæ, quæ eventus rerum insigniores XII ferme sæculi attingunt, Eugenii Papæ III adventum in Gallias, procuratas ab ipso expeditiones, alteram in Orientem adversus infideles, alteram in Slavos in Germania, celebrata ab eodem Pontifice concilia duo, unum Treviris, alterum Remis. His accedit Conradi fœdus cum Emanuele Constantinopolitano Imperatore adversus Rogerium Siciliæ Regem, Filii ejus Henrici Romanorum Regis victoriæ in Welfum, Friderici I creatio, primordia ejus Imperii, plurimarum denique rerum cum ecclesiasticarum tum civilium, sed Coloniensium



ensium maxime, Moguntinarum, Leodiensium, Bremensium, iuno & Polonicarum continuata series. *Tertio* registrum Epistolarum Alexandri Papæ III & aliorum Pontificum, quibus historia cum ecclesiastica, tum civilis, præsertim Francica, & Ludovici VII Francorum Regis fratrisq; ejus Henrici Remensis Archiepiscopi atque insigniorum quorundam Principum acta illustrantur: sedes etiam episcopales, res monasticæ, ecclesiastica disciplina & ritus sacri sæpe enarrantur. *Quarto* Epistolæ variorum ad S. Hildegardem cum ejusdem ad eos responsis. Hæ epistolæ pleræque iidem historicæ sunt, & modo de schismate ab Alexandro III adversus Victorem IV suscitato, modo de instauratione disciplinæ regularis in collapsis Monasteriis agunt. *Quinto* Friderici II Imperatoris Epistolæ varix, quas olim collegit Petrus de Vineis ejus Cancellarius. Repetierunt Collectores hic editionem, quam Mabillonius e codice manuscripto Christianæ Reginae Sueciæ, collato cum editionibus impressis, evulgavit. Sequuntur Summaria privilegiorum ecclesiæ Romanæ, quæ Innocentius papa IV in concilio Lugdunensi in Gallia, cum Fridericum II throno suo exturbare constituisset, quadraginta Prælatorum sigillis obsignata, diversis in locis asservari jussit. Summaria hæc tantum hodie supersunt, quæ ex bibliotheca Cardinalis Ottonboni, qui postea fuit Alexander Papa VIII, eruit Mabillonius. *Sexto* Epistolæ Pontificum, Clementis IV, Gregorii X, Nicolai III & Nicolai IV, selectæ, quas partim ex codicibus Italicis describi curavit Mabillonius, partim Collectores nostri ex Colbertinis acceperunt. *Septimo* Epistolæ selectæ Joh. de Montherolio, Præpositi Insulensis ac Caroli VI Franciæ Regis Secretarii, quibus hæc Regis tempora illustrantur. *Octavo* denique excerpta ex Sixti IV Papæ registro anni 1474, quibus quæ tum in Europa gesta sunt, elucescunt.

Tomus tertius exhibet primo Ambrosii, Sacræ Eremitæ Camaldulensis Prioris ac totius ordinis Præpositi generalis, Epistolarum libros XX. Agunt de vita ejus amplissime Collectores in præfatione huic Tomo præmissa, ejusque inter cetera ad Concilium Basileense legationem illustrant. Epistolas has ex quatuor codicibus Italiæ collegit Mabillonius. Testes sunt eæ luculentissimæ, quibus artibus e tenebris barbarici instauratæ sint literæ,

cum eo tempore scriptæ sint, quo bonarum artium studiis excellentium ingeniorum ferax extitit Italia, cum quorum plerisque literarum commercium intercessit Ambrosio nostro. *Secundo* Epistolæ selectæ Alberti Sarthianensis, ordinis Minorum Vicarii generalis. *Tertio* Petri Delphini, Camaldulensis ordinis, Epistolæ. *Quarto* Ægidii Viterbiensis, Thomæ Volsæi Cardinalis Eboracensis, & Alfonsi Ciacconii Epistolæ, quibus de momentis plerumq; criticis & philosophicis, interdum etiam negotiis civilibus inter se verba miscent. Ceterum integer Tomus hic, epistolas virorum sæculi XV clarissimorum continens, totus est Mabillonii, qui eas olim summo studio in Italia collegerat. Dederunt operam Collectores, ut, quod in monumentis his obscurum videretur, annotationibus suis planum facerent, qui & commodis lectorum diligenti præfatione in limine uniuscujusvis Tomi & indice in calce prospexere. Monuerunt etiam, si qua ab aliis diplomata antea edita novissent. Multa autem præterea exstant in Collectionibus in Germania editis, prout vel solum Spicilegium Ecclesiasticum Cl. *Lunigii* conferentibus patebit.

### Sächsishe Merkwürdigkeiten.

id est,

### MEMORABILIA SAXONICA, SEU HISTORIA Saxonie Antiqua, Media & Nova.

Lipsiæ, apud Maurit. Georg. Weidmann, 1724, 4.

Alph. 6 pl. 9.

**C**UM dudum in votis habuerint historiarum cupidi, ut historia Saxonica more hodierno paullo solertius perpolita & probis testibus firmata in publicum prodiret, cujus rei spem vanam nonnulli augurabantur, haud infelici nuper successu negotium hoc suscepit Anonymus operis hujus Autor, qui eo imprimis animum intendit, ut Corpus historię Saxonice, quantum potis erat, absolutum, nec tamen mole sua nimis laborans, ex Autoribus & monumentis optimis, quorum copiosum satis numerum recenset in Præfatione, compilaret, fontes ubi-

ubique adderet, & subjunctis annotationibus, ab erroribus præsertim Chronologicis atque Genealogicis historiam sedulo purgaret. Ut cognoscamus ex ungue leonem, singularia quædam breviter decerpemus. Ptolemæus primus Saxonum mentionem fecit. Anglorum, qui ab Angulo mundi, vel Polo, vel hamo i. e. *Angel*, sunt nuncupati, am meminit *Tacitus Germ. c. 40*. Plures e Saxonibus, Britannia Dominis, prodierunt familiae illustres, inter quas memorantur *Flaminii* seu *Flemmingi*, quorum e posteris unus ex Anglia redux medio ævo terras gentis suæ in Pomerania fitas sibi vindicavit. Genealogia Witekindæ multis dubiis obvoluta; unde nec Imperatores Saxonicos, nisi forsan ex Gisela, Witekindi filia, derivandos, nec sat tuto Saxoniam nunc felicissime imperantis origines inde deducendas censet Noster, Eccardi sententiam, a nobis A. 1722 M. Mart. p. 98 propositam, secutus, *Orto M.* Saxoniam Transalbinam tantum jure hæreditario concessit Hermannō Billingo, reliqua terra sibi retenta, donec extinctis Ottonum posteris omnis Saxonia ad Billingianos devolveretur. *Albertus Degener*, patre adhuc vivo, Kunegundem duxit in matrimonium. *Fridericus Admorsus*, a Brandenburgicis captus, Plisnensium virtute liberatus est, quandoquidem illi antequam hi promissi fidem fecissent, inconsulto Fridericum in viciniam Altenburgi adduxerant, unde violatæ fidei reus, ob conditiones haud servatas, frustra incusatur. Dicemannus, ut ab insidiis Præfulum Misnicorum sibi caveret, clam monitus, suo damno id neglexit. Ex *Friderici Sapientis* diplomate probatur, Vicariatum Saxonicum a Mareschallatu ortum, & A.B. fuisse longe antiquiorem. Idem A. 1507 non Vicarii, sed Locumtenentis Imperii vices gessit; ejusque curæ debetur, quod, abolito idiomate Latino, Germanica lingua primum in Cancellaria introduceretur; etsi primus inter Principes Saxoniam literis operam navare dignatus sit. *Jo. Friderico* Electori, artis militaris minus gnaro, culpa melioris fortunæ prope Ingolstadtum neglectæ tribuitur; idem non invitus, ut quidam sibi finxerunt, sed conventis prius cum Imperatore pactis, libertatem obtinuit. Strauchius rusticola, qui vadum Cæsareanis Albim transeuntibus monstraverat, binos equos, 100 coronatos, & usumfructum prædii Borschi-

P. 2.

54.

57.

134 sq.

152.

254.

184.

318.

344.

354.

426.

436.

441.

442.

473.

488. 769.

478.

- P. 528. schizensis ad dies vitæ præmium tulit. Nullum, qui *Jo. Casimiro* divortium suavit, felici fato defunctum, ex *Nic. Rebhahnii hist. Isenac. Eccles. MSCta* notatur. Carmen Heroicum rarissimum
664. *Jo. Wimpina de vita Alberti Animosi, Lipsia 1497* excusum, typis denuo vulgandum commendat Autor, id quod præstabit Cl. Menckenius noster in Collectione Scriptorum rerum Saxon. Misnic.
789. &c. quam proxime typis subjiciet. Carolum V Imperatorem & Ferdinandum Regem Rom. diu hæsitantes, tandem ad pacem Religionis pangendam eo consilio permovit *Augustus* Elector, quod alia ratione haud obtineri posse auxilia contra Turcas, doceret; num
825. vero lapidem Philosophorum invenerit idem Augustus, quod ex
875. ipsius literis probare satagunt, nostrum non est dijudicare. Annam Conjugem, vel quod nimis videretur imperiosa, vel quod dissidiis Religionis se immisceret, paullo ante obitum Augusti gratia fere excidisse, uti nonnulli existimant, alii rectius negarunt. Morte
875. *Christiani. II* audita, Rudolphus II Imperator adeo perculsus fertur, ut toto corpore perhorresceret: eundem vero Electorem, a calumniis quorundam vindicatum, sobria placidaque morte obiisse, demonstrat Autor. Josephus Imp. Jus expectativæ in Frisiam Orientalem concessit Regi nostro Potentissimo, Electori Saxoniz, quod Carolus VI Imp. confirmavit. Ceterum lubet & dubia
1085. quædam, quæ nobis obvenerunt, paucis subjicere. Ottonem M. Imperatorem in Fioniam penetrasse, & Ottonium de suo nomine ibi condidisse, ut Noster quidem arbitratur, alii non levibus adducti argumentis negant. Eundem Episcopis jura secularia primum concessisse, haud omnes sibi persuadebunt. Libelli: *Sachsen Lauburgischer Stammsfall*, autorem Christ. Frid. Franckensteini-um nostratem haud fuisse, certo compertum habemus, quippe qui Imman. Webero, Prof. Gieslensi, meliori jure ab aliis tribuitur.
338. Albertum Austriacum sua manu peremisse Adolphum Imperatorem, apud Scriptores coæos vix invenias. *Jo. Fridericum II*, Saxoniz Ducem, Gotha capta, non Dresdam, sed Misenam fuisse deductum, plerique tradunt. Principem Juniores Hilpershusanum non Josephum Marianum, sed Josephum Annam nominari, relatum accepimus. Quæ de Henrico Pio I Freidigerus inique, nec sine calumniæ suspitione effutivit, a *Frid. Strunzio* in Oratione



done Vitebergæ A. 1714 habita, ibidemque typis expressa, satis confutata sunt. Ceterum nihil magnopere in Historia desideramus, nisi quod optandum fuisset, ut Autori summa controversiarum & transactionum illustrium capita repetere, & in rebus dubiis sententiam suam expromere libuisset.

**ANASTASII DE VITIS PONTIFICUM A**  
*Petro Apostolo ad S. Silvestrum, cum notis Variorum. Sub*  
*Auspiciis Sanctissimi Domini nostri INNOCEN-*  
*TII XIII Pontificis Opt. Max.*

**Tomus II.**

Romæ, ex typogr. Vaticana, apud Jo. Mar. Salvioni, 1723, f.

Alph. 6 Tabb. æn. 6.

**A** Anastasius, Bibliothecarius quondam Vaticanæ, quantum de æde Romana meruerit libro *de vitis Pontificum*, inter cætera argumenta satis luculenter indicat editio splendidissima, quæ annis proxime elapsis, auspiciis Clementis XI & Innocentii XIII, P. P. M. M. a V. C. Francisco Blanchino, Veronensi, Prælato domestico Innocentii XIII, nuper adornata est. Tomum priorum, quo Anastasii imprimis contextus continebatur, annus 1718 nobis præstitit; ejusque rationem habuimus in Act. A. 1719 p. 425. Nunc diligentiam nostram desiderat Tomus secundus, quem Innocentio XIII P. M. gratitudinis lege nuncupavit Joannes Maria Salvioni, Typographus Vaticanus. Continentur eo primo Francisci Blanchini prolegomena, quæ, si separatim compingantur, justi voluminis molem efficere possunt; secundo variorum in Anastasium notæ. Sequemur editionis ordinem, & inde de prologomenis primum dispiciemus. Exhibetur iis *primo* Catalogus Pontificum Romanorum antiquissimus, sub Liberio Papa, sæculo quarto collectus, tanquam basis & fundamentum historiæ Pontificalis. Ediderat eum olim Cuspinianus in *Fastis* & Ægidius Bucherius *Commentario in Canonem Paschalem Victorii* p. 269 sequ. qui & alia eademque brevissima opuscula de *depositione Episcoporum & Martyrum* adjecit, quæ typis itidem

repetierunt editores. Hunc Catalogum erudito Commentario illustrat laudatus Blanchinus. *Secundo Catalogi* tres Episcoporum Romanæ urbis, quos olim edidit Schelstratenius in *Appendice ad Opus Chronologicum*, cum duobus aliis e Mabillonii *Analectis* descriptis. Quibus omnibus notas suas adjecit Blanchinus. *Tertio* Emanuelis a Schelstraten, Belgæ & Canonici primum Antwerpiensis deinde bibliothecæ Vaticanæ Præfecti primarii, dissertatio de antiqui Romanorum Pontificum Catalogis, ex quibus Liber Pontificalis concinnatus fuit, & de Libri Pontificalis autore & præstantia, cum Blanchini appendice, quo inter ceteras observationes rei diplomaticæ amatoribus specimen donationis Caroli M. ex Farnesiano codice, eodem fere sæculo scripto, offertur. *Quarto* ejusdem Blanchini dissertatio de antiquis Romanorum Pontificum catalogis, eorumq; comparatione & delectu instituendo, ex genuinis documentis Romanæ ecclesiæ, ad usum Historiæ & Chronologiæ. Scilicet cum nondum omnia a Cl. Schelstratenio in hoc argumento adeo exhausta Blanchinus existimaret, quin suæ diligentia multa adhuc relictæ essent, inquirendum sibi sumfit in historiam & chronologiam Paparum, qui patriarchalibus in Basilicis urbis, Lateranensi, Vaticana & S. Pauli in Ostiensi depicti antiquitus visebantur. *Quinto* opuscula tria chronologica, ex archivo Farvensi ab eodem Blanchino nunc primum edita. Primum, ex codice membranaceo circa finem XI sæculi scripto depromptum, complectitur epochas Imperatorum, a Julio Cæsare ad Henricum III, insertis etiam Regibus Gothis & Longobardis, qui Italiæ imperarunt, nec non Principibus ejusdem gentis Longobardicæ, tam ante quam post Desiderium Regem. Alterum opusculum sistit Catalogum Pontificum a S. Petro ad Benedictum III, ex regesto Gregorii Monachi Casinensis, perductum ex anno Chr. 661 ad A. 1140. Ex eodem regesto desumptum est tertium opusculum, Chronicon scilicet a Gregorio Casinensi, monacho Farvensi, collectum ex diplomatibus Pontificum Romanorum, Imperatorum, Regum Longobardorum, Ducum, Comitum aliisque publicis tabulis ibi asservatis, ex anno 660 ad annum 1098, in quo apparet series Pontificum Romanorum, Imperatorum, Regum, Ducum, nec non ejusdem cœnobii Abbatum, per singulos annos *Æræ*  
Chri-

Christi distinctos, cum notis Indictionum. *Sexto* Descriptio regionum Urbis. Hanc ideo adjecit Blanchinus, quod difficile est in lectione Anastasiana versari sine aliqua notitia ædium sacrarum, cœmeteriorum, viarum aliorumque urbis Romanæ ornamentorum, quæ longa ætas destruxit atque diruit. Est autem illud opusculum recensio præcipuorum locorum memorabilium dextra lævaque occurrentium, tum intra muros urbis Romæ, tum in suburbanis, juxta ductum viarum. Reperit illud celebris veterum codicum vindex Mabillonius in bibliotheca Monasterii Einsidlenfis in Helvetia, idque retulit inter Analecta veteris antiquitatis T. IV p. 506; ex quo descripsit Editor, suamque ei appendicem adjecit. *Septimo* enumeratio topographica cœmeteriorum martyrum prope Urbem, desumpta ex historia Malmesburiensi circa finem sæculi undecimi. *Octavo* denique Chronologia Pontificia, Cæsarea & Consularis, a Julio Cæsare ad S. Silvestrem Papam, disposita per Franciscum Blanchinum secundum annos Romanorum civiles, comparatos Æræ Christi communi & periodo Julianæ Scaligeri. Adjecit huic chronologiæ Blanchinus lapides duos, illustrandæ temporum seriei; unum Latinum, alterum Græcum. Latinus, in litore Antriati ante annos aliquot inventus, exhibet fragmentum Kalendarii Juliani complectens semestre posterius anni a Kalendis Juliis ad Kalendas Januarias, quo multa illustriora gesta Cæsaris & Augusti ad certos dies referuntur, in quibus & dies victoriæ Pharsalicæ V Idus Augusti, olim ignotus. Lapis Græcus exhibet Epistolam Tyrriorum, apud Puteolos degentium, quam ex schedis Pighii haud satis accurate olim ediderat Gruterus, cum in editione ejus, ea quoque quam Batavi recudi fecere, oblitteratum sit Æræ Tyrriorum monumentum.

Pergimus ad Partem secundam hujus Tomi secundi, qua notas & observationes variorum ad Anastasium contineri, supraannotavimus. Præmittuntur iis in singulis Pontificibus verba Anastasii, ex priori editione repetita, singulisque versibus in margine nomina apponuntur eorum, quorum notæ deinde ordine nominum Alphabetico subjiciuntur. Harum quædam alias editæ sunt; aliæ nunc primum in lucem prodeunt. Quæ nunc primum eduntur, signo stellæ notabimus. Sunt vero Autorum sequen-

tium: 1 Emanuelis a Schellstraten (quem supra laudavimus) ex Tomo I Antiquitatis Ecclesię; 2 Antonii Dadini Altaferri, Galli, Professoris Juris in universitate Tolosana; 3 Severini Binii, Ecclesię metropolitanę Colonienfis Canonici, & Philippi Labbei, Soc. Jesu Theologi, selectę ex editionibus, quas fecerunt, Conciliorum; 4 Francisci Bencii, Pręfecti bibliothecę in Collegio Urbano de propaganda fide; \* 5 Francisci Blanchini, cujus fere industria, ut supra monuimus, cetera omnia evaluerunt; \* 6 Alphonsi Ciacconii selectę ex vitis, quas reliquit, summorum Pontificum & Cardinalium; 7 Francisci Pagii excerptę ex tribus ejus Tomis gestorum Pontificum Romanorum; 8 Joannis Claudii Somierii, Doctoris Theologi, Sereniss. Lotharingę Duci a consiliis sanctioribus, selectę ex Historia dogmatica S. Sedis, Gallico idiomate ab Autore editę, Latine redditę, eidemque Romę agenti in hac versione recognitę & probatę. Inter has variorum observationes quin judicio, accuratione & eruditione pręcipuę sint ex Francisci Blanchini, nemini dubium esse debet; quare diu nobis deliberandum non erit, an ex alio magis quam ex ipso specimina nostra delibanda sint. Censemus vero, recte nos initium ducere posse a vexata illa chronologia annorum Petri, in qua adstruenda mire defudavit Vir Clarissimus. Igitur ex ipsius calculo CHRISTUS DOMINUS NOSTER, cum duobus Geminis Romę Coss. anno bissextili ęrę communis 28 V Kal. Aprilis resurrexisset a mortuis, paulo post in apparitione apud Capernaum Petro Pontificis maximi munus seu ecclesię universalis regimen & Episcopatum, ante promissum, contulit verbis, *pasce oves meas*, Joh. XXI, primusque proinde annus Petri Pontificis completur circa finem mensis Aprilis anni sequentis ęrę communis 29. Refertur vero postremum Pascha ante martirium a Petro celebratum in catalogo Liberii, Pontificis ęvo, id est, sæculo quarto contexto, ad consules Nervam & Vestinum, qui consules signant annum vulgaris ęrę Christi 65, iisdemque Coss. tertio Kal. Julii, Petrus Romę pro evangelio cruci affixus est: ex quibus consequitur, Petro tribuendos esse Episcopatus annos 37 & menses duos circiter, quot etiam S. Hieronymus enumerat in lib. de Script. ecclesiasticis. Ex his annis 37 duodecim in Oriente impendit il-

lius



lius tractus ecclesiis ordinandis, antequam Romam veniret, conjectura ducta ex Euseb. Hist. Eccl. L. V C. 18, ubi Apollonius, secundi sæculi Scriptor Ecclesiasticus, tanquam ex veteri traditione refert, Dominum Apostolis suis præcepisse, ne intra XII annos Hierosolymis sive, quod idem videtur Blanchino, Syriæ, cui Hierosolymæ suberant, excederent ad Episcopatus alibi constituendos. His ita præmissis, anno quinto Constitutionem sedis Antiochenæ a B. Petro factam tribuit Blanchinus, idque auctoritate S. Gregorii & Clementis Alexandrini, qui Petrum Antiochiæ septem annis, antequam Romam digrederetur, sedisse affirmant. Quæ si ita essent, commode in catalogis veteribus B. Petro tribuerentur anni 25 acti in sede Romana, cum hic numerus superfit, si a 37 demantur 12. Retulimus hæc bona fide, eorumque dijudicationem iis relinquinus, quibus cum Friderico Spanhemio & Jacobo Basnagio de Petri Romam adventu, ejusque sedis annis alia plane stat sententia. Progredimur ad observationes Ecclesiæ antiquarias. Narrat Anastasius in vita S. Lini, successoris B. Petri, Linum ex præcepto B. Petri constituisse, *ut mulier velato capite in ecclesiam introiret*. Observat Blanchinus, quod Paulus Corinthi per literas præceperit, hoc Petrum Romæ sancivisse, idque primo honestatis causa, præcavendis paganorum contra Christianos calumniis, ac si ad Thyestæas cœnas, & scelerata convivia convenirent, deinde etiam compescendæ impudentiæ muliebri ac superbæ, ne scilicet se quoque sacerdotii novæ legis participes arbitrarentur. Scilicet, cum Diaconissarum ministerio uterentur fideles imprimis in circumtegendis feminis, ad baptismi fontem accessuris, & adolescentularum cura, quibus etiam in repetitionibus eorum aderant, quæ a Catechistis audivissent, periculum fuisse, ne sibi quoque sacerdotii, solis viris concessi, dignitatem arrogarent. Esse hujus audaciæ exemplum in literis S. Firmiliani ad S. Cyprianum: *Inter cetera, inquit, quibus plurimos deciperat, hoc etiam frequenter ausa est, ut invocatione non contemptibili sanctificare se panem & eucharistiam facere simularet, & sacrificium Domini sine sacramento solita precationis offerret. Baptizavit quoque multos, usitata & legitima verba interrogationis usurpans, ut nihil discrepare ab Evangelica regula videretur*

Ad vitam Alexandri, anno Christi 121 sub Adriano Pontificatum Romanum gerentis, qua Anastasius, *hic constituit ait aquam asperſionis cum ſale benedici in habitaculis hominum*: ideo ſalis admixtionem benedictioni junctam arbitratur Blanchinus, quod in veteri ſœdere nulla oblatio fieret niſi adjecto ſale, quod præceperit Dominus Levitici II, 13: *Quicquid obtuleris ſacrificii, ſale condies: nec auferes ſal ſœderis Dei tui de ſacrificio tuo: in omni oblatione tua offeres ſal.* Nimirum, Pontificem, ut doceret preces vim a Dominica paſſione, cujus oblationis veteris typus fuerint, percipere, congruum duxiſſe, ſal aquæ miſcere in memoriam mortis DOMINI, quare hanc aſperſionem memoriam dedicationis Chriſti appellet Tertullianus. Invocari vero a ſacerdote Redemptoris noſtri præſidium contra ſpiritus malignos, felicitati noſtræ invidentes, & inſidias parantes, ad impetus rebellium in nos ſpirituum virtute Chriſti frangendos, & coerendos. Tranſunus, quæ de anachorciſmo p. 96, jejunio quadrageſimali p. 97, clero in gradus diſtributo p. 107, de tonsura clericorum p. 114, de celebratione Paſchatis die Dominica p. 121, de ordinatione ſacerdotum & officio Subdiaconorum in portandis ante ſacerdotes eccleſiam petentes patinis vitreis p. 170 ſequ. de translatione prima corporum Petri & Pauli p. 205, de miſſis ſupra ſepulcris martyrum celebratis p. 238, de ſepultura martyrum p. 243, animadverſione digna dicuntur, & unicum adhuc locum de baptiſmo Conſtantini delibamus. Eſt in Anaſtaſio in vita Silveſtri: *Hic in exilio fuit in montem Soractem perſecutione Conſtantini concuſſus, & poſtmodum rediens cum gloria baptizavit Conſtantinum Auguſtum.* Annotat Blanchinus hæc verba, quanquam Nicomediæ demum ab Eusebio, ejus civitatis Epilcopo, baptizatum Conſtantinum affirmet Eusebius, cujus ſententiam inter innumeròs alios Pagius in Critica, contra Baronium ſentens, præfert Anaſtaſio, ſtabiliri poſſe per verba Malalæ, qui ſæculo V vixit & hiftoriam ſuam produxit ad A. C. 474 libri XIII Chronographiæ. Is initio poſt enumeratam crucis viſionem, & victoriam ſub ejusdem auſpiciis reportatam a Magno Conſtantino, memorat *Principis victoris ingreſſum in urbem Romam & legem editam, ut Chriſtianorum eccleſia ubique aperirentur.* Tum vero per-

pergit: ubi jejunasset & rudimentis Christianæ religionis imbutus fuisset: „Baptizatus est ipse, cum Matre Helena a Silvestro Episcopo Romano: Baptizati etiam sunt propinqui ejus omnes & amici; Romanorumque insuper aliorum multitudo ingens.„ sic itaque Imperator Constantinus Christianus factus est. Nec refragari Malalæ Eusebium, qui de Ecclesiæ sacramento, a baptismini lavacro diverso, licet appelletur perfectio baptismi, nempe confirmatione, loquatur; quare Romæ a Silvestro baptizatus Constantinus, Nicomedie demum confirmatus esse intelligendus sit; quod Historiæ ecclesiasticæ studiosis ulterius examinandum relinquimus.

THE DOCTRINES CONTROVERTED  
between Papists and Protestants.

b. e.

DOCTRINÆ PONTIFICIOS INTER AC PROTESTANTES controversæ, sigillatim distincteque propositæ, quarum illæ refutantur, cum Introductione enarrante initia & progressum Papatus, ejusque decrementum circa tempora Reformationis. In fine libri solide respondetur cavillationibus Romanæ Ecclesiæ contra Protestantium religionem & Doctores.

Londini, apud Jac. Roberts, 1724, 8.

Alph. i plag. 10.

ET nomen suum, quo insignitur, & quod sustinet, munus Cl. Autor plane reticuit; nisi quod in Præfatione eundem se esse ait, qui haud ita pridem Articulos fidei, quibus pura continetur Ecclesiæ doctrina, dederit explanatos. Fatendum autem est, gravissimos Romani cætus errores ea eruditione, puritate, ingenio, & judicii acrimonia plerosque detegi ac refutari in hoc libro, ut summo cum fructu ab iis, qui contra hos Ecclesiæ nostræ inimicos in aciem descendere cupiunt, legi possit. Dicimus plerosque. Quod enim ad articulum de transubstantiatione attinet, cum iis, qui Calvinii sententiam de sacramento Cœnæ ac speciatim de humanæ Christi naturæ in illa præsentia sequuntur, Clar.

Clar. Autor facit, in eaque infirmenda non Pontificios tantummodo aggreditur, sed & ipsos Lutheranos recte impugnat. „Si „ad finem seculi, inquit pag. 185, Christus demum rediturus in „mundum est, assequi cogitatione non possumus, Christum quoad corpus in sacra Coena praesentem esse. Pag. 197 sacramentum hoc relationem tantum habere ad Christum, nullaque alia re panem & vinum, in eo apposita, reliquis cibis praefenda esse, quam quod sanctitatis aliquid habeant, in peculiarem usum consecrata: & p. 200, ex his, inquit, manifestum est, panem vinumque significare ac repraesentare tantum Christum. In his locis a nobis adductis uti satis sectam suam prodit Cl. Autor, ita eandem spirant, quae p. 189 legis, ubi certo credere nos debere asserit, nullam revelationem a Deo esse, quae sensibus rite se habentibus repugnet; & pag. eadem: omnes, inquit, ratione praediti homines sensualem apprehensionem pro optimo certissimoque veritatis divinae indice immo fundamento fidei Christianae habent. Ut plura alia loca brevitatis gratia omittamus. In reliquis articulis, iis scilicet, in quibus communis nobis cum Reformatis Pontificios contra causa est, satis candide versatur. In praefatione ad lectorem Protestantium improbat consuetudinem, qua omnia a Pontificiis e Patrum scriptis adversus doctrinam nostram allata testimonia enervare, ac si vel maxime secus explicari non possint, alium tamen in sensum deflectere laborent. Melius esse contra existimat, falsis heterodoxorum Patrum testimoniis recta recte docentium opponere. In opere ipso huic ordinem observat, ut, antequam ad articulos ipsos disciplinae Pontificiae accedat, in Introductione praemissa originem, progressum & incrementa Papatus, ut & ejusdem decrements, tum in reliquis orbis terrarum partibus, tam speciatim in Regno Britannico ostendat, simulque varias incrementorum ad decrementorum causas penitus investiget. Historiam reformationis, per Henricum VIII laudabili conatu susceptae, persequitur, quo tempore tantum monasteriorum numerus fuit, ut non nisi ingens quoddam monasterium tota Britannia videretur. Locum Apocalypf. XVII, 13-16 ad Henricum Regem applicat, publico scripto primum vindicantem Romanam ecclesiam, postea vero eam gravissime im-

p. 40.

47.

tem.



tentem. Clarendonii Comitis Historiam rebellionis ac civilium p. 76.  
 bellorum, quam alii optimæ notæ opus censent, propterea carpit,  
 quod princeps historici officium, singulorum nempe factorum  
 causam atque originem evolvere, sæpius neglexerit, eosque viros,  
 quos minime decebat, in crimen vocaverit. Librum *ἑκὼν βασι-* 75.  
*λεως*, Carolo I Angliæ Regi abjudicatum, Doctori Gaudenio assi- 129.  
 gnat. Introductione absoluta ipsas religionis Pontificiæ doctri-  
 nas aggreditur: qua in re ea methodi via incedit, ut *primo*, eas  
 revera sententias Romanæ Ecclesiæ esse, ex ipsorum publice rece-  
 ptis libris demonstret, *secundo* eas labefactet ac destruat, anti-  
 thesi simul Protestantium asserta, *tertio* objectionibus atque argu-  
 mentis secus sentientium solide respondeat, *quarto* denique uni-  
 cuique articulo monita nonnulla moralia aut dogmatica, ex  
 dictis stilentia, annectat. Capite I Papæ Primatum impugnat: 129.  
 quod dum facit, non, ut fieri vulgo solet, eo ex capite adversus  
 Pontificiæ sedis vindices pugnat, ut nunquam Romæ fuisse Pe-  
 trum evincat, quod fidei historiæ ecclesiasticæ repugnare putat,  
 sed hac Petri Romæ præsentia concessa, nullam ab eo ad successo-  
 res potestatem unquam fuisse transmissam traditamque confir-  
 mat. Neque appellationes olim ab aliis ecclesiis ad cætum Ro-  
 manum factas Pontificis sedem stabilire posse, ex eo probat, quod  
 hæc provocatio ad Pontificem Romanum non tanquam ad supe- 154.  
 riorem Judicem, sed tanquam ad Arbitrum sit facta. Cap. II fal- 156.  
 sam illam de infallibilitate Papæ opinionem explodit, quam etsi  
 nonnulli Romanorum non soli Papæ sed Conciliis simul ac Ponti-  
 fici vindicent, non tamen re vera ita sentiunt, sed cum in ipsa  
 praxi de infallibilitate quæritur, vel in Pontifice vel in Conciliis  
 eam statuunt. Cap. III articulum de Transubstantiatione impu- 183.  
 gnat, non tamen eo, quo debebat, modo, quippe, dum Charybdim  
 vitare studet, in Scyllam incidens. Deductionem illam ad ab-  
 surdum, qua ex transubstantiatione Pontificia sequi dicitur (quod  
 tamen impium ac blasphemum sit) ipsum Christi corpus vel a  
 muribus arrodi, vel a canibus devorari, nullam refutandi vim  
 continere, Cl. Autore ea ex ratione censet, quod in diebus carnis 191.  
 Salvatoris nostri corpus flagellatum sputisque ignominiose ob-  
 tectum sit, & sanguis ejus profusus atque ab impiis impurisque

- nebulonum pedibus conculcatus fit; cum tamen majoris multo impietatis scelerisque hoc sit, quam a canibus sanguinem Christi lambi. Ad objectionem Lutheranorum contra periculosam Reformatorem de non præsentia Christi in sacra Cœna sententiam, qua multa alia in corpore Christi accidisse ajunt, quæ, licet externis sensibus percepta non fuerint, minime tamen neganda sint, e. g. tertio die ex sepulchro saxi mole obstructo incolume evasisse, clausasque fores penetrasse, respondet Cl. Autor, sine omni miraculo ac sensuum deceptione hæc facta esse, quum non nisi devoluto ab angelo saxo, & sepulchri janua apërta, Christus surrexisse dicendus sit: verba autem illa Joh. XX, 19, quibus Salvator, obstructis foribus, in medium congregatorum discipulorum pervasisse narratur, ita interpretatur, ut dicat, non significari hoc loco penetrationem miraculosam corporis Christi per clausas & obferatas fores, sed indicari tantum, eo tempore, quo mos fuerat apud Judæos januas claudere, Christum ad discipulos suos, remoto pessulo, venisse. Lutheranos etiam ridet, putantes, ob arctissimam divinæ & humanæ naturæ copulationem, corpus Christi omnipræsens esse. Cap. IV Sacrificium Missæ, Cap. V communionem sub una specie tantum, Cap. VI purgatorium & satisfactionem, Cap. VII indulgentias, Cap. VIII confessionem auricularem, Cap. IX preces pro mortuis suas, Cap. X extremam unctionem, Cap. XI merita & opera supererogationis, Cap. XII sacra ignota lingua peracta, Cap. XIII cœlibatum Clericorum, Cap. XIV idololatriam Romanæ Eccles. & divinum creaturarum cultum sub examen vocat. Cap. XV objectiones Pontificiorum de novitate Protestantium religionis diluit, sic ut planum faciat, omnibus seculis extitisse viros, Rom. Eccles. nævos indicantes ac veritatem tuentes. Notandum autem est, in testibus adducendis minus dextre egisse Cl. Autorem, dum eos qui pro Evangelica veritate testimonium præbuerunt, ad partes Reformatorum pertrahit. Sic Bertramum Gallum, qui seculi IX testis est, veram Christi in S. Cœna præsentiam impugnasse, falso tradit. Cap. XVI secundæ Pontif. objectioni de non consentientibus inter se Protestantibus, Cap. XVII tertiæ de non probata a Protestantibus successive respondet. Cap. XVIII probat, Rom. Eccl.

cum

eum fociis suis esse Antichristum, præsertim ex Apocal. I, it. ex II Cap. secundæ Epist. ad Thessalonic. refutans Grotium, Hammondum, aliosque, Pontificem hic indicari diffitentes. Destructio-  
nem Antichristi probabiliter, si a prima Antichristi epocha in An-  
num C. 470 cadente supputemus, circa ann. 1730, si vero a secun-  
da, quæ ab anno 606 incipit, instituatursupputatio, circa annum  
1866 futuram conjicit. Cap. XX Mahumedem esse orientalem An-  
tichristum, vel potius utrosque Papam & Mahumedem unum  
magnum Antichristum conficere, demonstrat, parallelismo inter  
eos instituto.

p. 474.

478.

**GOTTFRIDI KOHLREIFFII, THEOL. LI-**  
*cent. & Philosoph. M. ad Æd. Cathedr. Raceb. Pastoris*  
*Præpos. & Consistorial. Chronologia Sacra, a mundo condi-*  
*tusque ad ipsius interitum, nova, facili & jucunda, ex in-*  
*terioribus fontium recessibus eruta, & majori ex parte apo-*  
*dictica, nullo hiatus, ex scriptis humanis redintegrando,*  
*laborans, præcipuorum tamen antiquitatis monumentorum*  
*consensu stipata, integritatis atque eminentiæ divinæ, qua*  
*S.S. ubique sibi constat ac sufficit, testis ac vindex, plurimo-*  
*rumque locorum Biblicorum, pro difficillimis adhuc*  
*haborum, interpret.*

Hamburgi, sumtu Theod. Christ. Felgineri, 1724, 8.

Alph. 1 plag. 10.

**C**UM maxima existat Chronologiæ S. difficultas, imprimisque  
laboraverint hætenus eruditi, ut in emendandis Scripturæ  
locis, quæ corrupta censebant, ingenium experirentur, id sibi da-  
tum putavit Max. Rev. Autor, ut Codicis S. integritate vindi-  
cata & accentuationis imprimis, de qua justum opus molitur,  
præfidiis adhibitis, accuratius, quam adhuc a plerisque factum est,  
universam Chronologiæ rationem explicet, ea fere methodo,  
qua conscriptas vidimus in Actis nostris A. 1723 p. 270 & Suppl.  
T. VIII p. 402 Dissertationes de Regno Medo-Perfarum & de

X 2

tempo-

tempore Estheris, quas adeo Nostro nunc vindicare non dubitamus. In præfatione, qua præcipuos Chronologiæ S. scriptores enumerat, Theod. van Thuynen eo imprimis laudem commemuisse censet, quod non, ut reliqui fere Calviniani solent, tam multa S. Scripturæ loca mendis male affecta, arbitretur, & contra Vignolium notat, quod locum primarium 1 Reg. VI, 1 depravatum falso suspicetur. Dolet vero, e nostris Theologis præter Strauchium & Calovium paucos, neque ita eosdem omnes aggressos esse Chronologiam S. ut Scripturæ testimoniis potissimum uterentur, & falsæ Ecclesiæ doctores expediendis evolvendisq; rerum Chronologicarum dubiis ideo ineptos esse, censet, quoniam his S. Scripturæ codex obsignatus sit. Qua occasione locum Dan. XII, 10 pro sententia sua adducit, eoque nixus, vel jam adesse, vel proxime instare tempus existimat, quo Deus majori fideles luce in hac quoque scientia donaturus sit. Inter scriptores, Sacri Codicis integritati vim inferentes, Whistonum, Anglum, refert, in libro imprimis, cui titulus : *an Essay towards restoring the true text of the old Testament* : h. e. Conamen restituendi verum V. T. textum ; qui cum una cum multis aliis similis notæ scriptoribus ad nodos Chronologicos subinde tanquam ad sacram anchoram confugiat : hoc ipso se adductum Noster ait ad hunc laborem suscipiendum. Novam vero hanc Chronologiam vocat, quod plane aliam, quam vulgo sit, rationem in ea secutus sit, & quamvis non neglexerit scripta Chronol. alia, exoticis imprimis linguis consignata, minime tamen ea ideo adhibuerit, ut Scripturam ad ea accommodet, sed ut illius summa præstantia eo lucidius enitescat. Partitus est librum in duas Partes, quarum priori continetur Canon Chronologicus, algebraica quadam ratione, sed unicuique plana atque aperta, demonstratus, & in decem periodos divisus. Prima a condito mundo usque ad diluvium ; altera hinc usque ad exitum Abrahami in terram Canaan ; tertia ad exitum Israelitarum in eandem ; quarta ad ædificationem templi Salomonis ; quinta ad captivitatem Babylonicam ; sexta ad Hierosolymam restitutam ; septima ad natalem Christi ; octava ad excidium Hierosolymæ ; nona ad ortum Antichristum ; decima ad finem mundi pertingit. Pars posterior uberiores continet Canonis Chronici explicationem,



nem, demonstrationem, confirmationem atque illustrationem.  
 Cap. I de constituta statim cum mundo condito temporis mensu-  
 ra ipsiusque mundi conditi tempore agit; ubi de creatione mun- p. 118.  
 di ex physicis varia erudita in medium profert, de tempore vero, 121.  
 quo hæc mundi spectabilis machina a Deo constituta est, agens, iis  
 accedit, qui asserunt, mundum cum æquinoctio, quod nobis au-  
 tumnale dicitur, sive cum ingressu luminis in cardinale cœli pun-  
 ctum, libræ postea assignatum, conditum esse. Cap. II de necessa-  
 ria cautione circa annos completos & non completos adhibenda  
 Lectorem instruit, eoque consilio certas quasdam regulas præ-  
 scribit. Prima hæc est: *Ubicunque vocabulum anni vel nudum,* 126.  
*vel cum præfixo ☿ in statu regiminis, attamen sine ☿ demonstrativo*  
*sequentis genitivi ponitur, sequens numerus ad annum præteritum,*  
*secus autem ad annum præsentem pertinet.* Inprobat hic obiter 132.  
 sententiam eorum, qui cum Celeb. Buddeo diluvium anno Noachi  
 sexcentesimo ineunte incepisse statuunt: felicius enim omnes  
 difficultates posse tolli, si post illum annum exactum ingruisse di-  
 catur. Infirmitate quoque fundamento Copernicanum æque ac 116.  
 alia systemata niti, demonstrare conatur: ampliusque id se pro-  
 baturum pollicetur peculiari scripto, quod Cosmotheorum Bibli-  
 cum inscribet, non solum observationibus sacris, sed & experi-  
 mentis physicis ornatum. Alteram de annis completis ac incom- 134.  
 pletis regulam hanc communicat: *In quacunque historia S. parte*  
*vel semel annus non completus completis aperte adnumeratur, aut*  
*non completos non annumerari, vel ex unico certo constat indicio, in*  
*eo id constanter fieri putandum est.* Cap. III de numeris agit Chro-  
 nologicis septuaginta Interpretum, ubi principio monet, se-  
 ptuaginta viralem versionem non Ptolemæi Ægyptiorum Regis  
 jussu, sed ab invidis Judæis susceptam esse. Expedire quidem,  
 versionem istam extare, & pro magno Dei beneficio habendum,  
 quod miseris gentilibus verbum hæc versione innotescere volue-  
 rit; nec tamen abuti hoc beneficio quenquam debere ad obli-  
 terandum majus illud, quo fontes Hebræos ab omni, vel in unica  
 literula, etiam in numeris, a corruptione usque ad præsentem  
 diem tutata sit divina bonitas. Cap. IV de numeris Chronologicis  
 Josephi differit Cl. Autor, ubi inter alia observat, Josephum, ubi 153.

- numeris Biblicis utitur, nonnisi etiamnum in Bibliis nostris Hebraicis extantes agnovisse, proindeque, quoties septuaginta Interpretibus accedere videtur, in mendo jacere; ceterum certum esse, multis Josephum præjudiciis laborasse, speique in Christum exortem plane extitisse. Cap. V accedit ad regnum Terræ Sinear, quod vulgo dicitur Babylonicum, omnium primum. Varia hic scitu digna de turri Babylonica inspergit. Nec sine animadversione prætermittendum judicat, quod homines dispergendi, ad relinquendam nominis sui famam, urbis turrisque structuram suscepisse nonnullis dicantur. Accentum enim Atnach finem, quem sibi proposuerint, a mediis nimis manifesto distinguere, & prohibere, quominus comparatio nominis ad finem referri possit, in mediis potius censenda. Cap. VI progreditur ad regnum Terræ Uz, postea ab Edomo nomen adeptæ, deque ætate Jobi, Melchisedeci & Abrahami agit. De auctoritate libri Job loquens, ultimum hoc antiquitatis monumentum ab ipso Jobo conscriptum tuetur, quæque de Arabismis in hoc libro occurrentibus Philologi, & in his Kromayerus, sentiunt, probari posse, negat. Cap. VII de Dynastiis Ægyptiorum, Cap. VIII de Chronologia Assyriorum, Cap. IX de Sinensium Chronologia commentatur. In hoc capite ceu rem admirandam notat, Christianos cum Sinensibus, ex diversis licet principiis, eidem anno mundi, scil. 4541, Salvatoris nostri mortem assignare: eosque refutat, qui eclipsi Sinicæ cum tenebris die mortis Christi coortis nihil commune fuisse dicunt. Minime quoque tolerandam opinionem Origenis ac Isaaci Peyrerii ducit, qui deliquium Solis tempore mortis Christi eclipsin tantummodo particularem fuisse, nec alibi extra horizontem Hierosolymitanum videri potuisse, idemque vel ex vaporibus aerisque obnubilatione vel alia tempestate natum, putant. Cap. X Assyriorum regnum exhibet, deque Nimrodi origine varia immiscet. Sardanapalum quoque, Ninivitarum Regem, concionibus Jonæ ad pœnitentiam perductum esse, temporis ratione habita, haud improbabile putat. Ceterum Canoni Ptolemæi non ubique fidem habendam judicat. Cap. XI agit de Israelitarum commoratione in Ægypto, & exitu ex Ægypto in terram Canaan; statimque initio locum illum Exod. XII, 37, 40, 41, ab obscuracionibus Chrono-
- logo-

logorum liberat, tropum, quem fingunt, scil. nomine filiorum Israel hic comprehendendi Abrahamum, Isaacum & Jacobum, repudiants. Probe etiam observandum urget, duplicem genealogiarum rationem in populo Dei fuisse, alias nempe solum genus describentes, alias vero præter genus & temporis notitiæ inservientes. Cap. XII de tempore ab introitu in terram Canaan usque ad ædificationem templi Salomonæi differit. Cap. XIII locum I. Reg. VI, 1, omnium difficillimum, ad quem tanquam ad lapidem offensionis per tot seculorum decursum Chronologi impegerint, ita explicat, ut ad multa alia loca feliciter evolvenda viam simul sibi pariat, duplicem nempe epocham in eo designari docens, alteram minorem, ubi diserte indicatur, annos numerari ab exitu ex Ægypto, alteram majorem, qua non exprimitur, unde anni derivandi sint, quemadmodum & hodie raro annis Christi, unde deducantur, adjicimus. Cap. XIV, de Chronologia Regum Israelis & Judæ, ad dilucidandam Regum historiam, quinque aphorismos proponit: simulque voce *בשנה* constanter annum post illum, qui numeratur, significari, notat. Cap. XV de annis agit a primo Cyri usque ad primum Artaxerxis I, ex Scriptura restituendis. Hic ex eo, quod Cambyfes in Esd. IV, 6 Ahasverus nominetur, evincit, Ahasverum maritum Estheris non alium esse, quam Cambysem. Tum e clausula epistolæ Ahasveri, quam pro Judæis ad omnes regni sui provincias misit, quamque Noster neutiquam pro supposititia habendam putat, ex illis item, quæ apud Herodotum de ignominia idolis eorumque templis a Cambyse illata leguntur, apparere putat, Cambysem ab Esthere ad agnitionem veri numinis adductum esse. Cap. XVI sermo instituitur de annorum hebdomadibus usque ad Christum numerandis, Dan. IX, 24. Cap. XVII de anno nati Christi sententiam suam exponit. Cumque in superioribus a priori ex prædictis Danielis Prophetis demonstrasset, annum post trigésimum primum Artaxerxis primi quadringentesimum trigésimum quartum, qui in canone Ptolemæi numeratus ut trigésimus post pugnam Actiacam, esse annum nativitatis Christi: nunc a posteriori hunc annum verum esse nati Christi, ex Evangelistarum testimoniis, cum monumentis profanis, imprimis Josepho, collatis, reddit perspicuum. Præterea

p. 286.

360.

365.

395.

Chri-

- p. 396. Christum natum anno 35 Regis Herodis pro certo ponit, & eorum sententiam probat, qui statuunt, in Epocha Christi vulgari figenda nullum errorem commissum. Hinc ipsum adeo diem natalem Christi patescere indicat. Si enim Herodes initio mensis Nisan decessit, nihil magis probabile esse, quam Christum ipso Paschatis die, quo & se aliquando Deo in morte sacrificaturus erat, oblatum esse Domino. Ex eo porro, quod Christus anno post pugnam Actiacam trigesimo vergente natus est, concludit, annum sequentem non posse non esse primum annum Julianum post Christum natum, incidentem secundum calculum Scripturæ S.
399. in annum mundi 4510. Cap. XVIII pergit ad annos Ministerii & Mortis Christi, docens, ante annum vigesimum Tiberii passum esse Christum, cumque annus Christi vigesimus nonus sit decimus sextus Tiberii, restare pro annis Ministerii annos Tiberii decimum sextum, decimum octavum & decimum nonum. Hinc quoque sequi putat, eclipsin Solis extraordinariam, quam in commentarios suos retulit Phlegon Trallianus, Hadriani Cæsaris libertus, vel si mavis ipse Hadrianus, eandem fuisse cum ea, quæ in Christi morte accidit. Idem probat de terræ motu tempore mortis Christi, quem non solum in Bithynia, sed per universum orbem observatum fuisse, docet. Diem, quo crucifixus Salvator est, primam Paschatis Judaici feriam fuisse, evincit, nec audiendos putat, qui eum non una cum Judæis agnum paschalem comedisse tradant. Cap. XIX de annis bis mille & trecentis, Danielis VIII, 14, & demum Cap. XX de imperio urbis Romæ, ortu Antichristi, & ultimis temporibus, ex Dan. XI & Matth. XXIV accurate agit. Accessere postremo appendicis loco 1 Dynastiæ Ægyptiæ Manethonis, maxime secundum Julium Africanum; 2 Reges Thebani ex Eratosthene; 3 Canon Claudii Ptolemæi. Tandem Cl. Autor Supplementa elegantissimis observationibus partim Chronologicis partim Exegeticis referta attexuit.
401. 409.

**FRIDERICI GENTZKENII, POLIT. ET PHYS.**

*Prof. Ord. Systema Philosophiæ, in usum Juventutis  
Academiæ Cimbricæ adornatum.*

Kilix,



Kiliæ, literis J. C. Reutheri, 1722, 4 &amp; 8.

Alph. 6 pl. 18.

**C**eleberrimi *Buddei* exemplo, qui in usum studiosæ juventutis, quam privatis scholis quondam erudiebat in omnibus Philosophiæ partibus, concinnatas ex optimis Philosophis *Institutiones Philosophiæ eclecticæ* edidit, etiam Celeb. Gentzkenius totum Philosophiæ Systema thesibus, quam fieri potuit, brevissimis ac paucissimis complexus est, quas explicaret & illustraret suis auditoribus. Separatim jam ante plerasque hujus Systematis partes ediderat: at nunc recognitas singulas ac locupletatas in unum volumen conjungendas duxit. Exhibentur autem hic libri duodecim: 1 Dissertatio de natura & indole Philosophiæ in genere, 2 Historia Philosophiæ, 3 Metaphysica, 4 Logica, 5 Theologia naturalis, 6 Physica, 7 Pneumatologia, 8 Juris divini naturalis prudentia, 9 Ethica, 10 Pathologia, 11 Politica, cui adjungitur Dissertatio de matrimonio clandestino, Gallis dicto *le mariage de conscience*, 12 Juris divini positivi prudentia. Non exigent a nobis Lectores nostri, ut pluribus recenseamus singulas hujus Systematis partes: cum tamen de singulis nonnulla videantur commemoranda, breviter nostro fungemur officio. *Dissertatione* itaque *proæmiali* generatim exponitur natura *sapientiæ, prudentiæ, & virtutis*, ac simul omnes sub Philosophiæ ambitu comprehensæ doctrinæ justa methodo succincte exponuntur, atque ex solidis fundamentis demonstrantur. In *Historia Philosophiæ*, quæ anno superiori Hamburgi, passim aucta, imprimis Vita G. G. Leibnitii (quem virum appellat ultra hominum sortem doctum) sigillatim recusa est Hamburgi in forma octava, Philosophorum celebrium omnis ævi vitæ, eorumque hypotheses notabiliores, ac sectarum facta, compendiose describuntur, ducibus scriptoribus accuratissimis. Ac pertexta quidem hæc historiæ tela est ad hanc nostram ætatem, ne omisso quidem Illustri *Christiano Thomaso*, quem *strenuum* vocat *libertatis philosophicæ in Germania vindicem*: ut fatendum nobis sit, melius & concinnius Compendium Historiæ Philosophicæ vix exstare. In *Metaphysica*, sequestra-

tis inutilibus, generaliores ideæ, solidum fundamentum habentes, commodis terminis exprimuntur, ac universales inde fluentes veritates breviter exhibentur & perspicue. Hic p. 17 rejicit Scholasticam divisionem ubi etatis in *repletivam*, *definitivam*, & *circumscriptivam*. P. 43 *substantiam* definit *ens extensum & per se subsistens*. In *Logica* Cl. Autor p. 18.--34 singulari industria agit de *probabilitate*, ejus criterio, gradibus, & speciebus, scilicet probabilitate physica, practica, historica, & hermenevtica. Ac sub finem hujus libelli exhibetur singularis Dissertatiuncula de usu doctrinæ de probabilitate. In *Theologia naturali*, præmissa existentia divinæ demonstratione, oppositisque erroribus, atheismo, Spinozismo, ac superstitione, confutatis, non solum secundum infinitæ rationis lumen Dei perfectiones ex solidis fundamentis adstruuntur, sed & jus Dei eidemque respondentia hominum officia exponuntur, atque ita cognitio Dei cum modo eum colendi conjungitur. Quod hic p. 20 sqq. exhibetur de *superstitione* Caput, lectu dignissimum est. P. 29 Deo tribuitur *extensio immensa*, hujusque doctrinæ indicatur fundamentum. P. 76 sqq. exhibet Cl. Autor criteria religionis vere divinæ, eaque ad Christianam nostram religionem applicat. In *Physica* præcipuæ Physicorum hypotheser, pro demonstrandis rerum naturalium phænomenis constitutæ, succincte exponuntur, & quidem plerumque duce Cl. Rudigeri nostri *Physica divina*. In *Pneumatologia* Cl. Autor, præmissa historia doctrinæ de spiritibus, non solum generatim sistit naturam & proprietates spiritus creati, verum etiam speciatim contemplatur naturas plasticas, item animas brutorum, mentem denique humanam, omnesque huc pertinentes controversias exponit pariter ac resolvit. In *Juris naturalis prudentia* fundamentum omnis justii cum Pufendorfio ponit *socialitatem*, & ex hac deducit omnia erga nosmet ipsos & alios homines officia, omisissis officiis Deo debitis, supra quippe jam pertractatis in *Theologia naturali*. In *Ethica*, quam Cl. Autor definit *doctrinam honesti & decori*, interspersis præcipuorum Philosophorum diversis sententiis, hoc tandem ponit *honesti* fundamentum: *Quicquid amor rationalis ad beatitudinem obtinendam agendum aut omittendum esse judicat, id est honestum, & contrarium est turpe*.

Hic

Hic etiam p. 46--60 exhibet *artem echaracteristicam*, probabiliora dogmata stabiliens contra communia præjudicia, idque stimulatus dubiis a Longolio receptæ doctrinæ objectis. *Decor* fundamentalem propositionem hanc facit suam: *Quicquid in genere actionum externarum & indifferentium approbationem aliorum & existimationem nobis conciliat, illud est decorum: quicquid vero aliorum fastidio, illusioni & contentui nos obnoxios reddit, illud est indecorum.* In *Pathologia*, sive Tractatu Ethico-Phyfico de affectibus humanis, omnes affectus tum generatim, tum speciatim considerantur, eorumque natura, proprietates, diversæ species, objecta peculiariora, physici characteres, singularia phænomena, naturales & morales usus, varii abusus, horumque moralia remedia exhibentur. In *Politica* sive Philosophia civili, præmissa simplicium societatum consideratione, exponitur modus, quo civitas secundum regulas justitiæ & prudentiæ sit constituenda & administranda, ita, ut omnia summi imperii jura debito ordine & nexu fiant. Denique in *Juris divini positivi prudentia* Cl. Autor leges divinas positivas universales iusta serie exhibet, controversias ibi occurrentes enucleans ac perspicue solvens. Dissertit igitur de non comedendo fructu arboris boni & mali, de vitando sanguinis esu, de muneribus non accipiendis, de spicilegio intermittendo, de solvendis decimis, de mercede operariis reddenda, de pignore non sumendo, de retorsione verbali, de citatione in vallem Josaphat, de polygamia, de subjectione uxoris, de incestu, de divortio, de concubitu cum uxore menstruata, de potestate judiciali, de potestate punitiva, de jure belli gerendi, de vestibus non commutandis, de mendicis non tolerandis, de jure & obligatione docentium, itemque auditorum, de jure & obligatione totius ecclesiæ, de solo Deo adorando, de votis sancte reddendis, de Deo non tentando, de confessione nominis divini, de Deo sub imagine rei creatæ non colendo, de Sabbatho sanctificando, de honesto divino positivo, de decoro Christiano. Facile apparet ex hac *συναγχαφία*, auditores Cl. Autoris egregie, si modo ipsi sibi non desint, in sapientia philosophica proficere, dignaque est ejus & industria & ἀρετή, quam in seligendis bonoque ordine digerendis optimorum Philosophorum doctrinis hic ostendit, ut

omnibus Philosophiæ studiosis de ineliore nota commendetur  
hoc Systema vere eclecticum.

VOYAGE DE SYRIE ET DU MONT LIBAN.

i. e.

RELATIO ITINERIS IN SYRIAM ET AD  
montem Libanum suscepti, Autore DE LA ROQUE.

Tomii II.

Amstelodami, apud Hermannum Uytwerf, 1723, 12 maj.

Alph. i pl. 1 $\frac{1}{2}$ . cum fig. æn.

**A**Utor, edito antea in *Arabiam felicem* & *Palestinam* itinere  
clarus, nunc exhibet descriptionem itineris in ipsum *Libanum*  
montem suscepti, de quo incerta & fabulosa fere hæcenus tradi-  
ta fuisse, in præfatione queritur. Nos potiora Lectori repræsen-  
tabimus. Initium *Libani* montis facit supra Tripolim urbem, ter-  
minum ejus Damascum; *Antilibani* initium infra Sidonem, ter-  
minum montes Arabiæ vel Trachonitidis. Ambitus utriusque ho-  
rum montium centum leucarum longitudo ab occidente in orien-  
tem ad 40 leucas. Media inter eos vallis *Calesyria* dicta. Quæ  
de reliqua figura ejus, rectius fortassis ex *Macindrelli* mappa no-  
scenda, dicit, cum iis, quæ sequantur, vix concilianda. *Canubui*, a  
Græco Cœnobium deductum, est Monasterium & sedes Patriar-  
chæ Maronitarum, qui Papæ permissu se etiam Antiochenum Pa-  
triarcham vocat, & nomen Petri, ex quo die ad hanc dignita-  
tem eligitur, sumit. Situm est non procul ab editissima parte  
montis supra Tripolin. Non longe ab eo abest vicus *Bsciar-  
ray*, Episcopum Maronitam habens, in cujus vicinia sub ipso edi-  
tissimi jugi supercilio cedri eminent numero viginti majores, sil-  
vulam constituentes, mixtis quippe inter majores parvis atque  
etiam minutulis. Figura cedrorum & fructuum, quos majores fe-  
runt, ab Autore depicta exhibetur. Unicas has esse reliquias ma-  
gnæ olim copię harum arborum, constat, nec tota ea regione vel  
in vicina Asia similes occurrere. Singulare est, quod rami earum  
æstate diffunduntur amplissimæ coronæ instar, hyeme contra-  
hantur & in conum quasi acuminatum coguntur: alias enim fe-  
rendo



rendo oneri nivis allapsæ pares non forent. Parvo inde itinere versus meridiem est *Eden*, Archiepiscopo Maronita gaudens, quo loco in planitiem pulcherrimam despicitur; unde orientalibus persuasum, hunc fuisse locum Paradisi terrestris. Regionis hujus montanæ, a Maronitis habitatæ, plures sunt portiones partim a vicinis urbibus litoralibus *Botry* (*Patron*) *Byblo* (*Gebel*) &c. dictæ, partim aliis nominibus insignitæ, veluti *Giobbet Bsciarrray*, a vico modo memorato (qui pridem munitus) dicta; maxime australis portio & prope Berythum, qua confines sunt Drusi, *Kesroan* (*Castrevent* Europæis) appellatur, habens *Antoura* vicum, ubi Jesuitarum missionariorum domicilium. A Berytho usque ad Tyrum habitant *Drusi*, quorum regio, in mediterraneis usque ad Damascum excurrrens, *Antilibanum* maxima ex parte complectitur. Divisa & ipsa in varias partes, quarum quæ vocatur *Chouf* prope Sidonem ab Emiro sive primario Drusorum Principe, reliquis minoribus imperante, habitata, sedes ipsa *Dairal Gamar* appellatur. In *Wadettein*, alia hujus regionis parte & ad Damascum usque excurrente, fontes Jordani conspiciuntur. Hæc de regionis montanæ Libanotidis & Antilibanotidis descriptione. Multus vero etiam est Autor in describendis memorabilibus urbis *Balbec* sive *Heliopoleos*. Sita est scilicet eadem in valle inter Libanum & Antilibanum spatiosissima. Stupendæ vero magnificentiæ rudera ex antiquitate ibidem sunt conspicua: inter quæ eminet palatium & templum. Hoc quidem fere integrum extat, cujus imaginem exhibet Autor, exemplar Architecturæ Romanæ exquisitissimæ. Peristylon vel Peripteron columnis Corinthiacis 52 ped. altis cingitur numero 40, quarum 16 frontem anteriorem & posteriorem, reliquæ latera ornant. Porticus omnis sculptura plane admiranda ubique ornatus. In templo ipso navis visitur cum specie quadam chori: ubique vero nidi statuis & imaginibus locandis destinati. Palatium, cui temporis injuria non æque pepercit, figura deprehenditur oblonga parallelogramma, fossa profunda cinctum. In angulis eminent turres quadratæ prægrandes. Prostylon ejus ornatum est columnis Doricis. Intus & superato primo vestibulo, eoque subdiali, objicit se spectandum ædificium hexagonum, aditum faciens ad alterum subdiale vel

atrium, porticu utrinque ornatum, latum 8, longum 66 hexapodis, quod claudebatur ædificio postremo, cujus vero solum restant columnæ 9 prægrandes & fere colossæ. Inferiora fornicatis cameris stupendæ artis constant. Muri omnium horum operum lapidibus insanæ magnitudinis, quorum aliqui 60 pedum latitudinem, 18 profunditatem habent, compacti sunt. Lapidicina, ex qua deprompta hæc saxa, prope ipsum oppidum Balbec etiamnum visitur. Est & aliud templum rotundum minus, totum fere ex marmore, quod jam cultui Christianorum Græcorum cedit, cumque S. Barbaram ibi conditam putent, nomen inde templo imposuerunt. Quod ad antiquitatem horum operum, notat Autor, Judæos credere, hæc omnia Salomoni deberi, quod commentum ipsa inspectione confutatur. Nec minus falsam esse opinionem eorum, qui eandem hanc urbem pro *Tadmor* vel *Palmyra* habent, ostendit Autor e descriptione Arabiæ Sultani Abulfedæ, in Gallicum sermonem a se translata. Errat quoque Plinius, qui prope Helio-  
polim *Orontis* fluvii fontes locat: ex inspectione enim Autor probat, ortum ejus non esse in valle inter Libanum & Antilibanum, sed extra Libanum loco 4 leucis a summo jugo Libani Canabino distante, probe urbem *Giranije*. Unde idem fluvius, recta fere versus septentrionem delatus, Emesamque (*Cbems*) & Apameam (*Hama*) præterfluens, post modicum diverticulum in mare infra Antiochiam devolvitur. Ceterum extant plures nummi Helio-  
polenses, unde dignitas urbis sub Imperatoribus Romanis (sub Severo quippe coloniæ Romanæ jura adeptæ) colligitur. An vero Elagabalus, quem Sacerdotium Solis in hac urbe exercuisse constat, autor sit templi supra descripti, dubium videtur Autori, quod imperium ejus vix 5 annis duraverit; quod tamen argumentum parum ponderis habere videtur. Varia dein fata habuit urbs, quæ modo in Saracenorum, itaque Tamerlanis, modo in Christianorum Principum potestatem venit. Numerus habitantium hoc tempore 6 vel 7 millium æstimatur. De fluviis ex Libano defluentibus dum differit Autor, *Eleutherum* falso haberi credit pro *Kasemiech*, qui recipit *Letain* & proxime supra Tyrum in mare defluit. Potius, ad ductum Strabonis, quærit eum inter Orthosium (*Tortosam*) & *Tripolin*, ubi occurrit fluvius, Magnus sive *Kebir* dictus, im-

pri;

primis cum Iosephus Eleutheri ostia Sidone borealiora faciat, *Kasemiech* vero longe sit australior eadem. De *Chrysorrhæa* fluvio, qui nunc *Barradi* vel *Barrada* dicitur, observat, ipsum in septentrionali parte non longe a Damasco ortum, ferri in meridiem, & prope illam urbem, in alveos & ramos perquam multos divisum, delitias & temperiem universo illi campo conciliare, nec longe inde iterum in unum alveum cogi, tandemque bidui itinere austrum versus decurrentem, perdi in lacu aliquo grandiori, & nullatenus in mare exire. *Amana & Pharpbar*, II Reg. V memoratus, non esse nisi ramos hujus fluvii, nequaquam vero partem Orontis, ex hoc ipso intelligitur. Hæc e primo Tomo, duas partes operis complexo. Altero Tomo, quæ a tertia parte initium ducit, cum Autor descriptionem nationum, quæ Libanum incolunt, *Maronitarum*, *Druforum*, *Turcomannorum* vel *Amedensium* se daturum promississet, sui oblitus, Maronitarum tantum res atque origines fuscè describit. In his observat, quosdam ex Latinis, seductos ab *Eutychio* Patriarcha Alexandrino, qui annales ad annum usque Christi 947 lingua Arabica scripsit, in ea opinione fuisse, atque eam scriptis quoque propugnasse, Maronitas dici a *Marone* quodam, Monacho hæreseos Monothelicæ erroribus infecto. Sed ipsos Maronitas & inter eos *Faustum Naironium* contendere, se nomen ferre a *S. Marone* Anachoreta, circa initium seculi V celebri, cujus vitam descripsit Theodorus. Primum ait monasterium a sequacibus & discipulis ejus circiter octingenta structum fuisse *Apamea*; hosque omnes orthodoxos, ab hæreticis potius aliis tota regione sparsis Maronitarum nomine invidiæ causa vocatos, variisque persecutionibus vexatos. Cum *Jacobus*, Monophysitarum autor, in iisdem regionibus errores suos spargeret circa annum 584, contra eum veritatem editis scriptis defendisse *Joannem*, ab hoc monasterio, quod regebat, & ob virtutes, quibus elucebat, *Maronem secundum* dictum; qui falso a recentioribus pro Monothelita habeatur. Cum sub imperio *Constantini Pogonati* Syriam invasissent Saraceni, Maronitæ Libani incolæ, capite & duce sibi lecto, eis se opposuisse; quod tamen ipse Constantinus minime probaverit, ex eoque tempore ab inimicis *Mardaitas*, quod rebelles sonat, vocatos fuisse.

Cum

Cum autem pacis etiam temporibus incursiones in Saracenos continuarent, conventum inter Saracenos & Imperatorem, ut is Maronitas e Libano deduceret, quorum adeo duodecim millia ad fines *Armenia & Cilicia* rejecta. Inter eos qui in Libano remanserunt, circa exitum seculi XII turbæ dicuntur motæ per *Thomam* quendam Archiepiscopum *Kfartab* Monothelitam; quarum finis, ut circa annum 1182, interpositione Antiocheni Patriarchæ *Aymen* ci, illi qui *Thomam* secuti fuerant, ad priorem, hoc est, Romanam fidem reducerentur: ex quibus gestis male intellectis natam esse volunt fabulam, a *Guilielmo Tyrrio* relata, de tota gente tunc demum ad orthodoxam fidem & ecclesiam reducta, asserit Apologista Maronitarum supra laudatus. Ceterum cum objicitur, in libris Maronitarum deprehendi errores Jacobiticos, respondet, illos esse interpolatos; de qua re quidem difficilius jam est judicium, postquam Patriarchæ, Maronitarum zelo inconsiderato inducti, plerosque libros, ex quibus doctrina eorum cognosci posset, sive prave, sive bone, igni tradiderunt. Tandem ut appareat, non omni eruditionis laude destitui Maronitarum gentem, catalogus doctorum numero fere 28, inter quos *Gabriel Sionita*, *Abrahamus Eccbellensis* &c. exhibetur. Subjungitur tertiæ huic parti vita *Domini de Cbastevil*, Aquisgranensis ex Provincia, qui in Libanum montem secedens, Eremitam austeritate summa egerat, nuncque etiam ab incolis fere ut Sanctus colitur; nec non Historia principis Maronitæ *Juriés*, qui primo coactus ad Muhammedanam religionem se contulerat, post Christianam iterum cum Muhammedisini detestatione publice professus, eaque propter crudeli supplicio, palo nempe per viscera adacta, a Bassa Seydensi peremptus memoratur. Junguntur literæ & diplomata, quibus *Hafsum Casen*, Princeps ex Maronitis, quo sede sua pulso, Sultanus alium ex Drusis Principem regionis ejusdem fecerat, in tutelam Gallicam a Ludovico XIV recipitur, & Consul nationis Gallicæ Baruthi constituitur.

## THE FEMALE PHYSICIAN.

i. e.

VALE-



MENSIS APRILIS A. MDCCXXV.

177

VALETUDINARIUM MULIERUM; AUTO-  
re JOHANNE MAUDRAY, M.D.

Londini, apud Jacobum Holliand, 1724, 8.

Alph. i plag. 4.

**A**git in hoc Tractatu Clariss. Autor de Morbis, quibus tam virgines, quam in matrimonio viventes, ut & viduæ, sunt subjectæ, artemque obstetricandi exponit, & opus dividit in octo sectiones, in variâ iterum capita distributas. In *Sectione I*, postquam de Deo, Natura, Homine, Anima, & Corpore humano pauca præfatus fuerat, Fœtus formationem, animationem, maturationem, & nutritionem ante oculos ponit; pergit hinc in *Seç.* *II* ad virginum morbos, inter quos potissimum Chlorosin & Appetitum venereum sub examen vocat, atque de virginitate, coitu, vi imaginationis & similitudine fœtus sermonem facit. In *Seç.* *III* in Conceptionem ejusque signa inquirit, regimen gravidis præscribit, earum Symptomata allegat, ac partus theoriâ tradit. In *Seç.* *VI* Artem obstetricandi explanat, partesque in feminis generationi inservientes delineat. In *Seç.* *V* causas earumque partus difficilis, tam naturalis, quam præternaturalis insinuat. In *Seç.* *VI* regimen ordinat & Valetudinarium pandit Puerperarum, quæque circa lactationis & ablactationis tempus infantum, horumque morbos præcipuos observanda sint, docet. In *Seç.* *VII* de Conceptionibus præternaturalibus & Sterilitate tractat, & in *Seç.* *VIII* Viduarum Symptomata, in specie Passionem hystericam & suffocationem uteri exponit. In hisce omnibus quæcunque Autor a Scriptoribus fide dignis & in Arte celebribus clare descripta invenit, aut proprium studium laboriosum, profundæ & crebræ meditationes, & Præxis locupletissima suppeditarunt, fideliter communicat, & ubi de morbo quodam disserendum est, non solum naturam ejus clare ante oculos ponit, sed & in causas inquirit, signa diagnostica & symptomata investigat, prognosin addit, hisq; therapiam tam præservatoriam quam curatorem subjungit; de Arte vero obstetricandi ubi agit, ita se gerit, ut summam ejus utilitatem & necessitatem non solum insinuet,

L

sed

sed & cautelas & enchireses, in singulis casibus observandas, summo studio inculcet. Pauca cum L. B. communicabimus.

Anima, juxta Autoris sententiam, tanquam divina substantia, mediante corpore quodam æthereo ceu vehiculo cœlesti, Deo, tanquam centro mundi, ita jubente, primum in cor infunditur, unde calido innato, spiritibus & humoribus immiscetur, per morbos vero calido extincto, spiritibusque cum humoribus dissolutis, ad cor, & tandem ex eo ad vehiculum suum originale revertitur, vel cruciatibus infernalibus vel æternæ beatitudini destinanda. Infunditur autem eadem 70 aut ad summum 100 die a conceptione, prout formatio fœtus citius vel tardius absolvitur. Succedit vero hæc sequenti modo: substantia scilicet spirituosâ seminis virilis & sceminini, in utero bene conformato concurrens, ope generativæ & activæ suæ virtutis producit intervallo 7 dierum genituram, tres bullulas includentem, tribus spermaticis visceribus dicatas, quarum prima purissimam seminis partem, spiritibus vitalibus turgidam, pro corde, secunda crassiorē & pinguiorē, spiritibus naturalibus fœtam, pro hepate, & tertia frigidam & crudam, spiritibus animalibus refertam, pro cerebro continet. Eadem substantia spirituosâ quatuor facultatibus distinctis est prædita, quarum prima, animativa seu vivificans dicta, septem dictis diebus circumscribitur, intra quos tempus spumificationis, lactationis seu coagulationis absolvitur. Secunda seu separativa, constituendis partibus organicis destinata, sequentibus 8 vel 10 diebus, aut 15 vel 17 die a conceptione perficitur, hocque tempus delineationis seu ramificationis, & genitura embryo vocatur. Tertia collocat partes materiales juxta naturæ leges in suum ordinem, figuram, & situm per sequentes 12 vel 15 dies, aut 27 vel 32 die a conceptione, quod tempus carnificationis appellatur, & tunc embryo recipit nomen fœtus. Quarta seu formatrix facultas, singulis membris debitam magnitudinem, figuram, & formam naturalem impertit per sequentes 8 vel 18 dies, aut 35 vel 50 die a conceptione, quod tempus coarticulatæ formationis est, & tum fœtus infans vocatur. Quodsi igitur infans perfecte formatus fuerit 35 die, animatur die 70 & nascetur 210 die, seu circa finem septimi mensis; si 40 die animatur, 80 die, & partus cadet in octa-

octavum mensem; si 45 die, animatio 90 die, & partus nono mense continget; si 50 die, animatio 100 die, partus decimo mense succedet. Animatio enim duplex semper requirit spatium respectu formationis ad conceptionem, & triplex partus ad tempus animationis. Non habet itaque homo determinatum nascendi tempus, sed a septimestri ad undecimestrem legitimus & naturalis est partus. Causa vero præcoci vel serotinæ formationis, animationis & partus dependet vel a conditione seminis, vel a facultatis formatricis diversa activitate, vel a temperamento uteri, vel a matris habitu & vivendi modo, maturationem, perfectionem & robur infantis diversimode moderante, vel denique a siderum, potissimum planetarum, influxu, cui ubique multum acceptum est referendum. Quemadmodum autem conceptio prima atque principalis actio & functio peculiaris est uteri, qui miscet debito modo & fovet semina tam maris quam fœminæ, ita eidem debetur numerosæ prolis conceptio, cujus culpa vel in ipso utero latet, vel immissioni seminis est tribuenda. Sive enim uterus justo ampliorem nactus sit cavitatem, sive nimis avide attrahat semen virile, contingere possunt tot conceptiones, quot venarum orificia adsunt, & singula vasa distinctam materiæ spermaticæ portionem attrahere, ac conceptionis primordium efficere possunt, etiamsi hæc non semper ultimam acquirat perfectionem. Ita quando semen virile per vices & intervalla in arvam muliebrem immittitur, uterus attrahens illud totidem conceptionibus ansam præbet. Artem obstetricandi quod attinet, quemadmodum hæc in se excellens & ingeniosa est, ita potissimum ab utilitate & necessitate maxime commendatur, quatenus 1) fertilem uterum distinguit a sterili, illumque corroborat, & hunc corrigit; 2) discernit imprægnatum uterum a vacuo, & conceptionem veram a falsa; 3) docet regimen uteri imprægnati, ut scilicet avertantur symptomata, pro diverso gestationis tempore metuenda, morbi que acuti, ac ut infans roboretur, & abortus præcaveatur; 4) manifestat solo tactu gravidæ conditionem, non solum per totum gestationis tempus, sed potissimum antequam conatus parturiendi irruant, & quando iidem augmentum capiunt; 5) sub primo insultu laborum naturalem a præternatu-

rali, facilem a difficili discernit partum; 6) detegit unam alteramque, tam generalem quam particularem, partus difficilis causam; 7) suppeditat modum corrigendi & removendi causam non per instrumenta crudelia, sed solo iudicio & manuum auxilio, mulieremque ab onere suo liberandi; 8) demonstrat rationem foetum non solum mortuum & monstra, sed & falsas conceptiones, superfœtationes, molas &c. extrahendi; 9) præscribit regimen tractandi tam puerperam, quam infantem recens natum, noxasque ab utrisque avertendi modum. Sub illorum enim nomine, qui artem obstetricandi exercent, non vulgares solum comprehendit obstetrices Autor Clarissimus, sed & viros, quos extraordinarios vocat obstetricantes. Quemadmodum autem in illis requirit, ut ne sint nimis juvenili nec profecta nimis ætate, non infirmæ, aut valetudinariæ, non nimis corpulentæ aut laceratæ, non manæ vel mutilæ, nec rigidos vel incurvatos habeant digitos, manus, vel brachia, non sint gravidæ, nec stupidæ, ignaræ, imprudentes, sed mediæ ætatis fœminæ, vegeti habitus, tenuium manuum, digitorum longorum, tactu excellentes, graves, consideratæ, sagaces, prudentes, vigilantes, diligentes, expertæ, piæ, bonæ famæ, misericordes, urbanæ, lenes, fideles, taciturnæ, notitiam habeant exactam partium tam externarum, quam internarum generationi dicatarum, & adjacentium, illarumque functionum, pelvis, & ossium, quibus concluduntur, noscant tangere gravidam, &vertere, dolores spurios a veris distinguere, & extrahere secundinam, & quicquid præter naturam in utero continetur, methodum cognoscat, qua quævis parturiens sit tractanda, infans convertendus, pedibusque extrahendus, quid cum puerpera pariter ac infante recens nato sit agendum: ita ab extraordinariis obstetricantibus seu viris postulat, ut præter jam dicta requisita noscant, quomodo noxæ vel incommoda tempore gestationis, partus & puerperii tam a matre quam infante sint vel avertenda vel curanda. Atque in his omnibus solide instruit Clarissimus Maudray obstetricantes. Enchireses vero, in singulis casibus observandæ, ex ipso tractatu elegantissimo commodius haurientur.

AN



MENSIS APRILIS A.M. DCCXXV. 181

AN ACCOUNT OF THE NEW METHOD OF  
Extinguishing Fires &c.

h. e.

NOVA METHODUS EXTINGUENDI INCENDIA ope explosionis & suffocationis; Autore AMBROSIO GODFREY, Chymico.

Londini, apud Autorem, 1724, 8.

Constat 7 semiplagulis.

**N**ONUS nunc annus agitur, ex quo Zacharias Greyl, civis Angustanus, novam invenit publicoque tentamine in patria sua comprobavit machinam, ad restinguenda celeriter incendia, ope explosionis, accommodatam. Idem anno sequente, 1717, jussu augustissimi Imperatoris, Ministroque gravissimo inspectante, inventionis suæ specimen, Viennæ, cum applausu edidit. Sed cum artificium studiose celaret, præmium scilicet non mediocre expectans, vel a principibus personis, vel a satis magno numero privatorum, quibus A. 1720 schedula publice impressa significavit, cum quot commoditates ex nova sua machina essent expectandæ, tum quibus legibus, quo pretio, qua silentii sponfione, inventionem cum ipsis communicare statuisset, factum est, ut prius morte abriperetur, quam obtinere scopum suum posset. Mortuo Autore hæredes rem non neglexerunt, missusque est, qui Dresdæ, An. 1722, coram ipso Rege nostro potentissimo, magna spectantium copia confluyente, denuo virtutem machinæ comprobavit, impetratoque non contemnendo præmio, artificium detexit. Idem paullo post in Galliam profectus, cum Lutetiæ Parisiorum, tum alibi, rem suam non egit infelicitè, Resonumque excitavit, ut novam imitari methodum atque amplificare, non mediocri studio, nec infelicitè contenderet. Quanquam fatendum profecto est, machinam Greylianam haudquaquam eam apud plerosque nostrates invenisse approbationem (rei an hominum vitio, incertum) quam mereri videbatur, neque etiamnum in frequenti usu esse. Sed ad ipsum artificium veniamus, quod est hujusmodi. Dolium quoddam ligneum, XXX, vel etiam plures

aquæ cantharos capiens, paratur, in cuius medio firmatur vasculum, ex laminis ferreis constructum ac pulvere pyrio impletum, ad quod a summitate dolii tubus pertinet, materiam continens, concipiendo facile atque ad receptaculum pulveris propagando igni accommodatam. Usus hic est, ut in conclave incendio correptum machina inferatur; qua, ab incluso accensoque per tubum commemoratum pulvere, celeriter ac vehementer displosa, aqueisque particulis quaquaversum cum impetu dispersis, continuo extingui flammam necesse est. Ita & temporis, & sumptuum, non mediocri compendium facere, & omnia mox in promptu habere licet, quibus paucorum hominum opera delere ingens incendium valeas. Et quanquam in ædificiis jamjam corruentibus, aliisque in locis, undique, ac superne imprimis, nimium apertis, machinam Greylianam vix ullius esse usus fatendum est, ignem tamen in conclavi quovis vehementissimè sævientem, ac per fores fenestrasque apertas magna vi erumpentem, ope hujus machinæ celeriter penitusque extingui posse, non uno tentamine comprobatur. Hæc præmittere visum fuit, priusquam de methodo doctissimi Autoris Angli, qui nunc sub manibus est, exponeremus. Is cum jam antea diu multumque cogitasset de inveniendis perficiendisque machinis, violentiæ incendiorum rite opponendis, neque ullis postea sumptibus pepercisset, ad addiscenda tentamina, Lutetiæ potissimum instituta, atque ad explorandam machinam Germanicam, de qua audiverat, postremo voti sui compos omni studio in id incubuit, ut inventionem laudatam, quam vehementer statim approbavit, a defectibus quibusdam liberaret, commodioremque exhiberet. Et nimiam quidem amplitudinem gravitatemque machinæ Germanicæ imprimis corrigendam ratus, scilicet ut commodius tractari faciliusque inferi in loca quævis angustiora atque altiora posset, arte chemica, quam diu strenueque exercet, ita præparavit aquam, & certa quadam materia igni inimica (ut ipse loquitur) imprægnavit, ut jam multo minor ejus quantitas requiratur, ad effectus non modo non minores, sed etiam majores præstandos: eademque opera simul illud obtinuit, ut aqua a corruptione conservetur, quod ad diuturnitatem machinæ non exigui esse momenti facile intelligitur. Ceterum

rerum quod suis machinis, in iis etiam conclavibus, quorum fenestraz ac januz apertaz sint, itemque in pluribus conclavibus simul ardentibus, extingui flammaz posse memorat, ea quidem re nihilo esse inferiorem Greylianam machinam censemus. Divisus est totus libellus, quo methodum suam exponit Autor, in quinque capita. Primum agit de nova methodo in genere ac de tentaminibus duobus publice factis. Alterum descriptionem & usum machinaz complectitur, a Greyliana parum differentis: nam & doliolo ligneo utitur Autor, diligenter oblito ac communito, ne penetrare atque effluere liquor possit, & receptaculum pulveris sphaericum, oblongum, e metallo constructum, in medio ponit firmatque, & aquam, non tamen illam simplicem ac puram, circumfundit, & tubum denique adhibet incendiarium, operculo instructum, quod, ubi usus est, facile remove licet. Ceterum machinarum suarum tria facit genera; quorum unum, majoribus oecis atque atriis destinatum, quinque circiter liquoris mensuras, quas Angli *Gallons* nominant, alterum pro modicis conclavibus tres, tertium duas, pro minimis complectitur: quibus duo minora genera addit, in scalis, incendio correptis, aliisque locis angustioribus, maxime vero in caminis (unde etiam *machina caminorum* dicuntur) usurpanda; quae a superioribus non modo amplitudine differunt, sed & eo, quod receptaculum pulveris non in centro, sed in fundo habent, quippe sursum, non quaquaversus, explodenda, ob eamque rem ope perticae, cui affiguntur, sublimia tenenda, tubulo incendiario deorsum spectante. Jam circa usum haec potissimum observanda sunt: ut inserta machina in conclave ardens, materiaque in tubulo incendiario inflammata, mox tergum vertas ac recedas paullulum, deinde, explosione facta, secure ingrediaris, & reliqua forte ignis semina linteis scopisve madefactis deleas; ut, si in coronide spatiosissimi conclavis ardentes quidam carbones reliqui sint, eos in subsidium vocata machina camini, extinguas; ut, si in una tantum & propiori parte conclavis, nimium in longitudinem patentis, ignem explosa machina extinxerit, cum alia machina ad partem remotiorem continuo accedas, indeque similiter flammam arceas; ut, si plura conclavia ejusdem contignationis ardeant, in singulis singulas machinas accommo-

commodati generis explodi cures ; ut denique, si plures continuationes flamma occupaverit, inferioribus locis prius succurras, ac postea per scalas, machinis caminorum adhibitis, ad superiora tibi viam pares. In tertio capite præcipue commoditates novæ methodi exponuntur. In quarto ac quinto machina consimilis, quam æmulator quidam Povey, cum tentaminibus Autoris nostri interfuisset, ac fragmenta displosarum machinarum studiose collegisset, perperam imitari, vocabuloque *Machina vigilis* insignitam Londini publice vendere ausus est, examinatur atque reprehenditur. In præfatione opusculo præmissa cum alias machinas contra incendiiorum vim adhuc paratas, maximeque Germanorum *serpentes aquarios*, (*Schlangen-Spritzen*) seu siphones longos, e corio confectos, ideoque flexiles & expedite dirigendos, laudat Autor noster, & cur tamen non sufficiant, ostendit, tum quid ipse præstiterit, & qua ratione ad novam suam methodum pervenerit, ingenue satis profitetur.

NOUVELLES DECOUVERTES SUR LA GUERRE, dans une Dissertation sur Polybe ; par le Sieur DE FOLARD, Chevalier de l'ordre militaire de S. Louis, & Mestre de Camp d'Infanterie.

i. e.

NOVÆ MEDITATIONES DE RE MILITARI, Dissertatione in Polybium expositæ ; Autore Dn. DE FOLARD, Equite ordinis militaris S. Ludovici, & Præfecto castrorum peditum. Editio secunda, ab Autore revisa.

Bruxellis, apud Franciscum Foppens, 1724, 8.

Plag. 19.

ERUDITIS militibus jure meritoque annumerandus est Autor hujus operis, non tam equestri dignitate & muneris splendore, quam artis Martisque studiis florentissimus, majoremque sibi insuper celebritatem majore, quod molitur, opere conciliaturus. In pace enim, qua fruimur, dulcissima studia belli literarum ductu

exor-



exornare, quin immo ad majorem perfectionem perducere, & simul antiqua literarum monumenta ea, quam XXXVI expeditionibus sibi comparavit, rei militaris peritia illustrare dum est aggreſſus, prolixum in Polybium conſcripſit Commentarium militare, quem ſubſcriptionum, quas vocant, ope in lucem publicam edere voluit. Sed ſiniſtris nonnullorum judiciis ſpem, quam conceperat, præcidentibus, poſt primam inſtituti ſui ideam, typis jam antea deſcriptam, tres in hoc opere exhibet diſſertationes, ex majori ſuo Commentario deſumptas, ut, quid in illo præſtitum ſit, ex his ſpeciminibus periti in arte militari perſpicere, & ex ungue leonem cognoscere poſſint. Prima enim complectitur prolegomena Commentarii in Polybium; altera, quæ doctrinam de columna tradit, initium eſt majoris illius operis; & tertia de inſtruenda acie, primo Commentarii Tomo coronidis loco eſt annexa.

Ex præſatione tantum obſervamus, Autorem firmiter ſibi perſuaſum habere, ſententiæ ſuæ, quam ipſemet paradoxam novamque nominat, nihil poſſe objici, quam quod nova ſit & ſingularis: veritatem quidem nudam, a nudo, i. e. fortunæ ornamentis haud fulgente propositam, per paucos nanciſci ſectatores: ad doctrinam tamen ſuam de columna facile applicari poſſe, quæ Carteſius in principiis artium & ſcientiarum inquirendis requirat. Ut vero harum rerum curioſis ſalivam moveamus, ipſarum diſſertationum argumentum paucis indicabimus. *Prima* decem conſtat capitibus, in quorum primo Autor cauſam exponit, qua commotus, laborem ſatis arduum & difficilem ſuſceperit; nullum ſcilicet de re militari accurate pleneque ſcripſiſſe; ſi Vegetium & Montecuculum exceperis, reliquos omnes parvi eſſe habendos; Machiavellum & de Loſtelneau plagiariis eſſe accenſendos, illum Vegetium, hunc Germanum quendam, cujus nomen non exprimit, in linguas ſuas vernaculas fere tantum tranſtulſiſſe &c. In ſecundo capite militiam uſu tantummodo addiſciſſe negat, eandemque ſcientiam ſpeculativam magis quam experimentalem eſſe, pluribus contendit. Militiam itaque in formam artis redacturus, vel potius de militia commentaturus, Polybium ſe prætulſiſſe Cæſari, Cap. III fatetur, cum ille Magiſter ac Conſiliarius mili-

tum rectius dici possit, quam quidem Homerus, hoc titulo a non-nemine insignitus. Cap. IV argumentum & utilitatem Commentarii sui in Polybium plenius describit, & lectorem certiores esse jubet, omnia, quæ ad militiam veterum spectant, nova & facili ratione in illo explicari, plurimumque lucis accendi antiquis autoribus recte intelligendis, in primis Tacticam, sive artem instruendi aciem, præscribi omni numero absolutam. In Cap. V ad Tacticam Græcorum & Romanorum digreditur, & Græcorum non tantum simpliciores, sed & perfectiores fuisse asserit. Cap. VI Romanorum aciem prolixius depingit, & Lipsium, quem ceteri sequuntur, ignorantie rei militaris accusat, novamque exhibet delineationem. Cap. VII ea persequitur, quæ in Commentario suo inveniuntur, cujus historiam Cap. VIII ita enarrat: se animi gratia sæpius legisse Polybium, & observationes suas ad marginem adnotasse; ex illis se peculiarem tractatum de militia componere voluisse, ejusque sciagraphiam A. 1709 ab ipso Delphino & Duce Burgundiae probatam fuisse; postea se castra Caroli XII Regis Sueciæ secutum, MS. Cta sua secum summis in Sueciam, ea vero omnia perdidisse naufragio ad oram Jutiæ, cum ex Suecia reverti voluisset in patriam; telam ergo novi operis denuo incipere, cum nimis molestum visum sit, ad Polybium tantum illustrandum applicuisse animum; versione autem *Ricci* Gallica minus fideli, & Casauboni Latina plurimis in locis perobscura existente, quod hic imprimis veterum militiam, atque adeo ipsum Polybium non satis intellexerit, Benedictinos S. Germani se adiuisse, & Thuillerium, Græcas literas optime callentem, textum primum verbotenus transtulisse, & tunc sententia Autoris nostri cognita, novam versionem adornasse: atque hoc pacto omnes se superasse difficultates, & re ipsa expertum esse, rei militaris peritiæ ignorantie linguæ sæpius subvenisse. In Cap. IX novas sententias suas recenset, ex ipso Commentario hauriendas, & contra Lipsium atque P. Danielem, cujus Historiam rei militaris Franciæ meritis alibi prosequemur laudibus, fossas castrenses (*tranchées*) veteribus jam in usu fuisse probat, laudatque Ablancurtium, qui in Gallica versione Cæsaris verba *intra vineas* transtulit *dans la tranchée*: ubi p. 76 sqq. specimen novæ versionis Polybii Gallicæ

licæ, suarumque observationum inserit. Cap. X institutum suum denuo vindicat, multiplicem usum ex Commentariis suis in milites non solum, sed & in omnes antiquitatum cultores redundaturum asserit, tandemque concludit, opus suum, ad prælium jam paratum, quod in suo genere unicum sit, & totum belli ambitum exhauriat, præ multis aliis dignissimum esse, quod regio sumtu splendide & magnifice imprimatur. Et quis invideret illi hanc felicitatem, si institutum, quod sibi hæctenus minus prospere cefisse queritur, felicioribus auspiciis frueretur, & regiam munificentia in obstetricantem adipisceretur?

Sed properandum nobis est ad reliquas duas dissertationes paucis perlustrandas; quarum prior inscribitur *Traité de la colonne*, i. e. tractatus de columna; in cujus Cap. I ostenditur, artem bellicam nondum ad summam perfectionem esse perductam; Cap. II, quid per columnam intelligatui, nempe exercitus peditum in forma quadrangulari oblonga dispositus, & quænam sint ejus partes; Cap. III, quomodo diversa Veterum aciem instruendi ratio huic invento ansam dederit, & quid de turma quadrata (*bataillon quarré*) statuendum; Cap. IV, quid de forma triangulari seu cuneo veterum; Cap. V, quibus argumentis; Cap. VI, quibus exemplis probari possit, formam illam quadratam oblongam reliquis esse præferendam; Cap. VIII, quomodo eadem formari, & in illa prælium committi debeat; & Cap. IX, sarissam (*la pique*) inter arma peditum, veluti summe necessariam, omnino retinendam fuisse, cujus usum & defectus indicat, novamque speciem delineat commendatque. In ultima dissertatione disquiritur, num aciem instituendi ratio, qua pedites in medio, & equites ab utroque latere ponuntur, tam bene fundata sit, quam antiqua est, & universalis. Et in hujus dissertationis parte prima Autor de ordinibus & armis veterum & recentiorum suam exponit sententiam; in parte altera equites & pedites in acie oportere intermixtos esse, demonstrare conatur; & in tertia ordinem, quem tutissimum, & perfectissimum, & regulis belli quam maxime conformem esse judicat, describit, atq; exemplis & rationibus confirmat. In fine hujus dissertationis se quoque Commentarium in Cæsarem, prout in Polybium, adornare testatur: sed utrumque a regia liberalitate suppetias expectare.

ACTA ERUDITORUM  
JOSEPHI JUVENCII, ESOC. J. RATIO  
Discendi & Docendi.

Parisiis, apud Fratres Barbou, 1725, 8.

Pl. 32 dimid.

**A** Etatis puerilis institutione famam sibi quam maxime comparare studuit a prima sua origine Societas Jesuitarum, nec omnem non movit lapidem, ut studia, quæ docentibus non minus, quam discantibus plurimum laboris pariunt, quoquo modo faciliterentur. Quem in finem libello de studiorum ratione in discantium gratiam edito, & jam multoties recuso, nuper in congregatione generali XIV decreto X sancitum fuit, *ut præter regulas, quibus Magistri literarum humaniorum diriguntur ad docendum, haberent instructionem ac methodum recte discendi, ad quam privata sua studia exigerent, etiam tunc, cum aliis edocendis dant operam.* Huic decreto satisfactorius Autor, qui duobus Orationum Tomis, ex quibus eas in Actis nostris 1703 p. 321 laudavimus, quæ tum temporis editæ fuerunt; nec non Horatio, Terentio, Juvenali, Martiali & Ovidii Metamorphosis notis illustratis; & dissertatione de Diis & Heroibus Poeticis, modo huic, modo illi auctori ex commemoratis appendicis loco annexa, Rhetorices denique Candidato & Institutionibus Poeticis inclaruit; præsentem elucubravimus methodum pro docentibus, ut ex ejus Parte prior, quæ rationem discendi tradit, ipsi Professores & Magistri discerent, quam in studiorum cursu viam tenere ac sequi possent; ex posteriore vero, quæ docendi rationem præscribit, juventutis recte docendæ ducendæque prudentiam sibi redderent cognitam perspectamque.

In prioris Partis, quæ tribus absolvitur Capitibus, Capite primo, & ejus quinque articulis agitur de *linguarum*, Græcæ, Latinæ & vernaculæ, cognitione; de autoribus Græcis Latinisque; nec non de stilo ejusque vitiis & virtutibus. Alterum Caput circa ipsas versatur *scientias*, & quatuor articulis Rhetoricam, Poeticam, Historiam, Chronologiam, Geographiam & Philologiam seu polymathiam, ad quam Artem Heraldicam, Symbolicam, Epigraphicam, Diplomaticam, peritiam numismatum, & id genus alias



alias artes, in primis rationem ænigmatum recte conficiendorum refert, strictum persequitur. *Tertium* varia doctrinæ parandæ *adminicula* subministrat, atque articulo primo notas & excerpta disponit; secundo ordinem in studiis fervare jubet; & tertio frequentiora studentium errata notat, dum vel segniter, vel præter modum in laborem incumbunt, memoriam non excolunt, libros sine delectu evolvunt, optimos in quovis genere negligunt, levioribus contenti &c. Si de hac discendi ratione verum fateri licet, discantibus quidem eadem commodè inservire posse videtur, quanquam & discantes in ludis literariis plura adhuc discere debeant, in hac methodo prorsus omiſſa: docentibus vero vel nullam vel exiguam admodum præstabit operam, cum levia tantum & vulgaria sint pleraque, quæ in illa proponuntur, nobisque vix ac ne vix quidem persuaderi patiamur, in Jesuitarum scholis tales constitui Magistros & Professores, qui ea, quæ hic exhibetur, linguarum, scientiarum, auctorumque notitia ipsi adhuc sint imbuendi. Quid? quod Magistri etiam in arte critica, antiquitatum studio, historia literaria, maxime Philosophica, & in rerum divinarum humanarumque cognitione prope versati, & Hebræas ut taceamus literas, Matheseos non prorsus expertes esse debeant, cum illas qui ignorat scientias, Autores classici Græcos Latinosve, ipsemet plene percipere nequeat, tantum abest, ut aliis rite interpretetur: sed eas discendi rationem frustra in hac methodo quæſiveris.

*Posterior* Pars, seu ratio docendi, totidem constat Capitibus, & C. I *pietate*; Cap. II *eruditione* discipulos imbuere docet; Cap. III præcipua quædam bene docendi *præſidia* commonſtrat. Et hæc quidem Pars multa continet, quæ monitu sunt necessaria, & apprime salutaria. In primo enim Capite bene recteque monetur, præceptorem ipsum pium esse oportere, piosque cum discipulis habere sermones, & variis artibus eorum fovere pietatem. Quod præceptor etiam B. Virginem ita adorare jubeatur: *tu cali Regina Augustissima, quæ teneram hanc pubem, istos filios a Christo primogenito tuo tibi datos habes, monstra te esse matrem*; quod jubeatur sacrificium, si sacerdos fuerit, pro discipulis identidem offerre Numini; Sanctos, ut D. Josephum, S. Nicolaum, S. Catharinam Alexandrinam, S. Callianum Martyrem, D. Pelagium &c. vocare

subsidio; curare etiam, ut pueri de sacrificio missæ magnifice sentiant, & ii, qui maxime omnium idonei videantur, in sodalitia B. Virginis adsciscantur, &c. talia a Societatis Jesuitarum Magistro præcipi, mirum videri debet nemini. Non possumus tamen, quin serio probemus monitum, scriptores, quamvis ethnicos & profanos, ita explicandos esse, ut quodammodo fiant Christi præcones. In Capite secundo Autor duplicem primum studiorum stimulum, laudem & vituperium, commendat; tum, quomodo studia discipulorum privata dirigenda & Academia in illis erigenda ostendit; porro publicas exercitationes, & imprimis modum explicandæ prælectionis prolixius describit, cujus quinque vel sex constituit partes seu regulas, quas exemplis nonnullis illustrat; & deinceps de scholarum regimine, de pædagogis, de libris prælegendis, & de schola rhetorum domestica differit. In ultimo Capite docet, qua ratione autoritas Magistro possit conciliari, & discipulorum modestia atque attentio excitari, tandemque concludit, tentari quidem solere & infringi docentium laborem negligentia, studiis ab instituto alienis, nimia cum discipulis familiaritate, agendi cum iisdem ratione non satis æquabili, tædio etiam ac defatigatione; sed his frequentioribus docentium vitiis obviam iri optime, si quis muneris sui dignitatem, summasque utilitates animo sæpius verset suo, sique meminerit, quicumque laborum exitus demum futurus sit, præmium non successui, sed labori, non fructui, sed studio conatibusque responsurum.

## NOVA LITTERARIA.

**C**UM Lugduni Batavorum Janssonii van der Aa novam *T. Lucetii Cari* de rerum Natura Libr. VI editionem Cl. Viri, *Sigberti Havercampi*, cura in forma quarta typis subjecerint nuper, & conspectum operis, intra paucissimos menses prodituri, & leges ac conditiones subscripturis propositas prodiderint, inde præcipua hic repetere lubet. Quod adeo ad ipsum opus attinet, præfigentur Præfationes &c. Edit. primarum, Doctorumque, quorum Notæ & Commentarii in hoc Opere continentur; Testimonia de Poeta &c. Textus ipse ad probatiores maximeque genuinas ex  
im-

impressis vel MSS. Codd. plus XXV & præcipue duobus antiquissimis Lugd. Bat. quondam Vossianis, emendatus exhibebitur. Interpretatio Thomæ Creech loco debito subjicietur. Variæ Lectiones ex ingenti illo Codd. numero, sed litteris A. B. C. notat. itidem separatim subjicientur; intermissis conjecturis Isaaci Vossii, five Var. Lect. quas idem ex aliis quam suis MSS. hauserat. Sequentur dein suo ordine & loco Notæ plane integræ *Dionysii Lambini*, *Oberti Gifanii*, *Tanaqu. Fabri* & selectæ *Jo. Bapt. Pii* aliorumque, sed ita, ut ad maximam Lectoris commoditatem, longo Editoris & juvenili quondam labore, ubique Libri & versus exprimantur locorum, qui ex Poetis &c. passim in iisdem adducuntur. Hisce Notis illæ *Thomæ Creechii* integræ inferentur, ubi non de verbo ad verbum ex Fabro aut Lambino, sæpius iisdem laudatis quoque, sunt descriptæ, ne videlicet chartæ dispendio bis idem legeretur. Accedent nunc primum doctissimi Viri, *Abrahami Preigeri*, Notæ, ut & ipsius Cl. Hevercampi, itemque *Isaaci Vossii* quædam, quas oræ Codicis sui adscripserat Hadrianus Beverlandus. Opusculum deinde, a Viris doctis maximis laudibus commendatum, Ob. Gifanii in T. Lucretium Index, seu potius Conlectanea, in quibus vocabula prisca ac dictiones elegantiores commemorantur, & adductis aliorum Scriptorum testimoniis, sæpe explicantur. Sciat vero Eruditionis studiosus, voces in hoc opere (quod a Gifanio ad paginas Poetæ, non numeratis versibus, erat confectum) suis versibus fuisse assignatas; atque libros, capita, versus Historicorum & Poetarum, quorum testimonia adducuntur, ipsis verbis passim in legentium usum fructumque maximum esse appositos. Agmen claudent Indices numerosi, luculenti & copiosissimi Auctorum, qui citantur, explicantur, emendantur; rerum & verborum, quæ notabilia in omnium Interpretum Commentariis occurrunt; omnium quoque verborum, quæ apud Poetam exstant. Et ne ornatus defuit, singulis libris apponentur Tabulæ æneæ ab optimis Chalco-graphis sculptæ.

Leges, quas sibi aliisque dederunt Typographi, hæ sunt :  
 1. Novem Alphabetis integris Opus hoc constabit, atque chartæ nitore & characterum novitate, five recenti usu præstans, duobus  
 com-

comprehendetur voluminibus, præfixis loco suo artificiosissimis (ut diximus) picturis. 2 Exemplaria non plura inprimuntur quam octingenta & viginti, quæ vix dimidia pars est istius numeri, quo definiri passim modus editionis similis solet Autoris. Eo ipso autem pretium libri in dies auctum iri omnes sciunt; pro rei autem fide in singulis exemplaribus addito chirographo suo appingent Typographi, quotum sit. id ipsum; quo facto per omne seculum promissi fides implebitur. 3 Fidem suam iidem interponunt, Opus hoc nunquam iterum, typis suis excusum, exiturum; neque sese jus suum cuiquam librariorum unquam vendituros, tradituros, aut relicturos. Quo ipso itidem Dominis semper eodem imo majore pretio possessio libri permanebit. 4 Ante finem mensis Julii anni hujus 1725, & forsitan prius, integrum Opus erit absolutum. 5 Si forte contingat, ut numerus Subscriptentium superet numerum Exemplarium 820, uti diximus, qui priores nomina dederunt, jure vincent, neque reliquis exemplar concedi poterit, quum numerus porro augeri nequeat. 6 Merces, quæ libraribus a subscriptoribus repræsentabitur, pro tantis in operosam hanc Editionem impensis, jam ante, neque alieno ære, factis, æquissima est, videlicet: Ubi quis nomen suum dabit, pro ejus formæ, quæ adjicitur (neq; enim alia forma vel majori vel minori impressa sunt exemplaria) solvet 6 Flor. ubi integrum Opus seu II Volumina accipiet, 7 Flor. Atque ita totum Opus 13 Florenis dabitur Subscriptoribus, singulis foliis octo chalcis, sive uno stufro æstimatis, & reliquo summæ pro picturis insumendo. 7 Si tamen contigerit, ut ex exiguo hoc numero quædam restent exemplaria, quæ Subscriptores suos non invenerint, illa nulli hominum nisi annumeratis sexdecim florenis posthac ullo modo addicentur. 8 Ipsa Supscriptio exordium sumet primo die Febr. 1725, neque prorogabitur in Holl. atque hisce terris ultra 15 mensis Maji, in Anglia vero, Germania &c. ad finem usque dicti mensis, propter loci distantiam, extendetur. 9 Subscriptiones denique in se suscipient præcipui typographi in Belgio, Germania, Helvetia, Anglia & Gallia.





# ACTA ERUDITORUM,

*publicata Lipsiæ*

*Calendis Maji Anno MDCCXXV.*

**M. TULLII CICERONIS OPERA, QUÆ SUPERSUNT omnia, cum ASCONIO & SCHOLIASTE veteri; ac notis integris P. VICTORII, F. CAMERARII, F. URSINI, & selectis Manutii, D. Lambini, F. Guilielmi, F. Gruteri, J. Fr. & Jac. Gronoviorum, J. G. Grevii & aliorum quam plurimorum, qui aliquam Ciceronis operum partem Animadversionibus illustraverunt. ISAACUS VERBURGIUS collegit, disposuit, recensuit, variantes lectiones ubique apposuit, paginas Aldinæ editionis, quas Nizolius & alii sunt secuti, una cum Alexandri Scot Sectionibus, Apparatus Latine locutionis respondentibus, ad utentis commodum ubique diligenter notavit. Cum Indicibus accuratissimis insigniter auctis.**

Amstelodami, apud Rod. & Gerh. Wetstenios, 1724, fol. 4. & 8.

In fol. Voll. II. Alph. 22 pl. 21. In 4. maj. Voll. IV. Alph. 16 pl. 1.

In 8 min. Voll. XI. Alph. 22 plag. 12.

**F**acile est, edere atque illustrare autores veteres, qui tribus, ut ille ait, chartis constant: difficilius, qui magna & ampla opera posteris reliquerunt, a quibus vel ipsa mole bene cupientes deterrentur. Verum tamen facile etiam est, amplissima Volumina renovare & animadversionibus exornare. Nam, ut non dicamus, sæpissime tales conatus plus ostentationis, quam operis habere, ex tot scriptis unius auctoris levi & gratissima opera ingenium ejusdem & linguam certissime nosse

Bb

licet;

licet; cum contra in brevioribus Scriptis hoc maxime negotium faceſſat editoribus, quod ex paucis adeo paginis genium auctoris non ſatis cognoscere, & ſic vera a falſis, ſi emendare nituntur, non ita certo diſtinguere queant. Hoc tali commodò quantum uſus ſit in edendis Tullii Ciceronis Operibus omnibus *Cl. Verburgius*, nemini obſcurum erit, qui laborem ejus inſpexerit. Non potuit igitur non moleſtiſſime illi accidere, quicquid in Tullium contulit: eo magis, quoniam, præter libri molem, cum per magno numero interpretum conſiſtendum illi fuit, ex quibus fere omnibus notas excerptas Ciceroni ſuo adjecit. Quo factò promeritus eſt, ut nomen ejus a Cicerone illuſtretur, ut Ciceronis libris præmitteret imaginem faciei ſuæ: cum ingenium ex ipſius notis quilibet lectorum deprehendere queat. Res monet, ut perſpicue magis & diſtinctius de hoc noſtro Cicerone loquamur. Mittimus tralatitia, & quæ jam in vulgus nota ſunt: tribus ſimul formis librum impreſſum eſſe, ita, ut eadem in omnibus literæ, eadem adnotationes ſervatæ ſint; niſi quod in forma prima & octuplici variæ lectiones in ora poſitæ ſint, quæ in forma quater plicata inter contextum & adnotationes ponuntur: & quod in hac paginæ Aldinæ editionis in margine quidem, minoribus tamen numeris notatæ ſint, quæ in illis majoribus h. e. Romanis numeris notantur. Neque illud majoris momenti eſt, quod in prima & ſecunda forma libris, præter ornamenta in fronte ponenda, adjiciantur duæ tabulæ æneæ, altera, quæ Verburgii faciem, altera, quæ Ciceronis vultum, ut eſt in editione Gronovii, repræſentet: quarum prima in forma octuplici deſideratur. In reliquis omnibus, modo chartam non reſpexeris, plane conſentiunt, ita, ut etiam typorum errata ſerventur. Sic ad Orat. pro Cluent. cap. XIX nota 59, poſt verba contextus in omnibus formis omittitur uncinulus: item ad Orat. de Haruſp. Reſp. cap. VIII nota 19 ſcribitur *incomparabilis viri*, pro *incomparabilis vir*: nec non ad Orat. pro M. Marcello c. III nota 25 poſt vocem *Barthii* omittitur diſtinctio, quam provide appoſuerat Jac. Gronovius, ne lector feſtinans *Barthii pater* conjungeret, ſibi que perſuaderet, Barthium non fuiſſe in his literis

no.

novum hominem: porro in Libr. III ad Attic. epist. XV not. 50 in Verburgii, quod mireris, observatione omnes formæ habent *viatores videremus*, pro *viveremus*; sicuti in nota 88 in Libr. IX ad Attic. epist. X βλέτων legitur, pro βλέπων, ut alia omittamus. Quædam tamen hujusmodi errata suæ quæque formæ propria sunt, quod, si primam consulueris, videbis Lib. I in Verrem cap. VII nota (b) in Asconio, III Verr. cap. XXV nota 63 & aliis. Ad Opus ipsum ut adgrediamur, post Præfationes Victorii & Camerarii, quorum, ut & F. Ursini, notæ integræ exhibentur, ponitur Vita Ciceronis, a Fr. Fabricio conscripta, notulis quibusdam Jac. Gronovii stipata; eamque excipit libellus, ut Editor vocat, rarissimus Schotti, qui inscribitur: *Cicero a calumniis vindicatus*. Sequuntur Autoris, qui aliis Cornificius nomine est, Libri Rhetoricorum ad Herennium, ab imperitis Ciceroni aliquando adscripti, quibus præter ea, quæ ad alias partes adjecta sunt, Longolii paucas, plures Hieronymi Capiduri adnotationes subdidit. Iste Capidurus plerumque exempla afferre solet, ut doctrinam autoris illustret, eaque vel ex Cicerone, vel ex aliis scriptoribus desumpta. Sic ubi Cornificius, vel quicumque alius, docet, quod ab auditorum persona benevolentia captetur, ex Oratione Darii apud Curt. V cap. 8 verba adscripsit. Ad libros de Inventione accesserunt pauca ex notis Nascimbenii; ad Dialogos autem de Oratore selecta ex Commentario Jac. Ludov. Strebzi & ex notis Zacharia Pearce. Ille quidem obscura quæque optime explicat, quod vel ex sola observatione ad libr. III de Oratore cap. XXXIII de Jctis transverso foro ambulantibus discas; hunc vero Pearceium castigare etiam ausus est Cl. Editor ad libr. I de Orat. cap. XI, ubi tamen, quid dicere sibi visus sit, nos haud assequimur: propius tamen nosces doctissimum Pearceium ex observatione ad libr. I de Orat. cap. LI, & ad libr. II cap. V. Librum de claris Oratoribus, qui dicitur Brutus, ornant doctissimæ animadversiones Seb. Corradi, & Jo. Rivii; ille magis Historica, hic vero Grammatica sectatur; uterque legentibus satisfacit. In Oratorem ad Brutum pauciores dedit notas: unam Strebzi, unam Manutii, unam Godofredi, unam Gronovii; reliquæ sunt

Camerarii, Victorii, Ursini, Lambini, Gruteri ac Verburgii & hæc quidem non adeo magnæ operæ. Reliqua Oratoria opuscula etiam paucis tantummodo illustrantur. In Orationibus secutus est maxime Celeb. Grævium, addidit tamen quædam etiam ex Gronoviano penu. Præterea accedunt ad Orat. pro S. Roscio Amerino Jo. Saxonii notæ, quæ quales sint, vide ad cap. XXVI nota 72, ubi ostendit, quod falso quidam putaverint, lustrationem expiationemque tantummodo aqua fluviatili, non etiam marina, fieri solitam, cum contrarium ex Cicerone & Euripide demonstret. Observationes ad Libr. V in Verrem ineditis Petri Nannii, de quibus vide Cl. Editorem ad dictæ orationis cap. VII nota 13, augentur. Oratio pro A. Cæcina accessiones habet Pellitarii, qui ad cap. II scilicet docet, quid sit *religio*, *obstringere religionem*, *exsolvere* & *dissolvere religionem*; ut & Tislini, qui ad cap. X quædam de Phormione, alia alibi, annotat. Illustrioribus accessionibus splendent Epistolæ ad Familiares scriptæ, ineditis observationibus J. Fr. Gronovii, & quæ cum illis de eruditione certant, Gisb. Cuperi. Gronovianarum exemplum habet unam illam ad libr. I epist. 9 not. 19: *magna mercede* i. e. gravi danno. Sic in Orat. pro domo: *data merces est erroris mei*, *magna Pontifices*. Livius VIII cap. 39: *expiandum id bellum*, *magna mercede tuendumque esse*. Silius Libr. VII: *imbelles*, *magna mercede piabunt Erroris rabjem*. Hæc Gronovius. Cuperianarum illam damus not. 53 ad eandem epistolam, ubi Cicero meminit *aliptarum*. De re, scribit Cuperus, vide Arnob. Libr. I adv. gent. & ibi Elmenhorst. adde prima Scaligerana pag. 17 in voce *Balnearum*, nec non Meursium libr. I Critici Arnobiani. Persius Sat. IV:

„ - - uncta vixisse patella

„Semper & assiduo curata cuticula Sole &c.

„Ubi vetus Scholiastes: *curata cuticula*, *scilicet a chromatariis* &c. adde omnino Casaubonum ad dictum Persii locum & Franc. Francum Confut. Animadv. Antonii Cercoetii pag. 182. Atque hinc explicandus Terent. Adelph. A. IV Sc. II v. 4., Hæc Cuperus. Et quantum quidem ex variis documentis discere licet, habuit Ampliss. Cuperus illas Gronovii ineditas notas in manibus, & suas



& suas illis adjecit: sæpe enim sese hæ ad illas referunt. Si forte ista relatio a Cl. Editore est profecta. Vide modo ad libr. I epist. 2 not. 24 & '38; & ad libr. III epist. 6 not. 39. Ejusdem J. Fr. Gronovii ineditæ notæ accesserunt etiam interpretibus Epistolarum ad Atticum. En tibi unam. Ad libr. VI epist. 8 princip. not. 47 ita scribit Gronovius: *cum instituissem scribere calamumque, sumsissem*) Sic *calamariam thecam* Sueton. Claud. 35 & Martial., XIV, 9; veteres enim non pennis, sed calamis, sive arundinibus, scribebant. Persius III, 11, Auson. Epist. 15., Ita Gronovius. Verum, nobis tacentibus, quilibet sentit, multa in his Gronovianis, quæ primum vulgavit Verburgius, inesse, quæ nunquam vulgari voluerit optimus Gronovius. Et quanquam plurima nomine ejus haud sint prorsus indigna, indicia tamen certissima produnt, ex scholis privatis aut publicis Viri doctissimi esse desumpta: in quibus tironibus quædam exponere licet, quæ vix satis apte in tali editione Ciceronis leguntur. Et si tironum commoda spectare voluissent curatores hujus editionis, infinitum numerum notarum hoc more his aliisque libris addere debuissent. Reliqui Epistolarum libri, nempe ad Q. Fratrem & ad Brutum, a *Malaspina*, *P. Manutii* & *Hotomanni* curis aliquam lucem acceperunt; a pluribus autem libellus Nepotis de vita Attici. Sequuntur Academicæ Quæstiones, exque *Turnebi*, *P. Manutii* & *P. Fabri* selectis notis superbiunt. Libri de Finibus bonorum & malorum *Mureti* saltem diligentia aliquid debent in hac editione; nihil vero *Thomæ Bentlejo*, cujus notas tum ob alias causas, tum ne volumen hoc nimis pinguesceret, neglexit Editor. Quæ aliæ illæ causæ sint, nemo ignorabit, cui genus adnotationum *Thomæ Bentleji* haud est ignotum. In Tusculanis quæstionibus, libris de natura Deorum, de divinatione & de fato largior & utilior est Verburgius noster, quia *Davisi*, *Walckeri* & *Boubierii* laboribus uti frui, ex eorumque limatissimis observationibus multas in hanc suam editionem transferre potuit. Integras Virorum doctorum notas non dedit, (sed utinam dedisset! quod nec adeo alienum, nec importunum rationibus Cl. Editoris fuisset, & eximiam libro opinionem conciliaisset) sed utilissimas excerptas. Neque tamen excerptæ illæ plenæ adferuntur; sæpe tantum dimidiatas apponit, quod, si

cupis, cognosce ex nota prima Davisii ad libr. I de nat. Deorum. Præterea primis tantum editionibus usus est Verburgius; cum tamen Celeb. Davisius secundis curis multa emendaverit, multa mutaverit, addiderit aut omiserit. Sic notam ad libr. I cap. 1 extr. Tusc. Quæst. correxit secunda editione Davisius; eam, quæ est ad libr. I cap. 12 de *Cascis*, immutavit, nec non emendationem libr. II cap. 4 de *vita & vitiis*, omisit plane, quæ ad libr. I cap. 4 de formula *id disputo*, & ad cap. 8 de *calce*, & ad Libr. V cap. 7 de *Perse*, ubi Xerxes notatur, attulit. Et talia longe plura sunt, & editiones illæ prima & secunda adeo differunt, ut fere aliæ videantur. Amplissimi Bouhierii notæ in libros de natura Deorum Gallica lingua scriptæ sunt ab autore, sed Cl. Verburgius utilissimas latine vertit: quod nemo non odorabitur, cum legerit e.g. observationem in libr. I c. 10, ubi ita habet ex Bouhierio: „Locus „corruptus, nec sine ope alicujus MSti restituendus. Proponam „tamen conjecturam meam, qua legendum censeo: *Qui, si dii „possunt esse sine sensu? & mentem cur aquæ adjunxit, si ipsa menti „constare potest, vacans corpore*. Potest etiam ut Cicero scripserit, „*sine sensu & motu*. Secundum Stobæum enim Eclog. Phys. lib. I „c. 16 Thales inter alia statuebat, primam causam esse sine motu: „*τὸ πρῶτον αἴτιον ἀκίνητον*. Unde pulcherrimus emergeret sensus; verum metuo, ne mutatio sit nimis magna, idque tanto „magis, quia necessaria non est. De Legibus libros comitantur notæ Turnebi & Schefferi: quas, quoniam dudum in manibus eruditorum fuere, modusque autorum scribendi in vulgus notus est, exemplis hic ostendere non fuit necesse. Multo minus opus est, ut circa libros de Officiis & qui his vulgo adjunguntur, diu hæreamus. Satis est dixisse, Grævium hic maxime expressum esse, accessisse tamen laudati J. Fr. Gronovii ineditas. Libello Q. Ciceronis de petitione Cos. *Palermi* notæ subjectæ lectorem statim advertunt: ut, quæ Fragmentis Operum Ciceronis substractæ sunt, *Patricii & Sigonii*.

De his omnibus lector quædam necessarie admonendus est. Primum quidem, quando in indice *Camerarii* integræ notæ promittuntur, ut Scholia intelligat in omnem Ciceronem scripta, non alias curas, quod & Verburgius jam admonuit. Sed & ex  
scholiis

scholiis illis quædam omittuntur, quando jam ab aliis iisdem verbis prolata sunt: quod simul de *P. Victorii* castigationibus tenendum est, ut monstrabit Verburgius ad Brutum cap. V nota II, & ad Orator. cap. VI nota 4. Deinde, quod Cl. Editor nimis secure exemplaria, Gronovii maxime & Grævii editiones, secutus sit. Sic Grævius alicubi, aut, ni fallimur, ad Orat. pro Q. Ligario citat editionem *Afiens.* errore typorum manifesto; at Noster sine inquisitione retinuit errorem, cum tamen facile *Ascens. h. e. Ascensianam* editionem rescribere potuisset. Item ad IV Catilinar. cap. IV scribit nota 9 ἀνακολουθίαν cum Grævio suo, quem ἀνακολουθίαν voluisse exhibere, manifestum est. De vitiis in Gruterianis notis relictis, illis etiam, quæ damnaverant Præfatione Gronovius, e. g. ad libr. II de Invent. cap. 38 nota 78, nihil ipsi imputabimus. At simplicioribus non bene consultum videtur, quando ex Gronoviana in hanc editionem parum circumspecte transfertur illud e. g. ad I Verrin. cap. I lit. (x) Scholiastæ veteri insertum: *hunc locum citavit pater.* Intelligit Gronovius & prudentes patrem Gronovium: at forte imperiti in Verburgii editione cogitabunt de patre Verburgii, requirentque ejus editionem Senecæ. Pariter in libr. II ad Herenn. cap. 3. nota 9 media ponitur, ductu Gronovii, *Idem.* Nempe in Gronovii editione proxime præcedit *Gruteri* nomen, quem hoc *Idem* denotat; at in hac editione sequitur post nomen *Capiduri*, cujus tamen nota non est, quæ vocabulo *Idem* clauditur. Idem erratum deprehendes libr. IV cap. LV nota 15. Denique *selectas* Grævii aliorumque adnotationes promiserat. Nobis vero id nullus selectus esse videtur, quando eadem res ter, quater, aut pluries inculcatur. Jam vero Grævius vel quinquies hac editione inculcabit observationem de *tempestivo convivio*, quam hodie ne discipuli quidem Amstelædamenses magnopere desiderabunt: & tamen Cl. Verburgius ab animo suo impetrare potuit, ut & ipse inde construeret notam ad Or. pro Archia cap. VI. Eodem vitio bis, ter, quater & amplius de verbo *jacere*, quando negligi notat; de *cupidus* & *cupiditate*, ubi nimis acre partium studium notat; de *gratia*, quod & bona sit, & mala; de *non modo*, pro *non modo non* observationes diversis locis hæ notæ selectæ suggerunt. Quæ levicula  
tamen

tamen nihil dignitati hujus editionis, neque variis illis adnotationibus detrahunt: cum ab reliquis commodis facile occultentur. Hæc hæc tamen. Sed, ne *Verburgii* nostri prorsus obliviscamur, de ejus domestica quasi & propria opera pauca dicenda sunt. Primum non modo variantes lectiones, quas alii jam notaverant, diligenter adscripsit, sed & ipse novas attulit: inter quas eminent excerptæ ex codice Regio Luparensi, qui annorum circiter 800 ætatem ferre dicitur. Deinde ex Face Artium Gruteriana, Brouckhusio aliisque, maxime ex Spanhemii Dissertationibus loca, quibus Cicero emendatur, aut illustratur, sedulo collegit, nomenque suum apposuit. Ethæc melior atque major pars est ejus adnotationum. Sæpe tamen etiam per se aliquid audet. Nimirum in libr. I ad Herenn. cap. 12 necessarium judicavit adnotare, quis fuerit *L. Saturninus*. Bene ad libr. I de Invent. cap. 45 exponit mentem Tullii. Ad Brutum cap. 15 in vulgato Ennii versu conjicit legendum: *Flos delibratus populi*, pro *delibatus*. Ad Orat. pro Sex. Rosc. Amerino cap. 20 nota 60 verosimili illi visum, si legatur: *ut etiam Kappas omnes oderitis*, vel *Kappa omnia*, pro vulgato: *ut etiam eas omnes oderitis*. Ad libr. I in Verrem cap. 20 nota 61 rationes reddit, cur reposuerit, *sub dio vidimus*, pro aliorum *sub divo*; veluti non cogitaverit *de me dius fidius*, aut quod veteres promiscue *dium & divum* pro *deo* dixerint. Orationis pro domo cap. 5 verba, *propter varietatem venditorum* bene interpretatur. Ad omnes quatuordecim Orationes Philippicas ne unam quidem adnotationem contulit, quam ipse dignatus esset nomine suo: sicuti & aliæ sunt, immo & libri aut libelli, ubi nihil memorabile nobis fuit obvium. At in Epistolis ad Familiares disertus est Noster, & mox ad Epist. 2 libr. I auctoritate Gronoviana docet, *Enim* recte ab initio poni: ad libr. III epist. 5 nota 31, ubi ceteri interpretes silent, exponit verba, *ex publica permutatione*. Ad libr. I epist. 8 nota 1 testatur, se monstrum vocabuli *Emplatqrio* amplius non ferre potuisse, atque ex conjectura Ursini *M. Platorio* reposuisse: quasi vero non pridem in tribus Cellarianis edd. aliisque ita lectum sit. Similiter libr. III epist. 10 verbum *cooptari* restituit: cum & illud in iisdem editionibus jam olim lectum fuerit. Sed forte has editiones



riones pædagogum tantum consulunt, non illi, qui omnia Tullii  
 scripta legunt. Ad libr. V epist. 13 nota 79 invehitur in Gebhar-  
 dum, tueturque Urfinum, ut illo altero & meliorem & docti-  
 orem, fassus, hunc excursum esse extra suam consuetudinem.  
 Nos, etsi alienum & hoc sit, neque nos illi liti immisceamus,  
 rem narrabimus, ut eam ex schedis Illustris Spanhemii cognovi-  
 mus, quæ multum causam Gebhardi juvabit. Habebat ille Fulv.  
 Urfinus aliquando codicem manu exaratum, quem nunc servat  
 Vaticana, eum pro optimo & qui sexcentorum annorum ætatem  
 excederet omnibus venditabat: cum repente alius quidam ei  
 ostendit ab eodem librario, qui codicem scripserat, alicubi ap-  
 positum indicium ætatis, numeros nempe 1207. Sed ex aliis  
 etiam monumentis Urfini, qui non hospites sunt in his literis,  
 didicerunt, non optimis eum libris esse usum: quod fortasse  
 Gebhardi suspicionem excitavit. Hæc obiter. Epistola 6 lib. VII  
 nota 46 in verbis poetæ pro *manibus gypsatis*, mavult *malis*  
*gypsatis*, aut denique, *membris Absyrti sparsis*. Ad libr. IX  
 epist. 13 not. 59 Burmanni notas (quod & bis terve alibi factum  
 est, cum nobis ne nunc quidem eas videre contigerit, hæc tamen  
 notæ Ciceronianæ superiori jam anno absolutæ sint. Usus est  
 forte Cl. Verburgius eo beneficio, quo Cl. Snackenburchius:  
 de quo alibi diximus) Burmanni itaque notas in Ovidium citat,  
 ubi vocabulum *levidense* vix Latinum putat, & supponit in Cice-  
 rone *levi penso*. Sed Nostro ea conjectura non placet, reponitque  
*vile ac densum*. In omnes Epistolas ad Atticum vix decem adno-  
 tationes Verburgianas videbis, & a libro IV usque ad X plane  
 mutus est. Quid enim Verburgio cum Epistolis ad Atticum?  
 Tamen in libr. III epist. 15 nota 50 adscripsit: illud *viçtores*,  
*viveremus* videtur mihi non multum abesse a proverbiali locu-  
 tione. Scilicet quia Plautus eadem dictione usus est. Bonum  
 factum! proverbium est, ut apud Ausonium, *cui vivit adultera*  
*conjux*; apud Plautum, *versuti vivitis*; apud Catullum, *insulsa*  
*& molesta vivis*; apud Terentium, *deserti vivimus*; apud Sal-  
 lustium, *obedientes vivamus*; apud Livium, *obnoxium vivere*;  
 denique apud Ciceronem ipsum, *beatissimi viveremus*, ex quibus  
 exemplis quædam ostendere potuisset Cl. Editori Gronovius ad

Liv. III cap. 50. Sed satis diu hoc saxum volvimus, dum lectoribus nostris in omnem partem satisfacere laboramus. Paucis dicamus. Bibliopolæ optimi utilissimam reip. litterariæ operam præstiterunt, cum elegantem & nitidam Tullii editionem procurarunt. Nec minus utilis fuit Cl. Verburgius, dum molestissimum laborem, commodi publici causa, exhaustit. Si quæ sint, quæ non omnibus arrideant, quæque paullo melius potuissent constitui, ea omnia infinitis illis molestiis condonanda sunt. In tanto huius sæculi pruritu, in tanta multitudine notarum & commentariorum non Scaligeros modo, Heinsios, Gronovios, sed etiam Veenhusios & Schrevelios esse, ferendum est.

**THESAURUS ANTIQVITATUM ET HISTORIARUM Italiae; cum Præfat. PETRI BURMANNI.**  
*Tomi IX Pars VI, VII & VIII, quæ priorum Tomorum Supplementi vicem præstantes, præteritos & postea de-  
 mum acceptos Scriptores secundum ordinem regio-  
 num Italiae dispositos continent.*

Lugduni Bat. excudit Petrus van der Aa, 1723, f. maj.

Alph. 14 Tabb. zn. 43.

**E**T si absolutum fere putavimus splendidissimum hunc Italix Thesaurum, cum Tomi IX Partes V recenseremus in Actis A. 1723 M. Jun. p. 247 sqq. nec ipse forte Editor solertissimus de eo augendo cogitaret, plures tamen ex Italis, Viri celeberrimi, id sibi datum putarunt, ut libellos quosdam rarissimos, adhuc præterminissos, & in his ineditos aliquos, conquirerent, & liberaliter cum Nostro communicarent. Itaque hic, ne Tomos augeret, novas tamen Tomo IX Partes, sextam, septimam & octavam, priorum Tomorum Supplementum præstantes, addere non dubitavit; de quibus nunc paucis pro more nostro agemus. Exstant vero

*Parte VI: Philiberti Pingonii Augustæ Taurinorum Chronica & Antiquitatum Inscriptiones, olim Taurini 1577 fol. edita, in quibus præter gentis urbisque origines, nimis forte longe, nec satis certis testibus, arcessitas, annales nobis dedit succin-  
 ctos,*

ctos, ad ipsum annum impressionis continuatos, quibus inscriptiones urbis & Principum ac familiarum Taurinensium catalogos subjecit. *Petri Jofredi* Nicæa civitas sacris monumentis illustrata, ubi, præter Antiquitatum notitiam, Niciensis urbis, Diœcesis, Comitatus, Sanctorum & pietate illustrium, qui ibi sunt nati, mortui aut tumulati, gesta describuntur; Episcoporum Cemelio-Niciensium, nec non Abbatum Monasterii S. Pontii successiones aliaque recensentur; liber Aug. Taurin. 1658 fol. impressus, hætenus rarissimus. Fides ejus in vetustis Cl. Burmanno magis probata, quam Pingonii, quod vero Longus in Bibl. Hist. Franciæ dictionem ejus & elegantiam Latini sermonis commendat, in eo ipsi minime suffragatur. *Benedicti Accolti* Arctini, nati 1415 & Florentiæ mortui 1466, de præstantia virorum sui ævi Dialogus non inelegans, de quo uberius dictum in Actis A. 1690 p. 510. *Petri Azarii* Chronicon gestorum in Lombardia, A. 1362 scriptum & antehac ineditum, quod Cl. *Apostolo Zeno* debetur, res varias notatu dignas, Autoris imprimis tempore gestas, complexum, majoreque fide quam styli elegantia exaratum. *Andrea Bili* Historiæ, seu Commentarii rerum Mediolan. Libri IX, quibus res ab A. 1404 ad Annum circiter 1432, quo Sigismundus Imp. in Italiam venit, traduntur, cujus libri Codices, quamvis parum castigatos, eidem Viro Cl. debet Editor. *Georgii Flori* de bello Italico & rebus Gallorum præclare gestis Libri VI, ab *Hugone Picardeto* primum Paris. 1613, 4 editi, quibus continentur, quæ Carolus VIII usque ad Neapolin captam gessit in Italia, tum Julii II Pont. expeditio in Bononienses, ope Gallorum peracta, & Ludovici Regis Gall. bellum Genuense. *Petri Pauli Boscha* de origine & statu Bibliothecæ Ambrosianæ Libri V, antea Mediolani 1670, 4 editi, quos ichnographia Bibliothecæ & icone Federici Borromæi Card. exornavit Noster, qui addidit quoque librum non minori raritate commendabilem, nempe *Christophori Giarda* Bibliothecæ Alexandrinæ Icones Symbol. A. 1628, 4 editas, & disciplinarum liberalium figuris non inelegantibus denuo nunc exornatas.

*Parte VII: Dominici Macanei* Lacus Verbani Chorographia, liber elegans, primum Mediolani 1490, iterumque ibi-

dem 1699, 4, cum pereruditis *Stazii Trugi Catalauni de Ameno* notis & præfatione ad Cl. *Muratorium* (cui plus intra paucos annos debere Italiam, quam integro ante hoc Seculo aliis, jure meritoque censet *Burmamnus*) ipsius maxime opera editus. *Francisci Bellasini* de origine & temporibus h. e. fatis urbis Bergomi, ut & *M. Ant. Michaelis* agri & urbis Bergomatis Descriptio, quod utrumque opus Venetiis 1532 prodiit. *Vincentii Coronelli* rerum ac temporum Bergomensis Ecclesiæ Synopsis, quæ Coloniz 1696, 8 prodiit. *Bartholomæi Farina* de Bergomi origine & fatis Commentarius, quem ex Actis potissimum urbis conflasse videri voluit, in originibus Berosum potius secutus, Patavii 1702 Italico sermone vulgatus, & Latine versus ab *Abrah. Preigero. Ant. Cornazzani* de vita & gestis Bartholomæi Colei, qui Bergomum maxime belli gloria illustravit, Commentariorum Libri VI, quos Noster e Codice MS. a *Josepho Maria Sandi* liberaliter communicato, expressit. *Heliz Capreoli* Chronica de rebus Brixianorum, cujus operis Libri XII, ad annum 1500 pertinentes, Brixiz, fol. incertum, quo anno, multis abbreviationibus deformes prodire, tam rari quidem, ut nuper in venditione Bibliothecæ cujusdam amplius centum & triginta florenis constiterint. Quamvis vero Autor Guelfis nimis addictus fuerit, multa tamen notatu digna refert, ab aliis prætermissa, ut dignum adeo censuerit Noster, cujus non modo Libros XII multo luculentius recuderet, verum & adderet Libros XIII & XIV, ab Autore ad A. 1510 productos, quos e Codice chartaceo Bibliothecæ Ottobonianæ descriptos & cum alio Codice Brixienfi optimæ notæ collatos, perhumaniter communicavit Vir Cl. *Apostolus Zeno. Alexandri Squadroni* Fasciculus laudum Regii Lepidi, quo non oppidi modo, sed & Academiæ ibi constitutæ Historia & Viri illustres breviter enarrantur; cui libello, ex editione, Regii 1619, 4 procurata, hætenus raro obvia, repetito, accessere nunc ejusdem oppidi descriptio & monumenta, e *Laur. Schraderei* Monumentis Italiæ excerpta. *Torelli Sarayna* de civitatis Veronæ origine &c. Libri VI, quorum ultimus agit de interpretatione literarum antiquarum, Veronæ antehac impressi 1540, fol. nunc cum notulis *Jos. Scaligeri*, quas suo exemplo adscripserat,



pserat, recus. Qui autor etsi gravis sit & eruditus, quo non sine laude usus Panvinus in Antiqu. hujus urbis, non satis tamen ab Annianis fabulis temperare sibi potuit. *Ejusdem* Historiarum ac gestorum Veronensium, temporibus populi & dominorum Scaligerorum, Libri III, Italico sermone editi primum Veronæ 1542, 4, nunc Latine redditi; quibus accessit demum ob argumenti affinitatem *Jos. Justi Scaligeri* Epistola de vetustate & splendore gentis Scaligeræ excerpta ex ejus Epistolis, quarum exemplo cum notulas nonnullas alleverint *Dionysius Vossius* & *Paulus Colomesius*, has quoque Lectori invidere noluit Editor.

*Parte VIII: Andrea Chiocci* de Collegii Veronensis illustribus Medicis & Philosophis Commentariorum Libri III, Veronæ 1623 publicati, quibus ea, quæ Panvinus Antiqu. Veron. libro VI de claris Veronensibus attulerat, supplentur. *Pauli Cigalini* de C. Plinii secundi vera Patria, ejusdemque fide & autoritate Prælectiones duæ, Comi 1605, 4, iisque oppositi *Palycarpi Palermi* de vera C. Plinii secundi Patria Libri III, Veronæ 1608, 4 editi; quorum ille Comensibus, hic Veronensibus, magno uterque eruditionis apparatu, Plinium vindicat. *Jo. Nicolai Dogliani* Diss. de origine & antiquitate civitatis Belluni, ejusque variis fatiis, quam ex Italico idiomate, quo prodierat Veronæ 1588, vertit *Sigeb. Havercampus*, brevem quidem nec ineruditam tamen. *Laurentii Marucini* Bassanum sive Diss. de urbis antiquitate & Viris illustribus, ab eodem Interprete ex Italica editione, Venetiis 1577 procurata, Latine versa; cujus quidem autoris fides in vetustis admodum vacillat. *Hieronymi Baruffaldi* de Poetis Ferrariensibus Diss. Ferrariæ 1698, & *Josephi Lanzoni* de Iatrophysicis Ferrariensibus Diss. Bononiæ edita, quarum posterior quidem, brevi trium dierum spatio effusa, nihil fere præter Catalogum continet. *Cæsaris Brixii* Urbis Cæsenæ Descriptio brevis, quam Italice olim proditam 1598, & nunc Latine a *Francisco Maria Faccino*, Cæsenate, versam, Illustrissimus Comes *Hercules Franciscus Dandinus*, cum notis doctis & prolixis, sub *Elcbrei Dinundæ* ficto nomine (quo forte ipsum Dandinum designari dixeris) Typographo nostro transmissit. *Fr. Bernardini Manzoni* Cæsenæ Chronologia, olim edita

Pisis 1643, 4, nunc ab *Hectore Bucci* auctariis, quæ post Autoris mortem sunt consecuta. Cum vero Partem II, ad quam ipse Autor subinde provocat, summa industria investigare non potuerit Editor, eam nunquam prodiisse putat; si tamen prodierit & obtineri possit, spem ejus deinceps edendi Lectori facit: unde facile conjicias, ne hac quidem Parte integrum Thesaurum Italiæ absolvi. *Georgii Marchesii* Forolivii Compendium Historicum, nuper A. 1722 ab autore jussu Senatus Foroliviensis eo consilio editum, ne hujus urbis memoria, contra Petrum Mariam Kavinam vindicata, in Collectione hac amplissima desideraretur. *Alphonfi Ciccarelli* de Clitumno, Umbriæ flumine, opusculum, Patavii 1563, 8 vulgatum; cujus quidem autorem ob falsi crimen, detruncata prius manu, laqueo suffocatum interiisse A. 1580, Cl. Burmannus docet. *Gabrielis Naudæi* Tabularii majoris Templi Reatini Instauratio, Romæ excusa 1640, 4, quo libro, quæ in singulis armariis contineantur antiquitatis monumenta, accurate exposuit. *Naldi Naldii* Vita Iannoctii Manetti, Senatoris Florentini, in omni literarum genere doctissimi, cujus Codicem MS. A. 1500 exaratum, Nostro benigne communicavit Cl. Zeno. *Martini Manfredi* Monumentorum Historicorum urbis Lucæ Libri V ab origine urbis ad A. 1661, quos adhuc ineditos, ex Italico idiomate, quo scripti erant, in Latinum converti curavit Editor. *Gauges de Gozze*, Pisauriensis, Diss. de inscriptione Columnæ Rostratæ, olim in Foro Romano eruta, quæ C. Duillio Consuli, ob victoriam, quam primus de classe Carthaginiensi reportavit, aliaque egregie ab eo gesta, posita. Hanc Roma 1695 ad Peirescium transmissam, ex Italico Latine vertit *Abrab. Preigerus*. *Francisci Mariae de Aste* de Memorabilibus Hydruntinæ Ecclesiæ Epitome, Beneventi 1700 edita.

His ita breviter commemoratis, nihil addimus, præter ultima Celeb. *Burmanni* verba, quæ e præfatione tribus hisce voluminibus præmissa huc transcribere lubet. Nos, inquit, longa horum opusculorum, licet maxima eorum pars magnam nobis voluptatem attulerit, lectione fessi, hic summam recensendo huius Italiæ Thesauro manum imponimus & omnes rogatos summo opere volumus, ut incredibilem Editoris industriam & studium ornari-

ornandi literas non laudare modo, sed etiam adjuvare velint; certi enim esse possunt, tot non tantum raritate, sed & ingenio & eruditione insignes Scriptores a nullo ante hunc in unum coniectos fuisse corpus, & tam exigua, si ad eorum pretium, quo singuli vendi solent, exigatur, pecunia posse parari, ut aliquot millium nummorum, in hoc solo libro comparando, compendium fieri possit.

JOANNIS FRIDERICI SCHANNAT VIN-  
demie Literariæ, h. e. Veterum Monumentorum, ad  
Germaniam sacram præcipue spectantium,  
Collectio II.

Fuldæ & Lipsiæ, apud Maur. Georg. Weidmannum, 1724, f.  
Alph. I pl. 21.

**N**ihil præstantia sua concedit priori collectioni, quam superiori Anno M. Febr. p. 51 perlustravimus, hæc altera, novum specimen singularis industriæ Cl. *Schannati*, quæ & *Traditiones Fuldenses* nuper Orbi erudito dedit, proxime a nobis commendandas, atque ita Historiæ Fuldensis Ecclesiæ, majoris operis futuri, initium fecit pulcherrimum. Exhibentur vero in hoc volumine: I Traditiones veteris Cœnobii S. Petri Erfordiz. II Excerpta ex Necrologio ejusdem Cœnobii. III Anonymi Chronicon Wirtembergense, cujus autor Monachus quidam circa medium Seculi XVI videtur fuisse, opusculum vero hoc inscripsit Wernhero Comiti de Zimbra, Ferdinandi I Archid. Austriæ supremo Aulæ Præfecto, ut brevis MSti Codicis Epigraphe docet. IV Anonymus de origine & Abbatibus Cœnobii Combergensis. Cum Cl. *Ratm. Duellius* libro II Miscellan. ejusdem Monasterii historiam inseruerit, existimat Noster, ad tam speciosum titulum explendum permulta adhuc posse desiderari, imo nec ea, quæ a Duellio, nec quæ a se in præsentia allata, aut imposterum ex Archivo illius, nunc Equestris, Ecclesiæ proferenda sint, sufficere. V Necrologium Monasterii S. Michaelis Bambergæ, Antiquitatibus hujus Cœnobii, in prima collectione exhibitis, merito accensendum, quod seculum

lum XII non excedit. VI *Burchardi de Hallis* Chronicon Ecclesie Collegiatæ S. Petri Winpinensis. VII *Dietberi de Helmeſtat* continuatio ejusdem Chronici. Quemadmodum hic autor diligens est in conſignandis rebus ſui temporis, ita inter alia illud prorsus ſingulare refert de Alberto Auſtriaco, eum, reſecto Adolfo Naſſovio, in Alzeja oppido a Gerardo II Archi-Epiſcopo Moguntino & fautoribus ſuis non ſuper ſcutum, ut mos antiquus Germanorum ferebat, ſed *ſuper dolium, levatum & in Regem ſublimatum eſſe*. VIII Necrologium ejusdem Eccleſie Collegiatæ, ex veteri codice membraneo erutum. IX Anonymi vita B. Lamberti, Monasterii Novi-Operis juxta Halas Saxonicas primi Præpoſiti. Conſcripſit eam ejusdem Monasterii canonicus regularis, S. Lamberto fere cœvus, multaque lectu digna commemorat, maxime de veteri Walhuſanorum Comitum proſapia, ex qua Lambertus originem duxerat. X Translatio reliquiarum S. Alexandri Martyris ad idem Novi-operis Monasterium, pariter ac præcedens opusculum ex MS. Cod. Bibliothecæ Moguntinæ deprompta. XI *Joannis Tylich*, Monasterii S. Mauricii Ord. Can. reg. extra muros Nuemburgenses Præpoſiti, Chronicon Miſuense, ex autographo lituris frequentibus reſperſo deſcriptum. Autor ſub finem Sec. XIV ac initium ſequentis vixit; incipit vero a Witekindo Magno, atque in Friderico Bellicoſo non multo poſt foundationem Academiae Lipſienſis, qua de nonnulla refert, definit. XII Anonymi ſeries Chronologica Epiſcoporum Virdunenſium, cui locum non minus in Germania Sacra, ſi tale opus ſperare liceret, quam in Gallia ſacra, jure dandum, Noſter judicat. XIII Sequuntur Diplomata & Epiſtolæ varix Principum atque illuſtrium Virorum. Quandoquidem in his multa memoratu digniſſima continentur, operæ pretium faciemus, potiora quædam indicando. N. VII extat Friderici I Regis præceptum ſolemne confirmatorium, Arnolſo II Archiepiſcopo Coloniienſi conceſſum, pro recuperandis prædiis ad menſam Archiepiſcopalem ſpectantibus, perperam in feudum conceſſis A. 1153, ex authentico prolatum; in quo non ſolum Conventus Regalis in Burgo Tremonio a Friderico I A. 1152 celebratus, quem nemo ſcriptorum alius memoravit,

p. 113.



ravit, annotari meretur, sed & permulta, quæ ad probanda Ecclesiæ Colonienſis feuda, & ad refellendas *Wernheri Thumermut* adverſus eadem objectiones facere poſſint, Noſtro ſeſe obtulerunt. N. IIX Ejuſdem Regis diploma alterum eſt, quo Walthero Præpoſito Colonienſi ſuiſque ſucceſſoribus Advocatiam villæ Worunch confirmat A. 1153, & N. IX Ejuſdem Imp. diploma tertium, quo anteriorum Regum ac Imperatorum privilegia Eccleſiæ Herbipolenſi conceſſa confirmat, aliaque ſuperaddit, A. 1168. Hoc tanto magis nunc ex authentico proferendum duxit Noſter, quod ipſum a *Lunigio* noſtro in Spicilegio Eccl. II & a *Leuckſeldio* in Append. III ad Antiqu. Pœldenſes inconcinniter & mendose, ut ait, editum animadvertiſſet. Duo vero potiſſimum hoc diploma complectitur, unum, quod Epifcopo Herbipolenſi Ducatus Franciæ Orientalis confirmatur, alterum, quod inhibetur, ne quis alius per totum *hunc Epifcopatum & Ducatum & Cometias, infra terminos Epifcopatus & Ducatus ſitas, judiciariam poteſtatem exerceat, niſi ſolus Wirzeburgenſis Epifcopus, ut Dux.* Sequens N. X Friderici I diploma, quo Capitulum Majoris Eccleſiæ Herbipolenſis hortatur, ut Reinhardo Electo ſuo media pro ſuſcipienda expeditione Italica adminiſtret, ad expeditionem in Italiam ſpectat, ab hoc Imp. A. 1172 in comitiis Wormatienſibus impetratam, biennio poſt ſuſceptam, ob conſilia, quæ inter Pontificem atque Italos agitari de Imperio Romano in Manuelem Græcorum Imp. transferendo, Fridericus aut a malevolis acceperat, aut ipſe in odium Alexandri III Pontif. fortaliſſis conſinxerat. N. XXX Caroli IV Imp. Epiſtola ad Joannem VI Palæologum Imp. Conſtantinop. qua eum de ſolemnī coronatione ſua Romæ peracta certiorē facit, eique adverſus inimicos ſuos opem pollicetur A. 1355, ex cod. MS. Fuldenſi, & N. XXXI ejusdem Imp. Præceptum, quo Rudolfo Saxoniz Duci dignitatem Electoralem, Ducatui Saxonico adnexam, una cum omnibus juribus & privilegiis hereditarie confirmat, circa annum 1356, ex eodem codice ſubjicitur. Maxime vero attendendæ ſunt ſubſequentes Caroli IV Conſtitutiones & diplomata, quæ ſatis manifeſta indicia præbent iſtius curæ atque vigilantiz, qua ipſe jura ſua præcipue in Regno Arelatenſi & partibus Italiz aſſertum

p. 116.

118.

130.

D d

ivit,

- P. 135. ivit, uti probant N. XXXV Præceptum, quo monetas in Delphinatus & Sabaudia ditionibus non aliter, quam sub modo & forma præscriptis cudi vetat, A. 1363; N. XXXVII charta absolutionis, super quibusdam excessibus a Ludovico Marchione Montisferrati commissis, circa A. 1369. N. XXXVIII Edictum, quo Barnabovem Mediolanensis civitatis vicarium, officio & dignitate exuit circa eundem annum. N. XL ad Urbanum V Pont. max. Epistola, qua huic potestatem concedit intromittendi se in bona universa rebellium Barnabovis & Galeacii fratrum, eaque inter alios titulo vicariatus distribuendi ad tempus, A. 1369. Huc &
- 141 seqq. faciunt N. XLI formula juramenti eidem Imp. Carolo IV præstandi, præscripta Florentinis, & N. XLII juramentum solenne Lucanorum Imperatori præstitum: N. XLIII Præceptum ejusdem Imp. quo Lucanis tanquam peculiari & fidelissimo S. R. Imperii populo, jus cudendæ monetæ concedit: quæ singula ad annum 1369 referenda, atque ex laudato codice Fuldensi deprompta sunt. Nec prætereunda, quæ occurrunt porro N. XLV, L, LI &
144. LII. Quippe primo loco extat Caroli IV Præceptum, quo Amadeum Sabaudia Comitem ab officio vicariatus Imperii revocat A. 1373, altero loco, Sigismundi Hungaria Regis Diploma, quo
- 150 seqq. Johanni Duci Gorlizenfi fratri suo Marchiam Brandenburgensem confirmat A. 1392, tertio est Joannis Moguntini & Friderici Colonienfis Archiepiscoporum Epistola encyclica ad universum Clerum & Ordines Regni Hungaria super electione Jodoci, Marchionis Moravia, in Regem Romanorum, A. 1410. Hac epistola cum forma atque ratio in ista electione servata, quæque occasionem dedit proverbio: *Zu Frangkfurt binderm Chor, haben geweelt ainen Kunig, ein Chind, und ein Thor*, minus ingenuè recenseantur, Anonymus quidam *refutationem contentorum in præcedenti epistola* conscripsit, quam ex codice MS. Moguntino, unde & ipsam epistolam acceperat, Noster extremo loco producit.

TABULARUM LITERARUMQUE VETERUM, usque huc nondum editarum, Spicilegium, idque pri-

*primum. Accedit Dodecas ejusdem generis epistolarum.*

GEORG. CHRISTIANUS JOANNIS pu-  
blici juris fecit.

Francof. ad Mœnum, apud Jo. Maximil. a Sande, 1724, 8.

Alph. 1 pl. 21.

**P**ostquam subinde in Actis utilissimam Clarissimorum hac ætate Virorum contentionem de monumentis chartisque varii generis ab æterno squalore, quo sepulta antehac jacuerunt, in dias luminis auras proferendis, hætenus celebravimus, eorumque collectiones diversas recensuimus, nobis diutius silendus haud est doctissimus & industria *Rerum Moguntiacarum Operi* navata jam insignis Vir, Cl. Joannis. Complura sane olim parum cognita, &, quæ in lucem revocarentur, dignissima in primo hoc spicilegio profert, eoque sequentium spicilegiorum mox videndorum nobis desiderium injicit. Et cœpit quidem a *Chartulario Colonienfi*, id quod XXII tabulas, ad Archiepiscopatus Agrippinensis res juraque nonnulla haud postrema spectantes, complectitur. Cumque priores ex illis duæ controversiam inter Præpositos Bonnensem ac Xantensem cum Præposito D. Geronis Colonienfi super *περοδία* olim agitatam concernant, hac occasione *Catalogum Præpositorum D. Cassii Bonnenfium* subjecit. Sed præcipue sunt in hoc chartulario Imperatorum, *Wilhelmi, Adolphi, Alberti I, Henrici VII, Fridrici Austriaci Anti-Cæsaris, Caroli IV, & Wenceslai* chartæ, quibus partim de Advocatione Essendienfis Ecclesiæ Colonienfi commissa, partim de Comitatu Tremoenienfi, eidem oppignorato, partim de Comitatibus liberis, vulgo *Freygraffschafften*, vel *Still-Gerichte* dictis, juribusque aliis Archiepiscopatui indultis, aut confirmatis, agitur. Descripsit has ex apographis A. 1471 jussu Archiepiscopi Ruperti recognitis. *Diplomatarium Disibodenbergense*, quod succedit, LX absolvitur literis, originem fortunamque veteris cœnobii, quod vulgo *Disenberg*, i. e. *Montis D. Disibodi* dictum fuit, exponentibus, quarum nonnullæ ex codice diplomatico Moguntino desunt. Præfixit autem historiam hujus cœnobii novis & commodis observationibus adornatam, ruderaque ejusdem in æs delineata inferuit.

ruit. Duplicem deinde fecit *Appendicem*, ita, ut prior sit de *S. Disibodo & Mabillonii Actis Sanctorum Ordinis Benedictini*, altera *canobii Abbates* recenseat. Hæc excipit *Chartularium Aedis collegialis Affschaffenburgensis ad D. Petri & Alexandri martyris*, ab Ottone, Sueviæ & Baviaræ Duce, Ottonis I Imp. nepote sub medium sec. X fundatæ. Sistit illud VIII chartas, quarum priores V Ottonis II Imp. sunt, & foundationem, census ac donationes illi Aedi factas, tres reliquæ certas ordinationes respiciunt. Quæ jam sequuntur, *duo diplomataria*, constant pluribus chartis, perillustrium olim duarum gentium, *Eppensteinensis & Breubergensis*, conditionem, statum, controversias, jura, pactiones, alia, revelantibus. Erutæ sunt e cod. MSto A. 1426 a *Wernbero de Rodenbach Primissario*, ut vocatur, *Hofheimensi* ex autographis ipsis confecto, quem Ludov. de Chanxe, Eminent. Elect. Mogunt. Consiliarius & Judici Moguntini Aulici Assessor, cum Nostro communicavit. Utriusque familiæ *stemma gentilitio* hi potissimum ob oculos ponuntur, qui ex iis Dynastæ in chartis occurrunt. Floruit autem *Eppensteiniorum* familia maxime jam Seculo XI & Ecclesiæ Moguntinæ quinque Archiepiscopos, *Sigefridos I, II & III, Wernberum, & Gerardum II*, dedit. Possessiones tenuit in Wetteravia contiguas ad Rhenum Mœnumque finibus amplissimas, in iisque castrum *Eppenstein*, duobus a Moguntia milliaribus situm, unde nomen gentilitium. Postquam ultra V secula stetisset, A. 1535 expiravit. Non minor fuit altera gens, *Breubergiorum*, matrimoniis cum *Waldeccis & Wertheimensibus Comitibus*, cum *Dynastis Falckensteiniis, Winspergiis, Eppensteiniis, Trympergiis* connexa. Nomen itidem a castro gentilitio *Breuberg*, seu *Bruberg*, in silva *Ottonia* sito, indepta est, in qua silva, *dem Oden-s. Ostenvvald*, bona imprimis habuit, partim ab Imperio, partim ab Episcopis Argentoratenfibus, partim a Fuldensi Abbate feudo accepta. Ex ea *Gerlacis* militari- bus obsequiis *Adolfo Imp.* præstitis eminuit, cujus filius *Eberhardus* per Wetteraviam præfectus provincialis a *Cæs. Ludovico IV* multis beneficiis ornatus est, & in hoc ipso nomen gentis defecit, bonaque Breubergensia ad Comitum Wertheimensium itaque ad Trympergensium & Eppensteiniorum gentem per  
filias



filiis delata sunt. Tandem *Diplomatarium Miscellum* varii generis chartas XXXVI variorumque res varias exhibet, nec minus historiæ Germaniæ tam civili, quam ecclesiasticæ, Geographiæ, rei que Genealogicæ, tum & juri Germanico usui esse queunt. Eas partim autographa, partim exempla fide digna supeditarunt. Ut nonnullas indicemus, *prima & secunda* sunt *Ludovici Pii Imp.* quarum illa commutationem quorundam bonorum inter *Gebehardum Comitem & Riculsum Presbyterum* factam confirmat; hac in fidelem quendam *Adalbertum* bona certa donatione confert. VII est *Friderici II Imp.* declarantis, oppidum *Selingenstadt* non esse Imperiale, sed ab Ecclesia Moguntina jure hereditario feudaliter Imperatorem illud possidere. X Bulla *Urbani IV Pont.* qua Monasterii *Gerodensis* in *Eichsfeldia* siti statum fortunamque confirmat, ac novis privilegiis augeat. XVI *Gerhardi II Archiepisc.* Moguntini privilegium civitati Moguntinæ indultum, a Judæis Moguntinæ habitantibus exigendi collectas. XXII *Ludovici IV Imp.* charta, qua villæ *Sobernheim* jus civitatis impertit, *ad instar oppidi regalis Franckenvort.* XXXIV *Reinbardi Episcopi Wormatiensis* literæ de avita *Ruperti Palatini* abutroque parente nobilitate. Ceterum Noster singulis diplomatum fasciculis a se edendis destinavit *epistolarum ineditarum* certum numerum adjicere, maxime talium, quæ ad historiam literariam illustrandam, vel emendandam facere videantur, quales & hic *duodecim* annectit, beneficio Amplissimorum Virorum *Conr. Zach. ab Uffenbach, Dni de Gudenus, & Jo. Jac. Hottingeri,* tum & ex *Archivo Bipontino* acceptas. Sunt ergo 1 *Jobi Vener* (qui U. J. D. Nobilis Alsatus & in aula Imp. Ruperti Protonotarius fuit) ad Præpositum Cœnobii Lunensis, super lata a Patribus Concilii Pisani sententia. 2 *Maximiliani I Imp.* quibus vetus Neptuni monumentum, quod Ettlingæ in ponte flumini Albæ imposito sub turri erat, sibi concedi desiderat. 3 *Sebastiani Hofmeisteri,* Helveti, quibus *Lutheri* expetit amicitiam. 4 *Jo. Latomi,* quibus *Joanni Sapido (Witz)* id temporis viduo, uxorem quaerit. 5 *Laurentii Cardin. Campegi,* quibus *Fridericum Nau-jeam (Gravv)* Senatui reip. Francofurtensis ad Mœnum commendat. 6 *Otthonis Packii* ad *Martin. Lutherum,* de fœdere illo

commentitio. 7 *Urbani Regii* ad eundem, de familiaritate, quæ sibi cum *Melanchthone* ceterisque sit, suavissima, deque *Philippi Landgravii* circa doctrinam de S. Cœna animo. 8 *Francisci I Gall. Reg.* literæ fidei *Guil. Bellajo*, ad *Rupertum Palatinum* delegato, datæ. 9 *Casp. Glaseri* epistola, qua *Conrado Pellicano* veterem amicitiam in memoriam revocat, ac simul rerum suarum statum perscribit. 10 literæ *Michaelis, Episc. Merseburgensis*, quibus *Philippum Arbogastum* Ordini Theologorum in Academia Moguntina commendat. 11 *Emanuelis Tremellii* ad *Wolfgangum Ducem Bipontinum*, quibus promissum salarii augmentum petit. 12 Ejusdem, ad Consiliarios Bipontinos. Singulis literis attextæ sunt observationes doctæ, & quibus varia Biographorum loca suppleantur, aut corriguntur; quorundam, quorum istæ literæ sunt, integræ vitæ, ut *Casp. Glaseri, Badensis*, qui Præceptor *Ducis Wolfgangi Palatini* fuit, hic primum descriptæ leguntur. Gratissimum vero historiæ literariæ cupidis faciet Cl. Joannes, si quidem pari instituto ejusmodi epistolas antehac ignotas evulgare, singulariaque de Eruditis ex penu suo literario addere & in posterum velit. Quod reliquum est, commendari haud parum meretur jucunda pariter utilisque lectoribus opera, quam Noster impendit, tum, præmittendis cuivis chartæ summulis, ex quibus statim contenta liceat pernoscere, tum & concinuandis quatuor *indicibus*, quorum *primus* autorum, in præfationibus, quas diplomatis præmisit, atque observationibus, quas epistolis subjunxit, illustratorum, vel notatorum; *alter* locorum, qui mediæ temporum Geographiæ apprimè inservit; *tertius* personarum, quæ in chartis occurrunt, in certas distinctus classes; *quartus* demum est rerum præcipue memorabilium.

**D. SIMONIS FRIDERICI HAHNII, HISTORIAR. in Acad. Julia Prof. P. O. Collectio monumentorum veterum & recentium, ineditorum, ad Codicum fidem restitutorum, selectiorum & rariorum.**

**Tomus I.**

Braunsweig,

Brunsvigæ, ex officina Frid. Wilh. Meyeri 1724, 8.

Alph. 3.

**E**Gregium quoque & plausu dignum est, quod Vir Celeberrimus consilium cepit, novam diplomatum, sigillorum, literarum, chronicorum aliorumque insignium scriptorum antiquitate, Geographiam, Historiam omnem ac nobiliores juris partes illustrantium collectionem instituendi, ac per intervalla continuandi. Jubet nos in ea non solum antea nunquam impressa, verum & olim edita, quæ tamen raritate ineditis parum cedant, nunc ad manuscriptorum Codicum fidem diligenter emendata, restituta, aut certe revisa expectare. Videamus, quæ primo hoc volumine proferantur. Primum locum occupavit *Ægidii Romani, Bituricensis Archi-Episcopi, libellus de re militari veterum, ad mores præsertim mediæ ævi*, 23 capitibus constans, dignus profecto, qui in lucem revocaretur, ob antiquitates majorum nostrorum bellicas, quas haud mediocriter illustrat. Autor, Ægidius, ex illustriss. Colomnensi gente Romana, fuit discipulus Thomæ Aquinatis, Augustinianus eremita, ac ordinis ejus prior generalis, Aquitanix primas & septuagesimus quintus inter Archi-Episcopos Bituricenses. Scripsit autem majus opus, *de regimine Principum*, rogatu Philippi Pulchri, Francorum Regis, aut forsitan adhuc Principis Regii, quem Ægidius instituendum nactus fuerat. Ejus operis, quod, *Caveo teste, Romæ 1482, & Venetiis 1598* prodiit, tertiam partem liber hic militaris constituit, quem ex codice membranaceo eleganti, olim *Obrechtanæ* bibliothecæ cimelio, tanto confidentius produxit Noster, postquam in bibliothecis instructissimis binas istas editiones frustra requiri sensisset. P. 69 sequuntur XXIV *Diplomata & instrumenta donationum* varia, (inter quæ duo Henrici III Imp.) cum subscriptionibus suis & sigillis in ære delineatis. Equidem non dissimulat Editor, extare jam nonnulla horum diplomatum in doctissimi P. Schannati *Vindemiarum literarum collectione I*, in *Reinbardsbornensi chartario*: sed cum & sigilla ibi omissa, & quasdam tabulas vel mutilas, vel vitiosas esse, viderit, eas hic integritati suæ restitutas dare voluit. Excipit hæc, p. 116, *semitænturia bullarum rariorum atque monumentorum, ad illustrandam*

- p. 117. *dam Pontificum Romanorum historiam facientium.* Eminent in illis *Gregorii VII* epistola, Rudolphum Anti-Cæsarem & adscelas ejus universum exhortantis ad constantiam, deque auxilio & favore suo securos esse jubentis; *Adriani IV* invectiva in *Imp. Fridricum I*; *Innocentii IV* epistola ad *Imp. Fridricum II*, qua eum increpat ob invasionem in patrimonium Petri præsumtam, cum excommunicationis minis: sed & reliquæ hujus Pontificis epistolæ, velut quibus *Brixienfes & Bononienfes* hortatur ad *Parmensium & Placentinorum* defensionem, *Mediolanenses* super morte *Anti-Cæsaris*, *Henrici Rasponis*, consolatur, ad historiam illorum temporum conferri merentur. His, p. 197, alia succedit *semicenturia chartarum, literarumque selectiorum a Regibus, Principibus & Viris illustribus aliis, inde a Sec. XI usque ad XV, perscriptarum.* Multa hic iterum singularia & conservatione digna occurrunt, ut: *Henrici V* *Imp.* querela de *Alberto Maguntino*; *Otonis IV* querelæ ad *Innocentium III* *Pontif.* super seculari potestate, quam is sibi arrogaret; literæ *Fridrici II*, quibus ad quendam Imperii principem super filio suo *Henrico* conqueritur; ejusdem *Imp.* admonitoriæ ad filium, *Conradum*; literæ, quibus *Prælati* quidam *Ecclesiæ Rom. & Imperii* *Principes Pontificem* inducere tentant ad pacem inter *Ecclesiam & Imp.* reconciliandam; epistolæ *Henrici Rasponis* ad *Mediolanenses*, & *Wilhelmi Comitis Hollandiæ* ad eosdem; *Ruperti Imp.* charta confirmationis, super emtione arcis *Steinbergiæ*, prope *Goslariam* sitæ, vernaculo idiomate concepta, vel hoc nomine memorabilis, quod in ea bis *lapidei montis*, illustrium *Steinbergiorum* arcis gentilitiæ, fit mentio, cujus ruinas antiquissimas esse, nec ejus volam, aut vestigium in monumentis vetustis ac literis sibi obvenisse, *Celeb. Heineccius, Antiqu. Goslaricum lib. I p. 93* affirmavit. Post hæc comparet, p. 279, *Thomas Capuani, Rom. Ecclesiæ Tit. S. Sabina presbyteri Cardinalis, Dictator*, multas *Pontificum bullas & epistolas alias, cum publico, tum privato nomine scriptas, continens.* Dictatoris & dictaminis voces, medio ævo notissimæ, institutiones epistolicas, vel manuductionem ad stilum, vel ipsum literarum commercium significarunt. Inde *Sec. XIII* tres potissimum *dictatorie artis*



artir notitia claruerunt viri, *Gaufridus Bononiensis*, *Petrus de Vineis*, & hic ipse *Thomas Capuanus*, qui cum A. 1230 pacis inter Fridericum II & Gregorium IX conciliator fuisset, novennio post vita excessit. *Distator* hic e vetusto bibliothecæ Academ. codice membraneo editus, inter ludicra & inepta satis multa, memorabilia non pauca refert, cum primis Pontificum epistolas ad imitandum propositas, sed quæ nunc meliores quidem usus præstare debent. P. 385 vetustus & Sec. XII jam vergente compositus *Archi-Episcoporum Colonienſium Syllabus* comparet, ex quo *Leveldum a Nortboſ*, equitem Marcanum, qui medio fere Seculo XV eorundem Archi-Episcoporum Catalogum confecit, antiquiora hauſiſſe, Noſter exiſtimat. Poſt *Guteti de Mixigia*, *Mediolanenſis Notarii*, & *fociorum*, *carmina* & *litteras quasdam*, in honorem *Alphonſi Sap. Legion. & Caſtil. Regis*, *electi Imp. Romani*, in *Richardum Alphonſi emulum mordaciſſime ſcripta*, p. 394 exhibita, ſequitur *Jo. Fiſtenportii, Moguntini, ordinis ſepulchri Dominiſi, continuatio Chronici ab Hermanno Januenſi ſcripti*, ab A. 1352 ad A. 1421, brevis ac ſimpliciter ſatis ſcripta, ex codice chartaceo bibliothecæ Juliæ, quo *Hermanni Januenſis flores temporum* ſimul continentur, depromta. P. 406 occurrit nobis *Hiſtoria amorum Eurioli & Lucretiæ*, ſive narratio arcana illorum, quæ *Casp. Schlickio*, *Senenſis nobiliſſimi civis uxorem deperdite amanti*, in dicta civitate acciderunt, ab *Ænea Sylvio*, tum quidem *Friderici III Imp. Secretario*, perſcripta, ſingularia quædam continens, ad exprimendos *Sigismundi Imp. Schlickii* & *ipſius Sylvii characteres*, atque illuſtrandam iſtorum temporum hiſtoriam apprime facientia. Cum amores iſtos antehac Latino & Gallico ſermone tantum prodiiſſe, nec, ſub larva *Eurioli* quis lateat, obſervatum eſſe, animadverterit Noſter, verſionem Germanicam, ſi non ipſius Sylvii ætate, certe non multo poſt, confectam, ejus exemplum nitide ſcriptum beneficio *Cl. Polycarpi Leyſeri* nactus, evulgandam duxit. P. 479 *Jac. Unreſti, Theologi & Sacerdotis Carinthiaci, Chronicon Carinthiacum*, & p. 537 ejusdem *Annales Auſtriaci*, ex uno volumine, quod *Chriſtophori Forſſneri* olim fuit, produntur, hiſque annalibus res geſtas *Friderici III Imp.* ab initio regiminis uſque ad extremum vitæ annum candide, aperte,

p. 397.

Ee

ſine

sine ullo amoris odiique respectu & luculenter exhiberi, Noster judicat. P. 803 comparet *chronicon Waldeccense*, idque recentius, quippe ad annum 1663 pertingens, cujus autor videtur fuisse *Daniel Praßerus*, Illustr. Comitum Waldecci Consiliarius. Denique p. 875 *Joachimi Rusdorffii epistola arcana 37*, ad *Ludov. Camerarium, Palatinum*, Latinæ, cum quibusdam aliis Gallicis, agmen claudunt, easque Noster opinatus est novam historiae belli tricennalis lucem afferre, collectioni vero *Rusdorffianarum epistolarum A. 1701 Francofurti ad Mœnum*, collectoribus *Miegio & Nebelio*, (sub titulo: *Varia pietatis & eruditionis virorum superioribus duobus seculis celebrium monumenta*,) editæ supplementum præbere non contemnendum, ac e codice, qui ad ipsum *Camerarium* olim pertinuerit, hic suppeditari, fidem suam interponit. Ex his ergo, quæ a nobis adducta sunt, constare jam potest, quali cum delectu non modo atque cura præsens collectio adornata sit, verum & quam insigni fructui eadem esse queat, præsertim in *Historia Imperii nostri Romano-Germanici*, ad quam præclare cœptam & communi applausu continuatam *Introductionem* ut Vir Celeberrimus brevi ad finem feliciter perducatur, publico nomine precamur.

JO. CHRISTOPHORI WOLFII, PAST.  
Catbarin. Anecdota Sacra & Profana.

Tomus IV.

Hamburgi, apud Th. Chr. Felginerum, 1724, 8.

Alph. 1 pl. 2.

Quartum hoc est Anecdotorum Volumen, quod summe Rev. Autoris industriae debemus. Primo loco hæc exstat Continuatio excerptorum ex Catena MS. egregia in Actus Apostolicos & Epistolas Catholicas, quorum Pars in volumine III superiori exhibetur. In his sunt duo Athanasii fragmenta, ex sermonibus ejus adversus Novatianos, adhuc *anecdota*, & quæ Cl. *Montfauconii* industriam fugerunt. Succedit collatio Synodici Magni Beveregiani, cum tribus Codd. MSS. quod ad Tom.

I 1

I a *Gvilb. Lloydio*, Præfule quondam Anglicano, olim instituta, & inde descripta. Eam excipiunt *Claudii Salmasii* emendationes, manu ipsius ad *Christoph. Justelli* Codicem Ecclesiæ Africanæ olim consignatæ. Proximæ sunt Virorum eruditorum animadversiones & emendationes ad *Hesychii* Glossarium pertinentes. Illæ debentur *Q. Septimio Florenti Christiano*, & *Eduardo Bernardo*, quas Noster ex Codicibus manu ipsorum notatis descripsit; tum vero *Jo. Vito Pergero*, cujus castigationes quippe copiosiores hic tantum quod ad literam A exhibentur, imposterum forte continuandæ. Agmen claudit *Plutarchi* Chæronensis Opusculum ὑπὲρ εὐγενείας sive pro Nobilitate, μετὰ τὸν, & adhuc non editum. Hujus copiam nactus est Noster a *Jo. Grammio*, Professore hodie Hafniensi meritissimo, qui membranas suas, recentiore manu descriptas, facilis communicavit. Contextui Græco addita est latina interpretatio *Arnoldi Ferroni*, Burdegalensis, Lugduni olim apud *Seb. Gryphium* A. 1656, & sine Græco edita, & adeo rara, ut præstantissimorum in hoc genere Scriptorum industriz se subduxerit. In his edendis ita versatus est Rev. Editor, ut in notis hinc inde Codicem MS. a librarij vitiis vindicaret, versionem subinde emendaret, loca veterum Scriptorum, Plutarchi more, copiose allata, & in MS. temere omissa, beneficio Latinæ versionis, ex monumentis, quæ exstant, restitueret, ac denique argumentis ipsis illustrandis incumberet. *Ferroni* interpretatio cum lectionibus textus Græci, etiam ubi male habet, ut plurimum consentit, & a fine quoque, non secus ac ille, deficit; interim tamen nonnunquam plenior est codice exarato. Plutarchi hoc esse opusculum in præfatione idoneis argumentis evincitur. Certe Plutarchum de hoc argumento commentatum esse, *Lamprias* in indice Scriptorum ejus n. 192 autor est, ubi tamen inscriptio habet πρὸς εὐγενείας, quæ rectius & tractationi convenientius cum illa nostri Codicis ὑπὲρ εὐγενείας permutatur. Eam vero commentationem, qualis nunc editur, vere a Plutarcho profectam esse, duo fragmenta, quæ a *Stobæo* in Florilegio sub ejus nomine afferuntur, & cum Cod. MS. prorsus consentiunt, dubitare nos non patiuntur. Præterea & stilum & multiplicis lectionis copiam, ingeniumque & doctrinam Plu-

tarchi non minus ex hoc opusculo quam ex ceteris ejus scriptis prudens lector perspiciet: quemadmodum & passim ad disputationes suas contra Stoicos provocat. *Pompejum Caimum*, Medicum Patavinum, in libello suo de Nobilitate locum ex isto Plutarchi afferre, qui in MS Græco non exstet, in præfatione monet Noster, & hinc suspicatur, *Caimum* pleniori forte exemplari usum esse. Sed postea idem intellexit, *Caimum* ipsam Ferroni versionem, in qua iste locus legitur, tantum adhibuisse. Opusculum ipsum nonnulla ex libris veterum deperditis loca non contemnenda & interdum longiora affert, quæ harum rerum studiosis & intelligentibus placebunt. Ita p. 249 locus exstat *Lycophronis Sophistæ* contra nobilitatem, *Aristodemi* cujusdam contra eandem objecta p. 214 sqq. *Cbrysippi* varia, quorum Index mentionem facit. In notis luculentis Editoris complura exstant, quæ varia antiquitatis momenta, Scriptores veteres, & Græcam linguam ita illustrent, ut continuationem laboris hujus, quæ promittitur, avide expectemus.

**POGGII BRACCIOLINI FLORENTINI Historiæ de varietate fortune Libri quatuor, ex MS. codice bibliothecæ Ottobonianæ nunc primum editi, & notis illustrati a DOMINICO GEORGIO.** Accedunt ejusdem

*Poggii Epistolæ LVII, quæ nunquam antea prodierunt.*

*Omnia a JOANNE OLIVA, Rhodigino, vulgata.*

Lutetiæ Parisiorum, typis Ant. Urb. Coustelier, 1723, 4.  
Alph. 1 pl. 18.

**E**Ditioni hujus Operis, nondum antea typis exscripti, occasionem dederunt *Nova literaria*, A. 1720 una cum hisce *Actis eruditorum* Lipsiæ nostræ edita p. 84 sqq. Cum enim ibi Collega noster perindustrius, Cl. Heumannus, codicem hujus Operis MS. quem Gottingensis civitatis Archiater, Cl. Barnstorfius, possidet, haud indiligenter descripsisset, indeque haustam ejus rei mentionem Romani legerent in *Bibliotheca Germanica*, quæ per aliquot  
annos



annos Gallico sermone edi consuevit; statim Leonardus Adamus, qui alium ejusdem Operis codicem MS. Romæ latere in Ottoboniana bibliotheca sciebat, in animum induxit, editione ejus typographica sibi devincire literarum cultores. Is vero cum paulo post susceptum hoc consilium vita excessisset, provinciam hanc adit doctissimus Vir, Dominicus Georgius, Eminentiss. Card. *Imperialis* Bibliothecarius, ac simul annotationes in Poggium conscripsit singulari industria. Quibus confectis edendi operam commisit Cl. Olivæ, qui ex urbe mundi olim domina Lutetiam delatus, splendida ac nitida hac editione, quam inscripsit Serenissimo Principi, Cardinali ROHANIO, beavit orbem literatum. Hæc, quæ diximus, ipse nos docet Oliva in Præfatione, quam Præfatio Cl. Georgii excipit, præclara nonnulla proferentis historiam librorum Poggii illustrantia, ac præterea docentis, quartum præsentis Operis librum separatim jam olim editum fuisse circa annum 1492 sub titulo *India recognita*. Idem Georgius altera Præfatione, quarto isti libro præfixa, docet, eundem Poggii librum quartum jam dudum conversum fuisse in Lusitanicam linguam, pariterque lingua Italica donatum exstare in primo Tomo *Itinerum* a Joanne Baptista Ramusio quondam emissorum. Ceterum ut paucis exponamus argumenta Poggiani hujus Operis, Nicolao V Papæ dicati, libro is *primo* Romanæ urbis imperiiq[ue] occasum terfo dicendi genere deplorat, atque hac occasione reliquias Romanæ magnificentiæ diligenter describit. Hic igitur antiquitatis curiosi maxima cum voluptate cognoscent prisca monumenta, Poggii ævo adhuc Romæ residua. Deinde de natura *fortuna* Philosophorum sententias recitat & expendit Poggius. Hinc de Tamerlane quædam narrat, addens, se cum quibusdam de eo locutum esse, qui in Principis illius castris versati fuerint. *Secundo libro* exempla producit multorum sua ætate a fortuna afflictorum usque ad obitum Martini V Papæ. Describit hic miserabilem exitum Richardi II Angliæ Regis; tristem fortunam regni Galliæ sub Carolo VI; casus acerbos Regi Cypri & Neapolitanis Regibus importatos; Balthazaris Cossæ, qui sub nomine Joannis XXIII Papa fuit, infortunatissima fata; multorum denique Italiæ Principum histo-

p. 124.

riam, qui illo ævo lubricitatem fortunæ experti sunt. Non est dubium, jucunda lectu hæc omnia fore historiæ studiosis, cum sui sæculi historiam illustret Poggius, & ea persequatur copiose, quæ se vivo ac veluti in conspectu suo acciderunt. Similis est *liber tertius*, quo narrat exempla inconstantis fortunæ ea, quæ sub Eugenio IV Papa vidit Italia. Hic ipsius Eugenii historiam fuse describit, vix ullius Pontificatum tantam provinciis Romanæ Ecclesiæ vastitatem & calamitatem attulisse, diserte scribens. Qua occasione etiam brevem exhibet & elegantem historiam Concilii Florentini. *Quarto* denique *libro* describitur Nicolai cujusdam Veneti *Iter Indicum*, ac pleraque eo tempore nova atque inaudita narrantur, quæ ex ipsius Nicolai ore exceperat nosser Poggius. Ad Notas quod attinet, a Cl. Georgio his libris subjectas, primus liber egregie illustratur annotationibus antiquariis. Sequentium duorum historias uberiori luce perfundit idem, subinde etiam errores Poggii aliorumque corrigit historicos. Nec *quartus* liber prorsus caret annotationibus Georgianis. Ceterum cum Romæ quinquaginta septem Epistolæ Poggii, nondum illæ quidem editæ, deprehenderentur, Cl. Editor, qui simul testatur, Florentiæ ducentas circiter alias asservari, pariter ineditas, hac occasione eas protrahendas duxit in publicum. Fateri autem cogimur, secutum esse Editorem codicem admodum mendosum. Ipse quidem nonnulla correxit: at plura reliquit inemendata. E. g. *Epist. I* lin. 6 scribendum erat *legerunt*; lin. 14 *at, cum*; lin. 16 *scribo*; lin. 32 *ut-monstret*; lin. 37 *Atque hæc*. Ut ex his epistolis excerpamus potiora, *Epist. 13 & 14* scribit Poggius, se Dialogum composuisse *contra avaritiam*, sed non audere eum publicare, ne quis eum in se scriptum putet, qui possit proscribere. De eodem Dialogo disserit *Epist. 20*. *Epist. 30* dicit, quosdam Livii libros ineditos alicubi servari. Ceterum cum Laurentius Valla, quocumque intercessit Poggio, quædam loca harum epistolarum in *Antidoto* suo vellicet, quasi minus Latine scripta, Cl. Editor loca Vallæ in margine indicavit. Quæ nunc subjicimus, cum Editori Poggiani Operis, tum ceteris Poggii studiosis haud ingrata fore, confidimus.

# MENSIS MAJI A. M.DCCXXV.

223

C. A. H. Emendationes libri primi *de varietate fortuna*  
e codice MS. Barnstorfiano.

Collatione facta Barnstorfiani codicis cum Ottoboniano, alterum alterius opem subinde poscere deprehendi. Multa enim rectius scripta exstant in Ottoboniano: multa vicissim in Barnstorfiano. Non credo opus esse, ut loca Barnstorfiani mendosa hic recitem. Illud gratum spero futuram lectoribus, si hoc loco exhibeam vitiosa Ottoboniani loca, quæ e meo codice oportet emendari. Scribendum igitur p. 2 lin. 19 *plurium* *varios* atque *pro plures variosque*; lin. 27 *ut plurimum* pro *plurimum*; p. 3 lin. 13 *vidimus*, *varie eorum* pro *vidimus eorum*; p. 4 lin. 4 *censeo a te aspernandam* pro *censeo aspernandam*; p. 6 lin. 9 *suam* pro *sui*; p. 7 lin. 15 *asseveret* pro *assereret*; p. 8 lin. 6 *sculptum* pro *scriptum*; lin. 7 atque *admodum* pro *atque adeo*; lin. 15 & *M. Lepidum M. F. cos.* pro & *M. F. cor*; p. 9 lin. 16 *legenda* pro *legendas*; lin. 23 *incuria* pro *injuria*. Sic & p. 25 *fortune negligentia*; p. 17 lin. 13 *populo* pro *populis*; lin. 16 *ab stultitia* pro *ob stultitiam*; p. 26 lin. 10 *astimatam* pro *existimatam*; p. 28 lin. 24 *Nam* pro *banc*; p. 29 lin. 4 *vendito* pro *vendit*; lin. 15 *imperatoris* pro *imperatoris*; lin. 27 *faciat*, *cognosce* pro *faceret*, *cognosco*; lin. 30 *fors* pro *fors*; p. 30 lin. 18 *tutissimum est* pro *tutissimum*; p. 32 lin. 16 *eaque magis* pro *eaque magis*; p. 33 lin. 6 *regatur* pro *agatur*; lin. 9 *Stultis - adulatur - trahit* pro *stultis - tam adulari - trahere*; lin. 26 *trudit* pro *tradit*; lin. 36 *bello* pro *belle*; p. 35 lin. 5 *ac vir- tuti* pro *aut virtuti*; p. 36 lin. 2 *tanta his fide* pro *tantaque his fides*; lin. 9 *cum illis prioribus* pro *illis prioribus*; p. 38 lin. 9 *sub- git* pro *subjecit*; lin. 11 *nihil denique* pro *nihilque*; lin. 29 *e fastigio* pro *a fastigio*; p. 39 lin. 21 *an & externa* pro *an externa*. Subji- cio unius atque alterius loci, utroque in codice depravati, emen- dationem, quam probatum iri cordatioribus, vix dubito. Igitur p. 3 lin. 6 legendum *tuis me cohortationibus*; p. 25 lin. 16 *sit*, & lin. 26 *altricem*; p. 36 lin. 16 *evexit*. P. 27 lin. 17 alter codex habet *culpam sui*, alter *culpam sua*. Mihi totus locus sic videtur scriben- dus: *confictum putem, sua vitia fortune tribuentium*. P. 28 lin. 28 Ottobonianus exhibet: *Utrumque speravit*; meus codex: *Utrumque superavit*. Legendum contendo sic: *Utramque* (scili- cet

cet & Galliam & patriam suam,) *superavit*. P. 30 lin. 12 Barnstor-  
fianus liber habet *a cesa*, Ottobonianus *a Cesare*. Neutra lectio  
vera. Emendando huic loco acumen meum non suffecit. Relin-  
quo igitur eum aliis corrigendum. Libet jam subungere eas scri-  
pturæ diversitates, quæ non sunt magni momenti, hoc est, ubi  
utraq; scriptura potest ferri, ita tamen, ut mei codicis lectio  
plerumque videatur sincerior. Priori igitur loco Ottoboniani li-  
bri, posteriore Barnstorfiani scripturam exhibeo. En ista loca:  
P. 1 lin. 8 *cujus beneficio. beneficio cujus*. P. 2 lin. 14 *impertiuntur.*  
*impartiunt*. Lin. ult. *detrahentium. detractantium*. P. 3 lin. 11  
*esse majestatem. majestatem esse*. P. 5 lin. 5 *sæpe. sæpius*. P. 9 lin.  
21 *Hec sola. Hec sola igitur*. P. 11 lin. 7 *Antonini. Divi Antonii*.  
Lin. 8 *plures. plurimæ*. P. 12 lin. 16 *consumtam. consumtum*. P.  
13 lin. 12 *monet. movet*. P. 14 lin. 3 *exstructa. exstructas*. P. 15  
lin. 10 *servitutis. servitii*. P. 16 lin. 5 *superscriptio. superscriptio*.  
P. 17 lin. 4 *conspicitur. concipitur*. P. 18 lin. 1 *occupata. occupatur*.  
Lin. 12 *etiam ipsa. & ipsa*. Lin. 15 *a quodam præfecto urbis. a præ-*  
*fecto urbis*. P. 19 lin. 13 *marmorea speciosa. marmore specioso*. P. 20  
lin. 2 *secundo. a secundo*. Lin. 16 *Hoc videbitur. Videbitur*. P. 21  
lin. 4 *aneam solam. unam solam aneam*. Lin. 12 *tot tantarum-*  
*que. tot tantarum*. Lin. 24 *vincis. vincisque*. P. 23 lin. 10 *haud*  
*decem. haud ultra decem*. Lin. 23 *Nomentana. Nomentanam*.  
Lin. 24 *quarta etiam. quarta*. P. 24 lin. 17 *argumentis. multis*  
*argumentis*. Lin. 27 *privatorum. privatorum ædificiorum*. P. 25  
lin. 21 *& philosophis. philosophis*. P. 32 lin. 5 *quotve. quasque*.  
Lin. 9 *viam dat & præcepta. viam: dat præcepta*. P. 36 lin. 7  
*imperaret, imperitaret*. Duo supersunt, quæ moneantur, haud  
indigna. Scilicet p. 20 *obelisci* vocabulo adjunguntur nonnisi fœ-  
minini generis nomina in meo codice: rectius in Ottoboniano  
masculina. Denique p. 6 lin. 20 pro *Luciano* meus codex habet  
*Luiano*. Quid si legeremus *Libanio*? Expendendum hoc per-  
mitto Clarissimis editoribus, Georgio atque Olivæ. Ego vero  
criticam libri primi perlustrationem hic finio, ceterorum trium  
librorum variantes scripturas atque emendationes inserturus  
*Pœciles* meæ Tomo secundo.



MENSIS MAJI A. M. DCCXXV.

225

CHRISTOPHORI AUGUSTI HEUMANNI

*Pœcile, sive Epistolæ miscellaneæ.*

*Tomi I Liber IV.*

Halæ, in officina Rengeriana, 1725, 8.

Plag. II.

**E***pistola prima* primus *Theophili Antioceni*, nuper a Celeb. Wolfio editi, liber non solum pluribus locis emendatur, sed etiam a falsi nominis emendationibus defenditur. *Secunda* felicissimus literariorum studiorum status nostri ævi prædicatur, subjuncta eodem de argumento *Oratione*, qua docetur, inde a tempore Lutheri ad nostram usque ætatem in Germania *argentum* fluxisse literarum sæculum, nostro autem ævo plane *aureum* decurrere cœpisse: quæ aurea literariorum studiorum ætas quamdiu duratura sit, conjectura adjicitur. Facit hac occasione Cl. Autor suum illud Ovidii:

*Prisca juvent alios: ego, me nunc denique natum,  
Gratulor.*

*Tertia* eclogam *Virgilii* decimam partim emendat, partim obscurioribus locis illustrat, addito suo de commentatoribus in illam iudicio. Ac profecto multa hic occurrunt, quæ ceteri interpretes non viderunt, cum tamen clarissimam lucem inferant Poetæ verbis. Nec dubitamus, gratum fore humanitatis studiosis, si Cl. Autor pari diligentia reliquas pertractet *Virgilii* eclogas. *Quarta* Theologis exhibet novam interpretationem nominis *Cobeletb*, allatis simul causis, cur ceterorum explicationes non possint admitti pro veris. Primo igitur existimat, *Cobeletb* esse nomen substantivum fœminini generis, & concionem sive catum signare. Deinde subesse docet ellipsin  $\tau\tilde{\epsilon}\psi\eta$ , frequentissimam illam apud Hebræos: ut adeo Salomo dicatur  $\text{חֵלֶקֶט וְיָמִי}$ , hoc est, concionator, recteque id nomen reddiderit Græcus interpres  $\epsilon\kappa\kappa\lambda\eta\sigma\iota\alpha\sigma\eta\nu$ , Latinus *ecclesiasten*. *Quinto* loco exhibentur *Electa epistolica*, hoc est, Excerpta singularis doctrinæ plena ex Epistolis  $\alpha\upsilon\epsilon\kappa\delta\acute{o}\tau\epsilon\iota\varsigma$  Velferi, Jungermanni, Tobizæ Adami, Bersmanni, Duczi, Gruteri, Putschii, Georgii Remi, Rittershufii, Savilii, Scaligeri, Schegkii, Andreæ Schotti, Seberi, Si-

Ff

beri,

beri, Sylburgii, Weizii, Henrici Wottonii, Zinzerlingii. Gratissimæ omnino eruditæ futuræ sunt hæc epulæ. Multa enim hic occurrunt, quæ summa cum voluptate ii maxime legent, qui historiam colunt literariam. Ceterum hæc Excerpta epistolica Cl. Autor accepisse se gratus profitetur a Francofurtensi illo Peirescio, *Uffenbachio*. Sextum locum tenet Dissertatio *de doliari habitatione Diogenis Cynici*, a Jac. Hasæo, Viro clarissimo & ludentibus omnibus bonis reip. literariæ non ita pridem crepto, composita. Is scilicet vetustam de Diogenis dolio narrationem contra Cl. Autorem nostrum, qui eam in *Actis suis Philosophorum* in fabularum censum rejecerat, defendendam hic suscepit, omnesque ingenii solertissimi nervos intendit, ut tot scriptoribus sua constaret fides. Ac ipse Cl. Heumannus fatetur, causæ huic non potuisse contingere patronum doctiorem. Ceterum cum sententiam suam judicaret non eversum esse oppositis a Cl. Hasæo rationibus, responsionem hic suam exponit: qua primo urget eorum scriptorum silentium, qui, si vera esset ista narratio, & scivissent eam, & tot oblatis occasionibus nequaquam reticissent. Deinde ex loco quodam Senecæ eruit inveteratæ fabulæ originem. Cumque Hasæus persuadere studuerit, olim in Græcia usitatissimum fuisse, ut pauperes habitarent in doliis, Noster singula ejus argumenta expendit ac refellit. *Octava* dissertatio, *de fulminibus politicis* inscripta, considerat heroas illos, qui improvise in vicinos facto impetu tam latam edidere stragem, ut ubique victores omnia summo terrore impleverint. Talibus *fulminis* appellationem olim inditam fuisse, postquam exemplo Scipionis, Cæsaris, Hannibalis, Bajazethis, Ptolemæi Cerauni demonstravit, alios hujus generis Principes commemorat, Alexandrum M. Attilam, Tamerlanem, Scanderbegum, Gustavum Adolphum, aliosque. A politicis his fulminibus ad ecclesiastica descendens, hæc in salutaria & pestifera dividit, prioris generis exemplum exhibens Lutherum, posterioris Muhammedum. Ultimo loco literaria producit fulmina, hoc est, summos viros, qui summis viribus barbariem sui sæculi adorti ea usi sunt felicitate, ut philosophiæ omnibusque bonis literis suis redditus sit vigor, suus honos. Laudat hic Erasmus, Huttenum, Pufendor-

fendorfium, atque florentem adhuc Thomafium. Hinc de fulminibus his politicis, ecclesiasticis & literariis philosophicam subjicit meditationem, tanquam Specimen aliquod tractationis historiarum pragmaticæ. Nona Dissertatio Tacitum illustrat, apud Germanos scribentem *viros pariter ac fæminas ignorasse literarum secreta*. Noster verba hæc de amatoriis quidem capit literis, sed simul omnem literarum usum Germanis a Tacito denegari contendit, hanc verborum ejus exhibens paraphrasin: *Noli putare, Germanos Romanorum more epistolis uti amoris inter nuntiiis. Imo vero tantum abest, ut hoc modo amorem inter se concilient & alant, ut non fæmina solum, qua quidem & Romæ pertenuem literis operam dant, sed etiam viri literas exarare amatorias, clandestinoque uti epistolarum commercio, prorsus nesciant*. Decima eademque ultima hujus libri dissertatio Paulum Apostolum exhibet *insania reum*, *Actor. XXVI, 24*. Primo igitur multis exemplis ostendit, sapientissimos homines omni ævo accusatos fuisse *τῆς μωρίας*. Deinde verba Festi, Paulo dicentis: *Insanis, Paule*, molliorem in sensum interpretatur, ut is tantummodo imbecillitatem mentis & inopiam judicii Apostolo objecerit. Affert eam in rem parallelum locum ex *Actor. XII, 15*, ubi, qui, ancillam ineptire & aniliter errare, dicere volebant, ita eam compellant: *Μαίη*, quod Germani nostri hunc redderent in modum: *Du bist ein Narre, du bist nicht Flug*.

Schauplatz der Wasser-Künste.

hoc est,

THEATRUM MACHINARUM HYDRAULICARUM, Autore JACOBO LEUPOLDO, Mathematico & Mechanico, Regi Borussiæ a Consiliis Commerciorum, diversarum Societatum Scientiarum Sodali.

Tomus I.

lipsiæ, sumtibus Autoris, 1724, fol.

Alph. 2 Tabb. æn. 53.

F f 2

Primo

- P**rimo hoc machinarum hydraulicarum Tomo describit Cl. Autor omnes machinas & apparatus reliquum omnem aquarum elevandarum. Orditur ab instrumento simplicissimo, siphone, cujus varia genera recenset variumque usum commonstrat. Eminent hic siphon Württembergicus *Reiselsii*, de quo alibi dictum in his Actis. In ejus vertice antliam attractoriam applicare docet Cl. *Leupoldus*, ut aqua inde altius elevetur. Siphonem excipiunt varia instrumenta, quorum ope homines aquam ad mediocrem altitudinem elevant. Sequuntur machinæ illis agnatæ, hominum vi agitandæ, quæ multiplex præsertim vectis applicatio peperit, & quædam magis compositæ aquarum vi movendæ junguntur. Plurimum deinde industriæ collocat in describendis variis rotarum speciebus, quibus aquæ ad diversas altitudines elevantur, ubi inter alia *rota Bremensis* descriptionem *Sturmianam* reperies, additis nonnullis in eam animadversionibus, & data occasione de Opere Gallico, quod Lugduni Gallorum A. 1719 in 4 sub titulo: *Recueil d'Ouvrages curieuses de Mathematique & de Mechanique, ou Description du Cabinet de Mr. Grolliere de Serviers* prodiit, monet, etfringens machinarum multitudo in eo describatur, paucas tamen in earum numero esse, quæ aliquid singulare habeant & usui esse possint. Miratur itaque *Leupoldus*, cur Galli & Diariorum compilatores tantopere illud deprædicarint. Progreditur a rotis ad cochleam *Archimedis*, cujus non modo descriptionem ex *Vitruvio*, sed propriam quoque & Batavorum constructionem docet, inquirens una in diversos modos eam commode movendi, & illorum lapsum corrigens, qui eadem ad condendum perpetuum mobile uti voluerunt. Vidit *Berolini* illius loco aliam adhiberi machinam, quæ cum nullibi adhuc descripta extet, placet ejus sectionem orthographicam una cum partium quarundam delineatione scenographica hic exhibere.
- Tab. II.** L M N O repræsentat unum ex asseribus lateribus, ex quibus  
**Fig. 1.** tubus secundum longitudinem L M adaperitus constat, qui machinam sustentat. In B B sunt axes palis ligneis instructi, quas  
**2.** **Fig. 2** monstrat. D D est tubus, intra quem tabulæ K decenti ratione, ut in H & I videre est, inter se connexæ ascendunt aquam elevantes. Denique m m est planum, in quo tabulæ istæ rursus descen-



Fig. 2.







Fig. 1.





descendunt. Tubus apertus seu arca tignis transversis a & d firmatur. Huic machinæ Cl. Autor sociam jungit aliam, quæ a Batavis usitata constat rota vi venti circumacta & palis suis aquam ad semidiametri altitudinem propellens. Sequuntur varix species machinarum, aquam ope sitularum catenis vel funibus inter se connexarum elevantium: quæ Autori nostro parum probantur, etsi medelam asferre tenet incommotis, quibus vulgo premuntur. Etsi tollenones sint machina admodum vulgaris; attamen non utilitate modo sua sese commendant, verum etiam varia applicatio amplam differendi materiam Nostro præbet. De rosariis paucis agit Autor, quæ mediantibus globis coriaceis catena inter se connexis intra tubum ligneum aquam elevat, propterea quod affricus ingens machinæ hoc genus parum commendat. Majorem vero operam impendit variis antliarum speciebus describendis, quarum non modo major est usus in praxi hydraulica, sed circa quarum constructionem plurima quoque notanda veniunt, si earum perfectio curæ cordique fuerit. Describit præterea aliquot species suctoris & pressoris rotatilis, qualem a *Papino* inventum exhibuimus in Actis A. 1689. Huic jungit machinam aliam, quæ aquam forcipum quodam genere elevat. Ex Transactionibus Anglicanis A. 1722 transcribit descriptionem novæ cujusdam antliæ, in qua argentum vivum emboli vicem subit, inventæ a *Josua Haskin*, sed post mortem ejus cum publico communicatæ a *Desagulierio*. Ceterum ostendit, machinam hanc, etsi ingeniosam, in nostris metallifodinis nullius esse utilitatis, in quibus aquæ magna copia ultra altitudinem 78 pedum elevanda, ut communiter adhibeantur cylindri, quorum diameter 12 digitorum. Sane calculo subducto monstrat, in solum argentum vivum faciendos esse sumtus 4500 imperialium, ut antlia *Haskiana* uni cylindro substitui possit. Denique colophonis loco inventa quædam hydraulica & mechanica commemorat, quæ publico pretio redimenda obtulerunt schedis vel manuscriptis, vel typis descriptis, Anonymus quidam, *Joannes Michael Backius*, *Nicolaus Molwizius*, *Fridericus Gerockius*, *Joannes Jacobus Brückmannus* & *Joannes Henricus Weberus*. Enimvero magnifica illa promissa vel manifestam absurditatem involvant,

c. 6. 7.

8.

9.

10. 11.

12.

13.

14.

15.

16.

monstrante *Leupoldo*, vel lucri cupidini proportionantur, si non omni effectui destituitur inventum.

**INSTITUTIONES PHILOSOPHIÆ WOLFFIANÆ, in usus Academicos adornatæ, opera LUDOVICI PHILIPPI THUMMIGII, Professoris Philosophiæ ordinarii, Reg. Soc. Scient. Bor. Sodalis.**

*Tomus prior.*

Frankfurti & Lipsiæ, in Officina libraria Rengeriana, 1725, 8.

Alph. 1 plag. II Fig. æn. 71.

**S**istimus hic Tomum priorem Institutionum *Philosophiæ Wolffianæ*, quas ad prelum parari a Cl. *Thummigio* in Actis anni superioris p. 409 monuimus. Complectitur is philosophiam theoreticam universam, quam in Meditationibus Logicis, Metaphysicis, Physicis & tribus Experimentorum tomis proposuit Philosophus. Nimirum primo loco comparet *Logica*, seu philosophia rationalis; secundo *Ontologia*, seu philosophia prima, Metaphysicæ pars prima; tertio *Cosmologia generalis*, Metaphysicæ pars secunda; quarto *Psychologia*, Metaphysicæ pars tertia, in *empiricam* & *rationalem* divisa; quinto *Theologia naturalis*, Metaphysicæ pars quarta; sexto *Philosophia experimentalis* & tandem ultimo *Physica* seu philosophia naturalis. *Logicam* dividit in duas partes, theoreticam atque practicam. In *theoretica* tres mentis operationes, notio cum usu vocum, iudicium & ratiocinatio ita explanantur, ut appareat, *Logicam artificialem* non esse nisi distinctam *naturalis* explicationem. In practica monstratur usus *Logicæ* in inveniendis tum notionibus, tum propositionibus, tum demonstrationibus mathematicis similes extra Mathesin; in veritate inventa dijudicanda; in libris dijudicandis & legendis; in convincendo denique, refutando & disputando. In *Ontologia* præmissis principiis contradictionis & rationis sufficientis, inde notiones generales distincte evolvuntur, quæ obscuratæ potius, quam explicatæ fuerunt a scholasticis,



cis, maximam quoque partem prorsus neglectæ, & imprimis de ente composito & simplici ex professo traduntur, quæ in physica & psychologia usum amplissimum habent, proprietatibus utriusque ex ipsis compositi atque simplici notionibus deductis. In *Cosmologia generali* primum exhibetur definitio mundi in genere & plures inde conclusiones de mundo materiali deducuntur, prædicata imprimis transcendentalia demonstrantur. Explicatur deinde, in quonam essentia & natura corporum consistat & quæ hinc pendeant affectiones. Demonstrantur ex rationibus metaphysicis leges motus, quas tanquam axiomata sumunt Mathematici regulas conflictus corporum demonstraturi, advocatis in subsidium, quando opus fuerit, experientiae principiis. Cum enim non sint absolute necessariae, ex solis notionibus prorsus a priori deduci nequeunt. Traditur differentia inter naturale & supernaturale, quod miraculum appellari solet. Inquiritur in elementa rerum materialium eorumque diversas a prædicatis corporum proprietates. Tandem de perfectione & ordine universi cursuque naturæ instituitur tractatio. In *Psychologia empirica* traduntur ea, quæ de anima hominis a posteriori innotescunt, & quæ tanquam principia demonstrandi a priori præces logicas atque ethicas usurpantur a Philosopho. Sect. 1. de animæ existentia disquiritur & imprimis docetur, qua evidentia eadem nitatur. Sect. 2. de facultate cognoscitiva agitur, quæ in partem inferiorem atque superiorem dispescitur. Ad partem inferiorem refertur sensus, imaginatio, facultas fingendi, memoria, oblitio, reminiscencia, ad superiorem attentio, intellectus, ejus profunditas atque acumen, facultas abstrahendi, judicandi, ratiocinandi, ars inveniendi, ratio. Sect. 3. expenditur facultas appetitiva, ejusque tum pars inferior, appetitus sensitivus & aversio sensitiva, (ubi etiam voluptatis atque doloris & displicentia habetur ratio) indeque oriundus affectus seu passio animi diversi generis, atque status servitutis; tum pars ejusdem superior, appetitus rationalis seu voluntas & aversio rationalis seu noluntas, atque libertas. Denique Sect. 4. commercium inter mentem & corpus statuitur. In *Psychologia rationali* Sect. 1. de essentia & natura animæ agitur, & inde Sect. 2. a priori redditur ratio

cum

cum eorum, quæ de facultatis cognoscitivæ parte inferiori a posteriori observantur, tum illorum, quæ de ejusdem parte superiori in empirica docentur. Similiter Sect. 3 ex eodem fonte derivantur rationes cum eorum, quæ de facultatis appetitivæ parte inferiori in empirica traduntur, tum illorum, quæ in eadem de ejusdem parte superiori annotantur. Sequitur Sect. 4 explicatio commercii inter mentem & corpus tum secundum systema influxus phycici, tum secundum Systema adfistentiæ seu causarum occasionalium, tum denique secundum Systema harmoniæ præstabilitæ. Prudenti autem consilio Cl. Autor hanc doctrinam a reliqua tractatione separavit, ut liquido appareat, tractationem de anima, quam CL. *Wolffius* sive a posteriori, sive a priori instituit, esse a systemate harmoniæ præstabilitæ independentem, cum adversarii contendant, universam ipsius philosophiam esse in prævium sensum detorquendam, propterea, quod affirmaverit, systema harmoniæ præstabilitæ solum commercium inter mentem & corpus rationali modo explicare & esse notionibus, quas de corpore & anima habemus, ordinique naturæ conforme. Denique Sect. 5 de immortalitate animæ, de spiritu in genere & unionem spiritus nostri cum corpore atque animabus brutorum totidem distinctis capitibus tractatur. Notatu vero dignum est, quod in solo systemate harmoniæ præstabilitæ *unio naturalis* non sit vox, cui nulla respondet idea, seu sine mente sonus, quoniam in eo anima non est indifferens ad unionem cum quolibet corpore, ut in ceteris systematibus, sed per naturam suam & naturam corporis ad unionem cum hoc præcise corpore destinatur. In *Theologia naturali* agitur de existentia Dei & attributis cum eadem connexis, de intellectu divino & attributis inde pendentibus, de voluntate atque attributis ad eam relatis, de attributis, quæ per antecedentia demonstrantur, atque de operibus divinis. In *Philosophia experimentalis* reperiuntur Sect. 1 experimenta hydrostatica de æquilibrio fluidorum, de pressione fluidorum, de gravitatione corporum in fluido & motu hinc pendente; Sect. 2 experimenta aerometrica ope antliæ pneumaticæ potissimum instituenda de proprietatibus aeris, ejusque effectibus variis; Sect. 3 experimenta & observationes meteorologicæ ope barometri,

metri, thermometri, monometri & hygrometri, nec non æolipilæ & hyetometrorum capienda; Sect. 4 experimenta circa qualitates sensiles, veluti calorem, frigus, ignem &c. Sect. 5 experimenta optica de lumine, coloribus, vitris opticis, speculis, microscopiis cum observationibus microscopicis. Sect. 6 experimenta physica miscellanea de magnete, de sono, de corporum poris, de animalibus in vacuo; Sect. 7 experimenta statica de æquilibrio, mechanica de regulis motus, hydraulica de motu fluidorum cum a gravitate, tum a vi aeris pendente. Denique in *Physica* parte prima de corporibus eorumque affectionibus in genere agitur, nimirum de proprietatibus corporum generalibus, de differentia eorundem a materia cohærente constante profecta, de differentia a materia variabili & interlabente manante. Parte secunda occurrit contemplatio mundi universi, ubi de corporibus mundi totalibus in genere, tum de Sole, Luna & planetis, stellis fixis atque planetis in specie demonstrantur, quæ certa observationum fide nituntur, mundanique Systematis redditur ratio. Parte tertia considerantur Telluris corpora partialia. Præmissa telluris contemplatione generali agitur de aere, vento, tempestatibus fixis atque vagis, de meteoris aqueis, nebula, nubibus, rore, pruina, pluvia & grandine; de emphaticis, iride, halonibus, parheliis & paraselenis phænomenisque agnatis, de fulgure ac tonitru aliisque meteoris ignitis, aurora inprimis boreali, de aqua, de terra & fossilibus. Parte quarta de plantis seu vegetabilibus exponitur structura plantarum, & per eam declaratur earundem vegetatio, vita, mors & generatio. Parte ultima, quæ est de œconomia animali, explanatur nutritio, sensatio, motus, generatio, vita & mors animalium atque hominum. Concinna brevitate complexus est Cl. Autor, quæ in operibus suis proluxius exposuit Philosophus, ita ut definitiones & theses *Wolfianas* retinuerit, subinde tamen nova ratione inter se connectere studuerit, ut & in compendio cohærerent, quæ in ipso opere iusta inter se connexionem unum veluti corpus constituunt. Cum opera Philosophi singula in his Actis uberius recensuerimus, inutile foret, ipsorum dogmatum inire rationem. Sufficit igitur ex præfatione recensuisse rationes, quæ Cl. *Thümmigium* per-

moverunt, ut institutiones sermone Latino conderet. Consulere nimirum studuit juventutis Academicæ utilitati, quibus sese Philosophia *Wolfsiana* commendat accuratis terminorum definitionibus, exquisitissimis experientiarum evolutionibus, limatissima in judicando acie, felicissima in inveniendo sagacitate ac genuino in demonstrando rigore, propterea quod volumina Philosophi majoris sint molis, quam ut ad lectiones Academicas intra definitas temporum periodos absolvendas debita accuratatione adhiberi queant, stylo præterea puro conscripta, ipsis terminis technicis apud Latinos autores sæpius barbariem præ se ferentibus ad genium linguæ vernaculæ compositis, ut subinde ad verba hæreant atque difficultates nectant tanta linguæ teutonicæ capacitate minime instructi. Accedit, quod in plerisque Academiis Latino idiomate utantur docentes. Ceperat id consilii, cum a Potentissimo Borussia Rege Professio Philosophiæ ordinaria in Academia Halensi ipsi fuisset collata. Sed cum deinde Philosopho, ut Noster ait, insidias struerent adversarii ad fortunas ejus funditus subvertendas, novas hinc sibi rationes enatas esse fatetur Cl. *Thümmigius*, cur consilio exequendo omnem applicaret operam. Nimirum cum periculosissimas fingerent theses, quas Philosopho maxime invito ac omni modo easdem detestanti sub causæ Dei titulo obtruderent, ipsi met gloriantes, istis allatis Systema ejus in contradictionum chaos degenerare, quod alias pulcherrimo consensu omnium sese commendat; ad retundendos immanes clamores ad externos quoque disseminatos, quibus *Wolfsiana* scripta evolvere non datur, non alio remedio opus esse arbitratur, quam ut theses *Wolfsianæ* justo ordine inter se connexæ æqualis lancis trutina expendantur. Atque id in frontispicio libri indicat cygnus ab anatibus strepentibus conspurcatus, sed suis se undis abluens. In Tomo posteriori, quem nunc prelo parat, continebitur Philosophia practica, quam *Wolffius* in Meditationibus Moralibus & Politicis proposuit. Rogat autem Cl. *Thümmigius* Lectorem, ut in perlegendis iis, quæ perpetua connexionione inter se cohærent, & ab omni superfluo verborum ornatu libera sunt, animum lento gradu progredi & ad quælibet verba suo ponderanda sensu subsistere jubeat, ne sibi exemplo adversariorum



sariorum *Wolfsi* fingat, quæ ab ejus mente multis distant parafangis, præsertim si eo animo ad lectionem accedat, ut dogmata periculosa quærat.

GE. FRIDERICI RICHTERI DE NATALIBUS Fulminum Tractatus Physicus.

Lipsiæ, apud Jo. Frid. Gleditschii B. filium, 1725, 8.

Constat 8 plag. & tabula ænea.

ERudita disquisitione digna novaque & oppido curiosa est sententia, quam hoc libello ornare & propugnare instituit Cl. Autor, Collega noster solertissimus, idemque rerum physicarum & mathematicarum scientissimus. Erat una omnium, nec Physicorum modo consensu, sed generis humani experientia propemodum quotidianâ comprobata opinio, e nubibus generari tonitrua & fulmina, de super jactari tela fulminea. Hæc in præsentî libello non ut minus firma laceffitur, sed omnino convellitur & penitus evertitur, ostenditurque, prope terram, in aere inferiori, atque adeo in ipsis locis fulguratis, pleraque oriri fulmina, ita scilicet, ut e terra emissæ exhalationes sulphuræ, nitrosæ, aluminatæ, hinc inde collectæ atque opportune mixtæ, eodem fere exemplo inflammentur, ut aurum fulminans, ut phosphorus Hombergianus, ut multa alia chemicorum arte præparata. Omnem Tractationem tribus partibus absolvit Autor, quarum una sententiam & argumenta illustris Masseji, Marchionis Itali, qui primus illud dogma defendit, exponit, illustrat ac confirmat; altera suggerit rationes quasdam novas; tertia objectiones & difficultates solvit. Et Massejus quidem in Epistola ad V. Cl. Ant. Vallisnerium, operibus, quæ titulo, *Rime e Prose del Sig. Scip. Maffei* Venetiis 1719 prodierunt, inserta, provocat ad proprios sensus & luculentissimam experientiam. Nam cum aliquando per Etruriam iter faciens in castellum Lunensis agri diverteret, quod *Fordinuovo* appellatur, coorta paulo ante tempestate pluvia & satis turbulenta; tum vero nova ipsi res planeque improvisa accidit. In ipso nempe conclavi, ubi cum aliis confederat, pavimento versus, ante oculos Masseji repente nascitur

flammina vividissima, e cœruleo subalbicans: quæ cum exiguo temporis momento constitisset, motu saltim intestino agitata, tum, velut tenui exerta lingua, paullo propius ad confidentes hospites accedit, iterumque aliquantisper insistit atque ampliat, eodem plane modo, uti ab incenso pulveris pyrii cumulo ad alium cumulum modice distantem, intercedente serie quadam pulveris consimilis, celeriter propagari ignem observamus. Inde supra humeros Masseji extento radio, in sublime fertur; calcis quædam fragmenta e fornice decidunt; fit strepitus in superiori contignatione; & puncto temporis fragor & tonitru exauditur. Non absimile spectaculum exorti extra nubes in aere inferiori fulminis, aliquot annis post, obtigit eruditissimo Abbati Lionio, eundemque, cum strenue incredulus esse & obfirmate placitis Masseji resistere in animum induxisset, mox dare manus veritati, & fidem propriis habere oculis coegit. Neque vero mirandum est, rarissime fieri ejus generis observationes. Nam & singularis requiritur loci commoditas, & impavidus animus, & conversus accurate atque opportune illuc ubi fulmen nascitur, obtutus. Quæ vero conspiciunt homines ignobiliores & incuriosi, ab ipsis ut inutilia negliguntur, ab aliis rejiciuntur ut minus tuta fide nixa, denique in literas non relata cum autoribus suis pereunt. Interim neque experientias ad Massejanam & Lionianam accedentes, neque ipsum nomen terrenorum fulminum, res esse antehac plane inauditas, infra Autor noster evincit. Nunc ut cetera Masseji argumenta paucis attingamus, urgentur potissimum illa: Loca terrena aliis alia magis esse obnoxia fulminibus; de fulmine fere nihil videre, qui locum fulguratum circumstant; motu flexuoso atque errante incitari, resilireque identidem & satis incomposite replicari fulmina; postremo, plerosque fulminum effectus multo promptius commodiusque e nova hypothese, quam e doctrina Cartesii aut Gassendi explicari. Atque hæc de prima libelli parte. Sequitur altera, in qua statim ab initio id agit Autor, ut tria potissimum esse loca doceat, ubi nasci fulmen possit; infra terram, juxtim, & supra. De fulminibus tonitruisque subterraneis testantur terræ motus, testantur halitus fulminantes in fodinis quibusdam obvii, testantur denique famosi

famosi montium ardores. De singulis hic exempla, testimonia & rationes afferuntur: quo facto ita pergit Autor: *Quemadmodum autem in ipsis specubus subterraneis interdum colliguntur atque succenduntur fulmina, ita fieri nullo modo posse videtur, ut halitus nitrosi, aluminati, ac sulphurei, ubi e tellure fuerint enisi, non aliquando prius maturati inflammentur, quam ascendere in aerem superiorem queant, præsertim si adibus, arbusis, itemque aliis locis ac rebus, ubi sæpe multum materia cognata offendunt, ita vel inhererint vel obhaerint, ut non nimis prompta sit ipsorum dissipatio: hinc fulmen quod Massejus vidit; hinc illud quod Lionio est oblatum; hinc reliqua fere omnia, quæ res quasque in superficie telluris sitas adurunt, discutiunt, & late strages edunt.* Adduntur ex Actis Philosophicis Anglicanis, ex Scheuchzero, aliisque autoribus, observationes nonnullæ, quæ profecto haud in mediocriter convenire cum Massejana observatione ac sententia videntur. Quanquam vero cum infra tum prope terram nasci interdum fulmina solent, tamen longe maximam seminum fulmineorum partem e terræ vinculis liberatam, magis magisque evehi, atque in altiori demum aere cum magno sed innoxio tumultu conflagrare non dubitat Autor; in eo diversus ab autore novæ sententiæ, Massejo, qui universorum pæne fulminum origines in vicinia telluris & longe infra nubes collocat, illud tertium genus fulminum in meris fulguribus numerans. Quod vero non modo refellit Noster, sed & fulminum id genus fines ac terminos ita aliquatenus definiri posse censet, ut illam aeris regionem, ubi frequentissime suspendi nubes, præsertim altiores, consueverunt, raro vel attingere vel superare pronuntientur. Jam si naturam nubium consideramus, quæ nihil aliud sunt, quam sublimiores quædam nebulae, quid iis ad procreandam dejiciendamque flammam ineptius? Si ipsam flammam cogitamus, quid magis incomprehensibile, quam rem adeo fluxam evanidamque posse sic vibrari atque dirigi, ut per liberum aerem trajecta tum collecta maneat, tum vehementiam impetus conservet? Si ad fulmina sereno puroque cælo facta respicimus, quorum complura exempla adducit Autor, quid minus ambiguum, quam nubes ad fulmen pro-

creandum haudquaquam esse necessarias? Si denique ad intervallum illud temporis attendimus, quod fulgur inter ac tonitru plerumque intercedit, ex quo etiam satis accurate computare licet, quam longe a nobis absit fulminis origo, quid est cur de origine proxima dubitemus, ubi intervallum illud nullum est, ubi uno atque eodem momento aures oculosque ingens fragor & flamma occupat? Et quanquam Maffejanum dogma nullum habet inter Philosophos superiores, quantum quidem constat, propugnatores ac patronum, complures tamen eo pervenerunt, ut parum ab ipsa veritate abesse videantur. Favent sane Autori nostro (ut ipse interpretatur) qui cum Gassendo *fulmen fulmineumve ignem non advenire e nubibus in terram, illamque ferire, ut vulgo omnes opinantur, sed ibi erumpere existimant, ubi effectus ipsi violentissimi eduntur*: favent qui series vaporum fulmineorum a loco fulminis natali ad res quasque fulguratas pertinentes statuunt; sed ut conficti a Gassendo glomeres merito repudiantur, sic alterorum illud unum displicet, quod series suas ad nubes-usque extendendas putant. Favent Peraltius, Mariottus, Fabri, quorum hypotheses circa fulminis ac tonitru generationem non præcise nubium præsentiam deponere, recte annotavit Sturmius: favent qui cum Jo. Clerico, *incensionem fulminis nihil indigere opis nubium*, diserte atque ingenue profitentur: favet celeberrimus Newtonus: favent multi alii. In partes etiam vocat Noster mythologiam veterum, qui Vulcanum de femore Junonis idcirco natum finxerunt, *quoniam fulminum de imo aere nascentium imago est*, quique non uni Jovi, sed & aliis Diis, partim cælestibus, partim terrestribus atque inferis, manubias seu jactus fulminum asseruerunt: provocat ad celebrata Plinio & Senecæ fulmina *infera, terrena* atque *aterranea*, quæ partim *e terra erumpere*, partim *in incluso fieri*, partim *ex proxima & turbidiore natura venire pronunciant*: provocat denique ad geminam antiquam Causæ, cujus Schema in opere magnifico Antiquitatis explicatæ expressit Montfauconius, ubi Ceres sive Terra spectanda proponitur, cum fulmine in manu & duabus spicis ante pedes. Sed his causa brevitas omissis, ad tertiam libri partem progredimur, ubi expenduntur rationes illæ, quæ inprimis obflare novæ sententiæ



videbantur. Quid enim? nonne ipsis oculis nubes fulminibus gravidas observamus? nonne eas supra horizontem assurgere, nonne sensim appropinquare, nonne scindi identidem & flammam evibrare cernimus? qui fit, ut eo graviora & propinquiora sentiantur fulmina, quo magis ad verticem nostrum accedunt nubes illæ crassæ & squalidæ? & quid tandem in causa est, cur de serena cœli parte aut raro, aut nunquam detonet? His illa reponit Noster: Nubes luridas & opacas cerni, fulminibus gravidas fingi ab imaginatione nostra. Cum fulgur & lumen a nubibus fortissime repercussum, aut aeris a fulminea flamma veluti discissi coruscantes rinas, & signatas igne lineas videmus, continuo colligimus, e nubibus vibrari flammam: sed idem plane effici potest a fulmine in aere paullo humiliori generato. Denique quod nexu satis arcto inter se vinctæ & velut colligatæ ut plurimum sunt fulmina & nubes, id ea re fieri ait Autor, quoniam fulmine effervescent, concutitur atque attenuatur aer, ut immixtas sibi aqueas particulas sustentare amplius nequeat; quocirca non a nubibus fulmina, sed nubes potius a fulminibus introduci dicendum esse contendit. Affert deinde ac dissolvit alias nonnullas objectiones, docetque, quam parum fidendum sit vulgaribus fulminum historiis, ubi distincte relatum legitur, quo loco sese insinuaverit fulmen in ædificia vel res alias destructas, item qua progressum via, & qua porta mox elapsum fuerit; perinde ac si commode & pedetentim permeanti conclavia fulmini comites in itinere adfuissent observatores curiosi. Postremo veterem sententiam cum novo dogmate aliquatenus conciliare commoda quadam interpretatione conatur. Appendicis loco subjiciuntur literæ & observationes quædam huc spectantes ipsius Massei, Lionii, Pagliarini, aliorumque, in Latinum sermonem conversæ & variis annotationibus illustratæ, ne quidquam desiderent lectores, quod lucem huic argumento fœnerari posse videatur.

### NOVA LITTERARIA.

V. C. Gottlieb Cortius haud ita pridem Lucanum, locis permultis emendatum, vulgata lectione singulis paginis adnotata, typis tradidit. Cum enim cognovisset, alibi locorum viros eruditos novam ejus Poetæ editionem minari, suam vero, quam va-

rius

riis & bonam partem ineditis doctorum virorum observationibus, ut & vetere Scholiaste nondum vulgato augendam cum maxime adornat, vix proximo anno absolvi posse videret: rationibus suis optime consultum esse putavit, si hujusmodi minorem editionem primo quoque tempore in publicum emitteret. Ita nempe nemini quid surripuisse dici poterit, si quis post ipsum in easdem emendationes inciderit: & apparebit, quid cuique tribuendum sit. Intra unum alterumve mensem prelo liberabitur; quam major illa editio proximo, ut spes est, anno sequetur.

Petropoli in Russia Reverendissimus P. Gabriel Buzinski, Pultaviensis, quondam Kyov. postea Moscoviensis Gymnasii Præfectus, modo Russiæ S. Synodi Consiliarius, Scholarum atque typographiarum in Russia Protector, & primicerius in Russia Monasterii, quod *Troiza* S. S. Triados & S. Sergii vocant, Archimandrita, &c qui ante aliquot annos Sam. L. B. de Pufendorf Introductionem in Hist. Univ. in linguam Ruthenam vertit, atque bis Petropoli in fol. & in 8 typis excudi curavit, 1719; Theatrum Historicum M. Wilhelmi Stratemanni Frf. & Lips. in 8 impressum, universam Historiam Eccl. & profanam exhibens, e Latina in linguam Slavonicam verti iussit, eaque translatione emendata, typis monasterii S. Alexandri Nevensis prope Petropolin 1724 in fol. cum fig. mandari, addita epistola Dedicatoria ad Augustissimas Majestates M. Russiæ, & præfatione ad Lectorem. In Dedicatione laudatur imprimis Petrus Magnus, Imperator Russiacus, sub cuius auspiciis Russia e tenebris ad lucem scientiarum pervenit, atque Seren. Imperatrix, Catarina Alexievna, mater patriæ, uti norma & exemplar virtutum. In Præfatione vero ostendit utilitatem hujus libri & scopum Versionis, simulque agit de computatione annorum ceterarum gentium inæquali ac diversa a computatione Græca, utpote quæ varia discrimina & difficultates in computatione temporum Chronologis peperit. Hortatur quoque, ut & Protestantium libri (a quorum lectione quondam prohibiti & coerciti fuerant Russi) evolvantur, manibusque terantur. Expectamus brevi versionem Ruthenam Puff. de off. hom. & civis, in qua idem Archimandrita desudat, ut ad captum lectorum Ruthenorum, imprimis studiosæ juventutis in Academia, sumtibus munificentissimi Imp. brevi fundanda, quam fieri potest clarius explicetur.



No. VI.

24

# ACTA ERUDITORUM,

*publicata Lipsiæ  
Calendis Junii Anno MDCCXXV.*

A. DE LA MOTRAYE'S TRAVELS.

i. e.

AUBRII DE LA MOTRAYE ITINERA PER  
*Europam, Asiam & partem Africæ.  
Volumina II.*

Londini, sumtibus Autoris, 1723, fol.  
Alphab. 10 plag. 8 Tabb. æn. 48.

**A** Vide fuit expectatus hic liber, & Regum etiam atque Principum studiis, ut ex subscriptorum indice præfixo patet, promotus; utrum vero expectationi satisfecerit, nec ne, haud difficulter dijudicabit Lector. Tantum abest certe, ut a rebus nemini adhuc visis, a periculis fabulosa virtute propulsatis, a præstigiis, & quæ sunt alia peregrinationum meteora, ornatum Commentariis suis quæsierit Cl. Autor, ut ea etiam videatur insuper habuisse, sine quibus nec placere diu, nec vivere libri possunt; selectum scilicet argumentorum, penitio-  
torem rerum cognitionem, errores cavendi curam. Ita nec illi, qui vana mirantur, sibi scripta putabunt hæc itinera, & solidi amatoribus haud probabitur, pleraque vulgaria, multa aliena, manca quamplurima, prout forte in Commentarios temere prius relata fuerant, nunc ad molem faciendam in duo Volumina fuisse coacervata. Tot & tam elaboratæ Romæ pariter ac reliquarum Italiæ urbium descriptiones extant, tam trita sunt imprimis, quæ ad religionem & ceremonias sacras Romanensium pertinent, ut cum talia primo statim loco evolventibus occurrant, in ipsa gustatione fastidii periculum sit lectoribus. Infiniti sunt, qui Constantinopolin, Ægæi maris insulas, Natoliæ Syriæque me-  
H h mora-

morabilia, Turcarumque & Græcorum inter Turcas mores & instituta exposuerunt, ut eadem nunc repetens Autor operam ludere videatur. Nonnullos male habebit, cum se primum ex Italia ad Palæstinæ & Africæ littora, hinc per Ulyssiponem in Trapæ monasterium rapi, dein, vix libata Galliæ aula, in Angliam, ex Anglia in Orientem transportari, inde subito Barcinonem vehi, rursusque Italiæ reddi, paulo post ad Turcas relabi, lustrata porro Tartaria, Germaniæ parte & Hollandia visis, Turcis tertium restitui, illisque demum valere iussis, ab adito extremo Europæ Septentrione ad Angliam dento contemplandam revocari videbunt. Verum id quidem excusaveris, si dicas, diaria esse, quæ scripserit Autor, vel annales, quod genus, præter temporis seriem, ad alium ordinem haud sit exigendum. Quis autem vel in annalibus diariisque paulo concinnius scriptis ferat inter itinera Turcica nuncios de Regis Hispaniæ morte, Suecorum ad Narvam victoria, Hochstetensi prælio? quasi ab Hellespontii littoribus resonando facta ejusmodi aut veritatem firmiorem aut novam saltem speciem asciscerent. Quisquis tamen hæc non averfatur, delectetur ille *Tomi I capite 7*, cujus titulus Ludovici XIV gesta pollicetur, neque putet, illa plane ab hoc libro esse aliena. Fac etiam non esse. Sed specta narrationem ipsam. Ante ovum a sterilitate matris eam orditur, mira circumstantialium implicatione. Cur enim expositionem votorum, pro sæcunditate Regiæ conceptorum, dividit Richelii & Mazarinii ad gubernacula imperii constitutio? Porro cum ex ejusmodi principio copiosam Ludovici Regis historiam merito expectet Lector, facili artificio descriptis hic ex opere satis noto 137 nummis historicis, spem suam an videbit impletam? an delusam Verum sunt adhuc alia episodica, in quibus magis sibi placet Noster, & veremur, ne sibi soli. Dum enim de rerum Anglicarum agitationibus, quas ipse vidit, loquitur, non facta solum, sed &, quod nemo requirat, scripta diversarum partium & colloquia operose recenset, & aliquando, tanquam spiritu raptus, Duci Aurelianensi Dissertatione de Whigismo & Torrisimo parentat, & Elogii vice Galli cujusdam pro Duce Apologiam annectit, inter calidæ potum effusam, ferventem ipsam, Anglosque potissimum adurentem, quos tamen intercedens ipse quasi affusa

T. II c. 4.  
& 16.

D. 247.

fr.



frigida, periculo liberat Autor. Imprimis inexpectatum accidit, Satyram Swiftii, *a Tale of a Tub* inscriptam, prolixius excerpti, & Collinii nihil cum reliquis commune habentem *Discursum de fundamentis & rationibus religionis Christianæ*, addito etiam præconio ingeniosi & eruditi libri, commendari. Sed & inficeta quædam de religione colloquia mallems omissa. Scitum enim profecto Turcas & Mythologiæ gnaros & Critico acumine est audire de Textus Ebræi interpolatione querentes, & Anti-Christianismum crepantes, & Apocalypsin cum Alcorano conferentes. Adsunt & quædam negligentius nec sine errore prolata. Eo pertinet, cum scribit, ultra trecentos annos effluxisse, ex quo viris sacris cœlibatus a Pontifice sit inunctus; exemplum Evangelii Marci Venetiis asservatum pro Græco venditari; a Præsule Cameracensi Fernelonio librum sub titulo, *la pratique de Devotion*, scriptum, eundemque Romæ damnatum; *παιεργασίας* titulum, Sacerdotibus Græcis (vel potius sec. Goarum Metropolitibus) tribui solitum, ætatis & prudentiæ maturitatem indicare; Roscoporedoum Regis Bosphorani nomen esse, eum sub Constantino natu minimo regnasse, æram urbis conditæ in nummis Bosphoranis signatam fuisse, notas AKX numerum 1079 referre. Si evolvat Lector observationes ejus Historico-Geographicas in reditu ex Turcia per Germaniæ partem factas, deprehendet quædam supine errata, ut, Pragæ S. Nicepovicenum coli; arcem ejus urbis (*Citadelle*) inter Germaniæ munitissimas referendam; Dresdam Metropolin esse superioris Saxoniz & præter propugnacula, quibus undique cingitur, pariter arce muniri; Sueciæ Regem post pacem Travedalensem cum Rege Poloniæ factam, ad eum Dresdæ visendum venisse; Lipsiensi circulo Ducatum Halensem & comitatum Wettinensem comprehendi; Halam arce munita defendi; specus Baumannianæ meatus nil nisi Catacumbas vel *Casatombas*, ut Noster appellat, esse. Porro, unde Monachorum ordo S. Johannis regulæ astrictus eruetur? Quo autore Servium Tullium Romæ Consulem fuisse rescivit, quem omnes adhuc Regem crediderunt? Sunt tamen etiam, quæ legentem juvent, & gratiam libro concilient. Talis est historia prægrandis adamantis Medici, quam non meminimus alibi reperisse. Talis narratio Itali

P. 135-145.

426.

T. I p. 81.  
235.

T. I p. 4.

67.

257.

T. II p. 40.

T. II. 176.

177.

178.

179.

205.

278.

T. I 54.

- p. 79. cujusdam Monachi de fraudibus Græcorum ignem cœlestem statotempore in sepulchro Christi excipientium, ubi in mentem venit illud Juvenalis: *Quis tulerit Gracchos de seditione querentes?*
92. Talis observatio de *Secretis Petri Apostoli*, libro, quem plerique Coptorum ne nomine quidem tenus norunt; pauci, qui aliquid se scire videri volebant, Nostro dixerunt, archetypum extare apud Abyssinos, ectypum apud Patriarcham Alexandrinum, unde corruit autoritas *Prateoli*, in Elencho hæreticorum asserentis; Coptos eum librum in Ecclesiis suis legere. Tale indicium fornicum subterraneorum ad aquas servandas Constantinopoli summa magnificentia structorum, qui Sponii, Wheeleri, aliorumque scrutinia fugerunt. Neque injucunda sunt, quæ ad recentiorum Historiam illustrandam passim afferuntur. Ita solennis introitus legati Poloni, post pacem Carolovicensem Byzantium missi, describitur, propterea notabilis, quod sexcenti ejus comites evaginatis gladiis & illis plerique loriceis induti processerint, quibus ad Viennam Turcas exuerant. Quod Comes Oettingensis, ab Imperatore ad Sultanum missus, veste talari usus sit, ea ratio redditur, quod ita controversia de gladio in conspectu Sultani portando facillime vitaretur, cum gladium iste habitus fere prohibeat.
205. Multa passim de Comite Tœckelio occurrunt, quem sæpe in loco exilii sui ad Nicomediam convenit Autor. Id vero præcipuum, quod falso vulgatum fuerit, eum ad Romanensium partes transiisse. Professus est enim ipse paulo ante mortem, se quidem ejus rei spem aliquam sub certis conditionibus fecisse Jesuitis, eam vero nunquam implevisse, testatumque id scripto sua suorumque
- ib. manibus signato reliquit. Insignis ista rerum inter Turcas mutatio, qua A. 1703, Mustapha remoto, Achmetus adhuc superstes imperio fuit admotus, copiose narratur, ut &, quæ Feriolio legato Gallico acciderunt, qui, cum satis pro dignitate munus suum per aliquot annos obiisset, denique ob animi, ut agebant, intemperiem a suis victus & in Galliam remissus est.
- 238 seqq. Ad Chotinias (*Chotzim*) a Turcis A. 1713 non aliam ob causam exercitus admotus dicitur, quam quod putarent, Cameneciam sibi vel a Stanislai fautoribus, qui id promiserant, vel ab Augusto Rege, per hanc armorum ostentationem territo, traditum iri.

Præter hæc vero notabilia sparsa hinc inde, tria potissimum sunt argumenta selectiora, unde dignitatem opus hoc habere potest. *Primum* est plena de gestis & fatis Regis Sueciæ, postquam ad Turcas An. 1709 confugisset, narratio, quæ hoc magis videtur fide digna, quod integro triennio apud legatum Holsaticum, Fabricium, interioris admissionis fuit Noster, ab illo Regi commendatus, pro quo & itinera quædam ob causas sat graves suscepit. Imo in Norvagian secutus est Regem, ab eo per Görtzii gratiam, incertum, quid impetraturus; quæ spes Regis morte subita decollasse videtur. Memorabilia sunt *secundo* & *tertio* loco itinera ad Tartaros circa mare nigrum, paludem Mæotidem & mare Caspium sitos, & in extremam Lapponiam suscepta, quas terras inhospitas summa cum patientia permeasse Nostrium apparet. *Suecica* lectores eo fortius alliciunt, quod singularis plane exempli Rex iste fuit, seu fata spectes, seu mentis indolem. Confirmatur hic, quod sæpe fando accepimus, eum T. I p. 291. Curtii lectionem amasse præ aliis, & Alexandrum sibi non imitandum modo, sed superandum etiam animi magnitudine & expeditionum difficultate, proposuisse. Quid mirum igitur, si heroem, quem in oculis ipse gestabat, a Boilavio naso suspensum ferre non T. II p. 344. poterat, atque proin Satyram hujus Poetæ, qua mordacissime lædatur Alexandri memoria, dilacerabat? Neque censendus est Carolus in superando Alexandro frustra laborasse. Cum enim hunc secundæ res cito corrumpere, & vacationes a militia ad comessandum & pergræcandum inducerent, ille contra in otio quoque nunquam quievit, nunquam voluptatibus indulgit, & tam constanter sobrietatem servavit, ut post discessum ab Holmia neque delicatiorum ciborum appetens fuerit unquam, neque sitim alio, quam aquæ potu restinxerit, donec Warnitzæ a Turcis ferro T. II p. 207 ignique oppugnatus, aqua deficiente, primum post tot annos vinum, & id quidem pileo, ignarus, quis liquor esset, hauriens, biberet. Atqui non naturali stupore velut coactus ita vivebat, nam & genuisse dicitur Holmiæ antequam bello implicaretur, & po- T. II p. 343. stea quoque joci delectabatur, suos hilarius potantes absque tædio spectabat, amoribus illorum ad se delatis arridebat, quæ omnia p. 46. absque insito quodam voluptatum sensu esse non possunt. Verum

prudens & firmo proposito ad continentiam temperantiamque se formaverat, ut omnem a se mollitiei speciem amoliretur. Quantum in turbatis adversa fortuna rebus futurus fuerit Alexander, non liquet. De Carolo certe constat, quod nunquam agitaverit majora, quam cum castris exutus, opibus, exercitu, provinciis privatus, ad Turcas ejectus, animum propemodum solum superstitem haberet. Istud autem non admirabile modo, sed ultra fidem futurum esset, nisi tot *ἀντόπταις*, inter quos & Cl. Autor numerandus, confirmaretur, quod, cum ab aliquot millibus Turcarum & Tartarorum urgeretur, cum manipulo suorum, e domo non munita, oppugnatores diu propulsaverit, ardentis domus ruinas impavidus viderit, non nisi numero oppressus in hostium manus venerit, victores alto supercilio despexerit, captivus de aliorum Regum fortunis evertendis cogitaverit, obdurandoque pervicerit, ut ab illis, quos manifeste lacessiverat, melius tandem haberetur. Neque hæc sui haud compos egerat. Nam, cum quidam, id Turcis persuasum esse referrent, respondit: *se malle pro insano ab iis haberi, quam pro meticuloso*. Non vacat, nec est hujus loci, singula commemorare, quæ inota, dicta & acta sunt inter Turcas a Rege Sueciæ toto quinquennio, aut quæ de consiliis ejus atque vivendi ratione tempore Norvagicarum expeditionum usque ad mortem, cui nimio periculorum contemtu occurrebat, annotavit Cl. Autor. Legi merentur omnia, ipsis Litteris Magnatum inter Turcas Tartarosve aliisque documentis confirmata.

T. II p. 21-85 *Tartaricum* iter Tomi secundi capite II continetur, quo Akermanenses, Ozakovianos, Crimæos, Nogajenses, Circassos peragravit, quæque de populis hisce scripsit, oculis ipse usurpavit, majorem ita gratiam a lectoribus initurum se sperans, quam si aliorum vestigia fuisset secutus, qui vel ex solis incolarum, hominum ignarissimorum, narrationibus, vel, opinione ducti de barbara crudelitate harum gentium, e suo cerebro falsa pro veris produnt. De *Akermania* & *Ozakoviensi* tractu parum dicit, sive quod cursum hæc transiverit, sive quod deserta sint omnia. Cultior est *Crimea*, quanquam longe absit ab eo, quod nos cultum dicimus. Precopiæ namque domus palis & arborum ramis luto fimoque



que tectis constant ; munimenta vero vix sunt arcendo hosti imperitissimo rei militaris idonea. Ejus urbis Dominus est secundus ex Chami filiis, cui reditus præbent Salinæ quædam prope sitæ, & qui in urbe cauponariam exercent, quemadmodum & reliqui hujus Principis filii suis titulis singuli sunt insignes, propriisque dignitatibus præditi. Bacasiræ, (*Bacchiserat*) quæ sedes Principis est, in palatio aquam fontanam offendit Autor, qua meliorem bibisse non meminerat, dictumque est, eam septem vel octo drachmis leviolem aliis omnibus in Tartaria Turcarumque ditionibus inventam. Neque aquas solum excellentes gignit Chersonesus Taurica, sed vina etiam producit, quæ bonitate Burgundico & Campanico nihil cedunt. Habent Tartari nobiles suos, inter quos quatuor præ aliis eminent familiæ, quarum primæ permiffum est connubia jungere cum principali. Omnes autem nobili genere prognati jus habent suffragiorum in comitiis. Arces & castella per Crimæam a Turcis tenentur, neque in loca ejusmodi quicquam imperii est Chamo. De vocabulis linguæ Tartaricæ affinitibus nostræ, quæ vel a Saxonibus, eo aliquando deportatis, vel a Gothis, earum regionum pristinis dominis, deducenda suspicatus est *Busbequius legat. Turc. Ep. 4*, ita censet Noster, per bella Germanos complures in Tartarorum servitutem redactos, ibi matrimonia inivisse liberosque genuisse, horum vero progeniem postea linguas parentum & incolarum miscuisse. *Nogajenses* Tartari ad paludem Mæotidem, non confundendi cum synonymis circa Astracanum, Nomadum more viventes & aspectu fœdi, hospitalis tamen sunt, excipiunt pro facultatibus suis peregrinantes liberaliter, & qui sunt inter eos inhumanissimi, (quales sunt montani,) nunquam tamen eos vel furto vel alio quocunque modo lædunt, sed salvos transire patiuntur, iniquum putantes, idem in eos statuere, qui se fidei ipsorum credunt, quod in vicinos statuunt, quos assiduis incursionibus vexant, & homines rapientes & eorum facultates. Ino inter se quoque furta exercent, equorum maxime, quæ non nisi restitutione ablati puniuntur, cum cædes contra sint capitales. De *Circassis* idem prædicat, quod ante Nostrum alii, affabiles esse peregrinis & elegantis formæ, religione in mediterraneis mere gentiles, in extremis vel Persiæ vel

Russi-

p. 24.

25.

22.

33.

41. 51.

52.

25 seqq.

- p. 69. Russiæ atque Georgiæ finitimos, multa ex illorum cultu adoptasse, filias suas exteris vendere. Ea vero occasione quædam de *Calmuccis* differit, quos ad maris Caspii septentrionale & orientale latus habitantes, fixa domicilia non habere, neminique parere testatur, nisi quod a Russis per dona & prædæ spem in expeditionum militarium societatem trahi se patiantur. Alicubi in Circassia inter varias urbis everse ruinas lapidem invenit Noster literatum, cujus characteres ejusdem ætatis esse putat cum characteribus foliorum a Russis ante aliquot annos versus mare Caspium inventorum. Unde circa ætatem conjectura ipsi nata sit, nescimus.
73. Hoc autem lapidem delineatum cum Specimine MStorum a Russis repertorum, in his Actis M. Jul. An. 1722 exhibito, conferentibus nobis patuit, scripturas esse prorsus diversas. Illud etiam hic non est prætereundum, chartam Geographicam maris Caspii ab Autore exhiberi, litera C insignitam, de qua prodit, eam ad observationes Mathematicorum, a Russorum Imperatore ad id missorum, esse exactam, & a Medico Imperatoris, Areskino, cum Thalasfiarcho Anglorum Norrisio communicatam. Ast deprehendimus, ei nec cum *Hmanniana*, nec cum illa convenire, quam Gallorum celebris Geographus *de l' Isle* edidit, plura etiam loca in terris ad Orientem maris sitis harum utraque indicari, cum interim constet, utrique Geographo ad illas imprimendas materiam e Russia suppeditatem. Noster ipse, cum Caspii maris litora non lustraverit, inavult illius chartæ fidem præstare, qua sub lit. B mare nigrum exhibet. Eam delineatam dicit a Germano quodam, qui jussu Imperatoris Russici, cum comite Legati Batavi, litora maris illius & munimenta prope illud Turcica primum nemine turbante, quod plerique illum Magicam exercere, ex insolentia instrumentorum crederent, sit dimensus, denique vero, cum securus omnium absque literis legati exisset, in depingenda Jegnikala deprehensus & clam in carcere necatus fuerit.
68. Quomodo inter *Lappos* versatus sit Cl. Autor, Tomi II capite XII narratur. Altius in istam regionem penetravit, quam vel Episcopus a Carolo XI ad eam indagandam missus, vel quisquam alius peregrinatorum; usque in illos montes scilicet, qui form-
- T. II c. 12. p. 289. 309.

nam Norvagian a Suecica Lapponia dividunt, & in quos Lappones mediterranei æstatis tempore se suaque omnia & rangiferorum greges, omnis caloris impatientissimos, transferunt; unde septentrionalem Oceanum prospicere potuit. Fructum e tam difficili peregrinatione per invias, steriles, gelu horridas regiones, hunc tulit maximum, quod non viderit, quæ alii fabulosa de Lapponibus prodiderunt. Quæ extitit huc usque luculentissima descriptio Lapponiæ a *Scheffero* edita, eruditione plena, hoc vitio, quod Autor non visa sed audita tantum scribit, manifeste laborat. Inde sunt enim tot incerta, tot contraria, cum inter ea, quæ diversis Autoribus acceperat, seligere optima non valeret Historicus, neque satis discernere, quæ, cui Lapponum speciei, sint tribuenda. Patet enim, alios in multis mores esse illis, qui Finlandiæ Sueciæque propiores vivunt, quam qui versus Norvagian sunt remoti. Noster hos homines habitu corporis plerumque bono, sæpe etiam satis formoso, statura vero medio-crem excedente & membris apte compositis ex illorum numero vidit multos. Tantum abest, ut, non dicimus pro pygmæis, ista enim fabula dudum explosa est, sed pro hominibus *inconcinni corporis & tanquam in nodum contorti* haberi debeant, quod *Jf. Vossius* ad Melæ III, 8, magnis autoribus, oculis scilicet suis, credi cupit. Truculentos facit *Schefferus*, dolosos, pigros, impudicos. Noster humanos expertus est, officiosos, hospitales, bonæ fidei. Ubique enim in tuguria receptus, pastus & potus, in via ductus fuit & reductus. De industria dubitari nequit, si cogites, eos vestes sibi, naviculas, trahas, arcus & quicquid est utensilium manibus suis parare, ab aliis instrumentis, præterquam securi & cultro acuto, haud instructos. Unicum cædis, Lappones, & illo quidem ebrio, commissæ exemplum extare, furta vero & rapinas plane ignorari huic genti, a fide dignis accepit Autor. Quæ verisimilia videri possunt, cum & sibi ipsi contrarius *Schefferus* c. 13 scribat: *vitia graviora, furta, rapinas, cedes, adulteria & id genus apud Lappones sæpe esse ignota*; c. 8 autem virtutum christianarum exercitium inter eos summo-  
pere commendet. Fatendum tamen est, Autorem nostrum de illorum religione, prout ad revelatam exacta esse deberet, non

p. 297.

302.

331.

323.

p. 298 sqq. nimis magnifice sentire. Persuafus enim est, omnem Dei cultum ab  
 302 sq. 329. iis collocari in accurata & liberali solutione eorum, quæ sacerdoti  
 331 sq. debentur; de ipsis autem religionis fundamentis eos parum esse  
 edoctos, licet Sacramentorum exteriores actus ipsis non sint in-  
 cogniti. Culpam in defectum scholarum & pastores negligentes  
 & ineptos conjicit, cui addere posses difficultatem instituendi  
 gentem, quæ vastis terrarum tractibus per familias dispersa, se-  
 des præterea pro anni tempestatibus mutat. Tuguriorum stru-  
 cturam apud Lappones explicat quidem Autor, sed nihil de my-  
 sterioso isto postico habet, per quod, sec. *S. befferum* c. 16, soli viri  
 a venatione reduces prædam referunt, & quo mulieribus acce-  
 dere nefas. Diu est, quod in Magicis excellere putantur Lappo-  
 nes, neque adhuc omnium animis excessit ista opinio. Ipsi certe  
 credunt, esse Magos inter se, qui tympanorum tam celebrato-  
 rum ope futura prædicere, oculis fascinare & nihil non noxii  
 secretis artibus efficere queant. Noster, cum cupidus esset eam  
 rem indagandi, deduci se passus est ad senem præstigiatores,  
 qui, cum ante largo vini adulti haustu se proluisset, (inde scilicet  
 314. Enthusiasinus,) e tympano suo nil, nisi futilia, prædixit, ad quæ-  
 stiones vero propositas respondere noluit. Alia experimenta sci-  
 entiarum apud hunc populum occultarum non cepit Mottrajus, neque, cu-  
 riose licet quærendo, ab illis quid expiscari potuit. Ceterum opta-  
 remus, alia quædam a Cl. Autore tacta legere, qui magis sollicitus  
 de observandis accurate, quæ se essent oblatura, quam de consti-  
 tuendis ante, quæ vellet quærere, fuisse videtur. Talia sunt, de  
 lingua Lapponum, de divisione regionis, inter eos autoritate  
 regia olim jam facta, de superstitionis & paganismi reliquiis &  
 similibus. Expediret imprimis, si locorum situm, quos in Tarta-  
 ria & Lapponia attigit, secundum longitudinum & latitudinum  
 gradus designasset. Chartæ enim, quas exhibet, non satisfaci-  
 unt. Duo verba de *Appendicibus* itinerum horum, epistolas &  
 dissertationes quasdam continentibus de argumentis in opere  
 ipso tractatis, dicenda restant. In Appendice T. I notanda sunt  
 imprimis, Comitis *Tæckelii* confessio de religione usque ad  
 mortem servata, p. 406, Turcarum Imperatoris adversus Jesuitas  
 mandatum, p. 409, Jesuitarum Apologia querelis Armeniorum  
 oppo-



opposita, p. 401, literæ quædam inter Regem Sueciæ, Mullerum, ejus Cancellarium, & Sultanum atque Supremum Vezirium mutuatæ, p. 415 sqq. In illa, quæ *Tomo II* annectitur, legi meretur *Poniatovii* Epistola de Turcarum & Russorum ad Hierasum (*Pruth*) congressu, p. 6, Comitis *Wellingii* literæ, de voluntate Anglorum erga Suecos, p. 16, 17, 25, Tartarorum Chami & Regis Sueciæ literæ mutuatæ, cum ille hujus & Turcarum ditionibus discessum urgeret, p. 23 sqq. *Fabricii*, Legati Holsatici, relationes de vi Regi Sueciæ a Turcis illata, p. 26 sqq.

Denique non pigebit hic legere versus, tanquam tabulam *T. II p. 329.* votivam ab Autore in templo Yukacervensi, post absolutum iter Lapponicum, suspensos, quibus complexus est omnes suas peregrinationes :

*Me genitrix tenuit bis denis amplius annis,  
Gallia, me Italica, Africa terra, Britannica regna,  
Amba Afrix, Melite sterili vicina Cosyræ,  
Utraque me Germania, Græcia magna minorque,  
Urbes Tarraco, Barcinon, Herculeæque Columnæ,  
Euxina & Mæotica, Caspia, Baltica nec non  
Littora viderunt ; vidit Polus arcticus ipse,  
Ac mihi inocciduum ostendit Lapponia Solem,  
Proque cibo ac potu carnem & lac Rangiferinum  
Præbuit, ut quondam præbere solebat equinum  
Tartaria.*

LA RELIGION CHRETIENNE PAR

les Faits &c.

h. e.

RELIGIO CHRISTIANA PROBATA EX FA-  
ctis, cum Dissertatione Historico-Critica de methodo præ-  
cipuorum Autorum, qui pro Christianismo, vel contra  
eum, scripserunt ; Autore Abbate  
HOUTTEVILLE.

Parisiis, apud Gregorium Dupuis, 1722, 4.

Alph. 3 pl. 17.

li 2

Et

**E**T si liber iste sero ad manus nostras pervenit, tamen recensionem ejus, cum propter argumenti dignitatem, tum propter industriam Autoris in eo tractando adhibitam, hic non omittendam putavimus. In præmissa dissertatione, non est, quod vel siccum aliquem indicem, vel integram bibliothecam omnium eorum, qui religionem Christianam scriptis quibusdam asseruerunt, aut impugnarunt, expectes. Nam Autori tantum notitia methodi, pro diversitate temporum diversæ, qua hujus generis scriptores, inde ab initio Christianismi usque ad nostram ætatem usi sunt, suppeditare propositum fuit. Ad hanc vero vel unum atque alterum ex præcipuis singularum ætatum auctoribus, exempli causa nominare ac dijudicare sufficiebat. Dividitur illi in tres periodos, quarum prima in confinio tertii & quarti seculi desinit, altera a temporibus Imperatoris Constantini M. usque ad seculum XV, quo bonæ literæ reflorescere cæperunt, tertia inde usque ad nostram ætatem decurrit. Ad periodum primam post *Petrum & Paulum* Apostolos, ut præcipuos contra Simonem Magum, (cujus volatum casumque Romanum quasi verum recenseri, miramur) Hymenæum, Philetum aliosque Pseudapostolos, religionis Christianæ assertores referuntur *Aristides, Quadratus, Justinus Martyr, Tatianus, Theophilus Antiochenus, Hermias, Tertullianus, Clemens Alexandrinus, Origenes*, cum adversario ejus *Celso, Minutius Felix, Arnobius & Lactantius*. Sicut autem horum argumenta, quibus religionis Christianæ veritatem, antiquitatem & innocentiam contra adversariorum obreptiones vindicant pariter ac superstitionis Paganae vanitatem demonstrant, merito commendat, ita neque novos illorum tacet. Plerosque omnes de animæ humanæ natura minus recte sensisse, eique compositionem ex corpore subtiliori, effigiem humanam, & præexistentiam, licet non æternitatem, cum Platone, attribuisse, observat. Nonnulli præterea, nominatim Papiam, Irenæum, Justinum, Tertullianum & Lactantium, chiliasmum docuisse, quem quidem Noster ut subtiliorem & in bonis duntaxat spiritualibus quæsitum, & crassiori Cerinthis, Marcionis, Nepotis aliorumque hæreticorum chiliasmo, in corporis voluptate posito, distinguit, atque ex

Plato-

P. XVII.

LXIX seq.

Platonis Phædro. & libro X de republica deducit. Sed, si dicendum, quod res est, utrique corporis æque ac animi delitias in regno suo millenario promiserunt, atque adeo re ipsa non multum differunt. Annon præterea opinionis istius origo ex placitis Judaicis verisimilius, quam ex Platonicis arcessatur, doctissimo Autori amplius cogitandum relinquinus. Denique Justinus Martyr, Theophilus Antiochenus, Clemens Alexandrinus, Lactantius & alii ex suppositis sæpe monumentis, ac præcipue ex oraculis Sibyllinis, veritatem religionis Christianæ infelicitè probatum iuverunt, pagani propterea contemptim Sibyllistæ dicti. Hujusmodi naves evitarunt *Periodi secunde* scriptores Christianorum apologetici, prioribus sine controversia doctiores & cultiores, inter quos primo loco commendatur, simulque Arianismi suspicionem liberatur *Eusebius Cæsarensis*, præcipuus religionis Christianæ adversus paganos æque ac Judæos vindex. Illos enim in libro contra Hieroclem scripto, & in Præparatione Evangelica, hos in Demonstratione Evangelica confutavit. Eum deinceps insecuti sunt *Cyrillus Alexandrinus*, libris adversus Imp. Julianum Apostatam insignis, & *S. Augustinus*, qui in Civitate Dei, civitati mundi, h. e. paganismo opposita, præter cetera Theologiam paganorum philosophicam, in eaque potissimum Theurgiam Platonicam, a Platonicis junioribus, ut Plotino, Porphyrio, reliquis celebratam, & historię evangelicę de miraculis Christi oppositam, confutavit. Idem Præsul Hipponensis doctrinam morum pariter ac fidei Christianæ in meliorem ordinem redegit, & non minus contra Pelagianos, Manichæos aliosque hæreticos, quam contra Paganos vindicavit. Sed post eum, in Ecclesia præsertim Occidentali, magnatium Doctorum penuria extitit, & in cultioris religionis locum ignorantie & vitiorum barbaries successit, cui inanis scholasticorum, Aristotelis potius, quam Scripturæ S. autoritate nitentium, subtilitas medelam non attulit. Interea tamen a vulgo Scholasticorum S. Thomam Nostrer excipiendum putat, cui doctrina Christiana clariorem & distinctiorem methodum acceptam referat, quæ ad illam non modo addiscendam, sed etiam fovendam, & adversus errorum labem conservandam plurimum valet. Ex ista mediævi barbarie,

LXXX.

p. CXLV II in qua orientalis Ecclesia hodieque hæret, Occidentalis seculo XV paulatim eluctari cœpit. Hinc ab eo *periodi tertia* initium ducitur, qua quidem religio Christiana non amplius contra Paganorum idololatriam, sed adversus Judæorum calumnias, Socinianorum ratiocinationes, & Spinozæ ejusque similibus Scepticorum impietatem vindicanda fuit. Ac Judæis quidem jam seculo XIII *Raimundus Martini* Pugionem fidei opposuit, ex quo libro *Porcettus Salvaticus* totum fere opus suum, sub titulo Victoriz adversus Judæos editum, depromsit. Sed uterque plus zeli, quam roboris habet. Majus operæ pretium fecit *Hieronymus de Sancta Fide*, cujus refutatio Talmudis sic satis solida est, licet, pro ratione illorum temporum, omni ornatu destituatur, adeo, ut sine tædio legi vix possit. Seculo autem XVI illi, qui religionem emendare aggressi sunt, complurium virorum doctorum industriam excitarunt, & bonas literas magis magisque instaurandi occasionem dederunt. Post harum igitur *παλυνγεσθαι* multo limatius, ac tantum non profuso eruditionis apparatu, hoc argumentum tractavit *Phil. Mornæus*, in libro de Veritate religionis Christianæ, quem communi orbis literati applausu non immerito exceptum esse, Houttevillius profitetur, quamvis eum in refutanda idololatria, tunc pridem abolita, & in cumulandis Philosophorum ac Poëtarum paganorum testimoniis, de peccato originis, de S. Trinitate, & similibus dogmatibus Christianorum propriis, operam supervacua posuisse arbitretur. Majori delectu, licet minori eruditionis ostentatione hoc argumentum persecutus est *Joh. Lud. Vives*, in quo id unum desideratur, quod jugum opinionum quarundam Philosophicarum, tunc adhuc regnantium, nondum excusserit, quo posteriora demum tempora Cartesius, præcipuus artis recte cogitandi magister, liberavit. Secundum hanc artem primus veritatem religionis Christianæ accuratius asseruit *Hugo Grotius*, qui tamen luculentam vaticiniorum quorundam expositionem, in libello de veritate religionis Christianæ a se datam, ipse postea in annotationibus suis ad Scripturam S. pervertit. Magnum *Pascalii* ingenium, in asserenda religionis Christianæ veritate occupatum, infirmitas corporis, & mors ipsa tandem, quo minus destinata perficeret, impedivit.



divit. Interea conatuum ejus præstantia vel ex specimine posthumum meditationum de religione apparet. Seculo XVI & XVII religionem Christianam Anti-Trinitarii & Athei potissimum impugnarunt. Illorum, ac præcipue Socinianorum, objectiones *Andr. Keslerus*, *Abrahamus Calovius* & *Adamus Scherzerus*, viri in Theologia Scholastica haud obiter versati, & post eos alii diversis sectis addicti profligarunt. Contra hos, & nominatim contra *Bened. Spinozam*, *Lamii*, *Fenelonii*, *Turnemini*, *Jaqueloti* & aliorum libri pro Dei existentia & attributis scripti commendantur. A *Petro Dan. Huetio*, in Mythologia Pagana historiae sacrae vestigia, & in utriusque similitudine quadam nescio quod Christianæ religionis præsidium quærente, Autor noster dissensum suum non dissimulat, & in ejusdem quæstionibus Alvetanis vix quicquam præter Librum II probat. Inter novissimos hujus generis scriptores *Abbadio* palmam tribuit, ut qui primus omnes cum infidelibus controversias uno opere complexus sit. Nam in ejus libro I Atheos, in libro II Deistas & Naturalistas, in libro III Socinianos refutat, quamvis in ultimo hoc industria ejus relaxasse videatur. Denique cum nostra memoria *Petrus Balus* veritates quasdam religionis Christianæ non modo supra rationem positas esse, sed etiam cum ea pugnare, contenderet, difficultates ab eo motas, præter ceteros, *Leibnizius* solvit, distinctione veritatum Geometricarum, quæ æternæ & absolute necessariæ sunt, a veritatibus physicis sive secundum communes tantum naturæ leges necessariis. Scilicet hæc quidem interdum, nunquam vero illæ veritatibus Theologicis adversantur. His omnibus, diversarum licet partium, scriptoribus debitam laudem Noster ingenue tribuit, & post eos, in præsentī opere se id tantum egisse profitetur, ut omnia in meliorem ordinem redigeret, nonnulla novis argumentis fulciret, & adversus infidelium objectiones clarius vindicaret. Et sane, cum inter Romanenses, viæ autoritatis potius, quam viæ examinis adsueto, rari admodum sint, qui veritatem religionis Christianæ demonstrare studuerunt, & vel ipse index eorum Houttevillianus, hucdum recensitus, prodatur, quod optimi quique hujus generis scriptores extra eorum communionem fuerint; non immerito, eum

in

in hac parte fidei suæ sociis, qui adhuc talibus scriptis innouerunt, palmam præripuisse, dixeris.

In *libri I cap. I-IV* probationis per facta naturam, auctoritatem & characteres exponit, cujusmodi sunt, ut factum aliquid non sit *ἀδύνατον*, sive contradictorium, ut a testibus pluribus fide dignis, & extra fraudis suspicionem positis, confirmetur, ut sit publicum & magni momenti, ut cum antecedentibus & consequentibus apte cohæreat, ut ab ejusdem auctoritatis & fidei testibus non infirmetur, & ut per omnia Secula sine variatione relatum ad nos perveniat. Singulos hosce characteres in facta, Apostolorum & Evangelistarum monumentis celebrata, & in ipsa miracula Christi & Apostolorum convenire, singulis *capitibus V-XI* seorsim demonstratur. Inter testes de factis religionis Christianæ minime suspectos, *capite X* ipsi adversarii ejus, Judæi ac Paganis, adducuntur, ex Judæis nominatim Josephus, cujus notissimum de Christo testimonium contra Blondelli & Fabri objectiones copiose vindicatur, & Talmudistæ, qui non tantum ab ipso Jesu Nazareno, sed etiam, nomine ejus, ab aliis miracula patrata fuisse, agnoscunt: ex Paganis, præter Porphyrium, Celsum, Julianum & reliquos, qui Jesum partim virum bonum & immortalitate dignum judicarunt, partim etiam miracula ejus agnoverunt, ipsi Imperatores, Tiberius, Hadrianus, & Alexander Severus, qui templa & aras ei destinarunt. In *capite XI*, quod narratio de factis Evangelicis intemerata ad nos pervenerit, demonstratur, & adversus objectiones, potissimum ex locis, quæ in codicibus quibusdam sacri Codicis desiderantur, ut Marci XVI, 1, 12, de Christi resurrectione & apparitionibus, Joh. VIII, 3 seqq. de adultera, 1 Joh. V, 7, de tribus testibus divinis, vindicatur. Præterea etiam ad objectiones ab autore Anonymo libelli de libertate cogitandi, ex chronico Victoris Tununensis, in quo, *Imperatori Anastasio jubente, sancta evangelia, tanquam ab idiotis composita, emendata esse* dicuntur, respondetur, & verba hæc de corruptela quadam particulari, quam sub Imperatore Anastasio Macedonius, Patriarcha CPTanus, in Nestorianismum propensus, & propterea expulsus, sacro Codici intulerit, intelligenda esse, Liberati Diaconi testimonio probat.

• Liber

*Liber II* Veteris Testamenti de Messia vaticinia in Jesu Nazareno impleta esse probat, speciatim *caput II*, post nonnulla de prophetiæ natura, in *capite I* præmissa, docet, quod Jesus Christus eo tempore, loco, & modo venerit, quo Messias, secundum Prophetas, venire debuit. *Capite III & IV* præcipua illa de tempore hujus adventus oracula, Gen. XLIX, 8 & Dan. IX, 24 explicantur & vindicantur. In posteriori Autor eorum sequitur hypothesein, qui LXX hebdomadas ab anno vigesimo Artaxerxis Longimani incipiunt. *Capite VI & VII*, quod Jesus Christus prophetam, qualis Messias secundum Deut. XVIII, Dan. VII & VIII esse debuit, cum vaticinando, tum docendo se præstiterit, demonstrat, ubi quidem Noster, dum Christum novum legislatorem facit, qui amorem Dei perfectiorem & alia melius, quam Moses, docuerit, sectæ suæ placitis plusculum indulgere videtur. Quam evidenter vero iis, quæ Christus de excidio templi & urbis Hierosolymitanæ, de signis illud præcessuris, de passionis & mortis suæ ratione, de Ecclesia Christiana adversus portas inferorum prævalitura &c. prædixit, eventus responderit, non tantum ex historia sacra, sed etiam Scriptorum Romanorum & Judaicorum testimoniis accurate ostendit. Inter vaticinia de Messia non postremum locum tenet illud de vocatione gentium, sive quod gentes in toto terrarum orbe, idololatria huc dum quasi fascinatæ, per eum ad verum Deum convertendæ sint, sec. Es. XI, 9, 10, XXXI, 7, Jer. XVI, 19, Hos. I, 10, II, 24, Hagg. II, 7, Zach. IX, Malach. I, 11 &c. Hoc vero tam mirabiliter impletum esse, ut doctrina Christiana jam Sec. I post C. N. toto terrarum orbe personarit, & subsequenti- bus deinceps seculis majores subinde, intra & extra fines Imperii Romani, progressus fecerit, in *capite VI* ex instituto demonstra- tur. *Caput VIII*, quod Jesus Christus mortuus sit, sicut Messias, secundum vaticinia Prophetarum, mori debuit, & *caput IX*, quod iisdem convenienter in vitam redierit, ostendit, & imprimis veritatem resurrectionis Christi contra Spinozæ & aliorum objectiones luculenter vindicat. *Liber III* duodecim Deistarum objectiones adversus facta evangelica, & religionis christianæ veritatem dissolvit, quas cum responsionibus suis apud Autorem ipsum integras legi, quam hic recenseri, satius judicamus.

**ADAMI FRIDERICI GLAFEY COMMEN-**  
*tatio Historica de vera quondam Ministerialium Indole,*  
*qua Ministeriales Palatini, præsertim vero Milites Im-*  
*perii aut Statuum Nobiles, qui nomine olim Ministerialium*  
*potissimum veniebant, pristino nitori, dignitati, juribus,*  
*generis integritati, eminentiæ singulari, & immu-*  
*nitatibus restituantur &c.*

Francof. & Lips. apud Christoph. Riegel, 1724, 4.  
 Alphab. 2 Pl. 12.

**C**Um sint varii, cum in aliis doctrinis, tum maxime in iis,  
 quæ ad Jus Imperii nostri publicum pertinent, dissensus &  
 perpetuæ fere Virorum Doctorum contentiones, de Ordinis  
 etiam Equestris, maxime immediati originibus, Juribus, &  
 statu Jctorum non una est opinio, aliis ad perturbanda eorum  
 jura, proturbandamque dignitatem cuniculos varios agentibus,  
 aliis mascule eorum vetustum decus & ex vetustis fontibus pulcre  
 profluentes prærogativas afferentibus. Posteriorum castra sequi-  
 tur Consultissimus *Glasfeyus*, quod duo hujus suæ Commenda-  
 tionis historicæ Libri abunde probant, in quibus se ita gessit, ut  
 in priore equidem ex genuinis antiquitatum Germanicarum mo-  
 numentis veram Ministerialium indolem exponat, in posteriore  
 cum delecto sibi adversario, Illustri Joachimo Georgio de Plön-  
 nies, olim Illustrissimo Comiti Nassovio a consiliis secretioribus  
 & dirigenda cancellaria, jam vero Imperialis Cameræ Assessore  
 gravissimo, qui, singulari dissertatione de Ministerialibus Mar-  
 purgi habita, litem de servili indole Ministerialium suam fecit,  
 manus conferat. Nos, a quorum instituto quam maxime abhor-  
 ret, litem hanc etiam facere nostram, seposito illo posteriore  
 libro, lectorique docto & harum concertationum appetenti  
 commendato, ex priore, quæ sit Consultissimi Autoris de Mini-  
 sterialibus sententia, pro virili & candide dicemus. Initium  
 facit Consultissimus *Glasfeyus* a Ministerialibus Palatinis, & C. 1  
 Sect. 1 Ministeriales Palatii Regii exponit. Fuere Cancellarii,  
 Buticularii, Stabularii, Seneschalli, Dapiferi, Camerarii &  
 funiles



similes Regibus Franciæ ; idem mos ab Imperatoribus Germanicis fuit servatus, unde Electorum Archi-Officia, ita quidem ut iidem Imperatores in singulis etiam provinciis Marschallorum, Camerariorum, Dapiferorum & Pincernarum officia ordinaverint, & insignioribus familiis curam, quæ ad ejusmodi ministeria pertinet, commendaverint. Hoc exemplum Regum & Imperatorum imitati sunt Principes & Status Imperii, Sect. 2, & sibi etiam suos delegerunt Ministeriales, *Dienstmanne*, *Dienstherren*, Officiales simpliciter dictos, quotiens a ministerialibus militibus distinguendi erant ministeriales nempe provinciæ, probe iterum secernendi a ministerialibus Principum aulicis & quotidianis, quorum provinciæ ministerialium ordo adeo fuit honoratissimus. Nunquam non in diplomatibus ante milites, equites & ipsos principum officiales collocantur, integritate generis ut splenderent candidati, erat necesse, Duces aliquando & comites inter ministeriales occurrunt, nobilis viri, Domini, *der Dienst-Herren*, *Herrn Herrn* titulos iidem ministeriales usurparunt, ad partes reipublicæ regundas admissi sunt, Pares Curie habuere judices, nec est, ut ex restricta matrimonia ineundi potestate quicquam sinistri omineris ; tantum abest, ut inde nobilitati eorum & ingenuitati quicquam derogetur, ut potius inde constet, quam arcto fidei vinculo Principibus suis fuerint juncti, & quasi innexi, ut matrimoniorum ministerialium cura ad ipsam rempublicam & principis inspectionem pertinuerit. Ab his diversum genus Ministerialium Militum Imperii Cap. 2 explicatur, & Sect. 1 quidem I eos sub Imperatoribus Francorum apud Ansegisum se reperisse contendit Consultissimus Autor, sane sub Imperatoribus Germanicis ante Interregnum passim in vetustis chartis occurrere, Sect. 2 demonstrat, nobilitatem generis ex variis diplomatibus iisdem asserit Sect. 3, immo immediate Regi atque Imperatori subsuisse & paruisse, Sect. 4 ostendit, inter Judices & testes in tribunalibus Imperii admissos, Sect. 5 tradit, Sectione denique 6 hos Imperii ministeriales quartum gessisse clypeum, Comitibusque & Baronibus Imperii dignitate fuisse pares, evincit. Existimat nempe Consultissimus Glasfeyus, Speculatorem Saxonem suos septem clypeos ex doctrina Longobardica de Capitaneis

p. 8.  
9.

11.

17.

25.

27.

28.

34.

41.

42.

49.

54.

59.

65.

67.

72.

- taneis, Valvassoribus, & Valvasinis effinxisse, & Capitaneis quadruplicem clypeum tribuisse, Imperatoris, Principum Ecclesiasticorum, Secularium, Comitum denique & Baronum. Ita & rationes instituisse Suevum, addidisseque his quatuor clypeis, *der Hochfreyen oder Hochmänner*, clypeum quintum *der Mittelfreyen*, mediatam nobilitatem, & sextum ministerialium armigerorum. Jam vero Celeberrimum Gundlingium dudum docuisse, Capitaneum esse Vasallum, qui feudum habet a capite, hoc est, immediatum, non posse adeo ministeriales milites Imperii quinto aut sexto clypeo comprehendere, quod Sect. 4 jam sit ostensum, eos immediate Imperatori subfuisse, ad priores adeo clypeos pertinere, & saltem ad quartum, qui Comitum est & Baronum. Horum Ministerialium Officia Sectione 7 indagat, quæ bellica asserit, ita ut ad vexillum vocati se sistere debuerint, Sect. 8 discrimen, quo a militibus simplicibus & Vasallis Imperii distinguuntur, indicat, Sect. 9 jus eorum suffragia ferendi in Comitibus Imperii adstruit, proprios homines possidere potuisse Sect. 10 confirmat, quæ denique utilitates ex hac doctrina ad Equestrem Imperii ordinem redundant, Sect. 11 innuit, quibus ut Ministerialibus Imperii militibus Jus suffragii in Comitibus, parem cum Comitibus dignitatem, antiquissimas & propria auctoritate contra Duces non usurpatas origines tribuit. Sed nunc & de Ministerialibus militibus Principum & Statuum Imperii agendum erat, quos & a liberis hominibus, ab omni nempe nexu sive ministeriali sive feudali immunibus, ab ipsis vasallis, ab armigeris denique distinguendos esse docet Consultissimus Autor.
128. Capitis III principio & Sect. 1 per milites nobiles, nobilitatis putant non primæ, sed secundæ, Principibus aut Statibus Imperii pro feudis vel salariis militari opera deservientes definit. Fuisse ejusmodi ministeriales omnino milites, Sectionis illius 1 membro 1 adstruitur, fuisse nobiles & ingenuos, quæ veluti controversiæ arx est, longa argumentorum & auctoritatum serie membr. 2
144. evincitur, eosdem, milites antea Imperii, novo nexu ministeriali Principum finitimorum suscepto, non statim in subjectionem novorum dominorum transiisse, membro 3 disputatur, eosdem fuisse cointerantes provinciarum Germaniæ, variis rationibus
- & ex.

& exemplis fulcitur membro 4, quibus omnibus membro 5 observationes de iisdem miscellaneæ adduntur, & membro ultimo, quando defierint, inquiritur, placetque, sublata post Maximilianum Cæsarem necessitate servitia militaria in persona præstandi, in quo in prius ministerialium essentia & forma collocanda videtur, eosdem a Jctis cum Vasallis fuisse confusos. Capite IV de Ministerialibus Armigeris differitur, quos & famulos, servos, *Knechte*, *Knapen*, *Wappenträger*, *Wappenknappen* clientes, militares appellatos esse, Sect. 1 ostenditur. Horum officium fuit bellicum, Sect. 2, nobilium nempe juvenum, honore militare nondum præditorum, sed tale decus, non famulatio reliquis militibus præstando, ut nonnulli volunt, sed fortibus factis merentium. Qui nobilitatem generis ejusmodi armigeris denegant, contrarii probationes in Sect. 3 offendunt. Sic a comitibus quoque dabantur & accipiebantur fidejussores, arbitri erant in litibus Statuum, tutores Principum & Dominorum suorum, focii & fœderati majorum Statuum. Non licuit matrimonium inire armigero, nisi miles prius factus esset, ut fera sit juvenibus venus, nec istis illecebris virtus juvenilis exstinguere-  
tur. Ad ordinis injuriam, non nisi injuria, hoc referri poterit. Ad sextum clypeum armigeros pertinuisse mediatos, supra annotatum est. Fuisse autem nobilitatis amittendæ varios modos, ex historiarum monumentis liquet, quæ peculiari capite V collegit doctissimus Autor, uti & plebejos homines seu rusticos ministerialium nomine aliquando venire, idem capite VI indicat.

p. 223.  
235.

243.

259.

277.

283.

287.

291.

293.

**PETRI ANTONII MICHELOTTI, TRIDENTINI, ad Illustrem ac Celeberrimum Virum, BERNARDUM FONTENELLIUM, Regiæ Scientiarum Academiæ Parisiensis a Secretis epistola, in qua aer pulmones influens cogatne, an solvat sanguinem, eorum canales permeantem, inquiritur.**

Lutetiæ Parisiorum, typis Petri Johannis Marietti, 1724, 4.  
Plag. 7½

Kk 3

Post-

**P**ostquam Clarissimus Helvetius, filius, pulmonum structuram singulari solertia rimatus, varia vidit nova, hætenus non observata, quæ Anno superiori Mense Januario pag. 14 recensuimus, ulterius in sanguinis pulmones transfluentis mutationes ab aere illatas inquisivit, suamque opinionem in schediasmate quodam Commentariis Academiæ Regiæ Scientiarum, quæ Parisiis floret, Anno 1718 pag. 222 inferi voluit. Tres videlicet in scholis Medicis circa respirationis usum hætenus viguerunt sententiæ; siquidem Hippocrates, Galenus, Avicenna, Cartesius, Swammerdamini & Franciscus de le Boe Sylvius sanguinem in ductibus pulmonum ab aere perfrigerari atque condensari crediderunt; Malpighius pulmonum agitationem missioni & coactioni particularum sanguinis opitulari existimavit; ac denique cruorem ab aere relaxari, solvi, atterique putarunt Borellus, Bellinus, Pitcairnius, Gulielmus, Boerhaavius atque Keilius. Helvetius priores secutus sanguinem in vena cava, in dextro cordis ventriculo & in arteria pulmonali rarefactum in venæ pulmonalis propaginibus ab aere revera inspissari, variis rationibus & experimentis probare conatus est. Quæ postquam Clariss. Michellottus accuratius examinavit, plures subesse causas, quo minus in Helvetii sententiam descendere queat, convictus, eas in Epistola hac significavit. Potiora nunc hujus argumenta, illiusque ad hæc responsionem cum L. B. communicabimus, relictis reliquis, ne nimis prolixi esse videamur.

Statuit scilicet Helvetius, sanguinem ideo in venis pulmonalibus coccineum induere colorem, quod illius particulæ antea exolutæ, ab aere in cellulas pulmonales inter inspirandum irruente ad se invicem propius accedere cogantur, & ita quidem, ut sanguis inde spissior reddatur. Pro stabilienda hac sententia tribus potissimum utitur argumentis, quorum primum est, quod non modo sanguis, sed & reliqui corporis nostri humores, sive intra sive extra canales, ab aere, nulla re interjecta, nunquam attingantur, quin condensentur. Provocat enim ad sanguinem ex vena arteriave incisa aut in hæmorrhagiis profluentem, qui coagulatus conspicitur; ad liquores, quos ulcera fundunt, qui in aere, potissimum frigidiori, inspissantur; & ad experimentum in



in cane sufflatu aeris in venam jugularem occiso factum, cujus pulmones maxime rutilantes, sanguineque turgidi, cruor vero tam in venis quam arteriis per eos dispersis coagulatus & coccinei coloris fuerunt. Alterum argumentum in eo consistit, quod cruor nullo non tempore rutilantem eum, quem in vena pulmonali & arteriis conspiciamus, colorem adipiscatur, quando fit densior. Experientia siquidem constare dicit, eam cruoris, vasculo excepti & coagulati, partem, quæ fundo adhæret, divisioni minus resistere, nec coccineo micare colore, inversam vero & aeri aperto per duos tresve horæ quadrantes objectam rubicundiorē & spissiorē fieri; imo sanguinis per angustam aperturam exilientis aut angustiore vase collecti summam superficiem firmiter quidem esse consistentiæ ac purpurascere, reliqua vero supposita strata & molliora & coloris rubri obscurioris evadere; contrarium vero observari, si cruor ex eodem homine, ex eadem vena & per idem foramen exiens vase valde lato ac ferme plano excipiat, vel si idem sanguis per minimum filo subtilissimo egrediens orificium in vasculum decidat satis angustum; cruoris etenim utraque ratione excepti inferiora strata colorem & densitatem se re eandem atque superiora habere. Ex quibus infert, cum istiusmodi coloris & firmitatis sanguinei crassamenti differentia a nulla alia re, quam a debiliore aut fortiori aeris actione provenire possint, sanguinem revera purpureo nitere colore, cum ab aere coagulatur. Tertium argumentum exinde desumit, quod sanguis venæ pulmonalis & arteriarum a sanguine arteriæ pulmonalis & venarum nulla alia re quam spissitudine & densitate differat, siquidem aer particulas uniendo sanguini venoso arteriosi colorem aliasque affectiones impertiat. Observasse scilicet se scribit, sanguinis ex arteriis detracti, vaseque nonnihil profundo excepti coagulum, minus de sua altitudine ac diametro amittere, quam venosi crassamentum, hocque majori feri quantitati quam arteriosi coagulum innatare, ac parte summa, aera spectante, firmiter rubicundiusque, ima laxius atque coloris rubei ad atrum vergentis existere: secus ac sanguinis arteriosi coagulum, quod suprema & infima sua superficie æque firmum rutilansque illi visum fuit. Hæc cruoris discrimina fere omnia satis super-

superque ostendere autumat, particulas sanguinis in arteriis confertiores esse quam in venis. Vim autem inesse aeri, sanguinis ex vena aliqua profilientis particulas congregandi, eique cunctas quibus arteriosus gaudet, qualitates impertiendi, sequenti probat experimento. Si sanguis ex arteria profluens vase aliquo excipiat, & in consimile vas sanguis ex vena ejusdem hominis per exiguum foraminulum lente aut guttatim depluat, tum istiusmodi cruor omnes fere arteriosi affectiones assequetur, quoniam particulae aeris in singulas cruoris massulas penetrant. Ad hæc sequenti modo respondet Clariss. Michelottus; primum gratis assumitur, liquores corporis nostri a contactu aeris spissiores reddi, siquidem semen humanum subtilius inde fluidiusque fit. Deinde negatur, propter condensationem sanguinem in colore exaltari, & qui in vena pulmonali, & arteriis vehitur, compactiorem esse sanguine in venis & arteria pulmonali incluso, huncque colore rubeo haudquaquam splendentem, aeris ope ad condensationem redactum æque ac illum purpurascere. Quod autem a condensatione rutilus sanguinis color non oriatur, cruor demonstrat in quibusdam morbis crassescens, qui vel flavescit, vel albicante cuticula est obductus: nec stante hac hypothese inferiora hujusmodi coaguli strata nigrescerent, quæ usque adeo firma & indurata quandoque conspiciuntur, ut cultro difficulter discindi queant. Et cum sanguinis ruborem determinatæ magnitudinis sphaerulae seu globuli, certo numero peculiarique ratione invicem coeuntes, præstent, aer exaltat hunc colorem, dum sanguinis particulas vi sese dilatandi ocissime agitat, & ne plura plano-ovalia corpuscula, primæ compositionis globulos compingentia, ad colorem rubrum saturum producendum uniantur, prohibet. Quo posito evidens Autori videtur, aerem in pulmones irrupentem non cogendo, sed continue renitendo & coagitando sanguinis massulas, ut is rutilescat, efficere. Quandoquidem igitur haud absolute verum est, cruorem nullo non tempore rutilantem colorem adipisci, quin eodem temporis momento fiat densior; non recte ex colore coccineo sanguinis, in vena pulmonali & arteriis contenti, Helvetius deduxisse videtur, sanguinem arteriosum venoso sanguine densiorem existere, nihilque inter hunc

hunc & illum præter densitatem interesse. Neque ex eo, quod missus sanguis calicibus exceptus, aerique libero expositus coagulatur, & superficietenus colore micat purpureo, recte infert, a condensatione ab aere facta hoc phænomenon dependere. Nam ante omnia discrimen faciendum est inter coagulationem & condensationem; dein sanguinis vasculo excepti crassamentum spissum firmumque evadit, non aeris prementis aut condensantis virtute, sed motus cessatione, qua fit, ut sanguinei crassamenti partes, fibræ nimirum & globuli, serosis particulis ponderosiores, deorsum ferantur, sese mutuo petant, ac inter se implicentur: superficies vero rubet, quia majori globulorum coccineorum, fibris sanguinis graviorum, parte deorsum subsidente, ille solummodo sphaerularum rubearum, peculiari modo sibi aptatarum, numerus summis fibrarum sanguinearum areolis irretitur, qui requiritur, ad lucis purpureos radios repellendos. Nec inferiora sanguinei coaguli strata semper mollia aut laxaprehenduntur. Quod sanguis concretus, si invertatur aerique exponatur, colorem rubeum splendentem acquirat, propterea fit, quoniam globuli sanguinis antea subsidentes & acervatim superimpositi primum aeris actione non nihil agitantur, inde quoad majorem partem pro ratione gravitatis iterum deorsum ruunt, quapropter paucioribus globulis in inversa crassaminis sanguinei fibrosa parte restantibus, villosisque fibris se mutuo apprehendentibus, illa ipsa inversa superficies & rubescit, & solidiorem compagem nanciscitur. Sanguinis autem aut parva venæ apertura egressi, aut angustiore vase collecti summa superficies rutillescentis apparet coloris, & difficilius scinditur, reliquis interim stratis nigricantibus, cultroque minus renitentibus, secus ac evenit in sanguinis vel in vas latum ac ferme planum injecti vel per angustissimum foraminulumeducti coagulo, cujus inferiora strata colorem & consistentiam fere eandem atque superiora habent, idque ex variis causis. Nam in vase latissimo peneque plano sanguinis adhuc calentis & quoquo versus diffuere nitentis globuli valde minorem quam in vase profundo & multum angusto ad dilabendum offendunt resistantiam: quamobrem sanguineis sphaerulis multo confertiori copia in hujus quam illius fundo congrega-

gregatis, consequens est, quod coloris & compagis differentia non admodum sit notabilis. Porro in vase latiore aeræ particulæ sanguinis globulos, ad strata supremæ coaguli superficiei supposita pertingentes, & facilius penetrare & fortius disgregare valent, quam in vase angusto altiori. Ob eandem rationem non multum admodum interest inter colorem & firmitudinem supremæ & infimæ partis crassamenti in sanguine per minimum foramen profiliante, inque angustum decidente vasculum; siquidem subtilissimi sanguinei filii globuli, præterquam quod effluendo a se invicem separantur, facilius ab aere permeantur, validiusque excitantur, quam globuli filii crassioris, quod obscuro est colore. Quæ autem Helvetius subjicit ad demonstrandum, sanguinem arteriosum venoso densiorem existere, pro majori potius gravitate ac densitate partium, coagulum venosi cruoris constituentium, pugnare videntur: si enim coagulum sanguinis arteriosi revera summa ac ima sui parte æque rubet atque durescit, minus de sua amittit altitudine, minusque in sero subsidet, quam coagulum sanguinis venosi, necessario sequitur, hoc illo ponderosius, imo vero, posita utrobique voluminis æqualitate, etiam densius existere. At vero sanguinis ex arteriis educti concretam massam æque semper fulgere suprema ac infima sui superficie, nulla re intermedia tangente, admodum dubium est. Quod ad colorem rubrum splendidissimum sanguinis arteriosi attinet, is non coagulationi globulorum sanguineorum, ut Helvetius vult, sed continuæ eorundem jactationi, ab alternis sinistri ventriculi cordis & arteriarum pulsibus, nec non ab aere sese expandere coëante factæ, in acceptum est referendus, quemadmodum etiam sanguis venosus in vasis vitreis aliquando pene nigricans fortissima jactatione in purpureum colorem exaltatur. Mutatio coloris, quando sanguis venosus per exiguum foraminulum in vas aliquod lente & guttatim depluit, ex eo evenit, quod guttulæ sanguinæ, præterquam quod aliæ post alias separatim cadendo ab aere jactantur, vi lapsus ad fundum vasis allisæ in minores globulos disjiciuntur, atque hoc pacto ad colorem arteriosi sanguinis recipiendum excitantur. Sed ex iis quoque liquet, pulmones canis vehementi inflatione aeris in venam jugularem necati, sanguine rutilecente coagulatoque plenos ap-  
pa-



paruisse, propterea quod discruciatu canis pulmones primum mirum in modum una cum incluso cruore fuerint concussi, inde vehementissime distensi, ab ejusmodi autem valorum pulmonalium jactatione, ne plures coccinei globuli ad præstandum colorem fuscum accumularentur, fuit cautum: hinc continua flatus in venam jugularem vi ad dextrum usque cordis ventriculum & ad ipsosmet pulmones, motus pressiois communicatione propagata, cruoris globuli per aquearum sphaëricularum & fibrarum sanguinis perexigua interstitia huc illuc dispersi, validissime in ductus pulmonales ad eos in continua distensione detinendos, ipsique cruori urgendo ineptos reddendos adigebantur, atque idcirco nimia arteriolarum venularumque pulmonalium compressione, motu lationis sublato, ibidem subsistendo in ipsarummet sanguinearum fibrarum areolis æquali numero & posito, ad coagulationem & coccineam rubedinem progignendam irretiebantur.

## HISTOIRE DE L'ACADEMIE ROYALE DES

Sciences. A. 1722.

hoc est,

## HISTORIA ACADEMIÆ REGIÆ SCIEN-

tiarum A. 1722, cum Commentariis Mathematicis

&amp; Phycis ejusdem anni.

Parisius, ex typographia Regia, 1724, 4.

Alph. 2 plag. 19 Tabb. æn. 18.

**I**N *Phyfica genera i Jussieu* cornua *Ammonis* (quæ sunt lapidum figuratorum species) cum nautilis comparat, atque ostendit, illa non esse nisi nautilos petrefactos. Plures nautilorum sunt species; plures etiam *Cornuum Ammonis*; trium similitudinem evolvit *Jussieu*. Nautili sunt in numero testaceorum in mari Indix obviatorum. Quamobrem cum cornua *Ammonis* magno numero in Gallia, Anglia, Helvetia & Germania reperiuntur, *Fonsenellius* inde concludit, quod olim mare Indix obtexerit totam Europam. *De Reaumur* describit machinam *Greylianam*, qua incendium in conclavi subortum subito restinguitur, & experimentum Parisiis factum, cui ipsemet interfuit. Ejus mentionem jam fecimus in Actis A. 1724 p. 408 & hoc Anno p. 181 ex conjectura *Tbiummiana* atque ex descriptione præfenti apparet, *Tbiummigium* in

conjectando non fuisse infelicem. *Deslandes* mira narrat de inundatione arenosa in Britannia minori, quæ Gallix provincia est. Etenim non procul a littoribus maris ab anno 1666 terra ad distantiam quatuor milliarium Gallicorum oblecta fuit sabulo, ita ut incolæ, quorum nunc ædes sepultæ sunt, nonnisi turrium fastigiis & fumariis hinc inde eminentibus, loca habitata relinquere fuerint coacti. Progreditur quotannis inundatio, & hodie nonnisi dimidii milliarii intervallo distat ab oppido *S. Pauli*, successu temporis tandem evacuando. Arenam valde subtilem magna copia & ingenti celeritate secum vehit Solanus & arctapeliotes ex vado, ubi arena accumulata ultra superficiem maris eminet. Idem *Deslandes* autor est, aquam dulcem, postquam putredine corrupta fuit, mortuis vermibus, iterum fieri bonam. Dum altera vice corrumpitur, alia in eadem generari insecta; immo adhuc alia, ubi tertia corruptio accidit. Fieri autem posse, ut trium mensium intervallo aqua ter, immo quater corrumpatur. Impediri corruptionem & insectorum generationem, si dolia halitu sulphuris accensifinsciantur, vel aquæ spiritus vitrioli exigua quantitas affundatur. Ceterum ut aqua marina salubris fiat, eam non a sale, sed amaritudine purgandam esse censet. *De Mairan* ineminit novæ ceræ speciei, quæ ex granis cujusdam arboris in India excoquitur. In terræ motu, de quo dictum Mense Martio p. 109, & qui contigit noctu inter 7 & 8 Decembris A. 1720, nova insula prodiit, quæ in distantia 7 vel 8 milliarium Gallicorum conspicitur; sed Mense Martio A. 1722 jam insigniter immutata fuit. *De Malezieu* singulare prorsus vidit phænomenon trium Solium in eodem circulo verticali positorum & sese mutuo contingentium d. 24 Octobris A. 1722. Unus occidit post alterum, cumque tertius solus restaret, instar veri luminosus apparuit. Antequam occiderent, omnis terra circumjecta quasi ardere visa. *Maraldus* A. 1721 deprehendit quantitatem aquæ pluvialis 12 dig. 7 $\frac{1}{2}$  lin. Idem d. 16 Octobr. A. 1721 & d. 4 Jan. 1722 observavit declinationem actus magneticæ 13° versus occidentem, ita ut intra biennium stationaria visa fuerit.

In *Anatomicis* novam morbi speciem describit *Petitus* sub nomine *carnificationis ossium*, quam pluribus observationibus confirmat. Ossa scilicet duritiem amittunt, fibris eorundem car-

neis

neis propemodum assimilatis. Notatu vero dignum est, quod ossa sæpius abierint in carnem, immutata prorsus cartilaginum substantia. *Morandus* observationes nonnullas de oculorum suffusione communicat. *Littre* casum singularem recenset, ubi uterus & difficultas respirandi eandem habuere causam. Vulgi opinione constat, soleas a carabis gigni. *Deslandes* cum insignem caraborum multitudinem in labro ligneo aqua marina pleno asservaret; tredecim diebus elapsis octo vel decem soleas exiguas deprehendit. Repetito sæpius experimento, idem semper fuit eventus. Re tandem accuratius examinata, vidit ovula solearum inter pedes caraborum magno numero obvia, in quibus ope microscopii embryonem distinguere licuit: ut adeo carabi excludant ovula solearum. *Godofredus* commemorat menstrui sanguinis anno ætatis 40 ob sætum tubarium defectum, qui tandem in massam irregularem excrevit & anno decimo quinto mortem intulit matri. *Fresier*, Architectus militaris Regius in insula S. *Dominici*, refert, natum ibidem fuisse vitulum, cui squamæ pilorum loco fuerint. Fertur esse effectus imaginationis vaccæ gravidæ metuentis sibi a crocodilo vaccis infesto. Denique *Lemery* autor est, virum Religiosum stato tempore per octo jam annos vomitus pati, materia excreta urinæ simili. A vomitu ingentem sentire dicitur in renibus dolorem. Ceterum A. 1722 *Helvetius* edidit *Ideam generalem æconomia animalis & observationes de variolis*, cujus argumentum *Fonsnellus* recenset. In solis Commentariis extant duo schediasmata *Petiti*, Chirurgi, alterum de luxatione cruris; alterum de ruptura tendinis, cui *chorde Achillis* est nomen. Ibidem quoque reperies observationes *Morandi* de hydatidibus & observationes miscellaneas *Winslovi*. Explicat hic ex principiis anatomicis, qui fieri potuerit, ut præstigiator per nares clavos adigeret & vas aqua plenum fune mediante inde suspensum teneret. Describit structuram cranii singularem & alia ad osteologiam spectantia. *Morandus* vero in cadavere militis reperit saccos membranofos pluribus visceribus infimi ventris annexos & hydatidibus innumeris plenos.

In *Chymicis* vegetationes artificiales expendit *Petitus*, Medicus, eas præsertim, quæ nihil metallici continent, sed tantum ex ma-

teriiis salinis, sulphureis ac terreis fiunt. Usus est potissimum nitro depurato, crystallo minerali, sale Armoniaco, sale marino, sale de duobus seu sale ex capite mortuo aquæ fortis ex nitro & vitriolo paratæ extracto, & mensstruis, aqua communi, vino, aqua calcis, variis spiritibus, subinde cum oleo Tartari per deliquium commixtis. *Godofredus* de imposturis Alchymistarum diliterit, & *Fontenellius* omnem philosophiam hermeticam rejicit, negans, unquam metallum imperfectum, nedum aurum arte fuisse productum, vel radicaliter solutum. Prodiit A. 1722 liber, quem *de Reaumur* conscripsit, sub titulo Artis convertendi ferrum cusum in chalybem & artis emolliendi ferrum fustum, cujus argumentum prolixè recenset *Fontenellius*. Liber utilissimus, cum opera ex ferro longe minori sumtu parare doceat, quam vulgo fieri solet.

In *Botanicis* Florem terræ seu cœli, quem *Magnolius* & *Tournefortius* primi inter plantas retulerunt, describit *de Reaumur*. *Godofredus* sibi videbatur reperisse radices, sed *de Reaumur* persuasus est, nullas dari. Historiam naturalem *Vagnilla* exhibet *Jussieu*, quam obtinuit a *Parrietio* Consule Gallo Gadibus in Hispania. Affertur enim ad nos ex America ab Hispanis, quoniam indiderunt fructui. *Vaillantius* in condendis novis plantarum generibus pergit & stricturas quasdam in methodum *Tournefortii* edit.

In *Algebraicis* comparet integer Tractatus, quem *de Lagny* modesto titulo de Progressionibus arithmetice omnium graduum in infinitum inscribit, cum in eodem agat de resolutione æquationum determinatarum omnium graduum, quem adeo isti in Historia substituit *Fontenellius*. Sumit autem *de Lagny* vocem progressionis arithmetice in latiori significato, ita ut per eam denotetur numerorum series, quorum differentie vel primæ, vel secundæ, vel tertiæ, vel quartæ, vel quintæ &c. in infinitum sunt æquales. Et ex harum serierum indole deducit methodum suam extrahendi radicem ex æquationibus determinatis cujusunque gradus. Promittit autem, se calculum integralem seu summatorium harum serierum alio tempore daturum & ad Geometriam appli-



applicaturum. Promittit etiam methodi suæ applicationem ad æquationes intricatissimas & compendia operationum.

In *Geometricis* ultimum schediasma recensetur, quod *Vari-  
gnonius* exhibuit Academiae Scientiarum & in quo respondet Re-  
ligioso cuidam Italo ante annos complures ipsum aggresso, quod  
cum recentioribus Geometris curvas instar polygonorum infini-  
torum laterum consideraret. *Saurinus* difficultatem examinat,  
quam olim *Parentius* contra isochronismum cycloidis movit &  
nuper *de Louville* renovavit. Nimirum 1 per principia Geometriæ  
recentioris arcus infinite parvus est chordæ æqualis & tempus  
mobilis per utramque viam æquale, & 2 arcus infinite parvus  
curvæ & circuli osculatoris sunt æquales & consequenter idem  
quoque tempus descensus per utrumque. 3 Secundum Galilæi  
systema tempus per diametrum circuli osculatoris dimidiæ cyclo-  
idis est duplum temporis per diametrum circuli generatoris, & 4  
tempus per chordam infinite parvam, qua terminatur semicir-  
culus, est æquale tempori per diametrum circuli. Denique 5 se-  
cundum *Hugenium* tempus per ultimum arcum infinite parvum  
cycloidis est ad tempus per diametrum circuli generatoris ut  
semiperipheria circuli ad diametrum, h. e. fere ut 3 ad  
2. Ex harum propositionum collatione difficultatem de-  
duxere *Parent* & *de Louville*: inferunt enim ex 4 pro-  
positionibus prioribus, tempus per arcum infinite par-  
vum cycloidis esse duplum temporis per diametrum circuli  
generatoris, quod per propositionem *Hugenianam* est ad hoc ut  
3 ad 2. *Saurinus* admittit errorem aliquem, sed qui nec a princi-  
piis pendet, unde *Galileus* deduxit Chordarum circuli isochro-  
nismum, nec ab iis principiis, quorum ope *Hugenius* detexit arcu-  
um Cycloidis isochronismum. Ostendit nimirum, etsi in Geome-  
tria recentiori arcus infinite parvi cycloidis & circuli osculatoris  
sibi mutuo substitui possint, perinde ac arcus infinite parvus cir-  
culi osculatoris ac ipsius chorda, tempus tamen per arcum infini-  
te parvum & ejus chordam non esse idem. Etenim identitas arcus  
& chordæ infinite parvorum pendet inde, quod non differant  
nisi quantitate infinite parva secundi gradus, quæ respectu primi  
evanescit: quoniam vero vis verticalis, qua utrumque spatium  
per-

percurritur, est quantitas infinite parva secundi gradus, ejus respectu differentia spatiorum secundi gradus non evanescit, ut adeo temporibus inæqualibus percurrantur. Notandum vero, quod non chorda, sed arcus minori tempore percurratur: id quod probare aggressus est *de Louville*, cum paradoxum videri possit ad curvam celerrimi descensus non attendentibus.

In *Astronomicis* parallaxin Martis methodo *Cassiniana* scrutatus est *Maraldus*, cum mense Augusto A. 1719 in oppositione cum Sole esset terræ proximus, non procul a Perihelio distans. Reperit autem parallaxin Martis 27 scrupulorum secundorum, unde sequitur parallaxis Solis horizontalis 10 secundorum, qualem *Cassinus* reperit A. 1672 & A. 1704, ubi eadem propemodum fuit Martis positio respectu terræ. Investigavit quoque in comoda positione Veneris parallaxin, cujus a parallaxi Solis differentiam reperit eadem methodo 33 scrupulorum secundorum, quanta ex parallaxi Martis ante determinata per famosam regulam *Kepleri* resultat. Quoniam hodie multi spe præmii amplissimi obtinendi ducti arduum in re nautica problema de determinanda maris longitudine solve tentant, qui nec satis intelligunt, quid quærat, principiorum Geometriæ & Astronomiæ prorsus ignari, *Cassinus* operæ pretium duxit de hoc problemate commentari. Argumentum scripti recenset *Fontenellius*. De *Malezieu* egregium observavit Stampis Tabularum Solarium *Cassini* cum cælo consensum. Elevationem æquatoris in urbe ista reperit  $41^{\circ} 34' 30''$  & A. 1720 d. 21 Junii declinationem Eclipticæ maximam  $23^{\circ} 28' 42''$ . *Cassinus* quædam monet de observationibus astronomicis, quas R. P. *Féüllée*, Mathematicus Regius, ad Academiam Regiam Scientiarum misit. Cum A. 1720 d. 5 Martii Venus a Luna occultaretur, per limbum illuminatum h. 11 18' 25" eclipsari cœpta, ante occultationem tota super disco Lunæ apparuit, miro refractionis effectū. Eidem causæ tribuendum, quod subinde, vere præsertim & autumno, matutino & vespertino tempore, montes *Corfica* insulæ in tractu Genevensi videantur, qui alio tempore, quasi undis submersi disparent. Insulæ hujus situm geographicum determinat *Maraldus*. Idem d. 28 Jun. 1722 observavit eclipsin lunarem. Penumbra attigit limbum Lunæ orientalem 12 h. 1 f; ini-

initium eclipsas h. 12. 15' erat adhuc dubium, sed h. 12. 16. 20' certum. Hor. 13. 22' immersio totalis erat dubia; at hor. 13. 24. 20' certa. Color erat ruber in obscuratione totali: pars septentrionalis paulo obscurior erat meridionali. Hor. 14. 25. 48' emersio erat dubia; at h. 14. 27. 38' initium emersionis certum. Hor. 15. 36. 45' accidit finis totius eclipsas. Duratio abscurationis totalis seu mora Lunæ in umbra fuit 1 h. 3. 18"; integræ vero eclipsas 3 h. 26. 25". *Cassinus* initium notavit h. 12. 16. 37', immersionem totalem 13. h. 23. 46', emersionis initium h. 14. 27. 20', finem h. 15. 35. 41'. Iidem d. 8 Decembr. A. 1722, præfente Rege, Versaliis observarunt eclipsin Solis. Initium accidit h. 1. 42. 58, maxima obscuratio h. 2. 51. 30, quæ erat dig. 6. 12". Hor. 3. 44. 30 quantitas decrefcentis erat 2 dig. 44". Mox cœlum nubibus tectum.

In *Mechanicis* de corporum reflexione tractat de *Mairan*. Prima parte dissertationis lux agit de reflexione corporum in planum immotum impingentium. Quod si corpus latere destituatur, nullam fore reflexionem, sed motum expirare debere, si directe impingat; mobile autem juxta planum, in quod impingit, progredi debet, si oblique impingat. Quod si vero corpus fuerit elasticum, tum demum locum esse reflexioni, cum in impactu comprimatur & mox iterum figuræ pristinæ restituatur. Si elasticum oblique impingit, tum motum obliquum more recepto resolvit in duos simplices, quorum alter est verticalis, alter vero horizontalis. Horizontalem, cui planum sese minime opponit, invariatum agnoscit; verticalem vero mutari pro ratione impactus. Anguli incidentiæ & reflexionis æqualitatem pendere a duobus principiis, vi nempe horizontali constante & inalterabili, atque vi verticali per conflictum destructa & integra rursus restituta. Quod si ista restitutio patiatur diminutionem vel augmentationem, rationem quoque anguli reflexionis ad angulum incidentiæ variari, atque adeo in natura rerum ob causas physicas vix unquam perfectam dari æqualitatem anguli incidentiæ & reflexionis. Differentiam omnem possibilem formulis algebraicis comprehendit de *Mairan*. Probat autem *Newtoni* placita, quod reflexio luminis a speculo non fiat a particulis speculi, sed a particulis atmospheræ ipsam ambientis, quæ est eadem cum materia poros

minimos replente. *Bon*, horologiopus, ostendit Academiæ Scientiarum pendulum a se inventum, quod indicat tempus verum, diversum ab eo, quod A. 1717 dedit *de la Hire*. Utitur ea fini curva in se redeunte, quæ juxta tabulam æquationis horologii constructur, quotannis in Ephemeride jussu Academiæ Scientiarum edita sub titulo: *la Connoissance des temps* extantem.

Mortui sunt hoc anno *Cupletus*, *Meryus* & *Varignonius*. Eorum primus *Claudius Antonius Couplet* natus est Parisiis d. 20 Aprilis 1642, patre *Antonio Couplet*, cive Parisiensi. Patre sic volente, Jurisprudentiæ studio sese tradidit & in numerum Advocatorum receptus fuit. Sed innox hujus vitæ generis pertæsus, opera *Buboti*, Cosmographi & Architecti militaris regii, in Mathesi profecit, cujus agnatam cum 24 annos natus A. 1665 in uxorem duxisset, ejusdem commendatione in Academiam Scientiarum A. 1666 fundatam receptus est, habitationem commodam in Observatorio regio cum custodia machinarum nactus. A. 1670 Professionem Matheos in equili majori regio a *Buboto* meruit, cumque illo tempore stupendi aquæductus fierent jussu Regis, in arte libellandi, quæ novam prorsus formam induebat, multum profecit. Maximum, quod perfecit, opus fuit, quod in Burgundiæ oppidum *Coulanges la vineuse*, fontibus destitutum, aquam ex fontibus scaturientem deduxerit A. 1705. Cum ex lacubus haurirent aquam, quibus exsiccatis, ejus tanta erat penuria, ut eam ex fonte, integro milliari Gallico ab oppido distante, arcessere tenerentur, maximo in incendiis dispendio, ad quæ restinguenda vinum flammæ ferali aliquando affundere coacti, & irritò prorsus successu aquæ in vicinia sapissime fuissent quæsitæ; *Cupletus*, principii suis confisus, quod intra viscera terræ ubivis sint venæ aquam versus declive deducentes, in solo sabuloso dissipandam, in glareoso & alio aquas sistente colligendam, aquas repertas in oppidum felicissime deduxit, tanto incolarum gaudio, ut ad ejus adventum campanas fortissime pulsarent, maxima earum ob agitationem nimiam sede sua divulsa, & hymnum S. *Ambrosii* canerent. *Cupletus* aliorum magis commodo, quam propriæ utilitati serviens, rationem aquarum inventarum candide exponere, hanc inscriptionem meritis:

*Non*



*Non erat ante fluens populis sitientibus unda,  
Asti dedit aternas arte Cupletus aquas.*

Anno ætatis 79 apoplexia ipsi infesta & mox altera vice repetita paralyfin in lingua & œsophago causata est. Morbo biennali enervatus A. 1722 d. 25 Julii ætatis 81 vitam cum morte commutavit. Fuit Academiæ Scientiarum Thesaurarius, in qua functione ipsi successit filius.

*Joannes Mery* natus est Vatani in Biturigum Provincia d. 6 Jan. A. 1645, patre *Joanne Mery*, Chirurgo. Cum ex studio literarum parum voluptatis perciperet, ad Chirurgiam animum applicuit & anno ætatis 18 Parisios venit, ut in nosocomio proficeret, ubi exercitiis diurnis minime contentus, clanculum cadavera noctu in lectum suum deportavit, ut ex eorum sectione proficeret. A. 1681, cum *Lamius*, Medicinæ Doctor, secundam editionem libri de anima sensitiva meditaretur, ab eo rogatus, auris descriptionem apposuit, mox Chirurgi Regiæ spartam nactus. A. 1683 *de Louvois* ipsum Chirurgum Superiorem militum invalidorum constituit, & anno sequente mittebatur a Rege Galliarum in Lusitaniam, Rege Lusitanorum Chirurgum petente, qui conjugî ægrotæ succurreret: sed antequam is advolaret, expiraverat Regina. Nullis vero precibus se adduci passus, ut vel in Lusitania, vel in Hispania sedem suam figeret, in patriam mox rediit, ubi A. 1684 in Academiam Scientiarum receptus. A. 1692 jussu Regis in Angliam abiit; sed quænam fuerit itineris causa, nec conjux, nec liberi rescivere. A. 1700 Chirurgus primarius nosocomii factus, observationes exactas curæ cordique habebat, neglectis systematibus; parum enim curabat, cur hæc ita sint, non aliter. Musæum habuit Anatomicum instructissimum. Fulget in eo sceleton, ubi nervorum omnium ductus a primo fonte, usque ad extremitates comparent. Parum loquebatur de iis, quæ noverrat, nec precibus exteriorum adduci poterat, ut Anatomiam traderet. Varia ipsius schediafmata leguntur in Commentariis Academiæ Regiæ Scientiarum, de aere in pulmonibus, de iride oculi, de choroide, de nova nervi optici structura, de generatione animalis absque coitu, & imprimis de circulatione sanguinis in fœtu, seu de usu foraminis ovalis, in quo universam Anatomicorum cohortem

sibi contradicentem insuper habuit. De hoc argumento A. 1700 peculiarem edidit Tractatum, cui subjunxit animadversiones in novam artem secandi lapides. Quemadmodum difficillimus erat in admittendis placitis alienis, ita pertinaciter inhærebat suis & in disputando non sibi temperabat a fervore. Dicitur vidisse valvulam *Eustachii* & glandulas *Cuperi* ante *Eustachium* & *Cuperum*: enimvero, judice *Fontenellio*, inventa relinquenda sunt iis, qui in publica possessione existunt. Obiit d. 3 Novembr. A. 1722, ætatis 77, relictis liberis sex. Per omnem vitam usus est amico fidelissimo *Varignonio*, & ultimos vitæ annos totos in exercitiis pietatis consumpsit.

*Petrus Varignonius* natus est Cadomi in Normannia A. 1654, patre Architecto, cui fortuna erat valde mediocris. Artem ruditer delineandi horologia Solaria a parente hauserat, & studio Theologico consecratus, cum apud Jesuitas Cadomenses Philosophiæ operam daret, forte fortuna in bibliopolio incidit in *Euclidem* & ejus lectionem anteposuit Philosophiæ scholasticæ, æterna incertitudine, perplexitate Sophistica & inutili, immo affectata subinde obscuritate laboranti. Geometriæ studio ad *Cartesii* opera deducebatur, unde ipsi multum luminis affundebatur, improbantibus parentibus studium, quod in iis evolvendis poneret, qui facile videbant, non esse libros ordinarios, quos tractarent commilitones. Ad Theologiam cum pedem promovisset, vetera studia non deponebat, sed sæpissime in classibus Philosophorum opponentis vice fungebatur. Commendabant opponentem argumentorum firmitas & vocis elatæ claritas. Firmam ea de causa amicitiam contraxit cum Abbate *S. Petri*, qui tunc in eodem collegio Philosophiæ operam navabat, & qui ipsum contubernalem sibi adsciscebat, addito 300 librarum stipendio annuo. Uterque Parisios venit A. 1686. Abbas potissimum ad mores hominum & principia regnandi, *Varignonius* vero ad Mathesin cogitationem omnem convertibat. Ipsorum sodalitio frequentissime fruebatur *Fontenellius* contrerraneus. *Varignonius*, cum constitutione corporis esset robusta, continuis laboribus tempus consumebat, ita, ut lucubrationibus intentus sæpe miratus fuerit, jam alteram a nocte media elapsam esse horam. A. 1687 in publicum emisit

Ide-

Ideam novæ Mechanicæ, dedicatam Academix Scientiarum, de qua olim diximus in his Actis, cum applausu a Mathematicis excepta: & mox A. 1688 Geometrix locum in Academia Scientiarum & Professoris Matheseos in Collegio *Mazariniano* obtinuit. A. 1690 prodire, ipsius Conjecturæ novæ de gravitate, & Commentariis Academix Regiæ inserta sunt, quæ de motu analytice meditati sunt. Quæ enim de hoc argumento hæcenus meditati fuerant alii, *Varignonius* formulis admodum generalibus complexus est, calculo *Leibnitiano* felicissime usus, quem plurimum excoluit. In Geometriæ historia valde versatus erat. Studiorum intemperantia morbum pertinacissimum sibi consciverat, ita ut sex mensium spatio vita periclitaretur & tribus annis integris languorem perennem perciperet. In symptomate febrili subinde sibi visus est ambulare in media sylva, ubi omnia arborum folia calculis algebraicis oblita. Illo tempore *Wallissi* spatia plusquam infinita refellere studuerat, quod scriptum ipso inscio in Commentariis evulgari curavit *Carré*. Omnibus exemplaribus Idææ novæ Mechanicæ distractis, de amplo opere Mechanico edendo cogitabat; sed tempus eidem perficiendo non suppetebat, cujus non exiguam partem frustrabat commercium literarium cum eruditis, & quod plurimi cum exteri, tum indigenæ eum quotidie accederent. Pacis quamvis esset studiosissimus, Religiosus tamen Italus impugnabat principia, quibus more modernorum Geometrarum usus fuerat in tangentibus & angulo contactus curvarum determinandis. Et ex ejus responsione, quæ scriptorum ultimum est, quod Academix Scientiarum obtulit, relationem contexuit *Fontenellius* in Historia anni 1722. Duobus ultimis vitæ annis difficultate respirandi laboravit, & cum d. 22 Decembris A. 1722 lectionibus in Collegio *Mazariniano* vacasset, nocte sequente subita morte extinctus. Non vidit *Fontenellius* quenquam, qui conscientix suæ magis rationem habuerit, quam *Varignonius*, seu exactius satisfacere studuerit iudicio mentis interno. MScripta legavit *Varignonius* amico suo *Fontenellio*, qui Mechanicæ editionem & commercium literarium una cum relatione de ceteris publice promittit.

Notandum denique, sub finem Commentariorum comparere

Scriptum a Societate Regia, quæ Montepessulano floret, ad Parisiensem missa, in quo *Senefius* continuat praxes Geometricas de soliditate fornicum determinanda, quarum pars prior subjuncta est Commentariis A. 1719.

Ausführliche Anleitung zu der ganzen Civil-Bau-Kunst ꝛ.

i. e.

INSTITUTIONES COPIOSÆ TOTIUS ARCHITECTURÆ CIVILIS, quibus, præter Descriptionem vitæ, V. Ordinum, præcipuorumque ædificiorum J. BAROZZI DE VIGNOLA, nec non MICH. ANGELI, quicquid ad Architecturam civilem pertinet, luculenter explicatur atque illustratur; antea Gallice collectæ atque editæ ab A. C. DAVILERIO, ac deinde in linguam Germanicam translate, multisque Annotationibus & schematis auctæ a L. CHRIST. STURMIO; nunc cum nova & pleniore editione Gallica collatæ, correctæ, atque accurato Indice instructæ.

Augustæ Vindelicorum, apud hæredes Jerem. Wolffii, 1725, 4. Alphab. 2 plag. 8 & Tabb. æn. 150.

**Q**uanta sit apud Architectos J. Barozzi de Vignola autoritas, neminem præterire potest harum rerum vel mediocriter peritum. Complures quidem extant editiones præclarissimi ejus libelli, sed palmam sine dubio meretur illa, quam Gallice adornavit luculentissimoque Commentario illustravit A. C. Davilerius. Prodiit ea primum Parisiis 1691, sub titulo, *Cours d'Architecture*, ac deinde iterum Amstelodami 1694: quo anno etiam in Actis nostris recensita & collaudata est. Transulit hoc opus Davilerii in linguam Germanicam atque Amstelodami edidit B. Leonh. Christ. Sturmius, Vir haud dubie de Architectura meritis-simus, atque hoc nomine a nobis sæpius commemoratus; idemque novas quasdam annotationes delineationesque adjecit, ac præfationem præmisit, in qua potissimum de libris ad addiscendam Architecturam pertinentibus, deque ipsius clarissimi Editoris

æis



ris in hac arte progressibus, exponitur. Nunc cum & exemplaria hujus Editionis omnino distracta sint, ut haberi amplius vix queant, & nova haud ita pridem editio Gallica prodierit, compluribus capitibus, ad constructiones podiorum, caminorum, scararum, contabulationum, spectantibus aucta, operæ sane pretium fecerunt hæredes B. Jerem. Wolffii, Augustani, quod Versionem Germanicam Sturmianam, cum Gallica modo commemorata diligentissime collatam, denuo recudi eleganter, correcte, & cum pleniori Indice, curarunt.

**DE OPTIMIS STUDIIS ORATIONES X  
JACOBI FACCIOLATI, S. Theologiæ Doctoris, &  
in Seminario Patavino Stud. Præfæcti. Accedunt Laudatio  
Funebris, Commentariolum de Latina lingua, & Exer-  
citationes aliæ.**

Patavii, apud Jo. Manfrè, 1723, 8.

Alphab. i plag. 3

**Q**UAM varie se diffundat Celeb. *Facciolati* ingenium, quanta & eidem insit vis in dicendo, si non aliunde constaret, quamvis vel nobis testibus satis constare potest, hæc certe Orationes abunde docerent: in quibus recensendis otium nobis ipsi quodammodo fecimus, qui aliquas earum separatim editas jam antea recensuimus. Et primæ quidem, quæ ad *Grammaticam* inscribitur, brevem jam pridem mentionem fecimus in Actis A. 1714 M. Dec. p. 563: illud nunc addimus, Autorem, incertas admodum esse Grammaticorum regulas, passim contendere, quod inter multa Emantelis Alvari, qui de sola nominum, verborum ac participiorum constructione quingentas ferme regulas composuit, exemplo docet, qui verbum, *AMO*, Activum pronuntiat: at Facciolatus ipsi Ausonium opponit, qui ad Neutra hoc verbum refert: *Ut apud Deum fieri amat*; cumque ille asserat, nullum alium casum poscere hoc verbum, quam Accusativum, Noster cum Genitivo jungit: *Nolo Thaidem amare tanti*; atque ita multis ipsius regulas perstringit. Inprimis vero risui & ludibrio exponit ipsas Grammaticorum inter se contentiones, quibus illi

in-

incertam rerum suarum fidem luculenter satis produnt; ut cum de Pronominum causa, numero ac natura longe aliter Varro, aliter Probus, aliter Priscianus, aliter Donatus, aliter ipse Quintilianus sentiant; Valla castiget Priscianum, quod ficum morbum quartæ Declinationis fecerit; in hunc item invehatur Petrus Ramus, quod ficum fructum masculino genere extulerit; Imperpersonalia dicat Alvarus, *deceat, pœnitet, pluit* & similia; nulla dari Imperpersonalia, testetur Deos hominesque Scioppius. Hinc illa esse puerilia fere tantorum virorum iurgia & contumelias; litterarum porcum Varronem dici a Palæmone; Priscianum græcum hominem Latinæ linguæ ficum illivisse, credere Alvarum; Vallæ elegantias a Ramirezio de Prado inelegantes appellari; Donatum, Probum, Servium, Charisium monstra Latii vocari a Scioppio; imo & hunc miserabilem Litteratorem ab Hornio, virum desultoriæ levitatis a Labbeo, capem Grammaticum a Lambecio. Denique & ipsum Orationis genus, cui assuescere solent Grammatici, egregie carpit, & Terentium Varronem ex antiquis, Julium Cæsar. Scaligerum e recentioribus in theatrum producit. De altera *ad Humanitatem* non est ut nunc repetamus, quæ in Actis A. 1715 M. Jun. p. 279 dicta sunt. Sequitur *ad Rhetoricam* Oratio tertia, in qua de cura verborum, quæ præcipua debet esse Rhetori, verba facit, eos imprimis adortus, qui præcipuas eloquentiæ partes volunt, invenire ac disponere, eloqui vero postremam, ceu minimi laboris, nulliusque fere dignitatis. Hoc tum ipso Eloquentiæ nomine, quod ab eloquendo dictum, tum & aliorum testimoniis refutat; ut Ciceronis in Orator. Cap. 14 dicentis, *inventionem ac dispositionem prudentis hominis esse, Eloquentiam Oratoris*; nec non M. Fabii, qui lib. 8 in proœm. *elocutionis rationem partem operis difficillimam* vocat; imo ipsius etiam Cæsaris, qui, *sumendam a verborum delectu eloquentiæ originem*, contendit. Nimirum inventionem ac dispositionem ad Dialecticam pertinere, solam eloquentiam ad Rhetoricam, nec illos Græciæ Oratores celeberrimos, ut Pisistratum, Solonem, & Clisthenem, ceterosque omnes, qui Athenis ante Periclem & Thucydidem dixerunt, Oratorum nomen mereri, quod invenire ac disponere probe quidem sciverint, suaviter vero ac eleganter eloqui

qui plane ignoraverint. Nec mitiorem sperandam Ciceroni fortunam fuisse, si, quæ singulares, exquisitæ, imo plane divinæ sunt ipsius sententiæ, hiulca quadam & inquinatissima aut Apuleji, aut Tertulliani, aut Marcellini dictione involutæ fuissent. Jam vero, quod sua illis constet præstantia ac dignitas, verborum suavitatem efficere. Nihil vero secundum Isocratem, uti Plutarchus in vita ejus refert, esse aliud artem Oratoriam, quam facere de parvis magna, de magnis parva, ad quod efficiendum necesse sit, ut omnium figurarum artes probe calleamus, iisque tum extendere res, tum contrahere sciamus. In Orat. IV *ad Philosophiam* solam adolescentibus historiam Philosophicam commendat, subtiliorem vero omnem cogitandi rationem dissuadet, propterea, quod ingeniorum debilitas altiore doctrinarum indagationem ferre nequeat, nec tantum ipsis sit judicii, quantum ad dignoscendum verum requiritur, multo vero facilius sit, variorum referre hac & de illa re sententias, quam suam ceteris addere, aut certi cujusdam Philosophi opinionibus inhærere, ad quas penitus intelligendas in omnem ipsius doctrinam variasque quæstiones alias subtili quodam acumine sit excurrendum. Delabi enim in varios præjudiciorum errores adolescentem, qui prima statim ætate, deficiente plane judicio, Philosophiam affectet, doctrinamque aliquam magis juvenili quodam impetu, quam certi verique conscientia arripiat. Expectandam potius maturam ætatem esse, judicii que vires præstolandas; tum demum, quid optimum, quidque rectum sit, judicandum. Nec ipsum inanem esse, qui ex historiarum Philosophicarum notitia depromatur, fructum, cum in interpretatione autorum, in primis Poetarum, non parum illa afferat utilitatis, & horum nonnulli Stoici, Epicurei nonnulli, plures Socratici, imo & Peripatetici ac Pythagorei quidam inveniantur, quos si quis inspexerit ignarus historiarum Philosophicarum, illum hæsitaturum, nec, quid sibi velit autor, intellecturum. Hinc illam esse Criticorum ignorantiam, Homero infasta multa minitantium, quod ineptæ fabulæ autorem illum crederent, rerum pulcherri-  
marum, quas ex vetusta Ægyptiorum ac Phœnicum disciplina collectas fabulis illis inclusit, ignari æstimatores. Oratione VIII *ad Theologiam* id agit, ut Theologum neminem dici posse doceat,

nisi qui pius ipse supremi Numinis cultor fit, quique ad modum Socraticorum, qui ita omnino vivebant, quemadmodum docebant, magis suo exemplo, quam doctrina ad virtutem & Dei reverentiam alios concitet. Qui enim intentius de sapientia & eruditione, quam de vitæ innocentia curent, ac in eo multum laudis quærant, ut vel novi sectarum autores quondam audire possint, vel dubitent de eo, quod tot seculis suo constitit valore, hos nomine Theologorum indignos credi, & quam infelici produxerant ingenio, in alios etiam pestem derivare. Sexta Oratio *ad S. Scripturam* veterum linguarum studia illis commendat, qui subtiliori, quam plebs solet, judicio circa Scripturæ S. indagationem versantur. Esse enim omnino quædam, asserit, S. Scripturæ loca, in quibus forte non suffecerit, illam, quam dicimus Vulgatam, Bibliorum versionem cognovisse, sed quæ ex fontibus explicari necesse sit. Lexica nonnulli opponunt, quibus nimium temporis videtur impendendum esse linguarum exercitio; ex iis enim omnia, quæ cognitu difficiliora sint, de promi facile posse, existimant. At his, regerit *Facciolatus*, memoriæ magis, quam ingenio & judicio consuli. Inter exempla varia maxime urget vocem *הלל* Psalmo LII, frustra de ea consuli Lexicorum oracula ratus, cum parum referat invenisse in iis variorum de illa sententias, quod e. g. Junius & Tremellius Adverbium, Paulus Burgenfis & alii vocem *ἐγκλιτικὴν*, Matthæus Polus Exclamationis signum, Calovius & Olearius pausæ significationem, Buxtorfius musicam notam faciat. Horum vero omnium quis rectius statuatur, tacere Lexica, nec sine solerti linguarum studio cognosci. Adducit inde loca multa alia controversa, ut de verbo *עָנָה* Genes. XXXVI, de *עָנָה* Exodi XXXIV, de *עָנָה* Levitici XX, de *עָנָה* Numer XII, in quibus explicandis judicium Criticum requirit. Hinc extollit illud Concilii Viennensis, trecentorum Episcoporum ipsiusque Pontificis præsentia venerabilis, decretum, a Gregorio XIII, nec non Paulo V confirmatum, quo non minus Hebraicis, quam Chaldaicis, Arabicis, Græcisque etiam litteris suis in quavis Romana provincia locus concessus est. Oratione VII *ad Juris prudentiam* imprimis docet, omnes gentes Romanis legibus operam dare, sed suis vivere debere. Duabus ergo partibus omne ora-

ora-



orationis caput absolvit; altera, nullum esse jus ad cognoscendum Romano præstantius, altera, patrias leges hoc jure temperari oportere, ostendit. Ideo vero illud ceteris præfert, quod egregie Legislator id, quod honestum, bonum, ac decorum ex naturæ principiis est, observaverit, nihilque bonum aut malum lege sanxerit, quod non animus noster sponte sua & cogente nullo arripiat, seu detestetur. Opponit hisce leges aliarum gentium, quibus id, non dicam concessum, imo jussum erat, quod natura ipsa horrore quodam detestatur. Ita Massagetis nec inhonestum nec detestabile visum fuit, uxores habere promiscuas, incertamque sobolem educare: Filias in matrimonium ducere, non indecorum Persis fuit, nec sorores, Atheniensibus: esculentorum furta Spartani probarunt, otium & ignaviam Sybaritæ. Hinc Cicero libro de Orator. c. 44: *Jus civile inquit Romanorum multis præclaris artibus excultum, ceterarum gentium inconditum fuisse, ac perridiculum, ne Lycurgi quidem libris, aut Draconis, aut Solonis exceptis.* Orationi VIII ad historiam titulum fecit: *Qualecunque historiae genus ad omnes pertinet, criticum ad paucos.* Nimirum homines ostendit ab ipsis incunabilis rerum novarum insatiabili quadam cupiditate trahi, cum, ipsos infantulos vix ita crepundiis suis delectari, appareat, quam fictis illis nutricularum narrationibus. Illam crescere cum annis, semperque animis insidere, donec cum vita omnis, quo agitamur, ardor exspiret. Inde ad cunctas disciplinas digreditur, nullamque perhibet sine historię studio solide posse excoli; non Poesin, quæ facta imitari fingendo solet, non Eloquentiam, quæ rerum vetustarum exemplis tum ad ornandum tum ad probandum interdum utitur, non Juris prudentiam, quæ sine Romani Imperii totiusque antiquitatis notitia explicari ac intelligi nequit, non Civilem scientiam, quæ multiplici rerum publicarum historia constat, & ex ea maxime conflata est. Neque etiam in ipsa Philosophia morum doctrinam quidpiam esse aliud, quam historiam, aut cum historia ita conjunctam, ut, si careat exemplis, scholastica sit, jejuna ac supervacanea. At maxime illa opus habere Theologum, quem probe nosse oporteat omnes Mosaicas narrationes, acta Pontificum & Conciliorum, priscorum Patrum res gestas, vitasque Apostolorum & Marty-

rum. Criticum vero historię studium neque opus esse ab omnibus excoli, neque sine magno labore multisque subsidiis posse acquiri. Ut enim obscurissimam antiquitatem excutiat quis, probet, castiget, excipiat, condemnet, pleraque genera rerum, linguarum, studiorum investigasse ipsum oportere, plurima legisse, vidisse, audiisse, ac percepisse ex omni vetusta recentique doctrina. *Ad Ethicam* pergit Oratione IX, in qua solis Poetis moralem institutionem vindicat, nec jure competere Philosophis existimat, ex eo potissimum, quod malit mens humana sub jucunda imagine molliter flecti, quam severis præceptis ad virtutem obstringi. Quæ ultima est Oratio *ad Mathematicam*, minime nos morabitur, cum de ea abunde dictum sit in Actis A. 1722. M. Oct. p. 59. Neque est, ut quicquam dicamus de Oratione XI in funere Georgii Card. Cornelii, IV Id. Aug. 1722 mortui, habita, quæ ceteris accessit, cujus Viri vitæ compendium descripsimus in Actis ejusdem Anni & Mensis p. 512, aut de vita Phil. a Turre, quam integram dedimus in Actis A. 1717 M. Aug. p. 381. Prodierat & jam olim cum Oratione ad Grammat. alibi memorata, Commentariolus de ortu, interitu & instauratione linguæ Latinæ, quem hic diligentius elucubratum recudit Cl. *Facciolatus*, qui & postremo Epistolas de vocibus, *Nepos*, *Artopta*, *Locus* & *Nota*, quam ultimam vocem pro adnotatione aut explicatione temere ab ipsis Criticis usurpari observat, Exercitationes item, quas vocat, Literarias, ex more atque instituto Seminarii Patavini, cui præest, recitatas, & alia quædam, quæ mira dictionis elegantia placent, subjunxit.

**EXEMPLIS ILLUSTRATA ANALECTA**  
*styli, quæ ex ore Divi CONRADI SAMUELIS*  
*SCHURZFLEISCHII, Polyhistoris incomparabilis,*  
*Vitembergæ quondam calamo excepta, nunc vero in usum*  
*studiosæ Juventutis sunt exhibita a M. JO. CHRISTI-*  
*ANO KNAUTH, Strebl. Misn. tertio docentium*  
*Lycei Dresd. ad Divum divæ Crucis Collega.*

Dresdæ, sumptibus Editoris, literis Crusianis, 1725, 8.

Alph. 1.

Non

**N**on tam de Manibus B. Autoris, qui, si hæc de stylo Analecta, quæ privatis scholis communicaverat, prodire olim in lucem voluisset, longe magis haud dubie exasciata dedisset, quam de studiosa Juventute mereri voluit Cl. Editor, qui illa, hæcenus non semel calamo a nostris descripta, publici tandem juris fecit. Dedit in iis præcepta Celeb. Autor tum generatim de stylo, tum speciatim de diversis ejus generibus, de periodis ac mensura pedum orationis profæ, de particulis recte componendis, de inveniendis argumentis, de iis, quæ pertinent ad Oratorem Civilem in deligendis Autoribus Classicis, de Characterè historico, qua occasione conciones quasdam Livii earumque imitationes proponit, de scribendis Epistolis, ut & de Epistolæ partibus, subjunctis Ciceronis nonnullis, ut & suis & amicorum Epistolis, quibus accedunt postremo carmina quædam in laudem Editoris scripta. His interspersæ sunt p. 58 Particulæ quædam ex Ciccone, Cornelio Nep. & Vellejo Paterculo collectæ, ut & p. 312 selectiora loquendi genera, quæ in Lexicis vix invenias. Nos, ut ceteris recensendis supersedeamus, quædam tantum acutissimi Autoris de eruditis judicia, quæ larga manu adspersit, enotabimus. Christoph. Longolius, hortatu Petri Bembi, exquisitissime imitatus est Ciceronem, ita ut fuerint, (in quibus Majoragius,) qui eum ob nimium imitationis Ciceronianæ studium reprehenderint, quamvis multo æquius de eo judicaverit Muretus, elegantis ingenii & judicii vir. In genere sublimi Ciceronis Orationes pro lege Manilia & pro Muræna, in tenui ejus Topica & Epistolæ quædam ad familiares, in mediocri Philosophica & uterque Orator aliaque commendantur. Demosthenes apud Græcos primus numerum excoluit, quem secutus ipse Cicero. Ejusdem Ciceronis, quem identidem in exemplum proponit, liber ad Trebatium Jctum scriptus, dignus dicitur, qui ab omnibus, præcipue a Jureconsultis & civilis prudentiæ studiosis legatur, quod in eo & exempla ex jure civili petita sint, & rationes egregiæ ad illud institutum pertinentes, inveniantur. In Batavis inagnam laudem adeptus est M. Zuerius Boxhornius, quod stylum historicum perapte ad numerum oratorium composuerit, & summa vicinarum regionum ingenia recte ac liberaliter ad civile dicendi genus sinxerit. Hu-

p. 3.

21.

24.

31.

76.

121.

123.

p. 128.

236.

go Grotius, priusquam imitari cœpit Tacitum, Julium Cæsarem legit diligenter, atque inde sermonis Latini rationem regulamque sumpsit. In exprimenda J. Cæsaris elegantissima simplicitate æstimanda fuit opera Joh. Sleidani, cui in documentis rerum Jacobus Sturmius navavit insigne studium; in cultu sermonis Johannis Sturmi consuetudo ei profuit, multaue laude ejus ornatum ornavit. Ubertatem Livii multa cum elegantia & gravitate imitatus est M. Ant. Sabellicus, hystoriæ Venetæ conditor egregius, copioseque laudandus. Inter epistolas variorum, de quibus accurate censet, meminit etiam Epistolarum obscurorum virorum, quæ cum ad ignorantiam tum ad mores Monachorum reprehendendos comparatæ, Erasmo tunc ex tumore, qui ei in facie natus erat, laboranti medicinam attulerunt. Nam cum ei a Jacobo Ammiano allatæ fuissent, atque sis risum tenere legendo non posset, raptus tumor est, atque sine ope Medicorum Erasmus convaleuit.

**M. CHRIST. HENRICI WEISII, LYCEI  
Chemnitienfis Con-Reſtoris, Libri quinque de ſtylo  
Romano.**

Chemnitii, apud Conradum Stœſſelium, 1724, 8.

Alph. I pl. 13.

**D**E ſtylo Romano, ſive Latini ſermonis, cujus rite formandi ſtudium poſt religionis veræ, morumque honeſtorum præcepta, & Græcorum Latinorumque autorum interpretationem, præcipuam merito in ſcholis poſtulat induſtriam, jam bene multi operibus in lucem editis præceperunt. Quicquid vero ab alijs bene monitum invenit Autor clariffimus, cujus Diſſertationem de Saxonum origine jam in Actis hujus anni pag. 76 recenſuimus, id omne pro muneriſ, quo cum laude fungitur, ratione, diſcipulis collegium ſtyli petentibus ut inſerviret, non ſolum in unum collegit, ſed etiam concinno ordine, & puro, perſpicuo, elegantique dicendi genere enarravit. Videlicet in libro I per VIII capita ea perſequitur omnia, quæ ad ſtylum univerſum ſpectatum referri poſſunt, utpote vocis ſtyli ſignificationem, ſtylique Ro-



Romani excellentiam, excolendi necessitatem, excultique utilitatem, autorum classicorum lectionem & imitationem, styli exercitia & colloquia Latina. In reliquis vero Libris ad specialiora progreditur momenta, & in Libro II de puritate XV capitibus: in III de perspicuitate V capitibus: in IV de dignitate, qua voce decentiam moralem, sive veritatis, prudentiæ, honestatis, & decori studium intelligit, IX capitibus: & in V de elegantiæ styli, Grammatica, Rhetorica & Logica, nec non de numero Oratorio, suavitate soni, & elegantiæ verborum ex rebus, quas notant, XI capitibus, docte non minus quam eleganter disputat. Stylo itaque Romano usum primo respicere jubet linguam, qua scribitur, ut sit pura; tum hominem, ad quem scribitur, ut illa, quæ afferuntur, citra difficultatem intelligere possit; porro suam ipsius dignitatem, ut fidem atque gratiam sibi conciliet; & ultimo loco modum, quo scribitur, ut oratio non solum pura sit, sed etiam venusta & elegans. Nos elegantissimum hunc libellum omnibus styli elegantioris cultoribus de meliore commendare non dubitamus, quippe in quo invenient, quod in stylo & emendando & excolendo lectu observatuque dignissimum.

### NOVA LITTERARIA.

Est Holmiæ Vir quidam eruditus, qui Subscriptionis lege vulgare in forma folii constituit opus insigni studio elucubratum, cujus hunc titulum typis impressum vidiuius: *Regni Sueciæ Historia Pragmatica, quam vulgo Jus Publicum vocant, inde ab initio Regni ad hoc tempus et traditionibus historicis, legibus non scriptis & scriptis, antiquis & recentioribus, provincialibus & communibus, tum pactis & conventis publicis, decretis comitialibus, & statutis atque edictis regis, &c. per rerum temporumque periodicas mutationes ingenue ac fideliter deducta, ubi etiam incidenter errores Autoris Anonymi Anecdotorum Sueciæ aliorumque deteguntur & refutantur. Holmiæ, typis Joh. Laur. Horn, Reg. Antiq. Archiv. Typogr.* Ex Schemate operis, quod titulo accessit, patet, post generalem status Regni Sueciæ notitiam, initia nempe, mutationes & divisiones, formamque regiminis & jus Regium succedendi, Leges hic considerandas esse tum primarias, quæ Regem ipsum, Or-

Ordines, Nobiles scilicet in corpore, classibus & familiis, Clericos, Civitates, rusticos, Senatum porro, Collegia & Magistratus, etiam Academicos, obligant, tum secundarias, forenses, permissivas seu privilegia, consuetudinarias; denique æconomiam omnem expendendam, redditus nimirum, bancam publicam, rem metallicam, agriculturam &c. & quæ ad mercatores, artifices, advenas spectant.

In Belgio Typographi quidam Hagenfes & Amstelodamenses Illustrissimæ *Aloisii Ferdinandi* Comitis *Marsili* Opus Danubiale, cujus jam pridem singulari Prodomo, A. 1700 in fol. maj. edito, nunc minori forma recuso, & a nobis in Actis A. 1701 p. 84 recensito, spem fecerat, typis mandare forma regia ac subscribentibus vendere decreverunt. Continebit Opus, Leopoldi Imp. jussu & impensis susceptum, Icones fere 400, a peritissimis Italiæ Magistris, ad hoc missis, ad vivum delineatas, cum justa expositione, qua Geographia, Antiquitates & imprimis Historia naturalis Hungariæ egregie illustrantur. Exemplaria non ultra 625 imprimuntur, siquidem Bibliopolæ, si numerus excedens reperiatur, sibi ipsis statuunt multam 10000 florenorum: nec de nova editione metuendum, cum Tabulæ omnes, exceptis Geographicis, Bononiam, absoluta impressione, remittendæ, ibique inaurandæ & parietibus, ad perpetuam tanti operis memoriam, affigendæ sint. Constabit vero sex Tomis, quorum duo primi mensibus tribus post subscriptionis terminum, qui ad Calendas Septembris hujus anni, nec ultra, protrahetur, duo adatis prioribus sex mensium intervallo, reliqui post ultimam distributionem pari sex mensium spatio, tradentur. Totius operis pretium erit 150 flor. Batav. quorum 30 in ipso subscriptionis momento, 40 prima, totidem secunda, totidemque ultima Tomorum traditione solventur. Ceterum quisque Tomus frontibus ad materiam pectinentibus, viticulis, & plurimis ornamentis, ab excellentissimis Italiæ cælatoribus incisis, decorabitur. Apochas, propriis Bibliopolarum, qui editionem moliuntur, manibus signatas, tradent, & pecuniam ad se recipient, inter ceteros Hagæ Com. *David Martini*, Germanus, nunc ibi degens, & præcipui quique Germaniæ, Galliæ, Angliæ, Italiæ, Helvetiæ, & Belgii Typographi.

\* \* \*

# ACTA ERUDITORUM,

*publicata Lipsiæ*  
*Calendis Julii Anno MDCCXXV.*

THESAURUS ANTIQUITATUM ET HISTORIARUM Siciliæ, Sardinia, Corsicæ & adjacentium, digeri cœptus cura & studio JO. GE. GRÆVII, cum Præfectionibus PETRI BURMANNI.

*Volum. VI, VII, VIII, IX & X.*

Lugduni Batav. excudit Petrus vander Aa, 1723, fol. maj.  
Alph. 18 $\frac{1}{2}$  Tabb. æn. 259.

**C**UM nobis, vix aliquot præstantissimi hujus Thesauri Voluminum recensione defunctis, continuo nova veniant perlustranda, veniam facile impetrabimus, quod majori, quam optarent aliqui, brevitate in iis recensendis utimur, quo aliis etiam libris optimæ notæ, qui quotidie prodeunt, locus relinquatur. Quinque iterum sistimus Volumina, quibus novam Præfationem præmisit Cl. *Burmannus*, in qua spicilegium quoddammodo facit eorum, quæ in Præfationibus, singulis scriptis a Typographo vel Interpretibus præmissis, fuere neglecta & omissa.

Volumina VI, VII & VIII *Huberti Goltzii*, *Philippi Paruta* ac *Leonardi Augustini* Sicilia Numismatica, ut & *Georgii Gualtheri* Tabulæ antiquæ Siciliæ occupant, quos scriptores in unum coegit Vir Cl. *Sigebertus Havercampius*, & Commentariis fatis laboriosis illustravit, ita ut, quantum res litterariæ ferunt, teste *Burmanno*, in hoc opere totius Siciliæ & civitatum singularum, per omnia secula, monumenta unum in conspectum dederit. Etenim post *Goltzium*, cui uni, judice *Havercampio*, omnis Græ-



cia plus quam omnibus simul sumtis debet Antiquariis, *Paruta* nummorum patriæ suæ longe majorem ediderat Thesaurum sub tit. *Della Sicilia descritta con Medaglie. Parte I. Palermo 1612 f.* qui solos nummorum ectypos, indicatis tantum museis, ubi extarent, & cæ'aturæ dignitate notata, exhibuit, explicatione omni in secundam Partem, quæ nusquam tamen prodiit, rejecta; quem recusus *Augustinus*, coeuntis tabulis æneis, additisque quingentis fere nummis, Romæ 1649, fol. recudit opus, nullis pariter additis notis, & omisâ ipsâ Parutæ præfatione & dedicatione, nummisque duobus ad hanc spectantibus. Denique *Marcus Majerus*, spe luctri, denuo recudit opus Lugduni in Gallia 1698, fol. non modo his quæ Augustinus neglexerat, verum & Parutæ indigitatione, quam ille provide retinuerat, omisâ, simul tamen, ne Commentarius desideraretur, pauca quædam, quæ *Inveges*, *Carrera* & *Mirabella* de quarundum urbium Siciliæ nummis observaverant, aliaque e Golzio, turbato subinde ordine, & nullo delectu, ut erat literarum fere expers, addidit. Cujus editionis exemplaria aliquot una cum tabellis (utimur verbis Cl. Havercampii) cum similes Majero homines aliquot nacti essent, scirentque, ipsius Parutæ opus magno desiderio ab eruditis flagitari, continuatis Auctionibus publicis intrusis semper aliquot exemplaribus, iisque divenditis accenso pretio, aliis dein suppeditatis ex Tabellis iisdem denuo prelo subjectis, additaque pro more hædera *rarisissimi libri*, fecerunt, ut fucata illa editio ubique germanam Parutæ suffocaret prolem. Non possumus, quin de M. Majero hoc loco moneamus, eundem prelo paratos reliquisse nummos Neapolitanos & Calabros, quos in præfatione Siciliæ Parutæ promiserat, eosdemque ante paucos annos prodiisse cum ejusdem brevi expositione, sub titulo: *Il Regno di Napoli e di Calabria, descritto con Medaglie, arricchito d'una descrizione compendiosa di quel famoso Regno; ed illustrato d'una succinta Dichiaratione intorno alle sue Medaglie, cavata da i piu celebri ed approvati scrittori sì antichi come moderni, da Marco Maier. In Lione 1717, f.* quem librum adjungere solent Bibliopolæ alteri, anno proxime antecedente Romæ (forte pariter Lugduni) hoc titulo edito: *Monete del Regno di Napoli da Ruggiero primo Re sino all'Augustissimo*



*stissimo* *Regnante* *Carlo VI Imperadore, e III Re Catolico, raccolte, e spiegate da D. Cesare Antonio Vergara, Dottore dell' una e l'altra Legge. In Roma 1716, f. quod opus præmissis Franc. Bianchini & Jo. Vignolæ censuris imprimis commendatur. Uterque liber, etsi exiguæ molis, figuris tamen haud paucis decoratus, & vix ultra centum, ut fertur, exemplis excusus, satis magno pretio venditur. Sed his obiter annotatis, ad *Parutam* revertimur, in quo restituendo & Commentariis illustrando non frustra laboravit *Havercampius*. Præterquam enim quod, servato Parutæ civitatum ordine, singularum nummis Goltzianam descriptionem, cum notulis Parutæ, (Augustinianas, serius impetrata Augustini editione, præfationi seorsim adjecit,) tum & Majeri excerptis præmisit; ipse nummos Parutæ passim plusquam quingentis, accurate æri incisis, a se detectis, immo & gemmis nonnullis auxit, & Introductionem in illos ac Commentarium satis prolixum ac eruditum suppeditavit; quibus denique subjecit Inscriptiones veteres & novas Georgii Gualtheri, Panormi olim 1624 & Messanæ 1625, 4 editas, sed hic, prout Parutæ ordo postulabat, discerptas ac translocatas. Esset hic locus longe amplifsimus e Commentariis Cl. Havercampii, quas urbes hætenus ignotas invenerit, quos Clarorum Virorum vultus com monstraverit, quas vel Græcorum vel Romanorum Colonias investigaverit, quid novi in symbolis urbium, passim in nummis conspicuis, detexerit, quæque ejus generis alia, speciminis loco exhibere, nisi copia nos deterreret. De Gualthero, Germano, Augusta quippe oriundo, observat Cl. Burmannus, eum circa veram lapidum lectionem perpetuo hæsitantem, nimium conjecturis in duplici editione indulgere, ut non multum ipsi fidere liceat; dolet tamen, eum denuo in Siciliam adnavigantem, forte ut secundas labori suo curas impenderet, in conflictu Melitenfium & Bisertenfium triremium ictu bombardæ a Barbaris explosæ occubuisse, & simul scripta ejus, quibus Italiam illustrare meditabatur (nam in Præfatione se ad XX millia titulorum collegisse scribit) periisse.*

Sequuntur Volumine IX *Josephi Bonfilii & Constantii*, Equitis Messanensis, *Messanæ Descriptio*, Libris VIII, Ven. 1606, 4 edita,

& *Placidi Reyna* Notitia Messanæ, cujus pars I Messanæ 1658, pars II ib. 1668, fol. prodiit Italice : utramque Vir Cl. *Jo. Laur. Mosheim*, S. Liter. in Academia Helmstad. hodie Prof. ex Italico Latine vertit, & notis pereruditis illustravit, observans simul, eo majorem hunc præ illo fidem mereri, quo magis ab Annianis fabulis remotus sit, addensque posteriori Catalogum Codicum Græcorum, qui MSpti reperiuntur in Archimandritatu S. Salvatoris Messanæ. Succedit Ætnæ montis Topographia & ejus incendiorum Historia admodum accurata, autore *Antonio Philotheo de Homodeis*, qui ter A. 1533, 1540 & 1545 Ætnam longe feliciori, quam Plinius Vesuvium, successu adscendisse fertur; olim a Nic. Oddo Ven. 1591, 4 edita. Tum *Petri Carrera* Descriptio Ætnæ, Catanæ 1634, 4 vulgata, ut & *Alexandri Burgos*, in Patavina Universitate hodie Professoris, Terræ motus Siculi, qui contigit 1693, Descriptio: quod utrumque opusculum ex Italico vertit *Havercampius*.

Volumine X comparent: *Petri Carrera* Monumentorum historicorum Urbis Catanæ Libri IV, ex inscriptionibus, nummis &c. collecti, & Catanæ 1639, fol. Italico idiomate editi, hætenus rarissimi, quos una cum *Diodori Siculi* Epistolis, quas spurias esse, facile cum Burmanno credimus, & *Carrera* ad easdem annotationibus, Latine nunc vertit *Abrah. Preigerus*; ejusdem *Carrera* Disquisitio de vero significato numismatum quorundam Messanensium, seu Mamertinorum, Catanensium &c. sive Refutatio & Censura Mariani Perelli, a Cl. *Havercampio* Latinitate donata; denique *Jo. Baptista de Grossis* Catanense Decachordum, sive novissima S. Ecclesiæ Catanensis Notitia, qua tum Ecclesiæ, tum Secularis Politicæ Status universus signatur, cujus Tomus I Catanæ 1642, II ib. 1647, fol. prodiit. Hujus libri, non indocti, Autor melius famæ suæ consulisset, si, ut sæpius ad Diplomata & MSpta provocat, ita Cluverium quoque & alios, per quos profecerat, nominare dignatus esset.

Dum hæc typis imprimuntur, nuntiatur nobis a perindustrio Typographo Lugdunensi *Petro vander Aa*, prodiisse jam quinque ultima Thesauri Siciliæ Volumina, nempe XI, XII, XIII, XIV & XV, eoque absolutum XLV Voluminibus nunc esse opus

opus integrum. Qua de re non possumus non publice gratulari Viro solertissimo, eo quidem impensius, quod neminem meminimus, Opus tam voluminosum, tantis curis & impensis, tantillo temporis spatio, (vix enim ultra biennium sub prelo sudavit,) in lucem edidisse. Ceterum cum primum ad nos pervenerint Volumina illa, quæ propediem exspectamus, in iis recensendis officio nostro, prout consuevimus hætenus, defuncturos nos pollicemur.

## DOMINICI GEORGII DE ANTIQUIS

*Italiæ metropolibus Exercitatio historica.*

Romæ, apud Georgium Plachum, 1724, 4.

Alphab. 1 plag. 4½.

**A**Utor hujus Exercitationis clarissimus, Bibliothecæ antehac Cardinalis Ottoboni, iam Iosephi Renati Cardinalis Imperialis Præfectus, in præmissa Dedicatione, *Innocentio XIII* P.R. inscripta, omni diligentia se collegisse hic scribit, quicquid de clarissimarum in Italia urbium præstantia, ab Augustæ Imperii exordiis ad ejus occasum, in literarum monumentis invenire potuerit, ut eas veluti ab interitu vindicaret. In Præfatione ad lectorem veteris Historiæ & Geographiæ utilitatem dum commendat, ad Philippi Cluverii Germaniam antiquam provocat, eundemque immenso prope ac improbo labore veterem regionum & urbium Italicarum situm, collectis ex Græcis Latinisque scriptoribus, quæ in rem hanc congeri poterant, testimoniis ita illustrasse fatetur, ut nihil excellentius, nihil laudabilius expeti possit. Ex Geographiæ itaque studio multum lucis omnibus afferri disciplinis cum ipsi persuasum esset, hac potissimum de causa ad hanc exercitationem conscribendam se impulsus esse testatur. Attamen non dissimulat, a Scipionis Maffei se deflectere sententia, qui in historica Disquisitione de antiqua urbis Veronæ dignitate, Italico sermone anno 1719, 8 typis descripta, in Italia, Romano imperio vigente, nullam urbem præter Romam metropoleos jure donatam esse, tueri conatur. Huic tota, quod ex ipsa lectione evidenter apparet, opposita est hæc Dissertatio, quæ viginti & duobus

constat capitibus. Postquam enim Cl. Autor in capite I de vocis Metropoleos, a Solino primum in Latium invec̃tæ, significatione, & de urbe *prima*, quid apud Græcos significet, nonnulla attulit, statim capite II Maffejum aggreditur, &, quæ hic de Cenomanis eorumque in Italia urbe principe, ac de Venetorum finibus vulgavit, sigillatim expendit. Nempe Livius l. 5 c. 34, 35 Gallorum in Italiam transitum describens, manum Cenomanorum confedis̃se tradit, ubi nunc Brixia & Verona urbes sunt: Ptolemæus & Justinus Veronam quoque Cenomanis adscribunt: & Catullus in carmine 68 Brixiam matrem Veronæ dicit. Maffejus ergo Veronæ dignitatem propugnaturus, omnes intendit nervos, ut locum Livii corruptum, & pro *Verona* reponendam esse *Cremenam*; Ptolemæum & Justinum hallucinatos; distichon vero Catulli, in quo de Brixia & Verona loquitur, spurium, & a Brixiano quopiam, ut Brixiam supra Veronam extolleret, Catullo suppositum esse, evincat. Livium vero non de Cremona, sed Verona locutum esse, Autor noster pluribus confirmat, & locum Livii, ab imperitis librariis miserrime turbatum, in Vaticanis codicibus MSCtis optimæ notæ ita se habere scribit p. 17: *Alia subinde manus Germanorum & Citionio duce, vestigia priorum secuta, eodem saltu favente Belloveso cum transcendissent Alpes, ubi nunc BRIXIA & VERONA urbes sunt, locos tenere. Libui confidunt post hos Salivi, qui prope antiquam gentem, Lenos, Ligures, incolentes circa Ticinum amnem.* Porro Ptolemæum & Justinum vindicat, atque Cenomanos non modo ad Veronam, sed ad fines Patavinorum protensos esse; apud Iustinum quoque verbum *condere* frequenter *instaurare* & *amplificare* significare, probat. Catulli versum, in quo Brixiam Veronæ matrem dici, ægerrime tulit Maffejus, non solum a Catullo profectum esse, codicum MSCtorum fide confirmat; sed etiam verba Catulli: *Brixia Verona mater amata mea*, ita exponenda esse docet cum Scioppio: *Brixia mater*, i. e. Metropolis tuæ gentis, quam Livius lib. 32 cap. 30 Cenomanorum caput appellat, *qua amaris a mea Verona*. Quando autem Scaliger in eodem versu Catulli pro *mea* substituit *tua*, quia Janua Brixiana Catullum Veronensem alloquitur, receptam Autor noster tuetur lectionem, cum omnes codices



codices eam exhibeant, & per Januam designari censet ancillam seu mulierem lenoniam, Veronensem quidem, at Brixiam morantem, quæ propterea Veronam *meam* dicat. Pari ratione in capitibus sequentibus adversus Maffejum disputat, & quidem capite III & IV, de Metropolitibus Italiae ante Augusti tempora, nec non de divisione Italiae, ab Augusto, Hadriano & Diocletiano instituta, & pag. 55 Correctores iam ante Aureliani tempora Italiae præfuisse, ostendit: capite V de sede Rectoris provinciae, & de Metropol. Orientalibus agit: & capite VI de divisione Italiae per Constantinum stabilita. Ubi p. 70 sqq. Italiam in XVII provincias divisam esse, & octo quidem ex his a Consularibus, septem a Præsidibus, & reliquas duas a Correctoribus rectas; decem vero Vicario urbis Romæ, & reliquas septem Ital. Vicario subjectas fuisse, tradit. Sic secundum ordinem ab Autore in tabula exhibitum Vicarius Romæ sub se habuit Consulares quatuor, Campaniæ, Tusciæ & Umbriæ, Piceni Suburbicarii, atque Siciliæ: Correctores duos Apuliæ & Calabriæ, Bruttii & Lucaniæ: Præsides quatuor, Samnii, Sardiniae, Corsicæ & Valeriæ. Vicarius Italiae autem sub se habuit Consulares quatuor, Venetiæ & Istriæ, Æmiliæ, Liguriæ, Flaminiae, denique Piceni annonarii; ac Præsides tres Alpum Cottiarum, Rhaetiæ primæ, & secundæ. Singularum provinciarum fines & Metropoles Autor sollicite indicat, & Consulares ac Correctores, quos invenire potuit, ex veteribus monumentis enumerat in capite *septimo* & sequentibus usque ad cap. XIX. In capite *vigesimo* reliquas celebriores Romani Imperii divisiones, inter ipsos Augustos factas, prosequitur, ut perspicui possit, quibus Italia obvenerit, atque ad limites & provincias post eversum Romanum Imperium designandas, descriptionem Italiae, quam Anonymus Ravennas, qui septimo sæculo floruit, in libris Geographiæ edidit, tum aliam, quam Paulus Diaconus, Warnefridi filius, confecit, atque aliam porro, quam Otto Frisingensis, & ex eo Guntherus Poeta sæculo duodecimo vulgarunt, inserit illustratque. Capite XXI Maffejum, Italiae fines prætergressum, in Hispanias & Gallias prosequitur, & in his Imperatorum ævo Metropoles fuisse, luculenter demonstrat. Denique in capite XXII coronidis loco subjungit, neminem de Romana ecclesia

ecclesia bene mereri, qui in Italia Metropoles expungat, ac hoc novo veluti invento acerrimas lites, a Gothofredo & Salmasio excitatas, de suburbicariis provinciis, componere cupiat. Romanam enim ecclesiam in Episcopis & Metropolitanis constituentis Imperii Romani politiam & civilem provinciarum ordinem non servasse, Aquilejensis, Mediolanensis & Ravennatensis Metropolitaram exemplis evincit. Sic in hac dissertatione eruditissima, id quod titulus quoque pollicetur, veterum testimoniis ostenditur, urbes provinciarum matres in Italia potissimum, atque alibi passim, fuisse; variae itidem limitum & regionum Italiae divisiones describuntur; Correctorum, Consularium atque Praesidum series exponuntur; Geographorum autoritas defenditur, & plurium scriptorum loca illustrantur; inter alia etiam lapis, qui apud Gruterum p. 1098. n. 1 mendis corruptus est, ex archetypo Mutinensi p. 134 restituitur.

**JOANNIS FRIDERICI SCHANNAT COR-**  
*pus Traditionum Fuldensium, sive Donationum in Ecclesi-*  
*am Fuldensē collatarum, ab anno 744 ad finem*  
*usque Seculi XIII.*

Lipsiae, apud Maurit. Georg. Weidmann, 1724, fol.

Alph. 4 pl. 21, cum Mappa Geogr. & figuris passim insertis.

**A**Utori Rev. Hist. justam Fuldens. paranti, ne tardius aliquando publicae expectationi faceret satis, Traditiones has, velut Prodromum, praemittere visum est, quas a Jo. Pistorio 1607 jam vulgatas, nunc emendatiores reddit & quadruplo auctiores, nactus quippe inter alia vetustissimum hujusmodi Traditionum Codicem, Seculo IX, ut e specimine aeri inciso patet, exaratum. Dolet vero in Praefatione, octo reliquos Codd. medio Seculi XII in sacrario Fuldensi adhuc superstites, teste *Ebirbaro Monacho in summariis Traditionum Veterum*, sub finem harum Donationum p. 280 subjunctis, periisse, monetque, in Traditionibus istis, sub *Regni* nomine, diplomatibus subscripto, designari annos Regni & Imperii, cum alius numerandi calculus apud Scriptores Fuldenses olim non obtinuerit. In hoc corpore, Chronologico ordine

dine digesto, continentur omnes & singulæ, quæ exstant, Imperatorum, Regum, Principum, aliorumque piæ donationes, in Ecclesiam Fuldensem ab anno foundationis 744 usque ad finem Seculi XIII collatæ, & ad fidem autographorum, Rotulorum veterum, Chartariorum, aliorumque optimæ notæ MSC. Codicum typis impressæ. Hinc ingens ille diversi generis prædiorum numerus, quibus olim Ecclesia Fuldensis præ reliquis cumulatâ fuit, patefcet, quæ si in unum collecta hodiernum veteri jure starent omnia, ad integrum fere Regnum constituendum sufficerent, utpote cujus fines per Hassiam, Thuringiam, Bavariam, Sueviam, Alsatiam, Frisiam utramque ac Westphaliâ longe lateque diffunduntur, id quod magis firmant plures ex Ordine Equestri, Comites, Principes, Regesque, clientelari nexu adstricti, & prædiis illis tuendis strenue invigilantes. Idem testantur insignes Ecclesiæ Collegiatæ & Præposituræ, Sacrarum Virginum & Monachorum cœnobîa, in circuitu Ecclesiæ Fuldensis quondam constructa, ac pleno jure eidem subjecta, ejusdemque munificentia dotata. Ex hoc thesauro diplomatum lubet nunc quædam notatu digniora producere. Quod cum *Baronio*, ex Monacho *Ifone*, initium Regni Pipini referendum sit ad annum Christi 754, id luculenter confirmant hæ Traditiones, in quibus Regis hujus anno II & III Bonifacius *Martyr* & *Sanctus* pag. 2. sq. appellatur, utpote A. 755 occisus, quod certe minime convenit cum Epochâ anni 751, quam cum pluribus statuit *Mabillonius de re diplom. L. 2 c. 26*, licet dubius postmodum in *Annalibus Benedicti. T. 2 p. 205*, annos Pipini Regis diversimode numeratos fuisse, fateri cogatur. Idem Pipinus inusitato more in *Charta Rantulfi* p. 4. vocatur *Imperator*, quo nomine aliquando etiam Carolum M. p. 19. 43. antequam Imperiali dignitate ornaretur, vocatum fuisse, notavit *Mabillon. l. c.* sicuti quoque post annum 800 Imperatorium axioma Carolo haud semper tributum, animadvertimus. In Pipini R. diplomate N. 27 notanda subscriptio Cancellarii, e regione subscriptionis Regiæ posita, sigillo intermedio, quod effigiem hispidi capitis, ceræ cavo impressam, exhibet. Baddilo Cancellarii, & Hitherius sub Pipino Notarii saltem officio functus, frustra contradicente *Mabillonio de re dipl. L. 2 c. 12*, præter morem

- rem in subscribendo, invocatione Dei utuntur. Ex autographo donationis *Hamalumburg* a Carolo M. factæ Autor animadvertit, Rudolphum Monachum Fuldensem in vita Rabani, apud *Brower. antiqu. Fuld. p. 237*, errore seductum, *villam Hamalunburg*, nunc oppidum, *super fluvio Sala ex largitate R. Pipini partibus S. Bonifacii collatam*, existimasse; unde merito dolet, imperitum quendam, Hamelensem civitatem Saxoniz hic indigitari, erronee persuasum, hoc elegans & optime conservatum Caroli M. diploma, quoad vocem *Hamalumburg*, ultima syllaba deleta, corripisse. Ex Traditionibus *Burgrata* aliisque evidenter constat, sanctimoniales quondam proprietatibus suis usas, easdemque jure suo per donationem in alios transferre potuisse. Ex Traditionibus *Bernacharis* & pluribus sqq. patet, Clericorum & Monachorum Fuld. in propria causa testimonium fuisse admissum.
40. 47. 50. 53. 57. sq. 43. Contra Trithemium Noster ex Traditione *Waluramni* & *Waltrata* evincit, hosce Parentes fuisse Rabani, ex Abbate Fuldenfi Archi-Episcopi Moguntini, patriumque ipsi solum contigisse Moguntiam urbem; *Gundrammum* vero esse ejusdem ex Fratre nepotem. Festuæ seu Stipulæ abjectionem etiam in usu fuisse apud Virgines, quæ se per solenne votum divino mancipabant obsequio, ex Traditione *Bleonsvinda* discimus. In *Gundrammi charta* mentio fit Conventus Regalis Moguntiz A. 804 habiti, qui a nullo hætenus scriptore fuit præditus. *Concambitio Ratgarii Abb. & Richolfi Archi-Episc. Moguntini* probat, testem eidem adhibitum Haistulfum, non fuisse Monachum Ordinis S. Benedicti, ut recentiores quidam contendunt, sed potius Ecclesiz Moguntinz Canonicum, A. 813 Richolfo successorem datum. Citæ *diploma Caroli M.*, quo *Bennithi donatio* A. 812 firmatur, aliam fortasse chartam innotuisse *Browero Antiqu. Fuld. p. 217*, notatur; ex qua observandum, Bennithi hæreditatem habuisse soli culti tantum, ut duas in longum, totidem in latum, at in circuitu sex leucas circa Visurgin ambiret, *conf. Mabillon. I. c. L. 6 p. 512*. Porro Cel. Autor *diploma Ludovici Pii de an. 817* producit: dubius equidem hæserat, ad quem annum Regni Ludoviciani, penitus quippe omissum, illud referret, siquidem Indictio X, hic subnotata, in annum ejus Regni IV & XIX, incidit, donec in ipso Fuldenfi mona-







monasterio inter neglectas chartas deprehenderet vetustum librum Musices majoris formæ, cui pro tegulis erat insigne hoc diploma autographum, magna quidem sui parte mutilum, sed recognitum ad vicem *Elisacar*, qui primus Ludovici Cancellarius, A. 817, cui convenit hæc indictio X, missus est ad compescendos Maræ Hispanicæ motus. Ceterum Noster refert, parem venerandis antiquitatibus sortem, crasso illo ignorantix ævo, pluribus in locis obtigisse, siquidem Trithemius, in Hersfeldensi Abbatia canes venaticos cum diplomatibus hinc inde discurrere videns, gravissime indoluerit. *Lotharii Imp. confirmationem donationis Salzunge* ex autographo ob oculos ponit Autor, cujus apographum mendosum *Raslerus* inseruerat *appendici Vindiciarum diplomatibus Lindaviensis*; sigillum vero Lotharii, quod æri incisum exhibet, summopere differt ab illo, quod exhibet *Mabillon. de re dipl. L. 5 Tab. 30.* Annos Ludovici Germ. passim ab obitu Ludovici Pii, ejus parentis, in diplomatibus numerari, hic patescit; excipienda tamen sunt tria autographa p. 190 sq. allata, ubi alia calculi ratio est ineunda, non quidem ab anno 833, uti post longam disquisitionem haud absque ratione statuerat *Mabillonius*, sed potius ab A. 834, cum huic Epochæ annus & indictio in hisce chartis conveniant. Autographum inde Ludovici III ad annum 880 comparet, unde constat, eodem modo, quo Carolus Crassus annos incarnationis primus apposuit in diplomatibus Imperialibus, illud jam præstitisse Ludovicum in Regiis; ibidem Arnulfi Notarii subscriptio deprehenditur e regione subscriptionis Regiæ posita; denique subjicitur sigillum ære expressum, vultum bellicosi hujus Principis, ad lævam præter morem conversum, exhibens, in quo Parentem suum Ludovicum Germ. imitatus est. Sigilla quoque Regum ac Imperatorum, Arnulphi p. 216, Ludovici Infantis p. 224, quod *Mabillonius* minus genuinum exhibuisse videtur, Conradi I p. 227, Henrici I p. 231, Ottonis II p. 242, Henrici p. 248, Conradi II p. 245, (quæ duo posteriora loco debito ad inserta) Henrici III p. 251, Henrici IV p. 321, Pont. Clementis II p. 252, Abbatum Fuldensium Erlolfi p. 260, Erchanbalp. p. 328, Civitatum in Geysa p. 352, Fuldensis p. 350, Vachensis 414, Salzungen p. 417, Harnelburg p. 424, Gentis Steinoviz

p. 183.

TAB. III.  
Fig. 1.

p. 210.

Fig. 2.

Fig. 3.

- TAB. III.** p. 379, exsculpta heic comparent. Pariter æri incisus occurrit lapis sepulchralis Simonis de Sliteſe, in quo & Gærziorum ſentum gentilitium comparet, Fuldæ conſpicuus, quem Browerus p. 174 deſcripſit, ſed non exhibuit. Præterea deprehendimus, Conradum I. R. interdum ſemet nuncupaſſe *Romanorum & Franco- rum Regem*, Henricum I vero *Regem & Advocatum Romanorum Auguſtum*. Ottonis II Imp. *confirmatio commutationis A. 973 inter Adalbertum ArchiEp. Magdeb. & Werinbarium Abb. Fuldens.* multo correctius, quam in *Leuckfeldi antiqu. Alſted. p. 236*, ex autographo heic producitur. Tabulas informes de donatione Thacolfi Comitis de Boemia, quarum forſan *confirmatio ab Henrico II Imp. an. 1212 facta* heic ſiſtitur, dubium unde expiſcatas, protulit Brower. *Ant. Fuld. p. 257*. Datæ ſunt illæ A. 801 Indiſt. 9. At in veteri Necrologio Fuld. autographo hæc habentur ad annum 873: *Thacolf Comes obiit Kal. Septembr.* quæ notæ chronice Broweri tabulas erroris arguere videntur. Ejusdem Imperatoris diploma, ex Browero *l. c. p. 252* depromptum, datum eſt *VI Julii, Indiſt. VII*. Iſta indiſtio quidem demonſtrat annum 1024, quo Henricus II adhuc in vivis fuit, verum dies VI Julii, ex Autoris mente, admitti nequit, cum Grunæ *pridie Idus Julii* obierit, aut certe, ut habent quædam Necrologia, *III Idus Julii* ejusdem anni. Aſt humani aliquid heic paſſus videtur Noſter: ſi enim, ipſo fatente, Henricus 14 vel 13 die Julii fatis eſt functus, aliquot ſane diebus VI diem Julii vivendo ſuperavit. *Mabillonius*, nullum ſe deprehendiſſe Abbatiale aut Monafteriale ſigillum ante Seculum XII, teſtatur *L. 2 de re dipl. c. 15*: enimvero illorum uſum jam in- eunte Seculo XI obtinuiſſe, Noſter ſigillis Egberti Abb. Fuld., ut & alio Monafterii Fuld. S. Bonifacii imaginem præferente, hanc in rem exhibitis, demonſtrat: imo jam ante iſta tempora hujus- modi ſigilla ab Eccleſia Fuldenſi eſſe adhibita, ſemet oſtenſu- rum, & in hiſtoria Fuldenſi, impoſterum edenda, plures nodos ſoluturum aliquando, promittit; quod ut pro ſingulari, qua pollet, dexteritate feliciter abſolvat, publico nomine vovemus.
- 278.** Denique memoratu dignum eſt diploma Henrici VII Imp., quo omnes Judæos, in ditione Fuld. commorantes, huic Eccleſiæ cum
- 279.** omni jure & oneribus ſubjicit, & alterum *Ludovici Bav.*, quo mon-



montem Rotenberg eidem concedit. Accedit postremo his Traditionibus *Cl. Schannat Patrimonium S. Bonifacii, seu Buchonia* p. 317.  
*vetus, una cum suis confiniis, ex Traditionibus Fuldensibus eruta, aliisque monumentis aucta & illustrata, a temporibus Pipini Regis ad initium Seculi XIV, cui præmissa est mappa Geographica. Sal-*  
*tus iste Buchonia a sagis nomen sortitus, fuit solitudo Franciæ* Cap. I. p. 319.  
*Orientalis vastissima, Thuringiæ, Hassiæ ac Wetteraviæ finibus*  
*potissimum circumscrip- ta, horrida quondam silvis & montium*  
*jugis, donec S. Bonifacius, adjutore Sturmio Abbate, prima ibi*  
*jaceret Monasterii Fulden- sis fundamenta, auspiciis Caroloman-*  
*ni Regis Francorum, ex quo tempore universus ille tractus cul-*  
*tior est redditus. Dividebatur Buchonia vetus in octo Pagos seu* C. II. p. 326.  
*Gau, a voce Germ. Aue læta pascua denotantes, quorum nomina*  
*Grappfeld Orientalis & Occidentalis, Tullisfeld, Salagewe, Sinna-*  
*gewe, Asfeld, Weringewe, Baringe. Juri dicundo præerant initio*  
*Comites; hinc prima enituit beneficio Regum & Imperatorum*  
*tributa Abbatibus Fuldensibus per Buchoniam auctoritas, qui, Co-*  
*mitibus Provincialibus majores, Advocatis suis Provincialibus,*  
*qui & ipsi passim Comites erant, & Missis seu Nunciis S. Bonifa-*  
*cii, e Fratrum greminio defunctis, officium hoc demandabant. A*  
*Saxonibus quondam, Francis & Slavis Buchonia videtur habita-* C. 3. p. 329.  
*ta. Nobiles a plebejis haud sollicitè secreti, donec sub initium*  
*Seculi XI a prædiis plerumque cognominati, & familiis nomina,*  
*hactenus incerta, propria esse inciperent. Reliqui dividebantur*  
*in Liberos, ingenuos nempe vel manumissos, Villicos, seu Villis*  
*præfectos, & Colonos ac Litos sive Liddones, mediæ fere conditi-*  
*onis homines, denique Servos seu Pueros, qui in varias Stipendi-*  
*ariorum, Biduanorum & Triduanorum, Quotidianorum, Tribu-*  
*tariorum, Novalium, Censualium, Mancipiorum classes distribue-*  
*bantur. His subnectuntur Henrici VII & Caroli IV Impp. diplo-*  
*mata contra Pfsalburgeros, quibus provisum, ut Ecclesia Fulden-*  
*sis servos fugitivos undecunque vindicare posset. Hinc VIII Pa-*  
*gorum supra memoratorum delineatio, topographia & confi-* C. IV. XVII.  
*ria, ex monumentis fide dignis eruta, immixtis subinde diploma-*  
*ribus rarioribus, huc inservientibus, ob oculos ponuntur, quæ*  
*Geographiæ mediæ ævi & Genealogiæ vetustæ Nobilitatis infi-*  

P p 3 gnem

- gaem lucem affundere, & his delitiis inescatos satiare poterant, si easdem in succum & sanguinem vertere visum fuerit. Ceterum ex diplomatibus hisce non prætereunda ducimus Jura Imperatorum antiqua in civitatibus condendis, muniendis, dirutis mœnibus restaurandis, tribuendis nundinis solennibus annuis & hebdomadalibus, Alberti Thuringiæ Landgravii donationes castri Wildek, retento saltem conductu & venatione, A. 1301, Juris Patronatus in Sunnebum A. 1306, Pacem inter Fridericum, Balthasarem & Wilhelmum, Landgravios Thuringiæ & Misiæ Marchiones, ac Henricum Abbatem A. 1362 conclusam, oppignorationem arcis, urbis & præfecturæ Fach ab Ecclesia Fuldensi A. 1611 pro summa 12000 fl. domui Hassiacæ salvo jure reuisionis, in casum masculæ prolis extinctæ, perpetuo factam, denique compositionem concordiæ A. 805 inter Ecclesias Fuldensen ac Herbipolitanam procuratam.
- p. 353. 361.  
386. 395. 414.  
414. 433.  
351. 409. 426  
419.  
404.  
411.  
415.  
439.

**JOANNIS ALBERTI OBSERVATIONES**  
*Philologicæ in sacros Novi Fœderis Libros.*

Lugduni Bat. apud Jo. Arn. Langarak, 1725, 8. maj.

Alph. 3 plag. 4.

**T**anta in his observationibus copia eruditarum lectionum ubique occurrit, ut totus propemodum liber, si omnia sectari vellemus, quæ hic pulchre eruuntur ac illustrantur e profanis scriptoribus, describendus esset. Lectoribus igitur, ut sitim suam ipsi ex fontibus sedent, integrum hoc relinquentes, pauca potius, ubi hæreere iidem ac dubitare, in quam partem descendendum videatur, poterant, attingemus, pauca etiam, ubi ea alias querenda sint, adjicienda. Matth. III, 11 καὶ πρὸς p. 15. Ego vero) Tertullianum hic laudavit D. Olearius, Obs. ad Matth. p. 91. Cap. III, 16. ὥστε περισσεύειν. p. 17.) Hammondus contra omnes fere etiam recentiores & quasi primus allegatur, qui τὸ ὥστε retulerit ad motum columbæ. Pridem autem Socinum ita sensisse, notum est. Addit Noster, clara fuisse verba Lucæ, si dixisset, σωματικῶς εἶναι ὥστε περισσεύειν, non autem ὥστε περισσεύειν. Et hoc e Sim. Episcopio sumptum. Nam & Hammondus ab illo multa est mutua-

mutuatus. Modum autem apparitionis & descensus a modo *καταβάσεως* difficulter distinguas. Nam si per se verum est, Sp. S. sub ipsa columbæ forma apparuisse, lis est finita, & recte ab Hammondo dissensit D. Olearius *d. l. p. 101.* De columba Fabiani Episcopi agit Eusebius *H. E. 6, 29. C. IV, 5 παραλαμβάνει. p. 22 recte monuit*) & ante illum iterum D. Olearius *p. 106,* ceu dictum est *Suppl. T. VIII Sect. 12 p. 521. C. V, 6 οἱ πεινῶντες nondum videre licuit.*) Monstratum hoc fuit ab eodem in exemplo Pauli, *1 Cor. IV, 10, 11, 12, 13,* ubi in Apostolo concurrunt, quæ prædicta erant omnia. Et pro *ἐνεκὲν ἐμῆ*, est hic, *διὰ χριστέν.* Hoc sensu, beati, qui flagrantissime desiderant justitiam, ac propter illam etiam famem & sitim libenter tolerant, ex mente Clementis Alexandrini. Nam etiam hi videntur persecutionem pati propter justitiam, quia lugent propter eandem, famemque ac sitim in persecutione sustinent, *1 Petr. III, 14.* De ellipsi *τῆ διὰ* dubius esse haud potuit Clemens, quando apud Demosthenem & Xenophontem præsto sunt exempla. *C. VI, 11 τὸν ἐπιέσιον.*) Panem *peculii* nostri, vel *peculiarem*, vertit doctissimus Autor *p. 47.* Peculium autem non est *ἐσία* simpliciter, sed *ἐτία δέλε*, ut tamen dominus eam adhuc possidere credatur; quia servus civiliter non possidet. Et contra paterfamilias non habet peculium; filius autem familias, etiam liberam peculii administrationem habens, plenam ubique non habet. *Bona nostra* sane vocantur *ἐσία* per omnia *Luc. XV, 12, 13,* perinde ut apud Ictos Græcos, *ταῦτα πάντα τῇ ἐσίᾳ προσέξενκται.* Hæc omnia bonis sunt comprehensa. Ælianus similiter, *λ, 17 & XIV, 32.* Hunc ergo panem, ceu præcipuam *ἐτίας* nostræ partem & ad sustentationem quotidie necessariam, *ἐπιέσιον* dignum erat appellari. *C. XII, 20 εἰς νίκος τὴν κρίσιν p. 90.)* Victoriæ ait posse considerari ceu iudicem, ad quem causa deferretur. Apud Plutarchum autem dicitur quidem, *ἐκβαλεῖν τὴν κρίσιν εἰς ἄλλεν ἄρχοντα*, non vero *εἰς νίκος.* Et apud Matthæum neque *ἄρχων* extat, neque *κριτής.* Accessit ergo Noster ad sententiam D. Olearii *p. 390,* etiam ubi illum non nominat. Is vero Iacobo Capello satisfecit præterea *f. 57, 58, 515. C. XVI, 18 καὶ τύλαι ἄδης p. 110.)* Comparatur *ἄδης* magnæ civitati; iterum verbis, uti puto, D. Olearii *p. 452. C. XVI, 28 ἐρχόμενον. p. 111.)*

Vertit

Vertit Noster, *abeuntem in regnum suum*, per ascensionem scilicet. Dudum id placuit Bezz. Sed æque commode intelligas de adventu ad excidium Judæorum & vindictam: quod contigit viventibus adhuc quibusdam, qui tunc adstabant. Marc. IX, 1, Luc. VIII, 27. Et neq; Matth. XIV, 12. XVIII, 31, XIX, 1, Marc. VI, 29, Luc. II, 44. Joh. VI, 17, Act. XXVIII, 14, *abeundi* significatio nobis injungitur. De profanis autem hic parum sumus solliciti. C. XX, 23, *ἐκ ἐστὶν ἐμὸν*. p. 118.) Fortissimum hinc fluit argumentum, eum qui sedet ad dextram Patris, esse Deum, & soli Christo sessionem hanc paratam esse a Patre. Apostolis enim non promittitur sessio in throno majestatis Christi, sed sessio super 12 thronos, ad formam judicii tribuum Israel. *Matth. IX, 28, Luc. XXII, 30. C. XXVI, 24 ὑπάγει* p. 152.) Christum hic, & *Marc. XIV, 21, Luc. XXII, 22* de morte instante loqui, inde patet, quod proditor Judas jam imminabat. Quia vero mors illa sublimior erat & simul reditus ad Patrem, eo modo utique occurrere istud vocabulum *ὑπάγω* apud profanos non potuit. Apud Theognidem v. 917 vitam aliquis degit mentem oblectans, quamdiu bona sua dilapidat: nunc autem misere mendicat. Qui sensus huc plane non pertinet. Nam verba illa, *prout de filio hominis scriptum est*, monstrant implementum instans omnium prophetiarum. Add. Marc. XIV, 41, 42. In sensu autem contrario hanc vocem occurrere *Matth. XIII, 44*, de inventore thesauri in agro, qui præ gaudio, quod habet super eo, *ὑπάγει*, abit, & omnia vendit, ut agrum illum mercetur, ac similiter XX, 4. 7, XXVII, 65, *Job. XI, 44, XV, 16*, nemo miretur. Marc. III, 21 *κατῆσαι αὐτὸν ἐξέστη*. p. 165.) Vertit Noster, *ad prebendum aut vi tenendum, ob impotentiam animi*. At enim unicus in his libris est locus, Act. VIII, 11, ubi *ἐξίστημι*, junctum *ταῖς μαγίαις*, deliquium tale, quod comprehensionem hominis postulet, indicat. Nam 2 Cor. V, 13 alienum esse, nemo non videt. Vires autem Christo per inedia & continuas turbæ ipsi incumbentis molestias tandem visas deficere, ita, ut propinqui exeundum sibi ad eum existimarent, non repugnat. Sic Saulus *λαβὼν τροφὴν ἐτίσχυσεν*, Act. IX, 19. Neque etiam *τὸ κατῆσαι* ubique manus violentæ injectionem involvit. De claudo illo, quem Apostoli sanaverant, quique ab eo tempore non discessit a Petro & Johanne, sed adhæsit illis, dicitur, *κατῆν*.



τοις τὸν Πέτρον καὶ Ἰωάννην. *Act. III, 11*. De eo, qui capiti ecclesiae,  
 Christo, non inhæret, similiter, & κρατῶν τὴν κεφαλὴν, *Coloss. II, 19*.  
 Tene omni cura studioque, quæ habes, ne amittantur, κραταί, ὃ ἔχεις. *Apoc. III, 11*. Ovem etiam, incidentem in foveam, apprehendimus, ut erigamus. *Matth. XII, 11*. Summo ergo jure Georg. Wolfg. Wedelius *Decad. 1 Exerc. 4* hunc Marci locum neque de delirio, neque de furore, sed solum de prætenſa ab adstantibus & putata animi passione intelligendum existimavit. (v. *Act. Er. 1705 p. 233*) multumque abiit a Sam. Basnagio, quem vide in *Act. 1706 p. 76*. Marc. VI, 5 καὶ ἐκ ἡδύνατο ἐκεῖ *p. 168*.) Noster, *id est*, noluit ibi miraculum ullum edere. Atqui Heinsius & Saubertus, quos laudat ipse, Hebraïsmum hic, tantopere alias nostro invisum, agnoverunt, & δύναται, pro & θέλει, Hesychius etiam, qui scriptores sacros Christianos ipse legerat, ignarus phraseos istius esse non potuit. Et Homerum, *Iliad. I v. 352*, populariter non potuit non intelligere Anna Daceria, Tom. 2 p. 98: *Agamemnon avec tous ces retranchements ne peut encore repousser l'homicide Hector. Tant que j'ay combattu à la teste des Grecs, jamais ce terrible Hector n'a osé tenter le combat loin de ses murailles; à peine osoit il sortir des portes Scées. - Presentement donc que j'ay resolu, de ne plus combattre contre le divin Hector &c.* Hic τὸ δύναται, ἐθέλεσκε, ἐκ ἐθέλω, constanter accepit significatione communi Daceria. Heliodorus itidem *Ltb. I: ὅτε ἐδυναίμην, ὅτε ἐβελόμην, nec poteram, nec volebam*: citante Nostro ipso *p. 188*. Obiter versio Theophrasti, *vice sua*, emendanda est, judicio Casauboni *p. 124* & Duporti *p. 447*. Marc. XI, 13 & γὰρ ἦν καιρὸς *p. 171*.) Non convenit, *inquit*, cum Christi sapientia, si plane non erat tempestas ficuum. Quia vero tempestas ficuum, respectu hujus saltem arboris, instabat, & folia præcoccem fructum promittere videbantur, potuisse Christum ad hanc ficum accedere; sed frustra accessisse, neque fructum invenisse. Ita vero claudicat hæc argumentatio de sapientia ejusdem. Dicendum videbitur igitur, Christum vidisse procul hunc ficum habentem folia, ac venisse, εἰ ἄρα εὐρήσει τὶ ἐν αὐτῇ, sed inde non sequi, eum per sapientiam suam ignorasse, quod nihil nisi folia inventurus esset. Sciebat enim, quod Marcus addit, ἐκ εἶναι καιρὸν σύκων. Sed

sciebat etiam jam tunc, quid facturum esset, *Job. VI, 6*, & quale specimen severissimi judicii sui ante mortem nunc instantem edere adhuc vellet adversus Judæos contemptores visitationis suæ, neque fructus ullos ferentes post tot exhibita beneficia miraculosa. Eodem spectant verba, *Matth. XXI, 41, 43*, & integrum c. 23. Ait igitur ficui, *ne posthac ex te in aeternum quisquam fructum edat*: & arefacta est continuo post istam execrationem. Omnipotentia ergo illius testabatur de omniscientia ejusdem antecedente. *Marc. XII, 4. p. 174.*) ἄλλον δ᾽ ἄλλον. Alterum hunc servum, *inquit*, saxi fustibusque percusserunt. Stante hac expositione gradatio trium Evangelistarum ita collocabitur. Primum servum εἰσεργάν, loris v. g. cælum remiserunt vacuum; apud *Matth. Marc. Lucam*. Alterum non cæsum tantum, sed & aliis contumeliis onustum remiserunt inanem; apud *Marcum, & imprimis Lucam*. Tertium vulneribus per saxa fustesque in caput inflictis, eiecerunt; juxta eosdem. Quartum occiderunt; juxta *Matthæum & Marcum*: multisque aliis fecerunt similiter. *Luc. II, 14* δόξα ἐν ὑψίστοις Θεῷ *p. 185.*) Consentit Noster cum Cl. Moshemio, *Obf. Lib. I c. 2 p. 105*, in hymno hoc duo esse membra, laudes Dei, & rationem illarum. Istas Deo decerni tam in terra quam in cælo, & duas hasce partes non esse separandas. Punctum tamen non figit cum Moshemio post ἐπὶ γῆς, sed post εἰρήνη. Hoc sensu: gloria Deo in excelsis, & pax (i. e. laus Deo & benedictio) in terra: respiciens simul ad *Luc. XIX, 38* εἰρήνη ἐν ἔθρῳ. Rationem exhibere verba postrema, ἐν ἀνθρώποις εὐδοκία, live plenius, ὅτι εὐδοκεῖ κύριος ἐν λαῷ αὐτοῦ, *Pf. CXLIX, 4*. Patet hic per se, homines in terra a laudibus Dei non excludi, etiam ubi non nominarentur diserte. Et εἰρήνη ἐν ἔθρῳ apud *Lucam*, eadem est pax hominum apud Deum per Christum, quæ hic vocatur pax hominum in terra. Angeli igitur Deo decernunt laudes, quod Filium miserunt, & hominibus gratulantur pacem illam cœlestem tunc partam διὰ εὐδοκίαν ἐν ἀνθρώποις, live cum Joach. Camerario, *εὐδον. x. casu tertio, p. 154*. Sic enim exprimitur iterum τὸ ὅτι, *Pf. CXI IX, 4*. Certe in libris novi fœderis homines benedicentes Deo non usurpant τὴν εἰρήνην; nam ipse solus dat pacem, *Act. X, 36*, *Rom. I, 1*, *Philip. IV, 7*. *Luc. II, 19* Μαριὰμ συμβάλλουσα, *p. 187.*) Συμβάλλου

λεν hic significare videtur Nostro, conjicere ex variis signis ac symbolis, vel indiciis aliquid colligere. Frequens id sane profanis: sacris his autem scriptoribus non omnino. Alia enim omnia deprehenduntur Luc. XIV, 31, Act. IV, 15, XVII, 18, XII, 27. Habebat Maria jam tunc evidentia testimonia divina, quæ superant omnem conjecturam, neque locum relinquunt incertitudini, cui per nova signa & indicia demum succurrendum fuisset. Sic Paulus ejusque comites, viso per noctem viro illo Macedone, non conjiciebant demum, sed plane convincebantur statim, quod Dominus eos in Macedoniam vocasset, Act. XVI, 10. Et Saulus, κηρύσσαν τὸν Χριστὸν, μᾶλλον ἐνεδυναμῆτο, συμβιάζων, fortissime constringens & convincens Judæos, Actor. IX, 22, sicut corporis membra compinguntur intime, nec amplius fluctuant. Eph. IV, 14, 16, Coloss. II, 2 & 19. Deseri ergo Piscator vester hic non debuit, quod Maria, trutinans quasi testimonia divina inter se, & cum hac nova narratione pastorum, confirmata sit in fide. Joh. I, 3 & δὲ ἐν, ὁ γέγονεν. p. 206.) Utique nova haud est distinctio, quæ Adriano Valesio placuisse hic dicitur: ceu post Bezan ostendit Jo. Crojus Observ. Sacr. c. 25 toto, recentius etiam Dan. Whitby, in addendis laudatus. Joh. I, 18 ἐξηγήσατο. p. 208.) Eruditam expositionem Henrici Valesii legis in edit. Lugd. Bat. 1682 p. 202, tum vero p. 277. Joh. IX, 23 ὅτι ἡλικίαν ἔχει. p. 215.) Illustrat hanc phrasin verbis Aristophanis de tantillo juvene, qui ætatem non habeat tecum dormiendi. Meliora affert Dodwellus de ἡλικίᾳ Irenæi ex Nazianzeno, ostenditque, jura Romanorum circa numerum annorum observasse etiam Judæos, ejusque rei vestigia in hoc ipso Johannis loco deprehendit, Diff. 3. ad Irenæum §. 8 p. 235. Joh. XVII, 3 τὸν μόνον ἀληθινὸν Θεόν. p. 216.) Ait Noster, τὸν ἀληθινόν opponi fictitio, quomodo Ælianus eqvum verum picto opponit, Lib. 2 c. 3. Sane neque iste Æliani locus, neque etiam Clementis Alexandrini, protrept. f. 25 Ed. Heinsf. ad convincendos Socinianos, ceu contendit Noster, sufficiet. Nam Clemens disputat ibi tantum adversus crassiora idola Gentilium ex materia mortua artificis manu formata, iisque opponit μόνον ὄντως Θεόν. In qua analysi Sociniani nondum acquiescent, sed urgebunt præterea exclusivam prædicati. Et invenient libro sexto Stromat.

f. 486, tum vero etiam Libro septimo f. 504 non pauca. Τελευταία δὴ καὶ ἀγνωτάτη καὶ κυριωτάτη ἡ οὐκ ἴσως φύσις, ἡ τῶ μόνῳ παντοκράτορι προσεχέσασθαι. ἅντη ἡ μεγίστη ὑπεραρχή, ἡ τὰ πάντα διατάσσεται κατὰ τὸ θέλημα τῆ πατρὸς. De reliquis agemus alias. Monendi autem adhuc Lectores, Hesychium totum jam pridem limam doctissimi Alberti fuisse expertum, ejusque rei nunc demum tot eum edidisse hic exempla, ut plane novam hujus Grammatici editionem vel omnino paratam, vel affectam certe habere ille videatur. Sæpissime enim, ubi nominat Hesychium, textum illius etiam, sed ὡς ἐν παρέδῳ ubique, emendat.

# TRAITE' THEOLOGIQUE &c.

hoc est,

**DE AUTORITATE ET INFALLIBILITA-  
te Paparum liber, Autore R. P. Domno MATTHÆO  
PETITDIDIER, Abbate Ordinis  
S. Benedicti.**

Luxemburgi, apud Andream Chevalier, 1724, 8.

Alph. 1 pl. 5½.

**N**Unquam magis errasse Romanum Pontificem, quam cum semet ipse professus est erroris expertem & infallibilem, cum statuatur etiam Catholicorum Theologorum pars haud ignobilis, ex præsentis libello cognoscere libet, quibus argumentis doctissimus Autor fidem facere conetur suæ sententiæ. Atque hoc eo jucundius fuerit, quod ipse fatetur, se quondam, gravitate Cleri Gallicani A. 1682 congregati consensuque Theologorum Academicæ Parisiensis permotum, adversariam tenuisse sententiam. Scilicet, ne nostram notitiam fugiat Autoris consilium, ipse in Præfatione nos docet, se ideo infallibilitatem Papæ omnibus Romanæ Ecclesiæ addictis persuadendam suscepisse, quod brevissima hæc via sit sopiendi ortas in Gallia de Constitutione *Unigeniti* controversias. *Primo* igitur *Capite* præjudiciorum tela in eos emittit, qui negant infallibilitatem Papæ. Initio considerari jubet, hanc sententiam natam demum esse sæculo decimo quinto, cum antea ne unus quidem in tota Ecclesia statuerit, Pa-  
pam



pam definientem aliquid ad Fidem pertinens errori obnoxium esse. Atque hujus rei testes producit ipsum Gersonium atque Majorem. Deinde urget, ante Constantiense Concilium omnes Theologos, etiam Parisienses, omnes Canonistas, omnes Episcopos statuisse infallibilitatem Papæ. Tertio contendit, cum schismatici Græci infallibile Papæ judicium non agnoscerent, omnes Latinæ Ecclesiæ doctores illam infallibilitatem Papæ defendisse, & quidem consensu perfectissimo. Quarto ostendit, inde ab ortu Ecclesiæ usque ad hodierna tempora universas sententias, quibus Papa aliquid in Fide definiit, receptas ab omnibus fuisse sine ulla contradictione vel dubitatione. Quinto denique magni momenti esse ait, quod ea sententia, quæ Papam subjicit Concilio, nec infallibilitatem ei tribuit, falsissima habeatur in toto orbe Christiano, una excepta Gallia. Hisce præmissis, *Cap. II* infallibilitatem Papæ probatum ite sacro codice, & quidem e tribus illis dictis: *Tu es Petrus*, &c. *Oravi pro te*, &c. *Pasce oves meas*. Eadem hæc dicta paucis vindicare studet contra Gallicorum quorundam Theologorum exceptiones. *Cap. III* producit sententiam primitivæ Ecclesiæ de autoritate Papæ in definiendis articulis Fidei. Ostendit igitur, in electione Matthiæ Apostoli valuisse sententiam Petri; eundem die Pentecostes solum allocutum fuisse Judæos, solum sanasse claudos templo assidentes, solum patrasse miracula, solum gubernasse Ecclesiam Judaicam, solum jussu fuisse Evangelium tradere ethnicis, solum denique in Concilio Hierosolymitano pronuntiasse sententiam definitivam. Hinc sequi putat Autor, Petrum habitum fuisse pro capite Ecclesiæ. Addit, eodem primo sæculo Papam Clementem sopiisse turbas Corinthi obortas; secundo sæculo Victorem suo exemplo ostendisse, Papam habere jus definiendi & dissentientes excommunicandi; tertio sæculo Cornelium Papam asseruisse autoritatem suam contra Novatianos, itemque Stephanum in doctrina de rebaptizandis hæreticis, aliisque in casibus. *Cap. IV* docet, idem fecisse Papas sæculi IV & V, maxime Innocentium I, & ejus successores, eosque regnum sibi in universam Ecclesiam arrogasse clarissimis verbis. *Cap. V* exhibet sententiam Græcorum Ecclesiæ

Patrum quinque priorum sæculorum, Irenæi, Origenis, Basilii, Cyrilli Hierosolymitani, Gregorii Nazianzeni, Chrysostomi, aliorumque. Ubi tamen doctissimo Autori nostro sufficit, si modo quis Petrum vocavit *principem Apostolorum*. Eodem modo *Cap. VI* exhibentur testimonia Patrum Latinorum, qui per quinque illa sæcula vixerunt. Ubi tamen perinultum negotii ei fa-cessit S. Cyprianus, qui Episcopo Romano fortiter contradixit, itemque S. Augustinus, qui aliquot locis Cypriano videtur suffragari & auctoritatem Papæ imminuere. *Cap. VII* profert ipsorum Paparum de suis privilegiis testimonia, quæ quidem non minus valere judicat, quam Principum testimonia de suis juribus. *Cap. VIII* recitat sententiam Conciliorum de auctoritate Papæ, initio facto a Concilio Sardicensi. Simul demonstrat, quomodo se gesserint Papæ erga Concilia, quantumque sibi sumserint auctoritatis. *Cap. IX* adducit sententias scriptorum ecclesiasticorum, post quintum sæculum usque ad schisma Græcorum viventium, de auctoritate & infallibilitate Papæ. *Cap. X* discutit controversiam, quæ Latinis intercessit cum Græca Ecclesia de Papæ auctoritate. Hic prius ostendit, Græcos agnoscere quidem primatum Papæ, eumque habere pro capite Ecclesiæ, at negare imperium Papæ absolutum & infallibilitatem. Deinde docet, utrumque olim Papæ contra Græcos assertum atq; vindicatum fuisse a Theologis Galliarum. *Cap. XI* Latinorum Theologorum exhibet sententiam de Papæ infallibili judicio, inde a nono sæculo usque ad tempora Scholasticorum, & *Cap. XII* de hac re Scholasticorum exponit sententiam usque ad Concilium Constantiense. Hic fortasse optaverint pii lectores, ut Autor ostendisset, sententias horum Theologorum fuisse liberas, nec aut spe præmii aut metu pœnæ gravissimæ expressas. Nam nec Launorum credimus tam fortiter oppugnaturum fuisse infallibilitatem Papæ, si capiti ipsius imminuisset gladius imperii Papalis. Quinimo veremur etiam quodammodo, ne ipse Autor sententiam suam sit mutaturus, & ad pristinam reverurus, nisi quantocyus Roma justum ipsi præmium hujus patrocinii decreverit. *Cap. XIII* ostendit, (1) omnes superioribus in Capitibus adductos infallibilitatem Papæ probasse ex tribus illis dictis Christi, quæ supra jam adduximus: *Tu es Pe-*

trus

trus, &c. (2) Launoium, infallibilitatis oppugnatorem acerri-  
 mum, reticuisse magnam partem eorum testimoniorum, quæ  
 Noster attulerit de suprema potestate Papæ; (3) si hodie habere-  
 tur Concilium ad decidendam istam de infallibilitate Papæ con-  
 troversiam, omnino victurum esse & triumphaturum Papam  
 multitudine sententiarum, cum præter Gallorum Theologos  
 nonnullos totus orbis Christianus statuatur infallibilitatem Papæ.  
 Sed vix credimus, Papam huic periculo expositurum esse suam  
 infallibilitatem, probe scilicet recordantem, vix multis artibus  
 impediri potuisse in Concilio Tridentino, quo minus Papæ eri-  
 peretur infallibilitatis privilegium. *Cap. XIV* examini suo subjicit  
 Autor decisionem a Clero Gallicano factam A. 1682. Dicit, eam  
 esse novitatis ream, cum antea Galliæ Clerus in contraria fuerit  
 sententia. Atque hac occasione rursus pluribus docet, ad suppri-  
 mendas hæreses & stabilienda dogmata recepta non esse certio-  
 rem viam, quam monarchiam Papæ infallibilitatis privilegio  
 ornati. *Cap. XV* respondet ad objectiones contra infallibilitatem  
 Papæ proferri solitas. Liceat vero nobis hæc præterveli, ne ni-  
 nium longa videatur hujus libri recensio. *Cap. XVI* eodemque  
 ultimo probat, Concilia generalia suam auctoritatem habere a  
 confirmatione Paparum. Id vero cum non probare aggredjatur  
 de omnibus Conciliis generalibus, sed tantum de secundo,  
 quinto, & septimo, non videtur titulo hujus Capituli fecisse  
 satis. Nos arbitramur, toto hoc labore supersedere potuisse  
 doctissimum Autorem, modo docuisset, Christum, vel Petrum,  
 vel Paulum dixisse, Episcopum Romanum esse debere Regem  
 Ecclesiæ, ejusque sententiam probari oportere a toto orbe  
 Christiano. At ipse suo probavit silentio, altum ea de re esse  
 in sacro codice silentium. Non igitur mirabitur, si cordatio-  
 res ipsius sententiam vel ob id ipsum erroris suspectam habeant,  
 quod ea tam longa & artificiosa probatione egeat, cum non  
 possit dubitari, si infallibilitas Episcopi Romani esset articulus  
 dei, eam Christum & Apostolos fuisse disciplinæ suæ alumni-  
 bus bona fide tradituros.

ΟΤΡΕΣΙΦΟΙΤΗΣ *HELVETICUS*, SIVE  
*Itinera per Helvetiæ Alpinas regiones facta annis 1702,*  
*1703, 1704, 1705, 1706, 1707, 1709, 1710, 1711, a JOH.*  
*JAC. SCHEUCHZERO, Tigurino, Med.*  
*& Math. Professore.*

Lugduni Bat. apud Petrum vander Aa, 1723, 4.

Alph. 3 pl. 14 Tabb. æn. maj. & med. 130.

p. 186.

p. 233.

**Q**uanta sit Celeb. Autoris in indaganda Patriæ Historia naturali curiositas, præter tot ejus alia scripta, hæc imprimis Itinera singulis annis inde ab A. 1702 ad 1711 (si unicum annum 1708 excipias) in varias Helvetiæ partes, superatis omnibus molestiis, suscepta & eleganti cultu typis prodita docere abunde possunt. Ex his priora tria Londini 1708 prodire, a nobis Anno sequenti M. Februario p. 77 recensita, quibus cum, præter tabulas aliquot æneas, nihil magnopere notatu dignum nunc accesserit, non est, ut de his denuo agamus. Accessere vero splendidissimæ huic editioni Itinera quinque, quæ nunc paucis percensere operæ pretium fuerit. In Itinere quarto A. 1705 suscepto memoratu dignum observatur, quod dives rupicaprarum est mons *Kammerstock*, quæ tamen ægagropilis destituuntur, quas ubertim gignunt Limmerenses capræ; cujus rei causam allegat hanc Autor, quod in certis alpibus, iis speciatim, quæ Soli sunt expositæ, crecant plantæ, quarum radices fibrosæ, vix in stomacho digestionis obnoxie sunt, aromaticæ tamen, & ægagropilis generandis aptæ, non item in aliis, quæ a Sole raro illustrantur. Elatus in altissimum Europæ *Gottbardi montis* jugum, ad crysalli proprium ac natalem locum Noster consistit, ad naturam ejus explicandam, ut specimen simul exhibeat operis integri mineralogici. Ipsius vero sententia, crysallus est gemma mollior, ut gemma quævis crysallus durior est, & sicut reliquæ gignuntur gemmæ, quando materia rigida in fluido natans subsidit, & in massam cogitur duram, quæ formæ & indoli respondet materiæ, ex qua coacta est, ita etiam fieri putat crysalli formationem & concretionem, eorum rejecta sententia, qui Plinium interpretati, crysall-



crystallum glaciem esse credunt; quanquam non adeo absurdum videri potest, ex materia, quæ glaciem constituit, maxime rigida, aqua exacta, crystallum cogi gelu vehementia, ut quasi glacies sicca dici mereatur. Fluviorum, Ursæ, Ticini atque Rhodani, nota sunt nomina, quæ scaturigines suas Gotthardo uni omnes monti debent, a Scheuchzero diligentius investigatas & æri eleganter & accurate incisas. Iter *quintum* adiit anno MDCCVI. Integra in eo exstat draconum & draconitarum historia, ubi plurima videas naturæ prodigia, pleraque etiam ipsi Cl. Autori suspecta, qui horum nihil ipse offendens, fidem dictis non temere adhibendam, suo exemplo docet, cum ita comparata sint, ut attonitorum magis affectum prodant, quam verisimile quid fiant. Cum de periodicis fontibus passim Autor tradat, imprimis miratur Engstlanum fontem temporarium, qui periodum habet duplicem, annuam alteram, alteram diurnam; tribus enim mensibus fluit, a medio Maji ad Augusti medium, neque flumine ruit continuo, sed interrupto sæpius, mane tamen & vesperi exundat, tanta sæpe vi, ut molam agat; aqua, pecori jucunda, imprimis est frigida, limpida; si quid inmundum mergitur, subsistit, cujus phænomeni rationem doctissimi Johan. Jac. Hermanni, tunc Basileensis Mathematici, verbis hanc reddit, quod cisternam subterraneam, in quam nives liquatæ confluunt, natura aliquo veluti siphone intus muniverit, cujus crus intra receptaculum brevius existat; id vero extra idem longius, per quod aqua, cisterna repleta, defluat, & per fontem erumpat, qua exhausta fluxus sistantur per tempus, quo iterum confluat, ut vices absolvat suas. Ipsi Autori rem intueri non licuit, nec falsa veris admixta esse, dissimulat. In itinere *sexto*, quod anno MDCCVII confectum est, thermæ fabariæ occurrunt, quibus ad depellendam dextri lateris hemicraniam, ipse peregrinator Medicus usus est, & monentur quædam ad eas pertinentia p. 433. Inde Rheni fluminis origo exhibetur, in varios flexus ope magnetis inquiritur, & delineatus in ære integer proponitur p. 436. In Itinere *septimo* anni MDCCIX montium glacialium Grindelianorum teter adspectus sistitur. Et quoniam non semel thermarum in Helvetia scaturientium mentio facta fuit, thermarum origo generatim retegitur. Res eo

p. 265.

405.

482.

486.

Rr

redit,

redit, quod Autor postulet, thermas, si non omnes, saltem nobiliores ad præaltorum montium radices infimas, vel voragines, collocari, ubi terra inter eminentes partes, subtracto laqueari intermedio, subsedit, ita ut exiguae remanserint, vel nullae cavitates, omniaque interstitia exacte fuerint a collapsa utrinque terra oppleta, per quorum angustias aqua pressa ab æstu subterraneo igne coacta, evadere nusquam potest; unde calorem contrahit. Et cum ad fontem Rhodani ventum est, ejus delineatio facta est, p. 487. Nec antiquæ eruditæ tabulæ neglectæ sunt Viro docto, sed quæ Seduni, Martiniaci, Agauni & alibi conspectæ sunt inscriptiones veteres, p. 488 seqq. descriptæ repetuntur & explicantur. Itinere *octavo*, MDCCX inito, id imprimis Autori propositum est, ut Toggici Comitatus situm delineet, & experimenta barometrica pro inquirenda varii aeris elasticitate diversa, quod ab Illustr. Bignonio, & Cl. Maraldo ante factum fuit, instituens, naturæ hujus patriæ terræ partis arcana exponat. Cespes bituminosus ad ripam Tigurini lacus fossus describitur p. 526, & in Ufnaugiæ insula mortuus dicitur Huldricus Huttenus anno 1523, cujus epitaphium legitur p. 528, ubi & imago æri incisa; Raperswilensium civitatis forma ad eandem paginam exhibetur, & brevis fortunæ enarratio; hinc plenior sequitur Glaronensis Cantonis & alpium ejus descriptio; quæ verop. 546 de S. Galli Fani bibliothecis adducuntur, pauca sunt. Inde Toggii hac nostra ætate celebris accurata historia sequitur p. 551, in quo Comitatu pagus est Wildenhaus, Huldrico Zwinglio civis nobilis, p. 555, & quanquam montosa hæc regio est, & rupibus horrida, inferior tamen pars agro ferendo, & superior pascendo pecori est idonea, ut adeo incolæ sibi sufficiant. Et cum bellum hic exarserit inter Cantones Tigurinum & Bernensem ab altera parte, & altera Sancti Galli Abbatem, pacis instrumentum, quod anno MDCCVIII Badæ conditum est, integrum legitur p. 563. Nonum iter anno MDCCXI suscepit indefessus patriæ & scientiæ studio Scheuchzerus, quo Bernæ civitatis historia fere absolvitur. Quotquot sunt itinerum horum periodi, tot esse industriæ Autoris & doctrinæ testimonia, cuilibet emunctæ naris lectori ita se proder, ut nullo nostro præconio indigeat: id modo præter allata repetendum

tendum, summa cura actum esse, ut Mercurii in barometro motu locorum & montium dignoscantur altitudines, aerisque vices variæ. Botanices studiosis plures alpinæ plantæ sese offerent, singulis quippe itineribus subjuncta earum recensione, quæ vel hæcenus ignotæ sunt, vel minus accurate depictæ. Ad finem autem itinerum adjecta sunt Acarnania, sive plenior recens corum, quæ Acarnan, qui Joh. Jac. Scheuchzerus est, vel typis edidit, vel affecta servat, quæ historiæ naturalis bibliothecæ insignem partem poterunt conficere; ex quo vero licebit cognoscere, evitare non potuisse Virum doctum, patriæ rerum amore captum, quin, quæ uno loco prodiderat, etiam in alium transferre cogeretur.

*JACOBI JURINI, REGIÆ SCIENTIARUM  
Londinensi Societati a secretis, Dissertationis de motu  
aquarum fluentium contra nonnullas PETRI ANTONII  
MICHELOTTI animadversiones Defensio. Accedit ejusdem  
MICHELOTTI ad Illustriss. Virum ANTONIUM DE  
COMITIBUS, Patritium Venetum, Epistola, in quâ  
illi ipsi Jurinianæ Defensioni respondetur.*

Venetiis, typis Pinellorum Fratrum, 1724, 4.

Plag. 5.

**C**L. *Michelottus* in Dissertatione de Separatione fluidorum in corpore animali, de qua diximus in Actis A. 1721 p. 493, defenderat theorema *Bernoullianum* de velocitate aquæ per foramen effluentis, cujus demonstratio publici juris facta est a Cl. *Hermann*o in Actis A. 1716 p. 131. Contraria & cum tradidisset Cl. *Jurinus*, placita *Newtoniana* probans, in Dissertatione de motu aquarum fluentium, quæ legitur in Transactionibus Anglicanis Num. 355, eadem refellenda esse existimaverat. *Jurinus* itaque Dissertationis suæ adversus *Michelottum* edidit in iisdem Transactionibus defensionem, quam cum sua ad eandem responsione Venetiis recudi curavit *Michelottus*. Ad duo autem capita omnis defensio redit. Primo nimirum monet *Jurinus*, mentem suam a *Michelotta* non fuisse perspectam. Etenim se non tractare de

celeritate aquæ per foramen vasis effluentis, quam determinat theorema *Bernoullianum*, sed de motu totius aquæ seu cataractæ aqueæ, quæ intra vas versus foramen descendit & mox effluxum est: quem hactenus nemo adhuc Mathematicorum determinavit. Esse autem hos motus omnino diversos, cum prior sit in ratione composita ex ratione quantitatis aquæ dato quovis tempore effluentis ex foramine & ratione velocitatis, quacum effluit, posterior autem in ratione summæ omnium factorum ex singulis aquæ particulis cataractam constituentibus ductis in velocitates earundem respectivas. Deinde secundo fundamentum demonstrationis *Bernoullianæ* rejicit, quod ponit guttulam liquoris infinam & foramini vasis immediate incumbentem premi vel animari a gravitate quâdam acceleratrice, quæ se habet ad gravitatem naturalem, ut altitudo aquæ vel liquoris totius foramini vasis incumbentis ad altitudinem guttulæ, seu ut pondus absolutum columnæ aquæ foramini insistentis ad pondus absolutum guttulæ. Putat enim, aquam foramini proximam, nonnisi eodem clauso sustinere hanc pressionem, minime autem aperto: in casu nimirum posteriori eam non urgeri nisi gravitate sua naturali, cum non amplius columna aquea incumbens in descensu ab ista impediatur. Evidens hoc esse existimat, si omnis aqua columnam illam ambiens congelari ponatur & columna aquea per politissimam glaciem sine omni resistantia labi concipiatur. Ad hæc Cl. *Michelottus* respondet: *Jurinum* si non ex industria, casu minimum tangere demonstrationem *Bernoullianam*, cum in Dissertatione sua disertis verbis redarguat illos, qui motum aquæ per foramen pressione columnæ incumbentis generari contendunt. Immo citat tum ipsius, tum *Newtoni*, verba, quem sequitur, in quibus diserta velocitatis aquæ per foramen effluentis fit mentio. Sed missis istis, quæ levioris sunt momenti, in fundamento præsertim demonstrationis *Bernoullianæ* vindicando & stabiliendo operam suam collocat. Monstrat itaque, perperam *Jurinum*, duos casus diversos confundentem, ponere, quod aqua omnis in vase glaciatur columna foramini ad perpendicularum incumbente excepta, propterea quod guttulæ motus generetur a pressione laterali aquæ verticali prorsus æquali & descensui columnæ  
verti-



verticalis resistente. Demonstrat igitur assumptum *Bernoullianum* hoc modo: "Sit, inquit, ABCD vas aqua ad summum usque" orificium repletum, cujus in fundo BC sit foramen O, quod" primo obturatum pono: ei certe insistit gutta aquæ proxima," quam licet considerare tanquam columellam solidam OE, cujus" basis superior E urgetur quidem a pondere totius columnæ" superincumbentis EF, sed ejus quoque latera, uti ex Hydro-" statices legibus & natura fluiditatis constat, comprimuntur a" laterum columnis, quales sunt EH, EG, quæ continenter partes" superiores ab inferioribus separare nituntur. Concipiamus" nunc, obturamento remoto referari subito foramen O: scis, quid" eveniet? Incipiet columella OE primo instanti descendere sola" vi suæ naturalis gravitatis, quam conaretur quidem sequi" columna incumbens EF, nisi hanc descendere conantem prohi-" berent columnæ æque & contra ponderantes EH, EG. Quam-" obrem aquæ columellæ OE tanquam solidæ spectatæ a superin-" cumbente columna EF divulsio exoriri debet, ac propterea" minimo facto hiatus Ee, laterum columnæ EH, EG eodem" temporis momento apices infimos cuneorum ad instar in inter-" stitulum Ee defigunt. Jam vero ex æqualitate virium, quæ, uti" ex Mechanicis patet, utrinque partibus a cuneo divellendis in-" feruntur, sequitur, tanta vi massam totius columnæ eF sursum" impelli, quanta columella OE deorsum impingitur: vis prior" sustinet columnam eF in æquilibrio, atque ob id est æqualis" ejus ponderi =  $M.g$  (intelligo per M columnæ eF massam &" per g gravitatem naturalem, qua corpora gravia accelerantur" in motibus suis) vis altera, qua columella OE deorsum propel-" litur, est  $m.G$ : intelligo hic pariter per m columellæ OE mas-" sulam, & per G gravitatem novam acceleratricem ex ista cunei" pressione oriundam, qua quantitas materiæ, quam columella" OE obtinet, animari debet. Quoniam igitur istæ duæ vires" sunt æquales inter se, utpote ab eadem cunei actione profectæ," erit  $M.g = m.G$  ac proinde  $g : G = m : M$ . Est vero m ad M ut" altitudo columellæ OE ad altitudinem columnæ eF, hoc est" (ob infinite parvam OE vel Oe) ad totam aquæ altitudinem" OF. Quare patet veritas ejus, quod in sua *Jo. Bernoullius de-*"

„monstratione asseruit: guttulam nimirum infimam foramini  
 „insistentem in descensu suo animari a gravitate acceleratrice,  
 „quæ se habet ad gravitatem naturalem reciproce ut tota aquæ  
 „altitudo OF ad altitudinem minimam columellæ OE.

**DEMONSTRATIO CONSTRUCTIONIS EDITÆ**  
*in Actis Lips. 1724 M. Jul. pro describenda Trajectoria*  
*reciproca, quæ inter omnes algebraicas possibiles sit*  
*simplicissima; Autore JOH.*  
**BERNOULLI.**

**C**onstructionem, de qua hic agitur, anagrammati involutam  
 dedi exeunte anno 1722 in litteris privatis Anonymo Anglo  
 eam a me exigenti. Anagramma ipsum brevi post comparuit in  
 Actis Lips. 1723 M. Febr. ejusdemque Evolutio in iisdem Actis  
 1724 M. Jul. ubi Demonstrationem Constructionis in peculiari  
 Schediafmate me communicaturum promisi; animus nunc est  
 datam liberare fidem.

**TAB. III.**  
**Fig. 5.**

Sit in hac adjecta Figura super recta AL, Parabola cubica-  
 lis secunda semirectangula ABQ, cujus nempe abscissarum AO,  
 AF, AL &c. quadrata sint ut cubi applicatarum OM, FB, LC &c.  
 cum abscissis angulos semirectos constituentium. Ducta per  
 verticem Parabolæ A recta AT perpendiculari ad applicatas: vo-  
 cetur parameter 27a; sumaturque in AT pars AE = 2a; per  
 punctum E transiens applicata FB prolongetur ad P, ita ut BP sit  
 = BE: per B & P agantur RS & PQ parallelæ ipsi AT, quarum  
 PQ occurrat Parabolæ in Q. Dico Parabolam hanc circa RS cor-  
 versam, ut in situm priori contrarium veniat, se ipsam intra pa-  
 rallelas AT, PQ ultro citroque motam ad angulos rectos secare

*Demonstr.* Accepta qualibet AG majori quam AE, quæ  
 vocetur  $(a+x)^3: \frac{1}{2}aa$ , aliaque AH minori quam AE, quæ dica-  
 tur  $(a-x)^3: \frac{1}{2}aa$ , erunt ex Natura hujus Parabolæ (ob AL =  
 AG<sup>2</sup> 2, & AO = AH<sup>2</sup> 2) LC<sup>3</sup> = 2 AG<sup>2</sup> x 27a = AG<sup>2</sup> x 54a,  
 & OM<sup>3</sup> = 2 AH<sup>2</sup> x 27a = AH<sup>2</sup> x 54a; adeoque LC =  

$$\left( \frac{(a+x)^6}{\frac{1}{2}a^2} \times 54a \right)^{\frac{1}{3}} = \left( \frac{(a+x)^6}{a^2} + 216 \right)^{\frac{1}{3}} = \frac{(a+x)^2}{a} \times 6 =$$

$$\frac{6aa+12ax+6xx}{a}, \text{ \& ob eandem rationem } OM = \frac{6aa-12ax+6xx}{a}$$

subductis GL & HO quæ sunt æquales ipsis AG & AH, remane-

$$\text{bunt } GC = \frac{4a^3+6aax-2x^3}{aa} \text{ \& } HM = \frac{4a^3-6aax+2x^3}{aa};$$

Si jam porro subtrahatur EB, quæ est =  $4a$ , ex GC, item HM ex EB, restabunt (ductis CD & MN parallelis ipsi AT) BD & BN

$$\text{quarum utraque æqualis erit } \frac{6aax-2x^3}{aa}; \text{ adeoque ipsæ BD}$$

& BN inter se æquales. Dematur nunc AE seu  $2a$  ex AG seu

$$\frac{2a^3+6aax+6aax+2x^3}{aa}, \text{ ut \& AH seu } \frac{2a^3-6aax+6aax-2x^3}{aa}$$

$$\text{ex AE seu } 2a, \text{ ut habeantur EG vel DC} = \frac{6aax+6aax+2x^3}{aa},$$

$$\text{\& EH vel NM} = \frac{6aax-6aax+2x^3}{aa}. \text{ Differentientur nunc}$$

BD vel BN, nec non EG & EH, ut prodeant Dd vel Nu, hoc est,

$$\text{Cb vel Me} = \frac{6aadx-6xxdx}{aa}, \text{ atque bc} = \frac{6aadx+12axdx+6xxdx}{aa}$$

$$\text{\& em} = \frac{6aadx-12axdx+6xxdx}{aa}. \text{ Est autem } \frac{6aadx-6xxdx}{aa}$$

$$\text{medium proportionale inter } \frac{6aadx+12axdx+6xxdx}{aa} \text{ \&}$$

$$\frac{6aadx-12axdx+6xxdx}{aa}, \text{ nam liquet esse } aa+2ax+xx.$$

$$aa-xx::a+x.a-x, \text{ sicut etiam } aa-xx.a-2ax+xx::$$

$$a+x.a-x. \text{ Hinc Cb \& Me seu } \square \text{Cb} = bc \times em, \text{ id quod est}$$

proprietas requisita pro trajectoriis reciprocis, ceu docui in Actis

1722 p. 398 §. 3. Ex quo sequitur, Parabolam cubicalem secun-

dum semirectangulam ABQ eandemque circa RS transpositam

in situm inversum atque intra parallelas AT, PQ hinc inde mo-

tam semet ipsam ad angulos rectos constanter secare. Q. E. D.

*Coroll. I.* Suntis tam BD quam BN =  $4a$  = BE; abeuntibus

nimirum DC in PQ, & NM in EA: erit in puncto A angulus M

me rectus, ideoque ejus complementum Ccb evanescit in puncto Q; hoc est, ultima applicatarum DC quæ est PQ tangit curvam in puncto Q. Id quod ex eo quoque patet, quia si BD

$$\left( \frac{6aax - 2x^3}{aa} \right) \text{ ponatur } = \text{Maximo}, \text{ prodit } x = a, \text{ quo valore}$$

$$\text{substituto, habetur } \frac{6aax - 2x^3}{aa} = 4a = BE = BP.$$

*Coroll.. 2.* Si jam pariter in expressione ipsius EG vel DC quæ est  $\frac{6aax + 6axx + 2x^3}{aa}$  scribatur  $a$  pro  $x$ , habebitur ET vel

$$PQ = 14a, \text{ ipsaque EH vel NM } \left( \frac{6aax - 6axx + 2x^3}{aa} \right) \text{ abit in}$$

ipsam  $Ea = 2a$ . Unde tota basis AT =  $16a$ , maximaque curvæ altitudo TQ = EP =  $8a$ , ita ut AT sit dupla ipsius TQ.

*Scholium.* Geometris notum est, Parabolam cubicalem secundam constare duobus ramis seu cruribus se invicem tangentibus in vertice qui proin est *punctum reversionis*. Hinc nostra ABQ quæ est semirectangula, habebit alterum ramum AX sesquirectangulum, cujus scilicet applicatæ YX cum abscissis AY angulum constituunt obtusum AYX sesquirecto æqualem. Notetur autem, nonnisi arcum ABQ ex duobus contiguïs BA, BQ conflatum in strictissimo problematis sensu satisfacere quæsito, utpote qui solus in situ inverso se ipsum ad angulos rectos decussat; continuata enim parabola versus V, attendenti patebit neque arcum QV, neque ramum AX ea proprietate gaudere, ut uterque se ipsum in situ inverso orthogonaliter trajiciat, sed id tantum evenire, ut alter alterum, hoc est, arcus AX inversus arcum QV, vel QV inversus ipsum AX in recto secet angulo. Ob hanc rationem dixi, Parabolam cubicalem semirectangulam tantum respondere conditioni præscriptæ, excluso ramo altero AX sesquirectangulo, immo quoque excluso arcu QV ultra Q quantumvis protenso. Quod si jam applicatæ singulæ LC, FB, OM &c. inflectantur circa puncta G, E, H, &c. ita tamen ut omnes inter se maneant parallelæ, puncta C, B, M, &c. erunt ad aliam parabolam cubicalem secundam ABQ semper quidem acutangulam quia



quia angulus ALG ad basin trianguli isoscelis AGL necessario est acutus. Inserviet vero tunc parabola ABQ pro quolibet intersectionis angulo obliquo, quippe qui constanter æqualis erit inflexionis angulo AGL ad arbitrium facto vel obtuso vel acuto; sicuti demonstravi in Actis 1722 p. 405.

*Analysis ad Constructionem præcedentem ducens.*

Dedi in Actis memoratis 1722 tres generalissimos solvendi modos, quibus inveniuntur Trajectoriæ reciproæ infinitorum generum cum algebraicæ tum transcendentes, atque hæ sive per quadraturas sive per rectificationes curvarum algebraicarum construendæ. Duo priores illorum modorum dextre adhibiti subministrant inventionem simplicissimæ quam construxi ac demonstravi algebraicæ Trajectoriæ reciproæ; id qua arte obtineatur per ambos illos modos, nunc quidem docebo.

*Modus I.* Ad primum quod attinet, consistit ille in condendis formulis, quarum quædam exempla concinnavi p. 398 & 399, quarumque naturam & fabricam ibidem exposui; positis nimirum  $x$  &  $y$  pro coordinatis curvæ quæsitæ, assumtisque ipsius  $x$  duabus quibuscunque functionibus A & B, ejus indolis ut mutatis signis potestatum imparium ipsius  $x$ , functiones ipsæ in se invicem convertantur, hoc est, ut A mutetur in B atque B

in A, ostendi æquationem  $dy = \frac{A}{B} dx$  determinare aliquam ex curvis optatis. Cum vero difficile sit, ut ibidem jam monui p. 400, eas ex ejusmodi functionibus A & B eligere, quæ inde emergentem

formulam  $\frac{A}{B} dx$  reddant integrabilem, manifestum est curvam

hac ratione determinatam plerumque, si non semper, evadere transcendente. Quamobrem lubet hic indicare, quo pacto fieri possit, ut assumpta tertia quadam functione G, æquatio oriatur integrabilis, exhibens proin curvam algebraicam.

Sit itaque G functio ipsius  $x$ , sed talis, ut contineat tantum potestates pares ejusdem; dico, si pro elementis coordinatarum

sumantur  $G dx$  &  $\frac{AxG}{B} dx$ , fore curvam quæ hinc nascitur,

etiamnum ex desideratis unam, quod sic paucis demonstro:  
Quia enim mutato  $x$  affirmativo in negativum & vicissim muta-

bitur  $\frac{A}{B}$  in  $\frac{B}{A}$ , ipsum vero  $G$  non mutabitur, quoniam non nisi  
dimensiones pares continet ex assumptione; unde captis (vid.  
Fig. I p. 397) utrinque in partes oppositas abscissis  $OL$  &  $OM =$

$$\int G dx, \text{ applicata } LB = \int \frac{A \times G}{B} dx; \text{ erit altera applicata } MD = \int \frac{B \times G}{A} dx. \text{ Est autem } \frac{A \times G}{B} dx \times \frac{B \times G}{A} dx = G \times G dx^2, \text{ hoc est,}$$

$e B \times n d = \square L l$ . Curva igitur  $ADBC$ , per ea quæ a me demon-  
strata sunt p. 398 §§. 2 & 3 satisfacit problemati. Q. E. D.

Hinc ut curva  $ADBC$  fiat algebraica, nihil aliud faciendum,  
quam ut assumatur  $G$  talis, quæ producat integrabiles tam  $G dx$

quam  $\frac{A \times G}{B} dx$ ; id quod assumta fractione  $\frac{A}{B}$  rationali infinitis

modis exequi licet. En hunc facillimum: Pone  $G = A \times B$ , habe-  
bit utique  $G$  conditionem suppositam, si nempe  $A$  &  $B$  suas habue-  
rint, quemadmodum attendenti sponte liquet; prodibit inde

$$G dx = A \times B \times dx, \text{ \& } \frac{A \times G}{B} dx = A \times A \times dx, \text{ utrumque sane}$$

integrabile ob  $A$  &  $B$  functiones rationales & integras. Quare si  
abscissa  $OL$  fiat  $x$  qualis  $\int A \times B \times dx$ , & applicata  $LB = \int A \times A \times dx$ ,  
resultabit curva  $ABC$  algebraica quæsito respondens. Nota, per  $x$   
&  $-x$  intelligi quamlibet partem indeterminatam ab  $O$  versus  $H$ ,  
eandemque ab  $O$  versus  $G$  capiendam, ex qua formentur func-  
tiones  $A$  &  $B$ , atque ex his coordinatæ  $OL$ ,  $LB$  vel  $OM$ ,  $MD$ .

His ita præmissis, si investigare jam lubeat, quænam ex  
omnibus istis algebraicis sit simplicissima & cujus sit naturæ vel  
quam habeat æquationem coordinatis convenientem: eligatur  
ex formulis, quarum fabricam in Actis loco præmemorato  
docuimus, ea, quæ omnium est simplicissima, vel qua simplicior  
dari non potest; hæc autem, ceu patet, est ipsissima illa, quæ

$$\text{pag. 398 primum locum occupat } dy = \frac{a-x}{a+y} dx, \text{ aut quod perinde}$$

est

est  $d\psi = \frac{a+x}{a-x} dx$ ; ubi igitur  $A = a+x$ , &  $B = a-x$ ; adeoque  
 $G$  seu  $A \times B = aa - xx$ : unde  $OL = \int A \times B \times dx = aax - \frac{1}{3}x^3$ , &  
 $LB = \int A \times A \times dx = aax + axx + \frac{1}{3}x^3 + c^3$ ; adjicio constantem  
 $c^3$ , ut moris est in integrationibus, ad denotandam primam  
applicatam puncto  $O$  respondentem. Si vero magis arrideat, ut  
curva  $ABC$  transeat per  $O$ , negligi debet  $c^3$ , & sic accommoda-  
bitur ad figuram præsentem huic schediasmati adjectam, in qua  
punctum  $B$  initium est abscissarum; abscissæ ipsæ hinc inde  
æquales  $BD$  &  $BN$ , applicatæ  $DC$  &  $NM$ . Habebimus itaque  
curvam  $ABC$  algebraicam, cujus hæc est indoles, ut sumtis abscissis  
in utramque partem  $BD$  &  $BN = aax - \frac{1}{3}x^3$ , applicata  $DC$  sit =  
 $aax + axx + \frac{1}{3}x^3$ , altera per consequens  $NM = aax - axx + \frac{1}{3}x^3$ .

Multiplicemus has quantitates per constantem  $\frac{6}{aa}$ , ut coordina-  
tarum valores unius sint dimensionis, quo facto prodibit  $BD =$   
 $BN = \frac{6aax - 2x^3}{aa}$ ,  $DC = \frac{6aax + 6axx + 2x^3}{aa}$ , &  $NM =$   
 $\frac{6aax - 6axx + 2x^3}{aa}$ . Verum supra in Constructione demonstra-

vimus, hanc proprietatem competere Parabolæ cubiculi secun-  
dæ: atque ita hæc Parabola analytice deducta est ex formularum  
in Actis a nobis expositarum simplicissima, quod qua ratione  
fiat, ostendere hoc loco volebamus.

*Modus II.* Propero ad alteram Methodum ibidem p. 403  
explicatam, ubi docui modum describendi trajectorias reci-  
procas transcendentes & algebraicas per rectificationes curva-  
rum  $GEH$  (vid. Fig. IV in eadem pagina) arcus hinc inde similes  
& æquales  $ES$ ,  $EM$  habentium. Ostendere nunc animus est,  
etiam per hanc methodum maxime generalem perveniri ad  
nostram parabolam cubicalem secundam, tanquam omnium  
trajectoriarum reciprocarum simplicissimam. Hunc in finem  
quæro ex omnibus curvis habentibus ab utroque axis  $EO$  latere  
ramos  $ESH$ ,  $EMG$  similes & æquales eam, quæ primo sit alge-  
braica & rectificabilis, secundo quæ sit, quoad fieri potest, infini-

ordinis vel dimensionis respectu æquationis inter coordinatas, ac tandem tertio cujus arcus ES, EM cum abscissis correspondentibus relationem habeant infima possibili æquatione expressam.

Ut tria ista requisita obtineam, concipio in præfata Fig. IV ductam esse applicatam SL perpendicularem ad axem EO; atque inter abscissam EL, quam voco  $z$ , & applicatam SL, quam voco  $t$ ,

haberi hanc æquationem  $t = \frac{1}{2-2n} a^n z^{1-n} - \frac{1}{2+2n} a^{-n} z^{1+n}$  (ubi

per  $n$  intelligo quemcunque numerum fractum unitate minorem cujus numerator sit impar & denominator par) dico, curvam hanc algebraicam constare ramis utrinque similibus & æqualibus, quod examinanti facile patet, ejus arcus esse rectificabiles, eosque habere ad abscissas relationem non magis compositam quam ipsæ applicatæ ad abscissas habent; erit enim ES vel EM =

$\frac{1}{2-2n} a^n z^{1-n} + \frac{1}{2+2n} a^{-n} z^{1+n}$ , quæ expressio ab ea qua applicata

SL exprimitur non differt nisi signo quo afficitur secundus terminus. Ex omnibus igitur curvis ESH, hac æquatione determinatis, illa quæ simplicissima est respectu æquationis inter coordinatas, erit etiam simplicissima respectu relationis inter abscissas & arcus. Videndum adeoque est, quid pro  $n$  sumendum sit, ut prodeat æquatio inter  $t$  &  $z$  infimæ possibilis dimensionis; inferior autem dari non potest quam tertia, alias sectio conica foret rectificabilis. Velis ergo tertiam: Pone  $n = \frac{1}{2}$ , atque obtinebis

$t = a^{\frac{1}{2}} z^{\frac{1}{2}} - \frac{1}{3} a^{-\frac{1}{2}} z^{\frac{3}{2}}$  seu  $t = \sqrt{az} - \frac{1}{3} \sqrt{\frac{z^3}{a}}$ , quæ reducta dat  $gatt =$

$z^3 - 6az^2 + 9a^2z$  pro curva tertii ordinis ESH, cujus arcus

$ES = \sqrt{az} + \frac{1}{3} \sqrt{\frac{z^3}{a}}$ .

Ex hac ut eruas naturam Trajectoriæ reciproæ AEC: ex puncto B demitte in axem EO perpendiculum BT; habebis

abscissam ET = EL + LT = EL + SB = EL + ES =  $z + \sqrt{az} + \frac{1}{3} \sqrt{\frac{z^3}{a}}$ ,

& applicatam BT = SL =  $t = \sqrt{az} - \frac{1}{3} \sqrt{\frac{z^3}{a}}$ . Assume nunc quam-

libet



libet indeterminatam  $x$  atque fac, quod liberum est,  $z = \frac{xx}{a}$ ;

orientur coordinatæ per  $x$  expressæ, scilicet abscissa  $ET = \frac{xx}{a} + x + \frac{x^3}{3aa}$ , & applicata  $BT = x - \frac{x^3}{3aa}$ ; quibus in ordinem reductis,

utriusque simul sextuplum sumendo, fit  $ET = \frac{6aax + 6axx + 2x^3}{aa}$

&  $BT = \frac{6aax - 2x^3}{aa}$ . Liquet ergo nunc iterum ex Constructione

supra data & demonstrata, Trajectoriam simplicissimam algebraicam per secundam nostram methodum adinventam esse Parabolam Cubicalem secundam; nullo hic alio existente discrimine, quam quod coordinatæ permutentur, dum quas ibi vocavimus abscissas, hic applicatarum nomine veniunt ac vice versa.

Atque sic omni ex parte satisfactum jam puto Anonymo Anglo, quando non tantum exhibui, sed & demonstravi, quod a me tum exhibendum tum demonstrandum postulaverat. Vices nunc reddaturus, permittente id talionis lege, quæro ab eo, ut det aliam Trajectoriam reciprocam algebraicam, quæ sit inter omnes quas invenire potest in ordine simplicitatis secunda, utque exhibeat æquationem inter coordinatas naturam curvæ quæ sitæ exprimentem.

*Subjicimus hoc loco errata quadam typographica, quæ in Observat.*

*Bernoullianas Anno superiore irrepperunt: pag. 298 l. ult. pro se leg. ita se; p. 361 l. 9 pro + px scrib. - px; p. 365 l. 25 pro fdx fdx spx scribatur fdx fdx spdx; p. 366 l. 1 deleatur signum +.*

## DE SUBLINGUALIBUS SALIVÆ DUCTIBUS Anonymi Epistola ad Aëtorum Eruditorum, quæ Lipsiæ publicantur, Autores.

**T**Abula III, quam vos adjunxistis Aëtis Eruditorum Mens. Julii Anni superioris MDCCXXIV ostensa mihi est ante aliquot hebdomadas a Juvenibus quibusdam nostratibus, Anato-

mix Studiosis, ut ex ipsa novos, ut ipsi dicebant, Glandularum Sublingualium Rivos cognoscerem. Quos cum in ea Tabula inspexissem, respondi, eosdem mihi videri, quos Celeberrimus Patavin. Anatomicus Primarius Jo. Bapt. Morgagnus jampridem in ultima Animadversione Adversariorum Anatom. VI descripsit, ubi nimirum docuit, *multoties complura utrinque vascula, & hæc ab exterioribus Sublingualium Glandularum lateribus exeuntia, & non magno a Glandulis intervallo Peculiari quodque osculantia* tum se *conspexisse*, tum *amicis præsertim Venetis ostendisse, & sæpius tenuiores setas in ea oscula immisisse*. Addidi: nullo alio Magistro, quam his ipsis, quæ memoriter retuleram, Morgagni verbis, rivos in illa tabula pictos, a me jampridem in lingua humana quæsitos, & satis superque esse conspectos. Verum! venes iidem, ut, quod mihi dixerant, tuerentur, Actorum nominati M. Julii pag. 292 & 293 confestim monstrarunt, ex quibus cognovi, a Tabulæ istius Autore totam illam Morgagni Animadversionem in aliam omnino partem trahi. Ego autem, quantum mihi viderer posse, imo debere ita omnia Cl. Morgagni verba explicare, ut primæ illi, atque obviæ interpretationi, qua ego ipsa semper acceperam, non repugnarent; tamen, ut invidiosæ verborum controversias effugerem, tunc silui, præsertim cum viderem, aliam multo faciliorem, eandemque certissimam esse viam, hanc veritatem indagandi, quam miror alios non esse secutos. Scilicet ad Amicos, quos in Italia habeo, literas dedi, ut non jam ex ipso Morgagno, sed ex altero Anatomico Patavino, præsertim vero etiam ex aliquo eorum *Venetorum*, quibus a Morgagno olim, ut supra dictum est, sui ductus Sublinguales demonstrati sunt, quærerent, non modo quomodo ipsi Morgagni verba interpretarentur, verum etiam, idque præcipue, quænam revera solitus sit Morgagnus vascula Sublingualium Glandularum ostendere. Itaque intra breve tempus accepi duo Testimonia Celeberrimorum Virorum, quorum ut autographa apud me asservo, ita exempla fideliter exscripta, eodem, quo ad ipsas manus venerunt, ordine subjungo, ut non tantum mihi, sed etiam omnibus inservire possint, qui in Historia Anatomica verum amant & scire cupiunt. Æquitatis enim vestigia

fore, non dubito, hæc in vestris Actis edere eadem fide & candore, quo alienam interpretationem edidistis, ut ex utroque hoc, quod subdo, tam gravi, tam certo, tam claro, non opinatio-  
num, aut argumentorum, sed factorum, atque autopsiæ Testi-  
monio, sublatis cunctis verborum & interpretationum tricis,  
planissime intelligere omnes queant, quis interpretando a vero  
aberraverit, & quod caput est, quis primus Veros Sublinguales  
Ductus non jam supposuerit, sed demonstraverit. Valete.

*Testimonium primum.*

Cum ineunte Anno MDCCVII Venetiis esset Illustrissimus  
D. Joan. Baptista Morgagnus, nunc in Patavino Gymnasio Pri-  
marius Anatomæ Professor Celeberrimus, ac Præses, jam tum in  
ædibus Cl. Joannis Antonii Benevoli, repetitis ostensionibus, in  
ipsa inferiore linguæ humanæ facie plures utrinque ductus, te-  
nuioribus immixtis setis, luculentissime demonstravit ex intima  
Sublingualium Glandularum substantia vere prodeuntes. Quos  
ductus paulo post & in publico Theatro nos quoque ostendimus,  
conjecta in singulos tenui seta, & ut rem certissimam ab illo usque  
tempore nostri in Anatomie Alumni cognovere. Neque suspicati  
unquam sumus, alios quam illos ipsos ductus descriptos esse a  
Præclarissimo Morgagno Advers. Anatom. VI postrema Anim-  
adversione verbis illis: *multoties complura utrinque vascula &c.*  
D. Venetiis xvii Kal. Aprilis MDCCXXV.

JOANNES DOMINICUS SANTORINI,  
Magistratus Excellentissimi Salutis Venetiarum  
Proto-Medicus, & Publicus Anatom. Professor.

*Testimonium secundum.*

Ab Illustrissimo & Sapientissimo Viro D. Joanne Baptista  
Morgagno, nostræ hujus Inclytæ Academiæ Anatomico Prima-  
rio, & Præside, nunquam alia demonstrari vidi Sublingualium  
nominis Glandularum vasa excretoria, quam quæ a lateribus  
ipsarum externis, id est, non ab illis, quibus ex Glandulæ sese  
mutuo spectant, sed ab illis, quibus spectant gingivas, in con-  
iugam linguæ inferiorem faciem exeunt, & recta versus gingi-  
vas,

vas, sed per eandem linguæ faciem tendunt ita, ut in eadem linguæ facie, non magno emenso spatio, singula in osculum definant, tenuiorem setam admittens. Nec mihi unquam, aut aliis, quod sciam, apud nos venit in mentem aliter accipere verba illa ejusdem Celeberrimi Autoris, quæ in fine VI Adversariorum leguntur: *multoties complura utrinque &c.* D. Patavii X Kal. Aprilis MDCCXXV.

JOANNES BAPTISTA VULPIUS,  
in Patavina Universitate Ordinarius  
Professor Publicus Anatomix.

*Respondet apud nos alius Anonymus:*

Neque consultori Italo adstipulor, neque ad hac de re consultos accedo, qui eosdem se reperisse ductus, quos *Steno & Verheyenius*, & post hos doctissimus *Morgagnius* viderat, confiderenter asserunt, de nostri Autoris novis non solliciti. Sed quisquis est ille aliquot verborum Cl. Morgagni interpretes, qui tam diversa non discernit, vereor, ne cum quadratis rotunda confundat: injurios autem nos in æquitatem tuam, Lector, fore credimus, si pluribus clarum facere contendimus, quod non ignorare te, debebamus confidere: de veris certe sublingualibus ductibus, recens in Germania a se inventis, te Autor plenius docet in Exercitatione, qua inventionis laudem meruit; sicut alii industriæ & in agendo dexteritatis testimonio non fraudandi erunt. Ductus autem suos ad latus versus gingivas excurrentes, ab aliis hætenus non visos, non admitti ante, quam clarius descripserint, conspiciendosque exhibuerint, eorum Autores non inique ferent.

DISSERTATIONES MEDICÆ ET CHIRURGICÆ,  
*habite in Amphitheatro Collegii Regalis Medicorum  
Londinensium a GUALTHERO HARRIS, M.D.  
in eodem Collegio Præfide nato & Chyrurgiæ  
Professore.*

Londini, impensis Guilielmi & Joannis Innys, 1725, 8.  
Plag. 17.

Non



**N**on ignotum est nomen Clarissimi Harris erudito orbi; siquidem ante hos triginta sex annos Libro de Morbis Acutis Infantum, a nobis anno 1690 M. Junio p. 296 recensito, singularem in scholis Medicis indeptus est famam. Dissertationes nunc idem intra decennium habitas publici juris facit, certa sub spe, fore, ut observationes Practicæ per eas passim dispertitæ, & speculationum commentis plurimum inunnes, lucem aliquam afferant rebus quibusdam Medicis & Chirurgicis, caligine quadam obscuratis, aut in devia ducentibus salutem ægris reddere percipientes. Ex singulis pauca delibabimus. In *Diff. I* quæ de *Febris Continuis & Intermittentibus* agit, in Continuarum Cura emeticum necessarium judicatur, quoties horrore aut rigore vomitus aut vomituritio succedit, magisque tutum, durante æstatis fervore, quam in gelida hyeme; venæsectio autem illa damnatur, quæ nimis sero, in febris statu, aut progressu, cum vires dejiciuntur, instituitur; reliqua autem remedia pro diversis morbi temporibus varianda esse, monetur, ita ut in principio ad inflammationem compescendam refrigerantia & diluentia, quæ sine calefactione visciditatem lymphæ attenuant & liquefaciunt, facileque ex passulis, hordeo, melle aut similibus in aqua, vel lacte coctis parantur, ac testacea ad calorem febrilem contemperandum; in vigore & statu cardiaca, ut vinum tepefactum, sive Lusitanicum, sive Hispanicum; in declinatione laxans ex foliis fenæ in usum sint vocanda. Intermittentium sedes unica constituitur ventriculus, in quibus curandis annotat Autor, singulis aut alternis corticis Peruviani dosibus tres, vel quatuor guttas olei sulphuris per campanam, aut aliquot drachmas succi limonum cum tantillo laudani liquidi, vel syrupi de meconio immisceri debere pro viris, pro tenerioribus vero, & præsertim fœminis infusionem frigidam corticis sufficere. Loco hujus febrifugi ipsemet pulveris e chelis cancerorum simplicis semidrachmam, aut scrupulos duos duabus horis ante paroxysmum in cochleari aquæ lactis alexiteriæ, aut menthæ, vel feri lactis cum fructu propinat, alteramque ejusdem pulveris dosin hora una post priorem repetit, externe vero linteam duplicatum calefactum, & in spiritu vini madefactum, vel mithridatium cum oleo nucis moschatæ

T t

expresso

expresso ventriculi regioni adhibet, atque ut æger tempore paroxyfmi ab omni cerevisia abstineat, pro siti vero fallenda potu ex vini albi & aquæ unciiis quatuor in lactis vaccini libris duabus incoctis utatur, suadet. In *Dissert. II*, ubi de *Variolis & Morbillis* disserit, rejicit cardiaca, regimen calidum, cerevisiæ tenuis, vel pomacei, ut & emeticorum benedictorum usum; sin vomitorium indicetur, lenissimum illud, venamque secari permittit. Ubi narcotica non conveniunt, castoreum adhiberi posse putat. Circa finem morbi tuto ad cardiaca refugium capi posse docet, vesicatoria vero exulare jubet, nisi subjectum sit obesum & succulentum. Gummi tragacanthæ in linctu vel decocto pectorali soluti, pulveribus testaceis admixti, & copiosius sumti in Morbillis Epidemicis efficaciam summam deprædicat. Pro *variolis, ne deteriores fiant, præcavendis*, non quidem damnat in *Dissert. III* Inoculationem eorum, illam tamen pro magis tuto venditat, si absque usu scalpelli, vel phlebotomi, & sine præparationibus supervacaneis cuticula brachii radatur, vel pungatur acicula, ad eliciendam guttam sanguinis, & statim loco vulnerato linteum rasum tantillo puris imbutum imponatur; suavior vero est, ut in primo morbi principio Medicus peritus accersatur, antequam per errores domesticorum res ægri in eum perductæ sint statum, ex quo eluctari ei vix conceditur. In *Dissert. IV* aliquot *usus Medici aquæ* delineantur. Quemadmodum aquæ potui Patriarcharum longævitæ inter alia debetur; ita etiamnum magna hic se commendat utilitate, modo delicatulis magis arderet. Præ cæteris fluminum aquæ reliquis salubriores deprædicantur, & quo major fuerit fluvius, eo magis salutarem aquam vehere dicitur. Ex Thamesis certe aqua optima coquitur cerevisia, ac potest hæc ad Indias usque sine labe transvehi. Nihil magis a calculo præservare perhibetur ac haustus aquæ salubris unus aut alter horis matutinis jejune, imo ante somni tempus propinatus, cui in hydrophobis hydromel substitui potest; imo aqua frigida mane pota calorem sub decubitu nocturno contractum oblinat æstumque computationum vespertinarum compescit. Ipse Autor, licet jam senescens, talem aquæ haustum matutinum non sine fructu in usum ducit, post quem duo frusta plumbi,

plumbi, utrumque sex vel septem librarum ponderis, manibus attollit; quod quidem exercitium non modo partes vitales præ aliis corroborare, sed & functionibus tam naturalibus, quam vitalibus rite obeundis, sanitatique conservandæ admodum conducere credit. Aquæ frigidæ potum in febribus incolis climatis borealis dissvadet, quia sudores, si qui adsunt, reprimat, tussim & peripnevmoniam notham auget, naturis teneris & ventriculo debili macilentoque habitui, ut & frigidis ac phlegmaticis temperamentis plane noxius existit. Si tamen in febribus acutis, ejus usum suis concivibus suadere auderet, id consilii daret non in statu earum dubio, sed in principio aut primo circiter febricitandi die, & quo tempore sudores calorem contemperantibus facile eliciuntur, certus, dum hi tam cito & copiose profunduntur, ac satis diu fluere permittuntur, febrem quamprimum profligatum atque extinctum iri. Verum cum *Vinum* longe nobilius sit ipsa aqua, de ejus usibus Medicis & Chirurgicis quædam in *Dissert. V* præfari instituit. Vocat hoc summum medicamentum corpori roborando, & animo exhilarando, potissimum vero ventriculo languenti, fastidioso, cruditatibus scatenti & illuvie humorum perperam obliterato, destinatum; meliusque emaciatis conducere lacte asinino existimat. Quoad usum Chirurgicum, focu adhibitum, aut infusum partem affectam refrigerare, caloremque ejus restinguere, quantumcunque etiam intra sumtum corpus soleat calefacere; hinc maximæ efficaciam esse in vulneribus, ulceribus, abscessibus, inflammationibus, erysipellate & ambustis putat. In *Dissert. VI de Venesectione in genere* agit, quam facillimam quidem, sed in quibusdam subjectis difficillimam esse operationem adstruit, hinc a Chirurgo requirit, ut sit summa oculorum acie instructus, ambidexter, manumque habeat firmam & instrumenta acutissima; vult etiam, ut phlebotomum in venam intrusum retrahens, scindat venam versus superiora, hocque pacto orificium reddat amplius. Quantitatem vero sanguinis detrahendi juxta magnitudinem morbi, ægrique vires naturales æstimare, ac juxta regiones, & cibi potusque usitati rationem determinare jubet. *Quomodo autem venesectio in suo climate & morbis suorum civium sit administranda* in *Dissert. VII* docet. In *Dissert. VIII*, in

qua *Varices & Aneurismata* examinat, dilatationi venæ anſam præbere putat valvulam, ſupra locum dilatatam poſitam, & vel a copia vel craſſitie ſanguinis læſam; adeoque curationem partim ad venam dilatatam, partim ad valvulam tumidam dirigendam eſſe monet. Quemadmodum autem eos reprehendit, qui adſtringentia applicant, quæ tamen ſanguinem jam dum ſpiſſum magis increaſſant, & ad nobiliora viſcera repellunt, ita diſcutientia potius commendat, inter quæ myrrha primatum ducit, & ex hoc capite Emplaſtrum diaſulphuris Rulandi admodum convenit; atque refert Autor, ſe ſenoris varicem ſola tinctura myrrhæ feliciter curaviſſe. Tumorem durieuſculum valvulæ diſſipat per emplaſtrum de minio vel diachylum cum gummiſ. Horridam vero iſtam carniſcinam, ſeu temerarias exſectiones tum venæ tum arteriæ in varicibus & aneurifmatibus culpat. In *Differt. XI*, ubi de *Oedemate & Scirrbo* agit, tumores pedum oedematofos, neglectis aliquando omnibus topicis, miſſiſque evacuationibus uſitatis, ſolis corroborantibus, videlicet croco martis aperitivo cum cortice Peruviano ſuſtulit. Pro ſcirrbo diſſipando utitur mercurio dulci, ſub noctem debitis intervallis & aliquando cathartico ex ſenna, helleboro nigro, & hermodactylis inſequente aurora ſumendo. Conjungit etiam hiſ diuturnum uſum ſarſæparillæ cum modico Guajaco: externe poſt emollientia ſpiritum vini pro ſotu & emplaſtrum diachylum applicat. Ad curandum *cancrum* in *Differt. X* laudat decoctum corticis ulni & foliorum ſaniculæ, cujus efficaciam in incipiente labii inferioris carcinomate expertus eſt; item terebinthinam ſplenio vel tæniolæ illitam; corroſiva vero & exciſionem cancri oris, labiorum, & linguæ periculofam pronunciat. Atram bitem pro antecedente agnoſcit cauſa, ſtatus vero exinde exortos proxima & immediata. Cancroſam mulieris mammam curavit pulvere ligni ſancti, radicis ſarſæparillæ, & ſantali citrini, parte interim a frigore deſenſa. Nec dubitat, ſotum ſpiritus vini egregie conducturum, poſt quem pars læſa tenui plumbi lamina tegatur. Si quod emplaſtrum applicandum foret, illud de minio admoveatur. Sequitur *Differtatio XI de Gangræna & Sphacelo*. Cum frequentiffima gangrænæ cauſa ſit inflammatio, mirum videtur,



videtur, quomodo calor partis intensus morbum frigidissimum generare & membrum omni sensu privare queat: respondet Autor Clarissimus, magnum incendium omnia in cineres redigere, formas rerum immutare, & nisi tempestive exstinguatur, nativum statum furibunde abolere, sicut gravis combustio externa nonnunquam gangrænam post se trahit. Certum etiam esse, inflammationem efficere tensionem, hancque sævos dolores excitare, cum summa animi inquietudine: Exinde dolorem opprimere vires, quibus deletis, vitam partis prægravatæ & cruciatibus exhaustæ sensim perire; calorem etiam intensum tumefacere partem, humoribus superfluis replere, omnem transpirationem prohibere, ut febris exurens illorum exitum e poris totius corporis intercludit; quin & incendio suo ingenti temperiem partis nativam subvertere, ac spiritus eam vivificantes pessundare, suffocare, & interimere. Ad omnes inflammationes maturius compescendas nihil utilius aut efficacius pronuntiat solutione unius uncie nitri, in libris duabus vel tribus aquæ communis, addendo Coccinellæ granis duodecim, & sacchari uncias tribus, si de illa bibat æger uncias quinque vel sex tertia aut quarta quaque hora. Si inflammatio in gangrænam mutari incipiat, ut pars in vinum rubrum calefactum immergatur, eoque foveatur, ulceri vero rasura lintei spiritu terebinthinæ ebria applicetur, jubet. *Dissert.*

*XII Herniarum* examini dicata est, ubi hernias umbilici mediocres sine usu fasciarum tolli putat, solummodo gestando super regionem umbilicalem laminam plumbi flexilem, emplastro quodam adhæsivo firmandam. In *Dissertatione XIII errores quorundam Chirurgorum* tangit, & nimiam reprehendit audaciam seu temeritatem eorundem, quod sine necessitate urant, fecent, laniant ad molestiam quandam diuturnam evitandam, seu luerum quoddam corradendum: taxat quoque incongruum turundarum usum, ac modum excindendi strumas, scrophulas, excrecentias inveteratas, scirrhus & lupias. In *Dissert. ult. de medicamentis*, Simplicia equidem olim utramque in Medicina absolvisse paginam, ac etiamnum sua non debere defraudari laude, fatetur, monet tamen simul, necessitatem quandoque imperare, ut composita simul adhibeantur, quorum compositio, quo simplicior fuerit, eo melior judicanda sit.

FRANCISCI VVOKENII, P. P. ELEMENTA  
*Philosophiæ Principalis Theoreticæ æque ac Præcticæ,  
 ex obligationibus intellectus & voluntatis  
 deducta.*

Lipsiæ, sumptibus Wolfgangi Deer, 1725, 8.  
 Alph. 1.

**V**ldit Clar. Autor, varia hoc tempore in Philosophia asserti, quæ vel solido destituuntur fundamento, vel periculo non carent. Cogitavit igitur, anne ex principio quodam firmo ac adæquato tota Philosophia queat deduci, ita quidem, ut mens, imperfectio- nibus hodie non carens, ad hanc regulam omnia vaticinia & actus exigens, lapsus evitare posset. Deprehendit regulam talem eam- que infallibilem in obligatione, qua Deus hominis intellectum pariter ac voluntatem sibi obligavit. Utramque mentis faculta- tem nec frustra, nec in sibi contrarium finem creator universi condidisse judicandus est. Si vero voluit, ut intellectus res ita dijudicet, ut sunt & ut Deus eas vult cognosci; voluntas etiam ea amet, quæ Deus: necesse est, Deum homini certa *κρίσις* indi- disse, ut finem intentum possit assequi. Quid autem verum, quid bonum censeri debeat, ex attributis Dei, naturaliter cognitis, & relatione judiciorum nostrorum ad Dei attributa, constare judi- cat, ut, si judicium aliquod cum attributo quodam Dei pugnet, pro falso aut injusto haberi debeat, contra si ex attributis Dei fluat, aut cum illis amice conspiret, verum & bonum dici mereatur. Et quia in præsentî statu hominis intellectus & voluntas pristinæ perfectionis non exiguam fecerunt jacturam, non possunt plura in Philosophia doceri, quam quæ hodie intellectus novit, qui tamen plurimum adhuc in Moralibus habet notitiam, quam quæ voluntas præstare valet, cujus infirmitate obligatio divinitus indi- ta non tollitur. His fundamenti loco præsuppositis, exhibet Autor Metaphysicam, quæ non, more quorundam, meros terminos con- tinet, sed & omnium disciplinarum Philos. Principia. Hanc excipit Pneumatica, in qua Deum variis (etiam Cel. Wolffii) demonstra- tionibus existere probat, ejusque attributa demonstrat; Trinita- tem vero rationi ignotam esse asserit; animæ immaterialitatem, immor-

immortalitatem, facultates, originem mali aliaque pertractat. In Physica multum passum tribuit Cel. Wolffio, in aliis tamen ab ipso abit. Juris Nat. Principium ipsi est amor Dei, ad quem homo naturaliter est obligatus, ex quo omnia officia deducit. In Ethica varias producit virtutes ab aliis non agnitas. In Politica demum omnium statuum prudentiam succinctis regulis docet, & quæ alii in Scholastica & Oeconomica, tanquam peculiaribus disciplinis, tractant, suis locis Politicæ inferit.

## NOVA LITTERARIA.

**C**um elegantem Scriptorum rerum Silesiacarum Collectionem proximo anno edere constituerit Illustris Sommerus, lubet operis titulum, nuper ad nos transmissum, cum Lectore communicare; est verò hic: *Silesiacarum rerum Scriptores aliquot adhuc inediti: accedunt Codex Silesiæ diplomaticus & diplomatarium Bohemo-Silesiacum: quibus, ut Historia ab origine gentis usque ad Imperium Augustissimi ac Invictissimi CAROLI VI Rom. Imp. Germania, Hispania, Hungaria, Bohemia &c. Regis Potentissimi illustretur & confirmetur, præmittuntur Præfationes sue speciales, quarum prior Historiæ Silesiæ diplomaticæ specimen, altera Historiam Genealogicam Ducum Silesiæ sistit. Confecit opus, non Silesiæ modo sed & vicinarum gentium res adornans, FRID. WILHELM. SOMMER, Sereniss. Ducis Württembergici-Olsnensis Consiliar. Reipubl. Patriæ Vratislaviensis Senator, Lipsiæ 1726, fol.*

**D. JO. BURCHARDUS MENCKENIUS**, Consil. Aul. & P. P. Consilium de vulgando Corpore Scriptorum rerum Saxonicarum, Misnicarum, Thuringicar. & Variscar, tum editorum tum ineditorum, quodammodo mutavit; jamque in eo est, ut sub hoc titulo eos tantum, qui vel unquam prodire, vel certe Latine nondum exstant, duobus justis in pl. Voluminibus in lucem prodat, eoque decenter rogat Viros eruditos, ut, si quid præter opera mox memoranda servant, quo Collectio hæc ornari possit, id cum Editore, quem non ingratum experientur, communicare haud dedignentur. Continebuntur vero I Scriptores Latini non iam editi aut curatius & multis cum augmentis reculi: 1 *Chronicon Vetus Cellense*, 2 *Calendarium Pegaviense & Catalogus Abbatum Pegaviens.* 3 *Chronicon Montis Sereni e Cod. MSS. revisum cum Supplementis ineditis,* 4 *Pauli Langii Chronicon Numburgense*, 5 *Petri Albini Chronicon Leisnic.* 6 *Abrab. Thammii Chronicon Coldicense*, 7 *Hier. Heidenreich Delitium in Misnia*, 8 *Enochi Widemanni Chronicon Curia*, 9 *Erphordianus Antiquitatum Variloquus*, 10 *Chronica vetera Erfurdensia*, 11 *Viti Ludov. Seckendorff Thuringia*, 12 *Georgii Spalatini Vita aliquot Saxoniarum & Ducum*, 13 *Wilb. Ernesti Tentzelii Vita Friderici Admors.* 14 *Jo. Garzonis res Saxonica, cum notis inedit. Wilb. Ernesti Tentzelii,*

15 *Georgii Arnoldi Vita Mauritii Electoris Saxon.* 16 *Sam. Reyheri Monumenta Landgr. Thuring. & March. Misn. cum notis ined. Willb. Ern. Tentzelii.* 17 *Benjam. Leuberi Familia illustres Circuli Saxonie Superioris,* 18 *Abelii Sammarthani Elagium Familiae Schombergianae, cum notis Jo. Com. Knauth.* II Scripta vernacula inedita: 19 *Anon. von der Meyfner Ursprung,* 20 *An. Chronike der Marggrafen von Meyssen,* 21 *Die alte Döringfche Chronike, ex Archivio Weissenfels.* Accedunt his III libri quidam parum obvi, e vernacula nunc primum in gratiam exterorum Latine versi: 22 *Georgii Spalatini Chronica & Origines Electorum & Ducum Saxoniae,* 23 *Rein. Reineccius de Misnensium Origine,* 24 *Petri Albini Chronicon Misniae.*

Prodiit superiore anno Hagæ Comitum apud Rutgerum Christoph. Alberts opus augustissimum ac vere regium, *Novum Italiae Theatrum, seu accurata descriptio ipsius urbium, palatiorum, sacrarum ædium &c.* IV Tomis in folio maximo distributum, quorum *Primus* Longobardiam, scilicet Rempubl. Genuensem, Montem Ferratum, Ducatus Mediolan, Mirandulæ, Parinæ, Mutinæ & Mantuæ, Principatum Tridentinum, Reip. Venetam & Lucensem, & Magnum Etruriæ Ducatum, *Secundus* Statum Eccles. Campaniam nempe Romanam, Provinciam Patrimonii, D. Castrensem, Sabinam, Umbriam, Urbevetanum & Perusinum agros, Marchiam Anconitanam, D. Urbinatem, Romandiolam, Bononiensem & Ferrariensem agros, ut & Avenionem urbem, *Tertius* Regnorum Neapolis & Siciliæ, cum insulis Melitæ, Sardinia & Corsicæ, *Quartus* denique Romani antiquam & novam, nimirum amphitheatra, theatra, circus, arcus, templa, pyramides, sepulcra, obeliscos, ædes sacras, palatia, aliaque ædificia exhibet. Etsi vero Nob. Editor celebratissimum *Joannis Blaeau* Theatrum urbium Italiæ, cujus pleraque exempla cum tabulis ipsis infelici incendio perierant, potissimum restituere & disiectas passim tabulas colligere constituerit, multum tamen superavit laborem illum, additis non minus Chartis Geographicis nitidissimis, quam ceterarum tabularum numero e delineationibus Roma transmissis accuratissimis insigniter aucto. Cum itaque hoc opere omnibus satisfecerit Nob. Alberti, nunc in ejus complementum, pari quidem forma & ornatu, lingua tum Latina, tum Gallica, tum Belgica, recudere parat *Novum Theatrum Pedemontii & Sabaudia*, Tomis quatuor, quorum duo priores *Pedemontium*, reliqui duo *Sabaudiam* complectentur. Cujus libri cum omnes tabulæ paratæ sint, quæ, longe melius quam *Blaevianæ* illæ conservatæ, descriptione, usque ad A. 1715 producta, illustrabuntur, fidem facit Editor, se opus integrum intra sex menses a tempore finita subscriptionis, quod in Mensis Aprilis finem incidit, absoluturum, statuta ultro sibi ipsi, ni præstiterit, mille florenorum multa. Pretium libri in charta maxima est 60, in mediocri vero 50 florenorum.





# ACTA ERUDITORUM,

*publicata Lipsia*  
*Calendis Augusti Anno MDCCXXV.*

PIERRES ANTIQUES GRAVEES SUR LESQUELLES  
les Graveurs ont mis leurs noms &c.

h. e.

PHILIPPI DE STOSCH, POTENTISS. POLON.  
Regis & Saxon. Electoris Consilarii, Gemmæ antique  
celatæ, Scalptorum nominibus insignitæ, ad ipsas gemmas  
aut earum ectypos delineatæ, & æri incisæ per BERNAR-  
DUM PICART. Gallice reddidit H.P. de LIMIERS,  
Bonon. Scient. Acad. Socius.

Amstelodami, apud Bern. Picart, 1724, fol.

Alph. 1 plag. 7 fig. æn. 70.

**Q**uanavis libri oppido multi in hac ejusmodi partuum for-  
cundissima ætate quotidie ex omnibus fere orbis literati  
partibus ad nos afferantur, ut nemini dubium videri poterit,  
qui hos, quos condimus, Eruditorum Annales levi brachio  
excusserit, iidemque diversissimi argumenti, clarissimorum  
Autorum, multiplicis elegantiae, eximii nitoris; non facile  
tamen manibus trivisse meminimus opus, cui hoc omnibus fere  
numerus absolutum ulla ratione concedat, nisi mole ac vastitate,  
quam qui in hoc gemmeo libro desideraverit, nã in opulentissimi  
hominis familia adamantum unionumque eosdem, qui solent  
esse granorum pomorumque, acervos ille requiret, sed frustra &  
magna cum infania. Certant in his Gemmis Stoschianis & in  
ornando opere veluti contendunt Autoris in hoc maxime studio-  
rum genere celebritas, argumenti singularitas, de quo librum  
posse confici, ne quidem doctissimis, Fabio, Sponio, Augustino in  
Uu mentem

mentem venit, doctrina antiquitatis recondita, & in eo, quod vulgo etiam hominum auro est carius, in gemmis magnifice servata, figurarum æri artifice Picarti manu incisarum elegantia maxima, & in accurate exprimenda antiquitate diligentia & industria summa, characterum etiam decus, chartæ pulchritudo; verbo, ad erudiendum delectandumque antiquitatis cultorem conspirant omnia amice in libro, ob hanc rem merito Maximo Principi CAROLO VI Cæsari Augusto, Orbis Pacificatori, Artium Restauratori dedicato. Ad Romani Imperatoris sacratissimum pulvinar Amplissimus Autor Gemmas suas cælatas detulit, æst ex longe plurimis, quæ exstant, eas tantummodo, in quibus sculptoris superest nomen, a se ipso visas tractatasque & doctis explicationibus illustratas, quibus etiam erudita dissertatione de insigni veterum artificum nomina sua ad posteros propagandi studio præfatus est.

Festivum est exemplum Sostratis Cnidii Architecti apud Lucianum, qui Turrim jussu Regis Ptolemæi in Pharo Insula exstruens, nomen suum saxi insculpsit, his calce illitis, cui Regis nomen superinscripsit, gnarus satis ejus rei, quæ accidit, fore nempe, ut literis illis cum calce prolapsis, a posteritate literæ saxeæ legantur, Σωκράτης Δεξιφάνης Κνίδως Θεῷς σωτήρσιν ὑπὲρ τῶν πλεῖζομένων. Ita Plinius narrat, Sauronem & Batrachum nomina, quæ inscribere operibus suis vetabantur, efficta lacerta atque rana servare studuisse. Sed & hodiernum leguntur Artificum nomina, in Ecclesia Principe Ferrariensi C. Postumii C. F. Polionis, Architecti, Romæ in Hortis Ludovisianis Μονελάς, in Palatio Vaticano, in Herculis signo vel Trunco Απελλανίης Νέσσορος, in Hercule Farnesiano Γλύκωνος Αθηναίης, in Gladiatore Burghesiano Αγασίης Δοσιθέης, in Æsculapio Verospiorum Αψαλέστι M. F. in Montaltiano Herma Εὐβελέας Πραξιτέλης, in Protome (Bustum Itali appellant) apud Cardinalem Alexandrum Albanum Ζήνης Αλεξάνδρε, in alia Protome apud eundem Ζήνης Β. in Anaglypho marmoreo apud eundem Καλλιμάχης, in Apotheosi Homeris Αρχειλάης Απολλωνίης Περιπέτης, in Vasi Cajetano Bacchi natale exhibente Σαλπίωνος Αθηναίης, ab ipso Stofchio nostro oculis usurpata atque observata. Paucis certe aut nemini

nemini forte idem fuit animus atque amor in discipulum tantus, quantus Phidiæ erga Agoracritum, cuius ille nomini plura suorum operum donasse a veteribus memoratur. De pictoribus dicere non licet, quod excellentissima eorum monumenta temporum injuria non perennaverint. Eo autem felicius ævo rerum edaci restiterunt ii artifices, qui gemmis exsculpendis dederunt operam, parvæque moli sed duraturæ in feros posteros materiæ sua nomina commendarunt. Reperit diuturno & sagaci studio Amplissimus Stoschius nomina Artificum XLIX, opera in universum LXX hoc ordine exhibita: I *Admonis* Hercules bibax, II *Æpoliani* M. Aur. Antonius Imp. III *Actionis* Priamus, IV *Agathemeris* Socrates, V *Agathopi* caput ignotum, VI *Alexandri* Amor Leonem domans, VII *Allionis* duo: Musa & Apollo, VIII *Anterotis* Hercules Buphagus, IX *Apollodoti* Minerva salutifera, X *Apollonidis* Taurus procumbens, XI *Apollonii* Diana montana, XII *Aspasi* duo: Minerva salutifera & Jupiter, XIII *Auli* quinque: Eques Græcus, Quadriga, Diana, Æsculapius & Ptolemæus Philopator, XIV *Axeochi* Faunus bacchans, XVI *Cacæ* Gladiator Rudarius, XVII *Carpi* Bacchus cum Ariadne, XVIII *Cneji* Hercules Juvenis, XIX *Coini* Adonis, XX *Dioscoridis* septem: Augusti duo, Mæcenas, Mercurius, Diomedes Palladio potitus, Perseus, Hercul. Cerberum vinciens, XXI *Epitynchani* Germ. Cæsar, Gemmæ fragmentum a Strozziis centum aureis Hispanicis redemptum, XXII *Evodi* Julia Aug. D. Titi Aug. F. XXIII *Eutychis* *Ægeæi*, *Dioscoridis* Fil. Minerva, XXIV *Felicitis* *Calpurnii* *Severi* Diomedes cum Ulyssæ, XXV *Heji* Diana venatrix, XXVI *Hellenis* Harpocrates, XXVII *Hylli* tria: caput Philosophi, Cleopatra, Taurus Dionysiacus, XXVIII *Lucii* Victoria in Biga, XXIX *Myconis* Caput Senile, XXX *Myrtonis* Leda, XXXI *Nicomachi* Faunus, XXXII *Onesæ* duo: Musa & Hercules Olivarius, XXXIII *Pamphili* duo: Achilles Citharædus, XXXIV *Pergami* Bacchans, XXXV *Pharnacis* Equus Marinus, XXXVI *Philemonis* duo: Theseus, & Fauni caput, XXXVII *Plotarchi* Amor Leonem domans, XXXVIII *Polycleti* Diomedes Palladio potitus, XXXIX *Pyrgotelis* duo: Alexander M. Macedo & Phocion, XL *Quintilli* Neptunus, XLI *Scylacis* duo: Satyri caput & Hercules Musarum, XLII *Seleuci* *Silenus*, XLIII *Solonis*

Uu 2

quatuor:

quatuor: Diomedes Palladio potitus, Mæcenæ, Medusa, Cupido, XLIV *Sofoclis* Medusa, XLV *Softrati* Amor Lænas domans, XLVI *Sotrati* Meleager cum Atalanta, XLVII *Teucris* Hercules cum Jole, XLVIII *Thamyridis* Sphynx, XLIX *Tryphonis* Nuptiæ Cupidinis & Psyche.

Ingens est numerus, si singularitatem rei spectes, exiguus autem, si cum omni gemmarum ex antiquitate superstitem multitudinem conferas, uno in loco nec visus, nec videndus unquam, nisi in hac nova veluti Dactyliotheca, quam artificii diligentissimi *Picarti* manui & longinquis *Dn. de Stosch* peregrinationibus debemus. Scilicet præter octo fere, quæ ex ipsius *Stoschii* Archetypis vel Ectypis deprompta sunt, & nonnullas a *Fulvii Ursini* Imaginibus repetitas, acceptas referimus Gemmas literatas XII Thesauro Stroziano, VII M. Ducis Hetruriz, V Abbatis Petri Andreæ Andreini Florentini, IV Ottoboniano, III Farnesiano, II Senatoris Cerretani Florentiz, totidem Ludovico-Boncompagniano, singulas Vitelleschi-Veraspiano, Barberiniano, Com. Caimi Mediolan. Marchionis de Maximis, Salviati-Columnensi, Hieronymi Odami Eqv. Ticpoli Sen. Veneti, III Regis Galliarum, II Seviniano, unam S. Dionysii in Galliis, II Vicecomitis de Morpeth, II Arundelliano, unam Ducis Devoniz, II Marckiano Harlemi, singulas denique, sed præstantissimas, Caroli VI Imp. Regis Borussia, Electoris Moguntini, & Baronis de Albrecht Vindobonæ, ita ut & Italia, & Gallia, & Anglia, & Batavi, & Germania nostra, nec hæc absque laude, in hunc censum venerint. Imagines a *Picarto* elaboratæ sunt satis splendidæ atque magnificæ, vera gemmæ mensura ubique addita, tanta vero cura cælatæ, ut quo diutius eas inspicias, eo plus nitoris, elegantiz, artis detegas. Si quid in gemmis ex antiquitate adest obscuritatis, tollunt id illustrationes utraque lingua Latina & Gallica adjectæ, bonorum Autorum locis ubique apte suffultæ, & breves, sed quæ hac ipsa docta brevitate summis imit mirifice placebunt.

DELLE SCUOLE SACRE LIBRI DUE POSTUMI, DEL  
Conte Palatino, DOMENICO AULISIO, Giureconsulto,  
Lettor



MENSIS AUGUSTI A. MDCCXXV. 341

Lettor primario Vespertino del Diritto civile nella Real Università Neapolitana, Reggio Maestro d'Architettura Polemica, Iatro-Fisico, Cronologo, Poeta &c. publicati dal suo Errede e Nipote NICOLO FERRARA-AULISIO.

h. e.

SCHOLARUM SACRARUM LIBRI DUO POSTHUMI, Comitum Palatini, DOMINICI AULISII, Jureconsulti, Lectoris primarii vespertini Juris civilis in Universitate Neapolitana, Magistri Regii Architecturae Polemicae, Medico-Physici, Chronologi, Poetae &c. publicati ab Herede ac Nepote ipsius, NICOLAO FERRARA AULISIO.

*Tomi II.*

Neapoli, apud Franciscum Ricciardum, 1723, 4.

Alph. 2 plag. 4 fig. æn. 5.

**N**on deesse memoria hac nostra in Italia Viros, qui in sacrarum antiquitatum ac litteraturæ Orientalis studio ornando egregiam ponant operam, vel ex hoc Consultiss. *Dominici Aulisi*, Neapolitani, A. 1649 d. 14 Jan. nati & A. 1717 d. 29 Jan. demortui, opere satis cognoscitur. In eo enim originem ac progressum disciplinæ sacræ, imprimis scholarum, cum in Hebræa tum Christiana in Græcia gente, adeo solide expositum, tot selectas in antiquitatibus Judaicis observationes, tot errores in Chronologia reliquisque scientiarum partibus resectos, tot denique loca Sacræ Scripturæ illustrata invenies, ut & de avo suo post ejus mortem & de litteraria Republica optime meritis videatur Clariss. Vir, *Nicolaus Ferrara Aulisius*, quod luce dignissimum scriptum minime passus est interire. Fuit is Vir variz eruditionis, ut de eo dici possit illud Livii: *Huic versatile ingenium sic pariter ad omnia fuit, ut natum ad id unum diceret, quodcunque ageret.* Certe quantus Vir in Historia, Theologia, Medicina, Mathesi, Jure &c. fuerit, tot libri ejus loquuntur, quos in vita ipsius, Vitæ Arcadium a Clariss. Crescimbenio inserta & hic repetita, enumeratos videmus. Sed ut ad posthumum hoc opus con-

Uu 3

ver-

vertamur, prætermiffa dedicatione ad Cajetanum Argentium, ut & præfatione Blafii Troifii, in quibus nihil occurrit magnopere memorandum, distinguitur liber ipfe duobus Tomis, quorum alter fcholas facras & Theologiam Judæorum, alter Græcorum persequitur. Illi præmiſſa eſt introductio brevis, in qua inter alia probat, facræ tantum ſcientiæ olim incubuiſſe Judæos, eodemque Scholis publicis (privatas enim concedit) in quibus humaniores litteras docerentur, fuiſſe deſtitutos, nimisque conjecturis indulgere cenſet, qui in oppidis Theman, vel Abela, aut denique in tribu Naphtali Academiæ ſtudioſorum cauſa excitatas olim fuiſſe ſuſpicentur. Sigillatim deinde Cap. I inquit, an mentio fiat Academiæ in ſacra Scriptura, ac ſententiam Cornelii a Lapide. ex Jeremiæ XLIX, 7. probare conantis, in urbe Theman Academiæ floruiſſe, negat eſſe probabilem. Alios inde aliis in locis Academiæ ſibi fingentes rejicit, & inter alia, quid per *ספד תת* intelligi debeat, indicat: ſcil. civitatem libri, quam hæ voce Hebrææ ſignificant, ſine dubio denotare archivum plurimorum illic populorum. Leideckerum quoque erroris accuſat, quod Gymnaſium auctoritate Antiochi Epiphaniſ a Judæis Hieroſolymis conſtructum, de quo 1 Macc. I, 15, alterumque illud a Jafore Pontifice ſummo conſtitutum, 2 Macc. IV, 2, Scholas Academicas fuiſſe, opinetur, quum in textu diſerte palæſtræ ſeu ludi corporibus exercendis apti vocentur. Cap. II de Synagoga agitur, ubi dum Præſules Synagogarum exponuntur, & inter alia nomina memoratur *שליח צבור*, h. e. *ἀπόστολος ἐκκλησίας*, cavendum monet, ne hi Eccleſiæ Apoſtoli confundantur cum Apoſtolis Patriarcharum apud ipſos Judæos, qui non niſi Senatores fuerint, cum Præſide ſuo Synedrium componentes. Caſar. bonum lapſum haud levem commiſiſſe ait Exercitat. XIV, cap. 2. quod Echmalotarchos, h. e. Principes captivitatis Babylonice, capita Academiæ in Jabne & Tiberiade, & Patriarchas, de quibus modo diximus, inter ſe commiſceat. Contra Celeberr. Liguſtrum quoque, qui in Horis Hebraicis in Matthæi Cap. IV, 23 de Synagogis ſpeciatiim tractans, Principes Synagogæ ſeu *ἀρχισυναγώγας* cauſas civiles dijudicaſſe, cenſet, Noſter ex Act. Ap. XVIII, 8, 17 maniſeſto apparere probat, ea tantum quæ ad rite

p. 10.

ſpe.

spectarent, eosdem curasse. Cap. III describit cultum publicum precesque Judæorum, agens insinuat de locis precibus destinatis. Hic, Hellenistæ quinam fuerint, explicat, in maximamque inimicitiam eos inter ac Judæos, qui nulla alia lingua quam Hebraica divinum cultum celebrari debere contendebant, intercessisse, ostendit. Levissimas vero conjecturas vocat, quibus adducti Basnagius & Salmasius Hellenistas Profelytosque pro iisdem habuerint: & vel unicum Ἑλληνιστῆς vocabulum sententiæ huic refutandæ sufficere, putat, quod imitatores Græcorum non sectatores significet. Cap. IV versatur in exponenda schola investigationum sive τῶν ζητήσεων, ubi disputationibus legumque subtilitatibus evolvendis navatam operam fuisse tradit, & contra Casaubonum Exercit. XIV c. 7 docet, מדרשי hoc est, lectiones in Synagogis usitatas diversas fuisse ab אגרות. Cap. V pergit ad oratoria Hebræorum in Ægypto & ad Patriarchas apud Cananæos, & opinionem, sub Mosis ductu & antea jam in Ægypto oratoria in usu esse cœpisse, probat 1) ex Exodi II, 23 & IV, 29, 2) ex antiquis Hebræorum ritibus. Atque his adeo oratoriis debere Judæos putat, quod per 215 annorum decursum (quot annos duravit commoratio in Ægypto) vivam Dei notitiam verumque cultum servaverint. In iisdem censet primum librum Mosis consignatum esse. Cap. VI, de Tentorio legis sub Mose, maxime diversum id fuisse dicit a tabernaculo fœderis in monte Sina collocato. In hoc tentorium Jethronem a focero suo introductum, adversus Jac. Salianum adstruit, sentientem, in historia Mosis postpositionem (ut vocat) hic occurrere, eaque quæ de introductione Jethronis in tabernaculum narrantur, ad Sinaiticum tentorium esse referenda. Cap. VII de oratorio seu Synagoga Mosis agit, ubi sistit effigiem tabernaculi fœderis Sinaitici, ut & templi ab Appione Heliopoli in Ægypto extructi, utriusque ædificii structuram ac similitudinem mathematicè describens. Cap. VIII Scholas sacras Josuæ ac Pinehæ; Cap. IX Scholas sacras Davidis & Salomonis in monte Sionis ac Moria; Cap. X Scholas sacras Prophetarum considerat. In hoc varia nomina, quibus anni Sabbathici appellati olim sint, in medium afferens, mirari se ait, a nemine doctorum hætenus observatum, lectionem legis publi-

p. 17.

p. 33.

p. 66.

publicam annos Sabbathicos quondam designasse: quam quidem rem variis circa Synagogam explicandam erroribus Chronologorum ansam atque occasionem dedisse scribit. Cap. XI persequitur lectionem legis publicam, annis sabbathicis, deque variis signis ac characteribus, quibus Autores ad denotandos annos sabbathicos utuntur, commentatus, perpaucos rem acu tetigisse censet. Optimum vero minimeque fallacem characterem lectionem legis publicam constituere, putat, cum extra dubium positum sit, ipso anno sabbathico Esdræ populo legem prælegisse. Neque adeo incidisse lectionem Esdræ in annum ante Christum natum 454, ut putat Usserius, vel in A. 444, ut vult Sallianus, cum neuter horum fuerit sabbathicus. Cap. XII, de innovationibus in Synagoga factis temporibus Esdræ sub Synagoga magna בֵּית הַגָּדוֹל seu synedrio, confutat Mosen Ægyptiacum aliosque Rabbinos duo illa verba sæpe conjunctim posita in sacris literis התורה & המצוה ita interpretantes, ut per מצוה legem oralem, per תורה legem in literas relatam intelligant: ex ipso quippe texto clarissime patere, utramque scriptam esse. Dum inquit, quare idololatræ & athei plerumque paganorum nomine veniant, quod inde factum vulgo putant, quoniam a piis olim Imperatoribus a Christianis sacris alieni ex urbibus in pagos circumjacentes relegati sint, Noster eam potius rationem affert, quod nullibi fere in pagis scholæ ecclesiæque constitutæ, hincque in pagis viventes ad atheismum & idololatriam maxime proclives pronique fuerint. Cap. XIII Salvatorem nostrum non nisi Synagogas Galileæ, & diebus Sabbathi tantum, introivisse, docendi causa, & Cap. XIV, eundem Hierosolymis in schola τῶν ἱερέων cum Rabbinis disputasse, probat, notatque Lightfootum, qui Christum in synedrio Judæorum disputasse contendit; quandoquidem illud non disputationibus sed causis forensibus dirimendis inservierit; tum Jo. Braunium, in tractatu de vestitu sacerdotum Hebræorum huic Servatoris certamini Synagogam templi ceu palæstram assignantem, in qua quidem non disputatum esse, sed preces institutas, legemque Mosis prælectam, demonstrat; tum denique Melch. Leydeckerum, qui in lib. de Rep. Hebr. Lib. IX c. 1, in atrio templi disputatum fuisse, existimat, cum nullibi

relatum



relatūm legatur a Judæis, in planitie clauſtri ſub dio ejus generis certamen fuiſſe inſtitutum. Cap. XV, in quo evincit, diebus Saluatoris noſtri in ſcholis τῶν ἱερέων æque de lege ſcripta ac non ſcripta eſſe tractatum, de *Carrainis* ſeu קררים h. e. ſcripturalibus, ea ſcilicet Judæorum ſecta, quæ literam Moſis unice ſectabatur, omnesque traditiones repudiabat; deque eorum adverſariis *Rabbanimis*, qui traditionibus inhærebant, varia memoratu digna refert. Cap. XVI & ſeq. de ſcribis populi, ſub Moſe, ac templi denique commentatus, in multisque curioſe de ſtilis Judæorum e metallo factis, ut & membranis Hebraica lingua מגלה a convolvendo dictis, in medium prolatiſ, ſcholas ſacras Judæorum in Galilæa, Palæſtina, Babylonia accurata induſtria delineat. Cap. XXIII de antiquis Ebræorum literis ediſſerens, eos ridet, qui hodiernas quoque Ebræas literas rerum, quas exprimunt, ſimilitudinem referre ajunt; nam etſi de pluribus id concedat, in multis tamen putat nullam fere annotari, ut in א, ב, ג, ד, ה, & ו, quarum prima portæ, altera uncino, tertia olivæ, quarta manui, quinta oculo, ſexta capiti, parum reſpondeat: unde concludit, multo aliam a priſca faciem hodierna Hebræorum elementa induiſſe, idque pluribus porro rationibus contra Stephanum Morinum defendit. Cap. XXIV de punctis, vocalibus & accentibus Hebræorum mentem ſuam explicans, neutiquam eos ferendos exiſtimat, qui cum Joh. Buxtorffio ſibi perſuadeant, ab Eſdra profectas eſſe vocales: nec poſſe illas Maſoretarum inventioni attribui, quod Petrus Cunæus & Iſaacus Voſſius crediderunt, ex eo confirmat, quod in Origene, S. Hieronymo, totque Bibliis Hebraicis, poſt Maſoretas editis, nullum earum veſtigium compareat, ut alias ejus rationes prætermittamus. Tempore Talnudistarum nondum vocales textui adjectas fuiſſe, docet, & quamvis in Talnude commemorentur טעמו תורה, h. e. accentus legis, nihil tamen inde probari, cum doctrina vocalium apud Judæos per traditiones fuerit perpetuo conſervata, majoresque natu juniores, quo vocalis quæque loco ponenda ſit, ſumma diligentia docuerint. Quin extra dubium ponit, vocales æque atque accentus, clauſis Academiis, a Rabbinis Babyloniis fuiſſe per manus quaſi traditas: hosque verentes, ne ſcholis defi-

p. 82.

134.

135.

136.

p. 139.

143 sq.

cientibus, doctrina hæc plane intercideret, seculo tandem undecimo congressos, punctorum & vocalium doctrinam, ab antiqua licet multum diversam, regulis descripsisse. Cap. XXV, seqq. de antiquis Ebræorum Poetis, eorum Poesi, generibus carminum, cantilenis, nœviis, multa erudite sciteque tradit. Hic inter alia contra Talmudistas probat, Psalmum XCII non ab Adamo primo sabbatho, sed potius a Davide compositum. De poetis Idumæis differens, quo tempore, qua lingua, quo autore Hiobi liber consignatus sit, ostendit, monstratque satis solide, eum non unum autorem habuisse. Tandem Cap. XXXV Chronologiam sacrarum apud Ebræos scholarum, Principumque Synedrion attexit. Hinc ex Judæa in Græciam pergens Autor, Tomo altero Græcorum scholas sacras ac Theologiæ rationem recenset. In introductione præfixa veterum Ecclesiæ Patrum Theologiam laudat, nec obscure indicat, multo illam majoris usus esse hodierna Theologia scholastica, injecta obiter etiam mentione litis inter Desid. Erasimum & Latomum olim agitatæ, & adhuc a nonnullis continuatæ, quæ qua ratione componi possit, explicat. Cap. I agit de primis Christianorum scholis sacris, & de catechetica institutione Alexandriæ facta: ostenditque, quæ quæque Ecclesia Orientalis laude præcipue fuerit æstimabilis, & p. 8 interpretatur *ἐκκλησίαν* illam Nicephorianam lib. V cap. II *ἡ τῶν ἐν Ἐκκλησίᾳ ἀρχαίων*, hoc est auditorium eorum, quæ sunt longi usus. Cap. II demonstrat, in Alexandria Theologiam primum natales suos invenisse. Cap. III docet, Alexandriæ scholam Theologicam in templo fuisse; in publicis vero scholis propterea Theologiam non regnasse, quod Præsul earum fuerit gentilis ac idolorum cultor. Cap. V de scholis Christianorum Nisibiensibus agit, docetque, in Nisibiensi oppido Theologiam primum in artis formam redactam esse. Observat hic Cl. Autor, in verbis, quæ adducit, Cassiodori: *Nisus cum beatissimo Agapeto urbis Romæ, ut sicut apud Alexandriam multo tempore traditur institutum, etiam in Nisibi civitate Syrorum Hebræis sedulo fertur exponi &c. pro Hebræis, Græcis legendum esse, non quidem natione sed lingua talibus. Neque minus annotat, methodum illam secundum artis regulas res Theologicas proponendi, Nisibi introductam, secutum esse* atque

atque etiam promovisse ac exornasse circa A. C. 730 Jo. Damasce-  
num in *quatuor libris fidei orthodoxæ*: eodemque tempore  
Theologiam partim Homileticæ, hoc est, ad rudiorum captum  
accommodate, partim Exegeticæ, h. e. profundius ac subtilius  
paulo fuisse traditam. Eodem hoc capite de Ephremo Syro, alias  
Diacono dicto, nonnulla affert. Sunt qui Græcæ linguæ igna-  
rum fuisse opinantur. Noster vero contrarium tuetur, 1) quod in  
ea urbe vixit, quæ ad sua tempora Imperio Græco paruit, 2) quod  
eo tempore æque communis fuit in Oriente Græca lingua, ac in  
Occidente Latina, 3) quod modo Irenæum, modo vitam S. Antonii  
ab Athanasio scriptam, in operibus suis citat. Neque opponi  
posse Sozomeni auctoritatem lib. III cap. 16 de eo scribentis;  
*ἑλληνικῆς παιδείας ἀμοίρας*: aliorum enim hæc spectare, nec  
hoc sibi velle, quod imperitus fuerit Græcæ linguæ, aliud  
quippe esse *γλώσσην* aliud *παιδείαν*, cumque eo loco de carmini-  
bus agat, id tantummodo indicare velle, quod artem Græcos  
versus pangendi nesciverit. Cap. VI de Scholis sacris in Occidente  
agit: ubi bene monet, institutionem Theologiæ a lectione &  
interpretatione sacri codicis incipiendam esse. Inter alia annotat,  
seculo demum VIII in Anglia monachos in cathedralibus Eccle-  
siis tempore Ælfridi Regis cœpisse in monasteriis Theologiam  
docere: inde Alcuinum Parisiis, & Rabanum Maurum Fuldæ  
Scholam Theologicam instituisse. Quo loco Wilhelmum Cave  
notat, quod in Scholæ Fuldensis doctoribus enumerandis ordine  
præpostero procedat. Cap. VII seq. de catechumenis, ritibusque  
ad eos spectantibus disserit. Cap. XIV demonstrat, in Theologia  
quæstiones, qua ratione hoc vel illud fiat, vel factum sit, locum  
non habere. Cap. XVI probat, quod *παρατάξις* in conciliorum  
sessionibus locum non habeat. Cap. XXI seqq. agit de Scholis &  
Doctoribus Alexandrinis, eorumque serie. Cap. XXXIII Chrono-  
logiam Scholarum sacrarum Christianarum pandit.

P. 29.

P. 33.

**JO. CHRISTOPHORI VVOLFII, PAST. AD D.**  
*Cathar. Hamburg. Curæ Philologicæ & Criticæ in*  
*IV SS. Evangelia & Actus Apostolicos.*

Xx 2

Hamburgi,

Hamburgi, apud Jo. Christoph. Kisnerum, 1725, 4.  
Alph. 8.

**S** Rev. Autor eam hic operam præstitit, quam eruditi a multis annis partim optarunt, partim promiserunt, quamque præsens sæculi literarii conditio exposcit. Nemini non comperitum est, & superiori & nostra imprimis memoria viros quosque præstantissimos industriam suam eo convertisse, ut Philologiæ & artis Criticæ beneficio novum inprimis Instrumentum illustrarent, & nunc contextum integritati suæ vindicare, nunc obscuriora novis quibusdam interpretationibus in lucem collocare, nunc res ipsas & argumenta ex profanis literis & omni antiquitate tum sacra tum profana explicare conarentur. Atque hoc illi quidem fecerunt interdum in voluminosis operibus, qualia sunt Scaligeri, Casauboni, Salmasii, Bocharti, Gatackeri, aliorumque, interdum vero in singularibus *Observationum*, *Annotationum*, *Variarum lectionum* &c. libellis. Utriusque generis tanta existit copia, ut pauci forte sint, quibus ea omnia videre, nedum evolvere & in sacrum usum convertere licuerit. Quo factum est, ut multa dextre observata, sed alieno loco posita, inter derelicta fere haberentur, nec ad eorum notitiam pervenirent, quorum hæc in interpretando S. Codice scire intererat. Optimo itaque consilio Rev. Autor eam sibi operam imposuit, ut ex conquisitis & in proprium locum relatis Virorum doctorum observationibus Philologicis & Criticis apparatus hunc construeret, facili & jucundo labore a quovis sacrarum literarum interprete adhibendum, insertis frequenter iis, quæ vel ingenium vel lectio ipsi aliunde suggererat. In hoc dum esset, quatuor potissimum capita expedienda sibi sumisit. Primum de integritate contextus Græci sollicitus fuit, quem subinde ex MSS. in quibus novæ & a receptis diversæ lectiones exstabant, tum vero ex ingenio a Viris doctis sollicitari viderat. Inter hos constat *Millium* nostra memoria primæ fere partes tenuisse, qui immensam variantium lectionum molem Prolegomenis suis & notis Criticis auxerat, eo inprimis fine, ut quid de potioribus varietatibus habendum esset, constaret. Idem vero frequenter adduci se passus est, ut receptam lectionem loco

inover-



movendam, & cum alia permutandam judicaret, si vel unus vel plures manu exarati Codices imo & interdum ingenii subtilitas præsidium afferre viderentur. Hujus itaque cogitata post Cl. Dan. Whitbium sub examen vocavit Noster, nec eos omisit, quibus vestigiis ejus presse insistere, vel nova de suo, exemplo quasi ejus incitatis, addere visum fuit. Hic labor tam feliciter ipsi cessit, ut in Præfatione profiteatur, experientia se edoctum, quod Whitbius in titulo *Examinis sui Variantium Lectionum Millii* ex vero affirmarit, *lectionum harum fundamenta incerta plane esse, & ad lectionem textus hodierni convellendam protinus inidonea;* tum vero, *lectiones variantes, quæ sint alicujus momenti, aut sensum textus mutant, paucissimas esse, atque in iis omnibus lectionem textus defendi posse.* Deinde Græcæ dictionis rationem Summe Reverendus Autor curate habuit, ut de genuina ejus ratione & efficacia judicium formari posset. Constat enim, aliis stylum Nov. Test. a Græcia profana ita abire visum esse, ut nusquam non de *Hebraïsmis* cogitarent; alios vero ab admittendis Hebraïsmis ita fuisse alienos, ut phrascs ejus singulas probatorum Græciæ scriptorum exemplis muniri posse censerent. Utriusque partis cura id effecit, ut nonnunquam sensus dictionis genuinus amitteretur, vel saltem efficaciæ ejus non parum decederet. Noster itaque, media incedens via, nec Græcismo nimis indulgit, nec Hebraïsmos penitus averfatus est, atque adeo singulis in locis, ubi dissensus eruditorum disputandi faciebat copiam, sententiam suam tum Scriptorum sacrorum V. T. & Judæorum aliorum, tum externorum Græcorum idoneis locis confirmavit. Quemadmodum vero *Hebraïsmos* inter *Barbarismos* & *Solacismos* numerandos esse, recte negat; ita neutrum horum in N. T. exflare, productis, ubi dari nonnullis videbantur, probatorum Scriptorum exemplis, ostendit. Hac occasione scriptores, qui de stylo N. T. exposuerunt, cujusmodi sunt *Jochenius, Gatakerus, Stolbergius* &c. in succum & sanguinem convertuntur, eorumque sententia de locis dubiis nunc confirmatur, nunc convellitur. Eadem opera subinde profanorum scriptorum loca afferuntur, quibus cum sacris vel dictionis, vel sententiarum ratione affinitas quædam intercedit. In quo negotio

cum post alios *Picinellus* in Luminibus Reflexis diligenter occupatus fuerit, ab aliis hactenus fere neglectus, illius mentionem suis locis frequenter faciendam esse censuit.

Præter hæc Cl. Autor diversas interpretum de locis difficilioribus sententias in libris, quos diximus, dispersas diligenter congeffit, & legentium conspectui exhibuit, ita quidem, ut nunc ipsa Scriptorum verba, si libri rariores essent, vel sententia eorum paucioribus repræsentari non posset, referat, nunc vero, idque frequentius, dicta eorum in summan conferat. Sententias vero has non tumultuaria opera & sine ordine enarrat, sed ita instruit, ut, quoad fieri potuit, ordine quodam secum invicem connectantur, Lectorique eas inter se comparandi opera facilius reddatur.

Ipsa præterea recensio ita instituta est, ut quæ *quarta* ipsi cura fuit, vel brevis epicrisis inspergatur, vel longius, si argumentorum pondus jubebat, examen instituatur. Hoc vero faciendum sibi ideo putavit, ut incauti sibi a *Pseudopunctis* variis, quæ vel novitate vel ingenio tantum se commendant, & quibus nostra ætas laborat, cavere possent. Ubi tamen simul sibi temperavit, ne interpretationes idoneas & solidis rerum argumentis superstructas ideo tantum rejiceret, quod novæ essent, cum persuasum sibi habuerit, nostræ quoque ætatis hominibus in tanta literarum luce in mentem aliquid venire potuisse, quod pristina sæcula latuerit. Diversas has sententias non ex Commentatoribus perpetuis in N. T. qualibus *Polus* ad Synopsin Criticorum adornandam usus est, sed ex illis scriptis, quæ ante subindicavimus, repetiit. Ut vero scire Lector posset, quibus præcipue Scriptoribus usus sit Noster, præfationi subjicitur Index eorum alphabeticus, commemoratis annis & locis, quibus lucem adspexerint.

Ex his de habitu totius Operis in universum judicari potest. Patet scilicet, operam hanc illi, qua *Matthæus Polus* in Synopsi Criticorum olim perfunctus est, ita affinem esse, ut pro continuatione ejus recte habeatur. Apparet vero etiam, varia momenta *Curas* has ab illis *Polis* ita distinguere, ut multis se prærogativis com-

commendent. Neque enim Noster ullo eorum interpretum, quos Polus consuluit, data opera utendum censuit, neque, quod jam monuimus, Commentarios plenos & perpetuos, quippe quos facili negotio per se quisque evolvere potest, in circulos suos adnuit, sed eos tantum, qui singularia N. T. loca hinc inde, variis locis, varioque instituto explicanda sibi sumserunt. Præterea vero rationem tantum eorum habuit, quæ ex Philologico, Antiquario & Critico campo decerpi poterant, rarius in ea excurrrens, quæ ad doctrinas sacras stabiliendas pertinent. Denique nullam interpretationem, quæ stylo vindice opus habebat, sine interposito iudicio prætermisit. In eo vero formando eam æquitatem & modestiam adhibuit, ut dissentientes ipsi censuram ægre ferre non possint. Inprimis sedulam quoque operam dedit, ut, quæ a recentioribus nonnullis in B. *Lutheri* versionem inclementius & prave dicta sunt, amoliretur. Clavim itaque habes, Lector, qua armata præstantissimorum Philologorum, quos N. T. interpretatio exercuit, hætenus fere occlusa, aperiantur; simul vero subsidium idoneum, quo si utaris, facile tibi caveris ab iis, quæ innaturo sed fiduciæ pleno iudicio nonnulli pronunciare ausi sunt. Itaque optandum omnino est, ut *Cura* hæc etiam in reliquos N. T. libros, ceu Rev. Autor pollicetur, quamprimum in lucem atque adeo communem usum proferantur.

NIC. ALARDI, PASTORIS STEINBECCENSIS  
in Holsatia, Bibliotheca Harmonico-  
Biblica.

Hamburgi, apud Joh. Christoph. Kisnerum, 1725, 8.

Plag. 12.

**T**ractatus hic, quem Rev. Autor singulari cura perpolivit, in quinque abit Sectiones. Earum I de Antilogiis Biblicis generatim commentatur, ita ut de earum natura, origine & usibus, tum inventoribus, variisque eorum consiliis, hinc remediis spuriiis & genuinis, quibus ad eas amoliendas diversi, pro singulis institutis, usi sunt, denique vero de necessitate utilitate & jucunditate studii harmonici constare possit. Sect. II Scripto-

Scriptores Harmonicos, qui ad integrum Sacrum Codicem curas suas retulerunt, recenset, inter quos ordine literarum Anonymi, Judæi, Patres & Scriptores Ecclesiastici, Pontificii, Reformati, Lutherani & Sociniani comparent. Sect. III exhibet conciliatores, qui libros V. T. seorsim a contradictionibus apparentibus liberare conati sunt, post hos vero illos, qui libris N. T. eandem operam impenderunt. Sect. IV enumerantur illi, qui certa quædam & singularia argumenta vel in utroque Fœdere, vel in alterutro tantum obvia ab ἐναντιοφανεύσεως immunia fecerunt. Atque hic primo loco p. 125 sqq. comparent, qui de *allegatione dictorum V. T.* in Novo & de *Parallelismis* commentati sunt, deinde vero, p. 130 sq. qui de Genealogia, de historia passionis, mortis, sepulturæ, resurrectionis & ascensionis sanctissimi Salvatoris nostri &c. a dubiis quibusdam objectis vindicanda laborarunt. Succedit denique Sectio V, indicem Dissertationum, Epistolarum &c. promens, quibus par aliquod dictorum Biblicorum ab adpersa Antilogiarum labe vindicatur. Singulæ fere classes Scriptores repræsentant literarum ordine collocatos: in calce vero accedit Index alphabeticus universalis Scriptorum Harmonicorum, qui in tota tractatione occurrunt, ut appareat, quo quisque loco inveniri possit. Constat omnino, jam olim Viros doctos in recensione hujusmodi Scriptorum, nunc data opera, nunc obiter & in specialibus quibusdam argumentis versatos fuisse. Sed ea tamen Viro doctissimo gloria propria est, quod non solum Indicem plenissimum & absolutum in hoc doctrinæ genere dederit, sed etiam varios sustulerit eorum errores, qui in eodem negotio ante ipsum occupati fuerunt. Ita nominatim non uno in loco Cl. *Jac. le Long* Bibliothecam sacram novissimæ editionis Paris. in folii forma curatæ sub eruditum examen vocat, & in subjectis notis varia ad rem suam facientia affert. Rev. Autori consilium est, B. *Michaelis Waltheri* Harmoniam Biblicam excutere, & amplo spicilegio locis illis lucem afferre, quæ a τῶ παραπίτῃ vel prorsus neglecta sunt, vel non satis evoluta. Quam in rem & aliorum, si qua exstant, inventis, & suis propriis utetur. Faxit Deus feliciter.



S. SIXTI II, PHILOSOPHI, PONTIFICIS R.  
 & Martyris Enchiridion, ut Christianum Sec. III Monu-  
 mentum edit, illustrat, vindicat URBANUS GODOFR.  
 SIBERUS, S. Theol. Lic. Antiqu. Eccl. P.P. & ad  
 eadem Thom. Diac.

Lipsiæ, in Officina Weidmanniana, 1725, 4.

Alph. 2 plag. 4.

**P**atres a nostris irreverenter haberi, vetus est nonnullorum querela. Causam nunc, quod sæpe alias factum, non denuo dicimus. Exemplum autem urgemus merito, quod in præsentì libro Rev. Autor, Collega noster conjunctissimus, suppetit. Is enim Sixti, quem temere gentilitati videbat addici, vindicias nunc dat secundum Christianissimum. Sententias namque, quas post Sec. IV omnes propemodum docti inter Pythagoræorum *Λεΐψανα* retulerunt, Sixto II Romano Episcopo & Martyri fortiter & cum magna penitus haustarum Antiquitatum Ecclesiasticarum demonstratione asserit. Et erat quidem adversus illos potissimum defendendus hic Autor, qui toti solent esse in Patribus ornandis, a quibus vicissim ornari sua credunt. Inde Concilio Romano novissime congregato per ipsum titulum laborem suum obtulit Rever. Autor. Nec enim aliam ob rationem id fecisse censendus est, quam ut erubescerent illi, quorum censores de pristino statu Pontificem & Martyrem convellerunt. Fatendum quidem, salva Hieronymi autoritate, patrocinium Sixti suscipi non potuisse. Vis autem injusta est nulla, quæ ob civem servan- lum intenditur. Id, ut perficeret Noster, bifariam, quicquid fuit operæ, divisit. *Primum* enim Prologo pererudito iniquum Hieronymi & sectatorum de sententiis Sixti iudicium demonstrat, & hæc quidem pars directe ad Sixtum restituendum spectat. *Deinde* sententias Sixtinas sigillatim exhibet, studio prorsus iudabili, ex Scripturis sacris & Patrum æqualium libris illustratis, potissimum Clementis Alexandrini, quem patet assidua manu a Rever. Autore tractatum. His autem Commentariis id officitur, ut frivola esse appareat, quæcunque tanquam a veritate

- p. 37. 96. sacra aliena sinistris de Sixto judiciis fuere prætenſa. Nos de utraque parte aliquid dicturi ad *Prologum* regredimur. Sententia, quam ibi tuetur Noſter, hæc eſt: *ſuiſſe Sixtum, cujus gnomæ feruntur, primo Philoſophum Origenis æqualem, ex Philoſopho chriſtiano factum Pontificem ſub Sixti II nomine, & martyrem, cumque, dum adhuc inter Græcos viveret, melioris ſapientia documentum, omnibus profuturum, Enchiridio ſuo dare voluiſſe.* Itaque de Sixtis Romæ Episcopis quædam præſatus, in hoc ſubiſtitit.
- p. 6. Parentes ejus incertos putat, cum, qui ex Philoſopho procreatum dixerant, nullis nitantur autoribus, & ambiguis Platinæ verbis forte inducti ſic ſtatuerint. Patriam Athenas haud difficile largitur, Actis S. Stephani Pontificis potiſſimum nixus. Philoſophus fuiſſe perhibetur ab omnibus, cujus ſectæ, a nemine. Cum enim Hieronymus Pythagoræum dixit, non ſanctum Pontificem in animo habuit, ſed Sixtum quemcunque voluit producere. Sed
10. coll. & illud non invidioſum fore putat Rever. Autor, ſi detur, fuiſſe  
180. Pythagoræum, Jummodo id non de ſectæ profeſſione intelligatur, quippe cujus ſcholæ jam tum deſierint, ſed de propenſione ad quædam Pythagoræ dogmata, quorum etiamnum veſtigia in ſententiis dari non negandum. Cum autem ea ſalutari doctrina valde ſint affinia & a Chriſtiano ad magiſtri ſui ſententiam facile potuerint emendari, non apparet profeſſo, cur gentilem potius autorem, quod Hieronymus volebat, prodere debeant. De taciturnitate namque, de mentis purificatione, de abſtinentia ab animalibus potuit etiam ejuratis idolis chriſtiano more philoſophari Sixtus. Imo vel ſic fortasſis nimium conceditur, cum datur, eum aliquando gentilem fuiſſe. Nobis enim id a nemine eorum, qui de Sixto teſtantur, dici videtur, præterquam a Platina, qui *ex Philoſopho Chriſti diſcipulum factum* aſſerit, qui tamen credi poteſt, his verbis ad antiquiorum brevius dicta, ubi Philoſophus vel ex Philoſopho aſſumptus appellabatur, propriam interpretationem attuliſſe. Quicquid tamen ſit de hac mutatione, id ſaltem evicit Noſter, Chriſtianum fuiſſe ſententiarum Autorem, cum ab
19. 37. Origene inter *πiςςςς και τῶν ιερῶν γραμμάτων* participes, En-  
25. chyridion autem inter libros *δοκίμης* referatur, Laurentius Martyr, Sixto ad Martyrium eunti occurrens, ſententiam quan-  
dam

dam in ejus libello obviam ei proposuerit, & Hieronymus ipse diffiteri nequeat, per provincias legi Sixti gnomas & magna per integrum seculum fuisse celebritate. Accedit, quod magnam probandi vim habere debet, talia in his sententiis legi, quæ non nisi a Christiano proficisci poterant, qualis est sponfionis & renunciationis inter initia Christianismi faciendæ commemoratio. Ea sane tanti ponderis visa est Cl. *Lequienio*, ut insuper habito Hieronymi judicio plane fateretur, sibi legenti Christianum apparuisse Sixtum. Sed in isto quidem argumento pars libri secunda copiosius, &, quod non veremur dicere, evidenter prorsus versatur. Per sententias & minutatim adeo proposuisse veritates divinas putatur Sixtus, tum, ut laterent intus hostes suos longiori & continua oratione facile irritandos, tum, ut haberent Christiani, quod opponerent Epicteto & Antonino, qui simili ratione morum præcepta tradiderant, e quibus Antonino hic unice scopus fuisse dicitur libros *περὶ ἐαυτοῦ* componendo, ut Christianis sanctior illa Servatoris & Apostolorum doctrina excuteretur. Tempus scripti Enchiridii nulla quidem certitudine definiendum, conjectura tamen ex Origenis citationibus ducta auguratur Noster, in juveniles annos Sixti incidere, & ab anno forte trigesimo Seculi III librum hunc fuisse publicatum. Illum tam acceptum & lectu dignum Rufinus, Presbyter Aquilejensis, in Latinum sermonem transtulit & Aproniano dicavit Epistola, quæ, cum in Bibliothecis Patrum non extet, hic tota inseritur. Inde vero tanquam peste afflatus indignissima passus est Sixti libellus. Non enim solum Græcum exemplar oppressit versio barbara, dissimilis, omnino Rufiniana, sed Hieronymum etiam excitavit, ut, dummodo Rufinum in odium adduceret, cui alias erat infensissimus, Sixto controversiam status movere non dubitaret. Arguit igitur adversarium, quod Philosophum in Pontificem & martyrem mutasset, ipsum vero Sixtum, tanquam gentilissimum & ab omni veritatis divinæ professione alienum. Sunt inter objecta Rufino aliqua tam frivola, ut indicia manifesta curiosi & quovis telo pugnantis odii præbeant. Hæc tantum tangit Noster. Illis autem, quæ Sixto evertendo fuere allata, sigillatim cum exquisito doctrinæ apparatu respondet. Et primo

p. 23.  
50.

51.

12.

15.

17. coll.  
142.

23.

24.

26 sqq.

29.

30.

p. 33 sqq.

38 sqq.

42

47.

quidem autoritatis Hieronymianæ stridorem ratione compescit, ostendens, inter Pythagoræos nullum extitisse, cui hic liber Sixti tribui queat. Solus enim, qui nominari eum aliqua specie potuit, est Sextus quidam, vel Sixtius Romanus, huic sectæ addictus. Is vero, cum haud dubie Servatore nostro vel fuerit anterior, vel illi saltem æqualis, quomodo ex ejus doctrina & sublimissimis quidem doctrinæ partibus sumserit suarum sententiarum materiam? Hoc argumento Galeus refutatur, qui opusculis Mythologicis, Physicis & Ethicis junctas hæc sententias edidit, easque Sexto illi Romano tribuit. Illud simul observamus, Galeum verba Rufinianæ præfationis ita repræsentare, ac si Rufinus ipse Sixtum Pythagoricum appellaret. Qua editione Galeus usus sit, an ex opinione sua verbis Rufini aliquid assuerit, incertum. In Beati Rhenani editione certe, unde Noster præfationem exhibet, & in alia, quam vidimus, Erasmi Anni 1521 id axiomatis nomini Sexti haud additur. Si non a Galeo, ab ejusmodi forte censoribus profectum, id est, qui omnia sibi, demendo & addendo pro virgulæ suæ mensura, in libros alienos permittunt. Ad rem redimus & ad responsiones, quas Rever. Autor objectis Hieronymi opponit. Dixerat hic, *signum esse Autoris a fide alieni, quod nulla Prophetarum, Apostolorum, nulla Christi, Patris aut Spiritus S. mentio in libro fiat.* Regerit Noster, sententiarum brevitatem non pati, ut nominum autoritas allegetur, sed satis esse in ista methodo, ut veritas suæ defensionem relinquatur, tum vero Sixtum sapientes & amicos Dei passim nominando Autores sacros, qui Biblico Patrumque stylo sic appellari consueverint, non dissimulare. Quantum ad Trinitatis personas, Patrem quidem Deum aliquoties appellat. Si Jesu vel Christi nomina non habet, aliud Verbum, Sapientiam & veritatem sæpiissime citat, nomina Filii Scripturæ autoritate stabilita, patribus frequentissima & aliquibus usitatoria etiam Jesu & Christi appellationibus, quod uberimis exemplis confirmat Noster, de Tatiano imprimis observans, quod in omni oratione ad Græcos, ubi tamen *Φανερώτερον τὰ ἡμέτερα* erat expositurus, cum ab istis nominibus omnino abstinuisse, cui Athenagoras jungitur. Sub sapientiæ quoque voce Spiritum S. stylo ecclesiastico venire & a Sixti proin sententiis non



non exulare, quin ibi quoque designari putat Rev. Siberus, ubi de eo, quod in nobis est simile Deo, moneamur. Nos profecto, si vel maxime probari nequeat, Sixtum singulas Trinitatis personas commemorasse, crimen tamen in eo non videmus, cum nec fidei professionem ediderit, nec de rebus ad actus & characteres personales pertinentibus egerit. Postulare vero, ut, ubicunque loquaris, ibi in singulas periodos totum credendorum Systema compingas, jejunam asperitatem prodit. Accusat porro Sixtum Hieronymus, quod dictis suis de perfectione doctrinam Pythagoræorum, hominum exæquantium Deo, referat. Hic primum indicat Noster, quid Deus in Scripturis de suorum perfectione moneat, & ipse Stridonensis de illa scripserit, concludens inde, per calumniam Pythagoræum dici, quisquis eadem repetat. Deinde ad vindicias illarum sententiarum se confert, ubi nimiam perfectionis mensuram Christianis tribuisse videri poterat Sixtus, dum scribit; *Nihil tale post verum Deum sicut sapientem, item, dignum Deo hominem, Deum esse in hominibus.* Ista vero tantum abest, ut minus tolerabilia largiatur Noster, ut benigna interpretatione juvanda, & mentem potius rectam Autoris spectandam, quam verba scrupulose excutienda suadeat. Pati autem dicta ejusmodi sensum sanæ doctrinæ ἀνάλογον, docet, si ad effatum Scripturæ de κοινωνίᾳ τῆς Θεῆος φύσεως exigantur. Hoc certe niti quæcunque patres, subdolorum abusus non timentes, dum suæ puritatis sibi essent conscii, de Θεώσει, ἀπεθεώσει, ἐκθεώσει, prolatis quodammodo finibus locutionis sacræ, disseruerint. Juvabit lectores, summo cum studio collecta videre, quæcunque hanc in rem apud Theophilum Antiochenum, Clementem Alex. Macarium, S. Maximum copiose scripta reperiuntur. Imo dum Sixtum configit, suo se gladio jugulat Hieronymus, professus ipse, *fidelem angelice vivere in carne sine carne.* Jucundum imprimis est, ad lucidas Hieronymi sententias excerptas legere, quarum comparatione cum Sixtinis evidenter patet, quam leviter in alio amnavit, qualia ipse statuere non dubitaret. Censura Hieronymi, quantumvis iniqua, manibus Occidentalium facile libellum hunc excussit, cum nemo præpotentem adversarium ciere

p. 48.

52 sqq.

62.

63 sqq.

74.

- p. 72. sustineret, Augustinum etiam movit, ut priorem sententiam mutaret & Enchiridion, quod Xysti Pontificis esse putarat prius, ad Sextum deinde Philosophum referret. Fatendum vero est, retractationem illam verbis valde frigidis, neque priorem sententiam deleturis esse conceptam. Cæterum apud Græcos semper in pretio fuisse sententias Sixti, & ascetis materiam librorum suorum præbuisse, observat Noster. Opportune imprimis accidit, quod apud Syros in patriam linguam translata & sub Episcopi Romani nomine publicata reperiantur. Id dum commemorat, Assemani rationes contra Sixtum examinat & de versionis ætate observat, eam Seculo VI jam extitisse, si non Ruffiniana sit antiquior, utpote plura continens. Gelasiano decreto inter apocryphos liber Sixti refertur. Illius autem quam leve sit pondus, cum secum sæpe pugnet, ante Seculum IX nemini innotuerit, falsum in multis iudicium ferat, Vir Rev. demonstrat. Urget maxime, quod Autor decreti, non memor, se ab Hieronymo totum pendere, hæreticum appellet, quem ille gentilissimum librum ab ethnico compositum dixerat, quodque Isidorus Hispalensis Seculo VI gnomas, de quibus lis est, tanquam Sixti Pontificis probaverit, indicio non dubio, aut nullum tum fuisse Gelasii decretum, aut nullius inter Hispanos autoritatis. Seculo XII *Laurentius* Presbyter Pisanus edito cuidam suo Enchiridio multas Sixti sententias inseruit, ipsumque præclaris laudibus extulit, unde, quanquam Pythagorum nominet, conjicit tamen Noster, rectius eum de Sixto sensisse, sed palam non ausum proferre suam sententiam. Inde altum de Sixto silentium, donec Beatus Rhenanus illius sententias Basileæ 1516 ederet, post quem & ab aliis fuere publicata & Bibliothecæ Patrum Bigneana illata.
90. Hinc alia plaga percussus fuit Sixtus, cum Brasichellensis S. Palatii Magister Hieronymi censuram renovaret, & Sententias quasdam suo iudicio cavendas indicaret. Is autem breviter dimittitur, quoniam de iis, quæ recoquit, non opus erat amplius respondere, ad sententias autem defendendas pars altera sufficiebat, ubi monstratur, ipsa Christi verba per censorem quandoque in Sixto damnata fuisse. Majoris momenti visum *Baronii* iudicium. Is enim rationem redditurus, cur Gelasius hæreticum
- 92.
- 93.
- 96.

vocaverit, quem inter gentiles rejecerat Hieronymus, ideo hoc factum putavit, quod Ruffinus transferendo librum multa ex Scriptura inseruerit, ut christianum Autorem mentiretur. Hoc igitur gratis dictum monet Noster. Nam de mutatione per interpolatorem facta certis argumentis constare debet, qualia proferre nescivit Baronius. Deinde, quæ integro seculo ante, Origenis scilicet ævo, legebantur, ab interpolatore Ruffino in scite arcessuntur. Porro mirum, hunc quidem dentem, mordendo Ruffino, nostris demum criticis fuisse servatum, quo Hieronymus adversarium appetere non potuerit. Is enim ne semel quidem, ne de illis Sententiis quidem, quibus Pelagius maxime fuit abusus, tale quid objecisse legitur. Quid? quod exemplaria Græca, quibus S. Maximus & Damascenus sunt usi, cum Latinis prorsus consentiant. Accedit hoc denique, quod multo minui pars harum sententiarum ita sit comparata, ut non statim, christianas esse appareat. Id Baronium haud curasse, est excusabile, cui quærendum erat scilicet, quomodo Gelasium suum cum Hieronymo conciliaret. *"Alii vero, qui, tali momento non impulsæ, temere tamen credunt, auctum a Rufino Sixtum Christianis sententiis, eodem judicio defenderent, leonem nil aliud, quam selem interpo-*  
*latum, aut, quæ sub Epicteti aut Antonini nominibus habemus, Syracidem esse, multis Stoicis sententiis per istos sapientes auctum."* Noster perpensis obeloque transfixis recentiorum quorundam judiciis, ad Hieronymi præjudicium conformatis, quædam adhuc de Sixti vita scriptisque commemorat. Dignitatem hujus Enchiridii Sixto ad Presbyterium viam munivisse putat, ex quo gradu ad Pontificatum A. C. 257 elatus est. Acta ejus omni hoc tempore prorsus incerta sunt. Iter in Hispaniam partim fabuloso Flavii Dextri, partim nimis recentibus aliorum testimoniis nititur. In Pontificatum ejus controversia de rebaptizandis hæreticis & Sabellianæ hæreseos primordia inciderunt. De utraque re Dionysium Alexandrinum consilia cum ipso communicasse constat, quid Sixtus responderit, nullibi consignatum. De Angelicis & Apostolicis per ipsum convictis Palatius non satis persuadebit eis, qui monumentorum Ecclesiasticorum fidem equirunt. Neque vero perficere multa potuit, post annum  
violenta

p. 108 sqq.

III.

II7.

p. 112.

114.

115.

violenta morte sublatuſ. Cervicem gladio reſectam fuiſſe, ex Cypriano aſſeritur, & Prudentiuſ adeo caſtigatur, qui patibulo aſſixum cecinerat. Extat liber de divitiis, qui ad Sixtum III vulgo referri ſolet. Non putat Noſter, ſufficere rationem, a pace & tranquillitate Chriſtianorum hoc ſcripto prædicata, petitam, cum & ſub Fabiano Pontifice quietem habuerint & Principum etiam, Philipporum ſcilicet, accellu ante Conſtantinum locupletati fuerint. Haud diſſitetur tamen, ſcriptionis genus ab eo, quod in ſententiis deprehenditur, eſſe diverſum, quanquam commodum arbitratur, propterea ſcriptum hoc Sixto II tribuere, ut intelligatur, quomodo Hieronymuſ dicere potuerit, Ruſinum unum ſyntagma Sixti in duos libros diviſiſſe, qualis diviſio nunc in ſententiis non appareat, tum vero facta eſſe poſſit, cum Ruſinuſ ex ſcriptis Sixti uno volumine comprehenſis, ſententiaſ ſolaſ ſibi vertendaſ ſuſceperit. Quantum ad epistolaa, huic Pontifici tributaſ, mallet Rever. Autor, eaſ non omnino rejici, cum a Cardinali Aguirrano monſtratum ſit, in Hiſpania quædam tam acta fuiſſe, ad quæ in epistolaa reſpiciatur, ea vero, quæ de appellationibus ad Romanam ſedem ibi continentur, non aliena ſunt a Romanorum Episcoporum genio, qui perſecutionum etiam tempore, tamen autoritaſis tuendæ & ampliandæ ſtudioſiſſimi deprehendantur. Quod ſi omnino fictæ ſint, tamen, quia ſententiarum veſtigia in illis apparent, id ſibi dandum putat, ut Sententiæ Sixti, ſi aptæ fuerint ad epistolaa decretales, pro libro eccleſiaſtico, contra licet nitente Hieronymo, habeantur. Denique anaphoram ſive liturgiam, quæ ſub Sixti nomine apud Syroſ fertur, manifeſta *νοθείας* indicia habentem, tanquam ſpuriam rejicit, aliquas vero ex Sententiis Sixtinis huic liturgiæ putat infertaſ.

Jam quod ad *Sententiaſ* attinet, quæ *parte* voluminiſ hujus *ſeunda* repræſentantur, eaſ ex Beati Rhenani editione ſupra memorata nunc denuo exhibet. Optimo judicio id factum. Niſi fallimur enim, in illo exemplari lectioneſ antiquæ purioreſ ſervatæ ſunt, cum reliquæ editioneſ correctorum manuſ hinc inde videantur prodere. Vel ſic tamen quadaſdam in ſtylo diverſitateſ deprehendimus, alicubi barbarie Ruſiniana horrido, in quibus-

dam



dam locis cultiori, quandoque simplici, alias quodammodo florido, ut antiquum appareat fuisse studium Sententias hasce poliendi. Porro crebræ sunt repetitiones earundem sententiarum verbis aliquantisper mutatis. Eas ad inculcandum fortius lectione multiplici argumenta proposita factas esse existimat Rever. Autor. In mentem venit nobis, considerantibus, ita dispositas esse sententias, ut aliquæ semper arcto nexu cohæreant, annon aliqui, vel confusa scriptorum vitio exemplaria habentes, vel alias in ordine constituendo curiosi, eandem sententiam sæpe translocarint. Neque tamen negamus, ipsum etiam Sixtum ita potuisse facere, prout easdem veritates diversis argumentis idoneas judicaverit. Arduum hic, sed & utilissimum laborem subiit Noster, dum, non cum sacris literis tantum, sed & cum æqualium Patrum scriptis comparando dicta Sixti, illa nunc ab omni censorum suspicione liberare instituit. Patet inspicienti, quanta volumina, quam studiose perlegerit, quam omnes Patrum thesauros in promptu habeat, quam apposite quidvis suo loco promere sciverit. Gemmis uniones distinctos te videre existimes, si ista videas. Prorsus etiam confidimus fore, ut non doctrinæ solum suæ laudes augeat, sed & obtinuisse, quod volebat, a bono quovis judicetur. Extent hic aliqua pro specimine. Merum Philosophum spirare videtur Sent. 125, ubi tamen, quam scite quamque merito Sixtus Philosophorum vocabula ad rem christianam transferre potuerit, ex stylo S. Johannis monstratur. Sent. 129 suadet, *non oportere contemni ea, quibus etiam post depositionem corporis indigemus*. Illam severioribus Philosophis censet oppositam Vir Reverendus, qui corporis curam omnino volebant negligi; depositionem autem corporis phrasi biblica significare liberationem a cupiditatum dominio. Ad Sent. 208 pulchre disseritur de vocis ἀναβαίνεν emphasi victoriæ aliquid & dominatus involvente. Ita vero liberat gnomen dicentem, *non ascendere passionem in cor fidelis*, a Brasichellensis censura, qui ἀναμαρτυρίαν ita stabiliri crediderat. Obscurior est Sententia 244: *Vir, qui uxorem dimittit, profitetur, se nec mulierem gerere*. Eam illustrat erudita observatione de pristinatorum temporum vitiosa consuetudine, qua multi cœlibatus studio legitimas uxores repudiabant, alias vero

p. 207.

188.

194.

227.

246.

- p. 280. *παρειαίης* habebant, quos, si absque conjuge esse vellent, ut omnino a mulieribus abstinerent, moneri cenlet. Addimus, Rufinum vocem Græcam, quæ forte *καμίζεν* erat, per *gerere*, quod omnem obscuritatem parit, interpretatum. Clara pariter lux affertur Sent. 308: *Si quid proprium alii tradideris, & ipse non habebis, non judices bonum.* Sensem enim dicti esse ostendit, omnia illa non vera esse bona, quæ, si ad alium transferantur, pristinus possessor amittat. Similis est ratio Sent. 319: *Non poterit Sapiens compelli facere, quod non videt, sicut nec Deus.* Nam cum tenebris obvolutum sit verbum *videt*, discutit eas, monendo, Græca vocabulum *θεωρεῖν* habuisse, qua ratione dicat Sextus, Sapiensem nihil, quod non exploraverit, facere. Selecta est observatio ad Sent. 424 de antiquo ritu, aures recens baptizatorum igne adurendi, unde explicatur simul, cur Celsus apud Origenem Christianos quosdam *ἀκροῖς καυσήσια* appellatos dixerit. Liceat nobis hic nostras quasdam observationes inter legendum natas jungere.
286. Sent. 22 ita habet: *Optimam purificationem puta, nocere nemini.* Suspectum videtur illud *nocere nemini*, cum species solum peccati his verbis exprimatur, cujus evitatio ad optimam purificationem non sufficit. Forte *μὴδὲν κακουργεῖν* fuit in Græco, Rufinus autem vitiose legit *μὴδὲνα*. In Sent. 25: *Deus sicut mens est, quæ movetur sponte, secundum hæc & subsistit;* nollemus vocem *subsistit* de quiete a motu interpretari, cum illa in Deo aliquid difficultatis habere videatur. Putamus Græcam vocem *ὑφίσταται* hæc Latina exprimi, & Sixtum docere voluisse, quod a se ipso sit Deus & per se subsistat. Huic autem sensui cum vox *sponte* non conveniat, dicendum, eam ex incogitantia Rufini, non optimi interpretis, ortam, qui illa Græcum *ἀφ' ἑαυτῆς* male verterit.
347. Sent. 162 *mendacio tanquam veneno utere*, ita ut habet, difficulter defendi posse videtur. Agnoscit Reverendus Autor, gentilium Philosophos probasse mendacia, si tanquam *φάρμακον* adhiberentur, Sixtum verba eorum, non mentem servasse, & cum illis *φάρμακον* medicamentum hoc loco significarit, ipsum contra veneni sensu vocem eandem adhibuisse, & tanquam venenum vitanda mendacia suasisse. Ita autem ambiguitatis vitium non satis effugisset Sixtus, nec facile fuisset lectoribus ejus discernere, num a Philosophis
133. *phus*
- 135.
- 205.

phis mente recedat. Quid? si dicamus, particulam *non* post *veneno* vel in Græcis jam τὸ ἔ post φαρμάκῃ excidisse. Ad Sent. 376: *verbum de Deo parcius proferto magis quam de anima* docte quidem differit Reverendus Autor, Christianos a futilibus Gnosticorum genealogiis, quibus illi doctrinam de divinitate replebant, abstrahi &, ut in aliis potius argumentis v. g. de anima, luxuriam ingenii exerceant, inoneri. Verum, ut pace ejus dicamus, simplicius nobis visum est, hanc gnomen ex sequenti interpretari, ubi Sixtus: *melius est animam perdere, quam verbum vanum de Deo proferre*. Facilius hoc admittetur, si de vitiis versionis Rufiniani cogitemus. Græca scilicet Sententia hæc erat: τὸ περὶ θεῶν λόγῃ φείδεσθαι τοῦ μαῖνον, ἢ τῆς ψυχῆς; cujus hic sensus, parcius esto verborum de Deo, quam vitæ, pro quo Rufinus, præpositionem περὶ ad vocem ψυχῆς quasi ἀπὸ κοινῆ repetendo alienum plane effinxit. Et hæc quidem hæctenus.

p. 321.

DE MONUMENTO PROPERTII POETÆ,  
ut creditur, Hispelli in Umbria reperto, Observatio  
critica FRANCISCI CAROLI  
CONRADI.

Non nudius tertius demum variis Italiæ, ac præsertim Umbriæ locis reperiri cœperunt vetusti lapides ad gentem Propertiam spectantes. Videas tales in *Gruteriano corpore* p. DCCCXXV, 9, p. CMLII, 4. Videas plures a *Thaddæo Donnola* in *patria Propertii* §. CXX exhibitos. Sunt, quod ad oculum patet, isti lapides libertorum libertarumque. Verum ipsius S. Aurelii Propertii, vatis illius teneri, blandi, facundi, Poetarum judicio, Romani Callimachi, quo se ipse nomine appellat, sepulcralis lapis ad nostram hanc ætatem obrutus tristibusque antiquitatis reliquiis sepultus jacere debuit. Mansit ejus detegendi gloria literatissimam Principem elegantemque Poetiam, *Theresiam Grilli*, *Pamphiliam*. Hæc enim tribus abhinc annis, nempe vii Idus Junii c. Icccxxii, in ædibus, quas Hispelli in Umbria possidet, augustioribus parietem funditus dirui jusserrat. Inter diruendum effoditur marmor quadratum, sesquipedalem longitudinem


TAB. IV.  
Fig. I.

paulum excedens, ad summum XIV pollices latum. Formam ejus & figuras, quas præfert, e *Diario Literatorum Italiae*, Tome XXXV anni 1723, artic. X, repræsentat Tab. IV Fig. I. Non Itali solum, laudato modo Diarii loco, brevi lapidis explicatione facta, esse, qui Propertium Hispello oriundum ex eo probare velint, indicarunt, sed & ante jam docti *Trevoltienfes*, *Menfe Majo* 1723, præter luculentio rem hujus monumenti interpretationem, de patria Propertii, quaque probabilitate eam ex isto marmore asserere liceret, erudite disseruerunt. Operæ pretium erit, in Germania quoque priscum, quo Itali tantopere lætantur, monumentum sub examen revocasse, liberumque de ejus valore tulisse judicium, quantum id fide aliena fieri potest, dum credendum est delineationi ab Italis datæ. Permultum interest sane, num animo ab opinione affectuque vacuo ad hujusmodi antiquitatis reliquias noviter repertas judicandas accesseris. Certe Italus ille, Hispella fortasse civis, a quo lapidis descriptionem primum se nactus *Trevoltienfes* scribunt, opinionem animo præsumtam manifeste prodit, affirmando, *ex ipsa lapidis forma, structura, ipsoque situ quo positum invenerint, apparere, nemini alii, præterquam Propertio, eum olim statutum fuisse.*

*Credite, me solum vobis recitare Sibylla!*

Talia præfari, nec postea confirmare, sed in probatione deficere, est infirmitatem opinionis ab argumentis destitutæ profiteri, atque idcirco lectorum sensus simulata causæ suæ fiducia occipandos aggredi. Quid enim, quæso, forma lapidis structuraque singulare, aut insolitum, aut Poetæ proprium habet? Sexcenti similes, quadratos, etiam triangulari fronte tectos, aut fastigios describunt, passim quoque conspiciendos præbent monumentorum lapidumque veterum collectores. Nescio vero, juvenile comatumque, sed imberbe caput, cui duplicis encæ et floribus pomisque ornamenta impendent, magis Poetam, dicam Propertium, quam alium quempiam juvenem exprimer credendum sit. Nihil frequentius tali capitis humani figuræ modo ipsum hominem lapide tectum, modo hominis Genium designante, inde mox virili, mox muliebri, persæpe juveni aliquando senili, in monumentis sepulcralibus occurrit. Non mirum: quippe, quod etiam in pluribus sepulchris unum religio-







*efficit locum, in quo tanquam principale conditum est, caput est, unde, cujus imago sit, cognoscimus, ut Jureconsultus ait. Ornamenta floribus, frondibus, pomisve contexta constipataque multo ampliora vel apud Boissardum unum in varix conditionis hominum monumentis potes offendere. Laurus forsan, aut hederæ, doctarum præmia frontium, possent Poetam indicare, non tales encarpi, non etiam simplex rosæ, aut alius cujusvis floris species, lapidum frontispiciis mediis adjici vulgo solita. At ingeniosæ illæ, an potius informes, monstri figuræ, utrinque flori inhiantes, haud temere appositæ videntur. Cuniculos ergo interpretatur Italus, eosque in caudas piscium desinentes. Scilicet has figuras ex Poetica fictione esse, inde Poetæ tumulum indicare, hariolari debes. Ipse hariolarer, modo ne similes, aut alias informes formas, rudi sculptoris ingenio enatas, in antiquis lapidibus subinde animadvertissem, etiam, cum nihil, præterquam spatium explendi & ornandi intentionem, subesse intelligerem. Ipse fortassis lapidarius ignarus fuit, quid monstri fingeret, dum anaglypha ista fecit. Adeo ignobile est artificium, ut & Hippocampus, vel aliud monstrum marinum, & capricorni, sive, ut Manilius alicubi vocat, capripiscis, vulgarem apud antiquos effigiem ac in monumentis passim conspicuam, possis credere. Facile enim Itali manus capitum formam ad speciem cuniculorum delineando paulum inflexit. Sed agnoscamus etiam cuniculos. Nemo Poetarum eos in piscem desinentes finxit: nusquam Poetarum symbolum perhibentur. Neque novi, quid sit illud, quod cuniculum Poetæ symbolum efficere possit, nisi forte, quod, ut Martialis ait,*

*Gaudet in effossis habitare cuniculus antris;*

Poeta vero similiter antra & solitudinem amat, quia

*Carmina secessum scribentis & otia querunt.*

Aut, si mavis, rationem a cuniculorum nota fecunditate arcesam. Sed Poetarum fecunda ingenia meliorem, quam ex leporum cognatis, imaginem volunt. Quandoquidem vero lapidis figuræ negligi potius, quam illustrari merentur, duplex magis inscriptio, diverso charactere efformata, curam intensiorem provocat. Prior superius insculpta est literis Romanis, quadratis,

simplicioribus, &, nisi me omnia fallunt, antiquitatem tuentibus. Ut satis mirari nequeam, qua confidentia Italus potuerit inferiorem inscriptionem illi tanquam vetustiore anteferre. Enimvero dicit, *superioris characteres sibi videri monstrosos, nimis crassos & informes; at inferiorem constare literis majusculis, rotundis & faberrimis, ut indicium præstantis artificis & elegantis seculi præbeant.* Quæ quam docte, quamque vere pronuntiata essent, modo elegantes literarum ductus in lapidibus argumentum essent majoris vetustatis! Qui lapides ab ævo primorum Cæsarum ad nostram ætatem extantes, ac subinde a doctis monumentorum veterum illustratoribus majori cum cura delineatos, qui nummos Augusti, aliosve illius seculi inspexerit, de literarum habitu testetur. At illis temporibus tumultus Propertius: ut in ejus monumento non possis literas affabre insculptas & ad recentiore elegantiam accedentes omnino requirere. Adde, quod formam literarum quadratam oblonga multo antiquiorem esse, & præterea literas duobus fulcris, sive lateribus constantes antiquitus utrinque crassas efformari consuevisse, (ut in superiori inscriptione, quamvis minus fideliter fortassis delineata, id licet animadvertere,) nemini dubium sit harum rerum paulum curioso. Qui itaque potuit fieri, ut inscriptionem literis oblongis, artificiosis, & uno latere, ut hodie solent, tenuioribus, exscriptam Italus præferret alteri, quam tot argumenta vetustati asserunt? Nimirum superior inscriptio est:

L. COMINIVS. L. F. LEM

L. Cominii L. F. nomen plus semel in priscis monumentis visitur. In lapide theatri, Volsiniis in Hetruria, apud *Gruterum* p. CLXVIII, 8.

L. COMINIVS. L. F. A. N    C. CANVLEIVS. L. F  
T. TVLLIVS. T. F. KARVS    L. HIRRIVS. L. F. LATINVS  
IIII. VIR

THEATRVM. ET. PROSCAENIVM. DE. SVA  
PECVNIA. FACIVNDVM. COERAVERVNT  
Apud eundem p. CCCXCIV, 8, in tabula marmorea Anagninz in  
D. Angeli æde:

L. CO-



L. COMINIO. L. F. L. N. PAL

FIRMO. PR. Q. AER. ET. ALIM  
OPPIAE. SEX. ET. O. L. EVNOEAE

Perantiqua Cominiorum gens a *Cominis*, Italiae populo, nomen indepta, ex qua & Postumus Cominius Cos. & L. Cominius Trib. militum apud *Livium*, C. Cominius Eques apud *Tacitum* memorantur. Nolim ergo credere, a recentioris ævi manu, & postquam Propertio jam factus esset lapis, Cominii nomen adscriptum esse. Quin potius L. Cominio primum, imo vero unice, positum, & pervetustum monumentum sepulcrum agnosco. Potest is ipse L. Cominius quatuorvir esse, quem in lapide theatri Volsiniensis modo vidimus, forsitan Hispelli sepultus: sed quod non affirmo. Potest L. Cominius ex tribu *Lemonia* fuisse, cui adscriptos Hispellates novi, nec demum ex hoc, verum ex aliis lapidibus Hispellenfibus, ut, apud *Gruterum* p. CCCLI, 1,

ALFIVS. C. F. LEM. RVF. II. VIR. QVIN

COL. IVL. HISPELLI. ET. II. VIR

QVINQ. IN. MVNICIPIO. SVO. CASINI

C. ALFIVS. C. F. LEM. QVADRATVS. VIV

EQVO. PVBLICO. IN. HONORE. AED. EST. MORTVVS

ALFIA. C. F. MIMISIA. VXOR

& p. CCCCLXXIV, 6,

D. M.

C. TITENO. C. F

LEM. FLACCO

SEVIRO. EQ. PVBL

AEDIL-----

Ergo mea quidem sententia lapis noster plane spectat ad L. Cominium, quisquis ille fuerit, nihil ad Propertium. Arguit id ipsa inscriptio altera, inferius, ut suspicor, ab impostoris manu seculo superiori adjecta. Sic enim habet:

SEXT. AVREL

PROPERT

SEX. F. LEM

Ubi primum omnium prænomen Sexti admodum in scite exprimitur

nitur, ut quod vel una litera S, vel tribus, SEX. antiquitus scribebatur, idque ex *Probo*, & ex innumeris marmoribus notum est. Nunquam scriptum est, ut hic. SEXT. enim Sextilem mensem, aut sextum, adverbium, notat. Video idem hoc & Italum offendisse, qui ea causa illud consuetum: *Sic*, in ichnographia lapidis superscripsit, quasi notandum aliquid putet, quod non semper occurrat. Nec errore lapidarii, aut oscitantia postremam literam absurde additam existimaverim. Vulgaris adeo prænominis scribendi nota vel inscitissimis lapidariis obvia nimis usitataque fuit, quam ut in ea labi facile potuerint. Magis credibile est, impostorem, qui prisco lapidi ista incidi fecit, incautum fuisse, sicut in characterum forma adhibenda, ita in prænominine sculpendo. Illud quoque animadvertas, velim, nulum hic nomen integrum exscriptum esse, cum nomen Cominii superius integrum extet. Scilicet veritus est inflectere nomina, quo ipse quivis lector vel *Propertius*, vel *Propertii*, vel *Propertio*, ut lubet, interpretari queat: nec ausus est ipsam inscriptionem plane instruere velut testantem, quod Propertio positus esset lapis. Et hoc ipso iterum parum feliciter imitatus est antiquitatem, quæ in sepulcrorum titulis studiose causas exprimebat, quis posuisset, & ob quod meritum, quoque affectu; præcipue vero, cui positum esset monumentum, aperte designabat: unde titulus pro causa apud Latinos Autores & Jureconsultos ponitur, imo Græcis *αἰτία*, qui Latinis titulus, appellatur: quæ tralatitia sunt. Jam cui probabile videatur, tumulo Poetæ tam inclyti, tam excellentis, cujus

- - - *tumefacta superbiit Umbria libris,*

*Umbria Romani patria Callimachi,*

simplex nomen sine titulo, sine elogio, sine commemoratione Poetæ inscriptum esse? Quis non credat, Hispellates potius nulum facturos fuisse monumentum, quam hoc tam incelebre, in quo nec Poetam, nec municipem suum, si is fuit, prædicarent? Istud vero: L E M. sive tribu *Lemonia*, imitatione superioris inscriptionis, atque in primis hac sine, ut Propertius Hispello municeps vindicaretur, additum esse, quilibet odorabitur, qui non sit naris obesæ. Tuum jam, Lector, judicium esto, quantum vel forma, vel figuræ, vel inscriptiones lapidis ad asserendum Propertio

pertio lapidem faciant. Locum, situmve, quo repertus est, multum probare, ecquis admittat haud ignarus, quam alieno subinde loco antiqua monumenta hodie effodiantur, per tanta temporum intervalla, inter tot urbium operumque ac ædium ruinas loco mota, imo multa milliaria a curiosis & amatoribus transvecta? Erutus est lapis noster in fundamentis parietis in palatio Monaldino, quod olim Urbani possedisse perhibentur iidem, qui & villam tenuere Hispellensem, in qua rudera sunt vetustarum ædium, quas *domum Poetae* Hispellates vulgo appellant: ut credibile sit, lapidem ex istis ruderibus primo effossum ab Urbanis in palatium suum translatum esse. Sed conjectura est, incerta traditione ac vulgi opinione subnixa: & *ædes Poetae*, fortasse superiori proxime ætate alicujus vulgo appellatas, statim *Propertianas* affirmare, nimium ac temerarium utique est. Cum ista incerta incertæ vulgi opinioni adjecta noscantur, non perspicio, quid locus, ubi detectus lapis, ad ipsum Propertio vindicandum præstare debeat. Non enim nisi infirma suspicio est, de lapide ab Urbanis inter alios ex istis ruderibus lapides ad parietem in palatio exstruendum forte translato: & si de industria e ruinis iisdem, ut pro monumento Propertiano agnitum, transportatum ponas, quis sibi persuadeat, eum in fundamentis parietis iterum defossum & absconditum esse? Majorem veri speciem habet, ignaros dominos lapidi, ab auctore futuræ fabulæ isto loco clanculum defosso, parietem postea imposuisse. Et apertius dicam, quid non sine probabili ratione suspicer. *Thaddæus Donnola*, supra memoratus, J. C. Hispellas, omni pæne eruditionis suæ apparatu, omni opera contendit Propertium Hispellatem efficere. Sub finem Dissertationis *de patria Propertii* paucis agit de morte ac sepulcto ejus: cumque Romæ tumultatum *Crinitus*, *Textor* & *Zwingerus*, nescio unde, perhibeant, exin concludit: *Si igitur Propertii cineres in Urbe, recte & sepulcri monumentum. Verum,* subjicit, *quid si hic Hispelli mox alia de Propertio nanciscantur inscriptiones, aut eruta, vel effossa monumenta, excisa, aut illata proferantur, divulgantur?* Videtur hic aliquid subesse, nec temere talis de reperiendo forte monumento Propertii sepulcrali apud Hispellates prædictio proferri. Non injurius sum in manes Don-

nolæ, siquidem piæ fraudis, amore patriæ, & laboriosæ adeo suæ de patria Propertii commentationi auctoritatem & confirmationem adjiciendi cupiditate, commissæ suspectum habeo, ut ipsum prisci marimoris in Propertianum monumentum transformandi, opportunoque loco defodiendi autorem, vel certe conscium fuisse credam. Non hodie primum hæc luditur apud Italos fabula, quam famosi olim falsarii, *Inghiramus, Cicarellus, Parisus de Grassis, Ann. Viterbiensis, Pompon. Latius*, aliiq; monumentorum veterum fabricatores præverunt. Ceterum conjecturæ afferri possunt varix, quæ certe dubium reddant, Propertium vel in patria sua ædes villamve habuisse, vel in eam aliquando Roma reversum diem ibi supremum obiisse. Italum quidem Antiquarium si velis audire, de villa Propertii Hispelleni nullum est dubium. Nempe rudera illa *domus Poeta*, quorum jam mentionem feci, & locum oleis confitum, haud longe a summa Hispelli porta S. Barbara distantem, vulgo a Poeta, per antonomasiam a Propertio, iudice *Donnola*, ad hæc usque tempora nuncupatum, eum inquam locum Italus, quocum mihi res est, ab ipso Propertio *affabri depictum* autumat, versu:

*Scandentisque axis confurgit vertice murus.*

Quasi hæc sit villæ, aut domus exacta descriptio. Sed jam notatum est ob tam commodam observationem ingeniosus homo doctus *Trevoltienfis*. Quilibet enim, qui *Eleg. I lib. IV* legerit, novit eo versu patriam Propertii urbem describi, nec ita quidem accurate, ut ab aliis Umbriæ locis dignosci queat, aut, ut ista descriptio uni Hispello conveniat. Atque eo ipso loco Poeta non sine animi mærore ac lacrimis recordatur patriæ suæ, dum sub *Hori* mathematici persona bonorum paternorum proscriptionem, inde suam a teneris egestatem conqueritur his verbis:

*Ossaque legisti, non illa ætate legenda,*

*Patris, & in tenues cogeris ipse lares.*

*Nam tua cum multi versarent rura juveni,*

*Abstulit excultas pertica tristis opes.*

Quodsi bona Propertii nondum adolescentis, patre, qui partes L. Antonii adversus Augustum secutus fuerat, interemto, proscripta sunt, ipsique inde egestas contracta est, quomodo potuit villam



villam, aut domum in patria habere? nisi ab Augusto restitutas Poetæ gratioſo, velis, quod tamen nulla prorsus conjectura ſuſtinetur: quis enim credat, tam ingratum, tam indignum tanta gratia, tanto munere Propertium extitiſſe, ut ejus rei ne verbo quidem meminerit. Porro, cum dura, adeoque immitia fata ipſum patria exegiſſent, cum triſtis adeo & injucunda ſit ei patrii ſoli recordatio, non videtur rediſſe in patriam, aut ſedes ibi velut poſtliminio poſuiſſe. Quod vero *Elegia XV lib. II* de venatione ſcribit a ſe inſtituenda in finibus Umbræ,

*Qua formoſa ſuo Clitumnus flumina luco  
Integit, & niveos abluit unda boves,*

id nihil in contrarium facit. Nam ruſticatum pauliſper ab Urbe, ut ſolebant Romani, conſeſſurus erat in amœniſſimum illum tractum, ut amicam ſequeretur. Sed parum de his latius deducendis in tanta obſcuritate, tantoque hiftoriæ defectu laboraverim. Neque me immittam diſceptationi de patria Propertii, in qua nihil unquam definitum iri, ſentio, cum nimium ambiguitate laborent tria illa loca, quibus Poeta natalem urbem deſcribit tam vage ac incerte, ut variis ac diſparibus omnino oppidis iſta poſſint applicari. *Trevolſtienses* accedunt ſententiæ *Joſephi Scaligeri* & *Jani Douſæ*, Propertium *Ameria* vindicantium. Huic enim oppido egregie apta eſſe illa:

*Umbria te notis antiqua penatibus edit.*

*Mentior? an patria tangitur ora tue,*

*Qua nebulofa cavo rorat Mevania campo,*

*Et lacus æſtivis intepet Umber aquis:*

*Scandentiſque arcis conſurgit vertice murus,*

*Murus ab ingenio notior ille tuo?*

Nam *Ameriam* Mevaniæ vicinam & in colle ſitam eſſe: Mevaniam ipſam vero intelligi non poſſe, cum in valle procumbat, *latis projecta in campis*, ut eam *Silius Italicus* deſcribit: & Propertium ſatis clare de alia urbe, Mevaniæ campis contigua, & cujus muri in colle aſcendant, loqui. Verum locus iſ diverſas explicationes admittit, & in ſingulis verſibus fluctuat lectio. Itaque quantumvis hæc incerta ſint, id omnino certum eſt, monumento iſto Hiſpellenti, etiamſi indubitate pro genuino Propertii monumento

mento sepulchrali agnoscendum foret, nihil ulterius confirmari posse, quam eum Hispelli tumulatum esse; ad patriam vero probandam eundem lapidem nihil profecto conducere. Quid igitur probabit, tot argumentis ei fidem derogantibus?

**JUSTI HENNINGII BOEHMERI, JC. POTENTISS.**

*Regi Boruss. a Consil. intim. & Prof. Jur. Ordin. in Reg.*

*Frideric. Doctrina de Actionibus, ad praxin  
hodiernam accommodata &c.*

*Editio III.*

Halæ Magdeb. in officina libraria Rengeriana, 1725, 8.

Alph. 2 pl. 21.

**M**anifesta doctrinæ de Actionibus utilitas complures & superiori, & nostra ætate Jureconsultos excitavit, qui scriptis eam illustrarent, dispari licet instituti ratione, ut vel *Bacchovii*, *Borcholtii*, *Bakelmanni*, *Harfoltii*, *Ludwelli*, *Oldendorpii* opera cum *Svendendorferianis*, *Schacherianis*, *Brunneemannianis*, *Strykianis*, *Bergerianis* conferendo ad oculum patescit. Quare nec mirum, quod insignis jurisprudentiam juvandi voluntas *Ill. Boehmeri* nobis quindecim jam abhinc annis *succinctam doctrinam de Actionibus delineationem* tulerit, eo fine primum evulgatam, ut prælectionibus super hac juris civilis parte separatim instituendis adhiberetur, quandoquidem commodum satis ad eas compendium deesse videbatur. Enimvero, ut ne frustra peculiaris industria remediis forensibus impenderetur, ad duò utroque respiciendum erat oculo, ad Juris Romani tradita, & ad usum hodiernum, ne aut nulla, aut cæca & irrationabilis doctrinæ hujus ex jure civili Romano applicatio vel traderetur, vel a discentibus ipsis arriperetur. Jam septennium est, cum iterata editio auctior multo prodiit liber, qui nunc tertium, sed multa industria emendatus, notisque uberrimis & observationibus ita instructus lucem adspexit, ut interprete ulterius indigere non videatur. Solidior actionum, sive remediorum forensium cognitio, (qua sine prudentem ac solertem advocatum dari, quis pertendat?) triplici notitia, scilicet de indole ac ratione singularum actionum, deque

deque singularum commodis pariter ac incommodis, de exceptionibus, quibus obnoxie sunt, atque de cumulatione actionum, absolvitur. Hinc Noster suam Actionum doctrinam in tres sectiones distinxit, quarum prima indolem actionum peculiarem & variam distinctionem sistit, altera singulas actiones ex jure personarum & rerum descendentes enucleat, ita, ut incommoda cuivis actioni propria tum ratione processus, quo peragenda est, tum ratione exceptionum, quæ opponi possunt, sedulo expendat; tertia vero sectione doctrinam de coacervatione actionum in uno libello succinctis positionibus complectitur. Naturam quidem ac indolem actionum solet alius repetere ex foro Romano & antiqui juris ratione, neque aliter de genuino ac rationabili remediorum civilium usu constare posse, existimat. Perparce excitatam videas Jureconsulti unius atque alterius auctoritatem, dum e fontibus omnia confirmare studet, ridens vulgi judicium, scripta practica ex coacervatis Doctorum opinionibus & præjudiciis æstimantis. Singulas actiones formulis agendi Germanico idiomate conceptis, prout ex natura actionis cujusque fluxere, accuratis & sufficientibus instruxit, qua ratione qui libellos formare didicerit, non metuet, ut inepti formularum in judiciis cantores & verborum aucupes solent, ne, dum syllaba excidat, ipse vel causa cadat, vel in expensas condemnnetur. Prioribus editionibus jam adjectæ erant *positiones, de gradibus matrimonialibus, & de ordine succedendi*, quæ & in præsentī una cum utilissimo augmento alio accesserunt. Est illud *introductio ad genuinum actorum judicialium usum*, vernaculo sermone conscripta, iis, qui in forum prodituri sunt, maximopere commendanda, siquidem omne artificium solerter legendi, excerpti, referendi acta judicialia, tum relationes ad superiorem ex iis concipiendi, decreta faciendi, judicium de actis scienter ferendi, brevi ac luculenta admodum tractatione proponitur. Ergo utrisque, tum qui Juris Civilis doctrinæ exactiori operam addixere, tum qui in foro felici successu versari peroptant, hic de Actionibus liber præstat, quæ ipsos vel instruere, vel adjuvare, vel oblectare possunt.

NATHANAELIS SENDELI, MED. D. ET  
*Physici Ordinarii Reipublicæ Elbingensis, Electrologia, per  
 varia tentamina Historica ac Physica continuanda, Missus  
 primus, de perfectione Succinorum operibus Naturæ  
 & Artis promota testimoniisque rationis &  
 experientiæ demonstrata.*

Elbingæ, sumptibus Autoris, typis Sam. Preussli, 1725, 4.

Plag. 8.

**T**Andem Cl. Autor *Electrologia* suæ in *Epistola ad D. Joannem  
 Philippum Breynium, M. D. Gedanensem, de Succino Indit.*  
*A. 1721 promissæ*, edito hoc de Succino opusculo, scenam aperit.  
 In cujus opusculi præfatione rationes reddit, quæ ipsum ad  
 ulteriorem Succinæ glebæ inquisitionem, & *Electrologiz* præ-  
 sentis editionem incitaverunt; nimirum nondum satis exhausta  
 Nostro videtur Succini natura & generatio. Putat enim cum plu-  
 ribus aliis, Cl. Philippum Jacobum Hartmannum, utut incom-  
 parabilem Succini Encomiasten, non tamen omnia, quæ de  
 prosapia, vel dotibus ejusdem laudari possint, ad finem perduxisse,  
 quod & ipse laudatus Hartmannus ultro fassus est. Hinc Noster  
 ad penitus rimandam Succini naturam littora *Glossaria* non tan-  
 tum aliquoties visitavit, sed & domi cum *Electroreutis* contraxit  
 familiaritatem, imo ipse artificum operibus, sive torno, sive limi  
 parandis, manus applicuit, & egregiam rariorum Succinorum  
 acquisivit Collectionem, quæ nuper Potentissimo Poloniarum  
 Regi emtione cessit. Ita doctus Artifex opus hoc aggressus, rationi  
 semper & experientiæ innixus, primum jam hunc in publicum  
 emittit Missum, quem plures, si hic ad Lectorum palatum fuerit,  
 excipient. Hunc in duas dispescit Sectiones, quarum I est de  
 operibus naturæ in maturandis & ad perfectionem promovendis  
 Succinis. Ubi annotat, varia & innumera fere, ratione colorum,  
 dari Succinorum genera, quæ tamen, præeunte Hartmanno, non  
 ut species, sed gradu tantum differre ait. Laudatus hinc Hart-  
 mannus binas constituit Succinorum classes, albescentium scilicet  
 & fulvescentium. Hoc non contentus Cl. Autor, cum Succina  
 gradu



gradu saltem inter se differant, inquirendum esse putat, quisnam ultimus perfectionis gradus in Succino statuendus sit; cum natura ubivis ferre, tam in Vegetabili & Animali, quam Minerali imprimis regno, in corporum generatione gradus observare videatur, per quos ad perfectionem tendit. Rejctis itaque aliorum de primatu Succinorum opinionibus, ipse inquit, quænam illa Succina sint, quæ a natura supremo perfectionis gradu sunt elaborata, ut perfectius incrementum acquirere non possint; tandemque post amplam & anxiam inquisitionem & rigorosum examen perspicuitati & transparentiæ principatum & perfectionem & summum illum decantatum gradum adscribere non veretur. De duritie, quam Hartmannus maximam Succinorum vocavit gloriam, sentit: non omnia Succina dura perfecta esse, quia & opaca dura reperiuntur; duritiem vero necessario cum perfectione clarorum semper esse conjunctam. Tandem inquit, unde & ubi illa naturæ fiat operatio ad claritatem perducens Succina, & addit rationem paradoxo, cur omnium Succinorum perfectorum nobilium & imperfectorum ignobilium, æquale sit pretium; curque tam magna clarorum Succinorum in majoribus glebis sit raritas. Sectio II agit de operibus artis in perficiendis Succinis: in qua ostendit artem in clarificandis Succinis naturæ famulam & imitatricem. Ejus in antecessum originem & antiquitatem examinat, quam ad Romanorum tempora referre, ex duobus Plinii locis aliisque rationibus probabilibus, postea vero deperditam adstruere satagit. Artis autem novissimæ clarificandi Succina, quam vix dimidium excedere seculum & Gedanum patriam agnoscere docet, originem, rationi forte, naturam Succina in arena calida dirigendi, imitandi, vel potius mero casui deberi, adstruit. Postmodum exponit primum modum, quo prius inventores in clarificandis Succinis usi sunt, digestionem scilicet in arena calida, quam excepit hodiernum usitatus modus coquendi Succina in oleo seminis raparum; cujus operationis varias describit circumstantias & circa eam observationes & cautelas, ejusque præ digestionem in arena calida commoda & præcellentiam. His alias quasdam subjungit encheireses clara reddendi Succina, nimirum in tubulo fornacis, vel ad flammam candelæ

candelæ cum affrictione sebi & similes. Concludit, secundum suam Hypothesin non sequi, omnia Succina opaca seu natura seu arte ad perspicuitatem posse perducī, sed quædam saltem, & qualia possint vel non possint, ostendit. Quibus in calce regulas quasdam practicas circa clarificationem Succinorum utilissimas subnectit.

**CAPUT MEDUSÆ, UTPOTE NOVUM DILUVII**  
*universalis monumentum, detectum in agro Württembergico*  
*& brevi Dissertatiuncula epistolari expositum ab EBERH.*  
*FRIDER. HIEMERO, SS. Theol. D. Serenissimo Württem-*  
*bergiæ & Teccie Duci a Concionibus aulicis, Con-*  
*fessionibus sacris & Consiliis Consistor.*

Stuttgardie, literis Christiani Theophili Kœslini, 1724. 4.

Plag. 5 Tab. æn. 1.

**V**ir Summe Reverendus horas subsecivas, quibus ab arduis operis ecclesiasticis vacat, in contemplatione rerum naturalium collocat, nullam enim curiositatem homine Christiano magis dignam ista judicat, cum, si Theologiam demas, omnium disciplinarum præstantissima sit, nulla latior, excellentior, placidior, utilior, immo divinior. Instruxit quoque ea fini Lithophylacium, quod una cum Nummophylacio ipsius cum voluptate perlustrare solent agrum Württembergicum peragrantes. Illud exornandi non deest occasio, cum ipsa Württembergia thesauris istis abundet. Laudat inprimis Noster tanquam fecundissimam omnium atque præstantissimam eam regionem, quæ milliaris circiter spatio *balneum Bollenfe* circumjacet, lapidum tam figuratorum varii generis, quam fissilium in specie magna copia abundantem. Reperitur etiam prope *Ombdam* pagum fodina fissilium non mediocris profunditatis & latitudinis, quæ S. Rev. Autori rarissimum quoddam cimelium suppeditavit: quod præsentī Dissertatione describit & schemate illustrat. Etsi autem hodie ad nauseam usque lapides figurati æri insculpti passim prostant, huic tamen similis cum nullibi occurrat, schema ipsum Actis Nostris inferere nulli dubitamus. Adjicimus descriptionem ipsius

Auctoris

TAB. IV.  
Fig. 2.

Autoris verbis ex ejus ad Cel. *Scbeuchzerum* epistola, quæ p. II & seqq. inserta legitur. Ita autem ille: *Completitur tabula fissilis in longitudine pedes quatuor, in latitudine tres cum 4 cubitis, multis insuper iisque distinctissimis ramis & brachiis majoribus totam tabulam longitudine adæquantibus, minoribusque, immo minutissimis egregie & ad admirationem usque picta & exornata. Brachia sive rami majores constant ex meris entochis perpetua quadam articulatione sibi invicem unitis, ita quidem, ut ex uno ramo alii proveniant, bini, trini & plures, & desinant denique in congeriem innumerorum minorum & minutissimorum ramorum subinde graciliorum floris cujusdam effigiem egregie præsentantium. Frustulo a majore quodam ramo decerpto & tepida aqua abluto, entochus comparuit pentagonus, coloris cinerei, duritiei insignis, materiae selenitica, in utroque suo plano quinque lineolis notatur. Reliqui rami minoris & minimæ magnitudinis in figuram, ut dixi, floris abeuntes non aliter atque ipsa animalculi cujusdam officula articulatione sua proxime unita apparent.* Comparavit Noster hunc lapidem cum *Capite Medusæ* a *Rumphio* delineato, quæ est stellæ marinæ species, maris *Caspii* hospes, a *Gesnero* sub stellæ *arborescentis* nomine exhibita. Ceterum notandum est, cimelium hoc hodiernum *Cimmeriis* tenebris immersum fore, nisi singulari studio a Viro S. R. inde in apicum fuisset productum: quod ejus in illustranda historia naturali studium adeo probavit illustris Societas Scientiarum Regia *Borussica*, cui Tractatum suum inscripsit S. R. Autor, ut eum sine mora Sociorum numero adscripserit. Nec minus illustrissima Academia Naturæ curiosorum *Carolina* sibi honorificum duxit, si Viri hujus nomen in Catalogo membrorum legeretur.

**JOANNIS POLENI AD JO. JACOBUM MARINONIUM, S. M. C. C. inchytorumque Statuum inferioris Austriæ Mathematicum præstantissimum, Epistola, in qua agitur de Solis defectu A. 1724 Patavii observato & de aliquibus experimentis pertinentibus ad aquas fluentes. Accedit JO. BUTEONIS de fluentis aquæ mensura libellus, cui annotationes nonnullæ subjiciuntur.**

Sine Die &amp; Consule, in 4.

Plag. 3 Tab. æn. 1.

**A**Rgumentum titulus satis indicat. In Solis defectu observando Cl. *Polenus* usus est socia opera Cel. *Morgagni*. Observavit autem tempore apparente H. 6. 37' 58" quartam digiti partem obscuratam: H. 7. 1' 32" quantitatem eclipscos notavit 7 digitorum. In prima phasi fuit intersectio eclipticæ & circuli verticalis 33°. 54'. Post septimam phasin nubes eripuerunt conspectum Solis, antequam in Horizonte constitueretur. Stellæ comparuere complures præter *Venerem* in eo præsertim cæli tractu, qui inter æstivum occasum cælique verticem patet. Cum Cel. *Grandus* asserat, celeritatem aquæ ex foraminibus effluentis valde esse minorem ea, quam constituit theorema *Bernoullianum* in Actis An. 1716 propositum & Cl. *Hermann* probatum, plurimumque tribuens *Mariotti* placito in Tractatu de motu aquarum concludat, velocitatem designari debere per cylindrum, cujus basis est foramen, longitudo pedum 1148; Cl. *Polenus* ostendens, aquæ effluentis basin esse minorem foramine vasis, adeoque non posse celeritatem istiusmodi cylindro designari, iteratis experimentis docet, celeritatem aquæ effluentis per theorema *Bernoullianum* determinatum non multum excedere eam, quæ experimentis definitur, etsi in libro de castellis idem senserat, quod *Grando* videtur. Monuit autem jam in Ephemeridibus Eruditorum Italicæ A. 1718 p. 9, se iteratis experimentis magisque expensis didicisse, velocitatem haud valde minorem sæpe reperiri. Scripta est epistola, in qua hætenus memorata continentur, Patavii d. X Kal. Jul. 1723. *Buteonis* libellus de mensura aquæ fluentis prodiit inter viri doctissimi opera Geometrica Lugduni 1554. Eum autem *Polenus* subjicit epistolæ suæ, quod rarissima sint illa opera, ita ut *Buteonis* nullam fecerint mentionem, quotquot post eum de eodem argumento scripsere. Adjecit notas, quales suæ *Frontini* de aquæ ductibus Romanorum editioni adjecerat, cui illustrando inservire censet *Buteonem*. Ita autem is docet, metiri aquam fluentem: „Deformetur, inquit, urceus ex materia qualibet, vel potius ære malleato, alicujus dimensionis notæ, ut puta, pedum quinque cubicorum. Habeatur item clepsydra, horarium tempus, etiam particulatim ostendens, quibus præparatis facies, ut eodem



eodem momento & ea, quæ metitur aqua in urceum subjectum<sup>66</sup> defluere & clepsydra stillare incipiat. Vase autem ad summa<sup>66</sup> labra repleto, aut, si mavis, ter, quater pluriesve depleto, ex<sup>66</sup> totius aquæ cubis profluviiue tempore nomen aliquod men-<sup>66</sup> suræ constituens: quod numero multiplicatum universale fiet<sup>66</sup> in ceteris.

**OBSERVATIO MAGNÆ SOLIS ECLIPSEOS, QUÆ**  
*A. 1724 die Lunæ 22 Maji post mer. contigit, instituta Hild-*  
*burghusæ a JO. WILH. WAGNER, in Patria ibidem nunc*  
*Professore, Regiæ Soc. Scient. Berolin. Membro, &*  
*olim Astronomo.*

Denomina- tio Phasium Eclipticarum.	Tempora Automati incorrecta.	Tempora ad Solem cor- recta.	Quantitas Pha- sium Eclipti- carum.
A - - a	6 hor. 23	6 hor. 20	Initium
BB - - b	- - 25 $\frac{1}{2}$	- - 22 $\frac{1}{2}$	$\frac{1}{2}$ Digit.
CC - - c	- - 27	- - 24	1 Dig.
DD - - d	- - 32	- - 29	2 Digg.
EE - - e	- - 37	- - 34	3 & paulo plus
FF - - f	- - 40	- - 37	4 Digg.
GG - - g	- - 45 $\frac{1}{2}$	- - 42 $\frac{1}{2}$	5 - - -
HH - - h	- - 50	- - 47	6 - - -
KK - - k	- - 55	- - 52	7 - - -
LL - - l	6 hor. 59	- - 56	8 - - -
MM - - m	7 hor. 2	6 hor. 59	9 - - -
NN - - n	- - 8	7 hor. 5	10 - - -
OO - - o	- - 11	- - 8	10 $\frac{1}{2}$ - - -
PP - - p	- - 14	- - 11	11 Digg.
QQ - - q	- - 15 $\frac{1}{2}$	- - 12 $\frac{1}{2}$	11 & paulo plus
RR - - r	- - 24	- - 21	10 Digg.
SS - - s	tempore per	incuriam neglecto	8 $\frac{1}{2}$
TT - - t	7 hor. 35	7 hor. 32	8 vel paulo minu-
	39	circiter	7 Digg.
	7 hor. 50	circiter	Sol occidit.

B b b 2

Schema

TAB. IV.  
Fig. 3.

Schema Phasium Eclipses  $\odot$  crescentium usque ad Q, & deinde aliquot decrescientium, vide in Figura 3. Ex pluribus Phasibus, Diametri Lunæ ad Diametrum Solis ratio invenitur, ut 147 ad 140, ex paucis contra ut 143, & ut 150 ad 140. Illa, quippe media & frequentiori, & hinc fortasse accuratiori, hoc in Schemate usus sum. Maxima in obscuratione aer colorem funulabat cineritium, & magis, ac ante & post, erat frigidiusculus, lux autem diei superstes crepera, pallida vel glauca, legendæ tamen adhuc scripturæ, & rebus procul mediocriter discernendis sufficiens. Stellæ, præter Venerem seu Hesperum, nullæ apparebant, licet spectatores, visu quorum plurimi pollebant, in cælum hinc inde oculorum aciem direxerint; ros non cadebat; hirundines in volatu quidem suo, sed ad terram magis demissæ, perseverabant. Circa phases decrescientes notandum, quod lucida residui Solis imago descripto in charta (qua, longe a Tubo optico, in camera obscura excipiebatur) disco, porro se non accommodaret, sed a circulo abhorrens, superius & inferius circa cornua (Lunulæ Solaris) se contraheret, quia Sol Horizonti appropinquans refractione, uti solet, ellipticam induere figuram cogebatur, quo & tandem vaporum striis implicato, neque Phases amplius, neque ipse occasus notari poterat. Huic observationi tempestas sat favit, nubibus plane pulsis, & cælo admodum sereno. Ad determinanda Phasium momenta automato usus sum portatili, quod tempus solare tribus minutis anticipabat. In hujus Eclipses observatione, quæ in arce, coram Serenissimis Juventutis Principibus quidem & pluribus personis aulæ illustribus & civitatis clarissimis facta est; a nemine tamen adjutus, sed mihi soli, qui hæc tractare sciebam, relictus, plures circumstantias, e. g. altitudines Solis & azimutha, Mercurii spiritusque vini in Tubulis Torricellianis ascensum & descensum & alia annotare non poteram, quæ vel Physicis vel Astronomis quomodocunque usui esse possent, nonnisi digitali quantitatis Phasium obscuratarum determinationi, & juxta arcus vel circumferentiæ umbræ siye Lunæ designationi, machinæque simul meæ, ne, quem ab initio monstrabat, verticalem mutaret, intentus. Quare, cum angulus viæ Solis & Lunæ cum verticali continuo variet, & hinc non idem semper Solis, neque Lunæ punctum verticem respiciat,

uti in chartæ disco, qui in eodem situ conservatur, punctum verticale idem permanet, sit, ut via Lunæ, quæ recta alias forte linea foret, vel parum ab ea recederet, in Schemate tamen in aliquam curvam degeneret.

**BIBLIA HEBRAICA, AD OPTIMORUM Codicum & editionum fidem recensita & expressa, adjectis notis Masorethicis aliisque observationibus, nec non versuum & capitum distinctionibus, numeris & summariis, accurante M. CHRISTIANO REINECCIO, SS. Th. Bacc.**

*Consiliario Saxo-VVeissenfelf. Illustr. Augustæi  
Rect. & P. P.*

Lipsiæ, apud Bernh. Christoph. Breitkopffium, 1725, 8.

Alph. 1 plag. 20.

**Q**ui variis hætenus & a se scriptis & a se procuratis doctis operibus inclaruit Cel. Editor, nitidam quoque hanc & studiosæ juventuti maxime accommodatam nobis dedit S. Codicis V. T. editionem, quam Seren. Principi Saxo-Weissenf. dedicavit. Quid in ea præstiterit, titulus ex parte, ex parte quoque præfatio docet. Præter vulgares etiam Masoretharum notas, haud raro variantes quasdam codicum optimorum lectiones adducit, uti e. g. *Exod. XL, 5, Jes. XLV, 12, & alibi. Jos. XXI, 36* restituit duos illos versus, quos nonnulli restituendos dictarunt, vulgaribus editionibus & Masora, quarum ne quidem in margine mentionem facit, neglectis. *1 Sam. XIV, 41* Cel. Jablonskii Accentuationem in textu, communem in margine merito adhibuit. Et alia nonnulla sunt, quæ politam hanc editionem commendabilem reddunt.

**NOVUM TESTAMENTUM GRÆCUM AD optimas quasque editiones collatum & excusum, adjectis nonnullis variantibus lectionibus & notis, nec non Harmonia Evangeliorum & Chronotaxi Actuum Apostolicorum, accurante M. CHRIST. REINECCIO &c.**

Lipsiæ, apud Bernh. Christoph. Breitkopff. 1725, 8.

Alph. 1 pl. 6.

Bbb 3

Charta

**C**Harta nitida typique elegantes editionem hanc reddunt commendabilem. Peculiare & hoc habet, quod versuum distinctione non alia gaudet, quam numero apposito, quo ipso sensus magis connexus tyronibus videbitur, quam si verius, non ubique accurate a Rob. Stephano distributi, linearum serie semper nova discernantur. *Job. VII, 37. 38*, interpunctionis, qua Trillerus nititur, nullam habet merito rationem. *Job. V, 7*, e Codd. Britann. Vaticano, aliisque, item e Conc. Nic. Lateran. Athanasio, Tertulliano, Cypriano &c. jure vindicat. In Harmonia Evangelistarum Cel. Dn. Editorem maxime Sandhagenium sequi, deprehendimus.

**D. Joh. Val. Pietschen, Königl. Preuß. Hof-Raths  
und Leib-Medici, Ober-Land-Physici, und der  
Poesie Prof. Ord. in Königsberg, gesämlete  
Poetische Schriften, ic.**

i. e.

**D. JO. VAL. PIETSCHII, POT. BOR. REG. CONSIL.  
Aul. Archiatri & per Borussiam Physici Primarii, Poes. Pr.  
Ord. Regionantani, Opera Poetica in fasciculum collecta.  
Præfationem & JO. CLERICI de Poesi meditationes, in  
vernaculam translatas, præmisit, nec non de suis  
quædam Poemata adjecit JO. CHRISTOPH.  
GOTTSCHED, M. A.**

Lipsiæ, apud Grossii Hæredes, 1725, 8.

Pl. 20.

**Q**uanta sint Borussæ gentis in Poesin Germanicam merita, eos non latet, qui, ut alios plures taceamus, ex antiquioribus *Simonis Dachii*, ex recentioribus *Lib. Bar. de Canitz* scripta Poetica vel obiter perlustrarunt. Tertius his accedit *Cl. Pietschius*, qui & aliis ingenii fecundissimi fructibus claret. *Dachius* in hymnis sacris, vel ipso *Neukirchio* judice, incomparabilis fuit; *Canitzius* in Satyra scribenda excelluit; *Pietschius* vero Noster ad heroicam poesin natus factusve videtur, ita ubique in sublime fertur, ita a vulgari dictione recedit: quamvis tum limatæ rationi, tum linguæ puritati & elegantix, tum denique metri legibus, nullibi



nullibi fere vim intulisseprehendatur. Jam inde a XVII hujus seculi anno inclaruit inter Poetas Germanos Nostri nomen, ex quo nimirum ejusdem Poema epicum, in primam nuperi belli Hungarici expeditionem, victoriamque a Cels. Princ. Eugenio reportatam, per Germaniam innotuit. Avide hinc expectati sunt a Poeseos genuinæ arbitris plures tanti ingenii fœtus, præsertim cum in Novis litter. nostris vernaculis anni præteriti inserta legeretur majoris poematis particula, qua idem omnem CAROLI VI R. Imp. victoriam Hungaricam celebrare instituit. Satisfaciendum itaque horum desideriis duxit Fasciculi hujus, a se in Borussia collecti, Editor, editione hac, in scio licet Autore suscepta. In tres sectiones ea carmina divisit, quarum primam Poematibus epicis, secundam lugubribus, tertiam nuptialibus destinavit. Inter illa primum occupat locum modo memoratum majoris poematis initium in victorias CAROLI VI Turcicas, quod ut Cl. *Pietzschius* integrum luci exponere dignetur, publico nomine rogandus est. Sequitur supra dictum, in Eugenii Sab. Principis laudem conscriptum carmen, cum epistola dedicatoria elegantissima, & Oda in memorati Principis valetudinem, quæ Pindarico quasi afflatu scripta, lectorem perpetuo in sublime rapit. Reliquæ primæ sectionis, Regum Boruss. tum divi FRIDERICI, tum FRIDER. GUILIELMI laudes celebrantia, diebus quibusdam in Academia Regiomontana solemnibus natales suos debent. In recensione reliquarum sectionum ut prolixi simus, opus non est, hoc dixisse sufficiat, omnia limata & laude digna esse. In præfatione Editor in recensendis Poetæ sui encomiis publicis occupatur, sui que instituti rationem reddit. *Jo. Clerici* meditationes de Poetis & Poesi, ex Parrhasianorum Tomo I, idiomate vernaculo satis eleganter expressit, versus quoque Latinos passim intermixtos Germanico carmine reddere conatus. Inter tria, quæ de suis adjunxit, Poemata, eminet Ode lugubris in obitum PETRI I. Russ. Imper. nuper Lipsiæ edita, & aliquoties jam recusa. Ceterum Lectoribus nuntiandum ducimus, spem nobis factam esse a *Jo. Ulrico Königio* S. R. M. Pol. & El. Sax. Secret. intimo & Poeta Aulico, proditura mox ipsius cura, Poetica supra laudati *Canitzii* scripta, multis accessionibus, quæ hætenus latuerunt, aucta, & Autoris vita, ab ipso

conscribenda, in fronte operis ornata: cujus promissi debito ut quam primum se liberet V. Cl. iterum iterumque obtestamur.

## NOVA LITTERARIA.

En novi Operis Historici, Ultrajecti in forma quarta subscriptionis lege prodituri, titulum: *Histoire du temps, ou Memoires de diverses cours sur les matieres les plus importantes de la Politique & des Interêts des Princes de nos jours; ou l'on decouvre l'esprit des Negotiations, les causes des evenemens & les ressorts cachez de ce qui s'est passé de plus remarquable en Europe, depuis le Commencement de ce Siècle jusqu'à present, recueillis & mis en ordre par H. P. de Limiers, Docteur en Droit, Membre de l'Academie des Sciences & des Arts de Bologne. En VI Volumes.* Tribus periodis hanc Historiam absolvere constituit Cl. Autor, quibus singulis duos Tomos destinavit. Prima bellum in Septentrione inter Suecos Polonosque & eorum fœderatos ab A. 1700 ad 1721, quo pax Neostadiensis coaluit, gestum describet Autor, simul singularia additurus, quæ ad summi Russorum Monarchæ fata spectant. Secunda memorabilem rerum conversionem inde a morte Caroli II Regis Hispaniæ usque ad pacem Ultrajectensem ac Rastadensem, ut & Tractatum Antwerpiensem, enarrabit. Tertia denique ea comprehendet, quæ in Germania & Helvetia gesta sunt hoc seculo, nempe quæ ad religionem in Silesia & Palatinatu spectant, & quæ bello Toggenburgensi gesta, quorum omnium originem paulo altius repetet Autor. Exemplâ imprimuntur in mediocri & grandiori charta, quorum illa 21, hæc 30 florenis constabunt, & numerabunt emptores, dum subscribent, 8, cum receperint duos priores Tomos (qui proximo anno Mense Maio prostabunt) 6, cum tertium & quartum, 4, cum ultimos duos, 3 florenos, horum vero emptores eodem ordine, primo 12, inde 8, postea 6, denique 4 flor. Nec plura in utraque charta imprimuntur exempla, quam quibus fuerit subscriptum. Pecuniam vero ad se recipient præcipui utriusque Belgii, Germaniæ, Galliæ, Angliæ, Italiæ & Helvetiæ typographi, si ante Calendas Decembris hujus anni offeratur.



# ACTA ERUDITORUM,

*publicata Lipsiæ*

*Calendis Septembris Anno MDCCXXV.*

SCRIPTORES RERUM AUSTRIACARUM VETERES

& genuini. Edidit & necessariis notis, observationibus  
& animadversionibus illustravit R. D. P. HIERONYMUS  
PEZ, Austriacus Epsensis, Monach. Mellic.

Ord. S. Bened. Professor.

*Tomus II.*

Lipsiæ, sumtibus Jo. Frid. Gleditschii B. Fil. 1725, fol.

Alph. 6 plag. 16.

**P**ergit in Austriacis Scriptoribus, qui hæcenus delituerę, in  
lucem proferendis Rev. Autor, cujus Tomum I recensuimus  
in Actis A. 1721 M. Aug. p. 321. Nostrum est, ut pari ratione scripta  
LVII, quæ hoc Tomo continentur, breviter recensamus. Ex-  
hibetur vero I *Vita B. Adalberonis*, Episcopi Herbipoli & Funda-  
toris cœnobii Lambacensis in Austria Sup. *Autore Anonymo Bene-*  
*dictino Lambacensi*, a Johanne ejusdem cœnobii Præsule primum  
edita Aug. Vind. 1619, & a Mabillonio Actis Sanctior. Ord. S.  
Benedicti Sæc. VI Parte II inserta, sed nunc e Codice membra-  
naceo autographo, manu Sæculi XIII ineuntis exarato, denuo  
descripta, quæ spectat imprimis ad res Henrici IV Imp. contra  
quem B. Adalbero causam Ottonis Bavariz Ducis apud Pontificem  
egit. Succedunt ex eodem Codice II *Miraculorum B. Adalberonis*  
*liber*, III *B. Adalberonis Vita metrica*, IV *Bulla Alexandri III*  
*Monasterio Lambacensi concessa*, & V *Catalogus Abbatum Lam-*  
*bacensium* usque ad annum circiter 1289, ab ipso Autore, ut  
Noster putat, magnam partem descriptus & ab aliis postea conti-  
nuatus. VI *Bernardi Norici*, de quo uberius a Nostro dictum To-  
mo I, *Catalogus*, seu potius *Chronicon*, *Abbatum Cremisfanensium*,

Ccc

quo

quo re A. 777 ad 1273 ex autographo describuntur, cui addidit Noster *VII Chronicon Bavariae* ejusdem Autoris ab A. fere 520 usq; ad 1313, quippe res Austriacas vix sine Bavaricis intelligi posse existimat; quæ & causa videtur, cur producat *VIII Anonymi*, Sec. XIV vix antiquioris, *Chronicon Bavaricum*, ab origine Ducatus pariter ad A. 1313 productum, quod ob diligentissime annotatos annos natales & conjugia Principum laude non caret. *IX Vita B. Bertholdi I*, Abbatis Garstensis, ab *Anonymo Garstensi* pæne æquali composita, quam quater editam, cum duobus MSS. Cl. Pezsius denuo contulit; *X alia ejusdem Vita* a quodam *Canonico Reg. Sanflorianensi* scripta, & *XI Epitaphia*, hymni, orationes &c. de *B. Bertholdo* succedunt. *XII Excerpta* ex veteri *Chronico Garstensi*, (cujus prior pars, res ab A. C. 953 ad A. 1181 complexa, hoc ipso anno 1181 a cœva manu scripta, reliqua vero usque ad 1258, quo finitur, ab aliis addita videntur,) ab Ill. Gentilotto ex autographo Bibliothecæ Vindobonensis descripta, quæ pauca tantum exhibent ad Garstense Monasterium spectantia: optandum vero, ut integer codex, quo multa alia publice gesta continentur, in lucem protrahatur. *XIII Chronicon Monasterii Admontensis* a C. N. ad A. 1250, ab *Anonymo* loci Abbate aut cœnobita A. 1205 conditum, & ab aliis cœvis productum, ex autographo bibliothecæ Admontensis nunc primum editum, quod in rebus Imperatorum non sine fructu consuli poterit. *XIV Excerpta* ex duobus pervetustis *Necrologiis Admontensibus*, quorum alterum Seculo XII, alterum sequenti exaratum. *XV Anonymi* vetus *Carmen*, rude quidem, nec inutile tamen de *Cænobii Admontensis Abbatibus*, e Codice Seculi XV. *XVI Eynwici Præpos. Sanflorian. Vita Venerabilis Wilbirgis Virg. Inclusæ San-Florian.* ex editione Bernardi Pezii, Aug. Vind. 1715, 4 curata, & cum Codice Waldhusiensi denuo collata: accessit *XVII Compendiolum* similis *vite Wilbirgis*, ex veteri Codice. *XVIII Catalogus Abbatum Gottwicensium* ab A. 1094 ad 1604, e MSS. Gottwic. *XIX Anon. Poema Germanicum*, Seculi XIII aut XIV, de *Historia Foundationis Partbenonis S. Bernbarði*, e quo familia Austriaca de Meyssau egregie illustrari poterit. *XX Historia foundationis Monasterii Seittenstetenensis*, Autore Gunda. b. ro Abbate, cum *serie Abbatum*. *XXI Catalogus Abbatum Altenburgensium.*



*gensum.* XXII Monumenta quædam ad *fundationem Collegii Hospitalensis ad Pirum* montem spectantia, in quibus eminet *Gasparis Bruschii* de eadem *Idyllion.* XXIII *Catalogus Abbatum Glunicensium* vulgo *Gleinck.* XXIV *Leopoldi Brenneri*, Prioris *Maurbac.* anno demum 1692 d. 9 Dec. demortui, *Historia Carthusiæ Maurbacensis*, singulari industria conscripta, & nunc primum vulgata. XXV *Chronicon Alberti Ducis Austriae II* vulgo *Contracti*, qui *Carthusiam Gemniceensem* vulgo *Gaming* funditus extruxit, ab *Anonymo* ejus *Cœnobii Carthusiano* Sæculo XVI exaratum, ut & XXVI *Fragmentum Historicum de IV Albertis Austriae Ducibus.* XXVII *Historia de particula S. Crucis Mellicensis*, Autore *Anonymo Mellicensi* Sæculo XIV scripta, quam a *Lambecio* *Bibl. Cæs. Lib. II Cap. VIII*, *Schrambio* in *Chron. Mellicensi* & *Huebero* in *Austria ex Archivis Mellici illustrata* vulgatam, denuo *Noster* cum IV *Codd. MSS.* contulit. XXVIII *Excerpta Chronici cœnobii Weichen-Stephanensis*, quod Sæculo XII scribi cœptum, & a variis usque ad Sæc. XIV productum, totum edi merebatur, nisi *Noster* tunc cum cœnobium illud accessisset, minus prospera valetudine fuisset usus. XXIX *Excerpta e Conradi*, Cœnobitæ *Schyrensis*, vulgo *Philosophi* dicti, *Catalogo Rom. Pontif. & Imperatorum*, qui liber ab ejus *Chronico* 1716 recuso diversus est. XXX *Chronicon Ludovici IV Imp.* Autore *Anonymo* æquali, sed nimis *Austriacis* iniquo, ex *Codice Monasterii Raitenpuechensis* in *Bavaria* erutum. XXXI *Breve Chronicon Bavaricum* ab A. 1412 ad A. 1453. XXXII *Chronicon Salisburgense* a *S. Rudberto* ad A. 1495, Autore *Anonymo San-Petrensi* Cœnobita, nunc primum vulgatum. XXXIII *Wolfgangi de Styra, Benedictini Mellicensis*, *Commentarius Historicus rerum* ab A. 1414 ad 1484 gestarum, quem ipse *Itinerarium* vocavit, ex cœvo *Codice Mellicensi* productus, quo præter domesticos *Monasterii* eventus, alia quoque, imprimis memorabilis obsidio, qua *Viennense* *Fridericum III Imp.* cum *Eleonora Augusta* & *Maximiliano* filio, urbis suæ arce conclusum A. 1462 tenebant, describuntur. XXXIV *Breve Chronicon Monasterii Stamfensis in Tirol*, quo obitus imprimis *Comitum Tirolis* & *Principum Germaniæ* ab A. 1253 ad 1496 recensentur. XXXV *Anonymi Mellicensis breve Chronicon Austriae* ab A. 1438 ad

1464; item XXXVI *Anon. Rotensis breve Chronicon* ab A. 1482 ad 1485, & XXXVII *Anon. Tegernseensis breve Chronicon Austriae* ab A. 1359 ad 1496. XXXVIII *Necrologium PP. Minorum Conventualium Viennensium*, satis prolixum, in quo multa insunt, quibus plurimum per Austriam familiarum illustrium memoriz magnopere consulitur, quæque historiam urbis Vindobonensis illustrent: monet vero Rev. Editor, cavendum, ne cum defunctorum Anniversaria certo quodam die a Minoribus agitata, crebro legeris, eadem cum diebus emortualibus confundas; non paucos enim alio die obiisse, alio etiam eorum Anniversaria celebrata esse deprehendes. Subiecta quoque est *Narratio de Sepultura Principum* aliorumque in choro Fratrum Minorum. XXXIX *Statuta Synodi San-Hippolytensis in Austria* A. 1274. XL *Anon. brevis Narratio de nefanda Hæresi Adamitica*, in variis Austriæ locis Sæculo XIV grassante. XLI *Ex Chronico universalis Joannis Enikelii*, quod partim prosa, partim carmine vernaculo compositum est Sæculo XIII, *Excerpta*, quæ Austriam maxime concernunt; ubi spem facit Rev. Pezsius, se ejusdem Autoris *Librum Principum*, (*das Fürsten-Buch von Oesterreich und Steyr-Land*) ab Hier. Megisero Lincii 1618 vulgatum, Tomo III Script. Austr. denuo typis subiecturum. XLII *Anonymi Viennensis breve Chronicon Austriacum* Latino-vernaculum ab A. 1402 ad 1443. XLIII *Narratio vernacula Captivitatis Maximiliani I apud Brugeses*, quam & a Rev. Duellio Libro I Miscellan. insertam & Jo. Rollio adscriptam, Noster hic e MSpto repetere non est dedignatus. XLIV *Fragmen'tum historicum de Blanca altera Maximiliani I Imp. Conjuge*. XLV *Instrumentum compositionis inter Fridericum III Imp. & Ungaros atque Austriacos initæ A. 1453*, lingua vernacula compositum, qua lingua etiam exhibetur XLVI *Ordinatio ingressus Friderici III Imp. in Urbem*. XLVII *Nic. Lanckmanni de Valkenstein Historia desponsationis & coronationis Friderici III & Eleonora*, ut & XLVIII *diploma Eleonoræ pro Lanckmanno*, quem illa totius itineris e Lusitania comitem habuerat: etsi vero historia illa Augustæ 1503, iterumque a Cl. Struvio in altera editione Collectionis Freherianæ edita sit, hic tamen rursus cum Codice cævo collata prodit. XLIX

*Aug.*

*Augustini Patricii Senensis descriptio adventus Friderici Imp. ad Paulum II Pontif.* e Mabillonii Diar. Ital. Tomo I huc transcripta. *L Martini*, Abbatis Scotorum Viennæ Austriæ, *Senatorium, sive Dialogus historicus*, cujus laciniam tantum Schrambius Chronico suo Mellicensi inseruerat, nunc integrum e Codice coævo: eo libro non tantum Autoris fata, & imprimis Acta Visitationis cœnobiorum Ordinis Benedictini A. 1451 passim ab ipso susceptæ, sed & historia Principum Austriacorum primæ ac secundæ stirpis, Sanctorum Ordinis S. Benedicti atque alia delineantur. *LI Anon. synchroni Historia de morte & eventibus Alberti II Imp.* e MSS. item *LII Lessus vernaculus in obitum Ladislai Posthumi*, e MS. Prolixissimum omnium Scriptorum est, quod nunc demum producit, *LIII Thoma Ebendorfferi de Haselbach* (qui obiit A. 1464, quemque, inter Doctores Viennenses non incelebrem, Æneas Sylvius suo tempore testabatur, duos & viginti annos Esaiæ primum Capitulum legisse, neque adhuc ad calcem venisse) *Chronicon Austriacum*, Libris V comprehensum, quo, licet inedito, diligenter usi videntur Scriptores Austriaci, Arenpeckius, Cuspinianus, Gerh. de Roo, alii, cumque facile careamus iis, quæ Noster tum ob fabularum copiam, tum ob Codicis perversitatem, ex opere resecauit, Libro nempe I & parte secundi, plurimum tamen Lectori satisfaciunt, quæ suo imprimis tempore gesta ultimis Libris tradidit, præsertim quæ spectant ad Concilium Basileense, cui ipse nomine Alberti Duc. Austr. postea Imper. interfuit. *LIV Narratio* non ineleganti sermone ab *Anonymo* coævo composita, variisque documentis publicis referta, *de diffensione Provincialium Austria*, post obitum Maximiliani I Imp. orta Viennæ, & de his quæ subsequuta sunt, Ferdinando Austriam moderante, A. 1522; unde patet inter alia, utrique fratrum Carolo V & Ferdinando relictam fuisse testamento Maximiliani Austriam, & Carolum suo & Fratris nomine mandata quædam in Austriam misisse, mox tamen A. 1522 eundem Worinatz Ferdinando tradidisse has provincias, cujus quidem traditionis seu pactionis litteras authenticas hic quoque, ut alibi hætenus, frustra quærivimus. Claudunt agmen Bohemiæ quædam Chronica vetustiora, ex Austriæ imprimis seriniis eruta,

quæ hic ob utriusque gentis, Bohemicæ & Austriacæ, consuetudinem adjiciuntur. Scilicet *LV Neplachbonis Abbatis Opatovicensis Chronicon Bobemiæ* a gentis origine ad tempora Caroli IV Imp. quod quo magis in rebus vetustissimis jejunum ac fabulosum, eo diffusius & majoris fidei est in iis, quæ Autoris ætatem propius attingunt; *LVI Christophori Hoffmanni*, Benedictini Emmeramensis Ratisbonæ, qui eodem, quo Jo. Aventinus, anno 1534 mortuus, eodemque, quo ille, Monasterio S. Emmerammi sepultus fuit, *Chronicon Bobemiæ*, a gentis primordiis ad A. 1320 Germanico idiomate expositum, sed a fabulis non prorsus immune; denique *LVII perbreve Chronicon Bobemiæ* ab A. 1157 ad A. 1273. His scriptis fere singulis præmisit Rev. Autor, pro more suo, *Observationes prævias*, in quibus passim de rebus notis dignis erudite agit, ut p. 81 de patria & parentibus B. Bartholdi I Abbatis Garstensis, p. 141 de exordiis Garstensibus, p. 287 de tribus cœnobiis Virginum Cisterciensium, quæ olim exstiterè in Austria inferiori, sed successu temporis aliis ordinibus cessere, p. 337 de Friderico Pulchro, qui etiam, postquam e captivitate liber dimissus a Ludovico Bavaro, *Regis Romanorum* nomine in publicis litteris constanter usus est, de aliis alibi.

**HISTORIÆ FRISINGENSIS TOMUS I, PRIMA**  
*quinque ab Adventu S. Corbiniani I Episcopi sæcula, seu*  
*res ab Anno Christi DCCXXIV usque ad A. MCCXXIV*  
*Frisingæ gestas exhibens. Partes II. Autore P. CAROLO*  
*MEICHELBECK, Benedictino Benedictoburano Celsissimor.*

*S. R. I. Principum, Episcopi Frisingensis & Abbatis*  
*Campidonensis, Consiliario Ecclesiastico.*

Augustæ Vindel. & Græcii, sumtibus Philippi Martini  
 & Joannis Veith, Fratrum, 1724, f.

Alph. II plag. 12 fig. æn. 5.

**P**Ræceptum hoc nostræ ætati in rei historicæ & scientiæ antiquitatum patriarum incrementum donum concessit divina bonitas, quod Romanæ Ecclesiæ Theologi, imprimis celeberrima familia Benedictina, non modo blattis tineisque & longæ ætatis



ætatis pulveri atque cariei interdican præda antiquissima, antiquissimis nempe tabulis chartisque, sed certatim quoque producant in lucem unica historiarum patriæ præsidia; uti novo eoque insigni exemplo comprobatur Reverendus Historiarum Frisingensis Autor, quem aliorum sodalium, imprimis doctorum Peziorum fratrum laude aut incitatum fuisse, aut confirmatum, nulli dubitamus. Fuit tamen præterea Meichelbeckio nostro alia atque excellentior nobilissimi Episcopatus Historiam scribendi causa. Imminebat nempe annus Episcopatus Frisingensi millenarius, idem Reverendissimo Præsuli Joanni Francisco ex illustrissimis Baronibus Eckheranis, post exactos L. Sacerdotii annos jubileus, quem ut anno post natum Christum supra millesimum septingentesimum vicesimo quarto egerunt festum, post multas consultationes tandem & constantissimas preces modestissimus Princeps suis permisit. Judicarunt autem, qui istius consilii optimi erant architecti, celebratissimum fore annum, si res præcipue, a divo Corbiniano ejusque Successoribus per X Seculorum decursum gestæ, ex justis monumentis descriptæ, synul posteritati commendarentur, quod negotii Eruditissimo Meichelbeckio nostro commissum, saltim quoad priorem operis partem in hac, quam tenemus, Historia Frisingensi egregie successit. Plurimum eo nomine debent Historiarum studiosi ipsi Reverendissimo Præsuli Joanni Francisco, cui inter alias laudes, quibus noster Autor in dedicatione operis suum Principem multo eloquio extollit, hanc non postremam contigisse arbitramur, quod suæ olim Ecclesiæ Decanus proximum sibi studium esse voluerit, ut antiquitates S. Corbiniani Frisingenses e squalore suo extraheret, Archivum Cathedralis Collegii digereret, atque concinno ordine collocaret; tantus denique erga antiqua monumenta amor eum caperet, ut non domi tantum, verum etiam foris per Bojoariam, magnis suis impensis, majori vero sudore institutis quaquaversum itineribus veneranda antiquitatis vestigia rimaretur. Tantum exemplum secutus est Franciscus Sigismundus Antonius Baro de Egkher, Principum Electorum Colonienfis & Bavari Camerarius, Bavari Electoris & Episcopi Frisingens. Consiliarius intimus, & Supremus Aulæ Mareschallus, qui ab annis fere

triginta

triginta adeo in excutiendis Frisingensibus chartariis labore ob-  
 stupefciendo defudavit, ut denique documenta Frisingensia omnia  
 in ordinem redegerit, & juxta annorum seriem conscripserit,  
 tanto nostri Autoris commodo, ut ipse lubens & ingenue fatea-  
 tur, si ea caruisset opera, de opere hac tempestate, anno nempe  
 hujus Seculi XXIV, Frisingensibus tam memorabili, edendo de-  
 sperandum omnino fuisse. His subsidiis usus est Meichelbeckius,  
 & aliis quamplurimis, quæ Abbates, Præpositi, Canonique Bo-  
 joariæ, Socii Jesu Monacenses, optimus ille Bernardus Pezsius Mel-  
 licensis, in prius vero Benedictoburanus Abbas, Magnus, largi  
 & non invita manu obtulerunt, cujus postremi etiam hoc est in  
 Historiam Frisingensem beneficium, quod Nostro e suis laboris  
 Socium R. P. Leonardum Hohenauer concesserit. Credidimus  
 Annalibus nostris inferenda esse hæc meritissima nomina, ut  
 grata hæc commemoratio sit forte apud istos aliosque inter Ro-  
 manenses chartarum sane veterum ditissimos, sed olim, ut vide-  
 batur, nimis avaros, ad idem audendum & plura in hanc lucem  
 cum laude proferenda amica quædam invitatio.

Operis universi erunt Tomi II, uterque Seculorum quinque.  
 Tomi I partes iterum sunt II, præter Dissertationes prolego-  
 menas sex, quarum *prima* de situ, origine, & nomine urbis  
 Frisingæ, sane amœna, quod & imago Urbis eleganter & magni-  
 ifice æri insculpta loquitur, *secunda* de Religione Christiana &  
 morum cultura in modernæ Bojoariæ Superioris confinia ac  
 Frisingam introducta agit. *Tertia* Patriam S. Corbiniani primi  
 Episcopi Frisingensis definit, quem Athesium vel Tyrolensem  
 fuisse vetus Frisingensium Scriptor, Conradus Sacrista, & cum eo  
 Aventinus, Hundius, alii, Noster Melodunensem Gallum, pro-  
 bat autoritate in primis Aribonis, tertii a S. Corbiniano Episcopi  
 Frisingensis, in Vita ejusdem. *Quarta* in Monachatum S. Corbi-  
 niani inquirat, & multis argumentis S. Benedicti Regulæ fuisse  
 addictum probat. *Quinta* tempus, quo S. Corbinianus Episcopus  
 sedem Frisingæ figere cœperit, indagat; ubi, postquam Pagii  
 sententiam, Corbinianum A. 716 Episcopum a Gregorio II  
 Pontifice creatum, *Regionarium* nempe, seu *Portatilem*, ut appel-  
 lantur, id est, nulli certæ sedi affixum, aliis secus sentientibus  
 prætulit

prætulit Meichelbeckius ex Aribone, qui septem continuis annis in Galliis eum mansisse scribit, accedente Epocha Concilii Romani III A. 724 in causa Corbiniani Episcopatum deprecantis habiti, firmiter concludit, eundem annum sedi Frisingensi esse natalem. *Sexta* de occasione & adjumentis operis differit, e qua, quæ in rem nostram videbuntur, supra delibavimus.

Pars I Historiam Episcopatus Frisingensis exhibet tot libris, quot sunt secula, quæ in hoc Tomo explicantur. Initium operis a S. Corbiniano c. 1, quem excipiunt c. 2 Erimbertus, c. 3 Josephus, c. 4 Aribo vitæ S. Corbiniani Autor, c. 5 Atto, c. 6 Hitto. Seculum Ecclesiæ secundum Libro II ornant, præter Hittonis reliqua, c. 2 Venerabilis Erchambertus, c. 3 Anno, c. 4 Arnoldus, c. 5 Waldo, c. 6 Uto, c. 7 Dracholfus. Seculum tertium Libro III illustrent c. 1 Wolframus, c. 2 S. Lantpertus, c. 3 Abrahamus, c. 4 Goteschalcus, c. 5 Egilbertus. Quarto libro quarti seculi Episcoporum res leguntur, post residua Egilberti, c. 2 Nitkeri, c. 3 Ellenhardi, c. 4 Megimoardi, c. 5 Henrici I. Quinto denique seculo, operisque libro, comparent Magnus ille Frisingensium Episcopus, Otto, celebratissimi Chronici Autor, c. 2, Adalbertus c. 3, Otto II c. 4, Geroldus c. 5, quorum omnium origo, res gestæ, merita, mors & doctæ, & ordinate, & diligenter descripta hic leguntur, diplomatibus ubique maxime ad rem facientibus, monogrammatibus & sigillis, nec non aliis monumentis sacris ad historiam illustrandam pertinentibus nitide æri incisis, veluti geminis distincta. Omnia Historiæ isti inferere, quæ Tabularia Frisingensia suppeditabant, imprimis VI Traditionum libros antiquissimos, locupletissimos, non licuit, ne filum historicum istis chartis nimium interromperetur. Bene adeo hæc omnia, plusquam mille trecenta instrumenta, primis quingentis Ecclesiæ Frisingensis annis confecta, suisque notulis ubique illustrata, præfixa etiam Aribonis Episcopi vita S. Corbiniani ex vetusto Codice Benedictoburano seculo, ut videtur, XI manu exarato, alteri Parti inseruit, quam inde non male Instrumentariam appellat doctissimus Autor, ad fidem faciendam opportunissima instrumenta continentem. Nihil superest, quam ut Reverendus Meichelbeckius reliquorum seculorum res Frisingenses duntius,

Ddd

quam

quam par est, doctis & patriæ historiæ amantibus ne invidet, quo nomine eum decenter rogamus.

# HISTOIRE DE LA MILICE FRANCOISE.

i. e.

*HISTORIA REI MILITARIS FRANCICÆ,  
ejusque mutationum a condita in Galliis Monarchia Fran-*

*cica usque ad finem regiminis Ludovici M. Autore*

*R. P. GABR. DANIELE, S. J. Historiæ*

*Francicæ Scriptore.*

## *Tomi II.*

Parisiis, apud Dan. Mariette, Joan. Bapt. de Lespine, &  
Joan. Bapt. Coignard, 1721, 4 maj.

Alph. 8 fig. æn. 70.

**H**istoriam Franciæ a se conscriptam, quam in Actis nostris A. 1698 p. 153 & A. 1714 p. 212 recensuimus, quum Autor Celebrissimus orbi literato non displicuisse animadverteret, liberalitate jussuque Ludovici XIV impulsus, quod in dedicatione hujus operis, moderno Regi inscripti, ipsemet testatur, ad specialiora Historiæ rerum Gallicarum capita, quæ in ipsa Historia prolixius exponi non potuerunt, majori cum studio elaboranda animum applicuit, & quam plurimas ad singula momenta illustranda observationes collegit. Ex his enata est hæc militiæ Gallicanæ Historia, in qua non instituuntur milites, quomodo armis utendum, bellumque gerendum sit, sed in eorum gratiam, qui Historiam Franciæ accuratius perspectam habere cupiunt, data opera jussuque ordine exponitur, quæ rei militaris Francicæ per XII fere sæcula ratio fuerit, hodieque sit, quove pacto eadem successu temporis sit immutata, & ad majorem perfectionem subinde perducta. Præfationis loco præmittitur sciagraphia hujus operis, antea jam typis descripta, in qua indicatur, ea, quæ ad hoc argumentum spectant, ad quinque vel sex capita redire omnia, videlicet primo, quomodo exercitus collecti, quamque diversæ fuerint copiarum species; tum qua ratione acies instructa; porro quibus operibus urbes munitæ vel oppugnatz vel defen-



defensæ, & qua ratione posita sint castra; mox quænam fuerint officia militaria; inde quibus armis usi sint milites; & denique, quænam præter jam dicta notari mereantur, quorum usus in bello vel fuerit, vel hodie adhuc vigeat. Ipsum vero opus duobus constat Voluminibus, quorum prius octo, posterius sex Libros complectitur, ita, ut universum Systema XIV Libris absolvatur, quorum argumentum, instituti nostri memores, paucis indicare non gravabimur, quamvis Musæ nostræ non belli, sed pacis studiis sint addictissimæ.

Quod itaque ad Tomum primum attinet, in Libro I tribus Capitibus totidem momenta sibi pertractanda sumsit Autor, quæ rem militarem exhibent, qualis sub primæ stirpis Regibus Franciæ fuit. Capite *primo* arma, quibus Franci in subigendis Gallis usi sunt, ex Sidonio Apollinari, Præcopio imprimis & Agathia, nempe bipennem, hastam & gladium describit, & effigiem peditis Franci conspiciendam præbet. Capite *secundo* exercitus, disciplinam & aciem Francorum per cuneos compositam persequitur, & inter alia observat, Clodovæum, qui primus Gallos sub suam redegit potestatem, in exercitu suo tantum pedites, eosque solos Francos habuisse, ejus autem filios, regno Burgundiæ potitos, etiam Burgundos, & nepotem Clotarium Gallos quoque, cum Francis jam in unam coalescentes gentem, admisisse, quamlibet provinciam suos & mittere & alere debuisse milites, hincque copias a provinciis nomen accepisse, ut e. g. Bituricenses, Cenomaneuses, Andegavenfes &c. dictæ sint: in provinciis servitutem belli adhæsisse possessioni agrorum, & Seniores (*Seigneurs*) sub Comitibus, hosq; sub Ducibus milites duxisse: Episcopos vero & Abbates suos misisse Vice-Dominos & Advocatos, quibus in Concilio Sueffionensi sub Childerico III A. 744 habito mandatum fuit, ut *hostem non facerent*, i. e. non irent ipsi in miliciam, sed tantum homines suos transmitterent: Monasteria in tres divisa fuisse classes; alia oportuisse *dona & militiam facere*; alia *tantum dona dare sine militia*; alia denique *nec dona nec militiam dare, sed solas orationes pro salute imperatoris vel filiorum ejus & stabilitate imperii*: Theodebertum paucos habuisse equites: Reges etiam, ex quo in castra Christianorum transierunt, ante-

quam proficiscerentur in bellum, Deum consuluisse, nuncium mittentes in templum durante cultu publico, & quæ templum ingrediens audiebat verba, pro oraculo habentes. Capite *tertio* structuram murorum eleganter depingit, & verba quædam Julii Cæsaris e lib. 7 de bello Gallico illustrat.

In Libro II ad Reges secundæ stirpis progreditur, & cap. I ex capitulariis (*ordonances*) Caroli M. ejusque successorum varios transcribit articulos, ad modum comparandi exercitus, qui ab eo, quo primæ stirpis Principes usi sunt, parum abfuit, nec non ad disciplinam militarem ejus ætatis pertinentes, ex quibus notamus, Carolum M. exemisse Episcopos omnesque Clericos a militia, nonnullos autem Episcopos hanc immunitatem lege confirmatam ægre tulisse, non solum spiritu Martiali nationis Francicæ, uti Autor noster loquitur, ductos, sed etiam quod vexationes nobilium cohibere & reprimere voluerint, qui bona invadebant ecclesiastica, causam interferentes, quod pro regione & religione tuenda & vitam suam exponant periculis, & redditus suos impendant. Atque hac occasione Autor explicat, quid *precaria* fuerint, *præstaria*, *mansus vestitus*, *brunia* &c. Cap. II obsidionem Parisiorum, A. 886 a Normannis factam, & ab Abbone Monacho, teste oculato, versibus latinis descriptam refert, & opera atque machinas ab hostibus adhibitas, cujusmodi præter *arietem* fuerunt *musculi*, *plutei*, *catapulta*, *balista*, *terebra* seu *signa ferro acuminata*, *mangana*, quam vocem Autor corruptam esse, a Græca *μυχωνή* derivatam, & speciem catapultæ vel balistæ significare opinatur, *falarica* &c. accurate describit, utque facilius meliusve concipi possint, figuras adjungit, non tamen dissimulans, structuram catapultæ hodie vix concipi posse.

Ad Reges tertiæ stirpis deveniens, historiam militiæ Francicæ, jam multo ampliorem, in certas redigit periodos, & Libro III ea tantum exponit, quæ in hoc argumento notatu digniora sunt, ab Hugone Capeto usque ad Carolum VII, ubi cap. 1 de vasallis coronæ sub Hugone Capeto; cap. 2 de modo cogendi milites; cap. 3 de mutatione militiæ facta a Philippo primo, qui milites sic dictos communes instituit; cap. 4 de equitibus in genere, & ordine equestri, itemque de ceremoniis, quibus creabantur

bantur equites, de ipsorum honoribus, titulis & ordinibus; tum in specie cap. 5 de equitibus bannerias ferentibus (*des Chevaliers Bannerets*) quorum originem & historiam, ac torneamenta, quæ ludi militares, exercitia militaria, bellicque præludia dicebantur, attingit; cap. 6 de armigeris seu scutariis vel scutiferis (*des Ecuyers*) & Valetis vel Vasletis (quod nomen diminutivum esse affirmat vocis Vasalli) sive famulis strenuis; cap. 7 de Servientibus, Clientibus, Satellitibus, Ribaldis, Piquichinis, &c. quorum mentio injicitur in albo exercitus Philippi Augusti, qui rem militarem Francicam primus rite disposuit; cap. 8 de militibus, quos idem suis stipendiis primus aluit, (*des Soudoyers*) unde vox *Soldat* originem trahit, quosque non ex certa quadam gente, sed variis nationibus, præsertim tamen ex natione Brabantica collectos, & Coterellos, Ruptarios, Rutarios & Brabantiones dictos esse, indicat; cap. 9 de copiis extraneis, quibus Philippus Pulcher primus, & post eum Philippus Valesius potissimum usus esse perhibetur, præsertim de Helvetiis, quos Ludovicus XI primus sibi conciliavit; & denique cap. 10 de regimine militari agit, ubi Reges priores ipsos præfuisse exercitibus monet, & dignitatem magni Senescalli Franciæ (*de Grand Senéchal de France*) omnesque eos, qui in hoc honoris culmine constituti fuerunt, porro dignitatem Comitum Stabuli (*de Connétable de France*) a Ludovico XIII A. 1627 suppressam; titulum deinceps & dignitatem Capitanei Generalis, id est, Ducis primarii; summorumque Magistrorum arcubalistariorum (*des Grands Maitres des Arbalétriers*) & denique vexillum S. Dionysii portantis (*de Porte-Oriflamme*) haud perfunctorie recenset. In Libro IV mutationem militiæ, factam a Carolo VII, & post ipsius tempora in equitatu peditatuque VIII capitibus enarrat, ex quibus notamus, Carolum VII equites reduxisse ad quinque manus, *Compagnies d'ordonance* dictas, equitatum gravioris armaturæ (*la Gendarmerie*) in meliorem redactum esse ordinem, & equitatum levioris armaturæ in tres divisum esse species, *Estradiots*, *Argoulets* & *Carabins* dictas; peditatum a Francisco I in legiones esse divisum; milites, *Avanturiers* dictos, i. e. audaciores, magnas dedisse turbas; & titulum atque officium *Colonel General de l'Infanterie*,

*fanterie*, seu Imperatoris exercitus pedestris, a Francisco I institutum, sub Henrico III a Duce Espernonio ad summum fastigium esse evectum, & tandem a Ludovico XIV suppressum. Pari eruditione ac solertia in Libro V, non sex, uti per errorem typographæ numerantur, sed septem Capitibus de aciem instituendi ratione, de clamore militari *Montjoye S. Denis*, quæ verba rejectis reliquorum interpretationibus Autor significare contendit: *Gaudium meum est S. Dionysius*, Patronus Franciæ; de dispositione exercitus cum in itinere, tum in castris; de officiis militis præliarii; deque exercitiis cum veterum Græcorum ac Romanorum, tum Francorum differit. In Libro VI quinque prioribus capitibus varia armorum genera enumerat, quibus & equites & pedites usi fuerunt, atque cap. 6 armorum ornamenta; cap. 7 vexilla, cap. 8 Capellam, scapam vel cappam D. Martini (*la chape de S. Martin*) per quam sive pallium, sive supparum, sive velum intellexeris, non vexillum, sed tentorium, sub quo Sanctorum, imprimis S. Martini, reliquæ portatæ sint, denotari pluribus contendit; cap. 9 vexillum S. Dionysi sive Auristammam; cap. 10 vexillum regium, imprimis candidum equestre (*la Cornette blanche*) & cap. 11 Musicam militarem tradit. In Libro VII modum obsidendi urbem, illis temporibus usitatum, IX capitibus exponit, & de cuniculis, de varii generis pyrobolis, eorumque inventione, de pyloclastris & machinis infernalibus agit, ac contra Stradam tuetur, glandes missiles, vulgo *Grenades*, jam sub Francisco I in usu fuisse; numum quoque illustrat, in cujus altera parte effigies Guillelmi conspicitur cum hac epigraphe: *Guillelmus Magnus invictissimus*, in altera vero taurus Perilli, cum verbis supra positis: *Suis perit ignibus Autor*, & infra scriptis: *Portus Gratia exustus & eversus bombardis Anglo-Batavis* MDCXCIII. Tandem Libro VIII cap. 1 munitionem Francorum, historiamque architecturæ militaris; & cap. 2 deductionem ac pacti ineundi capita consignat.

In Libro IX, a quo Tomus II incipit, & sequentibus ad historiam militiæ Gallicæ recentiore se convertit Autor, & lectori harum rerum curioso eo plus parit voluptatis, quo plura complectitur momenta, sine quorum cognitione nostræ ætatis histo-



ria vix ac ne vix quidem intelligi potest. Prius vero, quam copias commemoret, ex quibus hodie exercitus Gallici componuntur, munia militaria, quæ hodie statum militarem ornant ac splendidiorum reddunt, a summo ad infimum X capitibus illustrat, ex gr. cap. I Marefcallum Franciæ considerat, & vocis hujus etymologiam, usum antiquum modernumque, nec non officii amplitudinem & dignitatem explicat &c. iisdemque cap. XI operum bellicorum machinatores (*Ingenieurs*) adjungit, & cap. XII custodes Regum priorum, atque cap. XIII manuum centum nobilium, qui appellati fuerunt *les Gentils-hommes du Bec de Corbin*, ejusque originem, incrementum & mutationem quoad singulas circumstantias describit. Tum omnes Regis Galliarum copias dividit in eas, quæ ad domum regiam militarem referuntur, & eas, quæ reliquam turbam constituunt. Domus regia militaris, quæ sub Ludovico XIV magnificentia non minus quam virtute floruit quam maxime, in Libro X octo capitibus prolixè satis describitur, & inter alia monetur, custodes Scotos post abitum Rutterfoordii legioni de Douglas immixtos fuisse. Reliquas copias Auctor ita describit, ut Libro XI pedites, in legiones distributos, & Libro XII equites levioris armaturæ, catapultarios, Hungaros &c. sistat. In Libro deinde XIII tormenta bellica (*l'artillerie*) & alia ad militiam spectantia fusius excutit, ubi etiam de præmiis militiæ, de ordine militari S. Ludovici, de infirmorum sustentatione, & domo magnifica, jussu ac voluntate Regis A. 1671 in eorum usum condita, deque pœnis militum & armorum mutatione differit, & comparisonem instituit inter artem militarem ac militiam Veterum, Græcorum scilicet & Romanorum, & gentium Europæarum belligerandi gloria celebratissimarum. Atque hoc loco non possumus, quin judicium Autoris a partium studiis alienum probemus, quandoquidem, aliis nostri ævi militiam, aliis vero cum Lipsio (*lib. 3 de militia Romana dialogo 20*) militiam veterum præferentibus, media incedit via, & justum utrique statuit pretium. Etenim Græcis & Romanis gloriam inventæ artis militaris concedit, docens, reliquas gentes in bello sequutas esse regulas generales, quas præcipiebat necessitas, absque sollicita meditatione & mentis appli-

applicatione; Græcos autem invidia & fastu ductos, bellum in artis formam redegisſe, eamque Romanos magis excoluiſſe: qua occasione etiam Græcorum phalangen deſcribit, & qua in re Romanorum militia a Græca diverſa quondam fuerit, commonſtrat. Fatetur etiam, Romanorum milites a pueris fuiſſe aſſuetos laboribus & moleſtiis cum militia conjunctis; idem vero de hodiernis militibus affirmari non poſſe. E contrario in exercitiis militari- bus modernos non cedere Romanis, &, ad urbes vel oppugnandas vel defendendas quod attinet, quamvis juſta comparatio vix inſtitui queat, eo quod arma & machinæ jam prorsus aliæ adhibeantur, tamen hodiernos operum bellicorum machinatores veteres longe ſuperare, & milites præſidarios iisdem pareſt- bendos eſſe, contendit. Quod ad diſciplinam, neutiquam regulæ veterum cum hodiernorum exemplis, verum cum præceptis hodiernis, atque adeo exempla cum exemplis conferri oportere, bene monet. Porro quando arma, quibus hoſtem aggrediebantur veteres, cum armis noſtræ ætatis comparat, hæc longe majores ſuntus requirere fatetur, & illis plures hoſtes occiſos fuiſſe, ex hiſtoria probat, & fundam præfert ſcopeto, jaculumque ſcopo manuario; immo ſi centum Funditores cum totidem ſcopetariis congredierentur, illos ſuperiores futuros arbitratur. Tandem in Libro *decimo quarto* XIII capitibus ea pertractat omnia, quæ ad militiam navalem pertinent, & ſtatum rei militaris navalis Gallorum cum præteritum tum præſentem illuſtrant. Sed hiſce diutius immorari nobis non licet, qui nulli dubitamus, quin liber tam varia eruditione tantaque rerum hiſtoricarum & ſuperioris & noſtri ævi multitudine refertus multos quoque ſit inventurus Lectores.

THE LIFE OF GENERAL MONK, LATE DUKE  
of Albemarle.

i. e.

VITA MONKII, SUPREMI DUCIS BELLICI,  
*quondam Ducis Albemariæ, e ſchedis THOMÆ*  
SKYNNERI, *cum præſatione GUIL-*  
WEBSTERI.

Londini

Londini, apud W. Bowyer, 1723, 8 maj.

Alph. I pl. 12.

**C**L. *Websterus* in præfatione huic Operi præmissa famam Monkii perennaturam a maculis malevolorum aspersis, multis ex *vitæ D. Barwici* hanc in rem depromtis, solide vindicat. *Clarendonius* etenim in historia istius temporis pronuntiat, Monkio ad laudem sufficere, ipsum vel invitum tantam rem ad finem perduxisse; Cromwellio enim impense addictum, cum omnes Regium imperium desiderarent, se Carolo Regi potius, quam alii submittere voluisse, adeoque plurimum voluntatem sequi coactum, etsi sæpius antea Parlamento suasisset, omnibus innitendum viribus, ut Rex a reditu arceretur. Ipse *Ludlovius* in *Commentariis* affirmat, *Monkium sibi a Rege Vicariatum Regni Hibernici pactum*; quamvis mox sibi ipsi contrarius, eundem fateatur nullas sibi condiciones pactum, quod speraret, hoc modo se majora obtenturum. Plerique eum arguunt, dissimulantem in toto negotio, haud sincero animo fuisse versatum. Alii vindictæ studio in Parliamentum, coram quo causam dicere ob pacem cum O Neal Hiberno conclusam jussus fuerat, ab ipso tantum opus susceptum fuisse autumant: animumque ejus a Rege alienum ex litteris ipsius ab *Anonymo de arte restaurandi* (*art of restoring*) vulgatis declarant. Verum Ludlovio, aliisque Reipubl. sectatoribus non habenda fides, qui verbis sæpe ambiguis ac duriori bus pro ratione temporis cuncta detorquent. *Clarendonius* nimis tunc ab arcanis in Anglia remotus, sua tantum ex rumore hausit, imo aliis in locis Monkium a dissimulatione illaudabili absolvit, & destinata ipsius sapienti consilio tecta deprædicat, quæ si emanassent, summum detrimentum bonæ causæ attulissent. Quid? quod Monkius juramentum de Rege & Monarchia non restituenda, licet imminente vitæ dispendio, intrepidus detraxit. Quas vero literas *Anonymus* ille Nostro tribuit, ex utique ab impostore videntur confictæ; & quamvis rebus ita jubentibus inimicis Regis militare cogeretur, nusquam tamen adversus Regis commoda laborasse deprehenditur. Ipse ex Regio Plantagenetarum sanguine, a Richardo Romanorum Rege ortus, Batavorum castra juvenis 21 annorum secutus, minime tamen

p. 97.

Ecc

princi-

principiis hujus Reipubl. deditus, ac post decennium reversus, sub signis Regiis stipendia meruit, & suspectus aliquando Regi ob favorem Leicestrii, mox in gratiam receptus est; captus deinde a Parlamentariis, ærumnas carceris per quatuor annos sustinere, quam promissis aurem præbere & impia in Regem arma sumere maluit. Cum Rex creari ipse potuisset, noluit; & quamvis *Echardus* in *Histor. Angl.* asserere videatur, eum a consiliis de diademate suscipiendo a Coopero fuisse deterritum, attamen cum *is Lockio*, teste in ea re haud omni exceptione majore, utatur, Noster rem judicio Lectoris relinquit. Denique favoris in Presbyterianos falso a nonnullis arguitur, cum ab his semper fuerit alienissimus. Opus ipsum integrum e *MSc*to cum variis *Codd.* collato hic ingenue offertur a *Webstero*, addito Epitaphio Monkii, hætenus nondum typis vulgato. Etenim *Skynnerus*, Vitæ hujus Autor, tertiam illius partem, Latino idiomate sub titulo: *Motus compositi*, jampridem vulgavit, Anglica quoque lingua donatam, quæ omnium nunc manibus teritur. Ceterum cum D. Gumble, qui unus hætenus hoc argumentum aggressus, leviter saltem tanti Viri memoriam adumbraverit, longe majorem *Skynnerinus* hic fœtus fidem merebitur, quod ex schedis optimæ notæ, & ore hominum fide dignissimorum fertur collectus. Nos potissima ejus gesta velut in nuce exhibebimus. Georgius, Dux Albemariæ, natus Potheridgiæ in Devonix Comitatu 6 Dec. 1608 inter fratres natu minor, ob tenues facultates armis destinatus, cum 17 ætatis annum nondum superasset, Præfectum istius Comitatus, quod Patrem contra fidem datam carceri inclusisset, fustibus multavit. Hinc profugus nomen dedit militiæ, & classi impositus est, qua Gades Angli petebant, unde cum ceteris re infecta rediit. Inde Rupellanz expeditioni interfuit; & hoc quoque bello composito, per decennium ferme Batavis militavit, sed cum Magistratus Dordracenus sibi cognitionem in milites ejus arrogaret, & Auriacus civibus faveret, de injuria questus, missionem continuo efflagitavit. Redux in Angliam, Subtribuni munere a Comite Leicestriæ ornatus, Scotos, Hibernosque rebelles, mox Tribunus, repressit, revocatusque in Angliam suspicionem Regis, ac in Parlamento faveret, a se amovit. Creatus inde Major militum



Præfectus, in obsidione Nantvici a Parlamentariis captus, & carceri Londinensi est inclusus. Ibi per quatuor annos detentus, & a Parlamento frustra sollicitatus, fidem in Regem sancte servavit, donec & Regis & Parliamenti jussu adversus Hibernos militandi provinciam obtineret. Rege inter hæc nefanda cæde peremto, iusta indignatione in Scotos commotus, Cromwellio duce in bellum Scoticum est profectus, eique adeo se probavit, ut Cromwellius illi soli regiminis curam in Scotia crederet. Classi postea præpositus, binis præliis Batavos superavit; ac Scotos denuo rebelles subito imperata facere coegit. Rebus post mortem Cromwellii undique turbatis, cum Jo. Greenvillius & Nicolaus Monkius pararii a Rege clam ablegati essent, Noster omnibus rite pensitatis, alto cuncta silentio premenda ducens, animum a Rege alienum fingeat, pecuniæ interim & militi colligendo, utcunque res ceciderit, intentus. Inde rerum facie paulo mutata, libertatem Parliamenti & jura Populi se defensurum publice edicit, urbes munitas Viris sui studiosis credit, suspectos amovet, aut carceri mancipat, rejectisque vanis adversariorum promissis, consilium de Rege restituendo celans, iter cum exercitu rebus bene ordinatis *Coldstrema* ingreditur laboris periculique plenissimum, & copiis *Fleetwoodo* a Senatu Anglico, prout postulaverat, exire jussis, Londinum milite suo occupat, ac odio civium in adversarios concitato, a Parlamento hæc usque exclusos revocat, ab eodemque rei militaris & maritimæ imperium sibi conciliat. Summam tamen rerum sibi oblatam magno animo respuit, & Pricii ac Greenvillii suasu, grande illud arcum tanta prudentia occultatum, quod jampridem animo agitaverat, aperit, atque autoritate Senatus Regni, summo omnium plausu. Carolum II Regnis avitis reddit. Dux inde Albemarlæ creatus, per totum luis pestiferæ tempus Londini substitit, indefessa rerum publicarum cura aulæ, egenis munificentia singulari, percarus. Classi Præfectus A. 1666 contra Batavos viribus longe superiores prælio triduo pugnans haud inferior discessit; imo Ruperto Principe in auxilium adventante, Batavi cedere victoribus Britannis coacti. Paulo post Batavi haud minore clade affecti, intra portus se recepere, *Holmio* interea urbem *Bran-*

p. 25.

29.

39.

50.

63.

93.

128.

167.

233. 257.

268.

191. 293.

325. 330.

364.

375.

386.

395.

P. 412.

414.

418.

*darin* ac naves 150 spoliante aut comburente. Obiit Monkinus hydrope 3 Januar. 1670 anno ætatis 61 superato; cadaver ab amicis Ægyptiorum more aromatibus conditum, sumtu publico, solenni pompa funeris, summa omnium comploratione, Regio tumultu est illatum. Quæ tanti Viri indoles fuerit, in fine libri accurate exponitur.

**CHRISTIANI BERNHARDI ALBINI SPECIMEN ANATOMICUM, exhibens novam tenuium hominis intestinorum descriptionem.**

Lugd. Batavorum, apud Henricum Mulhovium, 1724, 8.

Plag. 7 dimidiat.

**I**N Specimine hoc Anatomico, summis in Medicina honoribus adipiscendis destinato, id agit Clariss. Albinus, ut tenuium intestinorum tunicas, vasorum arteriosorum & venosorum ad hæter, per eas distributionem, finem ultimum & actionem exponat quam accuratissime. Quæ de tunicis intestinorum tenuium commentatus est Autor, brevius recensebimus, ex quibus hæc obscure judicare licebit, qua industria reliquum absolverit pensum. Tunicæ numerantur quinque, quarum extrema, communis dicta, a peritonæo ortum ducit; postquam enim hoc propter lumborum vertebrae in duas lamellas, per planas superficies sibi accumbentes & unitas, divisum, mesenterium formavit, in confinio jejuni & ilei dehiscunt utraq; lamellæ, cylindricum intestinorum canalem ambiunt, & supra eundem sibi mutuo occurrunt & continuantur; nisi malis dicere, unam lamellarum mesenterii intestinum conscendentem, circumeuntem, & ab altero latere descendente continuari alteri, seu illam potius ipsam esse. Unde fit, ut hiatui secedentium mesenterii lamellarum regione opposita quantulacunque intestini pars minime hoc involucri tecta reperiatur. Adhæret hæc tenuis & densa membrana intestino prope mesenterium, non nisi leviter tantum, mox paullo arctius, tandem arctissime; ita ut in adultis minime, in fœtu arte tantum a subjectis separari possit. Secunda, seu cellulosa Ruyfchio dicta, itidem mesenterii est propago. Continet scilicet hoc intra suas laminas materiam quandam mollem, teneram,

ram, sequacem, quæ immisso flatu in ingentem cellularum abit numerum. Atque hæc materies replet omnem illum hiatum, quem lamellæ intestinum conscendentes reliquerant, & terminatur digiti transversi circiter a mesenterio distantia, nec totum intestinum ambit. Accipiunt hæ cellulæ & asservant pingue ex arteriis secretum, quod fibras musculosas subjacentes lubricat. Et licet pars intestinorum superior a mesenterio averfa, ad quam cellulosa hæc tunica non pertingit, ob sensibilem magis muscularein actionem ejusmodi pinguedine majori jure indigere videatur, hujus tamen defectum superstratum omentum pingue largiter compensat. Tertium, quod sequitur, involucrum ex duplicis seriei musculis exiguis constat. Externa series longitudinalium est, qui parallelo situ per totum intestinorum syrma exporriguntur; sed non ubique. Nam collocantur tantum in opposita mesenterio intestini sede; digiti transversi in his, pollicis in aliis, latitudinem occupantes. Adhærent firmiter communi tunicæ, non intercedente cellulosa; quin & ubique subjæctæ seriei annularium musculorum innectuntur. Neque etiam continuo quasi filo per totam intestinorum longitudinem ducuntur, sed postquam paullulum spatii confecere, statim ad interiora velut inflectuntur & absorbentur, evanescente sic confestim ulteriori eorum progressu & emergentibus quasi in ipso illo loco iterum aliis. Harumque fibrarum ministerio in rectitudinem coguntur intestina. Internam seriem annulares constituunt, quæ tenues quamvis, priores tamen crassitie & copia multum superant. Sunt hi innumeri muscoli, intestinum ambiendo in se redeunt, hinc orbiculos, forsan etiam spiras, formantes, juxta se invicem arcte appositi. Et ab his mirabilis ille lumbricalis, peristalticus dictus, motus intestinorum dependet. Huic strato musculofo subjacet quarta tunica, per cujus telam raram vasa sanguifera innumera densissima ramificatione producantur; quæ quidem cum Willisio nervea dici potest, non, quod ex nervis sit conflata, sed quod corpus constituat album & exangue: quia vero adactò flatu tota in mirabilem cavernularum & inextricabilem texturam confestim explicatur, tunica cavernulosa aut cellulosa altera & interna nuncupanda venit, in eo ab externa

**I**gnorabat Cl. Autor, Ephemerides a Cel. *Manfredio* prelo fuisse subjectas, cum de suis edendis cogitaret. Etsi vero, cum istæ prodiissent, suarum edendarum consilium mutasset; ab ipso tamen *Manfredio* se adduci passus est, ut ne eas premeret. Suadebat autem *Manfredius* editionem, tum quod juxta alias tabulas essent computatæ, quam quas ipse condiderat, tum quod ad plures annos extenderentur. Locus unius planetæ non nisi semel exprimitur. Unde constat, Autorem in aliis tabulis *de la Hire*, in aliis *Streetii*, in aliis vero *Flamstedii* fuisse usum, quamvis non indicet, in quibus his, in quibusnam vero istis vel illis tabulis fuerit usus. Introductionem vulgo ephemeridibus præmitti solitam omittit, cum inconsultum duxerit ab aliis iterato inculcata repetere. Nec in his Ephemeridibus comparent typi eclipsium solarium atque transitus Mercurii sub Sole, neque intimi Jovis satellitis immersiones atque emersiones ab umbra illius, aut Lunæ appulsus ad insigniora sidera, cum familiaribus negotiis impedito ad talia addenda non fuerit otium. Quamobrem optandum, ut Cel. *Manfredius* Ephemeridum suarum continuationem non negligat, qui iisdem inseruerat, quæ in *Ghislerianis* desiderantur. Ceterum *Ghislerius* fretus hypothesi *Cassini*, quod Cometa, qui A. 1702 apparuit, idem sit cum Cometa A. 1668 & olim quoque ab *Aristotele* observato, ejus A. 1736 reditum prædicit. Eum ab Aquario egredi debere & per cetum transeuntem ad Eridanum perventurum affirmat. In præfatione addit prædictionem alteram *Cassini* de Cometa A. 1783 apparituro, ex hac hypothesi, quod Cometa A. 1680 idem sit cum *Tychoniano* A. 1577. De ea tamen subdubitat, cum ipsi Cometa A. 1680 & 1577 non videatur idem. Immo alia adhuc prædictionum exempla commemorat, v. gr. quod juxta *Whistonum* Cometa A. 1751, juxta *Hallejum* A. 1758, A. 1790 & A. 1747 compariturus sit. Defendit in eadem præfatione siderum influxum, sed eum, qui ab actione luminis proficisci possit.

ILLUSTRIS.



**ILLUSTRISSIMI ET REVERENDISSIMI**  
**THEOPHANIS, Archi-Episcopi Plescoviensis & SS.**  
*Synodi V Præsidis &c. Disquisitio Historica bigæ quæstio-*  
*num, quarum 1) quibus de causis & quo sensu Imperatores*  
*Romani tam ethnici, quam Christiani, appellati fuerint*  
*Pontifices sive Archierei gentilis religionis? 2) num*  
*Christiane religionis summi Imperantes dici possint*  
*Episcopi & Archierei, & quo sensu?*

Petropoli, 1721, d. 7 Jul. in 4.

Plag. 4.

**L**ibelli hujus, lingua Russico-Slavonica exarati, Autor gravissi-  
 mus, missa vocis Pontificis evolutione, quam Philologis in-  
 certam relinquit, potius de origine & officio Pontificum, eorum-  
 que diversitate sibi dicendum existimat. Originem ex Livio refert  
 ad Numam, Romanorum Regem, qui ad reprimendam populi  
 feritatem sacra circa cultum Deorum introduxerit, variisque  
 sacrificiis & ceremoniis, Sacerdotibus item & Vestalibus Directo-  
 rem, sive Pontificem, præfecerit. Porro refert, subsequentibus  
 temporibus multos simul extitisse Pontifices, 4, 8 & plures,  
 observante Bosio in antiquit. vel de Pont. c. 1 tom. 3: eorum  
 autem semper unum fuisse Maximum, quem Scriptores Græci  
 dixerint *Archiereum*, ut idem Bosius ex antiquis nummis ostendit.  
 Officium vero summi *Archierei* fuisse, sacra peragere, & Sacer-  
 dotes æque ac seculares personæ in rebus spiritualibus regere  
 cum potestate: illud commune eum habuisse cum ceteris, hoc  
 autem sibi proprium. Qua potestate Augustus Imperator præditus  
 libros supposititios numero 2000 comburi jussit, teste Suetonio  
 cap. 31 Aug. Alia potestatis Pontificiæ specimina, nec non res &  
 causas eidem subjectas, vid. ap. Liv. l. 37 c. 51, Valer. Maxim. l. 1  
 c. 12, Ovid. l. 3 Fast. d. 6 Mart. Tacit. annal. l. 3 c. 10, 15, 38.  
 Magnam ejus potestatem hisce privilegiis munitam fuisse,  
 1) quod Summus Pontifex non debuerit stare coram Senatu,  
 neque populo rationem officii reddere; 2) quod unus fuerit  
 Summus, non habens sibi parem sive Collegam; 3) quod Pontifi-

Fff

catus

§. 1.

2.

3.

§. 4.

- catus ejus duraverit ad finem vitæ. In tali potestate tamen Summo Pontifici certos limites fuisse positos. Quamvis enim nulli judicio fuerit subjectus, attamen permissum fuisse ab illo provocare, vel ad collegium minorum Pontificum, vel ad totum populum. Nec liberum fuisse Pontifici Italia exire, aut habitare in ædibus privatis, nec eum potestatem habuisse bellum indicendi aut cohibendi. Inquisivisse autem in leges a Senatu & populo latas, sintne Diis contrariæ, & si tales, iis interdixisse. Hoc eum non potestate Imperatoria, sed didascalica, nomine Deorum conscientias obligando, fecisse, aliis inconsultis. Quod autem quidam ex Cic. l. 2 de nat. Deorum & l. 2 de leg. velint colligere, bellum inconsultis Pontificibus illicitum fuisse, minime probat Noster, cum loca hæc ad Augures potius spectent. Hisce præmissis, causas, propter quas Imperatores Pontificis nomen assumerint, facile intelligi posse putat, scil. 1) quod Pontifex nullius judicio subjectus esset; 2) quod unus tantum fuerit isque summus; 3) quod observavit leges, sique illegitimæ essent, interdixit; 4) Quod dignitatem illam perpetuo retinuerit. Has prærogativas valde convenisse Monarchis, & sine illis Imperatoriam potestatem admodum infirmam multisque impedimentis obnoxiam fuisse. Obiter hic Autor monet, nomen & dignitatem Imperatoris olim non involvisse Monarchicam potestatem, sed talem, quæ est belli Ducis, seu Campi Marechalli: postea autem hoc nomen commune esse desuisse, & Monarchis tributum, non quibuscunque, sed multorum regnorum Dominis, qualia sint Russicum, Turcicum, Sinense, Indorum. Et quamvis nonnulli Rom. Cæsares Imperatores dici nollent, ut Tiberius Claudius, apud Sueton. attamen ipsos æque ac alios variis artibus nomen Pontificis, ut ab omni impedimento in absoluta Monarchia essent immunes, ambivisse. Eosdem porro observat vinculis, quibus Pontifices §. 4 obligatos diximus, minime constrictos fuisse. Sicut enim prærogativis & immunitatibus illorum in commodum suum usi sint, ita & obligationibus se absolvisse, v. g. non licuisse iis tanquam Pontificibus exire Italia, licuisse tamen ut Imperatoribus. Ex quo liquere fatetur Autor, Pontificatum maximo adjumento fuisse Imperatoribus ad sustinendam Monarchiam. Quod alterum prioris
- 5.
- 6.
- 7.

prioris quæstionis membrum attinet, scil. quod Imperatores non solum titulum, sed & ipsum Pontificum officium obierint, Noster exemplis Gentilium Imperatorum constare censet ex Suetonio, Plinio, Tacito, ad quos & Bosius provocat. Idem & exemplis Christianorum Imperatorum, gentilis quoque religionis Pontifices se appellantium, comprobat ex antiquis lapidibus & Servio Scriptore. Necessitate vero quadam ad hoc impulsos fuisse Imperatores, ut nimirum tali titulo conspicui ethnicis potestate pol-  
 lentibus & Magistratus gerentibus præpollerent, exemplis pariter declarat. Neque tamen Imperatores Christianos sacris ethnico-  
 rum officiis in fanis eorum functos esse, id quod vel Episcopi au-  
 toritate valentes non permisissent, sicut Ambrosii, Theodosium redarguentis, exemplo manifestum sit. Ad objectionem, piacu-  
 lum videri, quod Imperatores illi assumerint ethnicum Pontificis  
 titulum, respondet: Pontificiam illam potestatem a Sacerdotali  
 functione diversissimam & mere politicam fuisse, & spectasse  
 tantum leges & statuta, sintne Deo aut publico commodo adversa,  
 an minus; ubi allegatur Naëmanis exemplum. In altera, quam  
 Autor examinat, quæstione primum nomina Episcopi & Archie-  
 rei explanat. Episcopatum in se nec dignitatem nec potestatem,  
 sed officium significare ait inspectoris, nempe curatoris cujus-  
 cunque rei, profanæ quoque. Ab Apostolis autem Ecclesiæ  
 Pastoribus olim tributum fuisse, Actor. XX & alibi. Sequentibus  
 temporibus, discriminis ergo, majoribus Pastoribus relictum. Ex  
 quo apparere dicit, Episcopatum Pastoribus competere non  
 secundum Sacerdotium, sed debitam inspectionem & obser-  
 vantiam Ecclesiæ. Nomen autem Archiepiscopi asserit proprie in-  
 volvere Sacerdotalem functionem, & *Hiercum* quidem Sacer-  
 dotem, *Archiepiscopum* vero rectorem Sacerdotum denotare, quæ  
 nomina nullis aliis officiis profanis, ut Episcopi nomen, tributa  
 fuerint. Et quamvis omnes fideles Christiani dicantur Sacerdotes  
 1 Pet. II, 19 &c. attamen minus proprie aut excellenter ita dici;  
 Archiepiscopi autem nomen nunquam connotare præminentiam &  
 potestatem prælaticam in alios Sacerdotes, uti nec Pontificis.  
 Hisce monitis Illustrissimus Autor clarum facit, Principes se posse  
 Episcopos appellare, ob supremam rerum inspectionem, sicut

6. 8.

9.

10.

11.

12.

13.

14.

15.

- §. 16. & olim Homerus Hectora dixerit Episcopum Iliad. l. ult. & pastorem populi l. 1. Specialius vero quaeritur, an Christiani Imperatores possint dici Episcopi? Et respondet Noster, utique dicendos Episcopos. Episcopos: Imperatorem enim simul Autocratorem esse & supremum suorum Inspectorem & Curatorem. Qua de re provocat ad Sermonem A. 1718 Domin. Palmarum a se pro concione habitam. Et si quis objiciat, Imperatorem quidem habere potestatem Episcopi, sed non dici Episcopum, respondet, posse Imperantem nomen assumere, quodcumque ei competat. Qua occasione fusius disserit de nominibus propriis & communibus dignitatum, & Imperantem observat habere potestatem in Medicos, Architectos, Geometras, sed non statim dici Medicum sui populi vel Architectum formæ Reipublicæ, nisi improprie & in quantum conveniat. Afferuntur quoque in hanc rem exempla clarorum scriptorum, quos inter princeps Eusebius Constantinum M. in vita ejus L. 1 cap. 44 appellat communem omnium Episcopum a Deo constitutum, & l. 4 c. 24 Constantinum testatur se ipsum nominare Episcopum: *Vos quidem in rebus Ecclesia internis Episcopi: Ego vero in rebus externis Episcopus a Deo constitutus*; nempe quia is templis idola ejecerit, sacrificiis interdixerit, diem Dominicum sacrum haberi jusserit. Et hac ratione eum asserit Episcopum dici, non ob regimen politicum, sed Ecclesiasticum, adeoque per res Eccl. externas indigitari supremam rerum spiritualium curam, regulas, canones, conciliorum convocationem, jurisdictionem & disciplinam Ecclesiasticam in Episcopos & totum Clericorum populique totius gregem; citatur & Socrates in Præf. l. 5. Per internas autem Ecclesiæ res illum significasse visitationes Ecclesiarum, doctrinam & disciplinam minorum pastorum, adjudicationem in Conciliis & explicationes dogmatum. Tametsi & nonnunquam Constantinus M. sibi derogasse legatur, v. g. in Epist. ad Eccl. Alexand. hoc tamen humilitati ipsius tribuendum, conf. Euseb. l. 3 de vita ejus c. 17, it. 10, 12 & 22, & l. 1 c. 44. Quamvis vero in singulari sensu, quo nomen illud quandoque administrationem muneris Sacerdotalis significet, qualis in V. T. sacrificiorum & in N. T. Sacramentorum sit, & in specie incruenti sacrificii, ea tamen minime spectare
- 17.
- 18.
- 19.



spectare ad summum Imperantem, nisi ordinatus fuerit, atque ita hæc neutiquam illi secundum potestatem Imperatoriam, sed vi ordinationis, per manuum impositionem factæ, competere. Tametsi enim *Melchisedeci* exemplum produci possit, attamen semper distincta officia fuisse, sacra facere & regnare, & prorsus incongruam Regibus esse Sacerdotis functionem. Posterioris quæstionis alterum hinc solvitur membrum. Nimirum cum quisque Christianus propter spirituale Sacerdotium, id est, propter quodcunque exemplar verarum virtutum sit & dicatur Sacerdos, quemvis etiam summum Imperantem non solum Sacerdotem, sed & *Supremum sive Archiepiscopum totius Christianitatis* dicendum existimat. Non ob stare cultum Constantini M. in paschate apud Eusebium; nec acclamationem Episcoporum ad Imper. Marcianum in Concilio Chalced. Sess. 6 circa fin. neque appellationes *Sacratissimi* Cod. Just. it. *Divi*, Conc. Chalc. Sess. 5 § 450, 446, 447, Sess. 6 § 487, Sess. 5 circa fin. neque divinarum Epistolarum, aliasque, verum hæc omnia metonymice dici, prout v. g. benefactor dici posset parens; Rex, pestis tempore subditis prospiciens, Medicus; & quo sensu Episcopi Marcianum Imperatorem novum Paulum vel Davidem nominaverint, & ipsi Russi Vladimirum Apostolum dicere consueverint. Tales titulos ergo non functionem & ipsum manus Sacerdotii significare, sed ob alias rationes datos fuisse. Ita summos Imperantes dici Sacerdotes, eo quod sint inviolabiles, Liv. l. 3 c. 55, Cic. in Catil. 2, & Græcis illos dici Divos, numina, & apud nos Sacratiss. Majestatem Regiam, & quæ sunt alia. Atque hic Autor Romanorum Pontificum ignorantiam perstringit, qui nesciverint nimirum veras rationes, propter quas sacratissima Majestas Cæsar. Roman. dicta fuerit. Postquam enim sibi aliisque persuaferunt, quasi Imperator confors esset Ordinis Sacerdotalis, membrum & socius Cleri, hinc Imperatorem subinde ausi sunt Diaconi voce compellare, quæ res potestati ipsorum maximo fuit adjumento, quandoquidem Imperatores ex sancta simplicitate titulum hunc minime repudiarunt: quam in rem affertur exemplum Sigismundi Imper. qui in ipso Concilio Constantiensi A. 1414 feriis Natal. Papæ servivit, officio & habitu Diaconi, vid. Edit. Antwerp. Concil. Cariolani circa

§. 19.

21.

22.

23.

24.

25.

26.

27.

28.

§. 21.

finem. Porro Autor de ridiculis immo execrabilibus ceremoniis, in conventu Papæ & Imperatoris, in processionibus eorum, in mensa &c. servandis, ex libro ceremoniali nonnulla refert, ubi tamen monet, dignitati Imperatoris paritum esse quodam modo, dum interdictum, ne culinam intret Imperator, quod id dignitati ejus minus conveniret. Tantum scilicet honoris Imperatori relictum. Orientalis quoque & speciatim Byzantinæ Ecclesiæ ceremoniæ leviter attinguntur, ubi singulari honori cedere fatetur Imperatori, quod secundum Can. Concil. Trullani, soli e Secularibus ad altare accedere liceat; quod tamen nullum præbere argumentum possit functioni Sacerdotali. Ex Georgii quoque Codini libro ceremoniali refertur, Imperatoris esse, in publicis processionibus præcinere, cum is habendus sit pro Deputato Ecclesiæ. At nec cantare in publico cœtu, vel hymnos componere, esse peculiare Sacerdotis officium, Noster demonstrat. Hæc, ut cetera omittamus, paulo fusius, prout ad nos e Russia e libro Russico idiomate consignato excerpta pervenerunt, benevolo Lectori invidere noluimus, cum vel hinc patere arbitremur, *non adeo obtusa gestare pectora Russos.*

**PLENA ET SUCCINCTA INFORMATIO DE**  
*Statu totius Controversiæ, quæ de Autore Libelli de imitatione Christi inter Thomæ Kempensis, Canonici Regularis, & Johannis Gersenis, Ord. S. Benedicti Abbatis, Patronos jam a centum annis agitur, ubi simul utriusque partis Argumenta juxta leges Artis Criticæ expenduntur, Autore*  
**R. D. EUSEBIO AMORT, Eccles. Colleg. ad S. Crucem**  
*Pollingæ Canonico Regulari, Bibliothecario ac*  
**SS. Theologiæ Profess.**

August. Vindel. apud Ant. Bon. Biffoni, 1735, 8.

Alph. 1.

**M**Ota iterum est superiori anno de Libelli de imitatione Christi vero Autore controversia, edito quippe Augustæ libro sub titulo: *Joannis Gersen de Canabaco, Ordinis S. Benedicti Abbatis Vercellensis, liber de imitatione Christi, studio R. P. Thomæ Erbard*

*Erhard, Benedictini Wessofontani*, cujus libri Editor inter alias rationes, cur *Thoma Kempensi* librum abjudicet, hanc affert in præfatione, quod liber ille MSptus in Bibliotheca Canonice Rottenbuchensis jam Seculo XIV atque adeo ante Thomam Kemp. certo certius exaratus dicatur asservari. Huic igitur se opposuit Noster, qui non solum illius argumenta retundere, sed & totius controversiæ statum ac historiam texere, in animum induxit. In septem itaque partes totam distribuit exercitationem. Pars I animadversiones sistit in præfationem recentissimi illius Editoris, qui libros de imitatione Christi *Job. Gerseni* vindicarat. Et quia is tria in præfat. egerat, 1 ut usum libri doceat, 2 usum suarum concordantiarum commendet, & 3 librum Gerseni vindicet, Noster singulis momentis quædam opponit. Utilitatem nempe libri nimis evehi dicit, & ab illis, qui Romanæ Ecclesiæ non sunt dediti, non omitti nomen Autoris, quod Editor ille dixerat, ostendit ex ed. Londinensi, & Actis nostris. Alia, quæ in ejus assertis castigat, transire cogimur. Concordantias vero Editoris illius, quibus indicare voluit, libellum illum in locos communes a se digestum, ut de quavis materia statim in promptu sint congruæ sententiæ, ex Elementis Christianæ perfectionis, Dillingæ 1626 editis, confectas, putat. Quoad tertium tandem Præfationis momentum, strictim ad singula Adversarii sui argumenta respondet. P. II Historiam controversiæ hujus sistit. Ubi in fronte statim Noster observat, quod libri de imitatione Christi nullum MSC. ante Sec. XV exaratum existat, quod quidem notam ætatis adscriptam gerat; quæ vero e Sec. XV habemus, jam Bernhardi, jam Gersonis, Cancell. Paris. jam hujus Gerseni, ut plurimum vero Th. Kempensis nomen præferant. Sed cum Th. Kempensis, A. 1379 natus, A. 1471 denatus fuerit, mox anno sequente 1472 docet sub ejus nomine primam & deinceps CIII alias editiones prodiisse; ac tandem A. 1604 dubium moveri incepisse, an liber hicce sit Thomæ nostri, in libro Hispanico: *Apparejos para administrar el Sacramento de la Penitencia*, cujus Autor Cajetano est Petrus Manriquez, Nostro autem vel Josephus Creswellus, Anglus, vel certe Guil. Batteus, Hibernus, quem, ut negaret, libros hosce de Imit. Christi esse Thomæ Kempisii, commovet, quod

p. 3.

15 sqq.  
26 sqq.

quod hi libri a S. Bonaventura diu ante Kempisii mortem fuerint citati. Rossignolius vero dein in Collegio Aronensi invenit MSS. cui nomen Joh. Gersen fuit inditum; cui se Rosweidius 1615 opposuit. Sed anno sequenti 1616 Const. Cajetanus librum hunc sub Joh. Gessenii nomine edidit, addita Diss. contra Rosweidum, qui cum Cajetano 1618 & 1626 scriptis certavit. At 1638 Valgravius in nova libri editione non tantum Joh. Gessenium Abbatem Vercellensem Autorem dixit, sed & tres MSS. Codices & ed. Vene- tam 1501 pro Gersenio produxit. Contra Fronto 1641 pro Kempisio militabat. Et, quibus id negotii dederat Card. Richelius, eruditi unanimes cenlebant, Codd. MSS. a Benedictinis oblatos adulterinos esse; Sirmondus tamen adhuc alium Cod. MSS. Kempisio, ut putabat, antiquiorem invenit. Varii deinde erudi- torum observati sunt conflictus, donec 1652 Parliamentum Parisin. Kempisii partibus accederet. Benedictini interim Codd. MSS. alios conquirunt, & Archiepiscopo Paris. offerunt: eandem quoque industriam in colligendis antiquis Codd. MSS. 1681 testa- ti sunt Canonici, Kempisii patroni. Verum 1687 Critici Paris. Codicem MSS. Aronensem, qui controversiæ originem dederat, quemque Mabillonius ex Italia attulerat, haud depravatum judi- cabant. Tandem Richardus Simon 1710 pro Kempisio intercessit. Huc adductam controversiam Autor noster ita deinceps per- tractat, ut P. III ad argumenta, contra Kempisium adducta, respondeat, nimirum MSS. Rottenbuchense aliaque non esse an- tiquiora Kempisio: nec ex collationibus S. Bonaventura, nec ex verbis Thomæ Aquinatis cum libro de Imitatione Christi conve- nientibus, nec e silentio Festi corporis Christi Sec. XIII instituti, nec ex Autographo Kempensis Antwerpiensi, nec e judicio Archi- Episcopi Parisini, nec e nomine Monachi, quod Autor libri de Imitat. Christi sibi tribuit, nec e stylo, aliisve in contrarium allatis argumentis, inferri posse, hunc librum non esse Kempisii.

123 sqq. P. IV argumenta contra Joh. Gersenium pugnantia expendit, e. g. Germanismos librorum de Imitatione Christi, qui Germa- num Autorem probant: & mentionem initiorum congregationis Windsheimensis, quæ tempore Kempensis demum cœpit.

167 sqq. argumenta, quæ pro Joh. Gersen pugnare videntur, ex authorita- tibus



tibus & MSS. doctorumque Virorum testimoniis petita, contulit. P. VI autem argumenta, quibus Noster conjecturam facit, genuinum Autorem esse Thomam Kempensem, splendide in scenam producit: nempe testimonia XII Virorum celebrium, tempore Kempisii viventium; MSS. Codd. XXX, Thomam pro Autore agnoscentes: editiones CIII. usque ad annum 1616, stylum singularem, & Autores CLXXX, qui pro Thoma Kempensi decernunt, Pars tandem VII documenta exhibet, e quibus argumenta pro Thoma Kempensi desunta sunt, videlicet duo testimonia Gasp. Zeilleri de Codd. Augustanis, testimonium Notarii de Cod. Lovaniensi, Instrumentum Parisinum 1671, Naudæi testimonium, sententiam Paris. 1652, Launoji testimonium, & denique exemplar Cod. Polingani.

p. 187 sqq.

232 sqq.

**D. ERNESTI JOACHIMI WESTPHAL DE**  
*Fatis atque usu studii Juris Feudalis in Germania*  
*Meditatio pragmatica.*

Wisnariæ & Sundii, imp. Sam. Gottlieb Lochmanni, 1725, 4.  
 Plag. 9.

**C**Um ante biennium Consultiss. Autor, instituta cum illustri quodam Saxoniz nostro Jcto per literarium commercium Disquisitione, super natura feudorum provincialium in Ducatu Megapolitano, vel maxime Doctorum in Jure clientelari provinciarum Germaniz altum silentium, tum & dissensus ac perturbationes in Jure Feudali Longobardico applicando animadverteret, excutienda duxit fata studii Juris Feudalis apud Germanos, factorumque rationes accuratius inspiciendas esse, quo ex iis pariter, atque ex historia Feudali Germaniz, plenius de Jurisprudentiz Feudalis tantis difficultatibus, discriminiibus, dubitationibus involutz, ac pejus habitæ causis constare posset. Quandoquidem vero plerique Germaniz Jcti eo peccant, quod vel jura Longobardica solum curent, atque de iis in usum deducendis contendant, vel ea Juri Feudali Germanico admisceant, deque diversis adeo juribus in unum cogendis laborent, eam Noster imprimis operam dedit, ut originem *feudorum Imperii, der Reichs-Lehen, & feudorum provincialium Germania, der Landsässi-*

gen Leben, ex idoneis genuinisque monumentis eruendo, veram Juris Germanici Feudalis indolem, simul & auctoritatem usumque practicum Juris communis Longobardici in foris Germanorum solertius declararet. Quocirca duplex utilissimi hujus opusculi argumentum, nempe unum, *de studii Juris Feudalis fatis, utilitate, necessitate atque pragmatico usu*, alterum, *de Feudorum atque Juris Feudalis in Imperio Germanico, ejusdemque provinciis, historia*. Quodsi studii istius fata sint altius repetenda, Noster observat olim Juris Feudalis tractationem valde infrequentem in Germania fuisse, ac Seculis XIII & XIV eam vel in Jure Canonico appendicis loco perfunctorie susceptam, vel ad argumentum juris emphyteutici rejectam, & Codicis Libro quarto velut adglutinatam esse, solumque lectionibus nundinalibus & sabbathinis, ut horis subcisivis ac feriatis temporibus, juris clientelaris doctrinas, velut minoris momenti res, explicari consuevisse, maxime Seculo XV. Posthac felix illa ceteroquin Jctorum humaniorum ætas parum lucis attulit ad Jus Feudale in Imperio & provinciis Germaniæ, quippe quod domesticum, a Germanis populis dictum scriptumque, non nisi inepte ad juris Longobardici rationes revocari potuit. Ac recentius ævum quoque corruptam omnino & confusam juris beneficiarii doctrinam tulit: ubi Noster tum alios juris Longobardici autores, tum imprimis *Henricum a Rosenthal* vehementer reprehendit, quod hic in spisso libro, nec nisi per modestiam *Epitomes* nomine insignito, omnia illa, quæ juris Longobardici plastes & compilerator instar imperiti figuli in unum chaos retulit coegitque, sine ulla cura patriæ & Reipubl. in qua scripsit, debita, sine ullo temporum, rerumpublicarum, finium atque judiciorum discrimine applicare studuerit sategeritque ad curias Germaniæ feudales, quæ innumeris quidem parasangis distent a foris Longobardorum. Sed quæ fatorum talium causæ? Primum quidem infrequens in Germania Juris Feudalis tractatio non certe doctoribus, sed indoli Germaniæ, juriumque atque feudorum naturæ imputari debet. Quid enim opus fuerit peculiari studio, cum vel nulla, vel rariora medio ævo existerent feuda provincialia, eodem, quo hodie, oblationis vel dationis vinculo coherentia, cum ea prorsus esset veteris Germaniæ facies, quæ hodiernum est



est apud Frisios, Holsatos, Polonos, ut nobiles milites haberentur, non Vasalli, sed subditi? Dolendum, hic deficere omnino Jctorum in origine feudorum atque Juris Feudalis in Imperio & provinciis Germaniæ, seorsum, in singulis regionibus & principatibus, investiganda summopere necessariam industriam, omnibus primos ac generaliores feudorum natales inquirentibus, qui eos nunc Romanis, nunc Longobardis, nunc Gallis, nunc Gothis & Saxonibus, nunc populis Septentrionalibus, nunc omnibus gentibus, nunc universis Germanis, nunc demum exordio mundi atque Israelitis adscribunt. Quapropter non pigebit, quæ Noster erectiori velut ingenio affert, recitare. Propior scilicet origo referenda est ad Germanos, & speciatim ad Francos, qui postquam fixas in occupatis a se provinciis constituissent sedes, militem suum prædiis datis ad ulteriora servitia, & sub egregia beneficii specie, imposito licet servitutis iugo, excitare noverunt. A Francis hæc instituta non Longobardi solum & Gothi, sed & reliquæ gentes acceperunt. In vetustissima, quam *Tacitus* describit, Germania ecquis feuda credat fuisse, cum nec ante Seculum V fixa Germanis possessio contigerit? Verum in Germania demum ævo Franco-Carolingico feudalis indoles, eaque a transalpina illa longe diversa, innotuit. Nam ibi nexum beneficiarium in fidelibus & curiæ administris Regum Francorum & Carolingicorum animadvertimus. Iis in beneficia concessa erant terræ fisci regii, eaque feuda, ut provincialia, quæ tum *bona fisci, fiscallina*, sive *bona de munere regio* dicebantur, habenda sunt procurialibus, officialibus, palatinis, sive ministerialibus. Feuda vero principatuum Germaniæ illis temporibus fuerunt *feuda Cameralia Imperii Francici, Casarea beneficia*, personalia atque revocabilia, idque jure belli & victoriæ, qua Carolus M. devicit singulos Germaniæ principes ac populos. At jam princeps est quaestio, *de origine feudorum in provinciis & systemate Imperii Germanici*, quod cum extincta stirpe Carolingica sub Conrado I & Henrico Aucupe coaluerit, sola ex Germaniæ provinciis Vandalia, seu Slavia cum Borealis, tum Orientalis, Megapolis & Bohemia suæ potestatis diutius esse maluerunt, ac Megapolitani quidem demum Seculo XIV nexum Imperii in Germania plenum agno-

verunt, sed nec abdicatis juribus territorialibus, Ducatu in feudum Carolo IV Imp. oblato, Cæsar quid dedere præter nexum clientelarem. Nunc, siquidem *in Imperio Germaniæ feuda vel sunt Principatus, sive Imperii, vel provincialia, Landsassiacæ, sive mediata*, apparet, *feuda Imperii Germanici* orta esse Seculo X, quo Principes Germaniæ, jure clientelari quodam Imperio Conradi, Henrici & Ottonum fidem dederunt, suosque Ducatus ac Provincias, salvo jure territoriali proprioque dominio, in clientelam obtulerunt. Unde ea feuda *proprietas feuda*, non *administrativa & cameralia*, sed *recognita atque oblata*, quorum liberior indoles a beneficiorum Longobardorum natura longe recedit, quamvis Imperatores seculis sequentibus, & maxime Fridericus I, moribus Germanorum clientelaribus neglectis, formulam Imperii Carolingici & consuetudines juris feudalis Longobardici induxerint. Ad *feuda Germaniæ provincialia* quod attinet, hæc ante Sec. XII ea forma, qua hodie constant, incognita. Prædia militibus nobilibus ac ministerialibus in præmium a Principibus concessa, nec Vassalliticum nexum constituere. Habuerunt Principes in territoriis tantum subditos, cives, atque milites nobiles, qui vel beneficio eorum prædia donationis titulo acquisiverunt, vel administratorio nomine iisdem præfuerunt, vel allodialium præcipue fuerunt possessores. Inde, ex subjectionis vinculi præ vassallagio vetustate, firmissimum Axioma: *Vassallum simul esse subditum*, præcipue in territoriis clausis, ubi plenarius obtinet Landsassiacus. Diutius igitur iste rerum status in Germania fuit, usque dum sub Fridericis ac Interregno, in istis bellorum ac dissidationum periculis, & crescente procerum potentia nobiles e re putarunt esse, ut in bonis allodialibus vinculum clientelare Landsassiacum & Vassalliticum reciperent. Longe diversa fuit feudorum provincialium ratio, quorum *alia feudi dati, alia oblata* indolem habuerunt. Quamvis enim allodialia bona in feuda recognita subinde permultis variisque causis commutata deprehendantur, non tamen regulam exin licet constituere, nec tanta est, ac vulgo habetur, pro allodialibus prædiis in feudum oblatis præsumptio, quæ quidem stat pro feudis Imperii, non item pro feudis nobilium provincialibus, in clausis præcipue territoriis, in quibus



quibus territoriales domini subditis nobilibus indulgisse noscuntur prædia sub nexu vasalliticæ fidelitatis. Hæc hætenus de feudorum in Germania & speciatim in Imperio nostro origine, ad declarandam infrequentis Jureconsultorum veterum in Jure Feudali tractando industriæ causam. Scilicet ante Friderici I tempora feuda rariora fuisse vidimus, quo & ipso ævo *feudi* nomen in Germania demum usurpari cœpit. Sed ad excusandos Jureconsultos, qui non nisi in locis fugitivis & in transcurso docendum putarunt jus clientelare, Noster cognitionis historię Imperii atque provincialis defectum adducit. Nam ab his præfidiis ac fontibus Juris Feudalis in Germania destituti ecquid luculenti tradere potuerunt? maxime, cum & Juris Feudalis Longobardici nomen ac usus in Germaniam nondum penetrasset, quo quidem J.Cti sub Friderico II privato arbitrio cœperunt abuti, quippe publica receptio demum Sec. XV in Camera Imperiali facta. Porro, quod Humanistarum ævum studio Juris Feudalis minus auspiciatum fuerit, tum ipsi istius ævi Critici genio, ad Jurium Germanicorum monumenta præ Romanis antiquitatibus atque literis elegantioribus nausenti, ac, uti omnia negotia humana, ita & lites clientelares ex juris Romani Pandectis, speciatim ex titulis *de usufructu, emphyteusi, locato conducto* & ceteris horum argumentorum vicinis, definire cupienti, tum id juris Romani tanquam præstantissimi & universalis prærogativæ adscribendum est. Denique inconcinna Juris peregrini cum Jure Germanico confusio non soli Jurisprudentiæ Feudali, sed etiam Civili, ex pruritu J.Ctorum ac perversis studiis, evenit. At vero quam indigne actum de vasallis cum Imperii, tum provinciarum, alligatis ad regulas Jurisprudentiæ Longobardicæ, naturam feudorum recognitorum penitus ignorantis! Hinc ordinum provincialium apud Saxones, Silesios & Megapolitanos super illa doctrina & judicandi ratione graves querelæ, actorum ad collegia Academica transmissionem in causis clientelaribus propterea recusantium. Quo manifestius vero singulæ Juris Feudalis olim negligentius habiti, ac perturbate expositi rationes nostra ætate cessant, quo etiam in tanta prædiorum feudalium multitudine, quæ universam fere Germaniam beneficiariam & *Regnum clientelare* facit,

evidentior est hujus jurisprudentiæ necessitas: quo & certius de ejus utilitate ex argumentis momentosis & quæstuosis in foro constat, eo limatior ipsi cultura hodie impendenda, atque imprimis in rationes Juris Longobardici ac Germanici inquirendum est, quo genuinus Jurisprudentiæ Feudalis usus, cujus de ambiguitate ac perturbata forma vulgo querelas jactant, rectius intelligatur. Juris vero Longobardici usus in foris feudalibus Germaniæ ex historia receptionis est definiendus, atque ea ipsa ut clarior & distinctior evadat, primo investigari debet origo Juris Feudalis Germanici. Hoc agendo nobis obveniunt Franci, tanquam primi autores feudorum; Reges Francorum, ceu primi Juris Feudalis Germanici conditores, quorum capitularibus & constitutionibus de beneficiis novas leges addiderunt Imperatores Conradus II, Henricus III, Lotharius III, Fridericus I, cujus ætate privatus Autor Jus Feudale Germanicum compendiaria methodo collegit. Inde Jus Feudale Germaniæ Saxonicum, mox & in Suevia Alemannicum prodiit. Et Seculo XII præcipue ac sequentibus Principes in Germania in causis feudalibus uti cœperunt collectis regionum propriis observantiis & consuetudinibus: unde in feudalibus æque ac in civilibus promulgatæ ordinationes provinciales. Verum non nisi Melibæus nescit, plerasque e primis Juris Feudalis Germanici legibus oblitteratas atque mutatas esse recentioribus, & Jus Saxonicum commune apud Saxones usum obtinere, in quantum ei Jure Electorali, aut juribus Saxoniæ specialibus non sit derogatum, hinc in singulis provinciis cognitione particularium ordinationum feudalium opus esse. Deinde excutienda est origo & historia Juris Feudalis Longobardici, cum sub Regibus Italicorum, tum sub Imperatoribus Germanorum. Ex hac manifestum fiet, in Germania hoc jus vim atque auctoritatem sortitum esse non nisi ex receptione, eaque tum privata, sive scholastica, tum publica, sive curiali. Illa facta est a Jctis Sec. XII sub Lothario & Fridericis, unde vulgaris ea ætate formula: *nach Lehr-Recht*, cujus receptionis occasiones notissimæ, puta Italiæ Academiæ a Germanis frequentatæ, & deinceps facta in Germaniæ scholas Doctorum Romanorum translatio, indeque consecuta Doctorum Romanizantium apud Germanos auctoritas.

Publicæ,

Publice, Principibus non contradicentibus, in Camera Imperiali A. 1495 deum facta est Juris Longobardici receptio, & a fine Seculi XV subinde in legibus fit mentio Juris Feudalis Longobardici sub nomine *Juris communis*. Sed facta est receptio salvis moribus feudalibus Germanorum, in Camera universum, non sigillatim in singulis provinciis, in quibus usum Juris Longobardici pedetentim Principes ipsi determinarunt, vel tacita, vel, quæ tamen rarior est, expressa receptione, iterum salvis moribus domesticis, salva indole cujuscunque provinciæ. Ex his jam patet, *indolem receptionis* non esse exclusivam, aut correctoriam, aut quæ deroget legibus primariis ac vetustioribus, sed esse *suppletoriam* legum Germanicarum ac *subsidiariam*, quæ Juri Feudali patrio tribuit prærogativam atque jura natalitia prioritatis; unde statim concidit valor communium circa Juris Longobardici receptionem, interpretationem & probationem brocardicorum. Pariter quoque de usu ejusdem juris in foris Germaniæ rectum formare licebit judicium, scilicet primo ei locum esse, deficientibus consuetudinibus provincialibus in argumentis, quæ jure patrio decisa non sunt, deinde in illis capitibus, quæ Reip. Germ. indoli non repugnant: summam, usum juris hujus *proportionatum* esse in causis *civium*, seu privatorum; *certum* esse ex receptione, deficientibus patriæ institutis; *curatum* esse ac *rationabilem*, qui sub dictis conditionibus saltem in illis versatur argumentis, quæ moribus genioque Germanorum apposite congruunt. Denique apparet, non dari Juris Feudalis Longobardici intra judicia Germanorum usum, in causis Principum atque Imperii feudis, quippe ab indole juris communis consuetudinarii longe diversissimis, deinde in feudis provinciarum recognitis, ut & in causis feudalibus privatorum, jure patrio ac provinciali decisis; imo deficientibus licet domesticis legibus, usum Juris Longobardici exulare in casibus, quibus repugnat rationi atque indoli provinciarum Germaniæ. Vitandus itaque est in his peregrini juris abusus, & in controversiis feudalibus sollicitè tenendus est ordo eas judicandi, foris Germaniæ proprius, ita, ut primum respiciatur ad pacta investituræ, deinde ad jura gentilitia, jura provincialia, consuetudines Germaniæ, rationes jurium

morum-

morumque feudalium, & demum ad jura Longobardica devianatur. Dedit Noster de selectis auxiliis in jure clientelari doctas meditationes in *transactione de adjumentis & selectis mediis Jurisprudentiæ Feudalis in Imperio atque provinciis Germania, sigillatim in Ducatu Meklenburgico*. Ceterum, cum Juris Feudalis Longobardici in Germania receptionem, ut supra diximus, ad Seculum XV retulerit, eamque hypothesin tum ab aliis dissentientibus, tum in specie a Cl. *Philippi Balb. Gerdesii, Professoris Gryphiswaldensis*, dubiis in Dissertatione, *de norma judicandi leges feudales in Germania*, motis vindicaverit, minatus est nuper Cl. Gerdesius suæ, de Jure Longobardico jam Seculo XII in Germania recepto, sententiæ defensionem propediem emittendam. Nos non sine jucunditate hanc pragmaticam meditationem perhustrasse, longior ejus recensio loquitur: sed & aliam Viri Consultissimi *de distincta practica ratione in Jure privato Romano-Germanico* commentationem, superiori anno lectionibus Juridicis ac Historicis in Lyceo Ducali Rostochiensis præmissam, non possumus non publice commendare, in qua de corruptæ jurisprudentiæ privatæ, qualis hodie est, facie, causis, ac speciatim de jurium diversorum imprudenti commixtione differit, quorum malorum historiam ab origine ad nostra tempora deducendo, de remediis deliberationem instituit, atque doctrinam jurium distinctim in Academiis peragendam commendat, tum ejus subsidia tam præparatoria, quam propria suggerit, & quæ ad genuinam intelligendi, interpretandi & applicandi Juris Romani atque Germanici rationem perducant, sigillatim explicat, ut ista prolusio Academica egregium inter scripta de juris vel docendi, vel discendi methodo locum tueatur.

**GEORGII ANDREÆ VINHOLDI NUCLEUS**  
*Juris Naturæ, in quo hujus Juris præcipua ex dignitate hominis naturali nova & hætenus nunquam visa hypotbesi per nexum demonstrativum deducuntur & explicantur.*

Lipsiæ, sumptibus Heredum Friderici Lanckisii, 1725. 8.  
 Alph. 1 pl. 5.

Non



**N**on prætereundum nobis fuit novum hoc Juris Naturæ Compendium, cujus, ut promissi, mentionem fecimus in Actis nostris Anno superiori p. 326, ubi Cl. Autoris *Notitiam Autorum Juris Naturæ* recensuimus. Quamvis autem nostra ætate deferberit jam illa de lege fundamentali, sive principio unico, universali, adæquato & domestico juris naturalis disciplinæ constituen- do virorum subtiliora meditantium contentio, quamvis etiam haud difficulter hodie plerique admittant, parum referre, nec nisi methodi interesse, quam ex propositione fundamentali, item- que utrum ex una, an e pluribus officia hominis deriventur, cum principium disciplinæ proprium doctrinæ causa tantum adsciscatur: bonum tamen & sua laude dignum videtur consilium, quo clarius aliquod magisque sufficiens & commodum præ ceteris, si non omnibus, certe multis hætenus jactatis, principium natura- lium præceptorum quæritur. Hanc operam dum & Noster dedit, *naturalem hominis dignitatem* observavit primo statim intuitu & vel perfunctoria humanæ naturæ contemplatione, maximam ac præcipuam partem officiorum juris naturæ suggerere, id quod ipsum ad intensiorem meditationem erexit, qua instituta, non sine successu totius disciplinæ ex isto Principio deducendæ periculum fecit. Cum vero perpetua demonstratione uti voluerit, necessario ipsi in *prima* libri parte *de principiis Juris naturæ* agendum fuit, ubi præcipuo loco genuinam *dignitatis humanæ naturalis* indolem repræsentat. Ac eam quidem ex utriusque, qua homines sumus, partis constitutione, dotibus, facultatibus, mentis imprimis, atque ex intellectus & voluntatis viribus, incli- nationibus virtutibusque, singula bona, quæ hominem eximium animans faciunt, sigillatim expendendo, latius deducit & com- monstrat, quæ sit *illa persona, quam nobis ab ipsa natura imposi- tam* Cicero dicit, *magna cum excellentia præstantiaque animan- tium reliquorum*. Neque tamen contentus eam hominis naturalem dignationem velut depinxisse, eandem etiam vindicare studet ab illis, qui vel omnem hominum præstantiam ad virtutem, doctri- nam, ad bene gesta, nullam ad naturam referunt, vel qui natura- lem hominis miseriam, infirmitatem, intellectum corruptum, inclinationes perversas, ipsamquo peccati originis labem objici- unt, indeque omnem hominum prærogativam emendationi &

culturæ unice adscribendam volunt. Hæc *primo capite*; cui aptissime subiungitur *alterum, de indole actionum humanarum, i. e. moralium*: nam vel his quanta mortalium eminentia infit, nemo ignorat, qui se ipsum noverit. Sed *tertio* Noster de principio juris naturæ noviter a se proposito stabiliendo probandoque laborat, ac voluntatem Divinam quidem causam juris nat. primam, & principium commune doctrinæ moralis agnoscit, sed proprium hujus disciplinæ fundamentum in ipsa natura humana collocandum, ostendit; & cum naturæ conceptus hoc loco dubius paulumque obscurior videatur, declarandi gratia dignitatem naturæ ponendam existimat, eoque luculentius adhuc & propius juris natura noti principium evadere. Haud postremum sententiæ suæ argumentum in vita & consuetudine hominum communi obvenire autumat: nam quotidie homines, dum de injuriis, de contemptu sui, de inique factis conqueruntur, nomen *hominis* citantes, *seque æque homines* esse, monentes, hoc ipso vero ad dignitatem suam naturalem provocantes, exaudiri, & dum alicui negotio fidem interponunt, Germanos inprimis ad existimationem simplicem naturæ respicere vulgari formula stipulationis: *Ein Wort, ein Mann*: deinde ipsum *nomen juris natura* dignitatem illam naturæ insinuare, eandemque ut proprium suæ disciplinæ principium deponere, monet, & Deum quoque, pœnam homicidii constituendo, ejus rationem ad *imaginem Dei, quam homo gerat*, i. e. ad dignitatem ipsi concreatam, manifesto referre. Ad hanc naturalem hominum dignitatem & JCtum mentem intendisse, quando *Florentinus in l. 3 ff. de J. & J.* ait: *cum inter nos cognationem quandam natura constituit, consequens est, hominem homini insidiari nefas esse*: cognationem enim illam in dignitate hominum æquali consistere. Cum itaque præstantia naturæ hominum æqualis a Deo sit, positionem ac legem summam, quæ ex ea conficiatur, omnino obligatoriam esse. Hanc talem effert: *Homo dignitate naturali præ brutis excellit*: indeque pleniorē propositionem practicam format hanc: *Talem te gere adversus Deum, te ipsum, aliosque, tum extracivitatem, tum intra eandem, tum inter gentes, ut hominis dignitas naturalis, & inde deducta pietas, honestas, justitia, æquitas, decorumque requirit*. Huic principio nullum deesse ex iis requisitis, quæ in propo-



propositione juris naturæ fundamentalis exiguntur, in sequentibus adstruit, illudque adæquatum unum, verum, clarum, proprium esse, Deo, tum & homini optime convenire, non aliunde, quam ex ipsa natura humana, demonstratione egere, internam obligationem inculcare, non ab utilitate externa juris mensuram arcescere, ac demum immutabilitatem legis naturæ optime testari, multis ostendit. Jam, antequam ad specialem tractationem descendat, *statum hominis moraliter considerati*, tum naturalem, tum adventitium exponit, ejusque conditiones ex principio hætenus stabilito definit. Ipsa tractatio *quinque sectionibus* absolvitur, quarum *prima est de religione naturali*, & c. 1 *de existentia Dei*, c. 2 *de notitia Dei naturali*, c. 3 *de cultu Dei naturali*, tradit. *Alter a Sectio* complectitur *officia absoluta*, cujus c. 1 *de statu hominis solitario*, c. 2 *de aequalitate hominum naturali*, c. 3 *de libertate hominis naturali*, c. 5 *de conservatione sui*, c. 6 *de defensione sui*, c. 7 *de cultura sui*, c. 8 *de rerum dominio*, c. 9 *de benevolentia hominis naturali*, c. 10 *de restitutione alieni*, c. 11 *de reparatione damni dati*. *Tertia Sectio* explicat *officia hypothetica tam extra, quam intra civitatem*, inde c. 1 *de jure & virtute sermonis*, c. 2 *de jurejurando*, c. 3 *de interpretatione juris*, c. 4 *de promissis*, c. 5 *de pactis*, c. 6 *de pretio rerum*, c. 7 *de contractibus*, c. 8 *de societate conjugali*, c. 9 *de societate paterna*, c. 10 *de societate berili*, c. 11 *de familia*. Succeedunt in *Sectio quarta officia hypothetica in civitate*, hinc c. 1 *de origine & acquisitione imperii*, c. 2 *de potestate imperii*, c. 3 *de officio imperantium*, c. 4 *de subjectione & officio civium*, c. 5 *de renascente civium libertate*, c. 6 *de collegiis*. Denique proponitur *jus naturæ inter gentes*, *Sectio quinta*, ubi c. 1 *de officiis gentium absolutis*, c. 2 *de officiis gentium relativis*, c. 3 *de legatis*, c. 4 *de fœderibus*, c. 5 *de jure belli*, c. 6 *de jure victoriæ*, c. 7 *de jure pacis*, c. 8 *de jure sepulture*. In *Appendice juris naturæ cognata*, quæ & subinde ab hujus disciplinæ autoribus ipsi juri naturæ admisceri solent, puta, *licitum*, h. e. imperfecte & politice tale, *æquum*, *honestum*, *decorum* distinctis capitibus explicantur, in quantum affinitatem aliquam cum jure habent. Sed quomodo in his omnibus ac singulis demonstrandis, explicandis se gessit Noster? Hoc affirmamus, ipsum non eorum juris naturæ autorum morem se-

cutum esse, qui initio singulare aliquod & perfectum principium crepant, post in ipsa tractatione inter scribendum ejus obliti penitus videntur, ut promissam ex unica propositione omnium capitum demonstrationem nusquam possis offendere. Ceterum specialiores conclusiones in hoc compendio multo plures, quam in plerisque juris naturæ longe amplioribus libris animadvertimus. Et quis laudem deneget industriæ, in evolvendis, conferendis, conciliandis tot autoribus collocatæ, e quibus optima eligere ac suæ hypothesei accommodare, eoque sua facere, quo plenior daret Juris naturæ doctrinam, Vir Cl. non dubitavit? Equidem nonnulla passim inserta magis ad reliquam doctrinam moralem, quam ad jus naturæ spectare multis videbuntur, sed ea, ut in se pulchra, ita commodo quidem loco, sed & a præsentī disciplina curate distincta, proponuntur, ut inconcinne disciplinarum confusionis Noster minime culpari queat.

**AMOENITATES LITTERARIÆ, QUIBUS**  
*variæ Observationes, scripta item quædam anecdota*  
*& rariora Opuscula exhibentur.*

**Tomus II.**

Francof. & Lipsiæ, apud Dan. Bartholomæi, 1725, 8.  
 Plag. 19.

**Q**Uam laudem Cl. *Schelhornius* meruerit, cum has Amœnitates & observationes litterarias evulgat, diximus, ubi primam earundem partem recensimus. Eam sibi egregie adauget, dum secundam hanc partem cum rei litterariæ amatoribus communicat: & augebit in posterum magis ac magis, quando plures partes luci dabit. Quod quidem certo sperare possumus; cum jam tertia & quarta pars, ut cognovimus, prelum exerceat, & studium ejus tot eximios fautores repererit, qui benevole thesauros suos, rariora opuscula aut anecdota usibus Cl. Autoris concesserunt. Ea, quam nunc versamus, pars incipit cum *Dissertatione de libris rarioribus & variis raritatis eorum causis*; in qua Cl. Wendleri maxime vestigia premit. Enumerat inter hujus generis libros primo loco *Libros sub ipsis Typographiæ primordiis excusos*, quales sunt præcipue non typis singularibus impressi, sed litteris in tabulis buxeis insculptis excusi. Deinde fere eodem loco



loco habendi sunt *Libri paulo post typographiam inventam impressi* per Justum & Schœfferum, Conradum Sweynheim & Arnoldum Pannarz, Joannem & Vindelinum de Spira, aliaque hujusmodi nomina. Recenset in his Cl. Autor aliquot editiones Autorum Classicorum, Sæculo XV impressorum; easque magni faciendas esse, recte judicat. Habemus & nos, quibus judicium ejus satis confirmare possumus. Inspeximus nuper apud Virum doctum, qui has delicias non vulgariter æstimat, Catulli, Tibulli, Propertii & Statii Silvarum editionem Venetam Anni 1475, & certissimis indiciis deprehendimus, vere Cl. Brouckhusium eam optimis MSS. æquiparasse. Vidimus ibidem editionem Lucani Lovaniensem, per Joannem Veldener non diu post annum 1470 (nam anni indicium non additur) impressam, & tanta quidem cura atque diligentia, etsi litteris rudiusculis, ut accuratiorem ullam Sæculo XV prodiisse, vix credamus. Possidet idem ille editionem Epistolarum Senecæ perveterem, si non principem, quæ & eo nomine MSS. anteferri posset, quod integras *περίοδος*, oppido elegantes, habet, quæ in nullis editionibus occurrunt, a nemine etiam eorum, qui MSS. tractarunt, indicatæ sunt. Sed & Paullina nostra habet bene multos libros, qui Cl. Schellhornii & doctissimi cujusque opinionem verissimam esse demonstrant. Atque hæc hæctenus. Porro de libris a celebrioribus Sæculi XVI Typographis exscriptis erudita quædam & jucunda annotat. Mox de Libris *publica auctoritate suppressis* agit, eorumque aliquot enumerat, quæ aut propter rationem Status, aut propter religionis periculum usui publico subducti sunt. Sequuntur *Libri a privatis*; item *ab ipsis auctoribus vel editoribus suppressi*. Postea agit de his, *quorum pauca exempla sunt impressa*; nec non, *quos adversa fata sustulerunt*; aut *quorum plurima exempla in regiones externas avehuntur*; tum de libris *minutioribus & apud externos excusis*, de libris *neglectis*, & *præstantioribus incorruptis* que quibusdam editionibus: quibus denique per saturam alias quasdam raritatis causas adiecit. Hæc a pag. 321, ad pag 436. Excipit eruditam illam dissertationem *Επιτάφιος Joanni Borcholdo JC. Cl. perscriptus ab Joanne Caselio*, atque olim Helmstadii Anno 1594 ab Jacobo Lucio excusus. Hunc III subsequitur *Irenæi Bibliophili Observatio*, qua *Præfationem*, quam V. C. Christ. Aug. Heumannus *Symposio Lactantii*, a se edito, præmisit,

in nonnullis locis illustrat, in admodum paucis emendat. IV apparent *Epistola quadam & Epigrammata inedita*, descripta ex volumine quodam MS. Rever. Christiani Ehrhardti, unde jam Parte I pag. 296 quædam communicavit. Prima & secunda Epistola est Joannis Bohemi Aubani ad Wolfgangum Rychardum; tertia Jacobi Locheri Philomusi ad eundem; quarta hujus ad Christophorum Hegendorfinum. Epigrammata de Leone Papa & Divo Luthero agunt. V est *Observatio de libro Henr. Corn. Agrippæ de Incertitudine & vanitate omnium scientiarum & artium*, qua potissimum fraudes & latrocinia, quibus editores Lugdunenses in librum istum grassati sunt, deteguntur, atque adeo opus integritati suæ restituitur. VI locum habet *Elia Ebingeri de fidelitate servanda in Autoribus citandis Dissertatio nunc primum schedis ejus edita*, quam Rev. Jacobus Brukerus, Scholæ Kaufbyrensis Rector, Ebingerianarum schedarum possessor, cum Cl. Schelhornio communicavit. Jucundissima illa dissertatione tam Gratiani, Bellarmini, Carraux, Stapletoni, quam Gerhardi, Thunnii aliorumque in citandis aliorum verbis errores commissi demonstrantur. VII & ultimo loco leguntur *Analecta de vita, fatis, moribus, & scriptis Henr. Corn. Agrippæ ab Nettesheim*, quibus Agrippæ patria, πολυμαθεία, studium Alchemiæ, varia fortuna, cum Monachis bella, magicæ præstigiæ fabulis celebratæ, mores inconstantes nec incorruptissimi, scripta promissa & inedita, elogia denique ex probatis auctoribus proferuntur. Omnia hæc erudite, pro more suo, tractat Cl. Autor, & doctis adnotationibus illustrat, quæ & ipsæ rei litterariæ non vano adjumento esse possunt. Additur Index rerum duobus hæc Tomis comprehensarum, quoniam illi modicum jam Volumen explere possunt. Atque eodem quidem instituto in posterum quoque Cl. Autorem usurum esse cognovimus.

ספר רוממות אל, h. e. *LIBER EXALTATIONUM DEI*,  
sive R. MOSIS ALSCHECH *Comment. in Psalm 105.*

Jesuitii Anhaltin. typis Israelis fil. Abraham, A. 481, C. 1721, fol.  
Alph. 2 pl. 18.

ספר רב פנינים, h. e. *LIBER MULTITUDINIS*  
*margaritarum*, sive R. MOSIS ALSCHECH  
*Commentarius in Proverbia.* Ibidem

Ibidem, apud eund. A. 482, C. 1722, fol. Alph. 1 pl. 15.

ספר חלקת מנחם, h. e. PORTIO LEGISLATORIS,  
sive Ej. Commentarius in Jobum.

Ibidem, A. 482, C. 1722, fol. pl. 21.

**T**Am rari huc usque fuerunt hi Commentarii, ut exigua ipso-  
rum volumina, ne singulis quidem aureis comparari potue-  
rint. Hinc Typographus de suis popularibus, certo tamen etiam  
modo de Christianis, bene meretur, quod novas ipsorum edi-  
tiones procurare voluit.

Commentarius in Psalmos semel tantum impressus erat Vene-  
tiis A. 365, C. 1605, nam editio Amstel. A. 455, C. 1695 in quarto  
excusa non nisi compendium est hujus Commentarii, id quod  
tum inspectio & collatio utriusque codicis docet, tum quoque  
testimonia Rabbiorum & præfatio ipsius Autoris, sive potius  
abbreviatoris, cui nomen R. Elieser fil. Chanina, ex Tarnigorod  
in Polonia minore. Hæc vero nova editio hoc præ priore habet  
præcipuum, quod in ipso Commentario numeri versuum ad-  
dantur, ut quilibet statim videre queat, ad quemnam versum  
singula verba referantur. Sub finem vero R. Zevi Hirsch fil. R.  
Meir, qui simul Correctoris munus gessit, brevem indicem  
præcipuarum sententiarum adjecit.

Commentarius in Proverbia editus erat Venet. A. 361, C. 1601  
& sub finem indicem quoque rerum adjectum habet, prout in  
editione Veneta habetur. Circa Commentarium in Jobum nihil  
habemus quod moneamus, præterquam quod brevis indiculus  
sententiarum & hic adjectus est. In testimoniis sive potius  
Exorcismis Rabbiorum Commentario in Psalmos præmissis  
spes quoque facta est, fore, ut Commentarius in Cantic. Canti-  
corum imprimatur, quem tamen nondum vidimus.

#### NOVA LITTERARIA.

**C**Um R. P. Bernardus de Montfaucon nuper absolverit *Anti-*  
*quitatis explicata Supplementa*, serio nunc novum opus,  
quod diu quidem animo agitavit, prelo parare molitur sub titulo:  
*Les Monumens de la Mmar. hic Francoise*, quod, prout ille liber  
veteris Græciæ & Romæ, ita decem fere Seculorum barbarorum  
monumenta repræsentabit, ut non inepte operis illius continua-  
tio dici possit. Constituit vero Classes V, quibus ea distribuet,  
quæ

quæ & figuris elegantissimis illustrabit & brevi Commentario explicabit. *Classis I*, quam de Regibus Galliarum inscribet, non solum Regum sed & Ducum & Comitum, qui sub stirpe tertia floruerunt, monumenta comprehendet, ubi de inauguratione Regum, corona regia, nimbo, tunica, cestu, pallio, sceptro, throno, statuis, sigillis, nummis veterum Regum Reginarumve. *Classis II* ecclesiastica Galliarum monumenta exhibebit, templa nempe & eorum formam, habitus Archiepiscoporum, Episcoporum, Presbyterorum & Diaconorum, pallium, mitram, statuas & imagines Sanctorum, imo & Christi cruci affixi, & similia. *Classis III* ea complectetur, quæ ad habitum virorum feminarumque cujuscunque ordinis inde ab initio Regni Francici usque ad A. 1660 spectant; quibus accedent, quæ ad ædificia publica private, & utensilia in iis obvia, pertinent, quæque publicos ludos, venationem, artes denique liberales & mechanicas concernunt. *Classis IV* rem omnem militarem figuris explicabit, armia nempe offensiva ac defensiva, habitus equestres, signa militaria, machinas, duellorum denique rationem omnem, qua in re etiam non negat Cl. Editor, R. P. Daniele, cuius opus *de militia Gallica* hoc ipso Mense recensuimus, suppetias sibi laturum, longe tamen plura se præstiturum pollicetur. Denique *Classis V* ea destinavit, quæ in deductionibus sepulcralibus, Mausoleis, Sepulcris notatu digna occurrunt, ubi simul, temporis ratione habita, characteres epitaphiorum & inscriptionum sepulcralium accurate repræsentabit. Hæc ita publicanda mature duxit Cl. *Montfauconius*, ut curiosos ad communicanda consilia & si quas forte collegerint, delineationes provocet. Imprimis discere ex harum rerum studiosis cupit, utrum textui Gallico versionem Latinam minoribus literis, ut in *Antiquitate explicata* factum, subjici consultum putent, nec no. Ceterum nondum omnia ita ad prelum parata habere videtur, ut vel de mole operis, vel de tempore, quo in lucem proditurum sit, certi quippiam statuere valeat.

Prostat cum hoc Mense Supplementorum Tomi IX Sectio I, quæ inter alia non minoris momenti Cl. Theophili Sigefridi Bayeri Epistola curiosa de lingua Tanguitica aliisque linguis ei affinis exhibetur, figuris accuratissimis illustrata.





# ACTA ERUDITORUM,

*publicata Lipsiæ*

*Calendis Octobris Anno MDCCXXV.*

RERUM ITALICARUM SCRIPTORES AB  
anno *Æræ Christianæ* D ad MD. LUDOVICUS  
ANTONIUS MURATORIUS, *Sereniss. Ducis*  
*Mutinæ Bibliothecæ Præfectus*, collegit, ordinavit  
& *Præfationibus* auxit.

*Tomus V.*

Mediolani, ex Typogr. Societ. Palat. in Regia Curia, 1724, f.

Alph. 7 pl. 12 tabb. æn. 3.

**S**Trenue institutum hoc prosequitur Celeb. Muratorius, qui non modo anno superiori quintum hunc Tomum Eminentiſſimo *Benedicto Herba Odescalco*, S. R. E. Cardinali, Archiep. Mediol. a Cl. Philippo Argelato nomine Sociorum Palatinorum Mediol. inscriptum, sed & hoc ipso anno Tomi I Partem II, de qua mox dicemus, felici partu in lucem edidit. Exstant vero hic I. Chronologi antiqui quatuor, *Herempertus* Langobardus, *Lupus Protospata*, *Anonymus Casinensis* & *Falco Beneventanus*, cum Appendicibus historicis, ex editione *Antonii Caraccioli*, qui *Nomenclatorem* & *Propylæas*, ut vicem Commentarii subirent, operi addidit: quibus junguntur hic *Castigationes* & *notæ Camilli Peregrini* una cum aliis nuperis additamentis ac supplementis ex MS. Codice Casinensi. Etsi vero jam Tomo II *Herempertum* seu *Erchempertum*, una cum *Lupo*, *Anonymo Casinensi* & *Falcone* & *Peregrini* editione vulgasset Cl. Editor, prout diximus in Actis anni superioris p. 50, operæ tamen pretium duxit, ut & editionis *Caracciolane* Neapoli 1626, 4 vulgatæ rationem haberet, quod ea a posteriori illa *Peregrini* multum differret, & haberet anim-

adversiones quasdam in illa non obvias. Nec dubitavit hic iterum repetere ex Casinensi veteri codice *Anonymi* illius *Casinensis*, quem *Aibericum* quidam vocant, Chronici partem priorem, quod illa ab editione Casaccioli subinde discreparet. Accedunt etiam *Camilli Peregrini Dissertationes VIII de Ducatu Beneventano*, ejusdemque *Series Abbatum Casinensium*, & libelli duo Italico idiomate ab eodem conscripti, quorum alter *dell' origine dell' antica famiglia detta di Colimonta*, alter *due Discorsi di Camillo Pellegrino, si tratta nel primo d'un antico significato del nome Porta, nel secondo dell' antico sito di Capua*, inscribitur. His itaque absoluntur omnia, quæ tum *Caraccioli*, tum *Peregrini* editio Chronographorum horum continet. Sequitur *II. Guiljelmi Apuli* historicum *Poema de rebus Normannorum* in Sicilia, Apulia & Calabria suo tempore, hoc est, usque ad mortem Roberti Guiscardis Ducis gestis, quod post *Joannis Tiremai* editionem Rothomagensis, *Leibnitium* recudisse Tomo I Scriptor. Brunsv. indeque nuper quoque Cl. *Carusum* Bibliothecæ suæ historicæ Siciliæ intulisse, innuimus in Actis anni super. p. 10. *III. Gesta Tancredi Principis in expeditione Hierosolymitana, auctore Radulpho Cadomensi*, ejus familiari, qua occasione Cl. *Muratorius* de familia Tancredi accurate agit, & Rocchum Pirrum, paucis verbis insigniter sæpiusque errantem, refutat. *IV. Donizonis*, Presbyteri & Monachi Canusini Ord. S. Bened. *Vita Mathildis Comitissæ*, pariter a *Leibnitio* l. c. & ante illum a *Seb. Tengnagelio*, sive a *Jac. Gretsero*, Ingolst. 1612 inter Monumenta vetera contra Schismata edita, sed denuo cum Codice Romano & imprimis Padolironensi a *Bacchinio*, qui 1721 magna literarum jactura decessit, collata, & cum *Leibnitii* & *Muratorii* notulis, ut & *Francisci Mariae Florentinii vita Mathildis*, a *Leibnitio* pariter subjuncta, quæ nihil aliud egit Autor, quam ut illepidum & barbarum illud Donizonis Carmen prosa oratione exponeret, hic recusa. *V. Anonymi Novocomensis Cumanus*, sive *Poema de bello & excidio urbis Comensis* ab A. 1118 ad 1127, nunquam hætenus editum, quod etiam stylo pariter plusquam barbaro, pro Seculi illius XII, quo scripsit Autor, genio exaratum sit, dignum tamen ob veritatis laudem existimavit D. *Josephus Maria Stampa*, e Somascheni Congregatione

gatione, quod cum MSS. Mediolan. & Comensibus probe collatum Indice Chronologico & notis elegantissimis illustraret. Hoc carmen, incultum licet, ob inopiam scriptorum ejus temporis apud eruditos in honore esse debere, censet Cl. Muratorius, commendatque, tum quod intelligi exinde possit, quale fuerit Seculo XII in Langobardicis civitatibus politicum regimen, quæ tunc artes, qui mores in militando, quæque non modo Novocomensis urbis acta, verum & quæ agri illius chorographia; tum quod genius poeticus ejus seculi cognoscatur, Leoninis versibus, qui tum primum in usu esse cœperunt, addictus. VI. Landulphi Junioris, sive de Sancto Paulo, (qui distinguitur a Landulpho Seniore, cujus Historiam Mediol. Nostri Tomo IV hujus operis inferuere, ei que præfertur, quod non æque ac ille Schismaticis accedere, MSS. Codd. *Historia Mediolanensis*, ab A. 1095 ad A. 1137, e MSS. Codd. Mediol. optimæ notæ descripta & notis pereruditis illustrata a Job. Antonio Saxio, Ambrosianæ Biblioth. Præfecto: liber utique luce dignus, e quo lacinias primus produxerat Puricellius in Monumentis Ambros. Basil. & alibi, quibus Papebrochius deinde, Ughellus, Pagius usi sunt. Neque vero res Mediolanensium descripsit tantum, verum & alia attigit, quæ a Conrado Henrici IV filio, Henrico V, Conrado Duce Franconia & Lothario Imp. passim in Italia gesta sunt. VII. *Magistri Moysi*, Bergomensis, *Carmen de Laudibus Bergomi*, quod ibidem 1596 edidit Marius Mucius, & Theatro Carminum *Achillis Mucii* Patris vel ideo adjunxit, quod *Moysen* illum crederet e familia *Mucia* ortum, vel certe aliis cuperet persuaderi. Præmissa est in eadem editione *Epistola* Autoris ad *Justinianum II Imp. Constantinopolis*, patetque e postremis libelli versibus, scriptum esse poema A. 707; quod si ita est, vix antiquius, aut illustrius de familia *Mucia* Bergomeni testimonium produci posset. Enimvero Cl. Muratorius, adulationem omnem perosus, pace Bergomatum, paullo accuratius in rei veritatem inquirat, plane quippe persuasus, nec vixisse Poëtam Justiniani II tempore, nec e familia *Mucia* duxisse profapiam, sed editorem ejus, quo suam familiam altius extolleret, illusisse litterariæ Reipublicæ. Primum ergo observat, nondum illo ævo Imperatores ac Reges, & ne summos quidem Pontifices,

titulo *Secundi*, *Tertii* &c. fuisse ab antecessoribus suis distinctos; deinde illo Seculo Imperatores *Romanorum* dictos, non *Constantinopoleos* aut *Gracorum*, quo titulo uti demum cœpere post A. 800 Latini, ut Orientis & Occidentis Imperatores alterum ab altero distinguerent; nec *Domini* compellationem illo tempore consuetam; præterea, cum scriptum carmen in fine dicatur, *p. st septingentos annos, septemque peractos Virginis a partu*, notat, nondum A. 707 vulgo in Italia, nedum Constantinopoli, Æram Christianam seu Dionysianam usurpatam esse; denique repetit, Leoninos versus seculo demum XI in usu esse cœpisse. Imprimis vero ex eo fraudis arguitur Mucius, quod in Codice anno 1500 longe antiquiore, quem Noster cum editione illa diligenter contulit, nulla fiat mentio Moysis e familia Mucia oriundi, (quemadmodum & alias constat, cognomina familiæ ante A. C. 1000 inuenta non fuisse) & desideretur insuper tum Dedicatio illa, tum ultimi versus, annum 707 denotantes, ut alia fraudis argumenta, quæ ex ipso carmine petuntur, omittamus. Cum tamen negandum non sit, antiquitatem sapere hoc opusculum, Noster illud ad annum circiter 1120 referendum putat, ea inter alia ratione adductus, quod Autor Cap. VI Ambrosium Mutium, suo tempore florentem, impense laudat (quanquam nihil simul de cognatione sua commemorans) quem Episcopum Bergomatum A. 1112 constitutum, A. 1129 obiisse, Scriptores fide digni testantur. *VIII. Gaufredi Malaterræ*, Monachi Bened. *Historia Sicula*, qua res traduntur Seculo XI in Apulia & Sicilia gestæ, tum ab aliis, tum a Carusio nuper ad fidem Codicis MS. auctius edita, ut diximus in Actis 1724 p. 10, quam nunc denuo cum prioribus editionibus confert Cl. *Muratorius*, simulque duplicem Vossii errorem emendat, quippe qui de Hist. Lat. L. II C. 47 & L. III C. 6 duos Gaufredos, Hispanos, memorat, quorum alter a Surita, alter a Portonario editus sit in Hispania, cum tamen idem Scriptor fuerit, idemque opus, quod Surita Cæsaraugustæ Dominiei Portonarii typis A. 1578 primum edidit, & Gaufredus Normannis accensendus sit, quos *nostros* ubique vocat. Observat hic etiam ad dedicationem, Georgio *beatæ memoriæ* Episcopo Catanensi inscriptam, titulum *beatæ*, *bonæ*, *piæ*, aut *sanctæ memoriæ* viventibus etiam fuisse



fuisse tributum. Accedunt ex eadem *Carusii* Collectione IX. de rebus gestis Rogerii Sicilia Regis Libri IV, autore Alexandro, non *Celefina*, ut vulgo erratum, sed *Telefina* in Campania Felice Cœnobii Abbate, qui sororis Rogerii rogatu res a morte Guilielmi Apuli, quæ A. 1127 contigit, usque ad A. 1135, quo Amfuso filio Capuanum Principatum tradidit Rogerius, neglecta quidem Chronologia, sed dextre & luculenter descripsit, ipsique Rogerio viventi obtulit, quem prolixo *Alloquio* compellat, ut rursus adeo vapulet Vossius, qui demum post mortem Rogerii scriptos hos Libros tradit.

RERUM ITALICARUM SCRIPTORES AB  
Anno Æræ Christianæ D. ad MD. LUDOVICUS AN-  
TONIUS MURATORIUS, Sereniss. Ducis  
Mutinæ Bibliothecæ Præfectus, collegit, ordi-  
navit & Præfationibus auxit.

*Tomi I Pars II.*

Mediolani, ex typogr. Societatis Palat. in Regia Curia, 1725, f.  
Alph. 6 pl. 16 Tabb. æn. 7.

**O**ptimo consilio Mediolanenses Palatini Socii monumenta vetusta & scriptores serius forte sibi oblatos, ne vel extra chorum prorsus edantur, vel propo-um huic operi temporum ordinem inturbent, hac ratione in posterum evulgare constituerunt, ut Tomi ejus, quem ordo temporum poscit, secundam, aut, ubi opus fuerit, tertiam quoque partem ex illis sint apparatus, quemadmodum nuper ejus rei initium hac Tomi primi parte altera fecerunt. In ea vero post *Philippi Argelati*, de laudato Sociorum consilio & de quibusdam scriptoribus hoc volumine comprehensis, præfationem comparent sequentia. I *Leges Langobardica* secundum ordinem, quo singulæ prodierunt, digestæ, & ad Codices MStos Mutinenses & Ambrosianæ Bibliothecæ diligenter exactæ ac emendatæ. Accedunt nunc primigeniæ ad easdem *Præfationes*, tum aliquot *Leges & Formula* veteres non antea editæ, una cum variis lectionibus & notis *Ludovici Antonii Muratorii*. Dicemus de istis inferius ea, quam merentur,

cum cura atque attentione. *II. Fragmentum Longobardica Historia*, Paulo Diacono attributum, jam pridem editum a *Marquardo Frebero* in *Corpore Francica Historia* p. 178, velut Appendix ad opusculum ejusdem Pauli *de Episcopis Metensibus*. Jam in præcedenti Tomi I Parte prima Cl. Muratorius in præfatione ad *Langobardicam Pauli Diaconi Historiam* de fragmento hoc eidem Historiæ attexendo monuerat, sed, propter dubitationem, num Pauli Warnefridi, an alterius recentioris esset, ibi omissum, hic demum proferendum duxit. *III. Opusculum de fundatione celeberrimi Monasterii Nonantulani in agro Mutinensi sub novissimis Regibus Langobardis*, Autore *Monacho Nonantulano*, proxima, ut videtur, ætatis, una cum notis Cl. Viri *Jo. Mabillonii*. Ex Acti Sanctorum S. Benedicti Seculo IV hoc loco exhibitum est, quoniam ad Historiam Langobardicam quoque spectat fundatio celeberrimi opulentique illius monasterii, circa annum 752 facta ab Anselmo, viro spectatæ sanctitatis, &, ut traditur, antea Duce Forojulienfi. *IV. Opusculum de situ civitatis Mediolani*, una cum vitis priorum Archiepiscoporum Mediolanensium, Autore Anonymo, qui Seculo IX, aut saltem X floruisse videtur, nunc primum ex MSto Codice Bibliothecæ Ambrosianæ protractum. Hujus opusculi titulus parum argumento respondet, cum potissima pars vitas priorum Episcoporum, five Archiepiscoporum Mediolanensium describat. Papebrochius Autorem ad Sec. VI retulit: sed Cl. Muratorius certis argumentis eum alterutri ex indicatis modo seculis restituit, ceteroquin non dissimulans, multa ex ingenio eum supplevisse, ac fictionibus subinde, ut flosculis, librum suum exornasse. *V. Ordo antiquus Episcoporum Suffraganeorum Sanctæ Mediolanensis Ecclesiæ, & Catalogus Archiepiscoporum Mediolanensium a S. Barnaba ad annum usque 1251*, nunc primum ex MSto Codice Capituli Metropolitani Mediolanensis impressus. Catalogum antiquum Archiepiscoporum Mediolanensium ex Ambrosianæ Bibliothecæ Codice ediderunt quidem Mabillonius & Papebrochius, sed ab Anatalone primo Episcopo incipientem, excluso S. Barnaba, quem ille manu recentissima adjectum ait, hic prorsus ex Episcoporum Mediolanensium numero exterminat. Cl. Muratorius hunc Catalogum, quem

quem ipse edit, isto Ambrosiano longe antiquiorem esse, multis indiciis commonstrat, &, quod S. Barnabæ Apostoli adventum multis verbis referat, eundem majorem fidem mereri, affirmat.

*VI. Excerpta Historica ex vetustissimo Kalendario membranaceo MSto Ambrosianæ Bibliothecæ nunc primum luci reddita.* Per pauca sunt, nec singula pretii æqualis, attamen ad veterem Mediolanensium historiam Seculi XI & amborum sequentium Seculorum facientia. *VII. Historia Saracenico-Siculæ varia monumenta*, Collectore Jo. Baptista Carusio, qui ea in sua *Collectione Rerum Sicularum* 1720 Panormi edidit, ut A. 1724 p. 9 diximus. Sunt hæc monumenta diversorum tum Arabum, tum Christianorum Autorum, atque adventum Saracenorum in Siciliam resque inde a tempore Saracenicæ dominationis in Insula gestas exponunt. Quæ cum apud Græcos pariter ac Latinos scriptores frustra requirantur, Muratorius ea ad Italicarum rerum penu adjicienda duxit. Et quidem extat *primo Chronicon Saracenico-Siculum Cantabrigiense*, latinitate donatum & beneficio Cl. *Thomæ Hobart*, Angli, primum ex Bibliothecæ Cantabrigiensis autographo evulgatum. Autorem habet, non Eutichium, Beatricis filium, Patriarcham Alexandrinum, ut Caveus putavit, quem Carusius in præfatione confutat, sed alium Siculum hominem. Historiam autem 120 annorum ab A. C. 827 complectitur. *2 Historia Saracenorum in Sicilia, excerpta ex Chronologia universali Ismaelis Alemujadad, Abulphedà, Regis Amani*, ex Arabico Codice MSto Bibliothecæ D. Laurentii Escorialis. *3 Continuatio Historiæ Saracenorum in Sicilia, excerpta ab Historia, cui titulus Asmodferi, Autore Alkadi Sciobabadin, filio Abiddami Amanienfi*, ex eadem Bibliotheca. Utrumque excerptum hoc Historicum in *Panormio Sacra* Italico idiomate exhibuit *Augustinus Inveges*, unde in Latinum versum Carusius iterum dedit. Primum omnium vero ex Bibliotheca Escoriali protraxerat & latinitate donari curaverat *Antonius de Amico Messanensis*, Canonicus Panormitanus, qui tamen morte præventus edere, ut promiserat, nequivit. Recensentur autem utrobique quæ ab anno 842 ad A. 1039 Amiri gesserunt. *4 Theodosii Monachi Epistola de Syracusanæ urbis expugnatione*, cum animadversionibus *P. Octavii Cajetani, Soc. Jesu.*  
Hanc

Hanc ad Leonem Archidiaconum Syracusanum Theodosius in expugnatione Syracusarum, A. 878, vel, ut aliis placet, 880 a Saracenis facta, captivus redditus & Panormum abductus in carcere perscripsit. Ex Græco translata primū in Tomo II *Sicilia Sacra* ediderat Rocchus Pirrus. 5 *Martyrium S. Procopii, Episcopi Tauromenitani*, Scriptore Joanne Diacono Neapolitano, cum animadversionibus ejusdem P. Octavii Cajetani, S. J. Recusum est ex Octavii Cajetani Tomo II *Scriptorum Siculorum*, ut nonnulla sub Saracenis gesta commemorans, & præsertim Tauromenii expugnationem, quæ, ut Cajetanus docet, A. 903 contigit. Autor mox post annum martyrii S. Procopii 903 floruit, a Joanne Diacono, Cassinensi, Monacho, postea Cardinali, diversus. 6 *Epistola F. Conradi Dominicani ad B. Episcopum Cathanensem, sive brevis Chronica ab A. 1027 ad A. 1283*, primum impressa a Jo. Bapt. de Grossis in *Cathana Sacra*. 7 *Excerpta ex Chronologia Arabica Hazi Aliphè Mustaphà, ad rem Saracenicō-Siculam pertinentia*, a Jo. Reinaldo Caroli Italice edita Venetiis 1697. Brevia sunt, & in annorum notatione cum aliis Historicis Saracenicō-Siculis minime convenientia: ab A. 703 ad A. 1159 pertingunt. Nunc reliqua a Sociis Mediolanensibus nostris hoc volumine primum collecta enumerabimus. Et sequitur VIII. *Chronicon Episcoporum S. Neapolitanæ Ecclesiæ ab eorum exordio usque ad annum 872*, Autore Joanne Diacono, Ecclesiæ S. Januarii Neapolitanæ, qui eo tempore floruit, nunc ex MSto Codice Bibliothecæ Vaticanæ primum luce donatum. Accessere breves notæ Cl. Muratorii nostri, qui & præfatus est potissimum de Autore, ejusque tum aliis quibusdam scriptis, tum de præsentī opusculo, quod non dissetur multis locis rerum Neapolitanarum vacuum, Romanarum vero plenum præter rationem esse, multas quoque *Vitis Anastasii Bibliothecarii, Bedæ opusculo Historico, & Langobardicæ Historiæ Pauli Diaconi* detractas lacinias habere, sed tamen & antiquitate sua, & ob monumenta Neapolitana in extremis Episcopis occurrentia, præstans utique & magni faciendum esse. In calce libelli subjungitur *Fragmentum vitæ Athanasii II, Episcopi Neapolitani*, sinistra famæ apud posteros ob enormia vitia, quibus se contaminavit, obnoxii; cujus fragmenti Autor in

Cod



Cod. Vaticano dicitur *Petrus Neapolitana sedis Subdiaconus*, ipsi Athanasio, ut videtur, æqualis. IX *Chronicon Vulturense*, sive *Chronicon antiquum Monasterii S. Vincentii de Vulturno, Ordinis S. Benedicti, nullius Diœcesis, in provincia Capuana*, Autore Joanne ejusdem Cœnobii Monacho, ab anno circiter 703 ad ann. 1071, nunc primum prodit ex MSto Cod. Bibliothecæ Eminentiss. *Cardinalis Francisci Barberini*, cum notulis & castigationibus *Muratorii*. Haud parvi æstimandum hoc Chronicon, *Baronii, Du-Chesnii, Ughellii, Du-Pinii* aliorumque judicio, quippe quod præter ea, quæ de Romanis Pontificibus, de Casinensibus Abbatibus suisque continuata serie tradidit, illustrandæ Beneventanorum Ducum & Transtyberinorum Langobardorum Principum historiæ commodissima præbet documenta. Quinque hujusmodi Cœnobia historiarum, puta *Chronicon Casinense*, in Tomo IV hujus operis insertum, *Novaliciense, Farsense, Casauriense* & hoc ipsum *Vulturense* protulit Seculo XI nobilis Italicorum monachorum cœnobia sua illustrandi contentio. Fuit illud præclarissimum maximisque opibus ut Imperatorum, Pontificum, Principum munificentia in dies auctum cœnobium, (unde in vetusta charta Seculi IX *fortioris monasterii* nomine insignitur,) sub titulo S. Vincentii non longe a Vulturni fluminis fonte in provincia Samnii, atque in Diœcesi Aferniensi anno circiter 703 a tribus nobilibus, *Tato, Taso & Paldo*, fundatum, servatumque per multa secula florem veterem, postquam commendatum secularibus Clericis esset, prorsus amisit. Chronici Vulturensis quædam fragmenta *Du-Chesnius* Tomo III *Scriptorum Francicorum*, & excerpta alia *Ughellius* Tomo VI *Italia Sacra* publicarunt. At Cl. Muratorius integrum ex indulgentia Eminentiss. Cardin. Barberini publicæ luci exponendum ratus est. Historiam scriptoris suæ ipse Autor *Joannes Monachus*, posthac Abbas, in Prologo Chronici enarrat. Deinde *brevem Chronologiam* ab ipso initio mundi, pro more seculi sui, deductam, simulque *Romanorum Pontificum & Imperatorum Catalogum* præmisit, monens, ea ex *Chronici Eusebii & Isidori Hispalensis* hausta esse, nisi quod ipse reliqua ad suam ætatem continuaverit. Totum vero opus donationum, privilegiorum & contractuum chartis constat, nec iis

quidem omnibus genuinis, quibus & anni subinde falso adnotati. Quicquid de suo Autor vel in ipsa narratione, vel in præfationibus addit, præter tædiosas fictiones puerilibus argutiis & contortis allegoriis implexum est, hisque non cultiora ornamenta sunt addita, versus non nisi inertibus monachis legendi, figuræque monasterii miraculosas origines & donationum chartarumque autores rudi artificio adumbrantes, quas una cum Monogrammatibus Imperatorum & Pontificum quorundam Cl. Muratorius quinque tabulis æneis exhibuit, in notis vero & castigationibus additis errores vel ab ipso Autore, vel a librariis admissos, diligenter notavit, imprimisque de spuriiis & supposititiis monuit, tum quoque chartis singulis & summulas præfixit, & annos curatius evolutos. X *Spicilegium Ravennatis Historia, sive Monumenta Historica ad Ecclesiam & urbem Ravennatem spectantia*, nunc primum edita ex MSto Codice Bibliothecæ Estensis, cum altero MSto Ravennate collata, adjectis aliquot animadversionibus Muratorii. Idem Codex, qui *librum Pontificalem Ecclesiæ Rom.* Tomo II exhibitum complexus est, habuit quoque *Vitas priorum Episcoporum Ravennatum*, tum *opuscula polemica de loco, ubi S. Apollinaris ossa quiescunt*, tum & *de adificatione Templi S. Joannis Evangelistæ, & Classensis*, denique monumenta quædam *ad secularem historiam Ravennatem* facientia. Hæc ergo, licet anno quingentesimo, hujus collectionis termino, sint priora, cum tamen & nonnulla post Seculum V acta recenseant, Cl. Muratorius hic addere non dubitavit, qui in præfatione ad hoc Spicilegium potissimum fabulam Ravennatum *de duodecim Episcopis prioribus Ravennatibus a Spiritu S. sub visibili columba specie ad electionem designatis*, improbat & caput erroris a pictorum licentia, dum super verticibus istorum Episcoporum columbæ speciem repræsentaverint, arcessit. Hæc de singulis hujus voluminis scriptoribus & monumentis, præterquam de luculentissima Legum Langobardicarum editione, quæ ut principe loco merito fuit repræsentata, ita præcipuum huic ipsi splendidissimæ collectionis parti pretium conciliat: nosque eam post cetera perillustrandam destinavimus non alia causa, quam ut paulo plenius de ejus præstantia dicere liceret. Cl. Muratorius, ad quem potissima harum legum emendatarum ac multis locis restitutarum

notis-

notisque perpetuis illustratarum gloria spectat, in præfatione ad easdem præclara multa atque doctissima de origine & progressu Juris Langobardorum, speciatim de electione a Regibus Francorum devictis, ut & advenis in Italia populis relicta, *qua lege, utrum Salica, an Romana, an vero Langobardica, an porro Bajoarica, Alemannica, Ripuariave uti vellent*, deque diversitate judicum pro isto legum usu diverso, ex vetustis monumentis observat. Gravissimis deinde argumentis adversus *Sigonium* aliosque, de autoritate legum Langobardicarum confirmat, eam vel nunquam, vel sero admodum moribus tantum esse abrogatam, earum quoque æquitatem defendens, quæ fuerit certaminis singularis istis legibus permixta ratio sincera, explicat. Convertitur hinc ad varias legum Langobardicarum editiones, nominatim *Heroldianam*, quam apud Italos rariorem, *Lindenbrogianam*, quam emendatiorem ex Codice Hamburgensi & pleniorē prædicat, *Venetam* A. 1537 & 1621 apud Juntas excusam, in qua & appositas universis legibus glossas perpetuas *D. Caroli Cotti, Stuli*, quadringentis annis antiquiores, & Scholia *Nic. Boberit Gallici Jcti*, & glossæmata ex vet. MSto addita, commentariosque *Andreae de Barulo*, tanquam pretiosas accessiones, laudat, se vero ipsum *Goldastinam* editionem ad concinnandam hanc novam adhibuisse testatur, quam apparare studuit talem, ut ceteras omnes longo intervallo post se relinquat, usus egregiis Codicibus MStis duobus. Unus ipsi obvenit ex *Bibliotheca Estensi*, non quidem vetustus, sed ex vetustissimo codice descriptus circa annum 1490 a *Peregrino Prisciano, Ferrariensi*, viro multæ eruditionis, cujus & libri aliquot *de Ferrariensium ac Atestinorum Principum rebus* manu exarati supersunt. Ex hoc ipso Codice Cl. Muratorius instauravit antiquissimum & primum harum legum ordinem. Nam ceteræ editiones, præter *Heroldianam*, non exhibent conjunctim leges a singulis Regibus, aut Imperatoribus confectas, sed in titulos secundum ordinem argumentorum distributas, quam divisionem *Goldastus* tribuit *Petro Diacono Casinensi* sub Lothario II, & secundum quam Autor Constitutionum feudaliū Langobardicas leges citare solet. Verum in *Estensi* Codice, quæcunque leges a singulis Regibus aut Augustis provenerunt, omnes conjunctæ leguntur, id quod ipsum anti-

quissimum & ante illam legum distributionem satis vetustam scriptum perhibere potest. Ex eodem codice, quod vel maxime æstimandum, omnes hic restituti sunt *prologi* a Regibus Imperatoribusve præfixi Edictorum suorum publicationi, qui prorsus exciderant e legibus, postquam earum seriem immutari contigisset, nec redierant postmodum in lucem, nisi quod *Sigonius* in *libros de Regno Italiae* particulas eorum nonnullas intulit, unus vero *Cl. Horatius Blancus* in *notis ad Pauli Diaconi Historiam Langobardicam*, priore parte Tomi I hujus operis p. 413 integrum exordium Legum *Rotbaris*, ex ipsius fortasse Sigonii Schedis in *Ambrosiana* adservatis, evulgavit. *Heroldus*, quamvis prologum istum Rotharis noverit, ut conjectari licet, ex *Paulo Diacono* verba nonnulla ejusdem afferente, nec id tamen, quod noverat, adscribere voluit. Haud minoris faciendum est in laudato codice, quod ad varias leges referat appositas, in hac editione inde exhibitas, *formulas*, quibus veteres causarum patroni, Langobardorum jus professi, usi sunt tum agendo, tum excipiendo, in foro, quæ permultum præstant ad noscendam litigandi rationem, imo ad ipsarum legum veterisque Historiæ illustrationem. Alterum Codicem Muratorius noster accepit ex tabulario *Mutinsis Cathedralis Canonorum*, ante annos septingentos scriptum. Is primo loco habet *Leges Salicas* in capitulis LXX cum effigiebus IV virorum, qui eas composuerunt, præmissa eadem præfatione, quam *Lindenbrogius* & *Celeb. Eccardus* ediderunt, eamque sequitur *Carmen Heroicum de totius speculatione hujus præclari voluminis*, ita incipiens:

Hunc Heros librum legum conscribere fecit,

Eurardus prudens, prudentibus omnia vexit &c.

Item carmen Eleycum cui supra:

Hos tibi versiculos, prudens Eurarde, benigne,

Descripfi paucis infimus ecce Lupus. &c.

Eurardum istum Muratorius conjectatur illustrem temporibus Ludovici II Imp. Principem, ac fortassis eundem fuisse ipsum Eurardum, sive Eberhardum, aut Berardum, Foro-Juliensem Ducem ac Marchionem, Berengarii, postea Regis ac Imp. patrem, quem circa eadem tempora in Italia floruisse constat. Hujus Princi-



Principis jussu collegisse *Lupum* variarum gentium leges, quem postea una cum iisdem versibus descripserit anno circiter millesimo librarius aliquis pro usu Canoniconum Mutinensium. Leges Salicas, alio ordine, quam in editis, dispositas, excipiunt in hoc MSto *leges Ripuaria* capitibus CXXVII, tum *leges Langobardorum*, deinde *lex Alemannorum*, capitulis XCV, *leges Bajoariorum*, titulis CCXXIV, denique *capitularia quedam Caroli M. Pipini, Ludovici Pii, Lotbarii & Ludovici II.* Legibus Langobardorum titulus præfixus: *Incipiunt capitula legis Langebardorum, sive concordia de singulis causis, quam Rothari, Grimald, Liutprand, Ratchis, Aistulf constituerunt, omnes insimul adunata & concordata, ut legem inquirentibus facilius invenire queant, quod cupiunt.* Capita legum sunt tantum LX, quippe non admixtæ sunt Francorum Cæss. leges: unde patet, vel ante annum 1000 Langobardicas leges sub diversis argumentorum titulis digestas & coordinatas fuisse, alio tamen ordine, quam in vulgatis editionibus occurrunt. Hos duos codices cum editis ipse Cl. Muratorius contulit, indeque produxit, quæ luci reddita nondum erant, lectiones varias subjecit & sincerum legum textum subinde, exterminatis glossematibus, feliciter restituit. Insuper vero Palatini Socii, ac præsertim *Philip. Argelatus*, ipsi novam mensem lectionum variantium & legum aliquot ac fragmentorum suppeditarunt ex duobus Codicibus MStis *Ambrosiana Bibliotheca* vetustis, licet ab indoctis amanuensibus scripti noscantur, quorum unus anno circiter 1013 exaratus *Leges Langobardorum*, alter circa ann. 1028 scriptus *Francorum Regum Leges*, in Italia promulgatas, complectitur. Ex singulis tribus Codicibus, nempe Mutinensi, & Ambrosianis, specimina characterum in ære repræsentantur ad p. 13 post præfationem. Ibidem sistitur *index & ordo titulorum omnium, quos legibus Langobardicis præposuit Heroldus*, & singulis titulis adscriptus cernitur numerus, sub quo ea lex in præsentī editione comparet. Similiter vero, ubi leges ipsæ a Muratorio exhibentur, in calce uniuscujusque legis liber & titulus indicatur editioni Goldastinæ respondens, ita, ut tres inter se diversas editiones in hac una levi negotio liceat cognoscere. Ordo legum restitutus hic est. Primo extant *Rothari Leges*, quæ CCCXC

capitulis absolvuntur: succedunt *Grimoaldi Leges*, quarum IX tantum capitula: *Liutprandi Legum*, libri I, capp. VII, libri II capp. IX, libri III capp. IV, libri IV capp. XI, libri V capp. XXIV, libri VI capp. CII; *Rachis Regis Leges* capp. IX; *Aistulphi Regis* capp. XIV. Jam sequuntur *Caroli M. Leges*, capitulis CLIII comprehensæ, & *additamenta ad capitularia Caroli M.* ut & *capitulare* anni 806, sive *charta divisionis Regni Francorum inter Karolum, Pippinum & Ludovicum filios Karoli M. Imp.* Hæc excipiunt *Pippini Italia Regis Leges* XLIX, *Ludovici Pii Augusti Leges* LXI, *Lotbarii I Leges* CVI, & *additamenta ad easdem* ex Codice MS. Cathedralis Mutinensis, aliaque ex *Baluzio*, ibi Ludovico Pio falso tributa. Porro sequuntur *Ludovici II Aug. leges* VIII, cum *additamentis* ex dicto Cod. MSto, & ex Codice Bibliothecæ Ambrosianæ. Interferuntur ex utroque Ambrosiano *questiones ac monita quædam veterum Jurisperitorum in Leges Longobardicas*: deinde comparent *Guidonis Aug. Leges* XCI, *Ottonis II Aug. Leges* XIII, *Ottonis III Aug. Lex unica*, *Henrici II Aug. Leges* III, ac denique *Lotbarii II Aug. Lex unica*. Jam vel potissima planeque singularia, quæ doctissimus Muratorius vel restituenda, vel supplendo veterem ac genuinam lectionem, modo librariorum incuria, modo glossematum in contextum intrusionem, modo Grammaticorum intempestiva castigatione corruptam toties ac immutatam, quæque illustrando leges ex Historia veteri linguæque genio, & antiquis Francorum ac Langobardorum moribus, institutis ritibusque præstiterit, ex iis, inquam, potissima & prorsus insignia recensere nimis longum & ultra leges instituti nostri foret, pauca vero, ac velut speciminis loco, decerpere parum dignum videtur existimatione, quam de Cl. Muratorio Italicorum monumentorum vindice atque illustratore immortaliter jam merito, publice præferre nostrum esse judicamus.

ROBERTI WELSTED DE ADULTA  
Ætate Liber ad RICHARDUM WEST,  
Armigerum.

Londini, impensis Gulielmi & Johannis Innys, 1725. 8.  
Plag. 13.

Quam.

**Q**Uamvis naturæ, a teneris initium ducenti, inde ad maturi-  
 tatem provectæ, demumque in senium inclinanti conven-  
 nientius videatur, eundem in explicanda diversarum ætatum in-  
 dole ordinem imitari, illum tamen immutare Cl. Autori visum  
 fuit, utpote qui edito primum de Ætate vergente libro, a nobis  
 supra M. Jan. p. 23 commemorato, hunc de adulta ætate subjecit,  
 proxime forsan tertium de ineunte subjuncturus. Eadem ac in  
 priori sermonis elegantia aures animumque demulcet; imo  
 magis etiam altera hæc pars vario rerum apparatu, quem ipsa  
 materia largius suppeditavit, lectori se commendat. Instituti  
 eadem, quæ in priori, ratio; primo consistentis ætatis indolem  
 maxime impetuosam exponit, eandemque amoris potissimum  
 rapidissimis agitari atque depasci stimulis advertens, qua illum  
 ratione ad tuendam sanitatem, malaque inde oritura avertenda,  
 prudenter deceat moderari, docet; eademque occasione de  
 conjugio hac ætate iniri solito, & iis, quæ circa illud a Medicis  
 morienda veniunt, c. 2 fusius agit. Postquam vero eam adolescen-  
 tes nacti sunt corporis staturam, ut proceritate ulterius non  
 essentantur, notabilis succorum in corpore turgescencia contin-  
 gere solet, multis, si nimia evadat, œconomiam animaleam  
 turbis obnoxiam redditura; unde ad ea, quæ exuberant, elimi-  
 nanda certa sibi natura eligit emunctoria, ab Autore c. 4 descripta,  
 ita ut modo per meatus cutaneos, modo per glandes salivales  
 atque intestinales superflua excludantur, quas inter vias hæmor-  
 rhoïdes quoque recenset, quorum fluxum naturalem magis, quam  
 morbi sicum esse, cum nonnullis nostræ ætatis Medicis censet.  
 Quod si minus feliciter hæc secretio succedat, morbi ex recre-  
 mentis in corpore auctis oriuntur: quorum Catalogum c. 6 ex  
 Hippocratis (cujus strenuum se asseclam præbet) L. 3 Aph. 29  
 & 30 contexens, duas cum eodem classes illorum constituit.  
 Alios eorum, scilicet sanguinis spuitiones, tabes, febres acutas,  
 comitiales, ad primam hujus ætatis periodum refert; reliquos,  
 uti anhelationes, pleuritides, peripnevmonias, lethargos, phre-  
 nitides, febres ardentes, alvi profluvia diuturna, bilis sursum  
 ac deorsum effusiones, dysenterias, intestinorum lævitates, ac  
 hæmorrhoides ad constantem magis ætatem spectare censet.  
 Horum

Horum ante omnia inter se analogiam exponit, & quidem ratione originis illos ab intentiori sanguinis motu a variis obstaculis hinc & inde occurrentibus concito deducit; quo tenacior igitur sit materies, in quam sanguis impingit, eo graviores fore, qui inde pendent, affectus, monet. Sedem illorum communem c. 9 partes respirationi inservientes, iisdemque conjunctas aut eas minimum, quæ emunctoriorum vices sustinent, constituit. Quod uti de plurimis manifestum est, ita de iis, de quibus dubium primo intuitu videri poterat, ut lethargo, phrenitide, bilis sursum deorsumque dejectione & hæmorrhoidibus, cum Autorum testimoniis tum experientia, qua his morbis superatis, manifestum partium respirationi dicatarum levamen observamus, evincere allaborat. Analogia morborum ætatem adultam instantium indicata, signa quoque diagnostica, quibus a se invicem illos discernere deceat, exponit; sicque Pathologia earum absoluta, primo c. 11 generalia quædam monita, in eorum medela profutura, proponit, & imprimis cito eis auxilium adhibendum, nihilque in eorum cura procrastinandum esse, medicis inculcat, ne natura eorum vehementiæ sustinendæ impar iisdem succumbat; neque etiam si mitiorem præ se ferant speciem, fidem iis facile habendam, monet, ne verum subito habitum induentes ex improvise opprimant. Protinus igitur remediis præstantissimis succurrere, & ad noxia quævis eliminanda festinare suadet, ea ratione atque ordine, quem natura sui conservatrix morborumque domitrix monstrat; quamvis, si nimis vi morbi sit oppressa, vix ejus indiciis fidendum atque obsequendum censeat Autor, quæ irrita tunc sæpius edat signa, & inania sine mente proferat. Quibus præmissis ad quorumvis specialem therapiam brevissimis explicandam accedit, & a c. 12 ad 16 prioris generis, ab illo ad 27 constantis potissimum ætatis morborum curam indicat. Ceterum laudanda est Cl. Autoris in evolvendis veterum & imprimis Hippocratis scriptis industria, quorum non solum autoritate omnia sua placita suffulcit, verum etiam nonnulla passim eorum loca eruditis illustrat observationibus. Ita c. 4, dum de hæmorrhoidibus agit, tantum abesse monet, ut Hippocrates libri de Hæmorrhoidibus, qui sub ejus nomine inter opera ejus

extat,



extat, autor sit, ut ne quidem ejus discipulo tribuendus videatur, illudque ex sententiis ibidem propositis, ab ejus doctrina prorsus alienis, & alibi ab eo refutatis, evincit. Siquidem Hipp. L. 6 Aph. 12 unam minimum in hæmorrhoidum sanatione apertam servare jubet, cum e contrario in hoc semel atque iterum omnes exurendas nec ullam sine unctione relinquendam suadeatur. C. 8 locum Pauli ex l. II c. 29 adducit, in quo inter alia febris ardentis signa lingua (secundum Guinterii versionem) aspera recensetur, qua occasione, num Guinterii emendatio, dum *πραχῆα* pro *παχῆα* legit, attendenda sit, disquirat, & omnino receptam lectionem retinendam & *παχῆα* scribendum esse, censet, quoniam lingua in febribus ardentibus non modo asperetur, sed & quasi glutinosis humoribus inferciatur, unde nonnunquam usus ejusdem difficilis redditur, quo sensu hanc vocem etiam ab Hippocrate usurpari annotat. C. 24 Hippocratem contra Cælium, methodicæ sectæ non ignobilem Medicum, defendit, qui in bilis sursum ac deorsum effusionibus veratrum, in lentium succo propinatum, ab Hippocrate adhibitum esse, ægre fert. Qui Nostro maxime naturæ ductum in hoc secutus videtur, quæ ipsa succorum pravorum congeriem sursum ac deorsum vacuandam esse indigitabat, imprimis, quia dum contenta viscerum, circa ventriculum sitorum, quasi per fluorem excernuntur, veratrum non tam diu intus maneat, ut diffundere possit facultates, a quibus homines alias periclitantur: hinc tutius tunc temporis evadat. C. 28 de iis, qui in extremis hujus ætatis limitibus versantur, & quæ in posterum iis profutura sint, aliqua addit consilia, quæ fusius in præsentī commemorare superfluum ducimus, cum copiosius illa in primo de ætate vergente libro pertractata sint.

**EXERCITATIONES MEDICÆ, QUÆ TAM**  
*Morborum quam Symptomatum in plerisque morbis*  
*rationem illustrant, Autore JOHANNÉ*  
**TABOR, M. B.**

Londini, impensis Guilielmi & Johannis Innys, 1724. 8.

Pl. 22 cum fig. æn. Tab. 5.

LII

Mirum

**M**irum certe est, quod in ejusdem morbi ratione reddenda sententiae adeo dissimiles proferantur a Medicis, causaeque remotae cum cura eruantur, cum promptius sit, causas propiores & perfectiores ex sanguinis statu & retentorum excretorumque conditionibus, observatu haud difficilibus, invenire; quorum accurata consideratio rationes magis certas & constantes de morbis exhiberet, quam fictae quaevis analogiae seu similitudines ex Peripatheticorum elementis, ex Galenicorum humoribus, aut ex Chymicorum principiis depromptae. De his itaque rebus ut ratio constaret, praesentes Exercitationes, tribus tractatibus circumscriptas, in lucem publicam edidit Autor Clarissimus. Quoniam autem, quod in corpore humano solidissimum est, ex humore prius fluitante cogitur, & a liquidis in vasis contentis affectiones plerasque morbosas accipimus, Introductionem operi praemittendam esse intellexit, in qua ostenderet, quod partium solidiorum fabrica non a potestatibus quibusvis materiae insitis seu inhaerentibus, sed ab agente animato construatur; quod liquida omnia motum habeant intestinum; quod liquidorum affectiones a partium eorum minutarum constitutione oriantur; & quod motus intestinalis liquidorum in corpore animali non ab agente animato, sed a causa quadam universali cieatur. In Exercitationum Tractatu I simplices sanguinis conditiones expendit, idque non furni tortura, sed vitro optico, lance, lenique igne, atque ostendit, tam morborum rationes quam ad eos tollendos Indicationes ex istiusmodi observationibus iustissime desumi posse; probat etiam, aerem respirationis beneficio semper & uberrime sanguini admisceri. Hinc non minus quantitatem sanguinis in corpore contenti, quam ejus velocitatem in vasis sanguiferis determinat; indeque occasionem capit, cordis structuram accuratius delineandi, ejusque vires investigandi, atque ventriculorum capacitates mensurandi. In II conjecturas quamplurimas incertas de motu muscolari & de instrumentis eidem ancillantibus improbat, suamque hac de functione explicaturus sententiam, aeris conditiones & munia tam in flamma, quam in vita animalium sustentanda, fibrarumque carnearum texturam exponit, tandemque concludit: cum comprimendi & dilatandi copia  
nulli

nulli materiæ ordini tam singulari modo sit indita, quam aeris, hæcque facultas intendi & remitti possit a causis in aerem agentibus, atque sanguis animalium præ ceteris quibuscunque liquoribus plurimum aeris complectatur; credendum esse, aerem in sanguine hospitantem circulationis vi in carneas musculorum fibras, earumque concavos cylindros adigi, ibidemque a spiritibus animalibus ad nutum animæ incitantis quadam ratione ordinatis & impulsis, ejus elaterium intendi, ac ad nutum animæ revocantis quovis temporis puncto expansionem inde ortam remitti quoque posse, sicque fibras contractas & relaxatas haberi. In III considerat causas effectrices motus voluntarii, involuntarii & convulsivi, omnesque has eidem efficienti in acceptum referri, docet; motus etiam convulsivi causas materiales & excitativas investigat, clareque demonstrat, quod convulsiones & plerique morbi, qui nervosi passim appellantur, a sanguinis humidorumque, non a spirituum animalium pravitate oriuntur, & ab hac doctrina indicationes certissimæ desumi debeant ad affectiones nervosas curandas. Verum clarius cognoscet L. B. quam foveat Autor clarissimus de œconomia animali opinionem, ex Corollariis calci hujus operis appositis. Scilicet 1) omnium motuum animalium eadem est causa effectrix in eodem vivente. 2) Corpori animali inest agens providum, quod totius utilitati diligenter prospicit. Ab hoc, divinitus instructo, non tantum admirabilis corporis fabrica extruitur & perficitur, sed etiam ab actibus ipsius imperatis motus omnes organici proficiuntur. 3) Omnes motus organici tam assueti quam inassueti ad finem aliquem utilem & necessarium destinantur. 4) Sanguis facile lentescit & concrecit, unde ægre vasa capillaria permeat, imo & acrimoniam contrahit, generi nervoso infensam; hinc nervi a sanguine vitiatō irritari possunt. 5) A crebra membranarum concussionē, musculorumque contractionē sanguis lentescens aut concrecens subigitur & comminuitur, motusque ejus pene deperditus restauratur, acceleraturque. 6) Causa finalis motuum convulsivorum in eo consistit, vel ut partes irritatæ & stimulatæ a materia acri & rodente liberentur, vel ut sanguis a concretione vindicetur; idque aut universali corporis concussionē, aut forti

musculorum contractione ad sanguinis motum accelerandum, acresque humores subsistentes e sedibus suis depellendum. 7) A materia crassiori vitiata e sanguine excreta motus convulsivi desinunt. 8) Ut plerique alii morbi, ita potissimum motus convulsivi a crasi sanguinis vitiata immediate oriuntur. 9) Medicina Rationalis in eo consistit, ut a causæ morbosæ justa æstimatione Curativæ desumantur Indicationes; perperam enim instituerentur Curæ a causis omnino obscuris, cum magis evidentes suppetent. Quo certius igitur hæc Corollaria sapiunt doctrinam Stahlianam, eo magis mirari satis non possumus, quod Germani hujus famigeratissimi per totum hoc opus nullibi fecerit mentionem Anglus.

**MONARCHIÆ ASIATICO-SARACENICÆ**  
*Status, qualis VIII & IX post Christum natum seculo fuit, nummis argenteis, prisca Arabum scriptura Kufica, a Monarchis Arabicis, Al-Mansor, Haran Raschid, Al-Mamon aliisque, in metropolibus Chaldææ, Persiæ, Trans-oxanæque cufis, & nuper in littore maris Baltici prope Gedanum effossis, illustratus a M. GEORGIO*  
**JACOBO KEHR, Sleusinga-Franco**  
*Orientali.*

Lipsiæ, prostat in Bibliopolio Jacobi Schusteri, 1724, 4 max. Plag. 4½. fig. æn. 2.

**R**USTICI in Nehringa Gedanensi piscatores A. MDCCXXII d. 2 Junii centum circiter a mari passibus invenerunt nummos quatuor argenteos vix arena tectos, & remota paulo altius arena, tredecim alios, quos omnes, *septemdecim* numero, ad illustr. Præconsulem Gottfr. a Dießeldorf delatos, hic liberaliter donavit Cl. Frid. Gottl. Engelken, Secretario Reipubl. Gedan. qui eos, addito etiam *decimo octavo*, quem Cl. Breynio debebat, cum Cl. *Kebr*io communicavit. Inde huic præsens subnata est scribendi materia. Opellam divisit in tractationem generalem & specialem. Generalis agit de lingua & literis inscriptionum in nummis his conspicuarum. Lingua est Arabica; litteræ vero sunt Kuficæ, ita



ita dictæ ab urbe Chaldæa Kuſa, non quod ibi inventæ ſint, ſed quod (ut Noſtro quidem videtur) Kuſæ hoc ſcribendi genus & ſolicitius & diutius in uſu fuerit. Et ex Eſtrangelo quidem, Syrorum antiquorum Chaldæorumque charactere, Kuſicas litterarum figuras ortas eſſe, inde potiffimum colligit, quod primus earum inventor, Mor-anrus, Babylonius dicitur, & figuræ admodum conveniunt. In tractatione autem ſpeciali ſingulos XVIII nummos ex Hiſtoria Orientali paululum illuſtrat. Primus in ordine nummus cuſus eſt in urbe pacis, h. e. Bagdat, anno Heg. 188 Chr. 805, probabiliter ab Aarone Raſchid. Antica exhibet in peripheria, uti in omnibus nummis, verba hæc: *In nomine Dei cuſa eſt hæc drachma*, addito, ut alibi, loco & anno, quo cuſus. In diſco autem hæc leguntur: *Non eſt Deus, niſi ille unicus, nec ei eſt ſocius*. In poſtica hæc ſunt: *Mohammed eſt legatus Dei*. In peripheria vero poſticæ: *Mohammed eſt legatus Dei, qui miſit eum cum directione & religione vera, ut ſuperiorem & conſpicuam redderet eam ſupra omnem religionem, etiamſi abhorreant aſſociantes*. Quæ verba omnium poſticas ambiunt. Nummus II convenit cum primo, niſi quod excuſus eſt ann. Heg. 190 Chr. 807. Nummus III & IV, anno Heg. 193 Chr. 810 cuſi, non diſcrepant a primo. V excuſus eſt Balchæ, olim Baſtris, ann. Heg. 188 Chr. 805, ab Almamone Abdalla, Califa, & eo a præcedentibus differt, quod poſticæ facies hæc inſcripta monſtrat: *Mohammed eſt legatus Dei, & plenitudo creaturarum ejus: Princeps Almamon Abdalla, filius Principis fidelium, eſt celfus tutor columnarum Moſlemanorum. Jabbja*. Hac ocaſione Noſter p. 16 invehitur in Hiſtoricos Lingux Arabicæ ignorantia sæpe deceptos. VI ſignatus eſt anno Heg. 189 vel 187, Chr. 806 vel 804, & in diſco poſticæ verbis: *Mohammed eſt legatus Dei*, hæc ſunt addita: *& affecla ejus*. VII anno Heg. 192 Chr. 809; VIII & IX, eodem anno a Califa Alamino cuſi, a primo non diſcedunt. X Waſethi, anno Heg. 127 Chr. 746 cuſus, in poſticæ facie hæc habet: *Deus eſt unicus. Deus non generatus eſt, atque eſt perpetuus. Non generat, nec ei ſimilis eſt ullus*. Numus XI anno Heg. 194 Chr. 811 Bagdadi, XII vero Kuſafæ anno Heg. 105 Chr. 724 ſignatus eſt, & huic quidem in poſtica additur, quod *Mohammed ſit donum perfectum*.

XIII anno Heg. 180 Chr. 797 Sauræ cusus, in disco posticæ hæc insit: *Mohammed est legatus Dei. Propitius sit ei Deus & felicem eum reddat. Chalifa Raschid Dsibasar.* XIV Hispahanæ anno Heg. 196 Chr. 813 factus est, & Noster hæsitat, an verba posticæ faciei adjecta, *Deo est directio*, an aliter, vertere debeat. XV est Samarcandanus, anni Heg. 185 Chr. 802, in cuius posticæ medio hæc leguntur Arabice: *Mohammed est Apostolus Dei, & successor ejus est Princeps Alaminus. Mohammed filius Principis fidelium. Gjasari.* XVI Mohammediæ anno Heg. 195 Chr. 811 cusus, cuius in posticæ disco hæc leguntur: *Mohammed legatus Dei, & affecta ejus est Chalifa, Mohammed Princeps fidelium, devotus Dei cultor.* XVIII Samarcandæ A. Heg. 194 Chr. 811 cusus, in postica habet: *Mohammed legatus Dei, & amicitia ei junctus est Presbyter Almomunus. Abdallah filius Principis credentium.* Ultimum conflare jussit anno Heg. 161 Chr. 779 Chalifa Mahhadis, quod ultima verba posticæ, quæ in ceteris cum inscriptione nummi XIII conspirat, docent. Observat vero Noster, esse Bassoræ, quo loco cusus hic nummus, Academiam quandam, circa annum Hegiræ 465 fundatam, in qua multi Mohammedani literis incumbant; quamvis fateatur, plures hodie Damasci, & quamplurimos, nempe 12000, Cairi studere. Præterea ipsius Chalifæ Mahhadis munificentiam in litteratos commendat, quippe qui Poetæ cuidam, *Merwan* dicto, pro carminis, quod coram eo recitabat, singulis distichis (erant autem septuaginta) mille stateres dari jussit. Denique notat, ejusdem Chalifæ ætate A. 770 inclaruisse Theophilum Edessenum, Maronitam, Astronomum, qui præter Historiam, in qua ab orbe condito ad initium Epochæ Alexandrinæ annos colligit 5197, versionem edidit Iliados Homeri in sermonem Syriacum, in qua ambiguas voces, præsertim ad distinguendas patronymicas, quæ iisdem elementis apud Syros scribuntur, vocalibus Græcis notavit, nimirum α ponendo pro Λ, η pro Ι, υ pro V &c. quod purctandi genus omnes deinde Syri, Nestorianis seu Chaldæis exceptis, amplexi sunt; ex quo Græcæ vocalium Syriacarum figuræ sunt enatæ. Sed ex his jam satis Lectori constare posse de Autoris nostri ratione, arbitramur.

MONARCHÆ MOGOLO-INDICI, VEL MOGOLIS  
 Magni AURENK SZEB Numisma Indo-Perficum  
 argenteum quinque libræ rarissimum, in solennem reno-  
 vationem & confirmationem clientelarum urbis & sedis  
 Imperatorie DEHLI, nunc dictæ DSCHIHANABAD,  
 signatum, auspiciis & clementissimo jussu Seren. Principis  
 ac Domini, Dn. FRIDERICI II, Ducis Saxo-Gothani,  
 e pretiosissimo ipsius Gazophylacio Latine recensitum,  
 explicatum, examinatum, & contra dubia quorundam, im-  
 primis contra Moslemanum celeberrimum, Illustrem atque  
 doctissimum, SCHEICH MOHAMMED EFFENDI,  
 Reipubl. Africo-Tripolitane Cancellarium, & ad Aulam  
 Cesaream Viennensem nuper Legatum, perspicue, solide  
 ac modeste vindicatum, & variis Notis ex Orientalium  
 Historia, Genealogia, Geographia, Chronologia & re  
 litteraria tum antiqua, tum recentiore illustratum a  
 M. GEORGIO JACOBO KEHR, Silusia-Franco  
 Orientali. In appendice Indo-Maurorum characteres  
 Aritmetici, Alphabetum Bengalicum, & Syllabarii  
 Mongalo-Kalmuckici pars exhibetur.

Lipsiæ, impressit Heinrich Christoph Takke, 1725, 4. max.

Plag. 7½ fig. æn.

**T**itulus prolixissimus conspectum operis totius exhibet.  
 Methodus in præsentî tractatu ea adhibetur, ut in historiam  
 nummi inquisiturus Cl. *Kebrus*, pauca de figura, pondere aliisque  
 momentis afferat, scripturam in nummo compositam agnoscat  
 e characteribus Persarum Taalik, h. e. pendulo, & Usbeko-Indo-  
 Persico Tograi, seu implexo; stylum quidem Persicum fatea-  
 tur, admixtis vocabulis Arabicis, Tartaricis & Turcicis; afferat-  
 que ab incolis Regiæ urbis Dehli Magno Mogoli in obedientiæ  
 tesseram nummum hunc fuisse exhibitum. Ipsam laboriosissimæ  
 interpretationis suæ methodum & tabulam quadripartitam  
 deinde subjicit, ut figuram litterarum in nummo deprehensam  
 columna

columna 1, 2 vocem litteris Arabicis ordinariis, 3 lectionem, & 4 interpretationem Latinam sistat, & p. 17 seqq. voces singulas exponat. Inter alia p. 26 sqq. inquit, an nomen Regis Aurenk, an Uszbek legi debeat, quoniam اۈرنكى Aurenk, & لۈزبكى

Uszbek, uno puncto tantum addito vel demto & altero transposito, differunt. Sed contra Cancellarium Tripolitanum, cum quo nuper in aula Viennensi vivente commercium epistolicum instituerat Noster, propugnat, quod nummus non Uszbekicis Imperatoribus conveniat, sed tantum Magno Mogolo, cum Historia, Geographia & ipse stylus obstant, quo minus Uszbekicis tribui possit. Notas illas sequitur Latina paraphrasis inscriptionis hujus nummi quinquelibralis, quam utut paulo prolixiorem, e p. 41 huc transcribere non gravabimur. Prioris ergo faciei verba ita Noster interpretatur: *Nummus hic Magni illius Indorum Imperatoris longe lateque terra & mari dominantis, est, nimirum Regis AURENG-ZEB, terrarum orbem occupantis, qui tum ob animi fortitudinem, tum ob stupendas, quas gessit, res, tum & perpetuas ob victorias, quas ab hostibus reportavit, jure meritoque celeberrimis veterum illorum athletarum heroumque Persicorum Serfali & Sami nominibus insignitur, qui non tantum a Victore gloriosissimo est generatus, verum ipse etiam potentissimos quosque Principes potentia superat, simulque puram & orthodoxam religionem Moslemicam, Sonna seu traditionibus Mohhammedis & coævorum ipsi Doctorem Arabicorum dogmatibus fundatam, strenue sequitur, fortiter propagat, adeoque instar auri purissimi, ornantis gemmas, religioso zelo suo splendidior reddit eam & illustrat. Quapropter dignissimus est, qui nominetur Alem-Khir Padischah Ghafzi, id est, orbem terrarum occupans, Magnus Imperator, Victor, MOHAMMED AURENK-ZEB, Behadir, seu strenuus ac bellicosus, Triumpator, & Moslemicam religionem fortiter celeriterque propagando vivacior efficiens. Signatus est nummus hic anno ab begira seu Mohhammedis fuga millesimo octogesimo quarto, qui est annus post C. N. 1674. Posterioris faciei hæc est sententia: Auspiciis Magni Imperatoris Mogolo-Indici, utilia quævis & salubria largientis, videlicet AURENG-SZEBI, qui religionis Moslemanica asylum est,*



*est, cui divinitus quasi adjunctæ est fortuna prosperitasque maxima, quippe qui plausura bonorum atque divitiarum possidet, & qui, licet inter omnes pompa & majestate emineat, simul tamen adeo clemens ac benignus Princeps est, ut ne quidem in septem climatum distantia tractuque præstantior quispiam reperiatur, qui cum clementia & benignitate superet; hujus, inquam, auspiciis nummus hic secundum argentearum aurearumque monetarum typos, per Dei gratiam ac benignitatem, signatus est anno decimo quinto a felici hujus Monarchæ coronatione, qua is Imperii thronum conscendit. Et quidem hanc monetam Augustissimo Imperatori suo, sedis ipsius Imperatoriæ urbisque primariæ Dschihan-abad, alias Dehly dictæ, cives in fidei, pietatis & obedientiæ suæ humillimæ tesseram, in solenni, quæ ideo quotannis celebratur, novi anni panegyri, muneris loco obtulerunt. Claudunt opus notæ & characteres in titulo memoratæ, quibus postremo subjicitur Tabula Genealogica a Japeto usque ad Regem Aureng-Zeb; quibus singulis immorari non licet.*

IO. FRANCISCI BUDDEI, TH. D. & P. P. O.  
*Meditationes Sacræ, antea figillatim, nunc vero conjunctim editæ. Recensuit & præfationem de mortuorum resurrectione, a calumniis adversariorum per veteris Ecclesiæ Doctores vindicata, nec non Indices adjecit M. IO.*

DAVID LEONHARDUS, Altenburgensis.

Jenæ & Lipsiæ, apud Jo. Frid. Ritterum, 1725, 4.

Alph. 1 pl. 5½.

**C**Eleberrimi Buddei scripta, varia eruditione referta, jam diu eruditis salivam moverunt. Quare Cl. Editor & hanc Programmatum publico nomine diebus festis propositorum collectionem doctis gratam fore, haud inmerito judicavit. Et quoniam hæ meditationes, præter primam & ultimam, omnes vel Christi vel nostrum spectant resurrectionem, Cl. Editori placuit, de resurrectione mortuorum e priscis Ecclesiæ Patribus præfari. Meditationum vero Buddeanarum prima, MDCCXIII proposita, de Pseudo-paracletis disserit, ac voce παρακλητος exposita,  
Mimim Simo-

Simonem Magum, Montanum, Manetem, Mohammedemque huc refert. Quæ secundum obtinuit locum, Meditatio, de sanguine fœderis sub Vet. pariter & Nov. Test. conscripta, varia huc spectantia Scripturæ dicta accurate expendit. Tertia Meditatione S. R. Autor ex Actor. XIII, 34 τὰ ὅσα Δαβὶδ τὰ πῦρ excutit, & Paulum non e Ps. II, 7, sed ex Jes. LV, 3, resurrectionem Christi probare, ostendit. Quæ sequitur, quarta, de sepulchri Christi possessore, loco, forma, denique & usibus in Theologia erudite conscripta est. De Pontio Pilato, Evangelicæ veritatis teste, quinta tractat, testibusque veritatis Pilatum jungit, quia non tantum historiæ veritas, sed & innocentia Christi per eum stabiliri potest. Christum redemptorem unicum sexta sistit, & contra Romanos partim, partim & Gichtelianos, officium mediatorium soli Christo proprium esse, evincit. Septima originem doctrinæ de resurrectione mortuorum e V. T. pandectis antiquissimam esse ostendit. Non satis autem fuerat Cel. Autori, Pilatum veritatis Evangelicæ testem exhibuisse; sed in octava Judam pariter Ischariotem veritatis Evangelicæ testem producit, cum & ipsius, ut proditoris, de innocentia Christi testimonium ferentis, testimonio magnum insit pondus, & Judæi hujus rei documentum exstare voluerint, ne quis fidem Evangelistarum historicam sollicitet. Nona, de Christo prædestinato, ad Act. II, 23, an, & quomodo prædestinatus dici possit, inquirat. Christum autem vere cruci affixum esse, adversus Docetas, Saturninum, Basilidem, horumque, ut & quosdam Valentini discipulos & Mohammedem adstruit decima. Undecima victoriam fidei graphice delineat. Duodecima vero expendit, quo sensu Christus in S. Script. audiat primogenitus ex mortuis, nempe quia & Princeps eorum est, qui ad vitam æternam resuscitantur, & simul resurrectionis autor & causa. Tandem decima tertia, in qua paulisper commorari lubet, dignitatem exponit S. R. Autor, quam per incarnationem filii Dei denuo acquisivit genus humanum. Eam autem minime eo usque extendi vult ille, ut colligere inde liceat, mundum hunc, in quo tantum ubique malorum, seu peccatorum est, ut bona, quæ sparsim hinc inde existunt, vix in censum veniant, (quæ ipsius verba sunt p. 192) melio-

meliozem eo esse, qui omnis vitii, omnisque labis expers est. Monet simul, Viros quosdam doctos, qui nostratate id ipsum asserere non dubitarunt, ad causam suam tuendam hoc quoque trahere, quod tristissimum hominum lapsum incarnatio Christi secuta sit, quæ decus ingens atque ornamentum huic, in quo peccata sunt, attulerit mundo, quo cavendum contra fuisset mundo, labe nulla atque vitiis contaminato. Ipse vero, rejectis Scholasticorum quorundam cominentis, alio modo plane refragatur sententiæ commemoratæ. Existimat enim, si comparatio inter mundum omnis vitii expertem, & eum, qui peccatis contaminatus est, instituat; in hac non ad solos credentes, aut electos, sive eos, qui beneficiorum, Christi incarnatione partorum, participes fiunt, sed ad omnes omnino homines, qui hunc mundum constituunt, respiciendum, & tum demum, an hic illo melior præstantiorque dici queat, dijudicandum esse. Ita manifestum fore, putat, dignitatem istam, quæ ex incarnatione Christi non nisi ad credentes redundat, etsi in se maxima & pro summo Numinis beneficio reputanda sit, non tamen ejusmodi esse, ut in censum venire queat, cum de utriusque mundi collatione pronuncianda sit sententia. Obverti quidem, ait, verba illa ex hymno quodam Romanæ ecclesiæ:

*O certe necessarium Adæ peccatum,  
Quod Christi morte deletum est!  
O felix culpa, quæ talem ac tantum  
Meruit habere redemptorem!*

Sed monet simul p. 195, quod de necessario Adami peccato hic dicatur, illud ceu ὑπερβολικὸς a poeta dictum, emollitione quadam & explicatione indigere, si quidem admitti debeat. *Culpam* autem eam *felicem* dici posse ita, ut tamen hoc remaneat, feliciorem adhuc futuram fuisse humani generis conditionem, si ejusmodi non opus habuisset redemptore: uti felix quidem dicendus ægrotus, cui fidelis & peritus se offert medicus, qui ipse tamen felicior haud dubie, si, perpetua gaudens sanitate, medico non indigeret.

**E**T si rectius forte facturi videbamus, si quidem operis hujus tum demum suscipere recensioem, cum ad umbilicum perductum fuerit, non possumus tamen, quin prioris etiam hujus Tomi, tanquam primordii cujusdam, mentionem injiciamus, simulque promittamus, nos reliquas præclarissimi operis partes, quam primum in lucem exierint, indicaturos, vel potius pro merito laudaturos esse. Maxima vero præsentis Tomi I portio eruditissimis constat Prolegomenis. En tibi, Lector, primi eorum libri capita: 1 de rebus conditionem Johannis naturalem & civilem extra Apostolatam concernentibus, 2 de vocatione, & Apostolatu Johannis ante exaltationem Domini gesto, 3 de rebus Johannis usque ad secessum ejus ex Judæa in Asiam, 4 de rebus Johannis post adventum in Asiam usque ad reditum ejus ex Insula Patmo, 5 de rebus Johannis post reditum ejus ex Patmo usque ad mortem ejus. 6 de Johannis morte, & post mortem honoribus, 7 Historia Critica de scriptis Johannis, excepto Evangelio. Facile conjici potest, quam larga hic doctissimarum observationum seges reperiatur. Nos unum tantum alterumque argumentum, speciminis causa, & ut lectorem ad ipsam operis perustrationem magis invitemus, adducturi sumus in medium. Sic Celeberr. Autor statim sub initium fabulas circa vitam Johannis ita commemorat, ut, quam diligenter sibi ab iisdem cavere velit, significet. De temperamento Evangelistæ nostri sobrie inquirat, & tandem statuit, fuisse illud sanguineo-phlegmaticum: qua de re alii videant. In laudes Johannis ubi effunditur, non retinet naves illius. In primis autem accurate docet, Johannem Theologum non fuisse diversum a Johanne Evangelistâ, uti quidem Cl. Heumanno ob causas nonnullas persuasum fuit. Tacemus alia, pulchra illa, & maximi momenti, sed rectius ex ipsis his Prolegomenis

F. 15.

32 sq.

119 sq.



gomenis haurienda. Alter eorum liber itidem VII absolvitur capitibus, nempe 1 de Johanne, vero Evangelii Autore, 2 de Historia temporis, loci, aliarumque circumstantiarum, quibus Evangelium hoc conscriptum est, 3 de examine variarum sententiarum de scopo Evangelii, 4 de vero illius scopo, & œconomia, 5 de Θεωπνευσία ejus, & autoritate, 6 de Commentatoribus in Johannem, 7 de Autoris nostri instituto, & totius Evangelii analysi. Sed opus est, ut ipsa hæc adeat Prolegomena, qui multiplicem Autoris doctrinam cognoscere cupit. Ipsa, quam Tomus hicce I complectitur, Exegesis ad quatuor priora Evangelistæ nostri capita pertinet. Hic primo videas cum generalem, tum specialem analysin, qua quidem posteriori comprehensus deinde est tantum non universus Commentarius. Reliqua Notæ exhibent largiores textui subjectæ. Præcipuam sibi curam fuisse Autor fatetur, ut literalem, quem vocant, sensum indagaret; verumtamen multus quoque est in sensu mystico & allegorico facunde exponendo. Tum vero veritates quoque Theologicas diligenter eruere conatus est, licet in his complures sint peculiare Reformatorum hypotheses, quas tuetur & defendit. Nos illud certe non possumus non laudare, quod magna Autor, usus sit & diligentia & modestia. Quare maximopere optamus, ut prope diem reliqua volumina prodeant in lucem, quorum rationem habituri sumus ita, ut ne specimina desiderare Lector possit.

*MARTINI FRISII, D. PROF. THEOLOGI,  
Fundamenta Theologiæ Theticæ, selectioribus dictis probantibus eorumque, ubi opus est, exegeſi, & observationibus præcipuis instructa.*

Hamburgi, apud Theodorum Christoph. Felginerum, 1724, 8.

Plag. 18.

**S**Unt hæc Cl. Frisii, Professoris Theol. in celebri Holsatorum Academia Kiloniensi primitiæ: quibus universum Theologiæ, quam theticam vel positivam vocare solent, ambitum dilucida quadam brevitate tradit, ea tractandi ratione ac methodo usus, quæ argumento maxime accommodata imprimisque

Mmm 3.

docendo.

docendo apta esse videtur. Ordinem vulgo receptum in digerendis rebus Theologicis sequens, succinctis thesibus doctrinam proponit, subjunctis unicuique observationibus, quibus obscuriora illustrare, lucemque difficilioribus afferre studet. Selectioribus Scripturæ dictis in promptu habendis, recte intelligendis, prudenterque applicandis potiore Theologiæ Theicæ partem absolvi ratus Clar. Autor, præcipuam eo curam direxit, ut, qua opus est, perspicuitate potiora Scripturæ dicta, in medium producta, explicet & applicare doceat. Inutiles longiusque petitas quæstiones, quibus Scholastici imprimis delectantur, penitus omisit. Terminis ac distinctionibus, non adeo magnam utilitatem promittentibus, consulto abstinet. Ceterum eo consilio se hoc compendium evulgasse dicit, ut auditoribus suis ejus ducta Theologiam deinceps explicet. Memorat etiam in præfatione Cl. Autor, se in hac manu ductione duos illos magni nominis Theologos, Wandalinum ac Jägerum, publicis privatisque Scholis a se explanatos, passim illustrasse. Denique in animo se habere, ait, ut Cl. Jägeri Theologiam fœderalem propediem, sub titulo: *Jägerus illustratus, emendatus & auctus*, denuo in lucem edat.

**DEMONSTRATIO DEI EX VOCE ANIMALIUM,**  
*publico antea examini in Academiâ Kiloniensi subjecta,*  
*nunc vero plenius exposita a M. ANDR.*  
**MURRAY.**

Hamburgi, sumtu Theod. Christ. Felgineri, 1724, 8.  
 Plag. 7.

**C**Um alii ex aliis naturæ operibus, Deum existere, eumque ens esse omnium sapientissimum, demonstrarint, Cl. Autor, in Academia Kiloniensi docendæ Juventuti deditus, aliisque scriptis clarus, id potissimum hic agere instituit, ut e voce animalium Deum evincat, novo quasi argumento a nemine hactenus tentato. Varia in genere præmittit de natura vocis, deque illius per aerem intervenientem formatione & laryngis ad eam producendam necessaria agitatione; hinc §. 9 investigat, num aliud quid ad vocem excitandam concurrat, & §. 10 mentis imperium

eo concurrere ostendit. Imprimis §. 11 eorum de vocis formatione opinionem examinat, qui cum Illustri Leibnitzio præstabilitam quandam animi & corporis harmoniam tuentur; nonnullasque affert rationes, quare illi sententiæ minus accedere possit. Demonstratur porro §. 12, quasdam voces sine mentis imperio produci videri, & §. 14 inquit, num vox bestiarum alia ratione quam hominum efformetur, tum §. 15 & seqq. varias vocis modulationes variumque pronunciandi modum explicat. §. 23 de vocis hominum natura edisserit: §. 26 quodvis bestiarum genus propria gaudere voce ostendit: §. 27 rationem affert, cur aves præ quadrupedibus voci imitandæ aptæ sint, & disquirat, num præter imitationem singulis animantium generibus peculiaris vox maneat: tum §. 29 sqq. ut vel ratione sexus, vel ætatis, vel constitutionis corporis, vel morum animi differat vox hominum: §. 36 sqq. quomodo affectus, morbi, alimenta, somnus, motus, aer vocem inflectere varieque mutare possint, tempus item & locus in voce quid valeant, exponit. Ad usum inde & efficaciam vocis tum hominum tum brutorum procedit. §. 45 & §. 52 seqq. quid partim naturales affectuum voces, partim sermo, partim musica in percellendis ac commovendis hominum animis possit, indicat. Hic inter alias præstantissimas utilitates, quas præstat hominum vox, eam quoque connumerat, quod valetudinem nostram in bono statu conservet, sanguinis cursum motumque circularem, qui facile silli ac impediiri posset, adjuvando. §. 58 concedit quidem, anni & dierum tempora, ut & aeris flatum, ex bestiarum voce colligi ac comperiri: sortem vero rerum humanarum futuram voces bestiarum indicare, negat. Minime quoque ad vim vocis ruinam illam incenium Jerichuntis referendam esse docet §. 60. Tandem §. 61, quinam autor sit vocis, investigat, & §. 63 seqq. non homines, multo minus bestias vocis suæ esse autores, probat, tum §. 66 refutat eos, qui infinitam causarum seriem effingunt. Demonstrat inde, ex ipsa voce patescere, Deum esse causam primam vocis, & §. 72 ex eo, quod Deus autor vocis, sequi, ostendit, 1 esse ens necessarium, 2 per se existens, 3 æternum, 4 ubique præsens, 5 incorporeum. Postremo §. 79 docet, ex mirabili illa vocis formatione, ad quam formandam aer, organa corporis & anima

& anima concurrant, ex artificiosissima item organorum, quibus vox perficitur & moderatur, structura, ex eo porro, quod vel solo mentis nutu organa vocis moveantur, denique ex multitudine, varietate & fine vocis immensam Creatoris sapientiam abunde probari. In quibus omnibus ita Cl. Autor Lectori satisfecit, ut & in Physicis rebus & Theologia, imprimis naturali, non leviter versatum esse pateat.

*PETRI CUNÆI, ELOQUENTIÆ ET JURIS  
Rom. quondam in Academia Batava Professoris, & Doctorum Virorum ad eundem Epistolæ, quibus accedit Oratio  
in obitum BONAVENTURÆ VULCANII,  
nunc primum editæ cura PETRI  
BURMANNI.*

Leidæ, apud Petrum vander Aa, 1725, 8.

Alph. 1 pl. 5.

**Q**ui jam dudum orbem eruditum omnis generis Scriptores in lucem protrahendo sibi devinxit Vir Celeb. *Petrus Burmannus*, non minorem laudem promeritus est, cum has optimi & elegantissimi Viri *Petri Cunæi Epistolæ* diu desideratas publici juris fecit. Etenim quicumque solidam eruditionem, & interiorum litterarum peritiam, quibus abunde instructus erat Cunæus, vel obiter cognoverunt, illi omnia, quæcunque ab ingenio Cunæi provenerunt, non possunt non adamare. Jam natura ita comparatum est, ut hominum, quos veneramur aut amamus, vitæ genus, mores, fata & quicquid ad eos pertinet, propius nosse cupiamus: quod unde melius discemus, quam ex Epistolis eorundem? Verum & ipsæ litteræ, maxime vero Historia litteraria ex hujusmodi monumentis haud exigua emolumenta capit: siquidem nunquam minore ambitione, nunquam minore libidine viri ingenui res suas agunt, quam per Epistolæ. Hinc Ephemeridum atque Vitarum conditores ad hæc opuscula certatim convolare videas: alii vero, tacita voluptate sese oblectantes, interiorum clarorum virorum vitam ex iis discere, non in ultimis remissionum eruditarum partibus ponere solent. Hæc causa est, quare



quare Præstantissimus Burmannus communem applausum sibi possit promittere. Sed Germaniæ nostræ longe acceptissimum accidit hoc beneficium. Pervulgatum quippe est, quanto favore *Orationes Cunæi* & reliqua opuscula, *Satyræ* inprimis Menippeam, nec non libros de *Rep. Hebræorum* exceperit. Hodieque vero in multis scholis *Orationes* juventuti explicantur: & forsitan similis aliquando fortuna erit *Epistolarum*. Atque utinam vel sic præsidium elegantioribus litteris daretur: quæ, si unquam alias, his certe temporibus passim afflictæ jacent. Nam quis antea inaudivit, pro Virgilio, Buchananum; pro Terentio, Terentium Christianum, & (rem dicimus, sed

- - - ficti quam nulla licentia monstri

Transierit)

pro Cæsare, Augustanæ Confessionem in scholis Latinitatis auctores publice constitutos esse. Horum omnium locum, parabili magis venia, P. Cunæi scripta tenere possent: tam nitida æ tersa eloquentia referta sunt. Quod tamen ne temere suadeamus, facit primarium illud commodum, quod ex solis vetustis scriptoribus hauriri potest, cognitio genii, sive analogiam dicere velis, linguæ, & qui inde maximam partem pendet, usus interpretationis: eam autem nunquam magis corruptam vidimus, quam ubi præposterii homines, qui dictionis naturam & inde manantem sensus varietatem ignorabant, eam aggressi sunt. Sed reprimimus nos, cum hanc rem latius exsequi non sit propositum. P. Cunæi *Epistolis*, de quibus dicere locus admonet, omnium familiarum eruditi cum utilitate sua fruentur. Ac illud quidem paucis docebimus. *Epistola* statim VIII cum Apollonio Scotto noster Cunæus pererudite agit de loco quodam sacrarum litterarum ex Ecclesiaste, adductis etiam atque examinatis Rabbīnorum opinionibus. *Epist.* XIV Chronologica tractat, & specimine eleganti docet, fuisse Nostro aliquando propositum ex ipsis historiarum monumentis, non ex Chronologorum placitis, temporis quandam rationem eruere, eamque cum temporibus sacrorum librorum comparare: quanta autem difficultate illud sit obseptum, proxima epistola declarat. *Vigesima* respondet Scottus ad dubia Cunæi circa sententiam Papiniani, quod

exheredatio emancipati, rursus arrogato tamen noceat: & ex Epist. XXIII liquet, quod Noster in tractatione quadam *de his, quæ sunt juris & facti*, & alia *de fructibus* versatus sit. Atque hujus generis plures sequuntur. Eximia est Epist. XXVIII, quæ narrat primò, quod a legatis Synodi propter scripta sua, maxime propter Satyram, sit conventus, quibus vero consilium dederit, ut unus ex illis per litteras declararet, quæ Theologis viderentur improbanda: iisque suam defensionem sese adjecturum, ut postea utraque epistola conjunctim lucem adspiceret. Quo loco acerbam de Daniele Heinio querelam immiscet, quem maxime adversarium in eo negotio expertus erat. Et additur sane Epistola *Balthasaris Lydii*, Deputati Synodi Australis Hollandiæ, qua vitia & errores scriptorum Cunæanorum non sine dente & felle enumerantur. Ex. g. reprehendit, quod in Satyra scripserit, *leve & venia dignum est mentiri*; se velle *finis scientiæ paullo longius, quam natura voluit, extendere*, idque vocat meram vanitatem; quod scripserit, *locum singularem esse defunctorum eruditorum*. Taxat porro ipsum titulum *Sardi Venales*, quasi eo professus esset autor, Theologorum alium alio esse nequiores: quæ interpretatio nihil habet vitii, nisi quod optimo Cunæo non adeo singularis, sed latior, animo federit. Sed aerius carpit, quod exciderit Nostro: *contentionem inter Theologos ortam de fato, re anili & plena superstitionis*, & multo plura, quæ longum esset enumerare. Notat etiam Præfationem in Cæsares Juliani, qua huic aliquot laudes impertiverit, quibus indignus sit, & in aliter sentientes paullo ferocior fuerit. In libris de Rep. Hebræorum tria carpit: 1 opinionem de Melchisedeco, 2 quæ de fide Israelitarum nimis laxa, & 3 quæ de formulis fidei, contra mores sæculi, scripserit. Cunæus noster his omnibus modestissimis litteris suis inde a pag. 61 usque ad pag. 74 respondet: ita quidem, ut pleraque vindicet; quædam tamen ex Theologorum voluntate corrigat; de omnibus autem pronunciet, velle se, quid quemque offendere posset, iterata editione omittere. Quæ utrum ex animi sententia scripserit, nostrum non est inquirere. Scimus tamen, multa per fervorem ætatis adolescentibus excidere consuevisse, quæ ipsi provectionis ætatis nollent scriptæ

scripta: si modo attendere didicerunt, quid usus vitæ, religio & salus publica, his moribus, exigit. Epist. XXXVII Franciscus Junius mentem suam aperit super quæstionem: an Adamus toto illo centum & triginta annorum spatio (quo demum Genes. IV dicitur genuisse Schethum) nullam aliam, præter Hebelum & Kajinum, prolem suscepit? & adfirmando respondet: simul docet, quid per imaginem Adami, ad quam Schethus genitus esse dicitur, intelligatur. Mox pag. 85 comparet monumentum Jo. Drusii Jo. Fil. qui anno ætatis suæ primo & vigesimo extinctus est, ibi vero eruditissime cum Nostro agit de verbis quibusdam R. Salomonis, aliisque ejusdem generis. Sequuntur cum alix, tum Hug. Grotii & Nostri mutux Epistolæ, ex quibus advertebat nos Epist. LIX, qua, occasione duarum Dissertationum Buchneri, de eruditione Germanorum lepide judicat Cunæus. Deinde epist. LXII & LXIII Petro Bertio loca duo Scripturæ S. ex I Sam II & Genes. XV recte interpretatur. Epist. LXXXII de Jubilæo Hebræorum Willebrordus Snellius opinionem suam proponit, qui & proximis epistolis eruditas quæstiones tractat. His subjunctæ sunt Buxtorffiorum & Cunæi mutux, quibus quid agatur, qui Cunæi peritiam Hebræicæ linguæ perspectam habent, facile divinabunt. Ex his, quas ad Benjamin. Auberium Maurerium, Galliarum Regis ad Fœderatos Belgas legatum, scripsit, memorabilis est Epist. CXVIII, qua censuram exercet, satis acerbam, in Dan. Heinsii Gratulationem de fœdere inter Venetos & Belgas inito. Non prætermittenda vero Epist. CXLI, quæ est Bernhaldi Sutholtii ad Cunæum, postquam in castra Romano-Catholicorum erat transgressus. Multa ibi de consilio suo, ita, ut sese sperare scribat, Cunæo aliquando idem placitum: *nec enim, inquit, adduci possum ut credam, ei, qui in antiquitate qua ecclesiastica, qua prophana, tam diligenter versatus est, improbari posse religionem catholicam.* Præterimus & multas alias, & quas Noster cum Hectore Bouricio, Niportio, Bachovio, Bronchorstio, Camerario, Meursio, Lindenbrogio, commutavit. Plures sunt, quas Barleao scripsit & ab illo accepit, quibusque & litteras, & eorum temporum statum, & privatas cujusque res valde illustant. Cum Henrico de Frisen commercium habuit lit-

terarium, ut pag. 327 sqq. videre licet. Epistola CCCV, quæ est ad Jo. Fred. Gronovium, egregie vindicat leg. 23 D. de R. J. ubi Gronovius pro verbis: *in his quidam & diligentiam*, corrigere tentarat: *in his quidam & negligentiam*: simul Gronovium hortatur, ut magis magisque Jurisprudentiæ tractationem capessat, atque, non dicis aut ostentationis causa, sed serio & bona fide totum se huic scientiæ dare velit. *Nihil*, inquit, *tibi aut ad nominis famam, aut ad vitæ plurima commoda, poterit esse fructuosius*: ejus rei Cunæus etiam Epist. XXXIII mentionem fecit. Atque hæc de Epistolis. In calce additur *Oratio, Cunæi in obitum Bonav. Vulcanii*, propter quam Noster indigna multa perpeffus est; usque adeo, ut concionator quidam in eum publice declamaverit, & ultricibus furiarum infernarum pænis dignum esse, affirmare non dubitaverit. Sed quam ob causam? quod nihil ea oratione de Christo, de pietate aliisque hujusmodi dixerit. Concionatorem illum pro merito depexum dedit Cunæus Epist. LXXVIII, quam omnino lege, addita Epist. LXV: unde facile constabit, per errorem Typographicum indicem dictæ Orationis præferre, habitam eam esse *Anno cl. lxxxv*. Hinc jam patet, quantum debeamus *Optimo Burmanno*, quod has delicias nobiscum communicaverit. Sed non solum communicavit, verum etiam ornavit. Nam etsi non eo splendore prodeant hæ Epistolæ, quo Grotii, Vossii, Casauboni aliorumque sese commendare possunt: alia tamen habent non minus grata & accepta. Addidit nempe passim Celeb. Burmannus adnotationes, quæ historiam privatam ac familiarem illustrant. Sic pag. 25 docet, qualis dissertatio intelligatur, de qua Scottus non satis æque judicat: pag. 46 diritatem temporum illorum ex Actis Academicis aliisque monumentis sistit, quum multi Professorum, Arminianisimi suspecti, adnitentibus Theologis, muneribus publicis privati sunt. Ex similibus documentis plura videbis p. 134, 174, 189, 192, 229, 314, 326, 328, 359, 384, quæ, ut integram inde capias voluptatem, delibare non est consilium. Quisquis vero es, qui hæc epulis te saturabis, si litteras vere amas, Burmanno bene precari memento.



MENSIS OCTOBRIIS A. MDCCXXV. 469  
JO. FRIDER. WEIDLERI INSTITUTIO-  
num Mathematicarum Editio secunda,

Wittenbergæ, apud Georgium Marcum Knochium, 1725, 8.

Alphab. 2 plag. 12 fig. æri incis. plag. 6.

**L**iber hic primum A. 1718 in lucem prodiit, & eodem anno mense Junio in his Actis nostris p. 283 laudatus est. Autor ejusdem Cl. qui ex illo tempore excolendæ ulterius Mathesi operam navavit, cum in Institutionibus suis Mathematicis passim selectiora aliqua ad solidiorem scientiarum explicationem spectantia monita adjici posse animadverteret, editione hac secunda talia afferenda & nonnulla alia mutanda censuit. Præcipue vero in Astronomia, Geographia, Chronologia & utraque Architectura, integra sæpe capita denuo elaboravit, novisque figuris instruxit, ut librum docendis ad ejus ductum Mathematicis disciplinis aptiorem redderet. Ita mox in oculos incurrunt mutationes sequentes. In Astronomia p. 363 sq. tabulæ Solares, p. 373 tabula æquationum temporis, p. 385 uberius motuum Lunarum explicatio, leguntur. Cap. 5 & 6 Theoricæ plurimas quoque mutationes subiisse manifestum est. In Architectura civili p. 655 sq. artis tignariæ, & sectionis lapidum elementa, p. 705 descriptionem orthographiæ ædium internæ, & alia deprehendimus, ut longe plura similia prætereamus. In fine, præter logarithmos numerorum vulgariū, & sinuum ac tangentium, qui in prima editione habebantur, ipsi sinus & tangentes in secunda accesserunt. Pag. 646 promittitur Geometriæ subterraneæ tractatio, propediem vulganda, quæ quin grata eruditis futura sit, minime dubitamus.

\* \* \*

*Est supra Mense Martio hujus Anni p. 114 Cl. Danielis Bernoulli Explanationem notationum suarum Supplementis inferre constitueramus, attamen, cum illa in Sectione I Tom. IX Supplem. nuper edita locum invenire non potuerit, & altera Sectio diutius forte nobis differenda sit, opera pretium nos facturos putavimus, si eam hoc loco Lectori exhiberemus.*

Nnn 3

DANI-

## DANIELIS BERNOULLI EXPLANATIO

Notationum suarum, quæ exstant Supplem.

Tomo VIII Sect. II.

PRIMUM, quod obiter notavi in Riccatianis Animadversionibus, versatur circa æquationes (B) ac (D), quas æquali fere facilitate integrari observaveram, ac propterea vix conciliari posse verba Cl. Riccati, quibus posterioris integrationem *majus artificium postulare*, prioris vero *nullo negotio* absolvi asserit, atque hoc pacto fieri transmutationem formulæ (B) in alteram (D) quodammodo inutilem, utpote quam non alio instituit sine, quam ut posterioris integratio fieret magis ardua: utque annotationem meam suffulcirem, ostendi, quam facile sit æquationem differentialem secundi ordinis (D) ad simpliciter differentialem reducere. Quid vero in ista reductione desiderandum sit, prorsus ignoreo, nec adeoque video, quo titulo, me actum egisse, dicere queat Doctissimus Riccatus in sua appendice. Quod si ipse insignis Vir loco formulæ (D) aliam dedisset, sui integrationem deusiori velo occultantem, non solum extra memoratam se positurus fuisset censuram, sed & simul melius ingeniosissimæ suæ methodi æquationum reducendarum præstantium manifestaturus, hocque unicum fuit, quod desideravi, dum dicerem, *recte quidem asserit Ill: Riccatus, sapissime difficulter methodo, quam vocant a priori, integrari, cujus integratio a posteriori nullo negotio exhiberi potest: sed exemplum, quo illud probare contendit, scopo, quem habet, non sat bene respondere videtur*: quæ verba non ita interpretanda velim, ut fecit Cl. Riccatus, quasi nimirum credidissem, scopum primarium ipsi fuisse, exemplo monstrare, quam difficile sit *a priori* integrare formulas, quarum integratio *a posteriori* constat; facile enim quilibet perspicere potest, Virum Acutissimum in animo habuisse ostendere, quomodo dignosci ab invicem queant æquationes differentiales secundi gradus, quæ pro sua reductione constantis positione opus habeant vel non habeant; optimeque instituto suo præcipuo defunctus est. Attamen hoc non impedit, quin digressionem illam, qua æquationi (B) aliam inducit formam, videatur eo fine fecisse, ut novam exhiberet formam.

formulam, veluti (D) majus integrationis artificium postulante & cujus simul integratio a posteriori pateret: nec male hic applicantur verba ipsissima Cl. Riccati: *dum synthetica via insistimus, ea difficultates, de quibus sermo erit, vix occurrunt, quae tamen evitari nequeunt, si problema aliquod proponatur secunda elementa involvens & analytica methodo procedendum sit.*

Non credidissem, hanc meam in Riccatianas Animadversiones annotationem, ipsum Riccatum parum vel nihil offendentem, tanta explicatione indigere, nec illam dignam existimassem, de qua vel verbulo mentionem moverem, nisi magnam partem Doctiss. Riccati appendicis in ipsius refutationem collineare vidissem:

Secunda mea notatio indicat errorem, quem ex inadvertentia in animadversiones Riccatianas irrepsisse, atque corrigi posse, dixi, si pro  $x$  scribatur  $x^2$ , ubi per  $x$  intelligitur numerus, cujus logarithmus est unitas. Hic conqueritur Cl. Riccatus in appendice sua de mea sincera agendi ratione, inquires, tales errores corrigendos esse, non notandos. Mihi sane videor id ipsum fecisse, quod desiderat; correxi enim errorem eundemque indicavi, non notavi, expressis innuens verbis, errorem irrepsisse ex inadvertentia; melius meo quidem iudicio fecisset confitendo talem inadvertentiam, nec summis Viris ignominiosam, quam errorem attribuendo oscitantiae in exscribendo; vix enim verisimile est, in eundem calami errorem bis incidere, atque dum se ab inadvertentia purgare conatur, obscuritatis se accusat: nam si loco unitatis scripisset litteram  $e$ , denotandam fuisset, quid intellectum velit per litteram illam a novo introductam & mox aliam significationem accepturam, in sequentibus enim per  $e$  intelligit quantitatem quamcunque constantem.

Tertia mea in Doctissimi Riccati animadversiones notatio pertinet ad ipsius demonstrationem, qua ostendere sibi proposuit, formulam  $-ddy = dy^2$  logarithmicam repraesentare. Nemi certe demonstrationem illam perlegenti suspensionem non movebit Cl. Riccatus, se in illa id ipsum supposuisse, quod ostendere sibi proposuerat: unde mihi videor non absque ratione indicasse, latere petitionem principii in demonstratione Riccatiana.

Verum.



Verum ipsa demonstrationis verba secundum Auctoris mentem correctâ transcribam; *remanet*, inquit Cl. Riccatus,  $-ddy = dy^2$ , vel  $-ddy; dy = dy$ , & integrando  $\log. dx : dy = y$ , vel  $dx : dy = c^y$ , hoc est  $dx = c^y dy$ , & tandem  $dx : x = dy$ , quæ æquatio dat Logarithmicam vulgarem.

In hujusmodi demonstrationibus, ni fallor, quælibet æquatio ita ex præcedenti deduci debet, ut deductionis principium sit simplex & omnibus obvium: hoc ipsum in memorata demonstratione egregie observatur; ubique enim talis inter duas proximas æquationes elucescit connexio, ut transformationis fundamentum simplicissimum sit atque vel primis tyronibus obvium. Quis itaque non eodem modo comparatas judicet duas ultimas æquationes  $dx = c^y dy$  &  $dx : x = dy$ , atque credat, unius opus esse per se clara substitutione, ut ex priore habeatur formula posterior? Hoc autem si sit, necessario transformationis fundamentum est suppositio æqualitatis inter  $x$  &  $c^y$ ; etenim diviso primo æquationis penultimæ membro per  $x$  & altero per  $c^y$  obtinetur æquatio posterior, unde manifeste ponitur  $x = c^y$ , quæ æquatio Logarithmicam repræsentat, adeo ut in Riccatiana demonstratione ad ipsum supponatur, quod est in questione.

Expositam meam notationem ut eluderet Riccatus, querit, *quomodo hariolari potuerim, se ad deductionem processisse non nisi subrogando  $x$  pro  $c^y$ ?* Hariolatione sane opus non est, ubi sola contemplatio demonstrationis sufficit: nisi enim longam multarum substitutionum concatenationem instituere velit, nunquam formulam  $dx = c^y dy$  transire faciet in alteram  $dx : x = dy$  absque petitione principii; talem vero transformationum seriem, si tanquam notam & obviam ponere velit, tota demonstratione super sedere potuisset: nam longe magis obviam prætransitionem primæ formulæ in penultimam, quam hujus in ultimam. Vitio itaque petitionis principii si libera esset demonstratio, insigni defectu laboraret. Sed huic sive vitio sive defectui optime medetur Vir Eruditissimus in appendice sua, ubi demonstrat *identitatem* inter æquationes  $dx = c^y dy$  &  $dx : x = dy$ , quam equidem demonstrationis partem male ante omissem esse (si modo, ut dicit, consulto omisit) ex eo constare potest, quod



illa sola multum excedat reliquum demonstrationis. Quod si forsan nimium & intempestivum brevitatis studium omissionis illius causa fuerit, potuisset eadem brevitatem & iisdem fere verbis totam demonstrationem absolvere (nisi forsan Paternorum scriptorum allegationem fastidisset) hoc modo: *remanet*  $-d dy = dy^2$ , vel  $-d dy: dy = dy$ , & integrando  $\log. dx: dy = y$ , vel  $dx: dy = cy$ , hoc est  $dx = cy dy$ , & rursus integrando  $x = cy$ , (est enim  $cy dy = dcy$ , vid. Act. Lips. 1697 p. 129.) qua aequatio dat Logarithmicam ordinariam; vid. Act. cit. p. 132.

Sed relictis his cum nimis trivialibus, tum parum ad analysis perfectionem contribuentibus, propero ad solutionem elegantissimi problematis Riccatiani, quam in Act. Lips. promisi.

### SOLVTIO PROBLEMATIS RICCATIANI propositi in Act. Lips. Suppl. Tom. VIII p. 73.

**P**roblema a Cl. Com. Jac. Riccato propositum paucis immutatum ad hanc simpliciore formulam reduci potest (A)  $ax^n dx + u u dx = b du$ , in qua valores exponentis  $n$  determinandi sunt, ut succedat indeterminatarum separatio, & aequationis constructio per solas quadraturas. Solutioni sequentia duo Lemmata praemitto.

**Lemma primum.** Si formula (A) separationem indeterminatarum admittit in casu ( $n = m$ ), admittet quoque in casu ( $n = -m: m+1$ ).

**Demonstr.** Posita  $u = y^{-1}$  &  $du = -y^{-2} dy$ , transit formula (A) in hanc aliam  $ax^n dx + y^{-2} dx = -by^{-2} dy$ , qua multiplicata per  $yy$  atque transpositis duobus primis terminis habetur  $dx + ax^n yy dx = -b dy$ , in qua ultima formula po-

$$\text{natur } x = s \quad \& \quad dx = \frac{1}{n+1} s \quad ds \quad \& \quad \text{habebitur } \frac{1}{n+1} s \quad ds$$

$+ \frac{1}{n+1} yy ds = -b dy$ , quae formula cum similis sit formulae (A) atque ex hac originem duxerit, manifestum est, quod si casus ( $n = m$ ) reddat formulam (A) separabilem, alterum casum ( $-n: n+1 = m$ ) seu ( $n = -m: m+1$ ) idem esse praestitutum. Q. E. D.

O o o

Lemma

**Lemma secundum.** Si formula (A) separationem indeterminatarum admittit in casu ( $n=m$ ), admittet quoque in casu ( $n=-m-4$ )

**Demonstr.** Posita  $u = -bx^{-1} + x^{-2}y$ , &  $du = bx^{-2}dx - 2x^{-3}ydx + x^{-2}dy$ , transit formula (A) in hanc aliam  $ax^n dx + bbyx^{-2}dx - 2bx^{-3}ydx + x^{-4}yydx = bbyx^{-2}dx - 2dx^3ydx + bx^{-2}dy$ , seu  $ax^n dx + x^{-4}yydx = bx^{-2}dy$ , in qua, si multiplicetur quilibet terminus per  $xx$ , habetur  $ax^{n+2}dx + x^{-2}yydx = bdy$ ; In hac posteriori formula ponatur  $x=s^{-1}$  &  $dx = -s^{-2}ds$ , ut habeatur  $-as^{-n-4}ds - yyds = bds$ , quæ formula cum rursus similis sit formulæ (A), simulque hæc in illam transire possit, palam est, quod si formula (A) separationem indeterminatarum admittit in casu ( $n=m$ ), eandem quoque separabilem fore in casu ( $-n-4=m$ ) seu ( $n=-m-4$ ) Q.E.D.

Præmissis hisce duobus Lemmatibus nullo negotio jam ipsa problematis solutio obtinetur. Considero hunc in finem, quod existente in formula (A)  $n=0$ , separatio indeterminatarum succedat dividendo tantum formulam per  $a + uu$ ; primus itaque separabilitatis casus est ( $n=0$ ) qui per Lemma secundum alium separabilitatis casum dat ( $n=-4$ ), cujus ope per Lemma primum obtinetur iterum novus casus ( $n=-\frac{4}{3}$ ), qui rursus per Lemm. sec. convertitur in ( $n=-\frac{16}{3}$ ), & sic alternando applicationem Lemmatum duorum in infinitum semper novi deteguntur valores pro exponente  $n$ , qui omnes continentur in formula catholica  $n = \frac{-4c}{2c+1}$ , ubi  $c$  significare potest quemcunque numerum integrum sive affirmativum, sive negativum. Q.E.D.

Apparet ex his, præsens problema Riccatianum esse curiosissimum, idemque habere præ reliquis quæstionibus in difficilissima hac materia proponi solitis particularem elegantiam simul ac utilitatem; mirari proin subit, nullam hucusque in Act. Lipf. solutionem hujus problematis comparuisse. Interim in solutione nostra quædam notanda veniunt.

Infinitos separabilitatis casus continet formula (A), nec tamen generalem suarum indeterminatarum separationem admittit, iuno vix possibile reputo vel unum casum in formula nostra catho-

catholica non contentum eruere; si vero talis inveniri particulari quadam methodo posset, ille solus infinitos alios suppeditaret, non secus ac primus casus ( $n=0$ ) infinitorum origo fuit.

Omnes separabilitatis casus a nobis determinati negativi sunt, atque angustos habent cancellos 0 &  $-4$ , quos nunquam transgrediuntur; assumpto autem numero  $c$  infinito, fit  $n=-2$ , adeo ut hisce vestigiis insistendo non nisi per infinitas substitutiones in formula (A) indeterminatas separare liceat, posita in illa  $n=-2$ , sed aliis methodis facillime id obtinetur. Si enim in formula  $ax^{-2}dx + uu dx = b du$ , ponatur  $u = y^{-1}$  (ut in Lem. 1) fit  $ax^{-2}dx + y^{-2}dx = -by^{-2}dy$ , in qua constat indeterminatas separationem admittere eo, quod in singulis terminis indeterminata eandem habent exponentium summam: imo casum ( $n=-2$ ) reddere formulam (A) non solum separabilem, sed & integrabilem, Mathematicorum neminem fugit: altioris vero indaginis puto, integrationis methodum in reliquis separabilitatis casibus exhibere, quod problema solutionem admittere vix credidissem, nisi prius ex Fratre meo Nicolao intellexissem, se illius solutionis compotem esse: excipiendus tamen est casus ( $n=0$ ), in quo æquationis constructio dependet a quadratura circuli. Solutionem meam posterioris hujus problematis alia occasione communicabo, ne ipsi Cl. Riccato ultimam hanc problemati suo perfectionem dandi ansam & desiderium præcipiam.

*M. JOANNIS FARCKII SPECIMEN Historiæ Academicarum Eruditarum Italiæ. Accedit Index Academicarum Italiæ omnium.*

Lipsiæ, prostat in officina Gleditschiana, 1725, 8.

Plag. 7.

**E**Gregium Tibi, Lector, Specimen sistimus, capita nempe duo priora majoris operis de Italorum Academiis Artium & Scientiarum, quorum primum de Academiis Eruditorum Pedemontanis & Montisferratensibus, alterum de Mediolanensibus conscriptum est: quibus accedit Index subitaneus Academicarum Italiæ plusquam quingentarum, secundum alphabeti ordinem,

additis locis annisque, quibus florere vel restitutæ sunt, dispositarum. Tantum vero abest, ut Cl. Jarkius se solum hujus Prodroimi Autorem venditet, ut multa se debere profiteatur ultro tum scholis litterariis Cl. *Michaelis Richey*, Histor. & Græcæ linguæ in Gymnasio Hamburg. Prof. Publ. tum imprimis humanitati Cl. *Jo. Gottlieb Krausii*, Prof. Eloquentiæ in Academia nostra extraord. qui quæ multa diligentia eam in rem collegerat, liberaliter omnia cum Nostro communicavit; nec parum se profecisse fatetur e Bibliothecis nostris, Senatoria maxime & Menckeniana. Capite I ab extrema Italiæ parte incipiens, Augustæ Taurinorum commendat *Incultorum & Unitorum* Academies, simulque *Fulminales & Solitarios* seu *Solingos* memorat, quorum tamen aliud videtur fuisse institutum. Braydæ, quæ Pedemontii urbs est, non agri modo sed & ingeniorum, maxime Poetarum, fertilitate nobilis, inde ab aliquot annis floret *Innominatorum* Academia, Arcadiæ Romanæ Colonia, quam præter alios, Jo. Bapt. Recanatus & Jo. Bapt. Bianchus, celeberrima nomina, illustrant. Casalis circa A. 1566 *Illustrati*, a Stephano Guazzo instituti, florebant, quorum symbolum Sol oriens & Luna occidua, cum Lemmate: LUX INDEFICIENS. Plures suppeditat Caput II, Mediolani nempe, Academiam *Platonicis*, *Transformatorum*, in quibus eminebat M. A. Majoragius, *Heliconiam*, *Inquietorum*, *Arisophorum*, *Partheniam minorem*, *Intentorum*, quibus & adscripta fœmina, Isabella Andreina (nisi malis illam Papiensium *Intentis* cum Bælio vindicare) *Collegium Ambrosianum*, (cujus a Federico Borromæo instituti ratio cum Academicarum moribus per omnia convenit) Jos. Ripamontio, Octavio Ferrario, P. P. Boscha & longe pluribus illustre, *Incertorum*, a Felice Ofio, *Hermatenaicorum*, a J. P. Puricellio institutorum, *Abconditorum*, *Faticosorum*, seu Laboriosorum, in quibus hodieque multi clarent, & *Cassinianam*. Noti & illic *Arcades*, Coloniam Romanam constituentes, &, qui nuper coiere, *Palatini Socii* (quibus Scriptorum rerum Italicarum opus immortale deberi, jam sæpe in his Actis monuimus) pro Symbolo habentes natricem, quæ, flumine relicto, campos petit radiisque Solaribus se exponit, additis verbis: INCALVERE ANIMI. Nec



prætermittit Noster recentissimam Academiam Philosophiæ experimentalis, quam, ut Autoris verbis utamur, in ædibus propriis instituit doctissima fœmina *Clelia Grillo Borromæa*, Comitissæ Jo. Borromæi conjux, & æmula sororum eruditarum, *Theresia*, Camillo Pamphilio Principi nuptæ, inter Arcades *Irenes Pamiſia* nomine celebris, quæ Etrusci carminis venustate eam laudem est consecuta, ut etiam Commentario quædam ejus illustrata sint a Justiniano Pagliarino; & *Genevra* Marchioni Trevici matrimonio junctæ, ejusdem quoque Philosophiæ non minus studio, quam pura dictionis Latinæ facultate clarissimæ. Cum enim Princeps eruditissima, præter cognitionem linguarum, Etruscæ, Latinæ, Gallicæ, Hispanicæ, Germanicæ, Anglicæ, nec non quarundam Orientalium; præter Theologiæ, moralis Philosophiæ, Historiæ sacræ veteris & recentioris & disciplinarum Mathematicarum, Algebræ vero cumprimis, exquisitiorem notitiam; Philosophiæ maxime experimentalis studio ducatur, viros quosdam eruditos incendit, ut sociata opera ipsius auspiciis naturæ arcana rimarentur. Horum moderator nunc est Celeb. *Antonius Vallisnerius*, Prof. Patav. qui leges Academiæ consignavit, & quotannis congressibus Academicis se interfuturum & dissertationem historiæ naturali illustrandæ recitaturum promisit. Postremo Autor Academias & olim & nunc Mediolani florentes Architectorum, Pictorum & Musicorum subjunxit, nihil omittere eorum, quæ huc facere poterant. Nos ut specimina plura e libello paucarum plagularum proferre supervacuum putamus, id tantum monentes, quod subinde Academicorum seu Sociorum Vitæ larga manu adspargantur, ita optamus, ut opera hæc non inelegans brevi continuetur, etsi ipse quidem Autor omnem ejus pertexendæ spem in Præfatione abjecerit.

## ELOGIUM

### D. MICHAELIS FOERTSCHII.

**O**bit superiore anno, incredibili Academiæ Jenensis, vel universæ potius ecclesiæ Evangelicæ jactura, celeberrimus & ex his quoque Actis nostris notissimus Theologus D. Michael Foertschius, de quo nonnulla jam ad servandam summi Viri

Ooo 3

memo-

memoriam allaturi sumus. Editus is in lucem fuit *Werthemii* in Francis, A. C. MDCLIV, ac cura parentum, Jacobi Fœrtschii, gravissimi reip. oppidanæ Werthemensis Senatoris, ac Margarethæ, ex splendida Elwortorum gente prognatæ, in juris nominisque Christiani tabulas ex sacris undis relatus est. Qui quidem parentes optimi singularem dederunt operam, ut suo ne deessent officio in recte educando filio egregiæ indolis. Quare post rudimenta disciplinæ privatæ deduxerunt eum in Gymnasium Durlacense, in quo gravissimis ingenii formandi magistris, *Joanne Fechtio*, qui postea Academiam Rostochiensē ornavit, ac magnam nominis famam consecutus est, atque *Arnoldo* usus, eximie industriæ dedit exempla. Hinc A. MDCLXXII ad Academiam Argentoratensem accessit, & Theologis celeberrimis *B. Bebelio* & *S. Schmidio* diligentissime adfuit, omnemque honestissimam ingenii causa operam pertulit. Neque vero tum neglexit ullo modo ceterarum artium disciplinarumque cultum, sed in vario optimarum litterarum genere *Obrechtum*, *Faussum*, & *Zentgravium* duces elegit, ac præsidio Obrechtii munitus A. MDCLXXIV de censu *Augusti* non sine laude disputavit. Tandem A. MDCLXXIIX Jenam discessit, & hujus doctoribus Academicæ Museo, *Bayero*, *Bechmanno* se totum tradidit. Eadem contentione postea Helmstadii cœptum doctrinæ augendæ cursum persecutus est, *Titiumque* in primis & *Conringium* audivit. Ita magnopere confirmatus, diutius latere non potuit, sed tulit virtutis atque eruditionis præmium, cum A. MDCLXXXI munus sacerdotis in aula Serenissimi Marchionis Badensis FRIDERICI, simulque Professoris Theologiæ in Gymnasio Durlacensi provinciam impetraret. Paucos post annos in Academia Giefseni summos Doctoris Theologi honores consecutus, sua effecit virtute, ut altius adscenderet. Primo enim A. MDCLXXXIIX in locum Fechtii successit, ac summam curam sacrorum in aula Durlacensi suscepit, simul in dignitatem Abbatis Læracensis evectus. Anno vero MDCXCV Serenissimus Princeps EBERHARDUS LUDOVICUS, Dux Würtembergicus, Tubingam Nostrum evocavit ad docendam Theologiam. Cujus loci atque Academicæ tanta tenebatur charitate, ut nullis aliunde oblati

oblatis conditionibus lautissimis abstrahi se pateretur, donec tandem A. MDCCV cessit voluntati Dei desiderioque Serenissimorum Ducum Saxoniz, & in Jenensem abiit Academiam, ut principem ibi Ordinis Theologici locum ornaret. Ubi quidem omnibus gravissimis muneribus rite administrandis nullum officii genus prætermisit, ac tam pulchre, tamque assidue versatus, ut unice aliorum saluti contuluerit, nec ulla fere commoda præter curas & sollicitudines arduarum provinciarum sibi reliquerit. Magistratu quoque Academiæ quater functus est: Collegio sacro cum honore tituloque Decani sæpe præfuit, nec in his laborum partibus ullam bene merendi rationem neglexit. Propter quam munerum gravitatem licet multis variisque districtus fuerit negotiis, edidit tamen varios libros, & disquisitiones pereruditas, quibus immortalem sibi famam peperit. Potiorum commentationum nomina hæc sunt: Christianismus in Deo quietus, contra Quietistas, Germanice editus; Ambrosii de officiis libri III cum manu ductione ad philosophiam moralem, jurisprudentiam naturalem & Christianam veterum ecclesiæ doctorum; Dissertationum Theologicarum selectarum Decas, cum appendice duarum Orationum; Selectorum Theologicorum Breviarium; Controversiarum sacrarum recentiorum & nobiliorum nucleus & illustramenta; Dissertatio epistolica ad Jo. Fechtium de notitia rerum divinarum & sacrarum in irrogenito; Commentatio in epicrisin epistolicam Joach. Langii; Deductio brevis, sed fundamentalis historico-analytico-theologica de statu controversiæ circa notitias rerum sacrarum in irrogenitis, loco apologiæ repetitæ pro Dissertatione epistolica, & Commentatione; Manu ductio ad Theologiam Comparativam; Informatorium de vocatione interna, sermone vernaculo editum; Antiquitas, & vera gloria Christianismi; Responsum de unionem Protestantium a Tubingensibus proposita, quæ utraque scripta iidem Germanice prodierunt. Tacemus Dissertationes Academicas & numero multas, & gravissimi cas argumenti. Sed vitam privatam domesticamque quod attinet, habuit primo in matrimonio Sophiam Barbaram, Nobilissimi Leiblini, a consiliis Sereniss. Principis Durlacensis de ærario administrando,

filiam,

filiam, ex qua, præter tres filios, jam diu fato functos, unicam progeniit filiam Augustam Catharinam, quæ nupsit postea Viro Max. Rever. Jo. Philippo Storrio, qui Heilbrunnæ sacerdotii munus recte obiit, ac Gymnasio præfectus, in explendis curarum partibus nemini cessit, *vñ év áylois*. Alterum vero matrimonium, amissa priori dulcissima conjugē, Fœrtschius inivit cum Clara Hedwigia, Consiliarii Illustrissimorum Comitum Loevensteinensium & Werthemensium MALEY vidua, gente Hilgeria, quo quidem in exoptatissimo conjugio nil præter fecunditatem desideravit. Ea vero uxore pariter morte erepta, tertias celebravit nuptias cum Maria Christina, Elize Casp. Judelii, Med. Doct. & Physici Oppidani, vidua, ex qua prolem quidem haud suscepit; privignam vero Susannam Mariam, virginem castissimam, Jo. Reinardo Rusio, Prof. Jen. nuptum dedit. Ceterum unica optimi viri cogitatio ac cura fuit de honore Dei, & religionis disciplina, de salute Academiæ, in qua docuit, atque studiosæ juventutis utilitate, adeo, ut nullam temporis partem sibi eripi passus fuerit, quin novam laudis & emolumenti meditaretur materiam. Clades domesticas, funera liberorum acerba, ac jacturam uxorum non unam moderate tulit, fretus spe æternæ felicitatis. Postremo & senectute, & morbis aliis, maxime pedum dolore & infirmitate confectus, adeo plenus somno extitit, ut vitæ appropinquare finem ipse sentiret. Rite ergo accinctus, opera potissimum D. Weissenbornii ad mortem sine timore se paravit, quæ placida ipsi & beata obtigit A. MDCCXXIV, D. IV April. solennique cerimonia jussu illi perfoluta sunt D. VII Maji.

\* \* \* \* \*

Luctuosum fuisse superiori anno Academiæ Salanz obitum venerandi Senis, modo exposuimus; at multo gravius nunc Witteberga duos luget Theologiæ Professores, Jo. Guil. Janum, VI Cal. Sept. & Martinum Chladenium, III Idus Sept. utrumque intra paucos dies in vegeta ætate extinctum, quorum proxime Elogia cum Lectore communicabimus.

❖ ❖ ❖ ❖ ❖ ❖ ❖



# ACTA ERUDITORUM,

*publicata Lipsiæ*

*Calendis Novembris Anno MDCC XXV.*

THESAURUS ANTIQVITATVM ET HISTORiarum Siciliæ, digeri cœptus cura & studio JO. GEORGII GRÆVII, cum Præfat. PETRI BYRMANNI &c.

*Vol. XI, XII, XIII, XIV, XV.*

Lugduni Bat. excudit Petrus vander Aa, 1725, f.

Alph. 24, Fig. Tabb. max. & med. 73, præter passim textui insertas.

**T**andem quinque ultimos pretiosissimi hujus Thesauri Tomos exhibemus, quibus omnibus unam Præfationem pro more præmisit Celeb. Burmannus. Tomo XI comparent primo loco Jo. Bapt. Guarnerii, Senatui Catan. a Secretis, Dissertationes historiciæ Catanenses, quas, Italico idiomate Catanæ 1651, 4 editas, Latine vertit, plurimisq; Observationibus & Præfatione auxit Vir. S. R. Jo. Laurentius Mosheim, Theol. D. & Prof. Publ. in Academia Helmstad. In his cum Autor doctus Petri Carreræ de antiquitatibus Catanensibus librum supplere voluerit, eoque duplicem proferat de origine Catanæ sententiam, ac præterea vitam & cultum S. Agathæ prolixè exponat, hinc Cl. Interpreti nata occasio, ut in Præfatione in utramque sententiam accurate inquirat, & de vitæ S. Agathæ scriptoribus ejusque actis agat pererudite. Sequuntur Vincentii Mirabellæ & Alagonæ, atque Jacobi Bonanni & Columnæ, Ducis Montalbani, libri de antiquis Syracusis, quos antea rarissimos, simul Italico sermone, quo scripti sunt, novoque ornatu recusos fuisse novimus

Ppp

Panor.

Panormi sub titulo : *Delle antiche Siracuse*, 1717, fol. duobus Voluminibus, quorum primo *Bonannus*, altero *Mirabella* cum Ge. Gualtheri Tabulis & excerptis e Cluverio & Aretio (quæ cuncta aliis in locis Collectionis nostræ integra extant.) continetur. Utrumque hic Latinitate donavit, nummis & figuris aliis auxit, notisque illustravit Cl. *Sigeb. Havercampius*, qui cum primo loco *Mirbellæ* Chronographiæ Syracusarum antiquarum ut & Numismatum urbis veterum explicationem sistendam putaret, simul eam diligenter cum *Bonanno*, qui sæpe ab illo discesserat, comparat, illumque contra hunc defendit, præterea loca autorum Græcorum & Latinorum passim adducta restituit. Mirum vero, utrumque hunc Autorem plagii accusari, quandoquidem Cl. *Burmannus* observat, Petrum Carreram, scriptorem Siculum, non solum *Mirbellæ* errorum centuriam, & linguæ Latinæ & Græcæ ignorantiam & ordinis equestris vanam ostentationem, cum ignobili parente natus fuerit, objecisse, sed & diserte testatum, ejus descriptionem Syracusarum antea collectam fuisse a *Josepho Menniti*, Sacerdote Syrac. stylum illi & dictionis italicæ elegantiam commodasse *Franc. Paternum*, dissertationes Numismaticas deberi *Octavio Cajetano*, ipsam etiam Dedicationem ad Philippum III. trium Patrum factum esse. Sub Bonanni vero nomine ipsum P. Carreram latere voluisse, Cl. *Burmannus* Mongitoris & ipsius Carreræ autoritate probat, ita simul de autore judicans, ut ejus eruditionem & diligentiam, imo & dexteritatem (quod Viros illustres multos, quos libro II. integro describit, Syracusanis vulgo adscriptos, veræ patriæ vindicet) laudet, sed, quod in Siculo, & qui antiquas Patriæ res ab antiquitate debet & vult repetere, maxime desiderandum, non satis a Græcæ linguæ intelligentia instructum fuisse fateatur.

Volumine XII exhibetur *Jo. Pauli Chiaranda* Plutia sive Platia Civitas Siciliæ antiqua, nova, sacra & nobilis, Messanæ 1654, 4 Italice edita, & a Cl. *Mosheimio* Latine versa, notisque illustrata, additis Academiæ Platiensis (*L' Academia Piazzese*) elogiis fratrum Chiarandarum, Neapoli 1651, 4 editis, quibus ad edendum hoc opus excitati sunt. Autor Cluverium sæpe secutus ita, ut quæ vel illi, vel huic debeantur, vix pateat, conciso quoque

que nimis dictionis genere usus, sententiæ parum probatæ de gigantibus adhæret, pleraque debet scriptoribus aliis, sed ineditis, denique B. Virginis imaginem manu Lucæ in vexillo Rogerii depictam veram esse, & ex traditione, quæ prior & majoris auctoritatis Nostro est ipsis Sacris litteris, & aliorum testimoniis probat; contra Cl. Burmannus ex Octavio Cajetano & Roccho Pirro probat, rem non admodum verisimilem. *Marii Pace* Antiquitates Caltagironis, Neapoli 1631 editæ, nunc a Cl. *Haverkampio* Latine versæ, notisque illustratæ, breves quidem at singulari eruditione conspicuæ sunt, & observationibus, quas hic vix expectes, refertæ. Ubi tamen ex Cœlio Rhodigino laudat *Demetrium Celerianum*, qui unum e Cyclopiibus, Briareum, filios habuisse *Sicanum* & *Ætnam*, scripserit, Cel. Burmannus, Demetrium Calatianum, quem a Strabone & Laertio laudatum memorat Cl. Fabricius Bibl. Gr. L. V p. 391, intelligendum existimat. *Mariani Perelli* Antiquitas Scicli, quam olim vocarunt Casmenas, Italice vulgata Messanæ 1640, 4, eodem Interprete nunc Latine prodit, libellus est perexiguus, nec ineruditus, quamvis a P. Carrera impugnatus. Magis tamen de patria sua meritis videtur *Vincentius Littara*, qui de rebus Netinis Libros II, originem urbis agrique & illustrium virorum monumenta complexos, cum Netinorum consuetudinibus & B. Conradi Placentini Historia Panormi 1593, 8 edidit; quos multis laudatos cum consequi fere desperare Nob. Editor, Apographum demum ejus, etsi a linguæ Latinæ imperito exaratum, impetravit a Viro S. R. Ludovico de l'argny, S. Fac. Paris. Doct. Theologo, S. Landi Abbate, Bibl. Regiæ Par. Curatore. Ceterum cum *Oct. Cajetanus* Historiam D. Conradi, cujus miracula passim Autor Operi insperfit, Vitis suis Sanctorum Siculorum insertam notulis illustraverit, eas in hac editione addere placuit. *Placidi Carrasæ* Motuca illustrata, Panormi 1653, 4 edita, hætenus rarissima fuit, quam, tametsi Autor paullo nimis credulus videatur, & ob dictionis barbariem merito nauseam excitaverit Cl. Burmanno, non omittendam, passimque per notulas ad puritatem reducendam putavit Editor. Claudithoc Volumen *Augustini Inveges*, Sacerdotis Siculi, cujus varia, sed extra Siciliam rarissima scripta prostant, Carthago Sicula,

quam Panormi 1651, 4 editam, pariter Latine vertit sæpe laudatus *Havercampus*, opus tribus quidem Libris ab Autore divisum, e quibus duos tamen priores tantum, primum nomen, situm & originem antiquissimæ civitatis Caccabes, quæ nunc Caccamo dicitur, erudite explicantem, & secundum, qui familias nobiles ibidem florentes illustrat, Autor ipse vulgavit; tertium vero, quem diu in manibus Jo. Mariæ Amati & suo tempore sub prelo fuisse, testatur Mongitores, nullo modo consequi hæcenus Editor potuit.

In Volumine XIII primum locum occupant Viri doctissimi & in Græcis Latinisque scriptoribus vetustis ad miraculum usque versati, *Mariani Valguarneri* Antiquitates Panormitanæ, quæ Panormi Italico idiomate prodierunt 1614, 4, nunc a S. R. *Masbetmio* ita Latine versæ, notisquæ illustratæ, ut adductis ubique verbis Græcis, quæ Autor Latine reddiderat, & dictione paulo ordinatius, quam ab ipso factum, disposita, nihil ad ornatum operis superesse videatur. Neque enim de stylo æque sollicitus videtur fuisse ac de rerum pondere, quandoquidem ipse fatetur, noctu inter varias occupationes sibi elaboranda fuisse, quæ sequenti die formis exscribenda essent, unde & natæ videntur, pro diffusa Autoris doctrina, tot excursiones, doctæ quidem & ingeniosæ, in quibus & emendationes quasdam Græcorum Autorum invenias, acuminis Critici testes. Succedit, qui recentiore potius urbis statum describens, Oratorem fere magis quam Historicum egit, *Franciscus Baronius ac Mansfredes* de Panormitana Majestate, Panormi 1630, fol. vulgatus.

Voluminis XIV magnam partem occupat Pars prima Annalium *Augustini Inveges*, seu Panormus antiqua, Italice prodita Panormi 1649, fol. & hic Latine versa, nummis, qui in priori editione ligno incisi fuerunt, multo nunc elegantius æri insculptis. Quamvis vero Typographus sequentes operis Partes duas, alteram *Palermo Sacro*, 1650, & tertiam *Palermo nobile*, 1651 editam, omiserit, eas tamen, ubi desiderari ab Orbe erudito intelliget, promptissime se novæ editioni paraturum promittit. Subjungitur huic opusculum recentissimum, *Antonini Mongitoris* S. Domus Mansionis SS. Trinitatis Militaris Ordinis Teutonicorum urbis



Panorini & magni ejus Præceptoris Monumenta historica, quæ vel nunc primum prodeunt, vel certe A. 1721, quem annum subscriptum dedicationi ad Augustiss. Imp. *Carolus VI* legimus, lucem primum adspexere. In hoc dum omnem Domus Sacræ Mansionis Panorinitanæ historiam exponit Autor, una multa ex ejus archivis protrahit diplomata, simulque notat in Præf. perperam sollicitari fidem Rocchi Pirri, quasi in Sic. S. varia diplomata afferat e Tabulario Regiæ Cancellariæ, quæ ibi frustra quærantur; cum numerum non modo voluminum sed & monumentorum mutatum post Pirri tempora fuisse, pateat. Nec indigna visa *Jos. Vinc. Auria*, Siculi, ex illustri Doriarum Genuensium stirpe oriundi, Notitia historica originis & antiquitatis Cephaledis, urbis Siculæ, ab amœno situ *placentis* nomen indeptæ, quam e Panorinitana editione anni 1656 Latine verteret, notisque & numinis augeret Cl. *Havercampus*. Hunc excipiunt *Hieronymi Ragusa* Elogia Siculorum, e prima editione, quæ Lugdani 1690, 8 prodiit, recusa: quippe alteram, Romæ 1700 sub tit. *Sicilia Bibliotheca vetus* auctius editam ab auctoris sororis filio, *Hier. Renda-Ragusa*, consequi tum non potuit, cum hæc prelo pararet, quamvis non dubitet, his supplementis facile careri, ex quo Cl. Mongitores Bibliothecam Siculam omnibus numeris absolutam vulgavit. Hætenus scriptores Siculos enarravimus; succedunt vicinarum Insularum scriptores quidam rarissimi, in quibus primus hic est *Benedictus Cocharella*, Vercellensis, cujus, A. 1540 demortui, opus posthumum, descriptionem nempe Tremitanæ olim Diomedæ Insulæ *Albertus Vintianus* Mediolani 1604 in lucem protraxit. Accessere in hoc Volumine *Palladii Fufci* de Situ Oræ Illyrici Libri II, e rerum Dalmaticarum scriptoribus, quos *Jo. Lucius* libris suis de Regno Dalmatiæ subjunxit, cum *Lucii* notis descripti, tum & ipsius *Lucii* Capita IV priora operis modo memorati, de Illyrico conscripta, denique ejusdem Inscriptiones Dalmaticæ, quas, in opere illo omissas, separatim ediderat Venetiis 1673. Eas vero diligenter examinat in Præfatione Cl. Burmannus, multasque perperam descriptas, e Grutero, Reinesio, Fabretto aliisque observat, ad Gudium etiam provocans, cujus Inscriptiones brevi prodituras, nuntiat.

Volumine XV seu ultimo exstant *Phil. Cluverii* Sardinia & Corfica antiquæ, quæ cum ejus Sicilia prostabant; tum *Jo. Francisci Fara* de rebus Sardicis Historia, Saffari 1579 edita, qui autor etsi res ad sua tempora perducere constituerit, nihil tamen reliquit eorum, quæ post A. C. 759 contigerunt, in vetustis cetera non indiligens. Rarissimus vero hætenus, & auro carior, quamvis magis credulus, minusque quam Fara, comptus est *Salvator Vitalis*, cujus hic comparent Annales Sardinia, ad A. C. 139 producti, & Flor. 1639, fol. vulgati, quibus ut *Berosi*, Fl. *Lucii Dextri* aliorumque fabulas, ita de *Petri & Pauli* in Sardiniam adventu & similibus multa immista legas, quæ vix fidem apud omnes hodie inveniant. Succedunt, quæ ad *Melitam Insulam* spectant, *Jo. Quintini Hædvi* Insulae Melitæ descriptio ex ipsius Commentariis rerum Quotidianarum deprompta, & Par. 1540, fol. accuratius quam *Francofurti* 1600 edita, qua occasione de Autore eleganter commentatur *Cl. Burmannus*. *Calii Secundi Curionis* de bello Meliteni, quod A. 1561 gestum, Historia cum *Jo. Valetæ* Epistola, ejus belli summam complexa, ex Edit. Basil. 1567, 8 recula, & denique *Jo. Francisci Abela*, Commendatoris Ordinis Melitenensis, Descriptio Melitæ atque adjacentium Insularum, opus pereruditum & inventu rarissimum, in ipsa insula Melita 1647, fol. *Hetrusco sermone* editum, & nunc a *Jo. Antonio Seinero* Latine translatum; cui accessere *Cl. Jo. Henrici Maji* specimina duo Linguae Punicæ in hodierna Melitenensi superstitis, quorum primum ante paucos annos prodiit, alterum nunc demum, in gratiam *Cl. Burmanni*, qui plura vocabula Melitenensia, ex *Abela* decerpta, ipsi transmissit illustranda, exaratum est. Postremo huic volumini adjectus est Index Alphabeticus omnium operum, quæ *Thesauro* hujus Italiae & Siciliae Tomis XLV continentur.

Nos iisdem verbis, etsi paulo prolixioribus, quibus in Præfatione peroravit doctissimus *Burmannus*, recensionem nostram concludere, operæ pretium putamus. „Gratulamur scilicet Editori & Collectori hujus Thesauri, Viro, si quis ullus, industrio & indefesso, *Petro vander Aa*, quod licuerit ipsi finem tandem operis vere Regii videre, quod toties desperaverat; cum alii super alios semper libri sibi ex omni orbis parte, & inprimis Italia,

„Italia, submissi, animum semper inter diversa suadentium con-  
 „silia fluctuantem ita distraherent, ut, ubi consisteret, vix sciret,  
 „& se ad metam optatam adspiraturum ante fatalem diem, vix sibi  
 „persuadere posset. Æquum ergo erit, ut tam laudabile, tam  
 „utile simul & gratum institutum, non modo communi applau-  
 „su Litteratorum excipiatur, sed ut Viri Principes, & ipsi Reges  
 „& Civitates Bibliothecas suas hoc Thesauro, tanquam gemma  
 „quadam rara & pretiosa, exornent. Meretur certe omnium fa-  
 „vorem & studia tanto animo susceptum hoc opus, tot sumpti-  
 „bus & curis peractum, ut exemplum credam desiderari, ab ipsis  
 „Typographiæ incunabulis, quo Librarius aliquis tam numerosa  
 „Volumina, sua impensa, nullis adjutoribus, in lucem produ-  
 „xisse probetur. Quare benigna quoque æquorum Lectorum ju-  
 „dicia exorat, neque, si quid hic & illic carpi, & maligno dente  
 „arrodi posset, aut si forte libellus quisquam huic vel illi non sa-  
 „tis placere videatur, ideo totum institutum & consilium suum  
 „infamari, & rumoribus invidiosis differri debere credit.  
 „Quis enim, quæso, unquam similem laborem suscepit, omni-  
 „bus approbantibus & uno ore laudantibus? An Romanus, an  
 „Græcus Thesaurus, cum prodirent, obrectatoribus caruerunt?  
 „aut an illi tam cupide & celeriter, ut vovebant Editores, per to-  
 „tum Orbem divenditi fuere? Lente ad tanta opera emenda ac-  
 „cedere solent homines; sed ubi semel Bibliothecas iis carere non  
 „posse persuasum est, & metus cœpit invalescere, ne pretium  
 „incendatur, (bis enim tales Thesauri edi non solent) hinc pro se  
 „quisque studiose illa conquirat. Et certe, hodie divenditis The-  
 „saurorum illorum omnibus exemplaribus, in tabernis olim ob-  
 „viis, animosissime & insano etiam pretio in auctionibus compa-  
 „rari cernimus. Idem fatum huic Thesauro fore, animo quidem  
 „prospicit Editor, neque lucrum ingens & præsens se brevi fa-  
 „cturum sperat, sed gloria tanti operis ad finem perducti con-  
 „tensus, & rebus suis satis per diligentiam & industriam stabilitis,  
 „expectare commode satis emptores poterit. Hoc tamen omni-  
 „bus, & præsertim Negotiatoribus Librariis, qui, ut veteri pro-  
 „verbio de fabris jactatur, confortibus suis egregie invidere so-  
 „lent, pro certo affirmare, & publice etiam polliceri me jussit,  
 nun-

„nunquam animum se inducturum, ut, si forte omnes, quos pro-  
 „duxit, libros vendere, & ut inter Bibliopolas moris est, taber-  
 „nam totam hastæ subicere velit, hunc quoque Thesaurum ve-  
 „nalem proponat. Sed ille solus servabit horreum; nec sibi tan-  
 „tum, sed hæredibus etiam, siquid humanitus sibi acciderit, hæ-  
 „leges dicet Editor, ne unquam ita projiciant, ut evilesce- &  
 „contentui esse possit. Desinant ergo vana spe studiosos rei li-  
 „brariæ lactare invidi, & minoris, quam quod nunc Editor sta-  
 „tuit, pretium, brevi comparandum hunc Thesaurum, expoli-  
 „tum & obvium fore, polliceri. Deceptos hi se, forte non ita  
 „longo post tempore, deprehendent, ubi pretium, quod nunc  
 „ponitur, augeri viderint.”

**HISTORIÆ ANGLICANÆ SCRIPTORES**  
*varii, e Codicibus Manuscriptis nunc primum*  
*editi.*

Londini, typis Gul. Bowyer, 1723, f.

Alph. 15 pl. 18. Fig. tabb. 2.

**P**ost Clar. Virorum, *Commelini, Savilii, Cambdeni, Teyrdeni*  
 & *Seldeni, Joannis Fell & Thome Gale* Collectiones scripto-  
 rum veterum rerum Anglicanarum, tum & editiones singulares,  
 quas nuper curavit Cl. *Hearnius*, vix sperandum videbatur, tan-  
 tum relictum esse Nobil. Autori nostro, *Josepho Sparke*, spicilegi-  
 um, ut integrum Tomum complere posset. Enimvero quos hic,  
 & bibliotheca Cottoniana & archivis Burgensibus maxime, vulga-  
 vit Scriptores, plerique omnes ad cœnobium Burgenſe, hodie  
 Petriburgenſe, imprimis spectant, eoque eos sub *Scriptorum Pe-*  
*triburgenſium* nomine, ut scheda, qua subscribentibus illos offe-  
 rebat, docet, edere constituerat, quem titulum tamen in ipsa  
 operis editione haud inepte, ut patet, mutavit; quod illi conti-  
 nerent scilicet plurima ad universam Angliæ historiam pertinen-  
 tia. Partitus est opus Cl. Editor duobus exiguis Voluminibus, quo-  
 rum primum inscripsit Medicorum principi, *Richardo Medo*, in  
 quo rei Medicæ, tum Therapevticæ tum Anatomicæ, notitiam ac-  
 curatam, incredibilem in sanandis ægris felicitatem, Matheseos &  
 anti-



antiquitatis, tam sacræ quam profanæ, ut & linguarum cognitionem singularem ac peracrem in arte critica sagacitatem, denique comitatem, candorem, modestiam, in egenos liberalitatem aliaque commendat, Bibliothecam quoque ejus, regiis fere sumptibus comparatam & tabulis, statuis, sculpturis exornatam, mire extollens; alterum *Johanni Bridgesio* de Barton Segrave in agro Northamptoniensi Armigero, cujus ut virtutes in publicis muneribus, (quæ tandem abjecit, ut ad Musas rediret, & otium nancisceretur ad ea consignanda, quæ ad Northamptoniensium antiquitates & res gestas explicandas magno labore collegit) rite administrandis maxime conspicuas; ita Bibliothecam imprimis & Museum MSptis historicis instructissimum, quo partim hospitium ejus Lincolnense, partim villa Bartonensis superbit, prolixè prædicat. Primum Volumen occupat Chronicon Angliæ inde ab A. 654 ad A. 1368 productum, cujus Autorem cum hætenus crediderint plerique *Johannem Abbatem Burgi S. Petri*, nempe Johannem de Kaletto, qui obiit A. 1262, Noster quidem ex eo scrupulum movet, quod in hoc Chronico Martinus Polonus citetur, cujus passim historia prodest ad A. 1276 deducta; & quamvis prima Martini editio tantum ad A. 1251 pertingat, adhuc tamen rem in dubio relinquit, & suspicatur, opus a *Roberto de Boston* interpolatum & continuatum fuisse: imo rectius edocuius postea a Cl. *Bridgesio*, in dedicatione Voluminis II fatetur, non improbabile videri, *Job. Abbatem Buriensem* cum *Abb. Burgenfi* confusum, & ex uno duos factos esse. Succedit Volumine II *Hugonis Candidi*, seu *Albi*, vulgo *White*, Cœnobii Burgenfis Historia ad annum usque 1177, quo fere tempore vixit, excurrens, in qua de prima Merciorum Regum, quorum omnia diplomata diligenter conquirit, ecclesia tanta diligentia egit, ut sacræ antiquitatis thesaurus dici possit, teste Lelando. Brevior est *Roberti de Swapham*, qui circa A. 1273 mortuus, Historia ejusdem Cœnobii, ex proprio Autoris codice a Nostro descripta, in qua id fere egit tantum Autor, ut Regestum privilegiorum &c. justo ordine disponderet. *Walteri de Witlesey* Historiæ Cœnobii Burgenfis, quæ inchoatur ab A. 1246 & ab Anonymo inde ab A. 1321 ad A. 1338 continuatur, Codicem se debere profitetur Cl. Editor

*Job. Comiti Fitzwilliam*, cujus hospitalitatem & humanitatem insignem in singulari hujus operis inscriptione ad eundem directam laudat. Ultimus Petriburg. horum scriptorum prodit *Anonymus* autor, ut videtur, satis vetustus, qui Historiam cœnobii Petriburgensis versibus Gallicis obsoletis descripsit. His demum etiam Cl. Editor subjecit Vitam S. Thomæ Cantuariensis Archi-Episcopi, a *Willielmo Stephanide*, *Johanne Saresberienfi*, Episcopo Carnutensi & aliis Autoribus cœtaneis, ut titulus testatur, descriptam, quam ex suo Codice cum Cottoniano diligenter collato prodit; at de Stephanide illo alias (forte cum alterum Totum, cujus spem aliquam facit, editurus est) se acturum esse, sperat. Nobis quidem, vitam illam inspicientibus, solus Stephanides autor esse videtur, qui præter prologum, descriptionem Lundoniæ, quam vocat, præmisit, patriæ quippe suæ, ut testatur Lelandus de Scriptor. Brit. C. 177, qui & eum Thomæ illi familiarissimum, & vulgo quoque *Wilhelmum Cantuariensem*, scilicet Monachum, dictum fuisse, probat. Equidem Vita D. Thomæ Cantuariensis cum ejus & æqualium epistolis e Codice Vaticano, *Christiano Lupo* autore, prodiit Bruxellis 1682, 4, eademque ipsi Baronio dicitur ab Autoribus quatuor, Hereberto, Wilhelmo Cantuariensi, Johanne Saresberienfi & Alano Abbate conscripta; verum, si opus illud, in certa capita divisum, inspicias, nihil aliud invenias, quam excerpta brevia ex his autoribus, atque adeo e Wilhelmo illo, (cujus æque ac ceterorum nomen suo loco apponitur) deprompta, sed aliis plane verbis expressa, quemadmodum nostram editionem cum illa conferentibus facile patet. Ut adeo nobis certum videatur, Codici vitæ a Nostro vulgatæ nomina illa præposita per errorem fuisse, cum & ipsa imprimis scribendi ratio doceat, unum tantum libro autorem fuisse, *Wilhelmum*, & Lelandus l. c. suffragetur, qui præmissam huic vitæ a *Wilhelmo* fuisse Londini descriptionem, diserte testatur.

THE ENGLISH WORKS OF SIR HENRY  
SPELMAN &c.

HEN-

MENSIS NOVEMBRIS A.MDCCXXV. 491

**HENRICI SPELMANNI OPERA ANGLI-**  
*cana, tum ipso vivente edita, tum posthuma, cum vita Auto-*  
*toris, nunc iterum a S.Rev. Episcopo Lincolnienſi, reviſa &*  
*aucta: accedere duo Scripta hætenus*  
*inedita.*

Londini, apud D. Browne Sen. & Jun. & alios, 1723, f.

A<sup>l</sup>ph. 8.


**E**T ſi nulla his Operibus præmiſſa ſit Præfatio, neque adeo uſ-  
piam diſerte memoretur, cujus potiſſimum curis debeat  
hæc editio, ſubſcriptionis lege procurata, facile tamen conjici-  
mus, eam autore imprimis Celeb. *Edmundo Gibſono*, hodie Epi-  
ſcopo Lincolnienſi, prodiſſe, quem Poſthuma Spelmanniana A.  
1695 cum luculenta vitæ deſcriptione, quæ hic ab eodem reviſa  
dicitur, vulgaſſe, in Actis anni 1698 p. 341 teſtati ſumus; quo  
loco cum vitæ compendium a nobis factum fuerit, facile nunc  
eadenuo recensenda ſuperſedemus. Siſtitur vero hic primo lo-  
co opus Spelmanni, jam ſepties excuſum, *de non temerandis Ec-*  
*cleſiis*, cum ejus *Apologia*, ſuccedunt *de decimis eorumque alie-*  
*natione & de ſepultura* tractatus, ut & *Villare Anglicanum*; ſeu  
Conſpectus omnium urbium & villarum Angliæ. Tum ſequun-  
tur ſuo ordine *Poſthuma*, quæ cum l. c. accurate fuerint a nobis  
recenſita, non eſt, ut vel titulos hic denuo repetamus: id tan-  
tum notamus, hic quoque inter cetera recuſam eſſe *Iceniam* ſeu  
Norfolciæ topographicam deſcriptionem, ut & *Comites Mar-*  
*ſcallos Angliæ & de milite diſſertationem*, & *Hiſtoriam familiae de*  
*Sbarnburn*, quæ tria ſcripta Latino idiomate compoſita ſunt;  
etſi in titulo Operis Anglica tantum promittantur. Acceſſere ve-  
ro tractatus duo, nunc primum e ſchedis Autoris editi, alter *de*  
*Curia Thalaffiarchiæ ejusque officialibus* (*of the Admiral Jurisdi-*  
*ction, and the Officers thereof*) alter *de formulis & diplomatibus*  
(*of Deeds and Charters*) quem quidem Autor, ſi viveret, vix  
æquo animo ferret ita editum, quippe hiatibus non paucis de-  
formatum, adeo, ut ex ultimis ſaltem capitibus vix ſenſus ullus  
erui poſſit. Nec opus eſt, ex his ſpecimina referre, cum ſatis jam  
ex aliis Autoris ſcriptis pateat, quantum in antiquitatibus Angliæ  
fuerit verſatus.

**SARCOCELES, SEU TOTIUS MEMBRI GENITALIS** tumoris vasti rarissimique in cadavere, Mense Junio 1725 secto, exemplum; e Theatro Anatomico Lipsiensi communicavit D. AUGUSTINUS FRIDERICUS WALTHERUS, Anatomiae & Chirurgiae Prof.

Publ. b. t. Acad. Rector.

**R**arissimum est, tumere scrotum, & simul reliquum genitale membrum crassum & ingens fieri, ut, paribus veluti passibus aucta, in enormem & vitiosam ponderis molem magnitudinemque vastam excresecant, sicut in exemplo, quod mox commemorabimus, contigit. Omnium externa facies, & quae intus comprehenduntur, nos in admirationem rapiunt. Etenim non insolitus est scroti tumor, qui oboritur, quoties, aut intestina decidunt, aut testis alteruter, durior majorque factus, vel ejus tumidiora vasa, illud grandius reddunt, aut caro fungosa in scroto sub nascitur, aut ipsum aqua distenditur. Nonnunquam etiam flatu repletum fuisse, vel pinguedine intumuisse scrotum, alii animadverterunt. Quos tumores nomine pluribus communi ramices vel hernias vocamus; quarum ex simplices dicuntur, ubi istorum singula, quae protulimus, scrotum occupant: compositas vero appellare licet, si malo graviore, aut neglecto, aut diutius protracto, plura ac diversa hic congeruntur. Quorum exempla ex variis auctoribus collegit retulitque noster in concinendis his Actis Collega a multis annis diligentissimus D. Michael Ernestus Ettmullerus, Prof. Publ. programmate anno 1723 in Dni Steinfeldi promotione edito; cujus occasione sarcocelen obvastam tam scroti quam penis magnitudinem, longeque plura, commemoratione dignum tumorem recensuit. Homo eo tempore aegrotavit, cujus postea, mense Junio hujus anni demortui cadaver, ut pars male affecta publice demonstraretur, ad nostrum Theatrum Anatomicum allatum fuit. Descriptionem ille frequentem dedit: „Christianus Kettmig, ætatis 49 annorum, „mense Julio superioris anni in Nosocomio Lipsiensi recipiebatur, manuum opera hæcenus panem lucratus, nunc ad quempiam sustinendum laborem ob pravam corporis dispositionem, ineptus.





AB. V ad A. 1725 M. Nov. p. 493.

Fig. 1.




Fig. 3.





Fig. 2.





„ineptus. Scrotum hic habet secundum omnes dimensiones ma-  
 „gnum ad genua usque propendens, coloris naturalis, ubi vero  
 „femoribus adjacet, glabrum atque rubicundum, indolens in-  
 „terim atque durum. Testiculi ad latera in superiori parte la-  
 „tent, qui contrectati aut compressi doloris sensum excitant.  
 „Membrum virile ex medio loco scroti emergit itidem elonga-  
 „tum, durum atque tumidum. Tota distantia ab inguine ad præ-  
 „putii extremitatem unius ulnæ est, cum octava parte. Inguina  
 „naturaliter se habent, nullo tumore conspicua. Femora & pe-  
 „des sunt tumida, dura & circa genua & talos in rugas & sulcos  
 „complicata. Ceteroquin sanus degit omni dolore expers, opti-  
 „mo ciborum appetitu præditus, dum vero mingit, difficulter  
 „lotium profluit., Omnium formam, quæ ab illo tempore ad TAB. V.  
 usque mortem aliquantum commutata fuit, Fig. 1 sistit. Nam- Fig. 1.  
 que hoc temporis intervallo amplius intumescere pedes, & tam  
 scroti, quam tumidi penis involucri sarcoma, majorem ambi-  
 tum acquisivit, ipsum scrotum jam quinque digitis longius fa-  
 ctum prominuit. Integri scroti ambitus maximus ulnæ cum tri-  
 bus quartis in cadavere, at arte deterfi, siccaturque, duarum ul-  
 narum, cum duobus digitis, magnitudo fuit. Ejus tumoris ex-  
 tremum a pubis osse remotum ulna distabat cum septem digitis.  
 Superiori parte durior deprehendebatur; qua parte versus si-  
 nistram suram porrigebatur, foveæ, cum digito premeretur,  
 diu non subsistebant. Eadem inferiore parte notabatur moles  
 hæc tribus incisionibus, quarum una profundior, pro aliquo se-  
 pti retracti vestigio accipi poterat, cujus tamen nulla supererat  
 nota; ceterum vero plures inæqualitates, & minores rugæ,  
 partesque a lotio exesæ & corruptæ hinc inde patebant. Neque  
 vero testiculi, tumore submersi & absconditi, manibus contre-  
 ctari poterant. Jam ingens spectari genitale membrum, plane  
 dignum fuit. Namque hoc subjacente scroto haud mollius, lon-  
 gitudinem retulit pedis, & duorum digitorum, & quinque digi-  
 tis extremis incurvum, & versus scrotum reflexum, tumens  
 erat, præputium ultra modum expansum, rubens, ac inversum  
 quasi visum est. Eminuere tubercula sulcis distincta, densissi-  
 misque seriebus posita, asperiora, rubicundo sædoque adspectu

turgida, quo rugosum galli Indici caput imitabatur penis par anterior. Ad hæc reliquus ambitus scabritie, fere sicut scroti superficie, conspurcatur. Hoc penis involucrum ubi crassissimum erat, in ambitu tredecim digitos confecit, quo sensum, aliquantulum tamen minore reddito, tandem in extremitate juglandis crassitiem habebat. Sub hac extremitate retracta, & velut freno suffulta, revulsaque, involuero resino conspiciebatur foramen Fig. 1 A, quod minimum digitum admittebat, & cathetere intromissum ad urethram vesicamque ducebat.

Sed amplius hæc, incidendo monstrum, observata sunt. Anniadvertimus cutim triplo crassiore naturali factam, inerti carnis moli adnatam, quæ pro varia mollitudine, quam in externo tumore notavimus, compacta duraque apparuit, insuper composita ex innumerabilibus cellulis loculisque, quibus, velut intra totidem sacculos membranaceos, spissus & gelatinosus continebatur humor; qualem etiam in tumore pedum, cute hinc inde incisa, observavimus. Proinde hoc tenace latice totum scrotum, & penis involucrum repletum deprehendimus, nec alias cavitates in isto invenimus, nisi eas, quibus testes, naturalibus multo majores, concluderentur, quos mole carnea a priore producta, non ordinato septo, distinctos vidimus. Vasa, quæ sanguinem & semen ad singulos vehunt, Fig. 2 A, & quæ musculo Cremastere B, ab istis hic separato, involvi solent, longitudinem naturalem parum superarunt; saltem paulo magis tumida ea visa fuerunt. Dexter testiculus post detractam tunicam vaginalem, ove anserino vix minor, & tribus partibus compositus apparuit, quarum superiorem maximamque capsula C efficiebat, quam albuginea testiculi tunica, quippe naturali crassior & tendineæ firmitudinis, formaverat, & ipsa humore plena erat livido, intra loculos contento, quales in malo citri corrupto patri-doque conspiciuntur. Alteram hujus testiculi partem topus D confecit, qui superius cavus, & juglandi magnitudine haud impar fuit. Idem inter primam partem tertiamque E medius habebatur, infimam vero mollioremque morbo testiculi partem, extrema parastata portio, & insigniter tumens constituebat, & intra hanc condebatur aliqua minorque capsula, intra quam pere-

xigu

TAB. V.  
Fig. 2.



xiguum, quod de testiculo supererat, continebatur. Quam partem, & tubulos spermaticos evolutos, Fig. 3 A ostendit. Neque vero hæc exilis cavitas cum superiore insignioreque commune habuit; sed albuginea tunica juxta superficiem topi intermedii co deducta, teneriorque, se parastata insinuaverat, & corpus hoc efformaverat. Huic super incumbens veluti vasculosus parastata cortex B, cum arteria spermatica aere impleretur, protinus intumuit & vascula feminalia, cum incideretur, se prodiderunt. Cum sinistro autem testiculo saccum, fundo ejus appensum, membranaceum, & pelluentem extraximus, quem tunica vaginalis effecerat, hic duas libras feri, parum tincti, intra sinum suum receperat, capsæ adhærebat, sicut in dextro testiculo, formata; quæ hinc inde non nihil exesa humorem priori similem, loculosque perpaucos, tophum denique minorem scutiformem, & duobus foraminibus instructum, comprehendit. De cetero tubulorum spermaticorum, sive substantiæ testiculi, hic nullum superfuit vestigium, & parastatæ extremitas, hoc loco planior facta, topho adhærebat: vasa autem sanguifera aerem, per tubulum immissum, ad cavum, quod albuginea paraverat tunica, attulerunt. Hujus lateris vesicula feminalis semine corrupto, fusco, & viscoso replebatur, nec aerem admisit, qui per vas deferens eo pellebatur, nec in experimento facto, prope caput gallinaginis, ostium apparuit, per quod erumperet. At dextra feminalis vesicula hanc viam exitumque, cum similia tentaremus, monstravit, & tota flatu prompte intumuit. Tandem cum contemplaremur penem, naturalem ille retulit longitudinem, & glandis extremitas intra penis involucrium, tribus digitis altius recondita, ipsum involucrium resimul fecerat. Ad hæc penem solito tenuiorem observavimus, nec corpora nerveo spongiosa, ea facilitate, sicut in aliis fieri solet, inflari potuerunt. Ad reliqua quod attinet viscera, partes & cavitates, quæ in cadavere explorabantur, omnia illæsa videbantur, præter renem dextrum, qui gangrænæ notas, fortassis acceleratæ mortis causas, retulit.

TAB. V.  
Fig. 3.

Narravit homo, cum in vivis esset, & ægrotaret; malum ab erysipelate, has partes pedesque sæpius infestante, originem tra-

traxisse. Quæ, etsi non plane topthorum intra testiculos genitorum & reliquorum indicet rationem modumque; & quanquam nec nobis, quibus ignota hominis conditio, ex variis Medicorum hypothesebus, de rebus hic congestis, pluribus disserere placet; organi tamen totius, externique, ad contrahendum Sarcoma aptitudinem, saltem declarare, & quæ nobis, anatomicen exercentibus, de præputio usu venerunt, adjicere licebit. Ut adeo ad magnitudinem supra descriptam, pondusque librarum quadraginta, omnium tumor accederet, id tunicæ, quæ dartos audit, deberi profiteamur, quæ cellulosa, laxa, flaccidaque est, & quasi luxuriat, nec solum in scroto subsistit, sed in utroque scroti latere veluti duplicata assurgit, septumque, quod futura externa indicat, constituit, sicut *Ravins* ostendit. Hujus septi antica & superior pars penem amplectitur, & inde aliquæ ejus sit productio, quæ inter ipsum ac involucrum progreditur. Cui proinde structuræ adscribendum esse putamus, quod data occasione, similique, quam noster olim narravit, plures hic congerantur, asserventurque humores; ex quorum angulo & in aliis partibus locisque fieri tumores, quotidie experimur. Admirationem vero maximam in nostro cadavere promeruit præputii tumor: qui etsi admodum frequens in hydrope, phymosi, paraphymosi, aliisque vitiisque occurrat; tamen qui hic descriptus fuit, tam tetro sædoque aspectu formaque, quam intus contentorum indole, ni fallimur, omnes hujus generis superabat, quos alii commemoraverunt. Hinc de sanorum præputio monere integrum ducimus, ipsum ad acquirendos tumores præ ceteris locis disponi. Etenim hoc glandis velum, tanquam cutis reflexa, interiore sua superficie lævius est, & sub corona glandi adnascitur. Ipsum, ubi sic duplicatum prostat, intra se continet peculiarem mollemque, & instar compressæ lanuginis, elasticam albidamque substantiam, quæ cum tunica cellulosa, quæ penem circumdat, equidem continua est, pluribus tamen modis ab ea differt. Hanc ita in adultorum cadaveribus demonstrare solemus, cum, juxta glandis coronam, præputium separamus, & postquam ex involucre penis extractus fuit, istam vaginam anteriori parte filo constringimus, aereque ex adversa parte immisso,

misso, eam implemus, ac tandem siccamus. Quæ hic notatur substantia, pollicem lata est, & præ sui copia totum replet præputium. Hinc sicut recens intra præputium in vivis ea reperitur, sua mollitudine egregie fovet glandem, affricatque coronam, & ut ita augeatur in congressu voluptas, apte locata prodest. Quæ proinde substantia & tegminis utilioris loco habetur, & sicut reliqua penis cellulosa tunica pinguedinis est expers, cujus nec scroti dartos est immunis. Interim aere inflata, alia apparet, quam tunica cellulosa, quæ etiam cum cute eo defertur, penemque investit; quam delineavit *Ruyfchius* in Respons. ad Epist. Anat. 15. Qua occasione monere expedit, quod hujus figura 4 Tab. XIX, pro amplitudine cellulosi contextus ab eo delineata, equidem cum præputio, minime vero cum reliquo penis ambitu conveniat. In hoc enim tunica, quam diximus, longe tenuior est ista portione, quæ intra duplicatum præputium hæret, & in priore multo laxius compositæ cernuntur cellulæ, cum flatu intumescunt, ac replentur. Nascitur talis & uberior, in ipso præputio, & magis compacta, instar tormenti, e fibris elasticis congesti, se habet: cui similem nec in reliquo pudendo, nec in aliis corporis partibus arte anatomica præparare licet.

EXPLICATIO FIGURARUM.

*Figura 1* scrotum, membrum virile, rugas & sulcos circa gœna & talos repræsentat.

- A. Orificium Urethræ.
- B. B. B. Membri Virilis involucrum resimul.
- C. C. C. C. Rugæ & sulci circa gœna & talos.
- D. Scrotum.
- E. E. E. E. Tuberculorum verrucosorum series.

*Figura 2* Testiculum dextrum exhibet.

- A. Vasa spermatica, a musculo cremastere separata, ad sinistrum testiculum tendentia.
- B. Vasa spermatica musculo cremastere involuta ad dextrum testiculum decurrentia.
- C. C. Capsula superior testiculi dextri humore livido plena.
- D. Tophus.
- E. Capsula inferior in Parastata.

R r r

Figura

*Figura 3* infimam testiculi dextri portionem sistit.

A. Vasa spermatica evoluta.

B. Extrema parastatae portio.

Vernünfftige Gedancken von dem Gebrauche der  
Theile 2c.

hoc est,

**MEDITATIONES PHYSICÆ DE USU PARTIUM Corporis humani, animalium atque plantarum, Autore CHRISTIANO WOLFFIO, Consiliario aulico Hassiaco, Mathem. & Philos. Prof. primario Marburgensi, Societ. Reg. Brit. & Bor. Sodali.**

Frankofurti & Lipsiæ, sumtibus Rengerianis, 1724, 8.

Alph. 2 plag. 3½.

**T**ERTIAM hanc Physicæ dogmaticæ Partem seu Operum Philosophicorum Germanicorum postremam Serenissimo Principi ac Domino *Carolo*, Hassiæ Landgravio, quem ipsum exquisita rerum mathematicarum & physicarum scientia pollere constat, inscripsit Cel. Autor, gratias publice acturus Mæcenati summo, quod Hala dimissum honorifice receperit, ut hoc Protectore non modo opus alibi cœptum atque indefesso studio continuatum tandem absolvere licuerit, verum etiam, quæ adhuc se daturum promisit, ea digerere ac perficere queat. Gratus quoque prædicat Russorum Monarchæ rebus nuper humanis exempti clementiam, qui splendidis & amplis conditionibus præsidium ipsi in Academia scientiarum Petropoli fundata obtulit, etsi per varias rationes non flecterit, ut stationem Marburgensem cum altera meliori commutaret, quas adeo probasse constat augustissimam Conjugem, quæ nunc rerum summa potitur, ut etiam absenti locum honorarium cum honorario annuo contulerit. Dividit autem Noster tractatum, quem recensere constituimus, in duas partes. Altera de usu partium corporis humani & animalium; altera de usu partium plantarum agit.

Part. I.

c. I.

Usum partium corporis humani & animalis demonstraturus fundamenti loco præsternit fines a Deo eidem statutos, nempe i  
vitz



vitz conservationem, 2 motum localem, 3 sensationem, 4 speciei conservationem, 5 appetituum animique sensorum voce elata significationem. Horum finium mutuum nexum & quomodo sibi mutuo subordinentur, ac primarius, conservatio speciei, fini ultimo totius universi, gloriæ divinæ, respondeat, luculenter docet, addita ratione, cur corpus humanum & animale juxta evrythmiæ & symmetriæ regulas fuerit fabrefactum. Antequam vero singulas corporis partes organicas contemplatur, eas in genere partes considerat, ex quibus istæ componuntur. In numero solidarum comparent fibræ atque fibrillæ tum carneæ, tum tendinæ, tum nervosæ; ossa cum medulla & perioestio, nervi cum sensorii, tum motorii; muscoli cum tendinibus; vasa cum sanguifera, tum lymphatica, atque glandulæ: in numero fluidorum vero sanguis, chylus, serum, lympa, saliva, liquor gastricus, succus pancreaticus, bilis, synovia, semen, succus nervosus & spiritus animales, urina atque sudor. Ita autem in harum partium usu demonstrando versatur Autor, ut non in proximo acquiescat, sed ad remotum etiam progrediatur & rationes a priori reddat. E. gr. Nervis duo munia vindicat, ut 1 sensationes, 2 motus musculorum determinent. Eorum ideo beneficio conservari communicationem inter organa sensoria & musculos motores, immo commercium inter mentem atque corpus. Nervorum structura obtineri, ut sensationes fiant distinctæ, & eorundem ministerio motum organo impressum ad cerebrum continuari, ut motus determinentur in organis a sensu sive immediate, sive mediate pendentes &c. In speciali pertractatione primo loco comparent organa nutritioni dicata, quorum alia cibo assumendo, alia masticando, alia deglutiendo, alia digerendo, alia chylo & cibo digesto separando, & in sanguinem devehendo, alia excrementis residuis ejiciendis inserviunt. Explicantur adeo hic oris & labiorum, dentium, linguæ, gulæ, ventriculi, intestinorum, vasorum lacteorum, mesenterii, cisternæ, ductus thoracici, omenti & arteriarum usus. Succedunt organa vitæ conservationi destinata, quorum alia sanguinis circulationi, alia respirationi, alia secretioni & transpirationi insensibili inserviunt. Quamobrem hic cordis atque totius systematis arteriarum & venarum,

c. 2.

c. 3.

c. 4.

- c. 5. pulmonum, diaphragmatis, thoracis, mediastini, thymi, hepatis cum vesicula felle; pancreatis, renum, lienis, ureterum, vesicæ urinariæ, urethræ, renum succenturiatorum, & cutis atque glandularum subcutanearum usus declarantur. Sequuntur organa sensoria & operationibus animæ inservientia, ubi usus oculorum, aurium, nasi, linguæ, cutis atque papillarum nervearum, cerebri denique totiusque systematis nervosi, medullæ spinalis, vocisque organorum determinantur. Illa porro excipiunt partes genitales maris pariter atque fœminæ, quarum illæ vel semini præparando, vel deferendo, vel asservando, vel diluendo, vel ejaculando; hæ autem fœtui vel concipiendo, vel fovendo ac nutriendo, vel denique in lucem edendo destinantur. Unde hic testiculorum, parastatarum, vasorum deferentium, vesicularum seminalium, capitis galli gallinæ, prostatarum, penis, uteri, vaginæ, ligamentorum uteri, tubarum *Fallopianarum*, ovariorum atque vulvæ usus monstrantur.
- c. 6. Agmen claudunt organa motui locali & situi corporis determinando conducentia, ut adeo hic pedum, spinæ dorsæ, manuum, brachiorum, colli, capitis &c. usus innotescat. Docetur nempe, quot modis singula moveri possint, & quibus masculis motus singuli perficiantur. Leguntur quoque nonnulla de piscium natatu, aviumque volatu. In his autem usibus omnibus explicandis ita versatur Autor, ut structuræ & situs singulorum organorum, singularumque, ex quibus ea constant, partium usus ex officio, quo funguntur, rationem reddat.
- c. 7.

## Part. II.

c. 1.

Usus partium, quibus plantæ integrantur, expositorum Autor denuo præsternit fundamenti loco fines a Deo iisdem statutos, 1 vis vegetativæ conservationem, 2 perseverantiam in eodem loco, 3 speciei conservationem, quorum mutuum nexum & subordinationem mutuam commonstrat. Antequam vero di-

c. 2.

versas partes, ex quibus plantæ constant, contemplatur, primo loco eas in genere partes minores considerat, ex quibus illæ componuntur. In harum numero sunt fibræ atque fibrillæ, tum succiferæ, tum tracheæ, utriculi atque cuticulæ. Fibrarum cavitatem optime observavit Noster in caule cucurbitorum atque cucumerum, qui per integram hiemem tempestatum injuriis expositus verno tempore aridus atque exsuccus in horto deprehendebat.

debatur, præsertim si microscopio uteretur. Per microscopia parum amplificantiæ objectum tracheas in moro notavit, prout eas delineat *Malpighius*, sed quæ sub microscopiis exquisitioribus minus elegantem præ se tulerunt speciem. Contra per microscopia nonnisi exquisita tracheæ in ceraso, pruno aliisque lignis visæ, quales per minus exquisita in moro cernuntur. Observavit eas Noster verno tempore, cum ligna succo turgerent, ut sectiones transversæ madore imbuerentur. In speciali tractatione primo loco comparet radix, quæ plantæ nutrimentum advehit, immo idem præparat, atque in usus futuros in seminis præsertim gignendi gratiam asservat. Monstratur radicis cum ramis similitudo atque inde plantationis inversæ redditur ratio, in qua rami in radices, radices in ramos degenerant, stirpe manente eadem. Radicum quoque vegetatio ex partium usu a priori deducitur, & rationibus a posteriori petitis confirmatur. Secundo loco sistitur caulis sive stirps, cujus singulæ partes sigillatim considerantur. De plantis observat, quod, quando semen daturæ sunt, succus ex radice vel foliis in caulem penetret, atque inde cum radices, tum folia exsucca fiant. In arboribus corticem imprimis inservire recipiendo, digerendo & custodiendo succo nutritio per fistulas adjacentes potissimum ascendenti. Hinc arbores quoque frugiferas vegetari & fructus optimæ notæ edere, etsi lignum putredine fuerit maximam partem absumtum, modo cortex fuerit illæsa: cujus singulare exemplum in nuce profert. Probatæ autem, succum nutritium ubique præparari & perfici in substantia utriculosa. Ascendere nutrimentum per fibras ligneas juniores: quæ ratio sit, cur singulis annis novæ excrecant, & cur tracheæ in ligno juniore præsertim conspiciantur. Usus medullæ in eo sese exerere, quod gemmæ inde erumpant. Folia potissimum geminis nutriendis & maturandis inservire, cum rationibus, tum observationibus evincitur: quomodo succus nutritius, ibi præparatus, cum in gemmas, tum in caulem deferri queat, ex ipsa structura foliorum docetur, tum etiam, quomodo nutrimentum ex radice ad ipsa folia deferatur. In plantis nonnullis folia vicem radicum subire & succum nutritium præparare, ac in usum seminis gignendi asservare. Gemmas esse furculorum compendia, vel compendia florum at-

c. 3.

c. 4.

c. 5.

c. 6.

que feminis. Illarum ex medulla eruptio clarissimis observationibus docetur. Commendat autem Autor furculorum non minus in plantis, quam arboribus sectionem horizontalem dextre factam, quam præfert verticali, confusionem daturæ. Sufficit subinde his observationibus oculus nudus; plerumque tamen armato opus est. Gemmarum ex medulla eruptionem radicalium similis eruptio confirmat; sed dubiam reddere videbatur furculorum ex ligno annoso protrusio, quos non ex medulla arboris provenire certum erat. Imo simile quid circa radices quasdam observaverat curiosissimus Autor in radicalium protrusione. Rem igitur accuratiori examini subjiciens, tandemprehendit, medullam esse substantiam utriculosam, qualem in foliis, æque ac cortice aliisque partibus vegetabilium compareret, succo turgidam, quam diu usui est; sed exsuccam, quamprimum officio suo defuncta, inanium vesicularum congeriem referens. In arboribus accedere singulis annis non modo novam fistularum seriem, verum etiam novam medullam fistulis binorum annorum interjectam, quæ illas a se invicem in ipso ligno adulto discernibiles reddat. Ultimo tandem loco ad flores & semina animum & oculos convertit Autor, ubi in usu partium floris ex defectu observationum & experimentorum conjecturis subinde aliquid tribuit, quibus ad eadem via sternatur. In semine singularem exponit cuticulæ usum, quæ a pulpa in vegetatione separatur & cuti interius applicatur. Ostendit, eam convenire cum pellicula testis ovorum interius adhærente, quæ placenta merina in viviparis respondeat. Atque hinc rationem reddit, quod cuticula lobos pulpæ exterius ambiens vasis sit instructa succo in vegetatione (quemadmodum observavit oculo armato) turgidis; altera vero, quæ eosdem interius vestit, vasis prorsus destituta. Ceterum monemus, prodiisse quoque nuper Halæ editionem Logicæ quartam & Metaphysicæ tertiam: quemadmodum etiam Elementa Matheseos Germanica hoc anno tertia, meditationes Politicæ altera vice prodierunt. Prelum autem modo evasit nova Tractatus de augmentatione frumenti editio, appendice aucta, in qua inventi successus in agricultura experimentis majoribus & praxi sæpius repetita docetur. Et propediem eodem liberabitur Physica, quæ denuo recuditur.

CHRI-



CHRISTIANI EBERH. WEISMANNI, S. S.  
*Theol. D. & P. P. Schediasmata Academica.*

Tubingæ, sumtibus Cottarum, 1725. 4.

Alph. 5 pl. 2 in 4

SUMME Rev. Autor, cujus *Historiam Ecclesiasticam A. 1720 p. 413* recensuimus, hoc Volumine dissertationes aliquot Academicas exhibet, cum ob argumenti præstantiam, tum ob elaborationis diligentiam lectu dignissimas. Ac *prima* quidem inscripta est *de præjudicio, quod accrescit veritatibus primariis per imprudentem & vitiosum eorum nexum cum doctrinis accessoriis minus necessariis, incertis, sæpe etiam falsis*. Per *primarias veritates* intelligit eas doctrinas, quæ multis aliis in omni scientiarum genere principii & fundamenti loco substernuntur, atque, quod speciatim attinet ad veritates Theologicas, præ ceteris necessitate, claritate, utilitate, & virtute sese conscientis puris insinuandi pollent, & in Sacris litteris propositæ sunt perspicue, graviter, sæpe, & fortiter. Cum autem *primariæ illæ veritates* dividantur in dogmaticas, exegeticas, morales, & historicas, Celeb. Autor omnis generis exempla profert & illustrat. Primo quidem loco producit dogma de Trinitate divina, ostenditque, ei in dubium vocando occasionem præbuisse duas potissimum doctrinas accessorias; cum scilicet alii docerent, dogma illud etiam a Platone fuisse traditum, alii τὸ ἔτι, non contenti iusto curiosius τὸ πῶς investigare aggressi sint, atque hoc pacto hypotheses invenerint lubricas ac spinosas. Hinc dogmati de æterna Filii Dei generatione fraudi fuisse docet, quod (1) ipsi orthodoxi Theologi non consenserint de sensu locorum *Psal. II, 7, Rom. I, 4, Actor. XIII, 32*; (2) quod quidam commenti sint generationem Filii per intellectum, & Spiritus S. processionem per voluntatem; (3) quod disputatum fuerit, an Christus dici possit αὐτόθεος, idque incautius a nonnullis affirmatum; (4) quod Roellius novam suam opinionem de generatione Filii Dei per solam coexistentiam & communionem, ad dogma principale de divinitate Filii Dei tuendum tam necessariam esse dixerit, ut sine ea nec Arianis nec Socinianis solide possit responderi. Procedit Cl. Autor ad do-

ctri-

strinam de peccato originis, quam firmiores putat acturam fa-  
 isse in omnium animis radices, nec tot habituram oppugnatores,  
 si (1) non statuerent multi, siluisse de eo dogmate Patres Augu-  
 stino vetustiores; (2) non docerent quidam, pari necessitate  
 credi oportere peccatum originis & imputationem peccati Ada-  
 mici: cum tamen posterior doctrina non sit articulis fidei fun-  
 damentalibus adscribenda, sed habenda pro problematica; (3)  
 non derivasset Petrus Musæus imputationem peccati Adamici ex  
 voluntate omnium hominum interpretativa & virtuali, statu-  
 ens, omnes homines id peccatum fuisse peccaturos, si in loco A-  
 dami fuissent; (4) non Malebranchius, non Leibnitius, non alii  
 protulissent miras opiniunculas de modo propagandi peccatum  
 originis. Pari modo doctrinæ de gratia Dei universali nocuisse  
 contendit (1) Cameronis & Amyraldi de illa gratia hypo-  
 theses falsas maleque cohærentes; itemque Sam. Huberi hypo-  
 thesin de eadem; (2) quorundam contentionem, ab Apostolis  
 evangelium fuisse traditum universo orbi, quantus quantus est,  
 ne America quidem excepta; (3) Leibnitii novas doctrinæ de  
 gratia universali explicationes; (4) doctrinam quorundam de  
 gratia Dei etiam damnatis expectanda. Progressus hinc Celeb.  
 Autor ad Exegeticam Theologicam, duobus exemplis ad con-  
 firmandam errorum originem utitur. Scilicet duæ sunt regulæ  
 inter exegeticas, quarum altera jubemur a sensu literali oculos  
 convertere ad ejus interiores spiritualesque recessus fecundissi-  
 mos. Ostendit iam Noster, prioris regulæ obtentu multos com-  
 plura S. Scripturæ loca interpretatos esse sensu nimis tenui & ma-  
 cilentio, Grotium, Clericum, alios, maxime Socinianos, quos  
*rabulas* vocat *exegeticos*. Exempli loco producit verba Moïsis de  
 imagine Dei, & de comminatione Adamo facta in paradiso;  
 verba Christi de paupertate spirituali, de regeneratione, & alia,  
 quæ docet minutissimo sensu fuisse accepta a compluribus. Ad  
 posteriorem regulam hermenevticam quod attinet, ostendit,  
 ejus prætextu majorem in modum nugatum fuisse Origenem ali-  
 osque interpretes allegoricos, quibus & Coccejum aggregat cum  
 suis affeclis, longius etiam duce suo progressis. Notat quoque  
 hac occasione Celeb. Hardtium, cujus opinionem de historia Jo-

næ vocat *paradoxum exegeticum vere stupendum*. Venit hinc ad exempla e Theologia morali deprompta, atque initio, dogma de notitia Dei insita negari a Lockio, Clerico, ac pluribus nostræ ætatis Philosophis, majorem in modum dolet, putans, errori illi occasionem præbuisse doctrinas accessorias, quas peperit studium explicandi naturam notitiæ illius insitæ. Sed, si dicendum, quod res est, S. R. Autor hic in *λογομαχίαν* incidit. Modo enim memorati Philosophi ab ipso haudquaquam dissentiant, statuentes quippe, in omnium hominum ratione utentium animis inesse notitiam Dei divinæque voluntatis. Tantum originem & initia istius notitiæ exponentes discedunt paulisper a sententia priorum. Ac facile iidem ferent, accessorias doctrinas Cartesii, Malebranchii, & aliorum ab Autore notari atro carbone. Sed redimus ad Nostrum, qui & illius veritatis, quæ, in materia religionis & conscientiæ vim externam locum habere, negatur, doctrinas accessorias producit earumque autores, Hobbeum, Bælium, Collinum, & id genus alios. Ultimo loco Historiam ecclesiasticam contemplatur Noster, docens, & hic accidere sæpenumero, ut propter circumstantias falsas vel dubias res ipsa sæpius negetur, vel saltim in dubium vocetur. Verum non licet nobis hic morari, sed potius libet accedere ad *Dissertationem secundam*, quæ est *de providentia Dei circa malum*. Constat inter omnes, novissimis temporibus acriter disputatum fuisse de origine mali, deque ratione existentiam malorum conciliandi cum Dei providentia. Autor noster initio Biblica exponit consilia reprimendi murmuraciones carnis nostræ Rationisque contra Providentiam, pia mente omnino ponderanda. Deinde in medium profert miras Philosophorum recentium rationes, quibus Providentiam Dei conantur ab injustitia absolvere. Alii enim causantur, a Deo conditum esse mundum omnium optimum: jam vero mundi illius ideam includere malum, atque adeo non potuisse Deum non permittere malum. Alii dicunt, Deum agere per vias simplicissimas, generales & uniformes, quas necessario sequantur mala quædam & incommoda. Sunt, qui censent, non posse omnia impediri peccata, nisi per perpetua miracula: jam vero sapientiæ Dei & ordini totius mundi repu-

p. 81.

p. 120 - 258.

gnare miraculorum crebritatem. Rursus alii docent, homines constituere exilem partem hujus universi, & nihili punctive loco esse respectu multitudinis aliarum creaturam felicium, in reliquis mundi partibus existentium. Nec desunt, qui, in rebus & personis nostri orbis plura fingi mala, contendunt, quam revera existant, cum physica, tum moralia. Quidam contendunt, Deum permittendo peccata voluisse gloriam suam & misericordiam & justitiam illustrare. Nonnullis placet, peccatum & malum quodvis non nisi privationem esse, adeoque non efficientem, sed deficientem tantummodo causam habere. Tradunt alii, eo consilio permitti a Deo peccata, ut juxta se posita magis luceant contraria. Alii respondent, non teneri Deum plura gratiae subsidia ad impediendum peccatum suppeditare, quam re ipsa largiatur, etsi possit, si velit. Denique sunt, qui Deo usque adeo nihil esse negotii cum peccato judicant, ut ante illius existentiam ne ideam quidem ejus habuerit. Singulas has argutias erudito oculo contemplatur S. R. Autor, demonstratque, quantum imbecillitatis falsitatisve sit in istis hypothesebus. Non licet nobis persequi singula, sed sufficit, monstrasse sapientiae studiosis fontem, unde haurire queant. Illud enim nolumus lectores nostros celare, videri nobis Autorem nostrum in pertractandis his argumentis usum esse ἀκριβείᾳ summa, adeoque dignissimum esse, qui audiatur ab iis, quos juvat de mali origine disputare copiosius. Ceterum cum huc etiam pertineat disputatio de lapsu protoplastorum, totam illam historiam ita exponit, ut accessoria discernantur a principalibus, utque empæctarum cavillationibus catur obviam. Ultimo quoque loco erudite expendit diversas de libertate humanae voluntatis sententias. Sequitur *tertia Dissertatio*, qua rationes contra Systema Leibnitianum de providentia Dei circa peccatum ulterius illustrantur atque confirmantur, & quidem occasione recens natarum super Systemate Leibnitiano controversiarum. Pari instituto *Dissertatio quarta* destinata est primae Dissertationi novis exemplis & observationibus illustrandae. Afferemus ex ea vel unum exemplum. Inter theologicas veritates primarias haec est: *Sacer codex est θεόπνευστος*. Hanc sacram scripturam servari jubet S. R. Autor, sed simul monet, ut ab ea secer-

namus



namus doctrinas accessorias, quæ vel creditu minus necessariae, vel etiam incertæ sunt ac dubiæ. Has in utramque partem disputari posse ait salva orthodoxia. Unde ferendum censet, si quis ultimum Caput epistolæ ad Romanos, quod salutationibus amicorum constat, itemq; mandatum Pauli de afferenda penula, non credat ortum ex *θεοπνευσία*; vel si quis neget, puncta Hebraica litteris suis esse coæva. *Dissert. quinta* examinatur novum & antea inauditum axioma, nuper editæ *Vitæ Fenelonii Archiep.* insertum: *Aut Deista, aut Cathol.* Hac occasione non solum natura Deismi describitur diligenter, sed etiam ostenditur copiose, quibus de causis, occasionibus & prætextibus Deismus a compluribus arripiatur ac defendatur, quos item fructus effectusque in diversi generis hominibus proferat, denique quibus argumentis possit profligari ac debeat. Hinc suam Cl. Autor exponit sententiam de rationibus a Fenelonio Deistæ objectis, ac simul disquirat, quo jure quave injuria religioni Protestantium tribuatur origo Deismi. *Sexta Disputatio* est de *abuso nominis divini porismatico, sive de illegitima falsarum sententiarum per porismata in speciem Deo gloriosa palliatione.* Hic ostendit S. R. Autor, multos errores copingi colore commendarique, quod egregia suppeditent argumenta probandi existentiam Dei; Prædestinarios hoc uti prætextu, quod ipsorum doctrina optime respondeat ideæ entis perfecti; Antitrinitarios omnes videri studere vindices unitatis Dei; impugnatores peccati originalis, patronos immaculatæ conceptionis S. Mariæ, propugnatores transubstantiationis, & alios, gloriam Dei suis erroribus prætexere. *Septima Dissertatio* præcipuos circa doctrinam de Ecclesia errores contemplatur, & ita quidem, ut hac occasione noxiæ falsæque doctrinæ in Ecclesia proximis temporibus auditæ, sive a Pontificiis, sive ab aliis prolatae jactataeque, expendantur ac refutentur. Multa hic bonæ frugis occurrunt de definitione Ecclesiæ, de distinctione ejus in visibilem & invisibilem, de infallibilitate & indefectibilitate Ecclesiæ, de ecclesiastica disciplina, de sanctitate Ecclesiæ, de unitate ejus, deque ejusdem libertate. Simul duce Historia ecclesiastica ostendit Celeb. Autor, quomodo

p. 566- 635.

p. 636- 736.

p. 737- 824.

exortæ sint doctrinæ de salute æterna extra certam Ecclesiam non speranda, de objicienda hæreticis sola auctoritate Ecclesiæ, de unione Ecclesiæ in externa communione posita, de irrefragabilitate & infallibilitate Ecclesiæ ejusque præsidis, de Ecclesia non subiicienda majestati civili, aliæque hujus generis. Verum non licet persequi pluribus argumenta hujus Operis. Quare nec annexam *Orationem de gravissimis docentis hodie in Ecclesia Theologiæ tentationibus, meditisque ad eas superandas idoneis perlustrabimus*, etsi superiora cuivis facile persuadebunt, lectu eam esse dignissimam.

Anleitung zur Historie der Gelehrtheit.

hoc est,

**INTRODUCTIO IN HISTORIAM LITERARIAM, Autore GOTTLIEB STOLLIO, Philos. Civil. P. O. in Acad. Jenensi.**

Jenæ, apud viduam Jo. Meyeri, 1724. 4. Alph. 5.

**Q**uem librum A. 1718 p. 558 sqq. recensuimus, eum nunc altero tanto auctiorem exhibemus nostris lectoribus. Cum scilicet proximo statim anno bibliopola Cl. Autorem hortaretur, novæ ut editioni se accingeret, is magnis accessionibus, maxime annotationum, opus suum locupletavit, nec majus solum, sed etiam melius procedere iterum jussit in publicum. Ut unum afferamus emendationis exemplum, P. I cap. 3 §. XI ex libris Hebraicas antiquitates illustrantibus merito ejicit, quam prior editio exhibebat, *Buxtorfii Synagogam Judaicam*. Ut & additamentorum nonnihil memoremus, eodem Cap. §. 14 & 16 adjectæ Notæ Vitas continent Laurentii Begeri, Jani Gruteri, ac Raph. Fabreni. Ultimo quoque loco in additamentis separatim p. 759 sqq. subnexis legas Vitas Jo. Georgii Walchii, Christiani Stockii, Jo. Bernh. Wideburgii, Jo. Frid. Wuchereri, & Andr. Rudigeri, qui adhuc inter vivos versantur magnaue & ingenii & doctrinæ laude florent, ac postremus quidem hic apud nos Lipsiæ, ceteri in Academia Jenensi. Plura ex opere Stolliano transferibi non attinet, cum amœnitates hæ historicæ facile ad sui lectionem invitent

vitent plurimos, & jam priori hujus Operis editioni Celeb. Bierlingius lib. *de Pyrrhonismo historico* p. 198 hanc suspenderit hederam: *Hoc libro nemo eruditionis elegantioris cupidus carere potest.* Nos voto concludimus, ut doctissimus Autor promissam in Præfatione *Historiam literariam Medicinæ, Jurisprudentiæ, ac Theologiæ* pari felicitate quamprimum producat in publicam.

CHRISTOPHORI MATTHÆI PFAFFII, S.  
Theol. D. & Prof. prim. Eccl. Tubing. Præpositi & Univ.  
Cancellarii, *Introductio in Historiam Theologiæ  
Literariam, notis amplissimis illustrata.*

*Pars II.*

Tubingæ, sumtibus Io. Georgii & Christ. God. Cottæ, 1725, 4.

Alph. 2 pl. 17.

**E**n alterum Tomum laboriosissimi Operis, quod superiori Anno p. 525 recensere cœpinus. Exhibentur hic maximo numero scriptores Theologiæ polemicæ, & quidem hoc ordine, ut primo loco refutatores veterum hæresium commemorentur: quanquam brevis hic est S. R. Autor, lectores suos ablegans ad Lipenium, Sagittarium, ac Schmidium, quos strenue jam decurrisset huncce campum constat; deinde apologetæ Christianæ religionis, adjunctis Catalogo eorum Fabriciano haud paucis: tum scriptores adversus Atheos, Naturalistas, Indifferentistas, Judæos, Ethnicos, Muhamedanos, Ecclesiam Græcam, Pontificios, Reformatos, Arminianos, Socinianos, Anabaptistas, Mennonitas, Quakeros, Chiliastras, & Fanaticos. Postea de scriptoribus polemicis universalibus agitur, atque ultimo loco de intestinis Ecclesiæ Lutheranæ bellis inde a tempore Reformationis. Iterum Celeb. Autor in Præfatione monet, se de industria omisisse de singulis libris suum judicium. Quanquam fieri non potuit, quin subinde moneret, quid sibi videatur de præstantioribus nonnullis scriptoribus. Afferamus aliquot exempla. P. 3 judicat, nihil, nisi quod plane egregium sit, ex calamo Jacobi Basnagii, historiam Ecclesiasticam quod concernit, effluere pos-

se. *P. 9* R. S. Buddei librum *de Atheismo* vocat præstantissimum, nec  
 quenquam, qui sapiat, eo carere ait. *P. 12* Dominici de Colonia  
 librum *de veritate religionis Christianæ* commendat præ ceteris  
 ejus argumenti scriptoribus. *P. 24* Wolfii *Bibliothecam Hebræam*  
 scribit omne ferre punctum, miraque confectam esse diligentia.  
 Observat tamen, omissos ibi esse scriptores de Judæorum sectis  
 ac hæresibus. *P. 27* Theologiæ cultoribus eximie commendatas  
 vult *Missionariorum Danicorum Relationes ex India orientali*,  
 Halæ editas, cum iis contineantur colloquia ab iis habita cum  
 paganis sapientissima, Philosophorum acutissimorum ratiocinia  
 longissime sæpius superantia, atque egregie monstrantia metho-  
 dum refutandi convertendique paganos. *P. 154* præstantissima esse  
 ait & maximi pretii scripta Dallæi. Nec aliis digressionibus,  
 lectori haud ingratis, caret hoc opus. Ut prætermittamus, quæ  
 narrat *p. 89* de Bossueti, Episcopi Meldensis clarissimi, clandesti-  
 no conjugio; in Capite de scriptoribus antipontificiis, quod  
 longissimum est, *p. 42 sqq.* exhibet bullas Leonis X contra Lu-  
 therum A. 1520 & 1521 emissas; *p. 63 sqq.* inserit Fabricii *Bibli-*  
*otheca Græca* notitiam literariam Concilii Tridentini; *p. 90 sqq.*  
 exhibet catalogum librorum ab Antonio Arnaldo scriptorum,  
 subjungens titulos librorum contra eum publicatorum; *p. 93 sqq.*  
 recenset Gallos Scriptores Pontificios, Theologiam oppugnantes  
 Lutheranam; *p. 134 sqq.* commemorat libros occasione pacis re-  
 ligiosæ & Westphalicæ ab utraque parte editos; *p. 145 sq.* Hob-  
 hani, hodie Superintendentis Knitlingensis, libros antipontifi-  
 cios *Ψευδωνύμους* editos exhibet, eosque scribit haud vulgari re-  
 fertos eruditione multoque sale conditos esse. In eo Capite, quo  
 libros Reformatis oppositos recenset, *p. 182 sqq.* scripta Durzi  
 producit singula, subjunctis iis libris, quos in eum effudit cohortes  
 adversantium. Hic etiam scriptores Irenicos, eorumque anta-  
 gonistas commemorat. Nec hanc dimittit occasionem, scripta  
 præcipuorum Reformatæ Ecclesiæ Theologorum per modam  
 Catalogi exhibendi, Unius Sam. Maresii Catalogus librorum duo-  
 decim implet paginas, *p. 215-227. P. 234 sqq.* Tilemanni Heshusii  
 librorum index repræsentatur. *P. 255 sqq.* legitur Catalogus libro-  
 rum ab Anglis Episcopalibus contra Presbyterianos, & vice versa



ab his adversus illos emissorum. *P. 257 sq.* Celeb. Autor historiam Antinomorum, nuper in Anglia exortorum, exponit, & libros ista occasione ab utraque parte editos commemorat. *P. 269 sqq.* recenset scripta de animæ immortalitate in Anglia edita occasione sententiarum Cowardi & Dodwelli. *P. 274 sqq.* exhibet Catalogum librorum a Whistono & ejus antagonists publice scriptorum. Pari modo Lockii, Tolandi, aliorumque sætus ingeniorum producit in medium. Scripta quoque a Petro Bælio composita recenset *p. 297 sqq.* In Capite de Arminianis *p. 307 sq.* catalogus librorum Joannis Clerici theologicorum profertur, & *p. 316 sqq.* catalogus librorum de jure magistratus circa sacra, potissimum in Belgio, editorum. In Capite de Socinianis multam promittit notitiam de recentioribus Anglis Socinismi labe infectis. Ac *p. 340* videre licet nomina Antitrinitariorum secundum nationes disposita. *P. 352 sq.* exhibentur ii scriptores, a quibus exposita fuit Anabaptismi historia; *p. 358 sqq.* libri de pædobaptismo scripti; *p. 385 sqq.* bibliotheca scriptorum de Inspiratis. Postremo in Capite occurrunt non solum libri in controversiis, Flaciapa, Huberiana, & similibus antiquioribus editi, sed etiam scripta antagonistica Academiarum Helmstadiensis & Wittebergensis, scripta Pietistica, Terministica, Anti-Speneriana, & quæ sunt hujus generis. Præ ceteris copiose agitur *p. 412 sqq.* de controversia superioris ævi Ubiquistica. Sufficiant hæc de præfenti Opere, in cujus *p. 249* cum *Hartnaccii Censuram & Historiam Synodi Dordracenæ* memorari cernebamus, videbatur nobis Celeb. Autor non usus esse suis oculis. At postquam rectius nominari *p. 312* istum librum vidimus, facile credidimus, librum illum deinceps Celeb. Autoris in conspectum venisse. Tertium eundemque ultimum hujus Operis Tomum quamprimum esse superiores consecuturum, dubitare non patitur Summe Rev. Autoris *Φιλοπονία* & de literatura sacra præclare merendi studium.

**I O. HENR. A SEELEN, GYMN. LUBEC.**

*Rect. Memoria Stadeniana, sive de vita, scriptis ac  
meritis Diederici a Stade Commentarius.*

Hambur-

Hamburgi apud Theod. Christ. Felginer, 1725, 4.

Alph. 1, pl. 3.

**C**L. Seelenius, cujus *Athenae Lubecenses* partitim superioribus annis recensuimus, non simplicem hic exhibet vitæ Stadenianæ descriptionem, sed hac occasione partim e commentariis Stadenii nondum editis, partim aliunde affert præclara ad illustrandam Germanicæ linguæ etymologiam. Imo in ipsa Præfatione ordine commemorat Germanos de patria lingua bene meritos, e quibus adhuc in vivis sunt Læfcherus, Muhlius, Eccardus, Menckenius, Raupachius, Frischius, Egenolfus, Wackius. Ipsius libri *Caput primum* Vitam Stadenii continet. Natus is fuerat Stadæ A. 1637. In Academia Julia initio Theologiam suscepit excolendam: postea civili Juri se dedit, ac præter JCos etiam Conringium audivit. Hinc in Sueciam delatus, Senatoris regni Bannerii filium optimis literis erudit: cum quo juvene etiam Athenas Suecicas, Upsaliam, adiit, & in doctissimorum Professorum familiaritatem pervenit. A. 1668 constitutus est Secretarius Consistorii Regii Ducatum Bremensis & Verdenfis, adjecto A. 1711 Archivarii munere. Variis agitatus fuit fatis, quæ materiam præbuerunt patientiæ & ceteris Christianis virtutibus, quibus eluxit, nunc beatissimam vivens vitam inde ab A. 1718, d. 19 Maji. His uberius expositis Cl. Autor *Cap. II* libros memorat illos, quorum lectione opus esse ei, qui profectus facere cupit in studio etymologico Germanico, quibusque usus est feliciter Stadenius. Hic igitur exhibetur Bibliotheca Teutonico-philologica, non solos librorum titulos repræsentans, sed varia adjungens cognita jucunda. *Cap. III* de Stadenii libris, qui exstant, agitur. Cumque Stadenius iis sit annumerandus, qui uni studio se totos dederunt, nullus hic liber occurrit, qui non tradat linguam Teutonicam. Ceterum cum is *Specimini Lectionum Francicarum* a se edito sua manu adscripserit plures animadversiones, harum præcipuas Cl. Autor exhibet p. 118-129. *Caput IV* dicatum est scriptis Stadenii nondum editis. Scilicet reliquit is multa illustrationi linguæ patriæ intervientia: quæ omnia nunc asservantur ære redempta in angusta bibliotheca Hannoverana. Nos quidem velle mus, tamdiu vixisset Stadenius, donec edidisset, quæ elucubravit.

vit in Otfridum, quæque ardentè expectata sunt ab harum literarum cultoribus. Superfunt vero & historici aliquot libri, vel affecti a Stadenio vel confecti, qui editorem desiderant. *Capite V* laudantur primo viri doctissimi, quibuscum Stadenius habuit commercium; deinde exhibentur plures Stadenii & amicorum ejus epistolæ, vel saltem ex iis excerpta: quæ quidem singula versantur circa antiquitates & origines linguæ Germanicæ. *Sexto Capite* continentur multæ animadversiones ejusdem argumenti, decerptæ e libris & schedulis Stadenii nondum editis. Denique *septimum Caput* judicia exhibet honorifica, quæ de Stadenio & literatis ejus laboribus tulerunt viri doctissimi. Ac fatendum nobis est, præclare Cl. Selenium parentasse Manibus Stadenii, nec solum filiis ejus gratum fecisse, quorum nomina præscripsit huic opusculo, sed universis amœnitatum harum philologicarum cultoribus.

Religions-Prüfung etc.

i. e.

CHRISTIANI AUGUSTI HAUSENII SCRUTINIUM Religionum.

Dresdæ, ap. Zimmermann & Gerlach, 1724, 4. Alph. 6 pl. 8.

**M**ax. Rev. Autor, Pastor ad ædem B. V. Dresd. meritissimus, præclaram navavit operam, cum hoc edendum curaret scrutinium Religionum. Etsi enim non desunt hujus generis libri varii, etiam Germanice conscripti, paucos tamen reperias, in quibus tam copiose, tam solide, tamque graviter, & modeste hoc tractatum sit argumentum, quam quidem in præsentì Opere. Ac prima quidem fere occasio instituti ea fuit, quod videret Autor, sæculum nostrum nimis rerum ad religionem spectantium incuriosum esse, multosque veras æque ac falsas Dei colendi rationes uno eodemque loco habere. Quare etsi de scribenda Theologia aliqua polemica nunquam cogitavit, sed pro muneri sui ecclesiastici conditione & fidem præcepit auditoribus, & sanctam vitam; tamen adduci se tandem passus est, ut aliquando e cathedra ecclesiastica una cum lacte catechetico etiam controversiarum sacrarum cibum firmiorem exhiberet. Segregatis de-

T t t

inde

inde iis, quæ magis ad suggestum & homilias pertinent, concinnavit præsens opus, quod & doctis, & indoctis usui esset, & magno emolumento. Constat autem illud XII omnino libris, vel sectionibus; *I* agitur de Religione naturali, ubi Cel. *Abbadium* potissimum sequitur, additque posterioribus IV capitibus doctrinam de Revelatione divina, ejusque necessitate, autore, & characteribus, itemque de veteri, eaque vera religione Judaica. *II* continetur, quicquid de religione Christiana, ejusque divina origine, veritate, præstantia, utilitate, & prærogativis dici poterat. *Lib. autem III* incipit Autor de iis differere, quæ vel ab omni, vel a vera certe religione avocant homines & abducunt, qualia sunt pestes illæ atheismi, naturalismi, indifferentismi, Epicureismi, & superstitionis: qua quidem occasione varias & movet, & solvit quæstiones, e. g. de pœnis, quibus coercendi sint athei, &c. *Lib. IV* progreditur Autor ad Religiones profanas, sigillatimque ad Ethnicismum, ubi & idololatriam, & *περὶ ἀποστασίας* vivis depingit coloribus, ac nefanda gentilium flagitia impiosque mores enarrat. Lectu simul perquam dignum est, quod de officio Christianorum circa Gentilium conversionem monet. *Lib. V* complectitur argumentum de Religione Judaica hodierna. Hic præter alia diligenter disquisitum videas de causis cœcitatæ & pervicaciæ Judæorum, odioque in Christianos, & qua lege tolerandi sint in rep. Christiana. Nec minus legi merentur, quæ de conversione Judæorum dedita opera exponuntur. Hinc transit Autor *Lib. VI* ad tractationem de religione Mohamedica, cujus & historiam pandit, & conditionem, ubi sigillatim docet, quomodo versandum sit in conversione Turcarum, additque nonnulla de bellis Christianorum contra illos. *Lib. VII* agit de Papatu & ecclesia Romano-Catholica. Reperias hic pariter historiam Papatus succinctam, una cum interiore illius notitia, (quorsum refertur etiam Jesuitarum male sana doctrina,) itemque a Papistis contra Protestantes adhibitæ mediæ cum violentiæ, tum fraudulentæ. Tacemus, quæ de Roma irreconciliabili, & de Concilio Tridentino hic etiam afferuntur. Optandum profecto, ut viri politici, & si qui justo lenius de Papatu sentiant, hæc diligenter legant, & expendant. Nec est certe, quod



quod vel pertinacissimus Papista de nimio & exorbitante zelo Autoris nostri iusta de causa conqueratur. Sed perlustremus breviter reliqua. *Lib. VIII* accedit M. R. Autor ad considerationem Ecclesiæ Evangelico-Lutheranæ, cujus faciem tanquam vir integerrimus exhibet, nec naves adeo illius reticet, sed sine omni contumelia, qualem ab hostibus, syncretistis, pseudo-politicis, hypocritis, & persecutoribus experta est. *Lib. IX* videas accurato studio designatam Religionem Reformatorum, quos vocant. Incipit Autor de historia schismatis inter Lutheranos & Reformatos disserere, hinc doctrinas eorum exponit, & quam minime periculo careant, ostendit, & tandem de Unione sæpius tentata sobrie disquirat, ostensis præcipuis rei tam exoptatæ impedimentis. *Lib. X* sequitur scrutinium religionis novorum Ariarum, & Socinianorum, idque historico-dogmaticum. Subjunxit Autor nonnulla de Socinianorum fautoribus, & asseclis variis. *Lib. XI* exponitur docte & accurate de Enthusiasmo, ita, ut recentiores etiam in ecclesia Romano-Catholica, Reformatorum, & Lutheranorum excitati motus enarrentur. Denique *Lib. XII* agitur de Religione, ecclesiæque Græcorum, sigillatim de diversis eorum doctrinis, & satis. Monemus quoque, doctissimum Autorem sub finem singulorum capitum plurimos allegare libros, & fontes, unde vel confirmari possint, quæ dixit, vel uberius illustrari.

Auserlesene Theologische Bibliothek re.

i. e.

**BIBLIOTHECA THEOLOGICA SELECTA,**  
*sive solidæ Relationes, Judiciaque de recentissimis, optimisque libris, & Commentationibus argumenti Theologici.*

**Tomus I, sive partes XII priores.**

Lipsiæ, ap. hæredes J. F. Braunii, 1724 & 1725, 8.

Alph. 3 pl. 8.

**N**on prætereundum plane duximus Diarium hoc Theologicum, cum & singulari studio elaboratum, & haud exiguo

T t t 2

plausu

plausu recte sentientium exceptum videamus. Constitutum autem est Max. Rev. Autori, quem *Jo. Christophorum Colerum*, nuper ex Gymnasio Illustri ad Pastoratam, quem vocant, ædis S. Jacobi Vinar. vocatum, esse cognovimus, non promiscue omnes libros Theologicos, sed selectiores tantummodo & melioris notæ tam copiose, tamque integra ubique fide recensere, ut speret, ipsos forte librorum Autores nihil amplius desideraturos esse: id quod in Relationibus Theologicis, *Unschuldige Nachrichten* dictis, non semper præstitum putarint viri docti. Hinc vero Noster id quoque dedit operam, ut singulis recensionebus ἐπίκρισιν subjiceret quandam, eamque acerrimam quidem, & prorsus exactam, sed modestam simul, & ita comparatam, ut famæ & existimationi Autorum nihil unquam detraheretur. Ubi vero de singularibus quorundam opinionibus monendum quid occurrat, semper ipsa adjecit verba scriptorum, bona fide exhibita. Hac ratione priore Tomo hoc plurima enarrata deprehendimus præclara Opera Theologica. Ne tamen ullo modo omitterentur libri Theologici, qui alicujus saltem sint pretii, cepit Autor inde a Parte IV sub finem cujuslibet sectionis Notitiam novorum librorum addere, una cum succinctis observationibus, in quibus varia monet, non contemnenda. Veruntamen ne hic quidem cessat operam illius, sed rogatus aliquando a viris prudentioribus, decrevit, inde a Parte VII subinde Nova quædam Theologica inferere, sed hac omnino lege, ut nihil afferret, quod vel non satis compertum idoneaque fide sussultum esset, vel ulla ratione quemquam offendere posset. Sic videas p. 624 sq. insertum integrum Edictum Ludovici XV, Gall. Regis, contra Protestantes; p. 905 extat Bulla Pontificis Rom. Benedicti XIII, qua indictum fuit nuperum Concilium Lateranense; p. 917 sq. reperitur Elogium Pontificis hujus ex Jacobo Echardo; p. 960 sq. Declaratio Vrlspergeri occurrit; p. 103 sq. Notitia Concilii jam dicti Lateranensis ex Litteris Historicis (*Lettres Historiques*) & Mercurio Historico (*Mercurie Historique*) una cum observationibus quibusdam exhibetur; p. 1113 sq. XII illi Articuli, quibus uti fama tulit aliquandiu, comprehensa fuit Benedicti XIII P. R. Explicatio Constitutionis Unigenitus, ex Originali, quod

vocant,

vocant, afferuntur, &, quam parum fidei illis tribuendum sit, docetur. Tacemus reliqua, & illud tantum monemus, subinde ab Autore nonnulla ex MSS. evulgari, qualia sunt e.g. Epistola II Mauriti Helingi ad Paulum Crellium, p. 700 sq. &c. Nos minime dubitamus, si hac pergat via Autor, multum commodi ex hocce instituto redundare posse.

**JO. CHRISTOPH. COLERI ANTHOLOGIA,**  
*sive Epistolæ varii argumenti, ad illustrandam potissimum Historiam Ecclesiasticam & Literariam comparatæ.*

**Tom. I Fasc. I.**

Lipsiæ, prostat in officina Brauniana, 1725, 8.

Pl. 5½

**I**dem, quem jam laudavimus, Max. Rev. Autor novum hic suscepit opus per certos Tomos & Fasciculos edendum. In Dedicatione ad Perillustris Mareschalli, Supremi Palatii Magistri, & Cancellarii Vinariensis, summi Mæcenatis, filium, in Academia Jenensi degentem, itemque in præfatione profitetur Autor, se horis subscecivis, & ubi vacavit ab aliis negotiis, collegisse varias observationes, idque occasione fere Diarii illius, quod modo commemoravimus. Has & Observationes, & Lectiones varias deinde in hunc, quem videmus, ordinem redegit, modumque. Ac ne tædium pareret lectio, elegit genus epistolarum, idque exemplo aliorum doctissimorum virorum, quamvis sedulo evitarit, quicquid vanum videri poterat & gloriosum. Anthologiam autem vocavit librum, quod florum instar ex vario doctrinæ genere decerpserit argumenta hic exposita, ita tamen, ut ad historiam potissimum ecclesiasticam & literariam respexerit, idque in posterum facturus est amplius. Jam videamus breviter, quid I hocce contineatur Fasciculo. Principe loco Maximiliani II decretum contra G. Ederm ob illatam Protestantibus injuriam, quod pridem P. Bælius dignum censuit, cujus singula verba diligentissime expendantur, & cujus partem Horn-

Ttt 3

beckius

beckius evulgavit, hic integrum extat, una cum animadversionibus quibusdam æque lectu dignis, quorsum imprimis pertinet exemplum justitiæ Augustissimi Imperatoris nostri *Caroli VI* in confiscando opusculo Gabr. Erdædy Protestantibus iniquissimo. Secundo extat disquisitio de libro: *Jongelini* Notitia Abbatiarum Cisterciensium. Cl. Leucfeldus opus vocavit rarissimum. Quid eo contineatur, & quale pretium eidem statuendum sit, candide aperit Autor noster, imprimisque, quid de plagio Jongelini habendum, edocet. III occurrit observatio de schedis Halensibus: *vernunfftige Tadlerinnen*, quibuscum Autor hic modestia, ingenio, cultuque dictionis certare videtur, adeo, ut nihil in ipso reprehendendum vel culpandum facile reperiri queat. IV agitur de Cardinale Mutinensi, ex nova editione Diarii Jo. Burchardi, quam post Leibnitii curam cum orbe literato in Corp. Hist. medii ævi communicavit Cel. Eccardus, de quo ipso varia hic afferuntur, maxime quantum ad mutationem religionis ab ipso factam attinet, & quidem potissimum ex diario Gallico: *Bibliothèque Germanique*. Noster rem ipsam quidem enarrat, sed judicium suum sententiamque non interponit. V differitur de rarissimo libro Abbatis de S. Grano: *Question Royale &c.* Fatetur Bælius, eum sibi visum non esse: ac profecto in ipsis Galliarum bibliothecis publicis privatisque rarissimus est. Quare operæ pretium fecit Autor, qui copiosam de illo notitiam ex commentariis illis: *Memoires Chronologiques & dogmatiques &c.* (de quibus supra in his Actis p. 138 sq. exposuimus) hic exhibet: nec omittit postremo judicium suum de eodem libro. VI de Trithemii Apologia contra accusationem magis agitur, idque ex Nepiacho illius ab *Eccardo* edito. Monet hic Noster, apologiam Trithemii neglectam esse a G. Naudæo, optatque, ut vir quidam doctus suscipiat aliquando continuationem commentarii Naudæani. Subinde etiam illustrat quædam in jam dicto Nepiacho & Apologia Trithemiana. VII curiose differitur de *Latrano*, ejusque derivatione ridicula, conquistis diligentissime cunctis, quæ huc facere poterant. Addit Autor, quam inique Reinefius invecus sit in Theologos Lutheranos, qui aut tribuant aliis, aut receperint ipsi insignia Doctoratus, uti vocant. Assert in hanc

rem



rem ipsa Reinesii verba cum castigatione Bertrami, Cancellarii quondam Altenburgensis. Denique VIII exhibet Autor Sententiarum Sixti II editionem Hilleslemianam, Cel. Sibero nuper non visam, una cum eruditis nonnullis observationibus. Hæc promissis instar sufficiant ad cognoscendam præsentis opusculi & instituti universi conditionem. Facile speramus, illud probatum iri doctioribus & rei literariæ amantibus. Quare optamus, ut persequatur institutum suum Cl. Autor, maxime cum videamus, Bibliothecam Principalem Vinariensem, thesaurum illum incomparabilem, ipsi patere, id quod ipse perquam honorifice commemorat laudatque.

**BENEVENTANA PINACOTHECA, AUCTORE JOANNE DE NICASTRO, Patricio Beneventano, V.I.D. ac Metropolitana Ecclesiæ Archidiacono.**

Beneventi, ex Archiepiscopali typographia, 1720, 4.  
Alph. 1 pl. 18.

**I**llustrium Beneventanæ urbis civium memoriam plures jam conati sunt propagare ad posterum, Bartholomæus Chioccarellus in libro *de illustribus regni Neapolitani scriptoribus*, Joan. Vincentius Ciarlanti in *Historicis Samnii Monumentis*, Marius de Vipera in *Chronologia Beneventanorum Antistitum*, idemque in *Elencho sanctorum civium Beneventanorum*, Ferd. Ughellus in *Italia Sacra*, & Nic. Toppius in *Bibliotheca Neapolitana*, quos Autor noster in Præfatione commemorat. Sed ipse uberius exequi hoc argumentum statuit, multis jam cum Latino, tum Italico sermone editis libris nobilis, quorum catalogum Præfationi subiectum videmus. Tribus autem libris complexus est patriæ urbis gloriam, *primo* describens Beneventanæ urbis, quam Roma 432 annis antiquiorem esse docet, varia fata, Longobardos dominos, nobiles familias, Episcopos, antiquum pariter ac præsentem statum, cum civilem, tum Ecclesiasticum. *Secundo libro* exhibet non solum Sanctos hic natos, inter quos primum tenet locum S. Januarius, quem Beneventi natum esse, cum sint, qui

qui negent, ipse alios etiam adducit, qui Beneventanæ urbis civibus cum esse adscribendum summis viribus contendant; verum etiam Pontifices maximos, Cardinales, Archiepiscopos & Episcopos, quos urbs illa procreavit. *Tertius liber* duo habet capita, quorum priore recensentur Beneventani doctrinæ laudibus illustres, posteriore viri ejusdem civitatis bellica conspicui gloria. E priori ordine fama nominis ceteros præcellunt Orbilius, vetus Grammaticus, L. Valerius Pudens, Poeta eximius, Papinianus, Jctus, Bartholomæus Camerarius, Theologus idem & Jctus, qui & Luthero Calvinoque se antagonista præbuit, ac denique Nicolaus Francus, Orator & Poeta præstantissimus, ob editas in Papam Pium IV satyras misera morte functus & in numerum relatus litteratorum infeliciū. Præter hos centum alios ac novem commemorat Autor litterarum studiis inclytos Beneventanos, quos quidem domi, quam foris, clariores jure nostro prætermittimus.

Eröffnete Muthmassungen und merckwürdige Gedanken u.  
h. e.

CHRISTIANI DEMOCRITI CONJECTURÆ & Animadversiones in FAC. A MELLE, Sen. Ministr. Lubec. *Commentatiunculam de simulacris aureis, quæ in Bornholmia maris Baltici insula, agris eruuntur. Accedit responsoria ad Amicum Bornholmiensem de cornu aureo in Futilandia olim reperto.*

Hamburgi, apud Joh. Georg. Piscatorem, 1725, 4.  
Pl. 5.

Quamvis Editor hujus schediasmatis omnium assensu, imo admiratione digna credat, quæ famosus Jo. Conradus Dipplius, rogatu amicorum Rœnnensium, de icunculis istis aureis Bornholmiensibus conjecturavit, maxime, quia in carcere, omni penitus libraria supellectile destitutus, eruditam adeo sententiam protulerit; aliis tamen plagulæ istæ vix tanti videbuntur, ut vel a multis legi, vel hic recenseri mereantur. Nos de ipsis simulacris, cujuscunque antiquitatis non prorsus contemnendis

innotendis particulis dicturi, ea fini hoc schedion producimus, ut diversas duorum, Cl. *Mellii* & *Democriti* seu *Dippelii*, longe inter se distantes conjecturas insinuat lectori nostro judicandas exhibeamus. In Boringholmia insula, non procul a Rœnna oppido, agri portio haud exigua, plana, nec nisi paucis vepribus interflincta, olim neglecta, quindecim abhinc annis iterum vomere proscindi conserique cœpta est. Inter arandum singulis annis nonnullæ bracteolæ aureæ, variis figuris humanis signatæ, a rusticis inventæ sunt, quæ bono fato in doctissimi Mellii manus pervenere. Extantiores is æri incisas commentatiunculæ suæ adjecit, ex quibus nos aliquas selegimus, quas Tabula V Fig. 4-16 ob oculos ponit. Ut vero melius de inventionis historia constet, notamus, omnes bracteolas uno eodemque in agro, sed sparsim, ac e sulcis prorsus disjectis erutas esse, nec altius quidem, quam vomer penetrat, ceterum eas aratoribus fortuito sese obtulisse, ab aliis multa opera plane frustra quæsitæ. Nullam præterea rem, quæ vetustatem referret, aut observatione digna foret, in isthoc agro effossam esse, nisi duos ærugine obductos gladios, quos paucos ante annos itidem aratrum forte extraxit. Materia, ut diximus, aurum est, cujus antiquis temporibus in Boringia copiam fuisse, licet nulla ejus insulæ vena aurum gignat, ex *Herodoti* & *Adami Bremensis* testimoniis confirmat Mellius, &, quam exercuerunt Boringi longe lateque, piratica istam auri copiam acquisitam fuisse conjectat. Ad formam bracteolarum quod attinet, ipsæ partim numinis bracteatis simillimæ, atque eorum plane in morem ab una parte introrsum signatæ, ut fig. 4, 5, 6, 8 & 9, partim vero crassiusculæ & planæ sunt, quibus figuræ radio incisæ, ut fig. 10, 7, 13, 14, aliquæ etiam ad speciem corporis humani circumcisæ, ut fig. 11, 12, 15, apparent. Quemadmodum vero exigua earum moles, ut maxima pollicem vix æquet, qualis fig. 12, ita & nulla pondere viginti granula excedit, aliquæ sex granulis sunt leviores. Audiamus jam, quid Mellio nostro de ipsis icunculis bracteolarum videatur. Scilicet pro Laribus & Penatibus vestrorum Boringorum, majoris cultus ac honoris causa in auro effigiatis, eas habet: utroque sexu autem ista numina olim apud plures populos credita cultaque fuisse; caninum caput, quod

TAB. V.  
Fig. 4-16.

Uuu

in

in fig. 4 & 5, noscitur, ad istum referri debere gentilium morem, quo Penatibus Præstitibus caninum quidquam attribuere, ac sæpe canem comitem dare consueverint, ad indicandam domus ac rei familiaris custodiam tutelamque. Sub fig. 7, quæ reti obvoluta esse videtur, autumat latere *Difam*, quæ & olim *Scandis Iſa*, *Freia*, *Deia*, *Gio*, *Gratsagra-God*, *Vena* & *Vana-God*, *Vena-Difa*, *Aſtar-God*, *Syre*, *Sif*, *Harſagra-God*, *Skade*, *Onclur-Difa* dicta sit. Hanc enim faverrimam apud Cymbros Sibyllam rete induisse, cum alias inter duriores condiciones a Rege *Sigtrudo* prohibita esset vel nuda, vel vestita coram ipso comparere: unde eam tunica retis formam habente cinctam pingi, sculpive ac in nummis exprimi consuevisse, docet. Jam si quæras, quomodo simulacra ista Penatium, olim sacra, terra obrui agrisque occultari contigerit? putat, id singulari veterum Boringorum, Christianæ religionis sacris initiatorum, zelo adscribendum esse, qui *Egione*, Dalbojensi in Scandia Episcopo, suatore idololatria se abdicarint, utque omnis Deastrorum memoria aboleretur, etiam aureos hos Penates defoderint, quam in rem *Adami Bremensis ex historia Ecclesiastica* locum adducit. Verum, quid ad hæc singula *Democritus*? Is non solum negligentæ Mellium incusat, plures scribentem in Bornholmia subinde reperiri bracteolas, cum tamen nullæ, præterquam, quas Mellius possideat, nec nisi in uno agello erutz sint: sed etiam interpretationem figurarum aggressus alia omnia sentit, quippe sacra Ægyptiaca & Hermetis Trismegisti mysteria in his icunculis solus cernit, noctes diesque Alchymistarum secreta somnians. Credit igitur, omnes bracteolas singulari loco agri defossas latuisse uno vasculo, vel injuria longioris ævi, vel etiam aratri violentia perfracto, postea, dum læpius glebæ disjicerentur, bracteolas quoque esse hinc inde disperlas, quæ fortasse eo ipso primum loco, quo gladii detecti, conditæ fuerint. Neutrum vero credibile, ait, sive, quod simulacra ista sint Penatium, utpote nimis levia & exilia, sive quod a Boringis Christianis defossa fuerint: quem enim sanæ mentis hominem obruturum fore terra aureum idolum, quod conflare, eoque in usus innoxios & ad augendum patrimonium convertere posset? Ecce! fig. 4, 5 & 6 figuræ sunt Ægyptiorum sacerdotum, Osiridis



sacra parantium, cujus instar ambo priores capite canino insignes conspiciuntur: primus vasculum corona exornatum præfert, hianti ore fortassis præcentorem indicans; alter sacerdotum Princeps, tunica & parmula pectori annexa cum gemmis atque unionibus ceteris præfulget, libum quadrangularem apportans: tertius Diaconum designat, sub pallio sacra vasa & panes gestans, qui nec dignus visus capite Osiridis exornari, ut vilioris conditionis homo. Et quis dubitet, Ægyptios sacerdotes esse, manifesto & cucullo, & pallio, & raso capite conspicuos? Muliebres figuræ, ad quas nunc accedimus, referunt sacerdotissas Ididis, quas oportebat festis diebus hujus Deæ seminudas saltare, ut fig. 8, qua ceremonia puellæ impuberes, his sacrie destinatæ, toto corpore nudæ perfungebantur, fig. 9, 11, 12, decrepitæ vero sacerdotes, qualis fig. 10, a saltatione immunes dirigendis cerimoniis præerant. Dippelius tam accurate posituram gestusque fœmellarum hic discernit, ut saltationem Gallicam in fig. 8 agnoscat, (*weil sie schon ziemlich bey Jahren, wie an ihren verlumpten Brüsten zu sehen, scheint sie was sacht einher zu treten, und eine Frantzösische Menuet zu tantzen,*) in fig. 11 & 12, saltum Hungaricum observet, (*machen auf Hungrisch einen krummen Katzen-Sprung.*) Figuræ denique tres viriles, 13, 14 & 15, Hermetem Trismegistum repræsentant, ut sacerdotem, sine tonsura tamen & cucullo, quæ Regia dignitas non admisit, fig. 13; ut Philosophum brevi thorace indutum, in Museo vel laboratorio versantem, fig. 14; ut Regem diademate insignem, fig. 15 & 16. Quo autem dictis fidem conciliet, provocat non solum ad Antiquarios recentiores, sed & imprimis ad *Jamblicum de Mysteriis Ægyptiorum*: ceterum nullus dubitat, ipsius Osiridis, aliorumque Deorum simulacra eodem loco occultata fuisse, quæ vel mutilata jam sint, ut agnosci nequeant, vel nondum eruta, propediem forsitan in aprium proferenda. Nunc de occasione, qua simulacra isthæc confecta, quaque via ex Ægypto eadem in Boringholmiam delata sint, hæc certissima potes accipere. Postquam Christiana religio publice de superstitione gentili triumphaverat, ne omnis sacrorum suorum memoria peritus aboleretur, gentiles sub imperio Christianorum agentes idolorum suo-

rum simulacra bracteolis impressere, quo tanto facilius occultari possent, iisque usi sunt ad erudiendos liberos suos, eorumque memoriæ firmitus infigendam paternam avitamque religionem: quæ dum scribit Democritus, maligne abutitur fidei salvificæ & Catechismi appellatione, eam ad superstitionem gentilem applicans, cujus temeritatis excusationem frustra tentat editor. Porro in Septentrionem venire sigilla Ægyptiaca per Normannos veteres, qui non solum ex Normannia Gallica, sed & ex Dania, Suecia & maris Balthici insulis a *Rogério* Apulix & Calabrix Duce, post Siciliæ Rege, Seculo X, ad profligandos e Sicilia Saracenos excitati fuerunt. Nam hi ejectos ex insula barbaros in Africam persecuti sunt, ingentique eorum præda potiti, etiam bracteolas Ægyptiacas occuparunt domumque reversi attulerunt. Haud parum istam opinionem confirmant nummi Saraceni prope Hamershusam in Boringholmia paucos ante annos reperti. Sed quid Saracenis cum simulacris Ægyptiorum? Eos, scito, tanquam hostes πολυθεότητος acerrimos, auri vero longe cupidissimos, usquequaque sigilla Deorum aurea conquirendo cetera inter & Ægyptiaca ista occupasse. Datur & alia probabilis conjectura. Nimirum sequentibus forte temporibus Equites Boringi in expeditionibus cruciatis aureas nostras icunculas ex Ægypto abstulerunt, quod præsertim Memphi a fratribus Belgicis & Cimbricis expugnata fieri potuit. Restat, quomodo, quaque causa bracteolæ defossæ atque humo occultatæ sint. Procul dubio eas vetustæ Equitum Boringorum familiæ una cum duobus istis gladiis, quorum supra mentio facta est, ad conservandam gloriæ majorum & fortitudinis memoriam sancte custodierunt, ingruentibusque belli periculis, velut irreparabiles divitias terræ latebris demandarunt, in quibus eæ, dominis postea, aliis hostium manu, aliis morborum pestilentia extinctis, usque dum forte fortuna aratro extraherentur, delituerunt. Haud dissimilem de cornu aureo in Jutlandia quondam reperto, quod in technophylacio Hafniensi Potentissimi Daniæ Regis hodie visitur, historiam tradit adjuncta ad Bornholmiensem amicum epistola. In hac enim omnem, quam *Olaus Wormius* de cornu istius usum, & si.

& figuris, ac ornamentis dedit, explicationem confutat *Dippelius*, monens, aureum cornu vel propter solam materiam ineptum prorsus ad inflandum canendumque fuisse, potius vero sacrificando vino apud Ægyptios inservisse, taleque cornu in bracteola fig. 4 a sacerdote gestari. Aurum sibi persuadet chymicum esse, quo cornu Jutlandicum constat, indeque ejus colori omne aurum naturale longe concedere: Ægyptios vero & Arabes, maxime Reges eorum, Alchymiam exercuisse longe felicissimo successu, eaque arte non solum multos vitam ultra septem secula prorogasse, sed & tantas auri gazas progenuisse: hinc apud veteres scriptores auri Arabici eminentiam celebrari, cum tamen hodie aurum nostro minime nobilius apud Arabes effodi soleat: hinc olim Cleopatraz classem inauratam extitisse: hinc Ægyptiorum continuas contra Imperium Romanum rebelliones ortas, aurum ministrante arte chymica, cujus abolendæ causa Imperatores iterum iterumque conquistatos Ægyptiorum libros comburendos mandaverint. Pariter vero figuras in cornu aureo agnoscit Hieroglyphica Ægyptiaca, quibus omnia lapidis Philosophorum mysteria a capite ad calcem depingantur, ea quidem acuratione, ut omnes ac singulæ cautelæ, 'in processu chymico observandæ, expressæ sint. Quæ adscriptæ visuntur litteræ, quasque Olaus Wormius Runicas existimavit, citra omnem dubitationem quoque ad sacra Chymica spectant: nam Dippelius fidem suam interponit, se facile Oedipum solvendo omni ænigmati daturum, ipse vero commentationem de eo pleniorē Latine conscribendam sub conditione promittit, ubi e re fore eam operam viderit. Ceterum cornu illud fortasse apud sacerdotis alicujus Ægyptii posteros diu servatum, putat, 'ab equite quodam Normanno ablatum ac postea, ex more veterum Germanorum, computationibus adhibitum & aliquando demum a possessore suo, dum bene potus domum remearet, amissum, in via forte lutosa pondere suo depressum, atque hoc pacto hominum oculis subductum fuisse.

Hæc noster antiquarius; quæ ingenio ejus quidem Chymicis speculationibus occupato, & malæ mansioni, librorum evolu-

lutionem ipsi adimenti, libenter condonamus: ceterum ne commentatiunculis, quas minatur, alias antiquitatum Cymbricarum reliquias illustrare laboret, iisque forte, præsertim in explicandis cornu Danici figuris, Chymica sacra incautus enunciet, publico nomine deprecamur. Non certe æque præstantia ex ipsius carcere, ac olim ex Hieronymi Magil, polliceri sibi possunt antiquitatum æstimatores. Ne autem nos ἀσύνβολοι hinc discedamus, nobis bracteolas has vetustum monetæ genus videri, nummis bracteatis Germanorum simillimum, quo Boringi partim Regum, partim Episcoporum suorum, partim alias hominum informes, quales & in bracteatis Germanicis conspiciamus, formas expresserint, non diffitemur. Ægyptiis vere familiaria hieroglyphica & simulacra qui noverint, facile, qualis eorum cum istis bracteolis similitudo fuerit, judicabunt, ut formandi artificium prorsus ab Ægyptiorum more & arte abluere, optime vero cum Germanicis mediæ ævi nummis convenire, taceamus. Talesque nummi, ut in nostris terris subinde agris effodiuntur, ita in Boringholmia citra miraculum erui potuere. Verum suum cuique pulcrum atque integrum esto de conjecturis hisce iudicium.

### ELOGIUM JOANNIS GUILIELMI JANI.

**L**ongiori utique vita dignus erat B. Janus, qui Rabenii, in vico circuli Saxonici Electoralis, A. 1681 die 9 Nov. in lucem editus, patrem habuit Johannem Janum, Rabenensem primum, inde Awensem & Lauterensem in Misnia Pastorem, avumque Johannem Janum, Concordantiarum Biblicarum, quas *Schrift- und Stern-Himmel* inscripsit, autorem, & matrem Salomen natu Neumanniam. A patre primum privatim eruditus, postea in Gymnasio Schneebergensi, ductu Cl. Virorum, Hieronymi Freytagii, Jo. Bonizii, Urb. Gothofredi Siberi, Antiqu. Eccles. hodie apud nos Professoris florentissimi, mirum in modum profecit. Dimissus hinc in Academiam, Vitebergam se contulit A. 1699, & in Historia imprimis *Conr. Sam. Schurzleischio*, qui & instructissimam bibliothecam suam ipsi liberaliter aperuit, in ceteris Philosophiæ partibus *Schrætro*, *Vatero*, *Heuchero*, *Ræschelio*, *Strauchio*, *Rærenseo*, *Wichmanshausio* aliisque, in Theologia porro *Deutschmanno*, *Hanckenio*, *Læschero*, *Wernsdorffio*, imprimis vero *Neumanno*, matertero suo, cui plurimum se debere nunquam non professus est, adhæsit, A. 1701 inter Magistros, A. 1706 inter

Ad.



Adjunctos Fac. Phil. & A. 1708 inter Candidatos Theologiz receptus, scholis Historicis imprimis, Hebraicis, Philosophicis ac Theologicis juvenum commoda indies magis promovit, adeo ut Potentissimo Regi nostro ab Academia commendatus, Professoris Philosophiz Moralis & Politicz extraordinem munus haud difficulter obtinuerit. Evocatus tamen mox ab Uratislaviensibus, Professionem ordinariam Eloquentiz & Philosophiz Moralis in Gymnasio Elisabethano suscepit, qua quidem vix ultra annum defunctus, ac denuo accitus Vitebergam, paruit divinæ voluntati, & Professionem Historiarum, quæ *Schurzleischii* junioris discessu tunc vacabat, sibi demandatam alacriter suscepit, eaque se oppido dignum editis doctissimis elucubrationibus præstitit. Jam vero & laudabili exteros visendi ardore excitatus, accepta potestate, iter per Germaniz partem, Frisiamque & Belgium in Angliam Galliamque ingressus est A. 1715, summorumque in omni doctrina Virorum amorem ubique sibi conciliavit, ac Bibliothecas non obiter, ut solent plerique, lustravit, sed ita plerasque excussit, ut multa insignia eruditionis cimelia, quæ inter schedas ejus adhuc exstant, inde Vitebergam reportaverit anno sequente. Ita cum non modo Historiam, Ecclesiasticam maxime, & Chronologiam ore & calamo ornaret egregie, sed etiam Theologiz studiosis operam in eo studio assiduam commodaret, factum est A. 1719, ut & Professionem Theologicam & summos in Theologia honores omnium plausu consequeretur. Vitæ deinde sociam circumspectans, A. 1721 d. 15 Junii in matrimonium duxit *Magdalenam Elisabetham*, Viri celeberrimi, *Jo. Christoph. Wichmanshausen*, LL. OO. Prof. & Bibliothecz in Acad. Viteb. Directoris, filiam, e qua filium, tristi quidem fato paulo ante Patris obitum extinctum (nam cum in aquas medicatas calidissimas ab imprudente ancilla detrusus esset, ambustus toto corpore ac cute miserabiliter nudatus, paucis post septimanis decessit) & filiam unicam suscepit. Vir pius, eruditus & literis ita deditus, ut lucubrationibus diurnis nocturnisque mortem maturasse plerisque visus sit, non inelegantia ingenii monumenta reliquit, in quibus, ut dissertationes alias & cathedra defensas taceamus, eminent *Hist. Æra Chr.* cum Sched. *de veritate historica*, & *Or. de vero Historiæ usu*, Vit. 1715, 4, *Dionysii Exigui liber de ratione festi Paschalis*, cum Nostri *Comment. & historia Cycli Dionys.* ib. 1718, 4, & *Judicia eruditorum de Origine Electorum*, ib. 1711, 4, quibus mox accedente ejusdem *Opuscula historica & philosophica alia*, & *Commentatio historica de IV Monarchiis*, singulari studio conscripta, sed non nisi ad Monarchiam Rom. atque adeo nondum plane ad umbilicum perducta. Cum vero corpore esset admodum gracili ac macilento, accidit facile, ut ab aliquo tempore & tot laboribus, lectionibus imprimis frequentibus, pulmones paulatim consumentibus, tussim siccam cum hæctica contraheret, & nupero die 25 Augusti in gravem incideret paroxysmum, linguæ etiam usualiquandiu destitutus, aucta que paulatim imbecillitate, cum morti se pie parasset, rationis & linguæ licet usu integro restituto, die 27 Augusti, hora post quartam media matutina, placida morte exspiraret.

ELO.

**B.** *Chladenius*, Cremnicii in Ungaria natus A. 1669 d. 25 Oct. patre *Georgio Chladenio*, Pastore primum Cremnicensi & post septem annorum exilium, Hauswaldensi in Lusatia inferiori, & matre *Catharina*, Jone *Clementis*, Senatoris Neosoliensis, filia, cujus majores e Tyrolensibus & Salisburgensibus finibus ob religionem profugi, Cremnicium migraverant. Cum puer admodum, erepto illic templo S. Joh. & Benedictinis tradito, solum vertere cum patre cogeretur, Gorlitiū delatus, A. 1674 in schola publica *Christiani Funccii*, aliorumque, & inde Grimmæ 1686 receptus in provincialem scholam, *Christiani Andreae Siberi* maxime, & *Tobiae Petermanni* institutione usus est. Biennio post studia Academica aggressus, Vitebergæ G. C. *Kirchmayerum*, *Strauchium*, *Röbrenseum*, *Donatum*, *Dassovium*, *Knorrium*, *Schurzfleischium*, in scholis Philosophicis & Historicis, in Theologicis vero *Waltherum*, *Deutschmannum* & *Lasseburgium* audivit assidue. Nec diu latuit ejus diligentia, quippe habita de pœnis sub *Belovii* Præsidio disputatione, A. 1691 Magisterii primos honores adeptus, de characterismo morali, de exemplo Principis, de Historia Physica, de Ecclesia Græca hodierna, & de diptychis veterum, inter Philosophos, & sub præsidio *Deutschmanni* de Christo Legislatore in cathedra Theol. disputavit. Inde primo A. 1695 ad Pastoratum in oppido Ubiga & post septennium ad Lausicenses vocatus, mox inde Pastoris & Superintendentis in Præfectura Jessensi prope Vitebergam munus consecutus est. Hinc demum Professoris Theologiz in Academia Vitebergensi provinciam obire jussus, & ad Doctoris in Theologia honores eVectus, subinde & Præpositura templi omnium Sanctorum ornatus, & in Consilium sacrum receptus, nihil intermisit, quo spartam suam exornaret; prostantque ejus rei testes cum opuscula, ut Institutiones homileticæ, exegeticæ &c. tum dissertationes non paucæ, quas hic enumerare non licet. Ex uxore *Charitate*, *Justi Siberi*, Pastoris Schandaviensis, filia, liberos suscepit undecim, & in his sex superstites reliquit. Sed cum & alius, & imprimis antea annum, graviter laborasset affectibus cachecticis & hypochondriacis, demum nupero die 23 Aug. nocte concubia viribus simul omnibus dejectus, in tertianam continuam incidit, quæ paulatim infebrem ardentem degenerans, tandem Virum optimum d. 12 Sept. hora 11 matutina rebus mortalibus eripuit.

## Errata.

MENS. JUL p. 303 l. 7 *Sed non dum* p. 304 sub fin. ἐν ἰσχυρῶν p. 305 l. 13 & θέλει. sub fin. *banc* p. 307 l. 21 *legas* p. 308 l. 3 αὐτῇ.  
TOM. IX. SUPPLEM. Sect. I. p. 7 l. 19 *esse* p. 9 l. 2 *distinguit* p. 13 l. 9 *gentilibus* p. 15 l. 16 τῶ. p. 16 l. 2 71 75 l. 25 *experiri* p. 18 l. 10 *convivantur* sub fin. *Cleo* p. 19 l. 3 *abusive* l. 14 *volō vos* l. 17 *Hebr.* sub fin. *credo* p. 20 l. 17 *Quumque*.

# ACTA ERUDITORUM,

*publicata Lipsiæ*

*Calendis Decembris Anno MDCC XXV.*

**THESAURUS MONUMENTORUM ECCLESIASTICORUM & Historicorum, seu HENRICI CANISII Lectiones Antiquæ, ad sæculorum ordinem digestæ, variisque opusculis auctæ, quibus Præfationes Historicas &c. adjecit JACOBUS BASNAGE.**

**Vol. I.**

Antwerpiz, apud Rudolph. & Gerhard. Wetstenios, 1725, fol.

Alph. 9 plag. 17.

**Q**ui edendis Antiquitatis Ecclesiasticæ monumentis, ne temporis diuturnitate ea pereant, sed ab interitu vindicentur, suum laborem impendant, tantum abest, ut inanem, ut utilem potius & Ecclesiæ proficuum maxime operam suscepisse, dicendi sint. At vero in lucem proferre, quæ crassis occultata circumfusaque tenebris jacent, antiquos deinde emendare errores, singula æquo pondere pensitare, unicuique opera sua vindicare, tum quoque spuria a genuinis discernere, quanti laboris & judicii, quantorum interdum etiam sumtum sit, æqui omnes hujusque rei intelligentes æstimatores conjectura facile assequuntur. Atque hoc quidem nomine præclare de universa Antiquitate Ecclesiastica, dum vivebat, meritus est *Henricus Canisius*, qui, cum indefesso conatu optimas quasque Bibliothecas lustraret, manuscriptosque codices pervolveret, veterum opuscula vulgare, in animum sibi induxerat, quæ etiam paulo post sub nomine *Antiquarum Lectio-*

XXX

num

num ab erudito Autore edita sunt, septem comprehensa Voluminibus. Quamvis autem magnam hoc Opere nominis sui laudem vel apud posteritatem ille retulerit, tamen cum illa Antiquitatis Ecclesiastica monumenta, prout sese legenti casu offerebant, aut ab amicis subiciebantur, nullo plane vel seculorum, vel scriptorum, sive veterum, sive recentiorum, ordine & discrimine servato, in lucem protraheret, suis utique nævis casere non potuit, sed rudis quasi & indigesta moles visa fuit eruditis hæc Canisiana Lectionum Antiquarum Collectio. Non defuerunt proinde, qui de nova illarum Editione cogitarunt, Doctores, in his imprimis *Philippus Labbeus*, Societatis Jesu seculo superiori Theologus; qui tamen aliis curis implicitus, qua tenebatur fide, eam non liberavit. Rariores hinc indies factæ sunt, in Bibliothecis etiam locupletissimis jam diu desideratæ, nec nisi magnis, si quando venales proflarent, comparandæ sumtibus. Tanto igitur ne diutius carendum esset orbi erudito antiquitatis thesauro, Reipublicæ literariæ utilitati probe, dum vivebat, invigilans votisque eruditorum obsequens, hunc denuo edendum Antiquarum Canisii Lectionum laborem suscepit illasque sub Thesauri Monumentorum Ecclesiasticorum & Historicorum titulo IV Vol. recudendas curavit *Jacobus Basnagius*, celebre nomen, sæpiusque memoratum in nostris Annalibus. Egregia sunt & præclara in hanc novam Canisii editionem Viri doctissimi merita; quæ antequam paulo curatius exponantur, dicendum nobis primum est, quibus præcipue scriptis veterumque operibus, quæ e tenebris sua ætate produxit *Canisius*, abundet ille Monumentorum Ecclesiasticorum Thesaurus. Non omnia commemorabimus, sed præcipua. Quæ seculo post Christi nativitatem III edita sunt a Christianæ Ecclesiæ Doctoribus opuscula, primum ea in primo hujus Operis Volumine locum occupant, quorum duo potissimum exhibentur: alterum illorum illudque antiquissimum *Excerpta sunt ex Libro S. Hippolyti*, Martyris & Portuensis Episcopi, *de Theologia & Incarnatione* contra Beronem & Helicem, hæreticos, Græce & Latine, *Francisco Turrano* interprete; alterum *S. Gregorii* cognomento *Thaumaturgi*, Episcopi Neocæsareæ, *duodecim Anathematismi* totidemque

pag. 13.

26.



que de Fide capita, quæ ab Antonio Possevino Venetiis sibi missa  
 e Græco in Latinum sermonem transferri notulisque illustrari,  
 curavit Canisius. Quartum Christianæ Ecclesiæ Seculum illu-  
 strarunt insignes pietate & eruditione Doctores, e quorum scri-  
 ptis atque operibus, quibus christianæ religionis sanctitatem  
 adversus hæreticos assertum iverunt, in hoc Monumentorum  
 Thesauro habentur, Beati Serapionis, Episcopi Thmucos ad-  
 versus Manichæos Liber, Titi, Bostrensis Episcopi, Libri Tres, pag. 43.  
 una cum argumento libri quarti adversus Manichæos; Sancti O- 59.  
 resii, Abbatis, de sex cogitationibus sanctorum Libellus, S. Basilii 168.  
 Magni Rationes Syllogistica contra Arianos & Eunomium; tum 169.  
 ipsius Eunomii, hæretici, Confessio Fidei, Henrico Valefio, ejus 178.  
 Apologia, H. Whartono, & Scholion seu disputatio Orthodoxi contra 181.  
 Eunomium, Francisco Turriano, interpretibus; scripta sane ra- 185.  
 rissima, ut omnium illius ævi hæreticorum, pleraque enim A-  
 manuensium incuria & Doctorum vigilantia perierunt. Post san-  
 ctorum Patrum Basilii M. & Gregorii, Theologi, de sancta & 188.  
 Orthodoxa fide Expositio. Gregorii Nysseni contra Apollinariū  
 ad Theophilum, Alexandrinum Archiepiscopum, de Incarnatio- 191.  
 ne Epistola; Didymi Alexandrini contra Manichæos Liber; Jo- 204.  
 hannis Chrysostomi brevis in S. Evangelium secundum Johannem 218.  
 Interpretatio, una cum ejus ad Cæsarium, Monachum, Epistola, 233.  
 antiquitatis parte, quæ diu tenebris involuta jacuit, pretiosissi-  
 ma. Exhibet porro ille Monumentorum Thesaurus, quæ pro  
 confirmanda Christianæ Religionis veritate laborarunt seculo V  
 Ecclesiæ Doctores. Sillitur hic Basilii, Episcopi Seleuciæ, adver- 240.  
 sus Judæos de Adventu Christi demonstratio. Tironis Prosperi, A- 264.  
 quitani, Chronicon integrum ab Adamo ad Romam captam a Gen-  
 serico, Wandalorum Rege, distributum in duas partes, ex va-  
 riis quidem editionibus, una cum iis, qui Chronicon illud con-  
 tinuarunt, Victore nimirum, Episcopo Tununensi, & Johanne, 321.  
 Abbate Biclariensi, usque ad annum 590, Mauriti, Imperatoris, 337.  
 octavum. Faustii, Rhegiensis Episcopi, Epistola ex Membris 350.  
 Monasterii S. Galli, cum Ruricii, Lemoviceni Episcopi, Epi- 373.  
 stolarum libris duobus, ex Membris MS. ejusdem Monasterii  
 editis. Ex scriptis eorum, qui inclaruerunt Seculo VI, inserta  
 legun-

pag. 411.

416.

428.

436.

465.

480.

535.

600.

613.

625.

636.

644.

764.

767.

775.

788.

795.

leguntur huic volumini, quæ ante Canisium publicam lucem nondum aspexerunt: *Eugippii*, Presbyteri, ad Paschasium de sancto Severino, Monacho, *Epistola*; *S. Brigide*, virginis Scotæ, *vita* a *Cogitoso* quodam descripta; *Zacharia*, Mitylenensis Episcopi, *adversus Manichæos* Syntagma: *Anastasi*, Patriarchæ Antiocheni, *Orationes quinque*, 1 de S. Trinitate, 2 de Incircumscripto, 3 de Incarnatione Christi, 4 de Passione & Impassibilitate Christi, 5 de Resurrectione Christi. *Anastasi Sinaitæ* *Orationes duæ*, de sacra Synaxi, & in sextum Psalmum *oratio*. Tandem nonnullorum seculi VII Doctorum opera præsentì volumini accedunt, e quibus *Leontii*, Byzantini Monachi, Libri tres *contra Eutychianos & Nestorianos*; ejusdemque *adversus fraudes Apollinaristarum* Liber; *Solutiones* Argumentationum Severi, & *Dubitationes* Hypotheticæ, eodem Autore *Leontio*. *Epistola Desiderii*, Episcopi Cadurcenì, una cum iis, quæ ad Desiderium datæ sunt: ut reliquorum scripta taceamus, quæ eodem continentur Volumine. Accesserunt Appendices duæ, quarum prima exhibentur Dn. *Capperonnier* in Anastasii Versionem Latinam fragmentorum Hippolyti, & in Fabricii, Holsati, Versionem Latinam Apologetici Eunomii *Animadversiones*: secunda Tractatus tres, Carmen Monostichon; Beati *Columbani*, Abbatis S. Galli, Confessoris, *Sermo* dictus Constantiæ in consecratione Joannis, Constantiensis Episcopi, & *Leontii*, Episcopi Cyprii, contra Hebræos fragmentum, quibus primum Volumen hujus Thesauri absolvitur. Debemus hoc judicio & indefesso labori Cl. *Basnagii*, quod, quæ recensuimus, veterum opuscula hoc disposita ordine, temporis seculorumque servata serie, in hac nova Editione compareant. Singulos enim scriptores, quoad ejus fieri licuit, ætati quemque suæ assignavit, tum ex conjecturis, tum ex ipsis librorum argumentis, ut adeo, quæ cujusque seculi doctrina fuerit, qui fuerint mores, ritus, controversiæ, hac ratione appareat. In eo tamen non omnis versatur labor, quem novæ huic editioni impendit Vir doctus. Non genuina sunt omnia, quæ sub Patrum sanctorum nomine circumferuntur, opera; sunt interdum, quæ præclari cujusdam Ecclesiæ Antistitis nomen præ se ferunt, quod tamen mentitus fuit, qui

ordi

orbi illufit, impofitor. In tanta igitur Monumentorum ecclefia-  
fticorum, quæ hoc Thefauro continentur, mole genuina a fpu-  
riis, diftingui, permagni Lectoris intererat. Probe hoc animad-  
verfum Autori Cl. qui, ne γνῶσις confunderentur cum nothis,  
obfervationes Criticas unicuique fcriptorum adjecit. In illis ubi-  
cunque licuit, auctoritate nititur Criticorum, qui a Caniffi  
tempore vixerunt, quosque duces fequutus eft. Si quando difce-  
dere ab iis necesse fuit, non temere id egit, fed argumenta pro-  
tulit, relinquenda tamen Lectoris iudicio. Præter hæc quoque  
lacunas frequentiores fupplevit, & quæ deerant, ex editioni-  
bus, quibus fides habenda, reftituit, mendisque fublatis, varian-  
tes fimul lectiones, ut de Autoris mente eo clarius conftaret Le-  
ctori, addidit. Tandem notas & animadverfiones, ubicunque  
opus fuit, adjecit, quibus obfcuriora explicantur, errores indi-  
cantur & refelluntur, certiora in medium proferuntur & ab alio-  
rum objectionibus vindicantur. Satis prolixæ interdum funt illæ  
animadverfiones; ex imprimis, quibus *Prosperi Aquitani Chro-  
nicon* illuftrandum fufcepit, multa eruditione variaque doctrina  
refertæ funt, ex quibus multum utilitatis fperare poterunt, qui  
facræ antiquitatis ftudio & amore tenentur. Nec aliter dicendum  
de doctis illis, quas unicuique fcriptorum præmiffit, obfervatio-  
nibus criticis, in quibus de vita, fati, fcriptis aliisque, quæ  
digna effe exiftimavit, quæ de Autore notentur, nec tamen ubi-  
vis obvia funt, fufe differt, antiquosque errores emendare ag-  
greffus eft. Ceterum cum in ampliffimo hoc Commentario plu-  
res diverfque Tractatus fe femper excipiant, atque adeo lecto-  
ris animus in varias partes diftractus facile negligere poffit, quæ  
nofle juvat; confultum ideo duxit Cl. Autor, Breviarium quod-  
dam rerum præcipuarum præmittere, in quo de variis hærefibus,  
Ecclefie traditionibus, veteribus ritibus, variaque Regiminis for-  
ma differt. Septem præcipue funt capita, quibus abfolvitur  
hæc generalis Præfatio. Continentur *Capite I* Obfervationes ad pag. 3.  
Hærefin Manichæorum ex Serapione, Didymo, Tito Bofrenfi  
& Zacharia hic editis. *Cap. II* Obfervationes Criticæ circa Hifto- II.  
riam & dogmata Neftorianorum, ad Leontium Byzantinum,  
Nicephorum, Damafcenum &c. *Cap. III* Variæ Eutychiano- 23.  
rum

pag. 36.

44.

59.

73.

rum Sectæ earumque sententiæ elucidatæ, ad illustrandum Leontium Byzantinum, Damascenum &c. qui contra Severianos Acephalosque scripserunt. *Cap. IV* varia circa Regimen Ecclesiæ, Titulos Episcoporum, Patriarcharum &c. Agitur *Cap. V* de ecclesiæ ritibus & quidem de Baptismo; *Cap. VI* de Penitentia variisque ejus ritibus, octavum nonumque seculum spectantibus; *Cap. VII* de Eucharistia, variisque eam celebrandi ritibus. Hæc Antiquitatis Ecclesiasticæ Capita excussit in Præfatione Basnagius, plura excussurus, nisi mors inopinata, ultima linea rerum, præclaros ejus interrupisset conatus. De reliquis proxime dicemus. In recensendo vero ultimo hujus Operis Volumine quando occupati erimus, expectet a nobis Benevolus Lector breve Viri Cl. cui tantum debemus, Elogium.

**EXCERPTA E LITERIS V. CL. JACOBI  
ELSNERI ad Anonymi Annotata in Observationes ad  
Matthæum, inserta Supplem. Tom. VIII  
Sect. XII pag. 520 sequ.**

**V**Ehementer miratus sum, cum e longo itinere redux in Novis Litterariis Lipsiensibus de 26 Julii his diebus legerem, Anonymum quendam multa in meis Observationibus vituperasse. Cum enim contraria omnia de meo libro judicassent, cum in publicum prodiiisset, eadem Nova Litteraria & Acta Erud. 1771 mense Martio, fieri non poterat, quin rei insolentiam admirarer, cum post quadriennium in iisdem Actis Anonymi stricturas viderem. Criminationes autem ad hæc capita redigi posse video: quod Godfr. Olearii in quibusdam locis mentionem nullam faciam, & quod plura profanorum loca, minus bene applicata, liberis immiscuerim. Quod ad Olearii *Observationes in Matthæum* attinet, affirmo, ejus me observationibus, cum in *Matthæum* commentarer, caruisse, & post *Matthæum* demum typis exscriptum eas accepisse. Feci etiam illius in *Philostратum* toties cum laude mentionem, & sæpius, modeste tamen, ab ejus sententia nominationem discessi. Refutavi etiam ejusdem observationem in *Matthæum*, postquam accepissem, ad Luc. IX, 31, mentione ipsi-



ut honorifica injecta, probante id in nuperrimis *Animadv. Philolog.* Cl. Wolfio; quodque Raphelio etiam, aliisque licuit. Gatakero nil præter ejus mentem adscripsi, ut ex sola inspectione patet: quem Anonymus p. 520, iterum *forte* dubitans, defendit. Qualis etiam est illa censura p. 530, cum *βλεπόμενος* vertissem *præstantior, qui omnium oculos in se convertit*, addit, *βλεπόμενος tamen forte est is, qui cavendus improbis*. Alterum criminum genus est: me putare, verborum apud profanos convenientiam statim pertinere ad divinas res nostras, etiam saltem illustrandas, p. 521. Sed videamus exempla. Ita ille p. 522: *λέγειν ἐν τῷ νόμῳ & κατὰ λέγειν idem esse, recte ait Noster. Hanc autem significationem, quam Christus adhibuit de lege divina, a se adimplenda, frequentem esse apud Græcos etiam profanos, nemo credet.* At ubi quæso hoc dixi. Dico, eam phrasin frequentissimam esse ea significatione, scil. abrogationis legum. Idem etiam plane mecum Olearius dixit in Matthæum p. 457: *καταλύσαι νόμον significat legis neglectum vel abolitionem, ex genuino Græcæ linguae usu.* Ejus generis est nota p. 525, quia enim simile quid e Plutarcho attuli ei, quod dicitur *Num. XII, 6, 7, 8*, objicit Censor: *atqui Plutarcho nunquam in mentem venit, ad indagandam illam speciem Jehovah cogitando adscendere, Quasi ego talia scripvissem.* Similia sunt, quæ p. 526 contra Hieroclis & Lysidis loca disputat. Ibidem stomachatur, quod dixerim, *etiam Lucianum tribuere Christianis γραμματεῖς*. Quare autem? quia supra captum Luciani fuit, *discipulos Christi docuisse Evangelium.* Et superat hoc etiam meum captum. Mox fingit, me credidisse, *Josephi γραμματεῖς de portentis consultos fuisse Christianos*; cum nihil præterea dixerim, quam *Josephum eos, qui in N. T. γραμματεῖς vocantur, (tales autem sunt in plurimis locis Judaici, ) ιερογραμματεῖς vocare, quales consulti essent de portentis.* Talia etiam sunt, quæ de genio Socratis inspergit, & temere negat, *vocem quandam fuisse, contra clarissima loca, a me allegata.* Contra historiam Ecclesiasticam pugnat, dum simpliciter falso superstitionem circa sepulchra martyrum Christianis nonnullis exprobrasse Julianum putat, p. 523. Talia plura sunt, quæ refutasse tædet. Præmissi primæ meæ illustrationi hæc verba: *salva, quam mirando huic mysterio*

*mysterio debeo, reverentia, & annoto e Plutarcho &c. Quid ad hæc Cenfor? p. 520: Vix alibi redit hæc protestatio, quæ oppido est necessaria, ne confundamus sacra cum profanis, vera cum fabulis & turpibus.* Debebat autem contrarium potius colligere, cum primæ illustrationi eam præfationem præmitterem, eandem me ceteris omnibus præmissam voluisse. Olearius autem sine tali protestatione in Observat. in Matthæum p. 161 dixit, *Paulum respicere ad gentilium mysteria.* Item p. 480 comparare audeat *transfigurationem Christi cum Jamblichi splendore*, ab Eunapio ei tributo; immo p. 481 dicit, *simile quid de Proclo narrare Marinum, &c.* Talia tamen & minora Cenfor damnat in me p. 528. Quid si ego scripsissem cum Oleario p. 250, *etiam Angelos fuisse nominatos λόγους, quod Sociniani volunt?* aut cum eodem p. 72, *scripta plurima divina perisse, & similia?* Ostensum igitur esse existimo, afferri omnino posse illustrationis causa etiam talia, quæ gentiles eodem plane sensu & vi non intellexerunt, quo in divinis occurrunt.

### ANONYMI RESPONSIO.

**O**Mittendum non erat, in Actis Mens. Mart. 1721 p. 112, 113 in fine annecti XIV novas V. Cl. expositiones quorundam locorum Matthæi, quæ ut majori mentis contentione excuterentur, dignæ omnino videbantur. Ad hæc loca cum post quadriennium nihil plane accipereimus, Anonymo nunc subnata est occasio, ex ejusdem V. Cl. libro proponendi adhuc alia quædam dubia. Videamus potiora. I Negat V. Cl. se, cum in Matthæum scriberet, D. Olearii nostri Observationes in eundem habuisse. Remittit tamen lectorem p. 7, 10, 17 ad illum. II. Notat, nos de Gatakero loqui dubitanter p. 520. Atqui is similiter f. 75 dubitaverat. Sed hoc leve est. III. Negat, se putare, verborum apud profanos qualemcunque convenientiam pertinere ad exhaustiendas res nostras divinas. Atqui p. 10 diserte affirmat, lustrationem gentilium per ignem & Moloch pertinere ad verba Johannis III, 11 de Christo, *ipse vos baptizabit Spiritu & igne.* Ista autem lustratio per ignem & Moloch ne in verbis quidem apta est ad illustrandum textum  
sacrum.

sacrum. IV. Negat, se dixisse p. 24, λύειν καὶ καταλύειν ἐντολὴν, in verbis Christi c. V, 17, 19, ea significatione frequentissime occurrere apud profanos. Ecce verba, *qua significatione*: quæ scil. est in isto comm. 17 & 19. *Non veni, ut destruam aut solvam legem, sed ut impleam.* Exulat itaque hic diversa plane significatio, qua magistratus leges latas in Republica iterum abrogat. Instat, D. Olearium etiam idem dicere, p. 457. At non omnino idem dixit, sed hoc potius, καταλύσαι νόμον, *solvere legem Mosaicam*, h. l. non significare permissionem prohibiti, sed in genere legis illius abolitionem, genuino linguæ Græcæ usu. V. Concedit, se ad verba Christi, c. XIII, 11, *vobis datum est, illis non datum*, annotare p. 65, etiam profanos existimasse, religionis capita sublimiora non nisi discipulis proponenda. *Et plane hoc pertinere præclarum Plutarchi locum.* - *Confer hæc cum eo, quod simillimum habetur Num. XII, 6, 7, 8: Mos ore ad os loquor, & speciem Jebouæ conspiciat.* Hic rationes nostræ, cur hæc omnino sint dissimillima, etiam in verbis, cuius patent. VI. Verbo tangit locum Hieroclis p. 68, quem ex Matth. XIII, 15 desumptum putabat. VII. Eodem modo tangit locum Lyfidis Pythagoræi apud Jamblichum, in quo eandem similitudinem in re non dissimili occurrere putabat, facta comparatione cordis non pure initiati gentilismo, cum verbo audito, quod in spinas cecidit: quæ est similitudo Christi, c. XIII, 22. IIX. Non negat, se ad verba Christi c. XIII, 52, *omnis γραμματεὺς*, scribere p. 69, *Lucianum etiam Christianis γραμματέας tribuere & Ægyptiis &c.* Urgebamus autem manifestum discrimen inter eos, de quibus Christus loquitur, & reliquos profanorum. Non enim iidem sunt, qui libros Mercurii interpretantur, cum legis perito Christi, qui, evangelium docendo, ex thesauro Verbi nova & vetera ad regnum cælorum depromit. Neque ex simili ratione Iosephus eosdem, qui a Christo hic ceu γραμματεῖς mittuntur, consultos fuisse ait de ostentis. Nam illi Judaici non erant similes missis in N. T. Non videri præterea intelligi hic τὰ σκῆνη πατρὸς *familias*, jam monitum erat in *Actis* 1721 p. 113. IX. Genium Socratis fuisse vocem, quam subinde audiret, p. 14, 15 dixerat, & adhuc credit, per clarissima loca se id adstruxisse. Sed primus & solus Plato scripsit, Socratem ad iudices dicere, ὅτι μοι θεῖον τι

καὶ δαιμόνιον γίνεται Φωνή. *Apolog. f. 31.* Mox, Φωνή τις γίνεται μένη, vox quaedam existit. Idem *f. 40*, τὸ τῷ θεῷ σημεῖον. Add. *Theag. f. 128, 129.* Jam autem Xenophon, auditor Socratis & Platonis amulus, paulo aliter facit Socratem ad judices loqui. Non ideo nova numina introduco, dum dico, θεῷ μοι Φωνή φαίνεται, σημαίνεσθαι ὅτι χρῆ ποιεῖν. Nam ὅς qui utuntur φθέγγεσσι διαίων, jonis avium, vocibus ceu signis utuntur. - Ego vero τῷτο δαιμόνιον καλῶ, ὅς puto, me ita veriora ὅς magis pia dicere, quam ii, qui avibus attribuunt τὴν τῶν θεῶν δύναμιν. Irati ad hæc judices, ὅς invidia perciti, quod majora a Diis consequeretur, quam ipsi. *Apolog. f. 773.* Lapsis aliquot seculis Plutarchus propius accessit ad mentem Socratis, δαιμόνιον ejus esse Φωνῆς τινος αἰσθῆσιν, ἢ λόγῳ νόησιν. - ὃ φθόγγον, ἀλλὰ λόγον δαίμονες ἀνευ Φωνῆς. Nam αἱ τῶν δαιμόνων νοήσεις, φέγγες ἔχουσαι, ὃ δέονεσσι ῥημάτων, ὃ δὲ ὀνομάτων. *De genio Socr. f. 588 seq.* Apulejus, Plutarcho superpar, adhuc clarius: Dicebat Socrates, non vocem, sed vocem quampiam sibi oblatam; non ergo vocem usitatam nec humanam. Quasi foret, frustra quæpiam diceretur. Frequentius etiam non vocem, sed signum sibi oblatum. Potest quæ ipsius demonis species fuisse, quam is solus cerneret. *De deo Socr. p. 52, 53.* Tandem Maximus Tyrius *Diff. 26* pronunciat, Socratem τῷ νῶ ταῖς τῶν θεῶν Φωνῆς συγγινόμενον fuisse, quod non expressit interpres. Habes hic consentum veterum. X. Statuit, ex historia ecclesiastica constare, Julianum Christianis non nullis Antiochenis superflitionem circa martyrum sepulchra, simpliciter falso non exprobrasse, sed veri aliquid subfuisse. Ita vero repetit, quod *p. 47* dixerat, videri nonnullos ex istis Christianis omnino superstitione hac se contaminasse. *Misopog. f. 344.* Si ergo veritas hujus asserti ostendi ex historia ecclesiastica potuit, quare dixit, rem totam pendere ex fide Juliani, an vera sint, quæ is iisdem exprobrat? In libris ejusdem adversus religionem nostram postea scriptis tota probationis vis hæc est, Christianis nunquam dictum esse advolvi sepulchris, eaque colere; ipsos tamen sepulchris implese omnia, superque iis Deum invocare. Respondit pridem Cyrillus *f. 203, 336, 340*, ceu testis istius historiæ optimus. Quæro, an ex verbis *Misop.* colligi posse videatur, *vetulas illas in monumentis ad mar-*

tyres



*tyres vota fecisse?* ac prorsus vera omnia esse, quæcunque scripsit Julianus? XI. Recte ait Noster, se primam illam protestationem suam, *salva, quam mirando huic mysterio* (conceptionis Messæ) *debeo, reverentia*, ceteris omnibus illustrationibus præmissam voluisse. Utique enim hæreret alias lector, legens *p. 48*, Lucianum forte respicere ad verba Christi, c. IX, 6, & ad sententiam ejusdem c. XIII, 15 adeo pertinere verba Hieroclis, ut ea hinc sumpta esse crederes. Sic *p. 85* Julianus atrocitatem facinoris tali locutione, quali Christus c. XIX, 6 dicitur exprimere, & *p. 88* Julianum exponere mysticum eundem eunuchismum, (de quo Christus c. XIX, 12) ubi matri Deum gratias agit. Porro, eandem sententiam cum verbis Christi c. XXIV, 13, *perseverans ad finem salvabitur*, habere Luciani Hermetimum, initio sc. dialogi. Atqui sententia hæc per totum deinde dialogum sæde impugnatur atque proscinditur. Hic perit omnis protestatio, facto contraria. Incongruum enim est, initium dialogi allegare, non nervum totius. XII. Sane D. Olearius sine tali protestatione *p. 161* scripsit, Paulum *Philipp. IV, 12* verbo *μυστήριον* respicere ad gentilium mysteria. Nam istud vocabulum a sacris, tum vero Græcorum sumptum, dudum Erasmus & Coccejus nemine contradicente agnoverunt. Et purgatur id statim comm. 13, *omnia possum in Christo*. Fabulam de Jamblichio & Proclo, ceu fabulam, citra omnem violationem reverentiæ recitare idem potuit. Et loca de Angelis *λόγοι* ab eodem *p. 250* statim etiam vindicantur, utpote a sensu Matthæi alienissima. Periisse multa, quæ a viris divinis gesta & dicta complecterentur, adeo perspicue proponitur *p. 72* & comprobatur exemplis, ut his de hisce superesse nulla queat. Itaque qui illustrationis qualiscunque causa ad libros sacros afferunt varia loca gentilium, iis cavendum est, ne statim dicant, eadem aut plane simillima deprehendi apud profanos, vel profanos verba ex ipsa Scriptura desumpsisse. Executienda prius sunt singula, & annotandum deinceps, in quantum voces & syllabæ quidem videantur aliquando congruere, sensus autem toto cælo sit alijs. Ita enim tota die instituitur illustratio, etiam per opposita: quod genus est innocentissimum.

Des Heil. Röm. Reichs vollständige Staats-Rechts-Lehre,  
vierdter Theil 2c.

hoc est

JACOBI CAROLI SPENERI PLENIOR  
*Doctrina Juris Publici Imperii Romano-  
Germanici.*

*Tomus IV.*

Frankofurti & Lipsiæ, impensis Georgii Marci Knochii, 1725. 4.  
Alph. 3 pl. 4.

Complectitur hic Tomus librum tertium & libri quarti duo solum capita priora. Veretur hinc Autor Consultissimus, ne justo uberior diffusiorque forsitan videatur multis, qui alios Juris Publici scriptores in argumentis præsentis volumine pertractatis, puta de Imperio Romano Germanico in genere atque ejus juribus, & de Imperatoris Rom. Germ. electione, haud perinde longos & abundantes esse noverint. His in præfatione sese excusat, monens, dum in Juris Publici doctrina pleniore sistenda defudet, ea vero inexhausti fontis instar habeat, parcum brevemque esse sibi non licere: imo vero diutius immorandum fuisse illis capitibus, quæ levi nimis brachio plerisque antehac evoluta fuerint. Libri III, qui *de Imperio nostro in genere* agit, ejusque jura explicat, *capite I* contemplatur *territorium Imperii Rom. Germ. principale & ejusdem finet*. Instituta ibi peculiari statuum Imperii, qui sunt originarii, qui accessorii, consideratione, illos in tabula repræsentat p. 21 ff. quæ ab ea, quam III. Ludewigius ad *A. B. T. VII p. 652* dedit, haud parum discrepat, dum Noster Bavariam, Sueviam, Franciam Orientalem, Lotharingiam, Thuringiam, Saxoniam & Slavoniam provincias ac status originarios facit, omittens Brandenburgum, adjiciens Lotharingiam. Hæc vero Ludewigius, ad septenarium numerum obtinendum, præterierat, Brandenburgum citra veteris historiæ auctoritatem addito. *Cap. II* occupatur circa *territorium Imperii secundarium & accessorium*, quod a prætensionibus Imperii probe discernit; ac ejus a territorio principali differentiam, potissimum diversis juribus sese

sefe exerentem, ob oculos ponit. *Cap. III* sistit *præcipuas Imperii divisiones*, inprimis vero hodiernas. Etenim quæ olim, tum aliis rationibus politicis, tum jurisdictionis commodius exercendæ causa, obtinuit Imperii divisio in provincias, gobiis rursum & pagis, itemque Centenis distinctas, pridem ab usu recessit. Ejus loco nostra ætate arbitraria Imperii in Electoratus, Principatus, Ducatus ceterosque status divisio observatur, quam præter alias tamen, puta in territoria Ecclesiastica & Secularia, Allodialia & Feudalia, in status Evangelicos, Romano-Catholicos & Reformatos, divisiones agnoscendæ sunt. His Noster subjungit partium Imperii potentioris & infirmioris considerationem, verasque ejus disparitatis origines eruit: ceterum partitionem in terras mediatas & immediatas, item in duos Palatinatus supremos, in terras Juris Franconici & Saxonici, in Quaterniones, partim erroneas, partim Germaniæ hodiernæ minime accommodatas, denique nec circulatorum Imperii divisionem universalem esse, demonstrat. *Cap. IV* expendit *vires atque opulentiam imperii*, quæ tractatio licet ad cognitionem status publici proprie pertineat, utilitatem tamen in forma politica rectius describenda, in collectis Imperii distribuendis, potentia bellica examinanda, in diverso superioritatis territorialis exercitio considerando, inque similibus Juris Publici argumentis præstat. Succedit *Cap. V* dispectio *de forma, seu constitutione politica & regimine Imperii præsentis, deque conservatione status hodierni*, ubi præcipue interesse politicum erga singulos vicinos ac ratio status præsentis diligenter excutiuntur. *Cap. VI* *Tituli, prerogative atque jura præcipua Imperii* demonstrantur & vindicantur, inprimis præcedentia, tituli que ab Imperio Rom. originem ducentes. *Cap. VII* Noster *Prætensiones Imperii*, qua in hoc potissimum argumento opus, moderatione atque circumspectione investigat, certas ab incertis ac prorsus frustraneis, quibusve Imperium se pridem abdicavit, solide secernit, jusque ac modum vel persequendi vi bellica & vindicandi jura in Status externos, vel iisdem renunciandi, declarat. *Cap. VIII* exhibet *prætensiones in Imperium*, quas tum extranei status, speciatim Papa, Rexque Galliæ, item Dania, Polonia, Hungaria, tum status quidam Imperii contra statuum quorundam

dam immedietatem fovent, pariterque, quibus juribus adversus ejusmodi prætensiones opponendis Imperium uti possit, exequitur. Hactenus jura Imperii universi, quatenus illud constituunt Imperator & Status. Jam sequitur *Liber IV*, qui totus *Capiti Imperii*, eoque *pertinenti supremo regimini* dicatus, initium facit *Cap. I* ab *Imperatoris summa dignitate, titulis & insignibus*, quæ singula ex historiæ monumentis legibusque & observantia Imperii ea cum cura illustrantur, qua de Majestate ac honore Augusti differere convenit; *Capite II* vero Noster de *Electione Imperatoris*, & quidem tam de juribus circa illam, quam de solemnitatibus observandis tam solícite agit, historiam electionum, & novissimæ, & superiorum, ubique subjiciens, ut vel hoc apparatu plerosque Juris Publici scriptores vincat. Enimvero majorem copiam institutum & methodus, quam tenet, requirunt. Ceterum cum *Tomo VI* hujus operis jus Publicum particulare sit executurus, recentiora vero atque indubia monumenta ad peculiaria jura præsentemque Statuum singulorum constitutionem facientia haudquaquam prompta facileque impetranda sint, publica obtestatione ejus generis subsidia expetit, gratam Patronorum fautorumque prædicationem spondens, qui humanissima particularium istiusmodi monumentorum communicatione juvare ipsum dignati fuerint.

Schauplaß der Wasser-Künste.

hoc est,

**THEATRI MACHINARUM HYDRAULICARUM**  
*Tomus II, Autore JACOBO LEUPOLDO, Mathematico & Mechanico, Regi Borussiae a Consiliis Commerciorum, diversarum Societatum Scientiarum Sodali.*

Lipsiæ, sumtibus Autoris, 1725, fol.

Alph. 2 pl. 1 Tabb. 21. 54.

**C**ontinuat Cl. Autor in altero Theatri machinarum hydraulicarum Tomo descriptionem machinarum ad aquas elevandas



das vel cum successu adhibitarum, vel frustra ab hominibus non ingenio equidem, at praxi tamen destitutis eum ad usum commendatarum, ut aurum a scoriis dignoscant lectores. Diximus in Actis hujus anni p. 228, Cl. Autorem in Tomo priorē varias describere rotarum species, quibus aquæ ad diversas altitudines elevantur. Omisit autem omnem fulcrorum apparatus, atque adeo consultum duxit in Tomo posteriore sistere istiusmodi rotam cum omni fulcrorum apparatu. Habet autem præterea machinam id singulare, ut rota, cui ab aqua in flumine labente motus imprimitur, diversa sit ab altera, quæ aquam elevat. Eidem jungit Noster cochleam *Archimedeam* triplicatam ex *Ramello*, qua aquæ insignis quantitas ad exiguam altitudinem elevatur, una cum aliis ejusdem cochleæ multiplicationibus. Sequuntur varix machinæ sitularum ope aquas elevandi, quæ vel vi equorum, vel aquæ irrudentis impetu, vel denique ab hominibus calcando moventur. Inter eas una occurrit, quæ Autoris ingenio debetur. Plures describuntur modi antlias agitandi, varia vectis atque tollenonum applicatione, ubi *Sturmius* notatur, qui in hoc genere errores commisit aliorum defectus emendaturus. Describuntur vero & varia antliarum genera, inter quæ eminent antlia admodum simplex ad horizontem inclinata, & alia pyramidis truncatæ figuram referens, ex Transactionibus Anglicanis A. 1677 Num. 496 desumpta. Docetur quoque tollenonum applicatio horizontalis, ubi & machina describitur, quam in Diario eruditōrum Gallico A. 1678 cum publico communicavit architectus quidam militaris, a militibus agitata, etsi pedum manuumque ministerio destituantur, & perpetuum mobile refellitur, quod a *Solskis* excogitatum repræsentat *Schottus* in Technica curiosa. Agitur præterea de axibus incurvatis eorumque in antliis usu: ubi defectus in comuni eorundem applicatione obvii notantur, de medela dispicitur, & affricus imprimis minuendi ratio habetur. Invenies hic descriptionem accuratam hydraulici Lipsiensis & Augustani, tum etiam machinæ hydraulicæ prorsus stupendæ, cujus ope in Gallia aqua ex Sequana in usus hydraulicos deducitur, & cujus accuratissimam delineationem orbi litterario promisit Cl. *Villius*, Leodiensis. Multa denique adjiciuntur de usu axium incurva-

- c. 6. curvatorum in antliis vi venti agitandis, five in rotas verticales, five in horizontales irruat. Comparet hic machina structuræ simplicissimæ, procellarum furori minime expositæ. Succedunt rotæ ad horizontem inclinatæ, ubi simul varius plani inclinati usus in agitandis antliis exponitur, & monstrata cochleæ perpetuæ varia ad antlias applicatione, describuntur rotæ, quarum tantum semiperipheria dentibus instruitur, una cum machina *Perraltiana* aquam sine affricu absque rotarum dentatarum usu, sola funium & cylindri ope ad quamlibet altitudinem elevandi.
7. Varia exhibentur machinarum genera, aquam vi ignis elevandi, ubi præ ceteris notatu digna est machina, quam *Potterus* in metalli fodinis Hungariæ multo cum successu adhibuit. Ultimo tandem loco maximo apparatu Cl. Autor describit emendationes emboli in antliis, cum a se, tum ab aliis tentatas, & appendicis loco subjungit machinam ad vires hominum & equorum æstimandas facientem. Coronidis loco comparet discursus de re machinaria in genere, & hydrotechnia in specie, ad retundendum fastum & vanos ausus hominum nec in theoria, nec in praxi mechanica satis versatorum.

### HENRICI RIDLEY, COLLEG. MED. LOND.

*Soc. Anatomia Cerebri, complectens ejus Mechanismum  
& Physiologiam, ex Anglico in Latinum  
fideliter translata.*

Lugduni Batavorum, apud Joh. Arn. Langerok, 1725, 8.

•Plag. 14  $\frac{1}{2}$  & fig. ænear. Tab. 7.

**T**Riginta præterlapsi sunt anni, cum Clarissimus *Ridley* suam Anatomiam Cerebri vernaculo idiomate publici juris esse voluerit. Qui liber non immerito summo cum applausu ab ordine Medicorum fuit exceptus, non solum quod exactam cerebri Anatomiam sistat, & nova inventa exhibeat, sed & quod functiones animales & motum muscularem accurate examinet, & veteres pariter ac modernos Autores modeste emendet. Quæ libri præstantia movit Cel. Collegam nostrum, *Mich. Ern. Eschmullerum*, P. P. Acad. Leopoldino-Carolinæ jam Adjunctum, ut tum in gratiam

tiam eorum, qui linguæ Anglicæ minus sunt periti, quam, cum in illustri hoc Collegio reciperetur, specimen industriæ suæ exhibiturus, Anno 1705 Tractatum hunc Latinitate donaverit, & Miscellaneorum Naturæ Curiosorum Decadis III Anno IX & X inferendum curaverit, uti in Actis his A. 1706 Mense Octob. pag. 456 monuimus. Cum igitur hæc versio haud infeliciter cesserit, laudatæque Miscellanea omnium Medicorum manibus terantur, supersedere potuisset versionis novæ Autor hoc labore. Et quoniam Clarissimi Ridley Tractatum in Actis his Anno 1696 in mense Majo pag. 201 prolixius recensuimus, nihil amplius adjiciendum nunc esse judicamus.

Errata.

Pag. 21 lin. 1 l. Horatii, p. 58 l. 33 l. Parisiensia; p. 64 l. 12 l. alatos; p. 136 l. 4 l. probare; p. 144 l. 14 dele qui; p. 154 l. 8 l. antiquis; p. 156 l. 8 l. eviluerunt; p. 226 l. 25 l. Talibus; l. 26 l. exemplo; p. 255 l. 13 lege Alne-; p. 261 l. 11 l. militari; p. 356 l. 33 dele quod; p. 537 lin. 32 l. σκέν; p. 538 l. 6 l. φθόγγος; l. 14 8; p. 544 l. ult. pro tum l. tam.

# INDEX AUTORUM,

Quorum Libri aut Inventa hoc Volumine  
recensentur.

## I Libri Theologici & ad Historiam Ecclesiasticam spectantes.

A Lardi (Nic.) Bibliotheca Harmonica Biblica. 351  
 Alberti (Jo.) Observationes Philologicae in libros N. T. 302  
 R. Alschech (Mosis) Comm. in Psalmos, Proverbia & Jobum. 430. 431  
 Amort (Eusebii) Informatio de Autore libelli de imitatione Christi. 414  
 Anastasii de Vitis Pontificum Tomus II. 153  
 Anonymi Responso ad An. Annotata in Observ. ad Matth. 534  
 Commentarii Chronol. & dogmatici ad inserviendum  
 Historia Eccl. ab A. 1600 ad 1716. 138

Lzz

Ano-



## INDEX AUTORUM.

Anonymi <i>Doctrina Pontificios inter ac Protestantes contra-</i> <i>versa.</i>	159
Aulicii (Dominici) <i>Scholarum Sacrarum Libri duo.</i>	341
Baldeschii (Alex.) <i>Status Ecclesie Papalis Lateranensis A. 1723.</i>	129
Basnagii (Jac.) <i>Thesaurus Monum. Eccles. &amp; Hist. Tomus I.</i>	529
Buddei (Jo. Franc.) <i>Meditationes Sacrae ex ed. Jo. Dav. Leun-</i> <i>bardi.</i>	457
Canisii (Henr.) <i>Lectiones Antiquae. Tomus I.</i>	529
Coleri (Job. Christoph.) <i>Bibliotheca Theologica selecta.</i>	515
Crescimbeni (Jo. Maria) <i>Status Ecclesie Papalis Lateranensis</i> <i>A. 1723.</i>	129
La Croze (M. V.) <i>Historia Christianismi Indorum.</i>	122
Ex Elsneri (Jac.) <i>Literis ad Anon. Annotata in Observ. ad Matth.</i> <i>excerpta.</i>	534
Frisii (Mart.) <i>Fundamenta Theologiae Theticae.</i>	461
Hausenii (Chr. Aug.) <i>Scrutinium Religionum.</i>	513
Houtteville <i>Religio Christiana, probata ex factis.</i>	351
Kohltreiffii (Gottfridi) <i>Chronologia Sacra.</i>	163
Lampii (Frid. Adolph.) <i>Comment. Evangelii secundum Johan-</i> <i>nem. Tomus I.</i>	460
Lenfantii (Jac.) <i>Historia Concilii Pisani.</i>	19
Millii (Dav.) <i>Dissert. selectae variae S. Literarum &amp; Antiquita-</i> <i>tis Orient. Capita illustrantes.</i>	103
Murray (Andr.) <i>Demonstratio Dei ex voce animalium.</i>	462
Petitdidier (Matth.) <i>de auctoritate &amp; infallibilitate Paparum</i> <i>liber.</i>	308
Pfaffii (Christoph. Matth.) <i>Introductio ad Historiam Theologiae</i> <i>Literariam. Pars II.</i>	509
Reineccii (Christiani) <i>Biblia Hebraica.</i>	381
	<i>Novum Testamentum Graecum.</i>
S. Sixti II Pontif. R. <i>Enchiridion, ex ed. Urb. Godofredi Siberi.</i>	353
Theophanis <i>Disquisitio historica bigae questionum &amp;c.</i>	409
Weismanni (Christiani) <i>Schediasmata Academica.</i>	595
Wolfii (Jo. Christoph.) <i>Anecdota sacra &amp; profana. Tomus IV.</i>	218
	<i>Cura Philol. &amp; Critica in IV SS. Evangelia &amp; Actus</i> <i>Apostolorum.</i>
	347

## II Libri Juridici.

<b>B</b> oehmeri (Justi Henningi) <i>Doctrina de Actionibus.</i>	372
Cronii (Jo. Adolphi) <i>Tract. de Jure Affecuratum.</i>	78
Noodt (Gerardi) <i>Opera omnia.</i>	1
Spence-	



## INDEX AUTORUM.

Speneri (Jac. Car.) plenior Doctrina Juris Publ. Imperii Rom. Germanici.	Tomus II & III.	81
	Tomus IV.	540
Vinholdi (Ge. Andr.) Nucleus Juris Naturæ.		424
Westphal (Ern. Joach.) de satis atque usu studii Juris Feudalis in Germania Medit. præg.		417

## III Libri Medici & Physici.

<b>A</b> cademia Regiæ scientiarum Historia Anni 1721.	107
Anni 1722.	267
Albini (Chr. Bernh.) Specimen Anatomicum &c.	404
Anonymi Sylloge scriptorum de Motu aquarum.	20
de sublingualibus Salivæ ductibus Epistola ad Aëtiorum Erud. Autores.	325
Responsio ad Epistolam præcedentem.	328
Godfrey (Ambrosii) nova Methodus extinguendi incendia.	181
Harris (Gualtheri) Dissert. Medica & Chirurgica.	328
Hiemerii (Eberh. Frid.) caput Medusæ, diluvii universalis monumentum.	376
Jurini (Jac.) Diss. de motu aquarum fluentium, contra P. A. Michelottum Defensio.	315
Keill (Jo.) Introductio ad veram Physicam.	406
de Legibus attractionis.	406
Maudray (Jo.) Valetudinarium mulierum.	177
Michelotti (Petr. Ant.) ad Bernh. Fontenellium Epistola, in qua aer pulmones influens, cogatur an solvat sanguinem, eorum canales permeantem, inquiritur.	261
Epistola ad Ant. de Comitibus, in qua sententiam suam de motu aquarum fluentium contra Jac. Jurinum defendit.	315
Quincy (Jo.) Prælectiones Pharmaceutica.	69
Richteri (Ge. Frid.) de natalibus Fulminum Tract. phys.	235
Ridley (Henr.) Anatomia cerebri &c.	544
Ruysschii (Fred.) Curæ posteriores, seu Thesaurus Anatomicus maximus.	22
Scheuchzeri, (Jo. Jac.) Ouzépoitns Helveticus, seu Itinera Alpina.	312
Sendetii (Nathan.) Electrologiæ Missus primus.	374
Tabor (Job.) Exercitationes Medica.	449
Waltheri (Augustini Frid.) Sarcocoles Exemplum rarissimum.	492
Wellsted (Roberti) de ætate vergente liber.	23
de adulta ætate Liber.	447

## INDEX AUTORUM.

Wolffii (Christiani) Meditationes Physicae de usu partium corporis humani, animalium atque plantarum. 398

### IV Libri Mathematici.

- A**cademia Regia Scientiarum Historia Anni 1721. 107  
 Angeli (Mich.) opera Architectonica, e vers. L. Christ. Sturmi. 278  
 Anonymi Sylloge Scriptorum de motu aquarum. 20  
 Bernoullii (Dan.) Exercitationes quaedam Mathematicae. 113  
     Explanatio Notationum suarum &c. 470  
     (Joh.) Demonstratio Constructionis pro describenda  
     trajectoria reciproca, quae inter omnes Algebraicas possi-  
     biles sit simplicissima. 318  
 Buteonis (Jo.) de fluentis aquae mensura libellus. 377  
 Carbonis (Jo. Bapt.) & Dominici Capassi Observatio Lunaris  
     Eclipsis habita Ulyssipone d. 1 Nov. 1724. 74  
     Solutio Problematis Riccatiani. 673  
 De Folard Meditationes de re militari. 184  
 Hodgson (Jac.) Systema Matheseos. 14  
 Leupoldi (Jac.) Theatrum Machinarum Hydraulicarum.  
     Tom. I. 227  
     Tomus II. 542  
 Poleni (Jo.) Epistola de Solis defectu A. 1724. 377  
 De Vignola (Barozzii) Institutiones totius Architecturae Civilis  
     ex Gallico A. C. Davibrii vertit L. Christ. Sturm. 278  
 Wagner (Jo. Wilb.) Observatio magnae Solis Eclipsos A. 1724  
     d. 22 Maji. 379  
 Weidleri (Jo. Frid.) Institutiones Mathematicae. 469

### V Libri Historici, Geographici &c.

- A**lbini (Petri) Vita Georgii Sabini. 29  
 Anonymi Memorabilia Saxonica. 150  
     Elogium Martini Chladenii. 477  
     Michaelis Fartschii. 526  
     Jo. Guil. Fani. 528  
 Belhomini (Humberti) Historia Mediani in monte Vosago Mo-  
     nasterii. 67  
 Bruckeri (Jac.) vita Eliae Ebingeri. 30  
 Burmanni (Petri) Thesaurus Antiqu. & Hist. Italiae. Tomi IX Pars  
     VI, VII & VIII. 202  
     Burman-

# INDEX AUTORUM.

Burmanni (Petr.) <i>Thesaurus Antiqu. &amp; Hist. Sicilia, Sardinia, Corsica &amp;c. Tom. VI, VII, VIII, IX, X.</i>	289
- - - Tomus XI, XII, XIII, XIV, XV.	481
Burneti (Gilb.) <i>Historia sui temporis.</i>	49
C. A. H. vid. Heumannus.	
Carxi (Richardi) <i>Conspectus Cornwalliae.</i>	120
- <i>Epistola de praestantia linguae Anglicae.</i>	120
Crusii (Magni) <i>Singularia Plestiacae, seu vita Philippi Mornai.</i>	26
(Theodori) <i>Comment. in P. Albini vitam G. Sabini.</i>	29
Q. Curtii Rufi <i>de rebus gestis Alexandri M. libri, ex ed. Henr. Snackenburg.</i>	97
Danielis (Gabr.) <i>Historia rei militaris Francica. Tomi II.</i>	394
Democritus (Christian.) vid. Dippelius.	
Dippelii (Jo. Cour.) <i>Conjecturae in Jac. a Melle Comm. de simulacris aureis, quae in Boringholmia insula eruuntur.</i>	520
- <i>Responsoria ad Amicum de Cornu aureo in Iutlandia recepto.</i>	520
Duellii (Raymundi) <i>Excerpta Genealogico Historica.</i>	115
Fischeri (Erdmann Rud.) <i>Vita Jo. Gerbardi.</i>	32
Fontanini (Justi) <i>de Antiquitatibus Hortae Libri III.</i>	62
Georgii (Dominici) <i>de antiquis Italiae Metropolis Exerc. hist.</i>	293
- <i>Nota in Poggium de varietate Fortuna.</i>	220
March. Ghislerii (Ant.) <i>Ephemerides motuum caelestium ab A. 1721 ad 1740.</i>	407
Gimma (Hyacinthi) <i>Idea Historiae Literariae Italiae.</i>	56
Glassey (Adami Frid.) <i>de vera quondam Ministerialium indole Commentatio historica.</i>	258
Hahnii (Sim. Frid.) <i>Collectio Monum. vet. &amp; rec. Tomus I.</i>	214
Heumannii (Chr. Aug.) <i>Emendationes Libri I Historiae Poggianae de varietate fortuna.</i>	223
Jarckii (Jo.) <i>Specimen Historiae Academicar. Erud. Italiae.</i>	475
Johannis (Ge. Chr.) <i>Tabularum literarumque veterum Spicilegium. Tom. I.</i>	210
Kehr (Ge. Jac.) <i>Monarchiae Asiatico-Saracenicae status nummis illustratus.</i>	452
- <i>Mogolis Magni, Aurenk-Szeb Nummus illustratus.</i>	455
Keill (Jo.) <i>Introductio ad veram Astronomiam.</i>	406
- <i>Trigonometria.</i>	406
- <i>de viribus centralibus.</i>	406
Martene (Emundi) & Ursini Durandi <i>alterum Itinerarium Literarium.</i>	54



## INDEX AUTORUM.

Martene (Emundi) <i>Veterum Scriptor. &amp; Monum. amplissima Collectio.</i> Tom. I, II, III.	145
Meichelbeck (Car.) <i>Historia Frisingensis</i> Tomus I.	399
De la Motraye (Aubrii) <i>Itinera per Europam, Asiam &amp; partem Africa.</i> Tomi. II.	241
Muratorii (Lud. Ant.) <i>rerum Italicarum Scriptores.</i> Tomus V.	433
	Tomi I Pars II. 437
De Nicaastro (Jo.) <i>Descriptio Arcus triumphalis M. Ulpio Trajano Beneventi positus.</i>	125
	Beneventana Pinacotheca. 519
Pez (Hier.) <i>Scriptores rerum Austriacarum.</i> Tomus II.	385
Pfaffii (Christoph. Matth.) <i>Introductio in Historiam Theologiae liter.</i> Pars II.	509
Poggii Flor. <i>Historia de varietate Fortune, cum notis Domini Georgii, ex ed. Jo. Olive.</i>	220
De la Roque <i>Iter in Syriam &amp; ad montem Libanum.</i>	172
Schannat (Jo. Frid.) <i>Vindemiae Literariae. Collectio II.</i>	207
	Traditiones Fuldenfes. 296
Scheuchzeri (Jo. Jac.) <i>Ουρεσιβοίτης Helveticus, seu Itinera Alpina.</i>	312
A Seelen (Jo. Henr.) <i>Memoria Stadeniana, seu de vita, scriptis ac meritis Diederici a Stade Comm.</i>	511
Skynneri (Th.) <i>vita Monachii cum Praef. Guil. Webstleri.</i>	400
Sparke (Joseph.) <i>Historia Anglicana Scriptores.</i>	488
Spelmanni (Henr.) <i>Opera Anglicana.</i>	491
Stollii (Gottlieb) <i>Introductio ad Historiam Literariam.</i>	508
De Stofsch (Phil.) <i>Gemmae antiquae calatae, sculptorum nominibus insignitae.</i>	337
Theophani <i>Disquisitio historica bigae questionum &amp;c.</i>	409
Weissii (Christiani Henr.) <i>de Saxonum Origine conjecturae.</i>	86

## VI Libri Miscellanei.

A Mort (Eusebii) <i>Informatio de statu controversiae de Autore libelli de Imitatione Christi.</i>	414
Carpentarii (Franc.) <i>Observationes historicae morales &amp; Criticae.</i>	89
M. T. Ciceronis <i>Opera</i> ex ed. Jf. Verburgii.	193
Clerici (Jo.) <i>de Poesi Meditationes, Germanice versa.</i>	382
Coleri (Jo. Christoph.) <i>Anthologia.</i> Tom. I. Fasc. I.	517
Conradi (Fran. Car.) <i>de Monumento Propertii Poetae Observatio Critica.</i>	363
	Cunzi



## INDEX AUTORUM.

Cunæi (Petri) <i>Epistola ex ed. P. Burmanni.</i>	464
<i>Oratio in obitum Bonav. Vulcanii.</i>	464
Facciolati (Jac.) <i>de optimis studiis Orationes X.</i>	279
<i>Comment. de Latina Lingua &amp;c.</i>	279
De Folard <i>Meditationes de re militari Dissertatione in Polybium exposita.</i>	184
Gentzkenii (Frid.) <i>Systema Philosophia.</i>	168
Gottsched (Jo. Christ.) <i>Poemata quaedam Germanica.</i>	382
Hahnii (Sim. Frid.) <i>Collectio Monumentorum veterum &amp; recentiorum. Tom. I.</i>	214
Heumanni (Christoph. Aug.) <i>Pœcile. Tomi I Liber IV.</i>	225
Hilligeri (Jo. Zach.) <i>Institutiones Logicae ecclésiæ.</i>	136
Johannis (Georg. Christ.) <i>Tabularum literarumque veterum Spicilegium. Tomus I.</i>	210
Juvencii (Jos.) <i>ratio discendi &amp; docendi.</i>	188
Martene (Edmundi) & Ursini <i>Durandi veterum Scriptorum &amp; Monumentorum amplissima Collectio. Tom. I, II, III.</i>	145
Pietschii (Jo. Val.) <i>Opera Poetica vernacula.</i>	382
Schannat (Jo. Frid.) <i>Vindemia Literaria. Collectio II.</i>	207
Schelhornii (Jo. Georgii) <i>Amanitates Literariae. Tomus I.</i>	89
<i>Tomus II.</i>	428
Schurtzfleischii (Conr. Sam.) <i>Analecæ stylicæ exemplis illustrata ex ed. Jo. Christ. Knauth.</i>	284
Spelmanni (Henr.) <i>Opera Anglicana.</i>	491
De Stofsch (Phil.) <i>Gemma antiqua celata &amp;c.</i>	337
Thummigii (Lud. Phil.) <i>Institutiones Philosophiæ Wolfianæ. Tom. I.</i>	230
Vinholdi (Ge. Andr.) <i>Nucleus Juris Naturæ.</i>	424
Weilii (Christ. Henr.) <i>de stylo Romano Libri V.</i>	286
Weismanni (Christiani) <i>Schediasmata Academica.</i>	503
Wockenii (Franc.) <i>Elementa Philosophiæ principalis Theoreticæ ac Practicæ.</i>	234
Wolfii (Jo. Christoph.) <i>Anecdota sacra &amp; profana. Tom. IV.</i>	218

## INDEX RERUM.

A.

L'Abbadie <i>laudatur.</i>	255	Abelæ (Jo. Fr.) <i>Melita Latine versa.</i>	486
Abbatiale <i>sigillum, num exist ante seculum XII.</i>	300	Academia <i>italica Pythagoræ.</i>	58
Abbonis <i>obsidio Paris. a Nor-</i>		Academia, <i>num memorantur in scriptura?</i>	342
<i>mannis facta A. 886.</i>	396	Acade-	

# INDEX RERUM

- Academix Bassoræ, Damasci & Cairi. 454  
*erudita Italia descri-  
 pta.* 60.475  
 Academiæ, num habuerint Ju-  
 dai? 342  
 Academicorum Ital. Elogia. 57  
 Acarnania quid? 315  
 Accolti (Bened.) dial. de viris  
*præst. sui avi recus.* 203  
 Acta Sanctorum Antwerpensia  
*ab Inquisit. Hisp. damnata.* 141  
 De Actionibus Tractatus. 372  
 Actionum moralium indoles. 426  
*forensium fontes unde  
 petendi.* 373  
 De Actorum judicial. usu diff. 373  
 Acus magneticae declinatio. 109  
 S. Adalberonis vita. 385  
 Adamantis Medici historia. 243  
 Adami filia. 467  
*imago, ad quam Schetus  
 genitus, quid?* 476  
 Adamus (Leonh.) laudatus. 221  
 De Adamitica heresi Tract. 388  
 Admontensis Monasterii Chr. 386  
 Advocatiæ Monastica, quousque  
*inter Regalia relata?* 120  
 Aer sanguini in pulmonibus ad-  
 miscetur. 450  
*num cogat an solvat sangui-  
 nem in pulmonibus?* 261  
 Ætas nostra literarum aurea. 225  
 De Ætate vergente Tr. 23 sq.  
*adulta Tr.* 446  
 Ægagropilarum origo. 312  
 Ægidii Viterb. Epistola. 150  
*Romani de re milit. vet.  
 liber editus.* 215  
*de regim. Princ.*  
*liber.* 215  
 Ægyptiaca sigilla ut in septentri-  
 onem per lata? 524
- Ægyptiacæ apud Boringos reli-  
 quie. 522  
 Equationum determinatorum  
 omnium graduum solutio. 270  
 S. Agathæ vitæ scriptores. 481  
 Agrippæ (H.C.) de vanit. scient.  
*liber integritati restitutus.* 430  
 De Agrippæ (H.C.) vitæ anal. 430  
 Ahasverus idem ac Cambyses. 167  
 Ahasveri Epistola genuina. 167  
 Albertus Austr. super dolum in  
*Regem sublimatus.* 208  
 Alberti II D. Austr. Chr. 387-389  
 Alberti Sarrhianensis Epist. 150  
 Albi heretici. 14  
 Albizii (Ant. Fr.) de paludibus &  
*solo Pisano Disp.* 20  
 Alkali Salis Ammon. volatilius  
*est, quam phlegma & spiritus  
 vini.* 109  
 Alchymia defensa. 525  
 Alchymistarum impostura. 270  
 Alexander M. cum Carolo XII.  
*R. Su. comparatus.* 245  
 Alexandri V R. P. epitaphium. 12  
 Alexander de gestis Rogerii recu-  
 sus. 437  
 S. Alexandri Martyris transla-  
 tio. 208  
 Alexandri III R. P. inscriptio in  
*Laterano.* 132  
 Alexandri VI R. P. pactum cum  
*Carolo VIII R. G.* 56  
 Alexandri VII R. P. ingenium &  
*mores.* 141  
 Alexandri VIII R. P. decretum  
*contra peccatum Philos.* 141  
 Alexandrina Schola Theol. pri-  
 ma. 346  
 Alfani (Thomasi Mariæ) Hist.  
*Conc. Neap. promissa.* 127

Aliptr



# INDEX RERUM.

- Aliptæ quid sint? [191](#)  
 Almanni seu Altmanni epitaph. [55](#)  
 Alpina itinera. [312](#)  
 Altare quo sensu dicatur Mediator?  
     in Laterano idem, quo Petrus usus. [104](#)  
     [133](#)  
 Altaria portatilia. [55](#)  
 Altenburgensium Abbat. *Catal.* [386](#)  
 Alvari (Eman.) in regulis Grammaticis multiplicandis *studium*. [279](#)  
 Amadeus Sab. Com. a Vicariatu Imp. revocatus. [210](#)  
 Ambrosii Epistola. [149](#)  
 Amiculum quid? [101](#)  
 Amor parentum major quam liberorum. [3](#)  
 Anachorcismus. [158](#)  
 Anastasius Bibl. defensur. [158](#)  
 Anastasii, Patriarchæ Antioch. Orationes. [532](#)  
 Ancyrani Concilii autoritas. [127](#)  
 Andreina (Isabella) laudata. [476](#)  
 Anevrismatis examen. [332](#)  
 Anglicæ linguæ præstantia. [121](#)  
     incrementa unde? [121](#)  
     suavitas unde? [121](#)  
 Anglicorum, historicorum Collectio nova. [488](#) sq.  
 Animæ operationibus inservientia organa. [500](#)  
     superior pars quænam? [231](#). [232](#)  
     inferior pars quænam? [331](#). [332](#)  
     operationes a priori explicatæ. [231](#). [232](#)  
     infusio ut fiat? [178](#)  
 De Anima humana errores Patrum. [252](#)  
 Animalium partium usus. [498](#)  
 Animalis æconomie ratio. [452](#)  
 Anna, conjux Augusti El. Sax. an & cur Augusti gratia exciderit? [152](#)  
 Anni temporum quatuor Genii. [63](#)  
     Sabbatici ratio ut investiganda? [343](#)  
 Annorum computatio Græca singularis. [240](#)  
 De Annis completis & non-completis quæ regula in Chronol. S. adhibenda? [165](#)  
 Anniversaria in Necrologiis cum diebus emortualibus non confundenda. [388](#)  
 Antichristi destructio quando futura? [163](#)  
 Antimonii examen pharmaceuticum. [70](#)  
 Antinomorum in Anglia hist. [511](#)  
 Antiochenam sedem quando constituerit Petrus? [157](#)  
 Antlia argento vivo agitanda. [229](#)  
 Antliarum varia species. [229](#). [543](#)  
 Antlias agitandi modi varii. [543](#)  
 Apostolicæ sedis gratia, formulæ Episcopis usitata, origo. [120](#)  
 Apulejus cum Marsf. Ficino comparatus. [85](#)  
 Aqua fontana optima ubi? [247](#)  
     marina ut salubris evadat? [268](#)  
     asperisionis cur cum sale mixta? [158](#)  
 Aquæ pluvialis A. 1720 quantitas. [109](#)  
     A. 1721. quantitas. [268](#)  
     fluentis mensura. [378](#)  
     per foramen vasis effluentis velocitas. [114](#). [315](#). [378](#)  
     dulcis iterata corruptio. [268](#)  
     corruptio ut impediat? [268](#)  
     usus Medicus. [330](#)  
 Aquarum motus investigatus. [20](#)  
     fluentium theoria universa

# INDEX RERUM.

<i>sa haftenus inventa.</i>	20	<i>laudatus.</i>	510
Arabici Nummi explicati.	452 sq.	Avanturiers, militum genus.	397
	455 sq.	Augustæ Taurin. Academia.	476
Arborum incrementum ut fiat?	502	Augustini (Leonb.) Sicilia Numis-	
Archierei quinam?	409. 411	matica recusa.	289
Archimedis Tr. de iis, quæ insunt		S. Augustini Civitas Dei quo sine	
humidis.	20	scripta?	253
Archivum ut Hebrais denotetur?		Augustus El. Sax. lapidem philos.	
	342	invenisse dicitur.	152
Arenosa inundatio in Britannia		Avium volatus.	500
minori.	268	Aulisi (Dominici) nativitas	5
Areopagitæ scripta vindicata.	59	mors.	341
cur a Patribus		elogium.	341
non memorata?	59	Aureng-zeb, Magni Mogulis, num-	
Argensonii (Marci Renati de Voyer		mus explicatus.	456
de Paulmy) Elogium.	112 sq.	Aures baptizatorum igne adurendi	
Ariadne in sarcophago.	67	ritus.	362
Aribonis vita S. Corbiniani.	393	Auriæ (Jo. Vinc.) Cephaledis anti-	
Aristodemi contra Nobilitatem ob-		quitates Latine versa.	485
jecta.	220	Aurora Borealis observata.	108
Arthritis senibus salutaris.	25	Austria quando pervenerit ad Fer-	
Aschamus (Rog.) Ciceroni compa-		dinandum Caroli V fratrem?	389
ratus.	122	Austriaca Chronica edita.	385-390
Asini cultus inter Judæos origo.	103	Axis incurvati in antliis usus.	543
Affschaffenburgense chartulari-		Azarii (Petri) Chron. editum.	203
um editum.	212		
Assecurationis origo.	80	<b>B</b> aalzebub quid?	105
synonyma.	80	Bacchi nuptiæ cum Ariadne in	
divisio.	80	sarcophago expressa.	64
definitio.	80	Bacchini (Bened.) mors.	434
jus ut præscribatur		Bælius (Petr.) ad Eccl. Rom. transi-	
apud Belgas?	81	turustulit repulsam.	142
De Assecurationum jure Commen-		a Leibnitio accurate re-	
tatio nova.	79	futatus.	255
scriptores		In Bælium (P.) acris censura.	142
varii.	79	Bailleti (Adr.) Acta Sanctorum no-	
De Aste (Fr. Mariæ) Eccl. Hydrun-		tata.	141
tina Epitome recusa.	206	Ballacius Apologia sue autor.	90
Astronomicæ tabula recentiss.	19	Bambergense Necrologium.	207
Atergatio quid?	104	Barlovinæ Catullo comparatus.	122
Athanasii fragm. ineditum.	218	Barnaboves Mediolani præfectura	
Athei cur dicti Pagani?	344	dejectus.	210
De Atheismo liber J. F. Buddæi		Baronius (Cas.) notatus.	358-359
		Baronii	



# INDEX R E R E U M

- Baronii ac Manfredis (Fr.) de Pa-  
normit. majest. liber recus. 484
- De Barreti (Fr.) Relat. de Statu  
Christianismi in Malabaria ju-  
diciu. 123.
- Bæruffaldi (Hier.) de Poetis Ferra-  
riensibus diss. recusa. 205
- S. Basilii M. rationes syllogisticae &c. 531
- de sancta & orthodoxa fi-  
de. 531
- de adventu Christi. 531
- Basnagius (Jac.) notatus. 343
- laudatus. 509
- Basnagii (Jac.) in Canisii antiqu.  
Lect. merita. 530. 532
- Bavariae Chronica edita. 386. 387
- familiae nobiles illustr. 117
- Begeri (Laur.) vita. 508
- Belhominus (Hub.) laudatus. 67
- omen quod ceperint Franci? 396
- Bellafini (Fr.) Bergomum recusum. 204
- Benedicti XIII R. P. elogium. 516
- Bulla de concilio Later. 516
- S. Benedicti ordines. 58
- Beneventi descriptio. 172
- natales. 127
- Historia promissa. 127
- Beneventana nux. 127
- Pinacotheca. 519
- Bernæ historia. 314
- S. Bernardi historia illustrata. 147
- S. Bertholdi Abb. Garstensis. vita 386
- Bertramus Sec. IX an praesentiam  
Christi in S. Cæna negaverit? 162
- Bibliorum Codices MSS. 56
- Bibliotheca Harmon. Biblica. 351
- Bibliothecæ Abbatie S. Galli. 314
- Bignonii (Hier.) memoria stupenda. 95
- Bilii (Andr.) Hist. Mediol. edita. 203
- Billungus (Herm.) quam Saxonia  
partem obtinuerit? 151
- Blanchini (Franc.) Diff. de anti-  
quis Pontif. Rom. Catal. &c. 154
- Chronologia Pontificia,  
Casarea & Consularis. 155
- Bleau (Jo.) Theatrum urbium Ita-  
liae recusum. 336
- Boccalinus (Traj.) castigatus. 128
- Boccatus quando floruerit? 59
- Bodmeria quid sint? 81
- Bohemiae Chronica edita. 389. 4.
- Boilavii Satyra in Alex. M. a Caro-  
lo XII R. Suec. cur lacerata? 245
- Bonanni (Jac.) de antiquis Syra-  
cusis liber Latine versus. 481 sq.
- De Bonanno (Jac.) judicium. 482
- Bonfilii & Constantii (Jos.) Messa-  
na recusa. 291
- S. Bonifacii patrimonium descri-  
ptum. 301
- Borcholdi (Jo.) ἐπιτομή. 429
- Borelli (Jo. Alph.) disc. super Lacu-  
na Veneta. 21
- de Stagno Pisano &c. 21
- Boringi, quondam piratae. 521
- De Bosc (Nic.) Itinerarium. 56
- Boschæ (Petri Pauli) Bibl. Ambros.  
recusa. 203
- Bossueti, (J. Ben.) matrimonium  
clandestinum. 510
- Boterejus notatus. 29
- Bouhierii nota in Cic. Latine ver-  
sa. 198
- Boxhornii (M. Z.) elogium. 285
- Bracteolarum apud Boringos effos-  
sarum explicatio. 521
- Braunius (Jo.) notatus. 344
- Brayda, Poetarum serax. 476
- Brenneri (Leop.) Hist. Maurbac. 387
- Breubergiorum familia illustr. 212
- Bridgeii (Jo.) elogium. 489
- A a a a 2 S. Bri-

# INDEX RERUM

S. Brigidæ vita.	532	Camphoram exhibendi modus.	72
Britannia olim tota monastica	160	Cancræ cura.	332
Broverus (Christoph.) notatus.	300	Candidi (Hug.) Hist. Burgenf. edita.	489
Brixii (Cas.) Casena recusa.	205	A Cane rabido morfi ut curandi?	55
Bruschii (Casp.) Idyllion.	387	Canes venatici cum diplomatibus	299
Buchonia descripta.	301	discurrunt.	299
unde dicta?	ib.	Cantoris (Petri) epitaphium.	55
in octo pagos divisa.	ib.	Capella, qualis vestitus?	398
Buckinghamius accusatus.	50	Capellanus (Jo.) sordidus & ava-	91-92
Buddeus (Jo. Franc.) notatus.	165	rus.	91-92
laudatus.	510	Capitaneus generalis in Francia	397
De Burenio (Arn.) varia.	29	quis?	397
Burgos (Alex.) Terra motus Siculus	292	Capitanei definitio.	260
recusus.	292	Cappa quid?	398
Burmanni (P.) nota in Cunæi Epi-	468	Capreolus (Helias) Guelphis addi-	204
stolas.	468	ctus.	204
Burneti (Gilb.) educatio.	49	ejus Chron. Brixienf. inte-	204
Buxtorfius (Jo.) notatus.	345	grum.	204
Buzinski (Gabr.) Russi, in literas	240	Capuani (Th.) Dictator editus.	216
merita.	240	obitus.	
Ad Bynkershoekii difficultates Ju-	1	Caput Medusæ in agro detectum.	
lio Paulo motas responsio G. Nood-		A Carabis exclusæ solæ.	269
tii.		Caraccioli (Ant.) Nota in Chronolo-	433
In CÆsarem (Jul.) Comment.	187	gos vet. recusa.	433
promissus.	187	Caro non tollit jejunium.	91
Cajetani (Oët.) Hist. B. Conradi.	483	Carolus M. Imperator dictus ante	297 sq.
Calamaria theca veterum.	197	A. 800, non semper post eundem	
Calamo non penna scribebant ve-	197	annum ita dictus.	297 sq.
teres.	197	Caroli M. donationis specimen.	154
Calculi integralis problema Ricca-	473	Caroli I R. A. peccata.	50
tianum solutum.	473	Conjugis consilia noxia.	50
De Calculo differentiali controver-	407	supplicium quis procurave-	50
sia fons & origo.	407	rit?	50
Calendarii Juliani fragm. in lapi-	155	Carolus II R. A. cujus consiliis du-	5
de.	155	xerit Principem Lusitan.	5
Calmucci domicilia fixa non ha-	248	divortium a conjuge pa-	5
bent.	248	rat.	5
Caloris æstivi causa generalis evo-	108	sacris Pontif. addictus.	52-53
luta.	108	Caroli II R. A. character.	5
Calvinus cur morosus?	92	vaticinium de Jacobo fratre.	53
Calvinianorum & Luther. in arti-	28		
culo de S. Cæna harmonia.	28		



# I N D E X R E R U M.

- Caroli II R. A. in Angl. reditus. [403](#)  
 Caroli IV Imp. cura de Italia &  
     Regno Arelatenſi. [209](#)  
     diplomata varia. [209.210](#)  
     demoneta præceptum in  
     Delphinatu & Sabaudia. [210](#)  
 Caroli VI Imp. Elogium. [518](#)  
 Carolus XII R. S. cum Alex. M. com-  
     paratus. [245](#)  
     an amoris expers? [245](#)  
     an ſui compos? [246](#)  
     vini abſtinens fuit. [245](#)  
 Caroli XII R. Su. fortitudo & con-  
     ſtantia. [246](#)  
     argute dictum. [246](#)  
     fata ſingularia. [245](#)  
 Caroli Ludov. Pal. & Degenfeldia  
     litera amatoria fictitia. [86](#)  
 Carpentarii (Franc.) obitus. [89](#)  
     iconis inſcriptio. [94](#)  
 Carraimi quinam? [345](#)  
 Carraſæ (Plac.) Motuca recuſa. [483](#)  
 Carreræ (Petri) Aetna recuſa. [292](#)  
     Catania recuſa. [292](#)  
 Caruſii (I. B.) Monum. Saracenico-  
     Sicula. [439](#)  
 Caſalii (Jo.) ἐπιτάφιος Jo. Borchol-  
     di. [429](#)  
 Caſaubonus (Iſ.) in religione in-  
     conſtans. [28](#)  
     cur obſcure verterit  
     Polybium? [186](#)  
     notatus. [342.343](#)  
 Caſpii maris Tabula Geogr. novæ.  
     III. [248](#)  
 S. Caſſianus quando vixerit? [63](#)  
     ejus Aſta MSS. [66](#)  
 Caſſini (Jo. Dom.) diſtributio aqua-  
     rum Bonon. & Ferrar. &c. [21](#)  
 Caſtellus, ſicarius, in Henr. IV R. G.  
     a Jeſuitis emiſſus. [27](#)  
 Caſtelli (Ben.) de menſura aqua-  
     rum fluentium Tr. [20](#)  
 Catechiſmus ad gentilium ſacra-  
     male applicatus. [524](#)  
 Aut Catholicus, aut Deiſta, axioma  
     num verum? [507](#)  
 Catullus illustratus. [294](#)  
 Catulli, Tibulli &c. editio rariſſi-  
     ma. [429](#)  
 Caulis uſus. [501](#)  
 Cedrorum reliquia unica. [172](#)  
     rami cur æſtate diſſuſi,  
     hyeme contracti? [172](#)  
 Centri gravitatis communis corpo-  
     rum in ſe mutuo impingentium  
     theoria. [112](#)  
 Cera nova ſpecies. [268](#)  
 Cerebri cortex vaſculoſus. [23](#)  
     anatomia. [544ſſ.](#)  
 Certe-Partey quid? [81](#)  
 Celſes bituminoſus Tigurinus. [314](#)  
 Chalybis præparatio. [270](#)  
 De Chaſtevil, Eremita, vita. [176](#)  
 Chaucerus Varroni comparatus.  
     [122](#)  
 Cheecus (Jo.) Demostheni compa-  
     ratus. [122](#)  
 De Chesnii (Andr.) Script. Franc.  
     recudendis conſilium irritum. [145](#)  
 Chiarandæ (J. P.) Plutia Latine  
     verſa. [482](#)  
 De Chiaranda (J. P.) judic. [482 ſq.](#)  
 Chiliaſmus quotuplex? [252](#)  
 Chiliaſmi craſſi doctrina e Platone  
     derivata. [253](#)  
     a Judæis  
     derivanda. [253](#)  
 Chiliaſmo qui ex Patrib. deſit. [252](#)  
 Chiocci (Andr.) Medici & Philoſo-  
     phi Veron. recuſi. [205](#)  
 Chirurgorum errores taxati. [333](#)  
     temeritas. [333](#)  
 Chladenii (Martini) elogium. [528](#)  
 In Cholera an veratrum conducat?  
     [449](#)

# INDEX RERUM

Chordæ Achillis ruptura.	269	um J Cti commendatus.	285
Christina Reg. Su. androgyna.	90	Cigalini (Pauli) de patria C. Plinii	
an cum religione etiam		Sec. liber recusatus.	205
mores mutaverit?	141	Circassii filias exteris vendunt.	248
Christiani II El. Sax. mors, Rudol-		funi formæ elegantis.	247
pbo II Imp. luctuosa.	152	Circuli peripheria in fractionibus	
Christianismus defensus.	256 ll.	decimalibus ad loca centum defi-	
Christus num novus Legislator?	257	nita.	15
vere cruci affixus.	458	Clarendonius Com. libertatis vin-	
quo sensu primogenitus ex		dex.	51
mortuis?	458	cur fata adversa	
Christi sanguis in Italiæ variis lo-		expertus?	52
cis asservatur.	60	De Clarendonii Com. Histor. judici-	
annus natalis.	167	um.	161. 401
dies natalis.	168	Classicorum autorum qualis uti-	
annus & dies emortualis.	168	litas?	465
anni ministerii.	168	Clavi per nares adacti.	269
resurrectio defensa.	257	De Clemangis (Nic.) libri de corru-	
incarnatio quam dignita-		pto Eccl. statu argumenta.	12
tem attulerit humani generi?	458	Clementis XI P. R. numisma.	130
De Christi nomine adorando lis un-		Clericus (Jo.) notatus.	100
de orta?	60	Clerici (Jo.) Medit. de Poetis &	
sepulchro Dissert.	458	Poesi Germanice versa.	383
generatione ut ortum		Clerus in gradus distributus.	158
præjudicium?	503	Gallicanus a militia egre pro-	
Christo templa a paganis posita.	256	hibitus.	395
Chronologia Sacra nova.	163 ll.	Cluverius (Phil.) laudatus.	293
Chrysippi contra Nobilit. objecta.	220	Cluverii (Phil.) Sardinia & Corsica	
Chrysorrhœæ fl. ortus & cursus.	175	recusa.	486
S. Chrysostomi (Jo.) Interpretatio		Clypei quot in Speculo Sax. & Suen.	
Evangelii S. Johannis.	531	memorati?	259. 260
Chymica principia sunt spiritus,		Cochlea Archimedis.	228. 543.
oleum & sal.	70	Cochleæ Archimedæ multiplicatio.	543
Ciacconi (Alph.) Epistola.	150	Cochorellæ (Ben.) Insula Tremi-	
Ciccarelli (Alph.) Clitumnus fl.	206	tana recusa.	485
supplicium.	206	Codex pro persona habitus.	96
Ciceronis virtus præcipua.	281	Cæli color obscurus observatus.	108
opera quæ in varia ora-		Cœmeteriorum prope Romam	
tione commendanda?	285	enarratio topographica.	155
liber ad Trebati-		In Cœnaculis plebs Rom. habitat.	4
		Cognomina familiæ quando orta?	436
		Coh-	



# INDEX RERUM.

- Cohemoth, vocis explicatio *nova*. 225  
Cointius (Car.) notatus. 68  
Colletet, Poeta Gallus, trium an-  
cillarum successive maritus. 92  
a Richelio donatus. 92  
De Colonia (Dominici) liber de ve-  
rit. rel. Christ. commendatus. 510  
Colonienſe chartularium. 211  
Colonienſium *Archiep. ſyllabus*. 217  
Columba quid in lapide notet? 118  
Fabiani. 303  
S. Columbani ſermo editus. 332  
De Columna bellica Tract. 187  
Combergenſes Abbates &c. 207  
Coines Stabuli apud Francos quis? 397  
Cometarum reditus prædictus. 408  
L. Cominii nomen in monum. fre-  
quens. 366  
Comitatus liberi. 211  
Conceptio tubaria. 269  
Concilio Piſani hiſtoria. 10  
Neapont. hiſtoria. 127  
Bafil. acta ubi lateant? 55  
Ancyranæ autoritas. 127  
Florentini hiſtoria. 222  
Lateran. 1725 habiti noti-  
tia. 516  
De Concilio Piſano ſententia. 213  
De Conciliis Germaniæ ſingularia. 147  
Conradus I R. Germ. dictus Rom. &  
Francorum Rex. 300  
E Conradi Philoſ. Catalogo Rom.  
Pont. & Imp. excerpta. 387  
Conrartius Gr. & Lat. linguæ ex-  
pers. 94  
ejus ſcripta. 94  
Conſcientiæ tenax obſervator. 277  
Copernicanum Systema impugna-  
tum. 165  
Corbeja deſcripta. 55  
De S. Corbiniano varia. 392 ff.  
Cordis ſtructura & vires. 450  
ventriculorum capacitas. 450  
Cornazzani (Ant.) Vita Barth. Co-  
lei edita. 204  
Cornelius (Petr.) cur librum de  
Imit. Chr. verſu Gallico expreſ-  
ſerit? 93  
De Cornu aureo Danico conjectu-  
ra. 524  
Cornua Ammonis cum nautilis  
comparata. 267  
Cornvallia conſpectus. 120  
Coronelli (Vinc.) Eccleſia Bergom.  
recuſa. 204  
Corporis deſcriptio quid phraſi Bi-  
blica? 361  
humani partium uſus. 498 ff.  
Correctores quando præſuerint. I-  
talica? 295  
Corſicæ ſitus Geographicus. 272  
Corſini (Octav.) de aquis Bonon. &  
Ferrav. Tr. 21  
Corticis uſus. 501  
Coslinius laudatus. 243  
Cosmologiæ generalis argumen-  
tum. 231  
Cosmus Indicoplauteſt Neſtoria-  
nus. 124  
Coupleti (Cl. Ant.) elogium. 274  
Cranii ſtructura ſingularis. 269  
Cromvvelius (Ol.) cur Regiam di-  
gnitatem detrectaverit? 51  
Judæis uſus in riman-  
dis Principum conſiliis. 51  
cur ſædus inierit cum  
Gallis? 51  
Cromvveli (Ol.) conſilia propagan-  
di relig. Prot. irrita. 51  
Cremifanenſ. Abbatum catalogus. 385  
Cruciatarum expeditionum hiſt. 14  
Cruris luxatio. 269  
Cry-

# INDEX RERUM.

- Crystallus quid sit? [312](#) [313](#)  
 Culinam intrare Imp. non debet. [414](#)  
 Cumanus, Poema, vulgatum. [434](#)  
 Cunæi (Petri) Satyra impugnata. [466](#)  
 In Cunæum (P.) Theologorum insi-  
 dia. [466](#)  
 Cuniculi in lapide an Poetam no-  
 tent? [365](#)  
 Cupiditas quid apud Grammat. no-  
 tet? [199](#)  
 Curionis (Cælii Sec.) bellum Melit. [486](#)  
 Q. Curtii locus restitutus. [102](#)  
 lectio Carolo XII R. Su. fa-  
 miliaris. [245](#)  
 Curvæ sunt polygena infinitorum  
 laterum. [271](#)  
 Cutanearum papillarum vera tex-  
 tura. [22](#)  
 Cuticulæ in seminibus usus singu-  
 laris. [502](#)  
 Cutis corpus reticulare. [23](#)  
 De Abb. de S. Cyrano varia. [140](#)  
 Cyri expeditio mappa Geogr. illu-  
 strata. [111](#)  
 Cyropædia Xenophontis num fabu-  
 losa? [94](#)  
**D**anicorum Missionariorum re-  
 lationes laudatæ. [510](#)  
 Daniel, Poeta Anglus, Ovidio com-  
 paratus. [122](#)  
 Danorum missio in Malabar. de-  
 scripta. [125](#)  
 Dart (Jo.) Westmonasterium. [143](#)  
 Davisius (Jo.) Martiali compara-  
 tus. [122](#)  
 Decori fundamentum. [171](#)  
 Degenfeldiæ Epistolæ amatoris  
 supposititiæ. [86](#)  
 Dei extensio immensa. [120](#)  
 Dei demonstratio ex voce anima-  
 lium. [462](#)  
 notitia insita negata. [505](#)  
 existentiam probandi modum  
 optimum jactat omnis secta. [507](#)  
 voluntas causa Juris Nat. [426](#)  
 De Dei providentia circa malum  
 Diff. [505](#)  
 Aut Deista aut Catholicus, axio-  
 ma, num verum? [507](#)  
 Delphini quid in lapide notent? [118](#)  
 Delphini (Petri) Epistolæ. [150](#)  
 Demosthenes numerum in oratio-  
 ne primus excoluit. [285](#)  
 Desiderii Ep. Cadurc. Epistolæ. [532](#)  
 In Destillatione dulcium cautela.  
 71 ff.  
 Destillatorum examen pharmaceu-  
 ticum. [71](#)  
 Diaconi (Pauli) fragmentum Hist.  
 Longobardica recusum. [438](#)  
 Diamperensis in India Synodi hi-  
 storia. [124](#)  
 Dicemanni incuria. [151](#)  
 Dictator & dictamen quid medio  
 ævo? [216](#)  
 Didymi contra Manichæos liber.  
 531  
 Dienstmanne, Dienstherren, qui-  
 nam? [259](#)  
 Dignitas naturalis, principium [LN.](#)  
 425  
 Diluvium quo anno Noachi factum?  
 165  
 Diodori Siculi Epistolæ. [292](#)  
 De Diogenis Cynici Dolio Diff. [226](#)  
 Diplomatum olim neglectus. [299](#)  
 Disæ, deastræ, nomina varia. [522](#)  
 Discendi & docendi ratio [1107A](#) [188](#)  
 Disibodenburgense chartulari-  
 um. [211](#)  
 Din significat per biennium. [6](#)  
 Divs veteribus divus, seu Deus [200](#)  
 Divor-



# INDEX RERUM.

- Divortium duplex. 9  
Doctores an creari debeant Theologi? 518  
Doglioni (Jo. Nic.) Bellunum recusum. 205  
De Dolio Diogenis Cyn. Diff. 226  
In Dolis pauperes olim habitaverunt. 226  
Domini compellatio quando ceperit? 436  
Donizonis vita Mathildis recusa. 434  
Donnohe (Thaddai) vaticinium. 369  
Dordracena Synodus Ecclesie Rom. proficua. 140  
Draconitarum historia. 313  
Draconum historia. 313  
Drusi ubi habitent? 173  
Dunquerca quo autore Gallis vendita? 52  
Dupinii (El.) Bibl. nova Script. Eccl. alium autorem habet. 141
- E** Rendorfferi de Haselbach (Th.) Chronicon Austria, 389  
Circa Ecclesiam errores refut. 507  
Eclipsis Sinica. 166  
in morte Christi universalis. 166. 168  
Lunaris A. 1722. 272. 273  
A. 1724. 74 fl.  
Solaris A. 1724. 378. 379  
Eclipticæ obliquæ mutabilitas confirmata. III  
declinatio maxima. 272  
Effectuum purorum ratio. 112  
Egio, Boringorum Apostolus. 522  
De Egker (Fr. Sig. Ant. L. B.) laudatus. 391  
Ehingeri (El.) vita. 30  
libri prope septuaginta. 32  
filiarum fama vindicata. 32
- Ehingeri (El.) de fide in citandis Auctoribus adhibenda Diff. 430  
Elagabalus num templum extruxerit Heliopoli? 174  
Eleutherus fl. est Euphrat. 103  
non est Kasemiech. 174  
Elias in calum sublati quid parabolice notet? 95  
Elocutio pars præcipua in orat. 280  
In Emanuele Imp. Or. an transferri potuerit Imper. Rom. 209  
Emboli in antiis emendatio. 544  
Encyclopædia nova promissa. 62  
Engstlanus, fons mirabilis. 313  
Ex Enikelii (Jo.) Cbr. excerpta. 388  
Enim recte ponitur initio. 200  
Ephemerides Gbislertiana. 408  
Ephraim Syrus num Gr. lingue ignarus? 347  
Episcopus, vox officii. 411. 412  
Episcopi in Scotiam reducti, Regni perniciës. 51  
nomen an Principibus competat? 409  
Episcopatum in Belgio erectio nova. 42  
Epistolæ obsc. vir. medicina loco sunt. 286  
Ad Epistolam scribendam requisita. 287  
Epocha Imp. a J. Cas. ad Henr. III. 154  
Eppensteiniarum familia illustrata. 212  
Erasmus prælectis Epist. Obsc. Vir. curatus. 286  
De Erasmi Edit. 2 N. T. varia. 85  
Erber, titulus quibz olim datus? 120  
Ercke (Jo. Christ.) refutatus. 41  
Erfordense Necrologium. 207  
Erfordix Canobii S. Petri Trad. 207  
Ex Erysipelate Sarcocèle. 495. 496  
Ethica solis Poetis vindicata. 284

B b b b

Ett-

## INDEX RERUM.

De



# INDEX RERUM.

- De Formulis & diplom. Tract. [491](#)  
 Fornices subterr. Cpli laudati. [244](#)  
 Fornicum soliditas determinata. [279](#)  
 Fortuna cur dicta Luna? [104](#)  
 De Fortunæ varietate Hist. Poggii. [220](#)  
 Fossæ castrenses, veteribus notæ. [186](#)  
 Franciæ monumenta vetera promissa. [431](#)  
 Francus (Nic.) cur suspensus? [91](#)  
 Literatus infelix. [520](#)  
 De Franzola (Rob.) Apologia Conc. Pisani. [13](#)  
 Friderici I Imp. conventus in Burgo Tremonio memorabilis. [208](#)  
 Friderici II Imp. Epistola recusa. [149](#)  
 Fridericus III Imp. Viennæ obsessus. [387](#)  
 ejus in Urbem ingressus. [388](#)  
 Fridericus Pulcher Imp. post captivitatem dictus Rex Rom. [390](#)  
 Fridericus Admorsus num fidem fefellerit? [151](#)  
 Fridericus Sapiens El. Sax. non fuit Vicarius Imp. sed Locumtenens. [151](#)  
 Germ. Linguam primus in Cancellaria inuexit. [151](#)  
 primus inter Princ. Sax. literis incubuit. [151](#)  
 De Friesen (Henr. L.B.) cum P. Cuneo commercium epistolicum. [467](#)  
 Frigoris hiberni causa gener. evoluta. [108](#)  
 In Frisiam Or. jus expectativæ Saxonibus concessum. [152](#)  
 Frisingensis Historia nova. [390](#)  
 Fructus arborum in sceleta redacti. [23](#)  
 Fulco Benevent. Chronologus. [433](#)  
 Fulcra rotæ in machina Hydraul. [543](#)  
 Fuldensis Ecclesiæ ambitus. [297](#)  
 Historia promissa. [300](#)  
 Scholæ Theol. doctores. [347](#)  
 Fuldenses Traditiones editæ. [296](#)  
 Abbates quibus jurisdictionem olim commiserint? [301](#)  
 Fulmina litteraria. [226](#)  
 De Fulminum natalibus Diff. [235](#)  
 De Fulminibus politicis Diff. [226](#)  
 Funditores Sclopetariis prælati. [400](#)  
 Fureterius cur a Carpentario sugillatus? [94](#)  
 Furta Spartanis licita. [283](#)  
 Furtum sola restitutione punitur. [247](#)  
 Fuscus (Pallad.) de situ oræ Illyr. [485](#)  
**G** Ad quid notet? [104](#)  
 Gale (Thomas) refutatus. [356](#)  
 Galileus Romæ bis damnatus. [140](#)  
 Galilei de iis, quæ aquis innatant. [20](#)  
 Epist. de Bisentio fl. [20](#)  
 S. Galli Abbatia Bibliotheca. [314](#)  
 Gangrenæ cura. [333](#)  
 E Garstensi Chronico excerpta. [386](#)  
 Gaufredi num duo fuerint scriptores? [436](#)  
 Geddesii (Mich.) Hist. eccl. Malabar. [122](#)  
 Gemmæ sculptorum nominibus insignes. [337](#)  
 arborum quid sint? [501](#)  
 Gemmarum ex medulla eruptio stabilita. [502](#)  
 Genealogiæ in populo Dei ratio duplex. [167](#)  
 Generatio prolis numerosa ut fiat? [179](#)  
 Generationi destinata organa. [500](#)  
 Genius Socratis quid? [535-537](#)  
 Genii anni temporum quatuor. [63-64](#)  
 Geome-

B b b b 2

Geome-

# INDEX RERUM.

- Geometria subterranea promissa. 469
- Georgius (Dominicus) laudatus. 221
- Gerdelius (Pb. Baltb.) refutat. 424
- Gerhardi (Jo.) vita. 33 fl.  
 utero inclusi fata. 33  
 virtutes. 38  
 Biblioth. inscriptio. 39 fl.
- Germaniolim an ignoraverint li-  
 teras? 227
- Germaniæ provinciarum divisio-  
 nes. 541
- De Germaniæ potentia, forma, ju-  
 ribus & prætension. tract. 541
- In Germaniam prætensiones Prin-  
 cipum. 542
- Germanicæ linguæ studiosi. 512  
 cum Tartarica  
 affinitas. 247
- De Germanorum eruditione judi-  
 cium. 467
- Gerodensis canobii status & privil. 213
- Geyerianæ stirpis Stemmatogr. 118
- De Geyersberg Comitum Stemma-  
 tographia. 118
- Giardæ (Christoph.) Bibl. Alex. ico-  
 nes recusa. 203
- Gladii in introitu Legati Poloni  
 Cpli evaginati. 244
- Glandularum Cuperi inventor quis? 276
- Glaronensis Cantonis descript. 314
- Glaferi (Casp.) vita. 214
- Guniacens. Abbatum Catalog. 387
- Goldastus (Melch.) partium studii  
 accusatus. 148
- Goltzii (Hub.) Sicilia Numism. re-  
 cusa. 289
- Gottvicens. Abbatum Catalog. 386
- De Gozze (Gauges) Diss. de inscri-  
 ptione Columnæ rostratæ. 206
- De Gradibus matrimon. Diss. 373
- Græcæ linguæ fata. 59  
 vocalium Syr. figura unde  
 orta? 454
- Grammaticorum lites notatæ. 279
- Grammondus notatus. 28
- Grandi (Guil.) de motu aqua-  
 rum &c. 21
- De S. Grano Abb. libri Question  
 Royale raritas eximia. 518
- Gratia vel bona vel mala. 199
- De Gratia Dei univ. præjudicium ut  
 ortum? 504
- S. Gregorii Thaumaturgi 12 Ana-  
 thematismi, it. de Fide capit. 530 fl.
- Gregorii VII R. P. ad Rudolphum  
 Anti-Cas. Epistola. 216
- Gregorii Casin. Chronicon. 154  
 Nysseni de Incarnat. 53  
 Theologi de S. & Orthodoxis  
 fide. 531
- Greylii machina incendium extin-  
 guens. 17
- Grillo-Borromææ (Clelia) semina  
 doctæ, elogium. 58  
 Academia. 477
- De Gronovii (Jo. Frid.) notis in Ci-  
 cer. judicium. 17
- De Grossis (J. B.) Catanense Deca-  
 chordum. 292  
 plagii insimulatus. 292
- Grotius (H.) quos in stylo imitatus? 286
- De Grotii (H.) libro de ver. rel. cr.  
 judicium. 254
- Gruterus (Sam.) emendatus. 296
- Grueri (Fani) vita. 508
- Gryphonia (Anna Mar.) in marem  
 transformata. 63
- Gualtheri (Ge.) Tab. Sicilia re-  
 cusa. 289  
 fata adversa. 291
- De Gualthero (Ge.) judicium. 291  
 Guar-



# INDEX RERUM.

Guarnetii (J.B.) *Diff. Catanens. recusa.* [481](#)  
 Gudii (Marqu.) *Inscript. promissa.* [485](#)  
 Guilielmi Apuli *Poema de rebus Norm.* [434](#)  
 Guillim (Jo.) *Heraldica auctius recusa.* [142](#)  
 Gundackerus *de fundat. monasterii Seitterstetensis.* [386](#)

**H** Adriani *Imp. inscriptio.* [119](#)  
 Hadrianus IV R. P. *invecliva in Frider. I. Imp.* [216](#)

Hædui (J. Qu.) *Melita recusa.* [486](#)  
 Haistulfus *quis fuerit?* [298](#)  
 De Hallis (Burch.) *Chron. Wimpin.* [208](#)

Hamalunburc *urbs quenam?* [298](#)  
 Hammondus a Sim. *Episcopo multa mutuatus.* [302](#)

Von der Hardt (Herm.) *notatus.* [504](#)  
 Harmonia *præstabilita notata.* [463](#)  
 Harmoniarum *Biblic. recensio.* [351](#)

Hæseus (Jac.) *laudatus.* [226](#)  
 Havercampii (Sigeb.) *merita in Thesaurum Italiae Burmann.* [289.291.482](#)

Hebrææ *literæ num res, quas exprimunt, referant?* [345](#)  
*num primitiva?* [345](#)  
*vocales quando textui ad-*

*jectæ?* [345](#)  
 Hebræorum *styli & membrana.* [345](#)  
 Hebraismi in N. T. *num dentur?* [348](#)

Hecate *dicta Mipblezeth.* [105](#)  
 Hector *cur Episcopus dictus Homero?* [412](#)

Heinsii (Dan.) *in P. Cunaum odium.* [466](#)  
*Gratulatio de fœdere inter Venetes & Belgas notata.* [467](#)

Heliopolis *urbis situs & rudera.* [173](#)  
*nummi & fata.* [174](#)

Hellenistæ *quinam?* [343](#)  
 De Helmesledt (Diet.) *Chron. Wimpinens. continuatio.* [208](#)

Helotius, *autor libri Ecolle des Filles.* [91](#)

Henricus I R. Germ. *Rex & Advocatus Rom. Augustus dictus.* [300](#)  
 Henrici IV R.G. *cedes a Mornæo prædicta.* [27](#)

*statua in Laterano posita inscriptio.* [131](#)  
*Imp. historia illustrata.* [147](#)

Henricus Pius D. Sax. *defensus.* [152](#)  
 Heraldica *ad Philologiam relata.* [188](#)

Herbipolensia *jura confirmata.* [209](#)  
 Heremperti *Langob. Chron.* [433](#)  
 Hermannus (J. Jac.) *laudatus.* [313](#)

Hermes *Trismegistus in bracteo-* [523](#)  
*la.*

Herniarum *examen.* [333](#)  
 Hesychii *Glossarium emendatum.* [219](#)

*loca multa emendata.* [308](#)  
 Heumannus (C. A.) *notatus.* [120.460](#)  
*de Curtio bene meruit.* [120.121](#)

VanHeussen (Hugo Franc.) *refutatus.* [41](#)

S. Hidulfi *vita.* [67](#)  
*patria & ætas.* [68](#)

S. Hieronymus *refutatus.* [353.356](#)  
 Hieronymi *in Jerem. Comm. MS.* [55](#)

Ad S. Hildegardem *Epistola varia.* [149](#)  
 Hippocrates *explicatus.* [25](#)

Hippocrati *de Hamorrhoid. liber falso adscriptus.* [449](#)  
 E. S. Hippolyti *libro de Theol. &* [m.](#)

# INDEX RERUM.

<i>incarnatione excerpta.</i>	530	Jægeri Theologia fæderalis editio	
Sand-Hippolytenſe Necrologium.	116	nova promiſſa.	462
Historia Philoſ. commendata.	281	Janſeniana controverſia.	142
Historiæ amor homini natural.	283	Janua num ancillam notet?	245
uſus in omni ſcientia.	283	S. Janarius an Beneventanus?	519
In Historiam liter. Introductio.	508	Janus an Noachus?	58
Historicus character.	285	Jani (Jo. Guil.) elogium.	520
Hobhaniaus laudatus.	510	Jcon Regia, libri, autor.	50. 161
Holometri obſervatio ſingularis.	108	Jejunium quadrageſimale.	158
Hoffmanni (Chriſtoph.) Chron. Bo-		Jerichontis murum deſtructio an	
hemie.	390	ex vivocis?	403
Hohenauer (Leonh.) laudatus.	392	Jefuitæ in Galliam revocati.	139
Hollandi (Jo.) Rhythmi de famil.		Contra Jefuitas in Turcia manda-	
nobil. Bavaricis.	117	tum.	250
Homerus vindicatus.	281	Ignavia Sybaritis permiſſa.	283
Homicidii pena jure divino unde?	426	Ignis cæleſtis in ſepulcro Chriſti ex-	
Hominis formatio ut fiat?	178	ceptus.	244
De Homodeis (A. P.) Ætæ recuſa.	292	in agitandis antliis uſus.	543
Honeſti fundamentum.	170 ff.	L. H. S. in inſigni Jeſuit. origo.	100
Horatius notatus.	94	Illuſtratorum Caſalis Symbolum.	4-6
Hortiæ Antiquitates.	62 ff.	Imaginationis matris in ſætum ef-	
Hospitalitas Tartarorum Noga-		fectus.	109
jenſium.	247	De Imitatione Chriſti libellus Tho-	
Hoſtiæ euchar. forma in Gallia Sec.		mae Kempenſi aſſertus.	414 ff.
XII.	55	Imperator culinam intrare non de-	
De Huetio (P. D.) judicium.	255	bet.	414
Huſſi & Huſſitarum hiſtoria.	13	Imperatoris Rom. & Græci appel-	
Huttenus (Huldr.) ubi mortuus?	314	latio quando cæperit?	426
ejus epitaphium.	314	dignitas olim qualis?	413. 542
Hydatides in viſceribus infimi ven-		Imperatores Rom. quo ſenſu dicti	
tris.	269	Pontifices?	420
Hydraulicæ machina.	228 ff. 542 ff.	num recte dicti Dia-	
Iacere, notat negligi.	199	coni?	413
Jacobus I R. A. cur Pontificiis ſa-		De Imperatoris Rom. electione va-	
verit?	50	ria.	542
toxico ſublatus.	50	Impersonalia num dentur?	280
Jacobi II R. A. character.	52	Inadvertentia nec ſummis viris	
acta.	53	ignominioſa.	471
		Incendia exſtinguendi inventam	
		novum.	181
		Inceſtus in linea tranſverſa cur	
		Roma-	



# INDEX RERUM.

<i>Romanis prohibitus?</i>	9	Josephi testimonium de Christo vindicatum.	256
Incestum quæ gentes admittant?	8	De Josepho histor. judicium.	165 ff.
Indorum Christianismi Hist.	122	Irmensula Saxonica.	55
Infallibilitas Papæ defensa.	308 ff.	S. Irmixæ testamentum.	148
Inflammationis cura.	333	Isochronismus cycloidis a difficultate liberatus.	271
Innocentii X P. R. numisma.	130	Itali in fabulis fingendis felices.	370
imago.	141	Italia, mater scientiarum.	59
XI P. R. imago.	141	Italix Historia litteraria nova.	57
Intellectus actus tres.	137	Academia descripta.	60. 415
vitia.	137	descriptiones variæ mediæ avi recusa.	295
virtutes.	138	Theatrum novum editum.	336
Intestinelorum tenuium descr.	404	Thesaurus Burmann. commendatus.	486 ff.
tunica descripta. ib.		divisio varia ab Impp. facta.	295
structura.	109	Italarum inventa.	61
crypta Barbaviana.	23	Judæi Eccl. Fuldensi subjecti.	300
Inveges (Augustini) Carthago Sicula recusa.	483	num Academiæ habuerint?	342
Panormus antiqua Latine versa.	484	Judæorum cecitas.	514
Inventa Italarum.	61	Judas Ischariot verit. Evang. testis.	458
Inundatio arenosa.	268	Jureconsultorum autoritas explorata.	373
Job liber ipsi Jobo assertus.	166	Jurejurandum quid Ciceroni?	4
De Jobi libro varia.	346	Juris Romani ortus & progressus.	59
In Jobum Commentarius.	431	publici Germ. origines.	82
De Jodoci Imp. electione varia.	210	Nat. principium, amor Dei.	335
Jofredi (Petri) Nicæa recusa.	203	nucleus novus.	424
dictio improbata.	203	autorum notitia.	426
De Johanna Papissa varia.	85	principium novum.	425
Johannes Theologus a Johanne Evang. non diversus.	460	studium Critic. fastiditum.	2
Johannes Frid. I El. Sax. artis militaris perumgnarus.	151	Longobardici receptio quando & quatenus facta in Camera Imp.	423
non invitus libertatem obtinuit a Cesare.	151	Jurisprudentiæ privata in Germania facies corrupta.	424
Johannis Evang. temperamentum.	460	Justelli (Chr.) Codex eccl. Afr. correctus.	219
In Johannem Evang. Comment.	460	Jutia, Saxonum patria.	87
De Johanne Evang. varia.	460	Juvenci (Jos.) scripta varia.	188
Johannis XXIII P. R. mores & acta.	13		Kam-
De Jongelini Notitia Abbatiarum Cisterciensium Diff.	518		
Jordani fontes.	173		



# INDEX RERUM

**K** Ammerstok, mons Helvetiae,  
cur Agagropolis destitutus? 312

Keill (Jo.) opera. 406.407

AKempis (Th.) de imit. Chr. Codices MS. 55

quando natus & mortuus? 415

Knechte quinam? 261

Kohlreiffii (Gottfr.) Cosmotheorum  
Biblicum promissum. 165

Krause (Jo. Gottlieb) laudatus. 476

**L** Abbe (Phil.) institutum de recu-  
dendis Canisti Lectionibus  
irritum. 530

Lactantii ed. vetusta examinata. 86

Lambacensium Abbatum Catalo-  
gus. 385

S. Lamberti vita. 208

Lanckmanni de Valckenstein (Nic.)  
Hist. despons. & coron. Frid. II!  
Imp. 388

Landulphi Jun. Hist. Mediol. edita. 435

Lanzoni (Jos.) de Iatrophysica  
Ferrariens. Diss. recusa. 205

Lapidum communium genesis. 108

Lapidum figuratorum dives Wür-  
tembergia. 376

Lapponum character. 249

religio. 249

magia qualis? 250

Lares in bracteolis Boringicis. 521

Lateranensis templi status praesens. 129

inscriptiones. 130 ff.

appellationes varia. 131

De Laterano Dissertatio. 518

Latinae linguae fata. 59.284

Launoji (Jo.) elogium. 91

Lauredani (Leonb.) litera ad Remp. 85

Memmingensem.

Lectionum variarum in N. T. va-  
tio. 348

Leges Romanae ceteris praestant. 283

Longob. iusto ordine editae, 437

Leges illustratae aut explicatae:

L. 12 §. 1 ff. de bon. poss. contr.

tabb. 3

13 cod. 3

29 C. ad L. Jul. de adult. 4

4 §. 3 ff. de Condict. ob

turp. 5

56 ff. Locati cond. 10

23 ff. de R. J. 468

Legum Longob. origo & autoritas.

441

editiones varia. 443

vetustium Codex. 445

Leibnitius (G.G.) notatus. 463

refutatus. 506

Leibnitii (G.G.) elogium. 169

refutatio Balii laud. 255

Leonini versus quando invalue-  
rint? 435.436

Leontii libri III contra Eutych. &  
Nest. 531

Levidensis, vocabulum vix Lati-  
num. 201

De Leunclavii Annal. Turc. judici-  
um. 90

Leydeckerus (Melch.) notatus. 344

Leyserianae stirpis stemmatogra-  
phia. 118

Ad Libanum montem iter. 172

Libri Christianorum cur in India &  
Jesuitis combusti? 124

Maronitarum cur combusti? 176

Protestantium Russis com-  
mendati. 240

sub auspiciis Typogr. editi. 429

publice suppressi. 429

Aegyptiorum cur combusti? 525

De

# INDEX RERUM.

- De Librorum raritate Diff. [428](#)  
 Liddones quinam? [301](#)  
 Lienis textura. [22](#)  
 Lightfood (Jo.) notatus. [344](#)  
 Lignorum proventus cura. [109](#)  
 De Limiers Hist. sui temporis promissa. [384](#)  
 Linguarum Orient. peritia ad Scripturam S. interpretationem necessaria. [282](#)  
 Liplius (J.) rei milit. ignarus. [186](#)  
 Liquida omnia habent motum interstinum. [450](#)  
 Liti quinam? [301](#)  
 Littara (Vinc.) de rebus Netinis. [483](#)  
 Litterarum ætas nostra aurea. [225](#)  
 forma quadrata multo antiquior oblonga. [366](#)  
 De Litteratorum infelicitate Volumina VI in Bibl. Regia Paris. exstant. [93](#)  
 Livius emendatus. [294](#)  
 Logica eclectica nova. [136](#)  
 Logice Histor. definitio, divisio. [136](#)  
 usus. [230](#)  
 natur. & artis. differentia. [230](#)  
 Londini descriptio vetus. [490](#)  
 Le Long (Jac.) examinatus. [352](#)  
 Longitudinis maris explicatio. [272](#)  
 Longobardicæ leges, vide Leges.  
 De Longolii (Chr.) latinitate iudicium. [285](#)  
 Lostelneau, plagiarius. [185](#)  
 Lotharii Imp. sigillum singulare. [209](#)  
 Lucani (M.A.) Ed. nova promissa. [239](#)  
 Editio rarissima. [429](#)  
 Lucani jurant Carolo IV Imp. jus monetæ accipiunt ab Imp. [210](#)  
 Lucii (Jo.) quadam recusa. [485](#)  
 Lucretii editio nova promissa. [190](#)  
 De Ludlovii Comm. iudicium. [401](#)  
 Ludovici Germanici anni unde numerandi? [299](#)  
 IV Imp. Chronicon. [387](#)  
 In Ludovici III diplomate annus Christi. [299](#)  
 Ludovici XII R. G. artes. [85](#)  
 Ludovicus XIV R. G. cum Constantino M. comparatus. [142](#)  
 Ludovici XIV R. G. in Condam odii causa. [53](#)  
 XV edictum contra Protestantes. [516](#)  
 Luna cur Fortuna dicta? [104](#)  
 veteribus Venus. [104](#)  
 Lunæ cultus in Oriente frequens. [104](#)  
 librationis causa. [110. 111](#)  
 Lunulæ circulares. [114. 115](#)  
 Lupi Protospathæ Chronologia. [433](#)  
 Lustrationum aqua fluviali tantum facta? [196](#)  
 Lutherus vindicatus. [59](#)  
 Lutherani traducti. [61](#)  
 Lycophronis contra Nobilit. objecta. [220](#)  
 Lydii (Balth.) scriptum contra P. Cuneum. [466](#)  
 Lyræ (Nic.) Opera MS. [54](#)  
**M** Abillonii (Jo.) liber de re diplom. unde augendus? [146](#)  
 Macanei (Dom.) Lacus Verbanus. [203](#)  
 Machiavellus, plagiarius. [185](#)  
 Machina parallaxica observationibus nocturnis inserviens. [110](#)  
 hydraulica Gallica suspendenda. [543](#)  
 Perraltiana. [544](#)  
 cochleæ Archimedis vicem subiens. [228. 229](#)  
 Cc cc Ma-



# INDEX RERUM.

Machinæ ad aquas elevandas utiles.	228. 542 fl.	libri plerique cur combusti?	176
Massejus (Scipio) refutatus.	293	eruditorum Catalogus.	175
Magi orientis quibus nominibus veniant in Vet. Testam.	105 fl.	Martigli (Al. Ferd. Conc.) opus Danubiale promissum.	298
Mahhadis in doctos liberalitas.	454	De Martialis versione Gallica Marcelli judicium.	91
Majerus (Marc.) ruditatis accusatus.	290	Martini Senatorium.	389
ejus Neapolis Numism. nuper edita.	290	Martini V. R. P. epitaphium.	129
Maji (J. H.) de lingua Punica Diss.	486	Martini (Raym.) Pugio fidei.	254
Malaterræ (Gaufr.) Hist. Sicula recusa.	436	Martis parallaxis.	272
Mali origo.	505	Marucini (Laur.) Bassanum recusum.	205
Mammaræ cancræ cura.	332	De Matrimonio clandestino Diss.	102
Manetti (Jannotti) vita.	206	Maturinus, stultorum patronus.	95
Manfredi (Mart.) Monumenta Lucæ.	206	De Maximiliani I captivitate Bruggensi narratio.	388
Mangana quid & unde dicatur?	396	Maximiliani II decretum contra G. Ederum.	517
Manzonis (Fr. Bern.) Casena Chronol.	205	MCCCCCLX, literæ, quid notent?	95
Mappæ Geogr. de expeditione Cyri.	111	Medi (Rich.) elogium.	488
Mapparum nauticarum descriptio, correctio & usus.	16	Mediani in monte Vosago monasterii Historia.	67
Marana (Jo. Paul.) autor libri Explor. Turc.	91	Medicamentum præbent Epistola obscuri viri.	286
Marchesii (Ge.) Forolivium recusum.	206	Medicamentorum collectio & conservatio.	70
Mare Indiæ olim totam Europam obtexit.	267	signa bonitatis & succedanea.	70
De Mareschallo Francia varia.	399	odoratorum præparationes.	33
Maresii (Sam.) scripta.	510	compositio sit simplex.	333
Pro B. Mariæ concept. immacul. votum Academia Colon.	60	De Medicamentorum compositione regule.	70
Maris longitudo explicata.	272	Mediolanenses Academia.	476 477
Maronitæ unde dicti?	175	Medullæ arborum usus.	501
cur Mardaitæ dicti?	175	substantia qualis?	502
e Libano deducti.	176	Megapolitani quando nexum Imperii Germ. agnoverint?	419
Maronitarum Patriarchæ Petri nomen adsciscunt.	172	Melanchthonis post fata combustio Monachis	
seder.	172		



# INDEX RERUM.

- Monachii facta, urbi fatalis.* 27  
*Mellini (Dominici) vita Marf. Ficiniana.* 84  
*Memoriae sanctae, beatæ &c. elogium etiam viventibus concessum.* 436  
*Mendacia quando Philosophis probata?* 362  
*De Menezes (Alexii) artes in Christianis Indis jugo Pontificio submittendis.* 124  
*Meni quid notet?* 104  
*Menstrua pro infusionibus ut eligenda?* 73  
*De Mercatura varia.* 80  
*Mercede magna, id est, gravi damno.* 196  
*Mercurii vivi examen pharmaceuticum.* 70  
*In Meretriciam artem professas impune admissum stuprum.* 5  
*Meridianorum variorum differentia.* 16.17  
*Mervan, Poeta, remuneratus.* 454  
*Mery (Jo.) Elogium.* 275  
*Mesenterii vasa sanguinea.* 22  
*Metallorum transmutatio an detur?* 270  
*Metropoles præter Romam num plures dentur in Italia?* 293 ff.  
*De Mevssen, familia Austr. illustrata.* 386  
*Mezeræus unde dictus?* 90  
*parvus & infelici vultu.* 90  
*De Mézeræi Hist. Gallica judicium.* 90  
*Michaelis (M. Ant.) Bergamum recusum.* 204  
*Michellini (Franc.) de fluminum directione Tr.* 21  
*De Militia veterum Diff.* 184  
*Militia veterum cum nova comparata.* 399  
*Græca ut a Romana differat?* 400  
*Militiæ Francicæ historia.* 394  
*Militum Imp. nobilium secundi gradus jura.* 260.261  
*Ministeriales quotuplicis generis?* 258 259  
*Ministerialium mbil. asserta.* 259  
*officium & jura.* 260  
*De Ministerialibus Diff.* 258  
*Miphlezeth quid?* 105  
*Mirabellæ (Vinc.) de antiquis Syracusi liber Latine versus.* 481  
*ignorantia & plagium.* 482  
*Missæ supra sepulcris Martyrum celebrata.* 158  
*Moguntia Judæos collectandi jus concessum.* 213  
*Moguntinensium privil. singulare.* 208  
*Mohammedes unde religionem constipaverit?* 106  
*Legatus Dei dictus in nummis.* 453  
*Antichristus Orient.* 163  
*De Mohammedismo ante Mohammedum Diff.* 106  
*Monachi sigillati.* 95.96  
*Monachorum Græcorum fraudes.* 244  
*Monaldeschi cedes ut patrata?* 90  
*Monasteria Gallica quid in bellum quondam contulerint?* 395  
*De Moneta in Delph. & Sabaudia præceptum Caroli IV Imp.* 210  
*Mongitoris (Ant.) S. domus Mansionis &c. Panormi monum. recusata.* 484  
*Moniales suis bonis libere olim usæ.* 298

# INDEX RERUM.

- Monckius, *Dux bellicus, notatus.* 51  
*ejusdem vita.* 401 ff.  
 De Monckio *variorum judicia.* 401  
 De Monstrolio (*Johannis*) *Epistola.* 149  
 Montanari (*Geminis*) *Mare Adriaticum &c.* 21  
 Monte *glaciales Grindeliani.* 313  
 De Montfaucon (*B.*) *novum opus promissum.* 431  
 Montjoye S. Denis, *clamor militaris, quid notet?* 398  
 Morbillorum *natura.* 330  
 Morinus (*Steph.*) *refutatus.* 345  
 Mornæus (*Phil.*) *defensus.* 28  
 Mornæi de Plessis (*Phil.*) *vita.* 27  
*de Conjugio inter diversa*  
*rel. Princ.* 28  
*de Patriarcha Cptano,*  
*num œcumenicus?* 29  
 De Mornæi *Mysterio Iniqu. censu-*  
*ra.* 140  
*libro de verit. rel. Chr.*  
*judicium.* 254  
 Moses *Ægyptiacus refutatus.* 344  
 Mosheim (*Jo. Laur.*) *de Thes. Ita-*  
*lie merita.* 292. 481. 482. 484  
 Motrajus (*Aubr.*) *notatus.* 242 243  
 Motus *ejusdem in universo quanti-*  
*tatis conservatio vindicata.* 112  
*leges demonstrata.* 231  
*muscularis acri debetur.*  
 450. 451  
*convulsi unde?* 451  
 Motui *locali destinata organa.* 500  
 Moylis *Magistri Carmen de Laudi*  
*bus Bergami recusum.* 435  
 Muciae *gentis antiquitas frustra*  
*asserta.* 435 ff.  
 Mucius (*Marius*) *fraudis convi-*  
*ctus.* 435  
 Mulier *cur velato capite Ecclesiam*  
*ingredi debeat?* 157
- Mulierum *Valetudinarium.* 177  
 Mundus. *quo anni tempore condi-*  
*tus?* 165  
*noſter num melior priori?* 458  
 Muratorii (*Lud. Ant.*) *elogium.* 204  
 Muscarum *Deus averruncus.* 165  
 Musculorum *oculi mechanismus.*  
 109  
 Musica *militaris antiqua.* 398  
 Mulicæ *vis in commovendis animis.*  
 463
- Naldii (*Naldi*) *vita Jannotii*  
*Manetti edita.* 206  
 Nannetensis *edicti Histor. autor.* 28  
 Narducci (*Th.*) *de motu aqua-*  
*rum &c.* 21  
 Natatus *piscium.* 500  
 Naudæi (*Gabr.*) *Tabularium ma-*  
*jui templi Reatini recusum.* 210  
 Navigationi *inservientia proble-*  
*mata soluta.* 16  
*theoria demonstrata.*  
 15  
 Navis *capacitas ut determinanda?*  
 110  
 Nausea (*Frid.*) *commendatus.* 213  
 Nauticarum *mapparum descriptæ,*  
*correctio & usus.* 16  
 Nautilorum *species.* 207  
 Neapolis *numismatica M. Majeri.*  
 200  
*Cas. Ant.*  
*Vergara.* 291  
 Necrologium *Sand. Hippolytense.*  
 116  
 Necrologia *varia edita.* 207 208  
 In *Necrologiis anniversaria cum*  
*diebus emortalibus non confun-*  
*denda.* 388  
 Neplachonis *Chronicon Bob.* 320

Neptu-



# INDEX RERUM.

- Neptuno posita inscriptio. [118](#)  
*monumentum positum Etti-*  
*lingæ.* [213](#)  
Nervorum *syst. præparatum.* [275](#)  
*munia.* [499](#)  
Nestorianismi *historia.* [124](#)  
Le Neve (J.) *Monum. Anglicana.* [144](#)  
De Nicastro (Jo.) *Hist. Beneventi*  
*promissa.* [127](#)  
S. Nicolai *historia illustrata.* [147](#)  
ANiem (Theod.) *fides asserta.* [14](#)  
Nimptschiorum *epitaphia.* [118](#)  
Nimrodi *origo.* [166](#)  
Nisbet (Alex.) *systema herald. Sco-*  
*tia.* [143](#)  
N. achus an Janus? [58](#)  
Noallius *notatus.* [142](#)  
Nobiles *qua ætate sigillis uti cape-*  
*runt?* [120](#)  
Nobilium in Tartaria *prærog.* [247](#)  
Nobilitatis *amittendæ modi varii.*  
[261](#)  
*Contra Nobilitatem objecta.* [220](#)  
*De Nobilitate liber Plutarchi.* [219](#)  
Nogajenses Tartari *duplices.* [247](#)  
Nomina Romanis a corporis *defe-*  
*ctibus indita.* [121](#)  
Nominis *mutatio Paulo II suspecta.*  
[60](#)  
Noodt (Gerh.) *octuagenario proxi-*  
*mus.* [1](#)  
Norici (Bern.) *Catal. Abb. Cremi-*  
*fan.* [385](#)  
Nota non idem est ac *adnotatio.* [284](#)  
Novelli (Malatesta) *numisma.* [118](#)  
Numerum in orat. *quis primus ex-*  
*coluerit?* [285](#)  
Numerorum, quorum *constantes*  
*sunt differentia primæ, secun-*  
*dæ &c. summatio.* [114](#)  
Numisma Malat. Novelli.  
Innocentii X. [130](#)  
Clementis XI. [130](#)  
Nummi *explicati.* [119](#)  
Nummi *Heliopolis.* [174](#)  
*Neapolitani.* [290.291](#)  
*memorabilis descr.* [398](#)  
*Arabici illustr.* [452.455](#) II.  
Nuptiarum *definitio.* [7.8](#)  
Nuptii (Ferd.) *Card. vita & elog.* [64](#)  
*Diff. de cultura agri Rom. com-*  
*mode suscipienda.* [67](#)  
Nutritioni *dicata organa.* [499](#)  
Nux Beneventana. [127](#)  
*putredine absumpta vegetat &*  
*fructus edit.* [501](#)  
Observatorii *Regio-Parisi.* [5](#)  
*Grenovic. differentia meridi-*  
*anorum.* [16](#)  
Obstetricandi *ars explicata.* [177](#)  
*artis utilitas & ne-*  
*cessitas.* [179.180](#)  
Obstetricum *requisita.* [180](#)  
Oculi *tunicæ corneæ porositas.* [109](#)  
De Oculi *Iræ observationes.* [109](#)  
Oculorum *defectus ex imaginatio-*  
*ne matris.* [109](#)  
*musculorum mechan.* [109](#)  
De Oculorum *suffusione observ.* [269](#)  
Odoratorum *medicam. præparati-*  
*nes.* [73](#)  
Oeconomix *animalis idea gene-*  
*ralis.* [269](#)  
Oedematosorum *pedum cura.* [382](#)  
Officiales *simplic. dicti quinam?* [259](#)  
Olearius (Gottfr.) *vindicat.* [573.539](#)  
Olearii (Gottfr.) *in conferendis sa-*  
*cris & profanis autor. studium.* [536](#)  
Oleum *essentiale plantarum in vesti-*  
*culis concluditur.* [109](#)  
Oliva (Jo.) *laudatus.* [221](#)  
Ontologiæ *argumentum.* [230.231](#)  
Oratoria *ars quid sit I/ocrati?* [281](#)  
*Hebræorum quando cape-*  
*runt in Ægypto?* [343](#)  
L' Orefice (Cal.) *nummi Maced. ex-*  
*plicati.* [119](#)  
C c c c 3                      Organa



# INDEX RERUM.

Organa sensoria.	500	tum.	108
Orgia in sarcophago expressa.	64	Partus terminus quis?	173
Origenes notatus.	166	Parvi (Jo.) doctrina Parisiis da-	
Orontis fl. fontes & cursus.	174	minata.	44
S. Orosius de sex cogitat. Sanct.	531	Paruta (Ph.) Sicilia numism. recusa.	287
Ossium carnificatio.	268. 269		ex ed M.
S. Otilia ubi baptizata?	68	Mayeri cur tam caro vendita?	290
Otto M. Imp. an in Fioniam vene-	152	De Pascasio judicium.	234
rit?		De Paschali Literis propinc. judi-	
an primus Episcopis jura		cium.	141
secularia concesserit?	152	Paschatis die Domin. celebratio.	153
Otto II Imp. quo die mortuus?	300	Pathologia nova.	171
De Ottone Frisingensi varia.	393	Patinae vitreae portande offi i-w	158
Ovidius notatus.	94	S. Patrum loca caute a. l. lucenda.	160
<b>P</b> ace (Marii) Antiquitates Cal-		S. Paulus dictus Mons. Saint Paul	12
tagironis Latine versa.	483	S. Pauli caput ubi asservetur?	133
Pacis instrumentum inter Cantones		Pauli V P.R. epitaphium.	134
Tigur. & Bern. atque S. Galli		cum Venetis lites.	139
Abbatem.	314	Pax Passav. consilio Augusti El. Sax.	
Packii (Ott.) Epistola ad Lutherum		promota.	152
de fadere commentitio.	213	inter Cantones Tigur. & Bern.	
Pagani cur dicti athei & idolol.	344	atque Abbatem S. Galli.	314
Palatini Principes cur ad Refor-		Peccatum Adami num felix?	287
matos accesserint?	50	De Peccato originis praedictum	
Palatinorum Sociorum Symb.	476	ut ortum?	504
Palermi (Polyc.) de patria C. Plinii		Peculium quis habeat?	303
Sec. liber recusur.	205	Pelissonius, deformis.	91
Palmæ (Lelii) Comm. de Imp. Rom.		Penates in bracteolis Boringiis.	321
& Germ. conjunctione promiss.	144	Pendulum tempus verum indicans.	274
Pamphilæ (Theresia) eruditio.	477	Penis monstrosus.	274
Papæ infallibilitas impugn.	161. 310	Peregrini (Camilli) Nota in Chro-	
defensa.	308 fl.	nologos Vet.	433
primatus impugnatus.	161	Diff. de Ducatu Benev.	434
autoritas a S. Cypriano & S.		Series Abb. Casinens.	434
August. in discrimen vocata.	310	Perelli (Mariani) Antiq. Sicili.	403
Papatus historia.	160	Pereyra (Jf.) notatus.	110
De Pseudo-Paracletis Diff.	457	Perpetuum mobile sophisticum.	543
Paradisi locus.	173	Peronii artes in fallendo Mornæo.	28
Parallactica machina observationi-		Perseæ probibent nupt. incestas	80
onibus diurnis inserviens.	110	Petre-	
Paræ icuncula.	118		
Parhelii tres.	268		
Parheliorum observat. genuina.	108		
systema Hugen. proba-			



# INDEX RERUM.

<b>Petrefacta in Gallia inventa.</b>	<b>107</b>	<b>Pipinus quando regnare cœperit?</b>	<b>297</b>
<b>S. Petrus quando postremum Pascha celebraverit?</b>	<b>156</b>	dictus Imperator.	<b>297</b>
<b>S. Petri caput ubi asservetur?</b>	<b>133</b>	<b>Pirrus (Rocchus) refutatus.</b>	<b>434</b>
& Pauli transl. prima.	<b>158</b>	defensus.	<b>485</b>
prærogativa.	<b>309</b>	<b>Piscium natatus.</b>	<b>500</b>
<b>De Petri Apostoli secretis liber, ubi exstet?</b>	<b>244</b>	<b>Plantationis inversæ ratio.</b>	<b>501</b>
<b>S. Petro quando Primatus traditus a Chr. j. o?</b>	<b>156</b>	<b>Plantarum nova species.</b>	<b>110. 270</b>
<b>Contra P'alburgeros edita.</b>	<b>301</b>	fines.	<b>500</b>
<b>Phalanx quid apud Græcos?</b>	<b>400</b>	partium usus.	<b>500. 501</b>
<b>Pharmaceuticæ Prælectiones.</b>	<b>69</b>	trachæa.	<b>501</b>
<b>Pharmacum quid sensu gramm.</b>	<b>362</b>	<b>In Plantis fibrillarum cavitas.</b>	<b>500</b>
<b>Philippi Augusti R. Germ. Chartarium notabile.</b>	<b>146</b>	<b>Plasticæ naturæ explicatæ.</b>	<b>170</b>
<b>Philosophia scholastica quos habet defectus?</b>	<b>276</b>	<b>C. Plinius Secundus notatus.</b>	<b>174</b>
adolescentibus dissuadenda.	<b>281</b>	<b>De Plœnnies (Joach. Ge.) refut.</b>	<b>258</b>
Wolfiana commendata.	<b>230</b>	<b>Plutarchi lib. pro Nobilit. nunc demum vulgatus.</b>	<b>219</b>
ut differat ab alia?	<b>234</b>	num genuinus?	<b>219</b>
hermetica rejecta.	<b>270</b>	character.	<b>219. 220</b>
<b>Philosophorum sectæ pleræque ex Italia prodire.</b>	<b>61</b>	<b>Pluto, Dominus mortis.</b>	<b>105</b>
vitæ.	<b>169</b>	<b>Pœtæ Borussæ.</b>	<b>382</b>
fortuna.	<b>221</b>	<b>Ad Pœtarum lectionem utilis Hist. Philosophica.</b>	<b>281</b>
<b>Philosophiæ definitio.</b>	<b>136</b>	<b>Poggii Flor. librorum historia.</b>	<b>221</b>
divisio.	<b>136</b>	Epistola.	<b>222</b>
historia nova.	<b>169</b>	contra avaritiam Dialogus	
commendata.	<b>281</b>	cur non editus?	<b>222</b>
ad Pœtarum lectionem utilis.	<b>281</b>	India recognita, liber IV	
experimentalis argumenta.	<b>232 ff.</b>	Historiæ de variet. fort.	<b>221</b>
<b>Physicæ argumentum.</b>	<b>233</b>	<b>Polizza quid?</b>	<b>80</b>
<b>Picardi Tr. de libellatione.</b>	<b>21</b>	<b>Polus (Matth.) continuatus.</b>	<b>350</b>
<b>Picinelli Lumina reflexa laud.</b>	<b>350</b>	<b>Polybius Julio Cæs. prælatus.</b>	<b>185</b>
<b>Pilatus veritatis Evang. testis.</b>	<b>458</b>	<b>Polybii versio nova Gallica.</b>	<b>186</b>
<b>Pingonii (Philib.) Ang. Taurin.</b>	<b>202</b>	<b>In Polybium Dissertatio.</b>	<b>184</b>
		Comment. promissus.	<b>185. 186</b>
		<b>Pontificatus quantum profuerit Imperatoribus?</b>	<b>410</b>
		dignitas mœre politica.	<b>411</b>
		<b>Pontificis Rom. titulus ridiculus.</b>	<b>95</b>
		summi potestas qualis?	<b>409</b>
		restricta.	<b>410</b>
		<b>Pon-</b>	

# INDEX RERUM.

Pontificum variorum Epist.	149.153	cum Pontificiis lites.	159
Rom. Catalog.	154	libri Russis commen-	
origo.	409	dati.	240
Pontificii via autoritatis, quam		In Proverbia Salom. Comment.	434
examinis magis assueti.	255	Psalmi XCII quis autor?	349
Pontificiorum cum Protestantibus		in Psalmos Commentarius.	431
Controversia.	159	Psychologiz empirica & rationalis	231.232
Porchettus Salvaticus, plagiarius.	354	argumentum.	231.232
Portatilis Episcopus quis?	392	Ptolemæi canon suspectus.	126
Præceptor quales preces ad B. Ma-		Pueri iidem ac servi.	321
riam dirigere debeat?	189	quibus classibus divisi?	321
Præjudicia in Theol. ut orta?	503 ff.	Pufendorffii (Sam.) Introd. ad Hist.	242
Præputii tumor singularis.	496	univ. Russice versa.	242
substantia lanuginosa	496	In Pulmonibus aer num cogat an	
Prætori (Dan.) Chron. Waldecc.	218	solvat sanguinem?	291
Præteolus notatus.	244	Purgatorium examen.	70
Precopiæ domus quales?	246	Püttrich (Jacobi) carmen, det Ebre-	
dominus & reditus.	247	Brief.	117
Priapus a Slavis cultus.	146	Pyxidis nautica inventio Italica	61
Primatus Papæ impugnatus.	161	vindicata.	61
Principes an dici possint Episc.	490	Quesnellius refutatus.	41
Principia chymica quanam?	70	Quesnelliana controversia.	141
Pripegala Slavis fuit Priapus.	146	Quilletus (Claud.) fuit Medicus.	90
Priscianus Grammat. notatus.	280	Rabani parentes quinam?	298
(Peregrinus) laudat.	443	Rabbanimi quinam?	335
De Probabilitate tractatio.	170	Racanus, primus poeta Lyricus Gal-	
Probationis per facta natura.	256	licus, Latina lingue ignarus.	92
S. Procopii Martyrium.	440	Radicis in planta usus.	501
Progressionum arithmeticarum		Radicularum ex ramis radicum	
doctrina insigniter promota.	270	eruptio.	502
Projectionum stereographicarum		Radulphi Cadom. gesta Tancredi.	434
in solvendis problematis primi			
mobilis usus.	17	Raggi (Laur.) stultitia & ignoran-	96
Propertii monumentum illustr.	363	tia.	96
elegium.	363 368	Ragusæ (Hier.) Elogia Sæcula.	435
patria.	364.371	Rapersvillensis urbis forma.	314
fata iniqua.	370	De Raritate librorum Diff.	428
Prosperi Aquit. (Tironis) Chronica.	531.533	Reflexio corporum in planum in-	
Protestantes num doctrinas suas		motum impingentium.	273
acceperint ab Indis?	123	luminis unde fiat?	273
Protestantium persecutiones quinq;		Refractionis effectus.	277
	52	Regionarius Episcopus quis?	392
		Regi-	



# INDEX RERUM

Registrum honoris de Richmond. <i>liber curiosus.</i>	144	na.	218
Reinesius (Thomas) notatus.	518	Russorum Monarcha munificentia in scientias.	498
Religio quid Nonio?	5	Sabellicus (M.A.) imitator Livit.	286
<i>Rom. multiplicationi gene- ris humani obest.</i>	95	Sabini (Georgii) vita.	29
<i>Christiana e factis proba- ta.</i>	251	Sacerdos cur quisque Christianus audiat?	413
Religione obstringere &c. quid?	196	Sacerdotis functio Regi incongrua.	413
De Religione Rom. iudicium.	95	Sachsen-Lauenburgischer Anfall, <i>libri, autor quis?</i>	152
Religionum scrutinium.	512	Sack quid Anglis notet?	87
Reticulata femina figura quid no- tet?	522	Sagarum volatus assertus.	127
Reyna (Placidi) Messana recusa.	292	Salia plantarum essentialia ubi la- teant & quando extrahantur?	109
Rhedæ perfectio.	112	Cum Sale cur mixta aqua aspersio- nis?	158
Rheni origo & descriptio.	313	Salianus (Jac.) notatus.	343
Rhodani fl. scaturigines.	313	Salis Ammon. examen pharmac.	70
Richerii (Edm.) mortis causa.	140	Salisburgense Chronicon.	387
<i>liber de potest. eccl. sub censuram vocatus.</i>	140	Salivalium ductum sublinguali- um inventor quis?	326
Richey (Mich.) laudatus.	476	Salium alcali volatilium volatili- tas quando minuatur?	109
Romæ regionum descriptio.	155	Salomonis R. operum rudera.	174
Romæ urbis & Imperii occasus deploratus.	221	Saltatio Gall. & Hung. in veteri bracteola.	523
Rosæ aurea Pontificum origo.	14	Saltzungæ donatio.	299
Roscii (Jul.) narratio de instau- rando monte Augusti.	66	De Sancta Fide (Hier.) laudatus.	254
<i>Epigramm. in Xystum V.</i>	66	Sanguini in pulmonibus admisce- tur aer.	450
De Rosenthalii (Henr.) Epitome Ju- ris Feudalis iudicium.	418	Sanguinis menstrui ob sætum tuba- rium defectus.	269
Rota Bremensis.	228	<i>circulatio P. Sarpio vin- dicata.</i>	61
Rotæ aquam elevantes.	543	<i>color rutilus unde?</i>	264
Lotharii R. Long. legis exord.	444	<i>arteriosi &amp; venosi diffe- rentia.</i>	266
Rudigeri (Andr.) vita.	508	<i>conditiones.</i>	450
<i>Phys. divina commend.</i>	170	<i>quantitas &amp; velocitas qua?</i>	450
Rudolphus Habsburgum sponte ab- stinuerit a titulo Imperatoris?	9	Sapientia stylo Eccl. quid?	356
Ruperti Pal. nobilitas asserta.	213	D d d d	Sara-
Rupertus Tuitiens. quando mortu- us?	55		
Ruricii Epistola.	531		
Rusdorffii (Joach.) Epistola arca-			

# INDEX RERUM.

Sarayna (Torrelli) Verona recusa. 204.205  
 Sarcocoele rara. 492  
     *ex erysipelate.* 495-496  
 Sarcophagi duo illustrati. 63  
 Sardapapalus a Jona conversus 166  
 Sarpius (P.) autor circulationis  
      *sanguinis.* 61  
 Satellitum Jovis eclipses. 78  
 Savanarolæ (Hier.) fata. 60  
 Saxe, vox, quid prisca Germanis? 87  
 Saxoniz historia nova. 150  
     *Electus atus Rudolpho colla-*  
     *tus.* 209  
 In Saxonia cur major hominum co-  
     pia quam in tota Germania? 95  
 Saxonie rerum script. promissi. 335  
 Saxonum patria. 87  
     *nomen unde?* 87.88  
     *quis primus meminerit?* 151  
 De Saxonum origine Diff. 86  
 Saxonii (Jo.) Nota in Cicer. 196  
 Scaligeri (J.C.) epistola due. 86  
     (J.J.) de vetust. gentis  
     *Scalig. Epistola recusa.* 205  
 Scalptores qua fraude in servandis  
     nominibus suis usi? 338  
 Scapa quid? 398  
 Scarronii epitaphium. 93  
 Sceptorum Regum Gallie forma  
     antiqua. 55  
 De Schefferi Lapponia judicium. 249  
 Schelhornius (Jo. Ge.) laudatus. 83  
 A Schelstraten (Em.) diff. de antiquis  
     Rom. Pontificum Catalogis. 154  
 Scholæ sacre Hebr. & Gr. descri-  
     pta. 341  
 Scientiæ ab Italis ad alias nationes  
     propagata. 59  
 Scioppius (Casp.) castigatus. 280  
 Scirrhi scroti, penis, crurum & pe-

dum. 492  
 Scirrhi cura. 332  
 Scopuli e terra motu orti. 109  
 In Scotiam reducti Episcopi, Regni  
     perniciēs. 51  
 Scotorum privilegia perierunt. 51  
 Scriptura S. est Θεοπνευστος. 506  
     *an e profanis scriptoribus*  
     *illustranda?* 599  
 Scripturæ veteris e singulis Saculi  
     specimina. 107  
 Scripturæ S. loca explicata:  
     *Genes. XV. 18.* 103  
     XXX, 11. 105  
     XLIX, 8. 257  
     Exod. XII, 37, 40, 41. 166  
     XXXII. 103  
     Levit. II. 13. 153  
     Deut. XXII, 5. 106  
     Jes. XIII, 3. 103  
     LXV, 11. 104  
     1 Reg. I. 105  
     VI, 1. 164.167  
     2 Reg. V. 17  
     Jes. LXVI, 17. 10  
     Jer. XLIX, 7. 54  
     Dan. IX. 24. 167.3  
     XII, 10. 12  
     Matth. III, 11. 3  
     IV, 5. ?  
     V, 17, 19. ?  
     VI, 11. ?  
     IX, 6. ?  
     XII, 20. ?  
     XIII, 11. 55  
     - 15. 52.  
     XVI, 18. ?  
     XVI, 28. ?  
     XVIII, 6. ?  
     XX, 23. ?  
     XXIV, 13. ?



# INDEX RERUM.

<i>Matth. XXVI, 24.</i>	304	Sepultura <i>Martyrum.</i>	158
<i>Marc. III, 21.</i>	304	Serapionis <i>liber contra Manichaeos.</i>	531
VI, 5.	305	Series <i>infinitæ ad usum trigonometricum translatae.</i>	15
XI, 13.	305	Sermonis <i>vis in concitandis animis.</i>	463
XII, 4.	306	Servi <i>discipuli.</i>	301
<i>Luc. II, 14.</i>	306	Sexti <i>nomen ut exprimatur in monumento?</i>	368
19.	306	Shakespear <i>Catullo comparatus.</i>	122
<i>Job. I, 3.</i>	307	De Sibyllinis <i>oraculis doctrina Christiana demonstrata.</i>	253
18.	307	Sibyllistarum <i>et Patribus quinam?</i>	253
III, 11.	536	Siderum <i>influxus manifestus defensus.</i>	408
IX, 23.	307	Sidney (Phil.) <i>elogium.</i>	122
XVII, 3.	307	Sigillum <i>Abbat. an exstet ante sec. XII?</i>	300
XX, 19.	162	Sigillis <i>qua ætate uti cœperint Nobiles?</i>	120
<i>Actor. II, 23.</i>	458	Sigismundus <i>Imp. Diaconi habitu Papæ servavit.</i>	413
XII, 25.	227	Siles. <i>rerum scriptores promissi.</i>	335
XIII, 34.	458	Silicis <i>genesis.</i>	108
XXVI, 24.	227	Simonis <i>Magi volatus an verus?</i>	252
<i>Philipp. IV, 12.</i>	539	Sipho <i>Württembergicus.</i>	228
<i>2 Thessal. II.</i>	163	Situlæ <i>aquis elevandis destinatae.</i>	543
<i>1 Petr. II, 19.</i>	411	Sixtus II <i>R. P. cujus fuerit?</i>	354
<i>Apoc. I.</i>	163	Sixti II <i>historia evoluta.</i>	354-359 ff.
XVII, 13-16.	160	<i>sentent. editio Hillesemiana.</i>	519
Scuderius <i>cur carceri mandatus?</i>	93	Sixto II. <i>vindicatum Enchirid.</i>	353
<i>Super Scutum sublimandi Reges mos in Germania.</i>	208	E Sixti IV <i>P. R. Registro excerpta.</i>	149
Secundi, tertii &c. <i>appellatione quando distingui cœperint Pontif. &amp; Imp.</i>	435	Sleidani (Jo.) <i>elogium.</i>	286
Seligenstedt <i>non est urbs Imperii.</i>	213	De Slitese (Sim.) <i>epitaphium.</i>	300
In <i>Semine plantarum cuticulæ usus.</i>	502	Smith. (Th.) <i>Platoni comparatus.</i>	122
De <i>Seneca judicium.</i>	95	Sobernheim, <i>villæ, jus civit. datum.</i>	213
Senectutis <i>terminus quis? præsidia.</i>	24	Sociniani, <i>rabula exegetici.</i>	504
Senescallus <i>Franciae quis?</i>	397	Socinianos <i>qui refutaverint?</i>	255
De <i>Senili ætate liber.</i>	23		So-
Septuaginta <i>viralis versio ab invidis Judæis suscepta.</i>	165		
<i>versionis benefici-um.</i>	165		
Sepulcra <i>an Christianis culta?</i>	538		
De <i>Sepulcro Christi Diff.</i>	458		

# INDEX RERUM.

Socratis genius quid?	535-537	Etum tulerit proditiōis?	151 ff.
Sol absque radiis instar lune visus.	108	Ex Studiorum intemperantia mor-	277
Soldat, vox, unde orta?	397	bus.	
Solares tabulae novae.	17	Stultorum patronus quis?	95
Solarium tabularum Cassini cum		Sturmīus (L. Chr.) laudatus.	278
caelo consensus.	272	notatus.	543
Solearum genesis.	269	De Stylo Rom. Dissertatio.	286
Solis motus elementa.	17	De Styra (Wolfg.) Itinerarium.	387
obscuratio extraordinaria.	108	Succini examen pharmaceut.	70
parallaxis horizontalis.	272	historia.	374
Solium trium phanom. singulare.	268	depuratio.	375
Sorores ducere in matrimonium		Succus nutritius in plantis ubi	
Atheniensibus permissum.	283	præparetur?	501
Sors æconomi in modo Pharaon per		Suctoris & pressoris rotatilis va-	
calculum determinata.	114	ria species.	229
Sparke (Jof.) notatus.	490	Suavis (Petri) Hist. nova promissa.	29
Spencerus Lucano comparatus.	122	Subdiaconi officium singulare.	158
Sphaceli causa.	332-333	Substantiæ definitio.	170
cura.	333	Succi lapidifici notio distincta.	108
Spingeri (Balth.) iter maritimum.	56	nutritii in plantis distribu-	
Squadroni (Al.) Reg. Lepidum.	204	tio.	501
Stabulenses Abbates suere simul E-		Succiæ Hist. pragm. seu Jus Publ.	
piscopi.	148	promissum.	287
A Stade (Theodorici) vita.	511 ff.	De Superstitione tractatio.	170
Stadii quantitas.	111	De Surry, Comes, Virgilio compa-	
Stamsense Chronicon.	387	ratus.	122
De Steinbergia arce singularia.	216	De Sevapham (Rob.) Hist. Burgen-	
Stella marina in lapide fissili.	337	sis.	489
Stephanidis (W.) vita S. Thome		Sylvii (Æn.) amores Euriali & Lu-	
Cantuar.	490	cretiæ quorsum spectent?	217
Still-Gerichte quid?	211	De Synagoga Dissertatio.	342 ff.
Stipulæ obiectio quibus olim in usu?	298	Synodici Magni Beveregii Colle-	
Stockii (Chr.) vita.	508	ctio.	218
Stollus (Gottlieb) laudatus.	509	In Syriam iter.	172 ff.
ejus promissa.	509	<b>T</b> Abernaculi Fæderis imago.	343
Stratemannii (Wilb.) Theatrum		Tacitus illustratus.	227
hist. Russiæ versum.	240	Tactica Græca perfectior Rom.	186
Strauchius, rusticus, quem fru-		De Tamerlane singularia.	221
ua.		Tancredi familia illustrata.	434
		Tartari Nogajenses, duplices.	247
		Tartarorum nobilium prærogati-	247
		ua.	
		Tarta-	



# INDEX RERUM.

Tartarorum <i>Nogajens. hospitalitas.</i>	247	Titius (G. G.) <i>notatus.</i>	82		
De Tartaribus <i>singularia.</i>	246 ll.	Tœkelius <i>ad Pontificios non accessit.</i>	244		
Tartaricæ <i>linguæ cum Germanica affinitas unde?</i>	247	Toggicus <i>Comitatus descriptus.</i>	314		
Tendinis <i>ruptura.</i>	269	Tollenonum <i>utilitas &amp; varia applicatio.</i>	229		
Tentorium <i>legis diversum a Tabernaculo Fæderis.</i>	343		ad antlias <i>agitandas applicatio.</i>	543	
Terræ <i>motus causa.</i>	109	Tonsura <i>clericorum.</i>	158		
Ex Terræ <i>motu nova insula.</i>	268	Torneamenta <i>explicata.</i>	397		
Terraquæ <i>globi historia deperdita unde restituenda?</i>	107	Tracheæ <i>in ligno observatæ.</i>	501		
Territoria <i>Imperii secundaria.</i>	540	Traiani (M. Ulpii) <i>arcus Beneventani descriptio.</i>	126		
Testamenti <i>V. &amp; N. editio nova.</i>	381		patria <i>quanam?</i>	128	
Testiculi <i>tophus.</i>	494		statue.	128	
Testimonium <i>in propria causa admiss.</i>	299	Pro Traiani <i>salute num Gregorius M. intercesserit apud Deum?</i>	128		
Theodosii <i>Monachi Epistola de Expugnatione Syracus.</i>	439	Trajectoriæ <i>reciproca inter omnes Algebraicas possibiles simplicissime demonstratio.</i>	378		
Theologi <i>non nisi pii sunt.</i>	281 ll.	Transubstantiatio <i>invalide impugnata.</i>	161		
Theologia <i>Patrum melior Scholastica.</i>	346		Treviriæ (Genevæ) <i>eruditio.</i>	477	
	ubi <i>in artis formam redacta?</i>		Trigonometria <i>novis inventis illustrata.</i>	15	
	quando <i>doceri ceperit in Anglia, Gallia &amp; Fulda?</i>		Trigonometriæ <i>sphærica problemata stereographice soluta.</i>	17	
Theologiæ <i>institutio unde incipienda?</i>	347		Trithemius (Jo.) <i>num magus?</i>	518	
	thetica <i>fundamenta.</i>		Trugi (Stazii) <i>de Ameno liber.</i>	204	
	naturalis <i>argumentum.</i>		Turcici <i>historici in R. Bibl. Paris.</i>	90	
Theologica <i>Bibliotheca nova.</i>	515		De Turri <i>Babylonica singularia.</i>	166	
Theophili <i>Edeffeni ætas, scr. inventum.</i>	454		Turundarum <i>usus taxatus.</i>	333	
Thermæ <i>unde calorem contrabant?</i>	314		Tylich (Jo.) <i>Chron. Misnense.</i>	208	
Thermarum <i>fabariarum in Helvetia usus.</i>	313		Typho <i>quis apud Aegyptios?</i>	103	
Theurgia <i>Platonica refutata.</i>	253			qua <i>forma cultus?</i>	103
S. Thomæ <i>elogium enorme.</i>	59		Typographicæ <i>artis inventio.</i>	55	
	in <i>Christ. relig. merita.</i>			specimen <i>vetustissimum.</i>	84
	<i>Cantuariensis vita.</i>				84
Thomæ <i>Christ. elogium.</i>	169		Tyriorum <i>Epistola in lapide.</i>		155
Thomæ <i>Godofr. Apologia filiarum El. Ebingeri.</i>	32		V Agnillæ <i>historia naturalis.</i>		270
De Thuani <i>historia iudicium.</i>	140		Valetæ (Jo.) <i>Epist. de bello Mediol.</i>		486
Thuillerius, <i>novus Polybii interpres.</i>	186		Valletus, <i>diminutivum Vasalli.</i>		397
Thumermuth (Wernb.) <i>notatus.</i>	208		Valguarnerii (Marie) <i>Antiqu. Panormitane Latina verse.</i>		484
Thümmigius (Lud. Phil.) <i>quod studium in Philos. Wolfiana posuerit?</i>	233			de eo <i>iudicium.</i>	484
	cur <i>Instit. Philos. Wolfiana ediderit?</i>				135
	in <i>conjectando felix.</i>				280
De van Thynen (Theodori) <i>Chronologia S. iudicium.</i>	164		Vallisnerius (Ant.) <i>Moderator Academia Phys. exper.</i>		477
Ticini <i>fl. scaturigines.</i>	313		Valvulæ <i>Eustachii inventor.</i>		276
Tincturæ <i>ex medicamentis odoratis ut paranda?</i>	73		Varicum <i>causa &amp; cura.</i>		332
Tirnstainiorum <i>insignia.</i>	118		Varillasius <i>stylo emendando viginti annos impendit.</i>		93
Titi <i>Bostrenf. contra Manichæos libri.</i>	531		Varignonii (Petri) <i>elogium.</i>		276
			Var-		



# INDEX RERUM.

Variolarum cura.	330	Annal. Austria.	27
inoculatio ut fiat?	330	Vita Fryder. III Imp.	27
Varro, literarum parens dictus.	280	Vocis humane usus in valetudine serv.	463
Ubietatis divisio rejecta.	170	natura & formatio.	462
Vestis ad antlias agitandas applicatio.	543	Ex Voce demonstratio Dei.	462 fl.
Vegetatio plantarum ut fiat?	501	De Voce varia.	462 fl.
Vegetationes artificiales.	269.270	Vollæi (Tb.) Epistola.	150
Vegetius laudatus.	185	Vomitus stato tempore rediens.	269
Venæ Portæ ramorum constitutio.	22	Vossius (G. J.) notatus.	436.437
& Cavæ diversitas.	22	Vox, genius Socratis, qualis?	531
Venæsectionis legitima administratio.	331	Urbani VI P. R. electio.	11
Venti vis in antliis.	544	Uria fl. scaturigo.	33
Venus eadem cum Luna.	104	Urlini (Fulvii) epitaphium.	134
a Luna eclipsata.	110	In Vulcanii (Bonav.) obitum Or.	408
Veneris parallaxis.	272	Vulturense Chronicon.	441
a terra occultatio.	272	cœnobium illustre.	441
Vergaræ (C. A.) Neapolis numism.	291	Uxores olim cœlibatus studio dimisse.	361
Veritates duplices, geometricæ & phys.	255	Uxorum communio quibus permissa?	287
quenam adversentur Theol.	255	Wagenseilii (Christ.) de Joana Pe-	
Verona num a Cenomanis infessa?	294	pissa Diff.	86
Vestium utriusque sexus mutatio num in		Waldeccense Chronicon.	118
S. Scriptura prohibita?	106	Wallæ Principis nativitas num. genuina?	53.54
Vicarius Italie & Romæ quibus præsit?	295	Waltheri (Mich.) Harmonia Biblica	22
De S. Victore (Hug.) epitaphium.	55	etior promissa.	152
De Vignola (Barozzius) laudatus.	278	Wappenknecht quinam?	161
Vignolius notatus.	164	Whigg, vox Anglica, unde?	50
Vindemiale festum in sarcophago expref-		Whittonus notatus.	164
sum.	63	B. Wilbirgis vita.	136
Intra Vineas quid notes J. Casari?	186	Wilhelmus III R. A. cur Anglis minus ac-	
Vini usus Medicus & Chirurg.	331	ceptus?	54
A Vino abstinentiam cur Moabanum edes		cur venationi deditus?	54
præceperis?	107	Wilhelmi III R. A. amores clandestini.	54
Viridunens. Episc. series chronol.	208	Wimpinæ (Jo.) de vita Alberti Animosi	
Virgilii Eclogæ X illustrata.	225	Carmen.	151
Virium mensura Leionitiana oppugnata &		Wimpinense Chronicon.	208
vindicata.	111	De Wit, autor globulorum concatenato-	
ratio in motu equabili.	112	rum.	5
centralium theorema generale	407	De Witkindi familia judicium.	17
Vitæ conservande destinata organa.	499	Wolffi (Chr.) adversarii quo fundamentum	
Vitulus aureus Israelitarum an ad Apidis		utantur?	233
formam effectus?	103	ut eum oppugnarent?	234
fuit figura Typhonis.	103	Wolfiana scripta qua attentione legenda?	234.235
monstruosus.	269	recusa.	502
De Vives (Ludovico) judicium.	254	Württembergense Chronicon.	207
Viviani (Vinc.) modus impediendi Fluvio-		Xenophontis Cyropædia non fabulosa.	94
rum oppletiones &c.	21	Zabzonum idololatria qua lege prohibita?	106
Uladimerus, Russia Apostolus.	413	Zenus (Apost.) laudatus.	203.204.206
Ultrajectinæ Eccl. Historia.	41		
Unio naturalis in systemate harm. præstab.			
idea non caret.	232		
Unesti (Jac.) Chron. Carinthiac.	217		

